

BIBLIOTECA NAZ.
Vittorio Emanuele III


XXX


B

6

NAPOLI









Compactori Monitum.

Posset alicui major hujus libelli videri moles, quàm quæ manibus commodè geri queat: Qui idèò illum duobus voluminibus cuperet divisum; Huic ut inserviret Typographus pagellam hanc titularem addidit, cò casû Centuriæ XL vel XIII. præponendam.

Bericht an den Buchbinder.

Dafern dieses Buch in zwey Bänden verlanger wird/ könnte solches bey der XI. oder XIII. Centuria abgethelet/ und der Titul Pars Secunda vorgesetzt werden.

xxx B 6

2

SYLLOGES
MEMORABILIVM MEDICINÆ

ET
MIRABILIVM NATURÆ
ARCANORVM
CENTVRIÆ XX.

Studio & Labore

JOANNIS RUDOLPHI CAMERARII; Phil. & Medic. Doctoris,
in Imperiali Reitsinga Medici
Ordinarii.

Editio altera, emendata,
& quatuor Centuriis postu-
mis aucta.

Joann. Audoën. l. 3. Epigramm. 75.

In Antiquarios & Novatores.

Stulta hæc invidia est, cui cuncta recentia sordent;
Invida stultitia est, cui nova sola placent.

TUBINGÆ,

Sumptibus

JOH. GEORG. COTTÆ, Bibliopol.
Typis MARTINI ROMMELII

ANNO M DC LXXXIII.



Jul. Cæsar Scaliger, Exoter. Exercit.
de subtilit. 160. sect. 3.

*Suam cuiq³ laudem, laborum præ-
mium & relinquimus libenter & con-
cedimus cumulatè, & deferimus libe-
raliter. Non ut quidam ignavi & in-
grati facere audent, ut alienis labori-
bus titulos imponant suos. Tùm gra-
tiam, quam debent dissimulant super-
ciliosi, aut ejus abolent memoriam ma-
leficiis, nè sui nominis authoribus quip-
piam debuisse videantur. Isti homi-
nes conscientiam pro accusatore, pro ju-
dice habituri sunt posteritatem.*



LECTORI AMICO

SALVTEM,

I. P. A. W. M.



Editor benevole & amice, paul-
xillum te in frontispicio ut re-
morer, æquâ mente patere. Qui
Medicum, Naturæ spectato-
rem, ministrum & aliquando pri-
marius Opificem, primus dixit,

haud ineptè certè dixit. Spectator sanè & spe-
culator est eorum omnium, quæ in Macroco-
smo & Microcosmo. Speculatur Astra, miratur
horum lumina, magnitudinem & altitudinē, an-
xiè observat cursus & periodos, investigat vim &
energiam. Cui fini? Hominum ut ministret
Naturæ. Futuratum quippe aëris mutationum,
quibus obnoxii sumus, prænuncius & augur, un-
de quilibet sani corporis tutelam, ægri reme-
dium hauriat, jam pridem præmohet. Ex Ma-
crocosmi & Microcosmi cœlesti planè harmoni-
â Geneses eruit & extruit. Cui usus? Homi-
num naturæ ut ministret. Hinc enim inclina-
tio in morbos, eorumque pro præsentī habitu

Ad Lectorem.

& statu exitus, cui si ex proximis causis calculus, quid facto vel omisso sit opus, evidentius habetur. Idem Lunæ morus accuratâ indagine notat. Quâ mente? Naturæ ut ministret. Etenim Lunâ silente, silet, naturam Pharmacis non fatigat: Quibus illa blandâ facie arri-det, maturè solatur; ad humorum incrementum vel decrementum prudenter phalanges medicas armat, instruit, adornat. Per aërem è coelo mente delapsus, quæ sensui magis obvia peruestigat, quid Auster, quid Boreas, quid aëris pestilens miasma moliatur, ut Naturæ ministret, studiosè inquirat, mala præcavet, impedit, avertit. Marinos Euripos, exundationes, flumina, stagna, lacus, rivulos omnes, ceu Delius quidam, pernatat, lutosam illuviem, naturæ ne obsit, Pharmacis exhaurit; è cancris, piscibus, conchiliis, & horum foetibus, Myrothecium, pro abigendis Naturæ hostibus, exornat. Nec ipsis terræ visceribus parcit, in penitissima horum sese abscondit, ut, quid inde naturæ sit ex usu, in apricum proferat. Gemmarum, auri, calchanthi, succini, & aliorum vim intus scintillantem elicit, & hisce veluti Promethei ignibus, favillas nativi caloris, vix ab attritu micantes, luculenter in omnem humani morbi stipulam inflamat. Pari ardore terræ superficiem perreptat, montium cacumina scandit, omnes mun-

Ad Lectorem.

mundi angulos excutit, & quicquid è polydædala stirpiū aut animalium varietate potest, id omne in usum naturæ humanæ, summo animi & virium conamine confert & impendit, ipsi denique Microcosmo, quid in eo perscrutando, secundum, quid præter, vel, si vis etiam, quid contra naturam, insit, quantus, quantus totus immerfus est, natus & non agyrta Medicus.

Hiscæ proinde tam arduis studiis (nec enim, ut ephemeron, unâ nocte aut die nascuntur aut creantur veri Medici) quâ contemplando, quâ praxin exercendo, veluti sacramento addicti, haud exiguum operæ precium facere mihi videntur, qui præter augusta venerandæ antiquitatis monumenta, etiam recentiorum probatæ monetæ Autorum scriptis insident, & ex his, veluti apes ex variis flosculis, non minus utilem, quàm palato exceptum extruendi mellificii succum prolestant.

Plurima veterum sunt nobis incognita, linum æβεσον, Mausolæum, Solis Colossus & sexcenta alia; nec minora numero & opere patrum nostrorum & nostra vidit ætas, Typos, Bombardas, Cylindrum Opticum, & multa talia, veteribus ne per somnium quidem notata. Idem in foro Medico est. Multa subinde in stirpibus & aliis, quæ usui Medico famulantur, notantur effectæ; plurimæ antiquis incognitæ, ex omnis generis

Ad Lectorem.

terræ nascentibus eruuntur & usu probantur vires, quæ veteres in admirationem rapiant. Hujusmodi observationum, ex assiduâ Auctorum lectione cento & fasciculus hic est; quem si exiguum habere censes ex laboris tenuitate, non fastidies fortassis Auctorum, qui exquisitâ & perpolitâ suâ hisce flosculis ornare non dubitarunt, gravitate, vel aliorum exemplo. Nam quod Mizaldo, Schenckio, & aliis in hoc genere, haud citra gratiam licuit, cur aliis minùs licitum sit, non intelligo. Nisi fortè plus licitum censeas illis, qui quod temporis nacti sunt à præcis horarum per studia segmentis, id omne in aniles fabulas, lites inutiles, quandoque item satis futiles, in aleam, chartas, choreas, scyphos & cum his scurriles diabolismos impendunt, abliguriunt, consumunt; quàm qui, ex conceptâ diurnâ nocturnâque laborum & sudorum in praxi nauseâ, operæ quippiam, velut obsonii & oblectamenti nomine, in colligendis hujusmodi, tam amoenè fragrantibus flosculis eloquant, firmant, evulgant.

Fallor? an audite videntem & dicentem?

— pueri puerilia tractant;

ajō vicissim: aut puer, aut puero similis, quisquis es, vetus illud: nihil parvum, nihil contempne; haud nosti? Tu, quem Imperatoriâ
Maje-

Majestate Imperatorum nullus hæcenus affectus est, Salomonem, quòd à Cedro ad hyssopi usque (at quàm vilis plantulæ!) naturam, divinæ sapientiæ radiis investigandam penetrârit, puerum dixeris? En! Mithridates, Ponti & Bithyniæ Rex, inter suæ compositionis, quam ex nomine celebramus efficacissimam, pretiosa & arcana, Fœniculum, Petroselinum; Rosas, quæ nobis ex vulgi familiâ sunt, haud quaquam susque deque habuit. Nec Dioscorides, Mathiolus, Tabernæmontanus, Bauhinus, & quicunque sunt in hoc genere posteriores, vel abjectissimum graminis germen calamo prætereundum sibi censuerunt. At quo fine? haud pueriliter, opinor, arbitrati omnes: multas esse plantas, quæ dum pedibus conculcantur, nî contemtui fuissent, mortem ab homine avertisse poterant. Jam, quid Homeri est Batrachomiomachia? quid Rorerodami Stultitia? quid Virgilii Culex? Entis Morosophia? Pirekaimeri Podagra? num pueritia? Scilicet! pueritia est, à puero sapientum scriptis, dictis & factis non assuesse. Atque adeo, ut nihil hîc cibi sit, animi certè condimentum est plurimum. Flore Tunicæ, Rosis, violis, qui seorsim delectatur, ex fasciculo fragrantium omnis generis flosculorum, etiam neglectim, sine aureo, vel sericeo adornamento, coactorum, nauseam

Ad Lectorem.

vix concipit. Sunt, qui non nisi Elephantès ob molem admirentur; at Plinio, vel musca majori admirationi est, cujus anatomen ne peritissimus quidem Anatomicus tentare aùsit, ut exquisita motùs, gustatùs & alia, quibus insectum hoc ingerit, digerit, egerit, instrumenta, mente saltem concipiat, taceo, ut ea oculis cernenda vel manibus palpanda subiciat. At verò nec merum hìc opus est, sine operæ precio.

Te intuere, mi Homo, & Delphicum illud, *πᾶσι πᾶν τὸν*, quà vitam, quà structuram contemplare, unico ictu oculi cernes Paulinum hoc: Invisibilia Dei, creatione mundi, per ea quæ facta sunt, intellecta conspiciuntur, sempiterna quoque ejus potentia & divinitas; ipsissimâ veritate esse verius. Id hâc in Sylloge habes. Evolve modò, perpende, scrutare. Homo es? annon ipsius Dei imago, & velut terrestris Deus es? Dei profectò plasma es, tum corporis opificio, plusquam admirando, in basi & columnis, in formâ nec pictâ, nec fictâ: tum Anima, Deo & angelis proxima, nomine, origine, viribus, & quæ huc pertinent, aliis. Homo es? Annon totus *μικροκομ* es, punctum centrale omnium inferiorum, & Idæa superiorum? fulgent in teipso Stellarum fixarum & vagarum lampades, Lunæ, Solis ignes, radii,

radii, motus, ortus, occasus, & polydædalæ impressiones. In te, velut centro, Mineralia, Metallica, Vegetabilia & Animalia sunt omnia. Habes in te uno Angelicæ, cœlestis & sublunaris naturæ harmoniam auream. Quas non dico Stellas, Planetas? quæ Elementa? quæ Meteora? quos ignes? quos ventorum turbines? quos imbres? quæ maria? quos terræmotus? & quæ non totius Physices principia? Atque hæc in te omnia. Extra te, solas intueri stirpes & Creatoris tui omnipotentiam, sapientiam, providentiam & Majestatem infinitam, in hoc solo Naturæ speculo videbis exactissimam, splendidissimam. Et erit, ut omnium dicas:

praesentemq; Deum qualibet herba refert;
aspice obsecro, illam Rosam, albam, rubram, purpuream, Damascenam, Prænestinam; illam violam, puniceam, planam, plenam, luteam, tricolorem S. S. Trinitatis indicem; illam Anemonen flore violaceo, coccineo, sanguineo, suaverubente, polyphylo coccineo, medioluteo, medio-purpurascente. Hanc Tulipam albam, luteam, purpuream, coccineam, flammeam, Persicam, Cretensem, Bononiensem: hunc Hyacinthum stellatum Aquitanicum cœruleum, stellatum Hispanicum album, Orientalem latifolium cœruleum, purpurascentem,

Ad Lectorem.

expallido purpureum, pleno vel gemino flore
subvirescentem; hanc Coronam Imperialem;
hanc Fritillariam purpuream, albam, luteam,
rubris punctis maculosam.

Et quid te moror amplius? vel millies mille-
nas plantarum habes species, colores, odores,
sapores; quibus color ocellus est; odor aura cœ-
lestis; melleus sapor; vires divinæ, admirandæ;
majestas tanta, quanta ne Salomonis unquam
fuit. Neque vestitum saltem & externum splen-
dorem hîc spectandum habebis, invenies in-
ternam plantarum formam, in earundem ci-
neribus & salibus redivivam, stupendum planè
resurrectionis nostræ mysterium. Dixeris au-
tem hoc omne absque numine? aut negaris
cum Atheis, Divinæ præsentis atque omni-
potentiæ plena esse omnia? procul igitur esto
execranda Morosophistarum de corde hominis
fenestrato, de nuditate, de Atomorum fortuitâ
compage, in Deum & Naturam injuria.

Et hæc Schola Theologica est. De Medicâ,
cui tota primitus hæc Sylloge dicata est, quid
multis? Audin' rem, & ipsam de se loquentem?
Medicinæ Autorem cum Syracide agnoscis
hîc, Jehovah illum Altissimû, omnium dierum
Antiquissimum; cultores ipsum Jesum Salva-
torem, Angelos, Sanctos, Imperatores, Reges,
Ma-

Ad Lectorem.

Magnates, propriis nominibus insignitos: Incunabula, sagacitatem Animalium nativam, quâ Capræ Cretenses ope Dictamni sagittas excutiant; Serpentes exœniculo visum acuunt; eundem pullis Chelidonia restituit; Lacerta usu Galegæ ictus viperæ lethales eludit, Ibis rostro, ceuclystere alvum cluit; Hippopotamus sibi ipsi venam secat & sanguinem exhaurit. Cui verò illa usui? Salutem quò præsentem tuearis, amissam ut recuperes. Ita Scordium, Plantago, Caphura pesti; Tabacum, Lapis Bufonius, Sales viperini venenis; Elephantiasis vipera; Epilepsiæ Pœonia, Ruta; Thoracis Apostlemati Scabiosa; Disparæ Afelli, & alia aliis peculiari Naturæ vi consecrata sunt. Est & à foris, quod Medicina sit usui; præter honores nempe, nomen & amores, ipsa præmia. Julius Cæsar Medicos civitate Romanâ; Darius Damociden mensâ Regiâ; Hippocratem Herculis honorib. Græcia, dignos censuerunt. Erasistratus sexaginta millia aureorum à Ptolomæo nactus est. Thaddæus Florentinus cum peregrè proficisceretur, aureos quotidie quinquaginta accipiebat. Stertinius quingentis sestertiis annuis contentus esse, citra exprobrationem vix potuit, cum ex urbis quæstu plus acciperet. Ludovicus XI. Galliarum Rex, quot aureos menstruos Medico dederit

Ad Lectorem.

derit, Cominaeus ostendit. Verum hæc tanti non sunt, quin illud prævalere debeat: Salus ægroti suprema lex esto. Sed tamen, quo loco antiquitus Medicina fuerit, in confesso est. Audi Sapientem: nihil tam preciosum, quo permutari possit Animus eruditus. Proinde, vis Medicus dici? ornate pierate, doctrinâ, morum elegantia, industriâ. Memineris officii, ut ex methodo citò, tutò, jucundè cures; ut sis naturæ spectator industrius, & Simia ejus, felix imitator, quandoque item primarius opifex. Nec est, quod à vulgi opinione pendeas. Qui Medicis tritum illud: Medicè vivere, est pessimè vivere, ogganniunt, vel in ipso aditu discent: Medicè vivere esse optimè vivere, medicè, hoc est, modicè ad mediocritatis normam. Medicus quippe inter naturam labantem & morbum triumphantem quasi medius, ad medium in victu, mediocritatem scilicet morbo & naturæ convenientem; ad medium in morbis, concinnam scilicet ex lege naturæ partium omnium & humorum *συμμετρίαν*, corpus nostrum ducit, trahit, impellit. Empiricos qui mirantur, perspectis veri Medici attributis, illos admirari & amplecti forte desinent. Desinant verò & facessant isti ipsi Empeirici, Medicastrî, Mulo- & Pseudo-medici, medicantium Catharmata, Nebulonum portenta, Sutorii ab uno calopodio. Libellistæ,

Ad Lectorem:

ſta, Aſinarii, Impoſtores torquati, Theriaca-
les, Monetarii omnes, nefario auſu hominem;
Imaginem Dei, corrumpentes. Deſinant, in-
quam, & faceſſant ad Garamantes & Indos.
Quos autem Titan è meliore luto finxit natu-
ræ indagatores induſtrios, invenient hîc, in quo
acumen ingenii exerceant; quoad viſum, in
modo videndi, in uſu peripicilliorum & opti-
corum instrumentorum, in coloribus lipothy-
micorum; in ſcintillis felium, Leonum, Leo-
pardorum; quoad Auditum, in modo audien-
di Surdaſtorum oris beneficio, in ſonis harmo-
nicis muſices, ſcuticarum item, campanarum
tonitruî; quoad Aërem, quâ vi ſuffocet con-
fertus, quâ penetret ipſos lateres & ſudores mo-
veat: unde per Austrum *καρυβάειαν* accerſat,
per Aquilonem glaciem fabricet, fatuos ignes
concipiat, calorem per antiperiſtaſin conci-
tet: quoad Metallica, in modo generatio-
nis metallorum, in auro ardente, in factitio, in
Spiritus Vitrioli & olei tartari antipathia, in
olei Vitrioli parandi modo, vi & uſu & ſimili-
bus, quorum excutiendorum campum hic nan-
ciſcetur Phyiſicus ampliffimum, jucundiſſimum,
amæniffimum & plus quàm Elyſium.

Nec minus Politicos hic, quàm appoſitè in-
terdum ex unius ſtirpis proprietate, in legatio-
nibus obeundis, res maximi momenti expedian-
tur,

Ad Lectorem.

tur, ad quas vel ipsum orationis flumen vix suffecerit, Basilica herbula commonefaciet.

Duces belli, haud infrequenter herbarum ope, cum armorum vi non licuisset, maximas Victorias fuisse consecutos, ut non temerè miseris, Mandragora, Solanum hypnoticum & helleborus hic depicta, facient. Ficus omnem dulcedinem à stipite, tanquam parente trahunt, qui ob id expertus dulcedinis est: sed iidem utroque maximè utiles, luculento naturæ documento liberos admonent, dulcedinem bonorum à stipite haustorum, ex lege τῇ αὐτῇ παραγῆν, in matricem genuinam esse transfundendam. Succinum, & Magnes, confusis ferri & palcarum invicem segminibus, dum id, quod ex lege Naturæ proprium est attrahunt, propriis contentos, ab alienis nos abstinere jubent.

Parasitorum os impudens, ut obstruendum sit, joco lepidissimo Solanum te majus admonabit. Sed quorsum hæc ita seriatim: nihil hîc, quod non volupe, quod non ex usu sit, sive ad vitam, sive ad mores. Sed & Silex hîc est, attritu animi candidi scintillam, quæ oblectet, quæ prosit, elicies. Carbones & Crabrones atros, mecum ut spero, nil moraberis. Vive, vale, fave, Lector benevole, animitus precor.

MB.

METRA IN PRIORI EDI-
TIONE SPARSIM CENTURIIS
ADDITA.

Viro Clarissimo, Filio Carissimo,
DN. D. JOHANNI RUDOL-
PHO CAMERARIO, Reipubl. Reita-
lingensis Medico Ordinario.

Ad Centur. 4. prior.

Utile cum dulci; factis vox consona, rectis
Conscia mens, punctum temporis omne
ferunt.

*Hic rectum dulci sociatur & utile; verum
Acta probant variis conglomerata modis,
Ergo Theonino rodas cur digna laboris
Pramia dante, nihil livor habebit inert.*

Ad Centur. 5.

Macte ista virtute, Vir Inclute, sic Tua sisces
Te bona Fama solo, Te pia Fama polo.

Ad Centur. II.

Quem CAMERARIADVM dicam te? FL.
LIVS an sis
Magnus ALEXANDRI? num PATER
Ipse? laet.

At

*At neque Tu latuisse potes, Pater ipse nec ; ausim
Dicere : in aquali est Natus & ipse Pater.
Hic pius aternâ referarat laude coruscant
Phœbea Praxi nocte dieq, domum ;
Tu calamo referas arcana Sacraria. Quid nî
Æquâ lance fies Natus & ipse Pater.
O CAMERARIADVM Decus ! O verè aurea
clavis
Qua sic ad Medicas atria pandit opes.*

Ad Centur. 13.

Herculeos, (na!) Tu, per mystica sacra, la-
bores
*Felici exantlas nocte dieq, manu.
Posthuma Fama Tibi hinc monumenta aterna mi-
nistrat,
Qua venit ex merito Gloria, vera venit.*

Applausus Paterno affecto licet effusus

JOHANNÉ PLACHETIO, Medicinæ
Doctore, primùm Aulæ Würt-
tembergicæ Medico, nunc in Illustri
Academia Tubingensi Professore Or-
dinario.

HEN-

HENRICI HERMANNI,

Reipublic. Reitlingensis Advocati & Syn-
dici Epigramma.

Morborum domitor CAMERARI, Aſclepia
proles;
Quem labor immemorem non ſinit eſſe
ſui.

Sen tibi per cæli convexa meare lubido eſt:
Sen Medicas agris adplicuiſſe manus:
Sen quicquid doctis gratum acceptumq; palatis,
Mirandum omnigena promiſ ab hiſtoriâ,
Omne meres punctum, nec jam præconia poſcunt
Laus ſua queis propria eſt & ſtabilita fides.
Maſte hoc propoſito! hoc Medicorum ſpernere
vulgus

(Si Medicos fas eſt dicere) ne dubita.

Vna quibus cura eſt curatio, proatenus omnem
E ventre atque extirpeller congeriem:
Adfecta & ſincera ſimul diſcrimine nullo:
Cumq; inteſtinis ejicere ipſam, animam.
O mihi laudandi poſtica per ora Magiſtri!
O ore & lingua dignum opus Artiſticum!
Natura quicunq; ſagax myſteria verſat;
Caſſarum cæſet qui penetrare ſinus:

*Qui Citò, qui Tutò, & Jucundè commo-
dat agro;*

*Hic Medicus vita est, atq; necis ME-
DIUS.*




N*atura arcanam Cameram scrutando recludens
Dum sic lectorem dogmata mira doces.*

Iure annon Doctor Camerarius appellaris?

Nonne tuo mirè nomine digna facis?

MICHAEL BERINGER, U. J. D.
Linguae Hebraicae Professor emeritus,
Tubingæ.



Ad Centur. 4. prior.

T*E, RODOLFE, sinus Natura admisit in o-
mnes,*

Et dedit ingenii pandere clave tui.

*Quicquid in arcana MIRUM & MEMORA-
BILE capsâ*

Illâ adeò rerum dedala mater habet.

*Et miremur adhuc PHYSICÆ CAMERARIUS
AULÆ,*

Si fama aeterno diceris elogio?

Ad

Ad Centur. 11.

MIRA Dei manus est, qua nobile totius orbis
Ex nihilo quondam dadala struxit opus.
Et MEMORANDA DEI manus est, qua pluri-
ma rerum.

Natura arcanis abdidit in latebris.
Quarum nos ruditas, inscitiaq; alta teneret,
Si nostra hac clausas mater haberet opes.
Hinc Mystas habet illa suos, industria quorum
Ardet in abstrusos se penetrare sinus.
Et clave ingenii referare, Ens entium in Vno
Descripsit MUNDI qua memoranda LIBRO.
Illorum Rudolphe loco te principe pono,
Quem vocat indigetem dia Minerva suum.
Nam DIVINA MANUS quod condidit, eruis
omne

Hoc Tua MIRA MANUS, & MEMO-
RANDA MANUS.



Ad Zoilum.

Aut limos averte oculos, aut comprime linguam,
Aut par, aut melius, Zoile profer opus.

Ad Centur. 12.

Qua stultus carpit, Sapiens probat, elige Mome,
Hujus an illius nomen habere velis?

JOHANNES MARTINUS RAU-
SCHER, Academiæ Tubingensis
P.P.

In Centurias omnes

Med. Exc.

JOANNIS RUDOLPHI
CAMERARII &c.

EPIGRAMMA.

*Istos si Medici sequerentur ubiq; libellos:
Nō vespillo fame, vix moreretur homo.*

f.

16. Martii 1629.

M. FRID. HERM. FLAYDER. P.

N*unc oculis tandem usurpo, qua nulla silere
Debet anus, semper publica fama loqui.
Haut errem, crasso qui vivo sub aere, dixim:
Hic, qui Mizaldi filum imitetur, erit.
Excepto hoc: hic verius, ille licentius; hic &
Sepositis nugis aptius, ille minus.*

Observant. ergo

JOHAN. SEBASTIAN. WIL-
LANDUS Poëta Matthia-Cæ-
sareus.

JOAN.

JOAN. RUDOLPHI
CAMERARII, MED. D.
MEMORABILIVM MEDICINÆ,
ET MIRABILIVM NATURÆ AR-
CANORVM,

CENTVRIÆ I.

Particula I.

*MEDICINAM dari, resolutione ex actionibus ad
habitum, deducitur.*

Sophistæ Herculem apud Spartanos laudanti oc-
clamavit Archidamus, vel quis alius: ecquis ve-
rò illum vituperat. Nobis verò an MEDICINA
detur inquirentibus, metuendum id non erit,
cum Hippocrates (a) quoque eandem peculiari com-
mentario, contra calumniatores sui temporis defen-
dere voluerit: neque desint nostrâ ætate homines, qui
propter diversitatem opinionum, imaginatione tan-
tùm ipsam stare; veritatis nihil subesse existiment.
Ipsius autem Medicinæ essentiam, hoc est, quod talis
habitus, in intellectum humanum cadat, resolutione
deducimus, ex actionibus ad habitum argumentatio-
ne ductâ, cum si ἐνέργειαν extra intellectum dari con-
stiterit, ἐξῆς ejusdem, intra hominis intellectum, vel
actu, vel potentiâ quoq; dari, necessario inferri possit.

a) lib. de Arte.

II.

*Idem, sensu Brutorum, & ratione hominum
stabilitur.*

Id, quod Naturæ ductu, BRUTA etiam cognoscunt, quodque constanti observatione ii, qui inter Homines, propter sensuum integritatem, & ingenii acumen primas sibi vendicant, verè esse deprehenderunt, illud secundum sensum simul & secundum rationem dari necessarium est: ut quicumque hoc negare velit, ἡ ἀνοήτως ἢ καλῶς indigeat, & propter hanc suam stupiditatem, vel perulantiam dignus sit, qui tunc maximè, cum ægrotat, neminem habeat, cujus opem Medicam experiatur.

Atqui Medicationum, vel actionum Medicarum Exempla Naturæ ductu, bruta etiam cognoscunt, & homines constanti observatione deprehenderunt.

Ergo Medicationum & Actionum Medicarum Exempla, secundum sensum simul & secundum rationem dari necessarium est.

III.

Idipsum ex Actionum Medicarum certis causis eruitur.

Quarum actionum Exempla certa sunt, earundem certas quoque causas dari necesse est.

Atqui actionum Medicarum Exempla certa sunt, per conclusionem præcedentis ratiocinationis.

Ergo actionum Medicarum certæ etiam erunt causæ.

IV.

Ex habitu, per causas actionum Medicarum, ad Medicinam essentiam recurritur.

Jam

Jam, quarumcunque actionum certæ sunt causæ, earundem causarum justa cognitio, in animo cognoscentis, habitum quandam gignit, juxta cujus præscriptum similes actiones is exercere possit.

Atqui actionum medicarum certæ sunt causæ.

Ergo actionum Medicarum causarum justa cognitio, in animo cognoscentis, habitum quandam gignit, juxta cujus præscriptum similes actiones is exercere possit.

Zovinger. lib. 1. physiol. c. 4. Döring. de Medic. l. 1. part. 1. sect. 1. c. 2.

V.

*Medicina primordia, ex Natura ductulo-
quuntur.*

1. *Capra Cretenses, ope Dictamni, sagittas ex-
cutientes.*

In Cretâ Insulâ, Capras Sylvestres, sagittâ transfixas, Dictamnium herbam querere ajunt: (a) hoc enim spicula è corpore ejici: & legitur idem apud Virgilium: (b)

*Hic Venus indigno Nati concessa dolore
Dictamnium Genetrix, Cretâ carpit ab Idâ,
Puberibus caulem foliis & flore comantem
Purpureo: non illa feris incognita Capris
Gramina; cum tergo volueris hasere sagitta &c.*

Plutarchus: (c) Quis capris Cretensibus præcepit, ut sagittis ictæ, Dictamnium quærant, quo comesto cuspides extrahunt? Plinius, (d) idem etiam Cervos facere affirmat. Unde etiamnum Dictamno utimur in Medicina, ad infixa ejicienda.

A a

a) Ari-

Memorabilium medicina

- a) *Aristot. l. 9. de hist. an. c. 6. Cicero l. 2. de nat. Deor.*
b) *l. 12. Æneid. c) in Gryllo. d) l. 8. c. 28.*

VI.

2. *Hippopotamus Vena Sectionis Autor.*

Hippopotamus (est illud animal in Nilo) assiduâ
satietate obæsus, exit in lictus, recentes arundinum
cæsuras perspeculatus, atque ubi acutissimum videt
stipitem, imprimens corpus, venam quandam in cru-
re vulnerat, atque ita profluvio sanguinis, morbidum
aliàs corpus exonerat, & plagam limo rursus obducit.

Jul. Solin. c. 45. Plin. l. 8. c. 26.

VII.

3. *Ibes Ægyptia Clysterum in ventrix.*

Ibes Ciconiæ haud dissimilis in Ægypto avis (&
ipsa quoque serpentum pernicies) clysterum usum ho-
minibus intulit: dum enim illi non ex officio respon-
det alvus, rostro aquâ marinâ repleto, longanemem
proluit.

Plutarch. lib. utr. anim. plus rat. hab. Plin. l. 8. c. 27.
Heurnius l. 1. M. c. 10. Gal. de Ven. sect. contr. Erasistr. &
in præfat. Introduct.

VIII.

4. *Serpens ex fœniculo senectam exuens, & visum acuens.*

Anguis obductam situ hyemali membranam cor-
poris, fœniculi succo exuit, nitidusque vernat, Visu
obscurato, dum hybernat in cubilibus, aciem reficit
confrictu ejusdem herbæ, tenuantis per scalpentis quæ
obnatam oculis caligantibus pelliculam. (a) Scili-
cet hinc intellectum est, hominum quoque caliginem
præcipuè eo relevari. (b)

a) *Salv.*

a) *Sal. Albert. in orat. de herb. cognit.* b) *Plin. l. 20. c. 23.*

IX.

5. *Lacerta, esu Galega, ictus vipera lethales eludens, eademq; spoliata, moriens.*

Senex quidam, quondam circa fluminis ripam deambulans, forte fortunâ videns lacertam, cum viperâ dimicantem, humi sese prostravit, ut pugnam aptius, bestiis non animadvertentibus, specularetur. Lacerta, utpote viribus infirmior, ictu validissimo, à serpente sauciatur, adeò ut moribunda pedibus cespitaret: verùm paululum ad se rediens, per gramen longiusculum, viperâ non vidente, lacerta repsit, per ripam fluminis, ad herbam quandam, in proximo ibi crescentem, quâ equidem devoratâ, vires ex tempore pristinas recuperavit, atque denuò ad viperam se convertens, eandem non aliter, quam antea adoritur, sed vulneratur rursus à viperâ, ictu non minus lethali, ut priùs. Mox lacerta denuò ad hanc herbam digreditur, ut viribus recuperatis atque refectis, cum hoste capitali rursus congrediretur. Sed frustra: eodem enim modo, utpote viperâ longè inferior. quo antea excipitur. Animadvertens autem Senex, non minùs herbam ipsam, quàm pugnam, demirabatur & ut periculum faceret, utrum herba tales vires occultas & sublatentes in se complecteretur, eandem clanculo, dum lacerta iterum cum vipera pugnaret, radicem evellit. Lacerta denuò saucia, ad herbam redit, quàm cum in loco consueto non inveniret, statim occubuit, atque expiravit. Senex verò hujus herba vim expertus, Medicis, ea quæ viderat, narravit: est ea

A ;

non

non solum Bononiæ, verum etiam in Italiæ Officinis satis nota, contra venenum, vermes & pestem celebratur, fortè Veteribus incognita: nonnulli Galegam (Itali Graligam vel Gralægam) appellant, cujus fit mentio in Pandectis, sub finem.

Forest. de incert. Urin. jud. l. 2. c. 5.

X.

6. *Canis ex herbâ Canariâ vomituriens.*

Invenerunt Canes χολεραῶντες Canariam, quâ fastidium ex infestante cholera deducunt, nauseamque restringunt. (a) Neque nobis ignotam vorant herbam, ut ait Plinius: (b) sed quamcunque etiam oblongiorem, ut Phalarin & lolium murinum, & ipsam quoque segetem, etiam præsentem homine: non vorant autem, nisi vomitus ciendi causâ. (c)

a) *Aristot. de hist. anim. l. 8. c. 5. l. 9. c. 6. Gal. introd. c. 1. & l. de Ven. sect. adv. Eras. c. 6. b) l. 29. c. 4. c) Scalliger in commo. Arist. de hist. anim. p. 734. & 1023.*

XI.

7. *Chelidonia sui nominis herba, visum pullis reddens.*

Hirundines invenêre herbam Chelidoniam, hæc enim oculis pullorum in nido restituit visum, ut quidam volunt, etiam erutis oculis. Hoc tamen C. Celsus (a) naturæ ejus avis, non herbæ assignat. Unde etiam locus fabulæ factus est, aut per parentes, aut id herbâ Chelidoniâ restitui, quod per se sanescit.

a) *de re Med. l. 6. c. 6.*

XII.

8. *Capra spinis catarrhactam sibi detrahens. Decutiendarum oculor catarrhactarum inventio*

Ca-

Capræ accepta ferenda est, quæ fortuito ad spinosas frutices allisu, obstruentem lumini suo catarrhactam dejecit, sicque visum recepit.

Fr. Tidieau l. 2. de microcosm. p. 509.

XIII.

9. *Asplene pecorum, in Cretâ inventum.*

In Cretâ Insulâ prope Cortynam, vix conspicuos lienes habent pecora; ejus rei causam rimati Medici, comperere, isthic scilicet loci nasci herbam, quæ pecorum lienes imminuat: atque hinc lienosis curandis medicamentum excogitatum, quod à re, Asplenon dicunt.

Jessen. administr. anat. 3. p. 48. b.

XIV.

10. *Fons Nephrocatharticus, à bobus inventus.*

In Regiensi agro, apud Castellum, Brandula vulgò vocatum, est fons Aquæ Medicatæ frigida, cujus aqua scatet pulcherrima, habet nescio, quem saporem falsum, sed illum minimum, vixque perceptibilem, ea aqua bobus gratissima. An. 1488. coepit, incunte æstate, inter boves grassari talis Epidemia, ut omnes boves mingerent sanguinem, & omnes illi boves, qui bibissent, vel biberant istam aquam, sanabantur: aliorum autem locorum boves, quibus non erat data facultas bibendi, moriebantur. Quod ubi observatum, omnes finitimorum locorum pastores, suos boves, ad illam aquam duxerunt. Tandem res à bobus, ad homines devenit, & cum quidam paterentur circa vesicam, cæperunt analogiâ quadam argumentando in potum assumere, & aliqui excrevere arenulas, aliqui lapillos, aliqui saniem, & sanati sunt. Quæ res

demum pervenit, ad Medicorum aures, quia quæ illius usum, pro affectibus urinæ & vesiçæ comprobaverunt, & hactenus illius usus ad talem affectum viget.

1. Bauhin. de fonte Bollenfi l. 3. c. 52. ex Fallop. de aq. med. c. 10.

XV.

II. *Tapſus barbatus Veneni & pestis antidotum.*

Tapſo barbato magna vis ineſt. Nam id Animalium Natura docuit contra venena poſſe. Muſtela enim decertans cum ſerpente, ſi virus ſenſit, ſtatim eam herbam quæritat, & mandit, atque ita inſtaurat pugnam. Et experimento vulgi certum eſt, ſuccum ex eâ herbâ expreſſum, in vino tenui & odoro, non ſolum præſervare, ſed liberare peſte correptos.

Holler. de peſt. p. 76.

XVI.

12. *Aliorum quorundam Brutorum ſagacitas.*

Auditum eſt Pantheras, quæ in Barbariâ, venenatâ carne capiuntur, remedium quoddam habere herbarum quo cum eſſent uſæ, non morerentur.

Cerva ante partum perpurgatur herbulâ Sefeli, faciliore ita utens utero: enixa, ſi eodem veſcatur, ad fatum redit. Teſtudo cunilæ (quam bubulam vocant) paſtu vires contra ſerpentes refovet.

Ciconia Origano, Muſtela rutâ, cum ſerpentem glutit, aut in venatu murium, dimicatione cum iis conſorta, Apri edendo hederam in morbis ſibi medentur.

Uſus poſt incubatum diutium luſtro egreſſus in apricum, ſylveſtris ari accimoniâ, alvum conſtrictam hæ-

hactenus cit. Tantam ingenuit in animantibus conservandi sui, natura custodiam, ut sine procuratione hominum salvis esse liceret. Hujusmodi data ab iis spectacula, mirum non est, adeò movisse Veteres, ut in dubium vocarent, posset ne *νόμος*, sive ratiocinandi vis brutorum generi jure abrogari, cum præter alia innumera, quæ sanè miranda sunt, ex unoquoque trium Medicinæ generum, particulam magnam quandam, & præclaram sibi ipsa vendicarent.

Sal. Alb. Orat. de herb. discipl.

XVII.

Ἰντεῖν Etymon.

Ἰντεῖν Homero dictus, (a) ἀπὸ τοῦ ἰοῖν, à venenis, eo quod tunc temporis toti quasi circa Alexipharmaca versarentur. (b) Aliis, ab *laco*, medeor. (c)

a) *Odys. 4.* b) *Bauhin. l. 1. de comp. med. c. 1.* c) *Zvinger. l. 1. Physiol. c. 2.*

XVIII.

Medici Etymon, & arguta denominatio.

Medicum Antonius Codrus Bononiensis, magni nominis Criticus, à medio deducit, quoniam medium, hoc est, temperantiam suadeat, quâ SANITAS conservetur: ad medium, id est, ad SANITATEM reducere studeat extrema, à medio, per excessum vel defectum exorbitantia; ingeniosa quidem, sed nimis longè petitâ derivatione.

Zving. l. 6. Scal. comment. in Hipp. de insomn. apot.
 4 *N. Perottu, in cornu copia.*

XIX.

SANITATIS varia præconia.

1. *Sanitas faulrix Artium, vite folatium, vigor animi & corporis bonorum.*

SANITAS Sapientiæ, Scientiarum artiumque omnium piiffima faulrix: hæc vitæ hujus tam turbulentæ unicum folatium: hæc illa eft, cujus præfentia actiones humanæ vigent, vis corporis, forma, divitiæ & quæcunque apud homines in precio haberi folitæ, valent: hæc omnium bonorum, quæ in hominem cadere poffunt, aultrix & auxiliatrix exiftit; adeoque blandiffimum maximeque divinum bonum, totiusque vitæ opt. condimentum: quâ collapsâ, caufarumque hoftilium vi, & malignitate expugnata, concidunt, quæ prius valebant omnia, & morbus ad mortem certiffima via fuccedit.

Fiennus præfat. l. de flat. Plut. de tuend. fan. N. Stupan. difp. 1. de Med. tb. 19.

XX.

2. *Bonorum omnium in vitâ primum.*

Qui olim Epigramma in Apollinis Delphici propylæo infcripfit: illud Autore Ariftotele (a) infervit: λῶσον τὸ υἱαίνειν. Quin etiam Plato inter bona humana, primum locum tribuit Sanitati: & ex Antiquo Poeta, convivalem hanc Cantilenam difcumbentibus celebrari folitam, citat; (b)

υἱαίνειν μὲν ἄριστον ἔστιν:

τὸ δὲ δούπερον, καλὸν γενέσθαι.

τέλειον δὲ τὸ πλεῖστον αἰδέσθαι.

Inter Memandri fententias refertur & ille Senarius:

ἐκ ἔφην υἱαίνει κρεῖττον ἢ δὲν ἐν βίῳ.

&

& ille, alter;

ὑγεία καὶ νῦν ἐοικλὰ τῷ βίῳ δύο.

a) l. 2. *Rhetor.* b) l. 6. de *Republ.* l. 1. de l. in *Gorg.*
& l. 2. de *leg.*

XXI.

3. *Omni preciosior auro.*

Quid enim inculpatâ Sanitate desiderabilius, vel dici, vel excogitari potest? nihil. Quæ obsecro opes, diurno nocturnoque labore congestæ, animum vel corpus oblectare possunt, dum morborum torturis miserè excruciamur ac tabescimus? ac tantillo pomotosto, vel ptisanæ haustu, saturi esse possimus. Certè, nec cum Cræsi divitiis, aut auriferi Tagi & Pactoli harenis, adde si libet, nec cum omnibus Romani Regni divitiis, Sanitatem commutarem.

Larg. l. 1. epist. l. 3. ep. 6.

XXII.

4. *Ecclesia & Reipublica necessaria.*

Quid enim esset vita humana, si perpetuis obnoxia morbis foret? quomodo de Deo, de salute generis humani, & de aliis rebus utilibus, cognituque jucundis posteritas doceri posset, si aut vix dum nati, mortis violentiâ eriperemur è viventium cursu, antequam justam senectam attingeremus, aut per omnem vitam adversa valetudine oppressi, nullo membro uti possemus, ad laudem Dei, & incrementum, utilitatemque, tum Christianæ Ecclesiæ, tum societatis humanæ? quomodo verò incrementum humani generis fiet, si in infantia ætate morbis correpti extingueremur? quomodo Respublicæ administrari, urbes constitui, vitæ honestas, legum juriumque severitate;

rate, mitigationeque contineri, imperia armis decorari, & legibus, divinæ voluntati, humanæque rationis dextro judicio consentientibus gubernari valerent, si omnes ægritudinibus, aut auferremur, ante justam senescentis ætatis tempus, aut per omnem vitam involuti, ita premeremur & affligeremur, ut neq; muniis publicis vacare, neque privatarum rerum curam habere, in administratione rei familiaris, & liberorum educatione valeremus?

L. Sportsch. c. 1. epit. Med. Pract.

XXIII.

5. Contubernalis exoptatissimus.

Quis igitur tam malevolæ erit mentis, ac pertinacis animi, qui Sanitatis propriæ curam non gerat, & in ejus Pæona, ac laudes, cum Amphyone Sicyonio Poeta, non erumpat?

O sanitas beata!

O sanitas amanda!

O sanitas colenda!

Tecum mihi beatè

Reliquum agitare vita

Liceat! mihi perennis

Comes o adesto vite!

nam quicquid est bonorum.

& quicquid est leporum,

& quicquid est honorum,

& quicquid est amorum

magnis in auri acervis

In liberis venustis,

in principum decore,

& conjugum favore.

& quicquid est, quod amplè

*largitur orbis Autor,
 quiescit à labore
 gaudisq; post dolorem,
 tecum viget, viresque
 O sanitas beata,
 Tu ver facis suave
 fulgere Gratiarum:
 sine te nihil beatum!*

*Athen. in eale. ult. l. diptosoph. Regn. Bruiſm. in voto
 jatr. Sennert. praef. l. de febr. Th. Schonlin. praef. l. de ca-
 ſar. & melanch.*

XXIV.

MEDICINÆ origo divina.

Quemadmodum omnes bonæ Artes, seu fontes, præclarorum operum, à Deo ortum suum trahunt: ita Medicina verè est Dei quoddam munus & inventum, vel naturâ, vel divina quadam sorte hominis concessum. Neque enim ea Ars, ingenio excogitata humano, sed ipsius Dei munere ac beneficio singulari monstrata est mortalibus, quæ in corpore potissimum humano tuendo versatur: in cujus profectò fabricatione omnia sunt plena, & artis & consilii. Hinc & veteres illi Sapientes Medicinam à Deo, quamvis veri Dei ignari, profectam esse asserunt.

N, Reifn. 1C. in praef. Epist. Lang.

XXV.

Medicina, cur hominibus à Deo data.

Medicinæ enim auctores ante omnia accepimus Deos, sive ut hæc infirmitas hominum, haberet adjumenta aliqua, atque solatia; sive tantum huic arti tribuere Majores, ut eam vix crederent humanis potuisse

tuisse, ingeniis inveniri; sive Medicina per se Sacram est. Quod enim hominum genus est, qui se-
xus, quæ ætas, quæ non utilitatem ex hac petat?

Quintil. declam. 289. Plin. l. 29. c. 1.

XXVI.

Medicina dator, fictitius Apollo.

Sed graviter lapsi sunt veteres in hoc, quod non
vero Deo, (a) sed commentitio Apollinis numi-
ni hanc laudem tribuerunt, quod falsò Pythius de
se gloriatur: (b)

*Inventum Medicina meum est, opiferque per orbem
dicor, & herbarum subiecta potentia nobis.*

a) *Havvenreit. in orat. de art. Med.* b) *Ovid. l. 1. Me-
tam. fab. 13.*

XXVII.

Verus Medicina autor, Deus.

Sed de eo multo certius divina vocis extat oracu-
lum in Ecclesiastico: Honora Medicum, propter ne-
cessitatem, etenim illum creavit Altissimus. A Deo
est enim omnis medela, & à Rege accipiet donatio-
nem. Disciplina Medici exaltabit caput illius, & in
conspectu Magnatum collaudabitur. Altissimus crea-
vit de terrâ Medicinam, & vir prudens non abhorre-
bit illam. Da locum Medico, etenim illum Domi-
nus creavit.

Syrac. c. 38. vers. 1. 2. 3. 4. & 12.

XXVIII.

In Medicina, fama de Deo, est sparsa gratissima.

Eti sius cuique arti locus, suus honos tribuendus
est, tamen pietas Deo debita est, eam Artem magnifi-
cere, in qua amplissima & gratissima de eo fama
spar-

sparsa est, & quæ expressâ voce divina laudatur, quod à Deo autore profecta sit. Impossibile enim fuisset humano ingenio, tantam scientiæ varietatem complecti, ut considerationem corporum cœlestium, quæ hanc inferiorem naturam variè afficiunt & temperant, inspectionem fabricæ humani corporis, ut juxta oraculum nos ipsos agnoscamus, tot morborum genera, & singulorum causas & symptomata, naturam animantium omnium, & infinitam varietatem herbarum, & virium, quas singulis Deus attribuit, ita ut aliæ herbæ aliis membris opitulentur. Non igitur dubium est, Deum ipsum primis parentibus vires plantarum & remedia monstrasse, quæ deinceps per manus posteris tradita sunt.

David Chytr. in comment. l. c. Syrac.

XXIX.

*Medicina cultores, Deus, Christus, Angeli
& Sancti.*

Magna igitur est Medicinæ laus: Autorem enim habet Deum ter opt. Max. comprobatores ejus Filium: (dum enim in hac vita versaretur, ut animas ab æterna morte, ita corpora à morbis & ab exitio liberavit:) factitata est ab Angelis: non spreta à Patriarchis: usurpata à S. Regibus: adhibita à Prophetis: cognita ab Evangelistis: tradita ab Apostolis.

Havvenreit. l. c. H. Christ. Aiser. in praf. Med. Pract. Melch. Schitz. in orat. de requis. veri Med. l. Rud. Salzman. in Orat. de dupl. Medie.

XXX.

Medicus omnium præstantissimus.

Christus animæ Medicus, qui cum morbo &
infr-

infirmities ipsas, tùm earum causas gratiosè ex nobis exemit, eas in sese recipiendo, sibiq; appropriando. Is à cæteris Medicis desperatos, curandos suscipit, felicissimeque curat. (a) Magnus enim per totum mundum jacebat ægrotus, h. e. totum humanum genus, multis animæ & corporis subjectum angoribus & languoribus, ac ideo Magnus venit Medicus, cujus li-
vore sanati sumus. Nam revera videmus, quòd innum-
meris vitiorum morbis anima ægrotat hominis: de-
nique omnino nullum est animal, quod tot & tantas
infirmities pati cogitur. O verè admirabilis, & ama-
bilis res, pietatisque plenissima, quod fusus est sanguis
Medici, & factum est Medicamentum phrenetici! (b)

Vulneribus Christi fit medicina meis.

Sanguis Medici, ut dixi, ac iterum dico, facta est
Medicina phrenetici. Ille optimus est Medicus, qui
ab omnibus desperatos recipit & feliciter curat. (c)
Magister est ad salvandum (d) Ego, (inquit) Jehova,
Medicus tuus. (e) Occiditur Medicus & sanatur æ-
grotus. Hic potest auferre cordis mei dolorem, &
animæ pallorem, qui novit occulta: inveni Medi-
cum, qui in cælis habitat & in terris spargit medica-
menta: solus potest sanare vulnera mea, qui nescit
sua (f)

a. c) 1. Haidfeld. c. 34. Sphing. theol. phil. b) August.
sup. ioan. d) Math. 9. Esai. c. 53. v. 4. e) Exod. c. 15. v. 26.
f.) Ambros.

XXXI.

Medicina artium dignissima & utilissima.

Si omnes omnium artium commoditates, faculta-
tes atque copias dispicis, nihil est Medicinâ melius,
nihil

nihil optabilius, nihil hominum generi datum præstabilius. Nam, si vita cunctis mortalibus carissima; si lux ea cumprimis expetenda, in quâ vivimus, spiramus & jucundâ consuetudine inter nos conjungimur; si ea primum est & præstantissimum munus animantibus attributum: ars quæ illam servat, continet ac tuetur, quo pacto non sit omnium præstantissima: quid eâ potest homini magis in votis esse, quæ infestissimos humani generis hostes, morbos (inquam) & adversam valetudinem propulsat? quæ vitam incolumem ab omni ærumnâ & languore liberam quàm diutissimè tutatur? ut corporis firmâ constitutione, nullæ opes, nullæ fortunæ ampliores: sic imbecillâ & labante illa, nihil laboriosius. Qui ergo in hoc periculum, discrimenque adductis subvenire & opitulari queat, tantùm abest, in illorum offensionem occurrat, ut etiam illos summâ consuetudine & amicitia sibi jungat, atque quasi pro numine (inquit Hippocrates) colatur, qui tantas opes restituerit, per quas externæ quoque fortunæ obtineri possint, illarumque usus jucundus, atque dulcis habeatur.

Fernel. prefat. ad Medic.

XXXII.

Medicinam omnium artium esse difficillimam, ostendunt. 1. Requisite ad hanc varietas & subjecti nobilitas.

Qui Medicinam faciunt, Artem sanè omnium præstantissimam, sed longe difficillimam, maxime arduam, ac si dicere audeo, periculosissimam exercere

B

mihi

mihi videntur: nam præter accuratam infinitarum penè disciplinarum cognitionem, præter absolutam singularum Medicinæ partium eruditionem, præter iudicium incredibile, ingenique non vulgarem solertiam, omnino in medendo necessariam: longo quoque usu, diuturnaque experientiâ, in opere Medico eum versatum esse oportet, qui munus Medici cum laude sustinere meditatur. Id nimirum subiecti illius dignitas, ac amplitudo suo jure postulat, ut quoniam non sordidi alicujus opificii, sed humani corporis Medico cura demandata est, is quascunque ingenii dotes conferat, omnesque industriæ vires experiatur, quibus præsentem ejus valetudinem tueatur, collapsamque citò ac tutò restituat. Quòd tamen non dicam præstare, aut susceptum exequi, sed aggredi, quam difficile ac operosum fuerit, rei ipsius magnitudo testatur.

2. *Morborum dignoscendorum infinitus numerus & species.*

Quanta enim quæso morborum, non modò trecentorum, ut putavit Plinius, sed penè infinitorum turba occurrit? quot clades, quot ærumnæ? quot novi ac insolentes affectus, quotidie suboriuntur? quot jam geniti succrescendo vires acquirunt, quibus omnibus tanquam infestissimis vitæ salutisque hostibus pugna cruenta Medico est indicenda? quot casuum inopinatorum eventus, singulis fermè horarum momentis sese offerunt, ut lapsuum, ruinarum, ruptionum, adustionum, luxationum, vulnerum atque his consimilium, quibus salutarem opem manu præsentis suggerere debet Medicus? quot venenorum pericu-

ricula, quot lethales impetus citissimè suppressendi ac propulsandi veniunt? quanta in humanis corporibus spectanda diversitas? quanta ex ætatibus, sexu, regionibus, cœlo, educatione, studiis, usu, varietas dignoscenda? quanta in corporum cœlestium observatione difficultas, quæ nisi cognôris, sæpè venenum erit, quod in remedium datur: quam diligens adhibenda cautio, in conjiciendis morborum inter-
norum notis, quæ fallaces sunt sæpè numero, siue coloris habitum spectes, siue lotii signa rimeris, siue pulsus harmoniam observes, velut hoc agentibus morbis, ut hostem Medicum fallant.

XXXIV.

3. *Prognosis & therapias operosa moles.*

Quantâ item in præsagiendis futuris morborum eventibus solertiâ sit opus, quanta sese offerat difficultas in excogitandis remediis, quamque præceptum ac momentanea eorum exhibendorum occasio: quanta in ægris tractandis ubique maestitia, quantus pavor & quam tristis mortis imago, Medicorum perpetuò obversantur oculis: ut ne addam, quòd etiam si tot difficultates, laborumque molestias, summo studio, atque industriâ Medicus pervicerit, omnemque moverit lapidem, ut quâ doctrinâ, atque diligentia possit, munus Medici sustineat, vix ac ne vix quidem, vulgi calumnias, hominumque perditissimorum imposturas queat effugere.

1. *Liebanis in thes. sanit.*

XXXV.

Medicina præstantiam liquidò afferunt; 1. Antiquitas, Authores, Divinitas, Labor, vis, necessitas, virtus, testes Sacri & profani.

Si res commendat Antiquitas, Medicinam primum omnium necessitas reperit. Si scientiam Autores illustrent, hujus Inventio semper Deo est attributa. Si magnifunt, quæ Magnis viris probantur: hæc summos Reges, hæc primates non solum delectavit, verum etiam illustravit. Si ex Platonis sententia, *δυσκολὰ τὰ καλὰ*: nihil operosius Medicinam, quæ tot disciplinis, tantarum rerum per investigatione usuque constat. Si dignitate rem æstimamus, quid excellentius, quam ad Dei benignitatem proximè accedere? Si facultate, quid potentius, aut efficacius, quam totum hominem certo exitio periturum, posse restituere? Si necessitate, quid æquè necessarium, atque id, sine quo nec vivere, nec nasci licet? Si virtute, quid honestius, quam servari genus humanum? Si utilitate, nullius rei usus, aut major est, aut latius patet. Hanc denique Divina Oracula nobis commendant: (a) hanc prophani scriptores, laudibus in cœlum vehunt Poëtæ, historici, Oratores, philosophi: ut meritò Anticyras relegandi sint, si qui reperiantur, qui secus audeant sentire aut loqui. (b)

a) *Exod. c. 15. v. 26. Luc. 5. v. 12. 18. Matth. 9. v. 3. Marc. 2. v. 3. 3. Reg. c. 4. v. 33. 4. Reg. c. 20. v. 7. Exod. 15. v. 25. Tob. c. 11. v. 13. Esai. c. 38. v. 21.* b) *Denzell. in præf. comment. Iacob. in Rhaf.*

XXXVI.

XXXVI.

2. Denique ipsa rerum cognoscendarum multitudo.

Tanta enim rerum cognitione præcellit Medicinas, ut omnium, quæ Mundus complexu suo coërcet, naturam atque vires solerter consequatur, quas demum ad unius Hominis (cujus præcipua illi cura est) comoda salutemque referat, ut illorum usu & appulsu integram corporis valetudinem conservet, adversamque depellat (a) Admirabilem enim hominis fabricam, naturamque explicat; ossa nimirum omnia, cartilagine, musculos, ligamenta, partes item nutritioni famulantes & propagandæ speciei inservientes: cordis præterea structuram & ipsius functioni ministrantia organa: Cerebrum denique & hujus actioni destinatas partes: in summâ, corporis minutissima quæque, horumque omnium usus prosequitur. Nec ista tradidisse contenta est, sed & quomodo hæc omnia ex Elementis nata sint, qualemque ex horum commistione, consecuta sint temperaturam, ostendit. Postea causas, quæ fabricam hanc, & Naturam conservant, quæque eandem destruunt ac demoluntur, ob oculos ponit. Tandem præsidia, quibus ea, quæ Elementorum concordiam turbant, & omnis generis morbos accersunt, propelluntur, edocet. Quapropter singularum Stirpium, Animalium, & quæ patefactis terræ faucibus eruuntur, Metallorum, Lapidum, Gemmarum, eorum etiam, quæ ex mari & aquis extrahuntur, vires exponit. Et quis omnia, quæ Medico sunt cognoscenda, percenseret? (b)

a) Fern. præfat. ad Medis. b) Fuchs, l. 1. instit. c. 2.

XXXVII.

Honores Medicis olim decreti, & inter Deos relati.

Cum itaque tot, & tantarum rerum peritiâ ornatum esse oporteat Medicum, quid mirum, omnis eruditionis oceanum, rerumque humanarum peritissimum Vatem Homerum, in hæc prorupisse verba :

Ἦτος γάρ ἀνὴρ πολλῶν ἀντάξει & ἄλλων. id est.

Unus homo Medicus multis æquandus honore est. (a) Rectè sanè. Quid enim multis commemorem eam facultatem, quæ aut valetudinem afflictam restituit, aut turbatam recreat? quæ non solum oculis expositum, sed latens etiam in corpore vitium tollit? Imò quæ fugientem ipsam animam, & tanquam è carcere, quo retinetur, evadere cupientem, sistit atque remouetur. (b) Et rursus:

Ἦτος καὶ ἐκαστὸς ἰπιδμῶν & ἐν παντὶ
Ἀνθρώπων

Atque hinc est, quod veteres Medicis, propter artis, quam profitebantur, præstantiam amplissimos decreverint honores: (c) eosque beneficentiâ & studio innumerum Deorum sustulerint. Quod graviter quidem illi, & constanter fecerunt, (ut eorum ferebat religio) Judicabant enim illi, hanc sapientiam, non humanam, sed cælestem esse, quæ tam arcanas rerum virtutes, in ipsis naturæ venis reconditas & abstrusas evolvere & in lucem proferre posset: neque hominis, sed Dei esse, tanta hominibus commoda adferre. Quare meritò apud eos in divino honore erant, à quibus divina beneficia perveniebant. (d)

a) Iliad.

a) *Iliad.* λ. b) *Odyss.* δ. c) *Fuchs.* l. 1. f. i. e. 2. *instit.* d)
Melanch. orat. in laud. art. Med.

XXXVIII.

Casarum stipendia Medicis data.

Quare Romani Cæsares videri possunt intellexisse, quàm salutare ac necessarii essent boni Medici Rebus publicis, qui eis in singulos annos amplissimum stipendium, CCL. sestertia pendebant, cum tamen reliquarum disciplinarum professoribus, CC. sestertia modò in annum numerarint. Cujus pecuniæ, si rationem more nostro intueris, comperies Rhetoribus & Poëtis tria millia aureùm, & trecentos triginta quatuor numeratos: Medicis verò octo millia aureùm, & amplius trecentis in singulos annos stipendium fuisse. (a) Nil dico de Melampode, nihil de Hippocrate; nihil de Erasistrato; nihil de Galeno, nihil de aliis innumeris. (b)

Ludovicus XI. Galliarum Rex. Jacobo Coiterio Medico suo, menstruum stipendium decem aureorum millia dare solebat, sic ut intra quintum mensem ille ab eo, ad quinquaginta quatuor millia acciperet. Nec id modò, verùm etiam Episcoparum Ambianensem ejus nepoti, & munera publicà largiebatur ejus propinquis & amicis. (c) Guilhelmus Haeselius, Medicus Laudunensis, cum Carolum VI. Galliarum Regem ab infantiâ liberasset. mille coronatis aureis donatus est. (d) Compertum quoque est, Camilium Cornutum, ditissimum hominem, provinciæ Aquitanie Legatum quum mentagrâ fœdissimâ corripere, & sanitati esset restitutus, persoluisse Medico, honorarii loco ducenta sestertia, quæ summa est nostrorum aureorum

4000. (e) Verum omiſſis priſcis exemplis, ad recentiora redeamus. Thaddæus Florentinus Medicus, ad curam ægrotorum extra urbem vocatus, non vilius, quàm quinquaginta aureorum mercede, in ſingulos dies peregrinabatur: vocatusque ab Honorio IV. centum ſibi ſtatui voluit, præter mercedem. A quo curato, decem millia reportavit. (f) Petrus Aponenſis, Conciliator dictus, Medicus Patavinus, vocatus ad ægros, extra urbem, non minoris quam L. coronatis, in diem conduci ſe patiebatur. Cum ad Pontificem aliquando ægotantem accerſeretur, pactum prius eſſe ſingulis diebus ſalarii loco, quadringentos coronatos. (g) H. Capivaccius, è Gallicæ luiſ curatione, ultra octodecim millia coronatorum lucratus eſt. (h)

a) *Melanch. l. c. Plin. l. 29. c. 1.* b) *Döring. l. 1. de Med. ſcſt. 2. c. 4.* c) *Pb. Comina. l. 10. hiſt. Gallie. c. 136.* d) *I. Froſſard. l. 4. c. 50. hiſt. Gallie. c. g.* e) *Camerar. hor. ſueſ. cent 1. c. 4.* *Zuſing. vol. 10. theatr. p. 2496.* f) *H. Ru- beus de deſtill. ſcſt. 1. c. 8.* h) *l. 5. Præſt. c. 12.*

XXXIX.

Sanatorum ingratitude, & Medicorum Fortuna.

At quæ hodiernorum Medicorum conditio? nimirum, quando homines ægotant,

Pollicitis dives quilibet eſſe poteſt,

ut ſpe & pollicitatione Medicos inſcent. Ubi verò divi-
nâ annuente graciâ, magno cum periculo & Me-
dicilabore multo, vix tandem convaluerunt:

Omnia ſunt ingrata, nihil feciſſe benignè eſt (a)

Et ſolet ab iſtis ut plurimum diligenter obſervari
Cratiæ Thebani, inter Diogenis diſcipulos ſapientiſſi-
mi, Ephemeris illa vulgatiffima, ita ſe habens: poni-
to coquo minas decem, Medico drachmam, aſſenta-
tori

tori talenta quinque, consiliario fumum, Philosopho triobolum. (b) Quin quod magis dolendum, pro labore sæpè opprobrium; pro gratiâ exilium reportant. Gratiores fuerunt illi, quos olim divinis honoribus, delubris excitatis, Chironem, Machaona, Podalirium, Hippocratem, ob artis præstantiam coluisse accepimus. Scilicet suus tunc temporis Medicinæ constitit honos, sua existimatio. (c) Sed desino plura Medicorum præmia referre, quod sciam discendarum artium finem non esse quæstum aut mercedem, sed veritatis potius fruendæ ac inquirendæ studium, & ut quàm plurimis prosimus. Tantos verò honores, ac tot præmia, nullo alio nomine in Medicos contulerunt Veteres, quàm quòd immensam esse, illarum rerum cognitione & eruditionem ac doctrinam, perspectum habuerunt, & ad multorum vitam & valetudinem tuendam summè necessariam. Ut cæcos planè & iniquos fuisse iudices palàm sit, qui inter professores Medicis postremum locum assignarunt. Sed hæc est perpetuò bonorum fortuna, ut ipsis pessimi quique præferantur. (d)

a. c.) Döring. l. c. b) Laërt. l. 6. in vita Cratæ. d) Enchirid. l. alleg.

XL.

Naturalis Philosophus elegans Medicus.

Ubi definit Philosophus naturalis, ibi incipit elegans Medicus, inquit Aristoteles. Ut enim plantæ radices suas in terrâ fixas habent, per quas alimentum suscipiunt, conservantur tamen ambiæntis aëris temperie, & vitali syderum influxu vegetantur: ita quoque ars curandi homines, ex media Philosophia, prin-

cupia & fontes suos petit: qui deinde particularibus Medicinæ præceptis illustrantur & confirmantur. Quare Medicina nihil aliud est, quàm particularis quædam, & sensibus objecta Philosophia naturalis. Physicus enim in universum omnia corpora naturalia, atque etiam humanum considerat, scientiæ causa: at Medicus circa solum corpus humanum verlatur, non tantum ut sciat illius naturam: sed potius ut ex hac scientiâ modum operationis & actionis deducat. Quemadmodum ergò ad moralem Philosophiam Jurisprudentia, ad Metaphysicam Theologia reducitur, ita ad naturalem, sacra Medicina.

Zuvinger. theat. tom. 5. lib. 2. p. 1229.

XLI.

Medici veri officium est methodica curatio.

Is sanè Medicus salutiferam manum porriget ægris, qui loco, jure, & accommodatè remediis uti norit. Noscet hæc is, quem non fugit, quodnam remedium cuique optimum sit, & qua copia, qualitate, tempore & modo cuique in usum flecti debeat, nesciunt hæc, quibus incognita hæc medendi Methodus. Hæc docet curandum esse tutò, celeriter & jucundè. Tutò, melèdas; citò, sed ne quid temerè: nec tamen temerè cunctandum; jucundè, nec onera remediorum ponderè ægros, & sint, ut res fert, jucundissima, alioqui μή τίς ἥδιον, ἀλλὰ τὰ βίλην (optima & non jucundissima) præscribe, ut consulebat Solon: etenim à molli Medicina, quæ consenuisse videbantur, res obolescunt, & Hippocr. l. de Arte ait γὰρ ἡ μὲν, ἡ βίη: facilitate potius, quam vi, his suis officiis

officiis satisfecerit is Medicus, qui Methodo medetur.

Hörn. l. 3. M. M. c. 1. & l. 12. instit. c. 3.

XLII.

Medicus natura spectator & felix Imitator.

Medicus perpetuò naturæ motum, ac propensionem per commodas & opportunas vias, noxia propellere conantis animadvertat, atque imitetur: ita enim facilis & tuta erit vacuatio; facilis quidem, naturam enim habet opitulante: tuta, quia loca sunt conferentia. (a) Est autem Medicus, naturæ, rectè ac secundum leges, non symptomaticè agentis imitator, sufficienter operantis spectator, malè se commoventis director, adjutor denique sive minister & cooperator, non validè satis, sed ignavè & perfunctoriè, munia sua obeuntis. (b)

a) *Viscer. in explic. aph. 21. f. 1.* b) *Gal. l. 4 de us. part. p. 17. 1. Epid. com. 2. t. 4. l. 9. M. M. c. 6. l. 9. de plac. c. 8.*

XLIII.

Medicus natura minister fidelis.

Cum enim ars sit sanandi, non nocendi Medicina: (a) ita ejus minister, Medicus fidelis non fortunâ neque personis homines æstimat: verum æqualiter omnibus implorantibus suo auxilio, succurrit, nullique unquam nociturum pollicetur. Intima enim (b) secreta & penetralia naturæ rimatur, jucundosque ejus recessus investigat, & humanum corpus, rerum admirandarum miraculum, contemplatur, eo fine, ut id, si extra sanitatis lineam exilierit, reducatur. Naturam dico, rimatur ille: nihil enim Medicus solus potest, natura est illa, imò Deus qui agit, & Medicus

cus minister magni huius Domini. Præclare itaque (c) à Vido Vidio dictum: Medici plures sanarent, si esse naturæ ministros esse agnoscerent. In eundem sensum Ph. Scherbins: τὴν ἰατρικὴν dixit. ἐπὶ νόσων εἶναι, καὶ παρὰ σκευὴν, ἥ τις σὺν ἐργεῖ τῇ φύσει πρὸς τὸ ἰελεῖν.

a) Scribon. Larg. ep. ad C Jul. Ca'. b) Heurn. de cap. aff. c. ult. c) Emman. Stupan. com. in apb. Hippocr. p. 19.

XLIV.

Medicus verè Rationalis.

Hinc nihil sine ratione decernit, & tentat, nihil sine consilio & prudentiâ agit & molitur, sed accuratè magnâ curâ & sedulitate, præsentia quæ infestant mala cognoscit & perpendit. atque quantum potest profligat, futuraque prædicit. (a) Quare immerito quidam à Medico, plus quam ab homine requiri debeat exigunt, non enim satis putant, si operam is fidemque præstiterit: quin etiam (quod solius Dei est) eventum morbi & periculum præstari ab eodem volunt, impiâ quadam Dei & naturæ oblivione. Præclare promittebat Hippocr. operam suam: κατὰ δύναμιν καὶ κρίσιν, (hoc est, quantum viribus & iudicio assequi possit.) Scelere fateor, in hac divinâ scientiâ se contaminant, qui, cum possunt juvare, nolunt; sed etiam temeritate hi, qui volunt ea, quæ præstari non possunt. (b)

a) I. Oberndorf. de ver. & fals. Med. cognit. part. 45. b) Heurn. de aff. cap. p. 350.

XLV.

Idem, salutis aliena avidus, propria negligens.

Ac nihil prius habet agrotantium salute, quibus
totus

totus est mancipatus, & propter quos nihil non recusat subire periculi sæpè ac nullis parcit laboribus, imò semetipsum emacerat alienis calamitatibus, sollicitudine exhaurit, atque ex aliorum damnis, proprias sibi demetit molestias, tantùm ut ea, quæ fieri debent in Medicinâ, rectè præstet, & ipsos valeat ægrotantes, ab instantibus periculis & ipsâ morte vindicare.

XLVI.

Itidem, HOMINIS non immemor.

Novit enim quale subjectum sit suæ Artis, nimirum HOMO, nobilis illa Dei fabrica, imò Spiritus Sancti domicilium. (a) (Atrocissimum sanè facinus, temerare corpus humanum, domicilium perpetuæ animæ (b) eximium inter alias creaturas, divinæ sapientiæ, justitiæ, & bonitatis specimen, Homo, inquam, ad vivi Dei imaginem conditus (c) æternum animal atque immortale. (d) Atqui si usquam fidem habet tritum proverbium: Hominem hominî Deum esse, hæc in parte id profectò rectissimè usurpatur: quia divinâ vi Medicus ægroti salutem tueretur. (e)

a) D. Paul. ep. 1. ad Cor. 3. v. 16. 1. ad Cor. 6. v. 19. 2. ad Cor. 6. v. 16. b) Heÿrn. explis. aph. 1. f. 1. & com. ad leg. Hipp. c) Oberndorf. l. c. part. 41. 46. 47. d) Heÿrn. de aff. cap. p. 350. e) Melanct. orat. de laud. Medic. p. 107.

XLVII.

Medicina Crura & fulcimenta.

Duo sunt, ad morbos rectè curandum instrumenta peræquè necessaria; Ratio scilicet & experientia; quæ ceu crura & fulcimenta quædam Medicinæ sustentant.

stentandæ, haud abs re statui posse videntur. Quemadmodum enim corpus humanum, ad integram, absolutamque sui perfectionem, gemino, ab opifice Deo, crure donatum est, quorum conjuncto ministerio variè corpus pro libitu, usuque exigente, verti, moveri ac transportari solet; quorumque alterum alterius carere ope & auxilio minimè potest: imò solitarium socioque destitutum, non modò nulli usui sed impedimento potius & oneri est naturæ: ita prope modum Medicina, Ratione Duce, Magistrâ verò experienciâ nititur, tanquam fulcris ad consummatam artis præstantissimæ dignitatem obtinendum necessariis. Horum tam recta sunt vincula, tam stricti nexus amicitiz, ut reipsâ verè neutiquam seungi, imò ne cogitatione quidem separari commode possint. Conspirant quippe in unum eundemque finem sanitatem nimirum hominis, tùm conservandam, si præsens est, tùm reparandam, si deperdita, ad quæ præstandum mutuas tradunt operas; dum causas effectuum omnium, medendique ordinem ac rationem altera rimatur & exquirat; auxilia experta & comprobata confert altera.

Hart. Bajer, in præfat. præf. Capi vase.

XLVIII.

Ratio & experientia indivulsè coherent.

Quid enim magui præstiterit Medicus, si herbas ac medicamenta efficaces obtinere effectus ratione studeat evincere, nisi id experimento comprobet? è diverso, quâ fiduciâ niti posset experimento, quod plerumque judicio adhibitum fallax esse atque periculosum declarat inconsulta Empiricorum temeritas, nisi

nisi illi ratio suffragetur? & quamquam sophisticum censeretur, contra experientiae testificationem, ac documentum, rationem exigere: nunquam tamen quisquam sani iudicii, & qui in delectu rerum aliquid pensi habet, experimento assensum fecerit, aut id temere experiri sustineat, nisi ratione id per omnia comprobatum sit & suffultum.

Lemm. prafat. l. de occ. nat. mir.

XLIX.

Ratio & experientia Dogmaticorum fundamenta.

Quare rationalem Medicinam nos amplectimur, ex ratione & experientia conflaram. Non enim solum nudamque volumus experientiam: illa enim si rationi non fuerit consociata, periculose fallax est, & fallaciter periculosa, dum ea tentat in ea fabrica humanâ, quæ longâ die non sunt probata: (temeraria enim experientia, finis est certa mors) multa etiam putant fieri lege naturæ in corpore humano, quæ sunt symptomatica, hoc est, vi morbi expressa. Accedit & illud, quod nullus morbus sit idem omnibus, nec ullum est remedii genus, quod habeat eandem vim in singulis: nec soli rationi & iudicio standum: nam hoc difficile est, distinctione corporum, causarum, signorum, medelarum; ad cognoscendum, præsa-giendum & curandum, & quod similitudines sæpè bonis Medicis imponant. Multa sanè solitaria ratio suadet, quæ tandem usus coarguit. Quare rectè Salustius: utrumque per se indigens, alterum alterius auxilio valet.

Heurn. instit. l. 1. c. 1. explic. aph. 1. f. 1. & com. ad L. Hipp.

L. Re-

L.

Ratio præstat experientia.

Quod si tamen alterutri palma sit deferenda, potius rationem experientia, quam hanc illi nostro hoc sæculo prætulerim. (a) Oportet enim ut primò secundum rationem considerata considerentur, deinde experientiâ certificentur, ut ratio per experimentum confirmetur. Virtus namque rationis, experimenti virtutem ostendit (b) Quid enim quæso vilius medicis est experimentis hoc tempore, scatent formulis probatis omnia, nec angulus mundi ullus est, qui non receptis oleat. (c)

a. c) Hartm. Bajer. l. 1. b) Gal. l. 2. & 6. de tuend. sanis.

LI.

Medicina propudium ex Germano - Medicis.

Utinam autem illi, qui Germanicis versionibus optima Autorum medicamenta delirè prostituunt imperitissimis audacissimisque nebulonibus, barbarum tonforibus, mulierculis stultis & sæci plebis, in hanc partem non tam licenter peccarent: in maiore authoritate esset sacra Medicina.

Libav. in præf. Alchym.

LII.

*Medicastroorum & empiricorum Catalogus,
Medicantiumque xadaguet.*

Dum enim omnes, qui hanc artem jactitant, & sese falsò Medici titulo venditant, & insuper cum magno funestoque aliorum damno praxin exercent, considerantur, plerumque sunt sordida & abjecta fax plebecu-

beculæ, quique negatâ professione, alieno malo, clanculario modo, hanc artem condiscunt, & si eos in lucem proferimus, detractâ larvâ apparent Judæi scelerati, Christianorum sicarii, & expilatores, Monachi, suæ professionis desertores, sacrificuli perjuri, parochi *πλὺτ' ἄγνοοι*, pastores *φίλαυτοι*, Chemicî indocti, Juris Apostatæ, pædagogi *δοξόσοφοι*, inepti & vulgares pharmacorum confectores & seplasiarii, catabaptistæ Æsculapii deliri & lucifugæ, Mechanicî pigri, aut inhonesti, histriones, ardeliones, circulatores, tonsores inepti, alyptæ fatidi, balneatores curiosi, impostores circumforanei, milites triarii, mercatores obæratî, aratores segnes, pugiles monoculi aut claudi, vetulæ edentulæ & blatterantes, aniculæ cothonzantes, vel clinicæ, obstetrices largiloquæ, nutricula diobolares, carnifices, canicidæ bipedum nequissimi & hujus generis terræ filii. Nec immerito his, tanquam comites adjunguntur venefici, incantatores, augures, harioli, chiromantici, Magi, sortilegi, sagæ & alia detestandorum & maliciosorum hominum *καθαίματα καὶ κακῶν πανήγυρις*: (a) omnes ad unum tam remediis divites & copiosi, ut Rhenum aquæ facilius, quam *περὶ γῆρας* hoc genus hominum deficere queant. (b)

a) Oberndorff. l. c. part. 22. & 23. b) Hart. Baj. l. c.

LIII.

Mira nebulonum in Pseudo Medicos

μεταμόρφωσις.

Vidi enim heri aromatarios, hodiè Medicos: heri barbarum Rasores, hodiè morborum gravium censores: heri herbas cæteraque materialia in Apothecis

C

com.

commiscentes, hodie in Principum aulis morbos judicantes.

Roder. Castellan. l. 2. spec. vit. hum.

LIV.

Historia N. Gonella jocularis.

Huc aptissimè quadrat historia de Gonellâ jocularitōre maximè comi: quam autor Shingis Pphilosophicæ (4) è Pontano (6) transcripsit his verbis: Gonella aliquando, à Nicolao Marchione Ferrariensi interrogatus, quarumnam sive artium, sive facultatum, in urbe Ferrariâ major esset numerus? confestim responderet, Medicorum majorem esse numerum. Tum Nicolaus: ô inanem hominem & urbis hujus, artium, artificumque ignoratissimum! quippe cum vix duos, trêve ad summum Ferrariâ Medicos habeat, sive cives, sive externos. Ad ea Gonella: ô Principem, majoribus rebus deditum, qui ob eas, urbem suam, suosque cives ignoret penitissimè! tum Nicolaus: quid si hoc ipsum falsum sit, quod asseris? tùm Gonella, quid si ego verus: ibi sive poena, sive multa ei, qui vanus esset inventus, constituta. Itaque insequenti die, sub auroram Gonella, pro templi astant foribus, obvoluto pelli bus ore ac gutture, interrogantibus, qui in templum ingrediebantur, quonam morbo laboraret? respondebat singulis, dentium dolore: singulis etiam remedium aliquod dolori præbentibus, quorum ipse & nomina conscribebat & remedia. Atque hac ratione urbem perreptans, perscrutandoque remedia, singulos qui obviam fierent percunctatus, supra trecentos homines medicinam dolori tradentes, notavit in tabellâ. Quo factō regiam

giam ingressus, quâ hora Nicolaus prandebat, sese obtulit, involutis & ore & cervicibus, ingentem dolorem simulans. Nicolaus astu viri parùm cognito, cum intelligeret, illum haud benè valere à dentibus, hoc statim inquit remedium adhibe, laudabis Nicolaum: è vestigio enim sanus eris. His Gonella acceptis, domum reversus, tabulam instruit, remedia illa, remediorumque autores continentem: ac primo loco Nicolaum Marchionem adscribit, inde alios atque alios, delectu habito. Tertio die quasi sanus, atque à dolore liber, nudata gula, ac cervicibus, Principem adit, docet, quæ conquesta & comprobata fuerint, multam ab ipso expostulat, atque in jus illum se adacturum minatur & his dictis tabulam Marchioni legendam exponit. Ibi Marchio primum inter Medicos locum sese obtinere conspicatus, inde alios atque alios primates viros, à risu continere se nequivit, seque victum confessus, pecunia illi, ut solveretur, imperavit.

a) 1. Haidfeld. c. 34. b) de ferm. c. 6. Lemn. de oce. nat. mir. l. 1. c. 17.

LV.

Solis Medicastrois hominem impunè occidere licet.

Υρξάγανυσ, fures, corpore plectuntur: at hodie verorum Medicorum ἱατρῶν Empiricis manipulariis defertur. Grassatores, sicarii, latrones, capite, nec immeritò, mulctantur: sed Empiricorum carnificum caput civica corona præcingitur. Sæviens pestis, qua fieri potest ratione à Regum & Principum aulis, ab Urbibus arcetur: veris autem in Medicina pestibus, liberrimi ad Reges, Principes, Ur-

besque aditus conceduntur. Sed, bone Deus, quàm miserabiles passim lanienas & tolerante Senatu, & tota connivente Republica sibi extruunt! Quid? siccine semper hominum oculi cæcutient? siccine tantæ impietati locus erit? siccine ejusmodi carnificibus per hominum mortes sua agere experimenta licebit?

*heu quo nunc mentes rectè qua stare solebant
antea, dementi sese flexère ruinâ?*

Robert. Fevin. de abus. Medie.

LVI.

Asini, (mirum!) ad Lyram Medicam nati.

Ad Medicinam omne ingenium satis esse credunt; in aliis disciplinis vix proficiunt sine Doctore, & constat, qui sensu doctrinæ percipiendæ destituti sunt, eos informari liberaliter non posse: medici evadunt etiam in cunis, nec faciliè invenias surdum, mutumque, quin se medicinarum peritum simulet, adeò, ut et si in omnibus aliis falsum sit illud Platicum, Pythagoricumque, de Animabus corpore prioribus, milleque annos, antequam in lucem veniant, omnia naturæ arcana scrutatis, singulaque mundi loca emensis, unde postea corporibus immersæ non discant, sed recordentur saltem: in Medicina tamen verum esse, judicari non ineptè possit.

XVII.

*Lusorum Medicarum una fidelia, unum
calopodium.*

Ufus enim Magister in Poësi, in agricultura, nautica, sutoria, architectonica, & similiter aliis artifices
fa-

facit, nec licet præcepta cognoverit tyro & memoria teneat, felicius veterano, nisi exercendo *ἐξῆν* acquisiverit, benèque agendo firmaverit, artis Magisterium sibi rapere audet & confidenter arrogare; qui vix in transcurso gustavit lympham pæoniam & lutum figulinum subtiliter paulò eluere potest, è vestigio Medicus est, & terras sigillis premit, & uno remedio omnes sanat morbos, quasi uno calopodio, cothurnoque adversus quælibet mala omnem muniturus pedem & eadem fidelia omnem inducturus incrustaturusque parietem.

Libav. in præfat. Neoparac.

LVIII.

Scita Pseudo Medicorum cum Tragædiarum personis comparatio.

Sed hæc est artis Medicæ fatalis quædam conditio, ut perpetuò sub ea lateant homines *Φιλάργεοι*, & impostores audacissimi, qui non artis cognitionem affectent, sed ex artis umbra ac titulo, solum lucrum & unicum turpem quæstum venentur. Tales, Hippocrates (a) personatos Medicos appellat, simillimosque iis ait, qui in Tragædiis introducuntur: ut enim hi ludiones, figuram, faciem & stolam referunt ejus, cujus personam agunt, ipsi autem verè non sunt illi: ita & Pseudo Medici, veste olosERICA, annulis rubroque pileo decori, falsa & ficta artis ostentatione, apud ignobile vulgus, indoctosq; proceres, titulum personamque Medici sibi vendicant: quam, si illis exutis, ademeris, sub illorum personâ, aut Judæum perfidum, aut Monachum apostatam, vel omnium bonarum artium ignarum parochianum, ac id genus farinæ ho-

minum latere animadvertes, qui nihil non audent, quò ab afflictis ægris, per fas & nefas, pecuniam emungant. O sceleratum pecuniæ aucupium, quid non mortalia pectora cogis audere? hi sacrosanctam Medicinam, præclarum summi Dei donum, temerariis ac nefariis superstitionum nugis, & incantationibus conturbare non erubescunt! (b) Complures verò hujusmodi, in omnibus propemodum vicis reperiri, nec novum, nec admirandum est, quando nec illæ antiquissimæ, Hippocratis & Galeni ætates, nec ullum posterius seculum, à talibus Harpyis fuerit vacuum & in hac artium sola, quod Plinius (c) scribit, eveniat, ut cuicumque Medicum se professo, credatur. (d)

a) in Lege b) Lang. l. 1. sp. 1. c) l. 24. c. 1. d) Dodon. in præf. legumin.

LIX.

Bulle, ampulla & sesquipedalia Medicastrorum verba.

Quis enim quæso hominum est, qui vitreas verborum bullas, jactando artis Medicæ aliquam scientiam & cognitionem, non dico exiguam sed perfectam, non vendicet, non arroget, non assignet sibi? quis est, qui ægro de dolore ex morbo contracto, multum conquerenti medelam adhibere non gestiat? quis est quem (fallacibus) suis experimentis, sordidam gloriolam, inanem laudem, auram popularem captandi, anxius ardor, detestabilis libido, execranda cupiditas, non rapiat? non teneat? non inflammet? adeò enim omnes homines, viri æquè ac foemina, senex æquè ac juvenis, anus æquè ac virgo, peritus æquè ac imperitus, Medici videri pruriunt, ut si omnes, qui
artis

artis Medicæ cognitionem atque scientiam falso nomine sibi adscribunt, eamque nullis, nec practicæ nec theoricæ Medicinæ adminiculis instructi, non sine exigua decumbentium clade, impudenter exercent, numero comprehendere velis, prius quot fluctibus mare à condito ævo agitatum sit, sermone atque oratione expedias, adeo in infinitum Medicorum se numerus porrigit, ut major sit, quam ut ab hominibus considerari possit.

Zach. Palihen, in præf. tract. Seidel. de morb. incur. caus.

LX.

*Medicorum turba, & ex libro Medici, quare Im-
postorum dulcis nutricula, homi-
num opinio.*

Hinc illa infelicitis monumenti inscriptio, turbâ se Medicorum periisse. Sed audiamus Platonem, absque omni dubio sapientissimum virum: (a) SOCR. Si quis ad sodalem tuum Eriximachum, aut ad patrem tuum Acumeum progressus dicat, ego scio talia quædam corporibus adhibere, ut & calefaciam si velim, & frigefaciam, & si mihi videatur vomere faciam, & si rursus videatur efficiam, ut deorsum per alvum fiat egestio, & alia multa hujusmodi, & cum hæc sciam, pro Medico haberi volo, & alium Medicum facere posse me jacto, cui harum rerum scientiam tradidero; quid putas his auditis dicturos fuisse? PHOED. Quid aliud, quam interrogaturos, an insuper etiam sciat, & quibus oportet & quando & in quantum singula hæc facere? SOCR. Si igitur dicat, quod nequaquam hoc sciat, sed oportet eum, qui hæc à me didi-

cit, per seipsum facere posse ea, quæ tu proponis, quid dixerint? PHOED. Dixerint, arbitror, insanit homo, & ex libro, alicunde doctus, aut in medicamenta collapsus, Medicum se factum esse putat, cum nihil in arte sciat. Ecce (b) nihil affirmat, talem impostorem scire in arte, cum tamen multa nominaverit, quæ revera ad Medicum pertinent. Fit igitur ex tam pravâ & insulsa opinione, quam de Medicina passim homines conceperunt, ut eam non artem, sed nescio quid leverantur & fortuito collectum esse putent, & nullo discrimine, nullo iudicio, nullo delectu, quibuslibet, qui pro Medicis se venditant, se suamque salutem committant, ac plerumque deterioribus: hi enim artificia tenent, aucupandi rumores, favores & applausus imperitæ plebis.

a) In Phedr. b) Seidel. de morb. incur. p. 70.

LXI.

Torquati & stentorei impostores forenses.

Qui enim omnes Germaniæ urbes, nundinarum tempore frequentarunt, non possunt non ingentem ejusmodi impostorum & blatteronum concursum satis mirari, qui, ut misera credulaque plebe (quæ cultu splendidior, concioneque impudentiore auctoritatem hominibus addi putat) facilius abutantur, & illius mentem, oculosque eludant, consensu equis, erogato è purpura amiculo, aureisque torquibus conductis (quorum collum laqueus potius ornaret) (a) splendentes, magna nebulonum famulorum stipante caterva, in publicum prodeunt, eminentiores urbium plateas affectant, & quoties de medicamentorum suorum

rum dotibus aliquid deblatterandum est, tantum plerumque vociferantur,

quantum novies deciesque mille viri clamare solent, qui prælia miscent, nihil non nugarum comminiscuntur, nihil non mendacii effutiunt: quo suos popello fumos venaliores reddant. Clamat hic, ac verum Deum testatur, se meliorem orbis partem peragrasse, & suo medicamento quosvis obvios, quantumlibet malè affectos, tridui spacio salvos & incolumes restituisse. Ille Imperatoris, Regum, Principumque amplissima diplomata, suarum curationum certissima testimonia, *μυροπλίκων* frontispicio appendit & explicat, nonnulli expositis in publicum animalibus ignotis, suam in medendo artem confirmare contendunt. (b)

a) *Armbrust. præf. de cathart.* b) *Fevin. de abus. med. p. 9. & seq.*

LXII.

Circumforaneorum theriaca.

Cum circumforanei suggesta ascendunt, coram populo, quem dolis capere intendunt, ostensuri, quod venenum æquè ac panem innoxie sumant, multis cavillationibus, atque insidiis utuntur. Primus itaque dolus, quo nituntur hujusmodi fraudulentis impostores, est, quod cum sciant, venena non posse, nisi parùm nocere, ubi ventriculus fuerit cibis valdè repletus, priusquam suggestum ascendant ad saturitatem usque, præsertim æstate, lactucas crudas devorant, sale, aceto, & oleo conditas, verùm olei tantùm imponunt, ut ferè in eo innatent lactucæ. Et quia hyeme, maximè urgente bruma, tenellæ lactucæ, difficilè pas-

sim inveniri possunt, ideo earum vicem his præbent, interanea bouum præpinguium, quorū tantam comedunt copiam, quoad ventriculus, veluti tympanum extendatur. Id autem eo consilio faciunt, ut hæc quidem jurium pinguitudine, eorumq; substantiæ crassitudine, illæ verò frigiditate sua, oleique multitudine, quam illis adjiciunt, præterquam quod veneni penetrationem inhibent, cum internas vias obstruere possint, erodentem quoque ingesti arsenici, vel risagalli, seplasis vocati, acrimoniam obtundunt & hebetant. Cum igitur venenum sumserint, quod illis ob præassumpti alimenti vim, nullam aut parvam noxam adfert, nempe quod ventriculus sitensus & pinguedine imbutus, mox suum adulteratum antidotum (quod omnino legitimam Theriacam mentitur) assument, idque impunè. Quo fit, ut facile postea populo astanti persuadeant, id esse antidotum omnium præstantissimum, contra omnia venena, quod in universo orbe reperiri possit. His, leves vulgiani persuasi, accensique majore multitudine ac impetu feruntur, ut adulteratam, invalidam, veramque mentientem theriacam emant, quam ii, qui in maxima annonæ penuria, eo catervatim concurrunt, ubi plurimum panis, gratis, omnibus exhibetur. Itaque cum temporis momento capsulam hac impostura exhausterint, statim è suggestu descendunt circumforanei, seseque in hospitium recipiunt, ubi cum primùm fuerint, arsenicum paulò ante sumtum, una cum lactucis, aut bubulis interaneis, arte quadam evomunt, neque aliud illa die assument, quam lac, quod tantum sapius alternatim potant, vomuntque ac revomunt. Tantum potest in improbis hominibus auri cupiditas,

tas, ut spontè consultoque in manifesta vitæ discrimina ferantur.

LXIII.

Altera impostorum fraus.

Fraus altera, quam isti facinorosi perpetrant, ita se habet. Ii, una aut duabus horis, antequam suggestum ascendant, in foro Pharmacopolium quarunt, illudque foro, in quo sermonem populo habere volunt propinquius eligunt, atque ubi jusserint Pharmacopolæ, sibi arsenici capsulam adferri, ejus duo aut tria frustra seligunt, pro ut sibi magis expedire videtur, quæ postea charta involvi, & in eandem capsulam reponi mandant. Quo facto, pharmacopolam rogant, ut cum in suggestum ascenderint, arsenicum illud repositum dare velit puero, quem ad eum miserint. Porro, in forum abeunt, verba facturi, ubi suam spuriam Theriacam ad cælum usque miris laudibus efferunt, at mentientes. Ad hæc, ut rem magis verisimilem reddant, puerum, vel è circumstantibus quempiam, ad pharmacopolium mittunt, qui venenum antea ab ipsis selectum deferat. Interea ingentem capsulam in suggesto stantes aperiunt quam habent vasculis prævæ illius theriacæ plenis refertam, cujus operculo intus adhærent, cera subposita, varia cujusdam miscellæ frustra, ex sacharo, quod candidum vocant, amylo, aliisque innoxiiis medicamentis, miro quodam artificio confecta; quæ prorsus & facie & magnitudine referunt illa veri arsenici frustra, quæ prius iis in pharmacopolio selegerant. Levant autem isti hominum proditores operculum à capsula, quo fraudem melius occultent, in suggesto

sto stantes, siquidem summo cum artificio, inteream operculi partem, cui adherent illius miscellæ frustra arsenicum mentientia, versus se trahunt, ne quis eorum fraudem deprehendere possit. Deinde statim in manu socii, aut pueri, quos doli ministros habent capsulæ operculum collocant: quod eorum alter, aperta manu petquam eleganter sustinet, parte pseudo-arsenicum continente, cælum versus respiciente, idque ne quis dolum intueri possit. Interea redit nuncius, Arsenicum legitimum à pharmacopolio deferens. At, qui istud accipiens, artis captiosæ magister, statim illud populo ostentat, longa atque mendaci oratione. Qua perfecta ad experimentum transit, perpetuò dolosè procedens: quandoquidem simulans, sibi opus esse expeditis manibus, manicas ex murice, vel serico proditore, quo plerumque vestiuntur, ad cubitum usque convolvit, ea tantum ratione, ut arsenicum verum, dum hæc agit, super operculo prædicto, pseudo-arsenicum continente reponat, abdatque: quod ob operculi circuli altitudinem nullo pacto infernè à circumstantibus videri potest. Obvolutis itaque manicis, brachiisque denudatis, ac tenui linteolo humeris imposito, jubet aquæ vel vini poculum adferri, & relicto in operculo arsenico vero, factitium innoxium, fraudulenta manu capit, quod gladio minutim incidit, & vino vel aquæ parati cyathi commiscet, & denique tutissimè bibit. Atque ita fraudem hisce coloribus exornatam spectantibus persuadet, ut nullus dubitet, quin ille mortiferum arsenicum hauserit, quod ex Medica officina delatum fuerat.

LXIV.

Historia fraudis.

Memini me olim unum ex his vidisse, qui venenum simili modo adulterarum puero exhibuerat suo, & cum simularet, se ei opem ferrè nolle, donec pulsum amisisset, & in mortis discrimine versaretur, ut suæ falsæ atque adulteratæ theriacæ majorem compararet existimationem: cum præterea versutum puerum admonuisset, ut anhelitum compesceret, idque ut facies ejus colore mutaretur, quin & interim oculos obverteret, & os, ac cervicem contorqueret, ad se vocavit astantem Medicum, haud acris callidique ingenii, in ea civitate, ubi id mihi contigit vidisse, receptum habentem, qui pueri pulsum tangeret, ut omnibus testaretur, quod pulsum amisisset. Quod cum fecisset bonus ille Medicus, jam imprudenter factus circulatoris leno, omnibus testimonium perhibebat, se nullum pulsum in eo invenisse: quippe qui nusquam fortè legerat, quod arte etiam possit intercepti pulsus, cum tamen id scriptum reliquerit Galen. l. 6. de plac. Hipp. & Plat. ubi sic inquit: Eadem natura in Arteriis cernitur: nam etiam ipsæ, perinde ac nervi, aut incisæ, aut laqueo interclusæ, pulsu omni, micationeque orbantur. Ex quibus sanè verbis tum comminisci potuisset, quod facile laqueata essent brachia, & proinde interceptus arteriarum pulsus, quæ per brachium ad manum excurrunt. Si quidem astringentes laquei ab iis nebulonibus adeò callidè, subdolèque aptantur, ut versato quodam ferro globulo supra cubitum, extra manicas latente, stringantur admodum atque laxentur. Id quod facile

cilè ab eo fieri potest, qui puerum semimortuum se simulantem, brachiis ad spectaculum sustinet. Tali igitur fraude astringebantur fibulæ, ubi pulsum intercipere animus esset: laxabantur autem lentè, cum jam versutissimus puer ex Theriaca assumpta, in pristinam suam constitutionem restitui simulasset. Unus etenim, isque insignis ex his, qui venenum innoxie devorare profitentur, cujus ossa lues gallica non immerito depascebatur, cum à me in sanitatem redigi exoptaret, inter curandum, mihi id ab eo expetenti, omnes has fraudes, quibus hoc flagitiosum hominum genus utitur, ut pecuniam extorqueat, libentissimè patefecit.

Mathiol. comment. in pras. l. 6. Dioscor.

LXV.

Medicina & hujus Professorum despectus unde?

Omnes igitur erronei circumforaneos, atque impostores publicos exterminandos censeo, qui non verentur in hominum vitas, ac corpora grassari, atque ut habet proverbium, in vasis jactura artem figulinam experiri: hoc est, ut Plinii verbis utar, (a) hominum periculis discere, & per experimenta fallacia, ac conjecturas mortem hominibus inferre, quorum culpa ac temeritate efficitur, ut Medendi ars (quam inter dona Spiritus Sancti D. Paulus (b) refert, & qua post S. dogmata nihil mortalibus excogitatum est salubre magis ac necessarium) una cum Professoribus despecta sit, & negligatur.

a) l. 29, c. 1. b) 1. ad Cor. 12, v. 28.

LXVI.

LXVI.

Lex & natura impostoribus adversa.

Quare appositè Persius; (a)

*Publica lex hominum, naturaque continet hoc fas,
ut teneat vetustos inscitia debilis actus.*

*stat contra ratio, ac secretam gannst in aurem,
ne liceat facere id, quod quis vitaret agendo,
diluit helleborum, certo compescere puncto
nescium examen, vetat hoc natura medendi.*

a) Sat. 5.

LXVII.

Quam quisque norit artem, in hac se exerceat.

Quocirca felices fore artes Plinius pronunciavit, si de iis solùm judicent, easque tractent artifices, atq; harum periti. Cum autem in extruendis ædibus architectum deligamus solertem, atque industrium: in dirigenda nave nauclerum expertissimum: in bello gerendo Duces exercitatos, ac strenuos: in expolienda lingua præceptorem eloquentem: in mente instituenda, formandisque moribus moderatorem optimum: cur in morbis expugnandis, in sarcienda tuendaque sanitate, triobolares circumforaneos, ac deliras anus admittimus, quibus corpus nostrum trucidandum exponimus, animique domicilium diruendum efferimus: adeo nemo non artis Medicæ peritiam sibi arrogat, ejusque possessionem exequitur.

Lemm. l. 1. de occ. nat. vir. 6. 17.

LXVIII.

LXVIII.

Agryta Monetarii sunt, Dei imaginem corrumpentes, ob id preciosi.

Quid? qui turpis lucri gratia, auream vel argenteam monetam alicujus Principis corrumpunt, vel diminuunt, comburuntur publicè, aut in fervidam aquam vel oleum conjiciuntur. Sceleratissimi vero nebulones, qui non pecuniam tantum, sed imaginem summi Principis, id est, Dei ipsius sæpè adeò dilacerant, dilaniant ac corrumpunt, ut tandem commoriantur ægri, in precio habentur, etiam à Nobilibus, qui eorum fraudes non animadvertunt: hi enim apud plurimos in honore sunt, atque dolo & fraude ditantur, ad hos concurret undique turba multorum.

Forest. l. 2. de incert. urin. jud. c. 3.

LXIX.

Excursus vel digressus ad ægonias.

Sed, quousque tandem Uropotæ, qui ex urinis omnium morborum cognitionem peritis, abutemini silentio nostro? quam diu omnem populum ignorantia illa vestra eludet? quem ad finem se jactabit, & quid quæret animus vester audacissimus? nihilne vos commune periculum Imperii? nihilne Rerum publicatarum ordinationes, quæ omnem fallaciam prohibent? nihilne calamitates? nihil damnum populi? nihil petitionum, qui suam vestram vident, autoritas? nihil eorum, quos decepistis, gravioribusque morbis afflixistis, ora vultusque movebunt? patere vestram inertiam non putatis? manifestam jam, omnium bonorum animis vestram temeritatem

tatem non videtis? quo fructu hucusque urinas inspe-
xeritis, quem ignorare arbitramini? ô tempora! ô
mores! Magistratus intelligit: Principes vident: hî
tamen in sua malignitate pergunt; pergunt: imò
verò etiam suam inscitiam defendunt, ab aliis nihil-
ominus vocantur & consuluntur, & interim tamen
fallunt unumquemque ægrotum. An verò, qui unum
aliquem hominem mediocriter labefactavit, punien-
dus? Uropotæ vero tales, qui innumeros decipere con-
sueverunt, in Republica inter bonos ferendi? an ii ci-
ves Reipublicæ habendi, qui pecuniam aliorum
exugunt, & facultates eorum abliguriunt, quorum
causâ plurimi alii cives mori coguntur?

G. Adolph. Scribon. de Urin. inspect.

LXX.

Spartam, quam quisque nactus, hanc ornet.

Non enim sutor ultra crepidam.

Beata ergò æstimanda est ea Respublica, in quâ
Navimagere ignarus navis timet, abrotanum agro,
non audet, nisi qui didicit, dare, quod Medicorum est
promittunt Medici. ——— (a)

Nam præterquam, quod suâ quisque contentus spar-
ta, eam, quo potest studio & diligentia ornat, nec in
alienos fines insiliens, cujusquam odium contrahit,
aut jurgia turbasque concitat: id etiam utilitatis in-
de accedit, quod omnia judicio rationeque præeunte,
cum artium legibus & cujusvis applausu perficiun-
tur, nullusque periculosa fortunæ casibus, ac dama-
sa temeritati locus relinquitur. (b) Quo uno bono,
quid Reipublicæ magis exoptandam putamus? con-
tra verò quæ gravior mali labes, quæ funestior pestis

in Republicâ grassari potest: quàm si sutor cum Appelle, de pictura, (c) aut faber cum Stratonico citharædo de Musica, contendat? quàm si, ut Galenus (d) conqueritur, tinctores proprio magisterio relicto, in Medicinæ opera temerè involent? non dubium est, quin illicitam ejusmodi artium usurpationem, tandem consecutura sit, omnium rerum non mediocris confusio: hac siquidem libertate cuius concessâ, propositam quoque gravissimorum in qualibet arte errorum ansam, quis non videt?

a) Horat. l. 2. ep. 1. b) Fevin. de abus. med. p. 1. c) Plin. l. 35. c. 10. d) l. 1. meth.

LXXI.

Sit quævis professio constans.

Quare animadvertentes hoc, in benè constituta, nec ægrotante Republicâ Procerum prudentiores, & πολιτικώτεροι, viam ejusmodi artium usurpationi, proposito in multis magisterio, intercluserunt, cautequæ caverunt, ne quis calceum consuât, ne quis scriinium, ne quis vestem, ne quis lanificium, ne quis pannem conficiat, breviter, ne quis à professione sua alienum quid moliat, cujus dispendium cives fraude afficiat, ac suæ peritiæ factis specimine, magisterii gradum consequeretur, artemque publicè profiteri auderet. Ex legum authoritate, datur redhibitio, si quis fucum in panni tinctura, aut ejusmodi mercibus fecerit, & qui quotidie in humana corpora perniciosas artes exercent, impunè fovemus. Olim nemini vulnus rétegere licebat, nisi experto, & qui artis suæ testimonio publica edidisset: nunc totum corpus explorandum, tractandum, torquendum cuilibet, levâ ali-

aliqua suspicione, Medico, veterinariis & vetulis tradimus. Imaginem nostri pingendam, non facile alicui committimus, ni probato prius artifice, & viscera nostra, imperitis lanionibus subjicimus, tam iniqua fata, artem Medicam, omnium præstantissimam, hodiè premunt.

Lub. Esth. in præf. de comp. med. phil Schopf. in præf. l. de lepra. Fevin. l. c.

LXXII.

Tractent fabrilis fabri.

Si enim calcei tibi disrupti sint, dic mihi, numquid fabro lignario consuendos eos trades? si domus tua minetur ruinam, ac eandem velis trabibus sustentari, numquid hanc rem committes calceario? hæc tamen cum virâ comparanda non sunt. Si domus malè sustentetur, ac deinde rursus cadat, nova construi potest; si calcei malè consuuntur, nihil nisi corium destruitur.

Forest. de incert. urin. jud. l. 2. c. 3.

LXXIII.

Homicidium irrevocabile.

Si autem Medicus aliquem per ignorantiam, vel pervicaciam inflexibilem occiderit, quomodo deinceps id damni resarciat? quantam & quam exactam Deo est redditurus rationem? si quid ab uno Theologo erratum sit, ab altero corrigitur: Si à Jurisperito, succurritur æquitate judicis, restitutione in integrum: quod verò à Medico, quis corriget? hominì extincto quis adferet remedium?

LXXIV.

Medicina subiectum nobilissimum HOMO.

Quisquis igitur Medicum se vocari cupit, cogiter magnum esse, & plus Dei, quam hominis: nam arti Medicæ, in hominum corpora, vitæ ac necis quasi potestas, jus summum permissum est, nec ulli unquam, vel Regi vel Imperatori in homines tantum licuit. Ideò omnes ægri, Medicum talem postulant, clamant & requirunt, qui prudentissimè atque amantissimè, quæ suæ sunt fidei & potestati commissa tractat. Quanta enim & quàm præsentanea pestis est, si divinæ huic arti adjungatur inscitia?

1. Lud. vires l. 4. de trad. discipl.

LXXV.

Homo, natura miraculum.

Barbarus ille Abdalas, interrogatus, quid in hac mundanâ scenâ maximè putaret admirabile, non barbarè, sed sapienter respondisse fertur: Humanum corpus, ob majestatem, omnem admirationis captum excedere, quippe cum magni istius Mundi simulachri sit, possit Prothei cujusdam aut Chamelæontis more, sese, in quodvis subitò transformare; unde Philosophus hominem, potestate omnia esse dixit. Favorinus nihil in terris magnum, præter HOMINEM, affirmavit; (a) Imò Ægyptius ille Philosophus, Hermes (quem Latini Mercurium vocant) appellatus, (qui ea profiteri creditus est, quorum scientia & possessione homines fierent ter maximi: fiduciâ enim hujus prærogativæ *τρισμύχης* (b) est nuncupatus) Hominem etiam secundum Deum esse vaticinatus. Ut enim in

au-

numismatè charagma Caesaris: sic in homine Dei conspicitur sculptura. (c)

a) *Laurent. pref. op. Anatom.* b) *Libav. pref. l. 2. ep. c)*
Parvus de præst. homin. p. 57.

LXXVI.

Hominis epitheta & finis.

Imò Protagoras, πάντων χρημάτων μέτρον, & Theophrastus Universi exemplar & Mundi epitomen: Synesius horizontem corporeorum Hominem nominavit. Rectè ergò Sapientum sententiâ, communique consensu jam dudum approbatum fuit, Deum per se esse, at hominem propter gloriam Dei creatum.

C. Bauhin. orat. de homin. & anat. corp. vir.

LXXVII.

Hominis gratiâ omnia.

Quemadmodum enim quæ in terra sunt & generantur, singula hominis, non aliter, ac vagina, gladii gratiâ facta, nempe fruges, ut vitæ inserviant, equi vehant, arent boves, custodiant canes, Aves & Pisces escam porrigant, ovium pelles, earumque villi texti, indumenta præbeant: ita HOMO, ad Deum contemplandum, & imitandum, à quo, ad hoc potissimum, rectam constantemque rationem nactus, est conditus.

Jessen. in dedicat. anatom. A. 2. b.

LXXVIII.

Homo ad spectabilem omnium est præpositus.

Est sanè, si quod res est, fateri volumus, ἀρετὴν & non solum θαυμαστός, sed θαυμαστότης, summâque admiratione à summis & maximis cujusvis ætatis habitus. Nec immeritò. (a) Homo enim omnibus ad-

ſpectabilibus præpoſitus auctoritate divinâ eſt; excellit quidem ille, tum rationis, orationisque facultate, tum ſpecie corporis eximiâ; ſed creatoris voluntate iudicioque magis; hujus enim imago eſt, in hoc lucere divinitas voluit: (b) quamvis hæc divinitas affectuum impotentiâ lateat, & nimio corporis commercio ſtupeat & titubet. Pythagoras dicebat, nos è divinâ mente decerptos & delibutos animos habere: & Aratus, αἰνέει γὰρ γένεσιν ἐσμεν. (c) Eſt enim in animis humanis rationis apex, quem mentis florem vocârunt Antiqui: (d) Ergò qui hominem admiratur, Deum admiratur, qui totius Magni Mundi epitomen propoſiturus, hominem veluti parvum Mundum creavit: qui illum noverit, hunc noverit, cum ad ejus imaginem efformatus ſit. (e)

a. c) C. Bauhin, *ded. Theat. anat.* b) Libav. *praef. l. 2. epiſt. ephym.* c) Apoſt. *Act. 17. v. 28.* d) Heurn. *de aff. cap. p. 350.*

LXXIX.

Homo opificis ſui imago, & velut alter Deus eſt.

Quemadmodum enim Apelles, celeberrimus olim pictor, cum pulcherrimam illam ac admirandam Veneris imaginem deſcriberet, clavum fixit, quem quâ auferret, totam ipſam diſſolveret: in ejus verò clavi ſummâ parte imaginem ſuam pinxit: ita Deus ille Opt. Max. cum venuſtiſſimam hanc Mundi Oeconomiam fabricaſſet, tanquam coronidem aut colophonem adjecit Hominem, in quo ſuam imaginem poſuit, ex cujus inſpectione artifex cognosceretur: ut ſi verum dicere fas eſt, humanus animus, Deus quidam, parvo corpusculo concluſus videatur.

Donzell. *in praefat. comm. Jacob. in l. 9. Rhaſ. Heurn. l. e.*

LXXX.

Ex homine Dei & Natura notitia.

Hinc Zoroaster, antiquissimus ille Philosophus & Rex (qui Nini temporibus emicuit) veteris Theologiae scientissimus inventor, Magicarumque artium, si Plinio credimus, in Perside primus, in Magiâ suâ, hominis admirandam fabricam & immensam illam perfectionem contemplatus, in hanc exclamationem prorupisse creditur:

ὦ τολμηροτάτης τῆς φύσεως ἄνθρωπε
τέχνασμα!

nimirum ipsam adeò naturam, per quam nos veriùs, Deum Opt. Max. primum illum omnis naturæ πηγή-την, hominisque protoplasten intelligimus, audaciz accusare ausus, quòd tam admirandum opificium moliri sit ausa.

C. Bauhin. l. 6.

LXXXI.

Homo præcipuum Dei opificium.

Quicquid enim in Mundo se profert, quamlibet concinnè atque affabrè factum, nulla ratione comparari, componique hominis præstantiz potest, adeò ut hinc præcipuè sumi voluerit sui æstimationem Deus, suæque divinitatis specimen exhibere mortali- bus, hoc est, ex sua cujusque mente, sui que notitia per- duci nos voluit, in cognitionem, tantique operis re- verentiam. Nihil enim expressiùs repræsentat Deum, quam mens hominis, quâ ad imaginem ac similitudi- nem ejus est conditus. Est siquidem homo, expressis- simum Dei simulachrum. Quamobrem, ob externum, internumque ornatum, atque amplissimas dotes

ἡρώδης & dici meruit, quod in hunc cumulatissimè omnia profuderit, munificus ille rerum parens, atque opifex Deus. Hujus enim causâ, omnia producta in lucem, illiusque usui cuncta patent & sunt exposita.

Lemn. l. 1. de occ. nat. mir. c. 2.

LXXXII.

Artificum elegantia opera, sed ficta.

Laudari solet superba regii alicujus palatii structura, si materia ex variegato marmore, preciosissimo auro coruscante & gemmis radiantibus desumpta, concinnâ formâ sit disposita. Attonitos reddit idiotas, Jovis olympici splendor, auro & ebore lucidissimo undique admirabilis, & statuz insolita magnitudo, quæ si ex luto conglutinata esset, insalutatam præterirent. Artifices autem Debutadis Sicyonii, vel Phidiæ alicujus argillam, lignum vel lapidem, artificii pulchritudinem æstimantes, faciliè præferunt.

LXXXIII.

Hominis verò admiranda, nec ficta, nec picta structura.

Deus cunctipotens, ut suæ nos admoneret potentia, nostræque originis & imbecillitatis, ex rudi limo terræ, corpus Adami effinxit, obrizo auro, scythicis & indicis gemmis, & rubentis maris granis cadentibus præcellentius: nostra verò corpora, ex tribus seminis guttulis, & tantilli sanguinis, lactis in morem fufis, & casei ritu (a) coagulatis efformat, & ex eadem materiâ ad sensum similari, tot tamque diversas partes producit.

a) *Sapient. 6. 7. v. 2. Job. 6. 10. v. 10.*

LXXXIV.

LXXXIV.

Humani aedificii basis & columna.

Ossibus præterea plusquam ducentis, ceu palis & columnis, totius corporis ædificium suffulcit, cartilaginibus totidem articulos ferè omnes incrustat: ligamentis quam plurimis omnia vincit & connectit: membris innumerabilibus, tanquam corticibus singula vestit: nervorum plusquam triginta paribus, ceu funiculis quibusdam membrorum vastissimas moles non sine admiratione irrigat: arteriis ferè totidem, veluti tubis & aquæ ductibus, spumante sanguine & vitali spiritu partes omnes perfundit: musculis ferè quadringentis & diversi generis carnibus ceu tomentis vacua spacia explet, & viscera omnia obtegit, & recondit: cute denique omnia circumdat & colligat.

H. Petrus in orat. de anat.

LXXXV.

Magnitudo potentia & sapientia Dei, in hominis fabricâ.

Quis hinc non admirandam Dei potentiam & inimitabilem sapientiam evidenter agnoscat? quis non cum Regio Prophetâ, velut æstro percitus exclamet? (a) ô Domine, quàm admirabilis est facta scientia tua ex me? quin non, cum eodem hymnum opifici canat? Confitebor tibi Domine, quia sapientiæ tuæ magnitudinem declarasti in corporis mei fabricâ? (b)

a) *Psalm. 139. v. 6 b) v. 14.*

LXXXVI.

Homo μικρόκομος.

Sapienter ergò hominem μικρόκομον appellârunt

D s

Vete-

Veteres, (a) cum in se ea omnia contineat, quæ universus hic mundus amplissimo suo sinu coërcet ac cohibet: (b) (quia tanta ars in compositione hominis, quanta in mundo: unde etiam in homine oculus, qui maximè Solem (c) refert.) Ejus enim forma cæterarum omnium perfectionem complectitur, siquidem essentiam cum elementis: vitam cum plantis: sensum cum animalibus: intelligentiam cum formis divinis communem habet (d) ut rectè dixisse Sophocles videatur: (e)

*nihil a què stupendum ac hominem,
natura parens produxit unquam!*

a) Arist. l. 8. Phys. c. 17. b. d) Laurent. & Bauhin. in Bras. op. Anat. c) Gal. l. 3. de us. part. c. 3. e) in Antig.

LXXXVII.

Homo participium omnis generis.

Homo namque animalium omnium vires, perfectiones & temperamenta in se continet, estque medium generis, à quo omnia dependent, ad quod omnia referuntur & expenduntur. Sic multos in humano genere reperias, qui Struthiocameli ventriculo, alios qui corde Leonis, plures qui Canis, quam plurimos qui Suis, infinitos qui Asini naturâ gaudent. Alexander Macedo, tantâ erat præditus humorum symmetriâ, ut ipsius spiritus & humores, imò exanimatum cadaver, naturale balsamum odoris fragrantiam referret.

LXXXVIII.

In homine, ut puncto centrali, omnium inferiorum radices, & superiorum Idea nascuntur.

Sed

Sed audite majora. In homine, tanquam puncto centrali, nodo & fasciculo creaturarum omnium, non animalium solum, haud parum sæpè ex ipso nascentium, sed & vegetabilium & mineralium & metallorum species, radices & seminaria rationes delitescunt, ut ex generationibus, transplantationibus, & nutritionibus plus satis elucescit.

LXXXIX.

*Vegetabilia, Mineralia & Metallica in
Homine.*

Vegetabilia enim spiritibus balsamicis mineralium, animalia vegetabilium, & per has mineralium, homo verò propter quem omnia condita sunt, animalium, vegetabilium & mineralium, nutritur & augetur, quare ex iisdem etiam ut constet, ratio postulat. Florent itaque in homine & fructus sanitatis, vel morborum nuncios proferunt, melissa, viola, chamaedrys: puta spiritus cerebri, cordis & epatis: Urtica, Aron, Flammula: pustulae, pruritus, herpes. Fiunt in eodem quoque mineralium separationes, paroxysmis conspicuae, vitrioli, aluminis, Salis gemmae, Colcotaris, Tartari: nempe Lepra, Elephantiasis, Morphaea, Cancer, Esthiomenos, variis tincturis & signaturis sese prodentes. Nec desunt Aquae generationes, Aurum, Argentum, Stannum, Cuprum, Ferrum, Plumbum: Cor, Cerebrum, Hepar, Renes, Venterculus. Quin reperiuntur in corporibus nostris fodinae, è quibus lapides eruuntur, Renum & Vesicae calculi, non ad ædificandam, sed destruendam domum.

XC.

*Angelica, cælestis & sublunaris Mundi partium,
cum homine harmonia.*

Caput humanæ mentis Arx, Rationis sedes, sapientiae domicilium, memoriæ, judicii, cogitationum (quibus humanum genus intelligentiis est simillimum) officina, editissimum locum obtinens, an non supremam & angelicam mundi partem refert? Mediam & cælestem habes in thorace & medio ventre ad unguem expressam. Ut enim ad Solis accessum superiora collustrantur & inferiora vivificantur omnia: contra verò Sole de sede suâ digresso, horrescunt & ad interitum vergunt: ita & cordis perpetua motione, ejusdem vitali calore omnia vigent, latitiarumque seges sese ostendit uberrima: eo verò curis, tristitia, metu, aliisque nebulis obfuscato & debilitato, omnia debilitantur & tandem pereunt. Sublunarem Mundi partem, in ventre inferiore expressam quis non videt? in eo partes nutritioni, coctioni & procreationi, dicatae continentur.

XCI.

Microcosmi Meteorologia.

Meteora in humano corpore haud haberi dices? mirabilis en cernitur analogia. Fulgores terrificos & coruscationes ignitas, excandescantium oculorum rubrae indicant suffusiones, & quæ inde emicant *ἐκλάμψεις* & effulgentiæ? intestinorum rugitus, borborygmi, obmurmuratus, strepentes crepitus & ructus mille tonitruum species exhibent: ingruentem flatuum vim, ventorumque tempestates turbidas, cruditarum exhalationes, aurium sibili & tinnitus

præ-

prænunciant: in faucium spatia, laryngem, thoracem decumbens fluentis instar destillatio pluvias atque imbres denunciat? coacta rotundaque sputa gradinis gerunt similitudinem; lachrymæ rori assimilantur.

XCII.

Quatuor Elementa.

Quatuor elementa in corpore humano intueri cupis? Ignis elementum an non ex oculis emicat? an non in Spiritu vitali, in Animâ ipsâ exsplendescit? Aër in arteriarum Spiritu & partibus vacuis & carnosus conclusus? Aqua in humoribus fluidis? Terra in ossibus, solidisque partibus, quem latere aut subterfugere possit?

XCIII.

Stella errantes.

Stellarum errantium forsan ducatum in Microcosmo desideras? En! humectam Lunæ vim profluens cerebri refert medulla: Venereæ potestati genitales humani corporis partes inserviunt. Mercurio vario, pariterque ingenioso facundiæ & venustatis instrumenta deserviunt: Solis & cordis maxima est analogia: benefico ac benevolo Jovi, humanum Epar, fons gratiosi vaporis, ritè confertur: Martis incendium & furorem fellis in se concipit vesicula: Saturni sidus frigidum flaccida lienis caro, humoris melancholici receptaculum perpulchrè refert.

XCIV.

Quatuor humores & Maria.

Quinimò si modo fas, vela pandere, navimque altius in simplicia & mixta corpora, in quæ mundum Peri-

Peripatetici partiuntur immittere, & ea quoque in Microcosmo adumbrata quadantenus esse, haud facile quis negatum iverit, cum spiritus humani corporis, coelum quintam illam essentiam, quatuor verò humores, Bilis calida & sicca Ignem: Sanguis calidus humidus Aërem: Pituita frigida humida Aquam: & Terram melancholicus succus, frigidus siccus, exprimant. Sic Venter Hominis, Terra est, omniformium frugum ferax. Vena autem cava mare mediterraneum situ refert. Vesica verò est mare occidentale, in quod omnia flumina exonerantur, & sal superfluum resolutum colligitur.

XCV.

Plaga cæli, venti & quatuor orbis partes.

Sic homo Orientem habet in ore: Occidentem in ano: meridiem in umbilico: Septentrionem in dorso: habet etiam ventos cardinales & collaterales, ex istis regionibus spirantes. Sic Europa, Africa, Asia, & nobis nova America, in homine geographicè describi potest.

XCVI.

Tria principia physica in homine.

Tria quoque rerum mixtarum hypostatica & activa principia, sal fixum & coagulatum in hepate: sulphur oleaginosum & glutinosum in corde: Mercurius volatilis & permeabilis in cerebro concentrantur, & mediantibus vasorum vehiculis per totum corpus distribuuntur, imò arte etiam separari, & ad oculum demonstrari possunt.

H. Petram in orat. de anat. Ch. Preibis. in praf. diss. Somatol. Heurn. de aff. cap. e. ult. Donzell. in praf. comm. Jacch.

*Jacob. in l. 9. Rhaf. Laurent. praf. op. anatom. Fr. Tidi-
ca. libr. fing. de defer. hom. & mund. Tob. Knobl. diff. 1.
anat. 8. 1.*

XCVII.

Dei omnia plena.

Mirificam Dei sapientiam & bonitatem quæ te-
stentur, innumera sunt, tum in cælo, tum in terris do-
cumenta: adeo, ut quaqua verſum oculos conſicias,
nulla mundi ſit particula, nihil tam vile ſit & abje-
ctum, in quo non, velimus nolimus fateri, expreſſiſ-
ſima ſapientiæ ac divini gloriæ veſtigia eluceant.
Nam ſive animæ eſſentiam, tot præclaris dotibus in-
ſignitam contempleris; ſive ad humani corporis
ſtructuram, connexionem, ſymmetriam, pulchritu-
dinem, ac denique uſum animum intendas; ſive ad
perſcrutandos Aſtrorum motus, Siderum conſtantif-
ſimos ortus, temporum viciffitudines oculos conver-
tas, non in his omnibus maxime ſpectabile bonitatis
& ſapientiæ Dei ſpecimen apparet? Quorſum tot di-
verſæ herbarum effigies, tam diverſi earundem colo-
res, ſapores & odores varii, ac denique tam varia &
diſcreta in illis recondita virtus & efficacia, niſi ut
hinc infinitam ejus Sapientiam & bonitatem colliga-
mus & admiremur? Sapientiam quidem, quod omnia
à ſe condita, tam appoſite, tamque bono ordine fa-
bricata, æternâ ſuâ, & inimitabili virtute fovet ac
tuetur, atque ita, ut etiam minimas quasque res ſuâ
providentiâ regat atque gubernet. Bonitatem ve-
ro, quod hæc omnia propter nos homines condidit,
quos tam indefeſſâ benignitate proſequitur, ut juxta
paternam ſollicitudinem providentiâque, quic-
quid

quid utile ac salutare illi prævidit fore, id totum præpararit. Circumsilic nos, ut inquit ille, morborum omne genus, circumferimus corpus omnibus morborum telis expositum. Ille juxta divitias misericordiæ suæ remedia monstravit, quibus subveniri possit infirmitatibus. Vix ullus morbus est, qui non habet sibi proprium aliquod ac peculiare remedium, quo aut imminens averti, aut jam præsens possit depelli, modo suo loco, tempore ac debito modo administretur. Cui hoc nisi divinæ bonitati acceptum ferre debemus.

Henr. à Bra, in præf. med. simpl. ad cal.

XCVIII.

Morosophistarum in Deum injuria.

1. De fenestrato corde neglecto.

Abeant proinde, valeant *μωροσοφοι*, cum suo Deastro Momo, qui, sicut in domûs Minervæ extructione (a) id præcipuè culpandum arbitrabatur, quod non erat facta trusatilis, quæque facillè possit circumagi, si fortè malum haberet vicinum: ita in hominis structura, nescio quæ fenestrata expetiit pectora, ut omnes animi affectus (quorum alioqui tamen facies, vultus & oculi indicia) paterent. (b)

a) *Epicharm. l. 2. rer. Lyc. b) Knobloch. disp. 2. Anat. cap. 1. part. 10.*

XCIX.

2. De homine nudo & inermi.

Definat in posterum iniquus operum Dei æstimator Plinius, beneficentissimam Matrem Naturam incusare, & duram Novercam appellare: quòd solum hominem in natali die nudum & inermem in nuda

da humo ad vagitus confestim & ploratum abjecerit: desinat animalium dotes, cornua, squamas, ungues, ungulas, pennas tantopere jactare. Plus enim homini confert manuum industria, quàm bestiis impetus, mole suâ ruens, & tegumenta; plus sermonis velocitas, quàm pennarum levitas, plus ratio, quàm Natura. Et profectò si Animalium virtutes cum homine conferantur, vix umbræ sunt evanidæ.


Gal. l. 1. de us. part. c. 3.

C.

3. De fortuito ex Atomis mundi & hominis ortu.

Abeant blasphemæ Epicuri volubilia atomorum adsertoris, ac veluti Mundum, nec ullâ ratione, nec Arte, nec fabricâ instructum, sed Naturam rerum quibusdam minutis seminibus & insecabilibus conglobatam clamantis: ita & hominem θείαν χεῖρην πλάσσειν ματαιότατον (quod tamen tam nescit, quàm humati sui Dei χεῖρην) casu, & ex turbulento, fortuito atomorum concursu factum esse, somniantis deliria.

T. Knobloch. l. 6. part. 12.



CENTURIAE II.

Particula I.

Vita Erymon.

Vita dicitur ab officio vegetandi, Græcè ζοὶ αἰσθητὸν τὸ ζεῖον, à fervore, quod vita in calore nativo, & humido fundata sit.

Fr. Tideman tract. 2. de microsc. p. 120.

E

II. Men-

II.

Mentis Etymon.

Mens dicitur *ἡ δὲ τὸ μνῆναι* id est, indico, significo, patefacio, eò quod Mens pro suâ acrimoniâ, ac vi insitâ suggerat nobis, ac dicet rationes, ac media, ad id quod instituimus facientia, ut Mens quasi indicatrix rationum tali nomine appellata sit. Intelligitur autem per Mentem, ipsa Anima intelligens in se spectata, extra relationem ejus ad corpus: sed quatenus consideratur, ut à corporis societate libera, sibi sua est, & in cognoscendo versatur. (a) Germani hominem à potiore sui parte, Mente, *Mensch* / vocant. (b) Nemo enim, ut rectè scriptum est, homo is est, quem forma ista declarat, sed mens cujusque, is est quisque, non ea figura, quæ digito monstrari potest. (c) Et, corpori tantum præstat mentis excellens perfectio, ut vix possit cogitari, quid intersit. (d) Celebre etiam est axioma: Mens (e) cujusque is est quisque. Unde & quæ planè sine corpore sunt Mentis, dicimus beatas, ipsum etiam Deum, Mentem æternam. (f)

a. f) *Tidie. l. c. p. 121.* b. c) *Haidfeld. Sph. Philos. c. 11.*
c) *Cic. in somn. Scipion.* d) *l. 5. de finib.*

III.

Corporis humani & *σῶμα* Etymon.

Corpus humanum Persius (a) Metaphoricè Fagum appellat, *σὸν τὲ φάγην*: quod perpetuo in pastu esse cogatur, dum ait:

— cum lapidosa chiragra
frangeris articulos, veteris ramalia fagi. (b)
Σῶμα dictum quasi *σῶμα τῆς ψυχῆς* sepulchrum Animæ (c) quod in id conjectus Animus, velut sepeliatur,

tur, & à mole ejus terrena obumbretur, atque aggravetur. Et Philo, seu quisquis Author est ejus libri, qui σοφία Salomonis inscribitur, rectè pronunciat τὸ σῶμα βαρύνει ψυχὴν, καὶ τὸ γεῶδες σκῆν' βεβῆκεν νῦν πολὺ φρονίδα. (d) At enim licet corpori annexus sit animus & in hoc suo tabernaculo ostrei more circumferatur: nihilo tamen secius divinitatis suæ, rerumque maximarum semina quædam etiamnum ipse retinet, quarum dulci recordatione, quasi igniculis accensus, insatiabili sciendi & nascendi cupiditate flagrat, annorumque progressu totum sese in contemplandis rebus perspiciendisque ponit. (e) Homerus vocat σῶμα τὸ ἄψυχον, ἐπεὶ σῶμα π' ἐστὶ τῷ πνεύματι ζῶντι &c. (f)

a) Satyr. 5. b) Zuving. Physiol. l. 2 c. 5. c) Riolan. in Battol. Quercet. c. 13. d) c. 1. v. 4. e) Sal. Albert. in Orat. de discipl. Anat. f) Hadrian. Jun. in Lexic.

IV.

In homine unio Corporis & Anima stupenda.

Hoc sanè, cum Animi, atque adeò Dei ipsius sedes ac veluti Templum futurum esset, ita est conformatum, ut Cælum, atque in Cælo Solem, in Sole verò & Astris Authorem suum facilè aspiceret, atq; agnosceret: & lumine, ceu re cognata, ac familiari summo perè delectaretur. Quàm operosa verò sit hæc corporis compages, quàm apta, cum ad usum, tum ad venustatem hæc lineamentorum conformatio, quàm admirabilis hæc coagmentatio, & structura, quæ divinam mentis Naturam cum corpore sic commisit: ut inde absoluta quædam totius Orbis imago confurgat: satis nemo unquam intelligit.

Denzellin. in præf. comm. Jäsch. in l. 9. Rbas.

V.

Anima & Animi Etymon.

Anima & Animus dicitur ab ἀνέμῳ, quod ventum seu spiritum significat, respectu spiritualis ejus essentiae, vel ad eorum opinionem, qui animam ex aëre factam arbitrati sunt: ideo Hippocrates (a) conjungit aërem cum Anima, hanc per illam significari docens: unde & vitales auras nominarunt Veteres, vel, quia ut spiritus, seu ventus etsi præpotens sit, mirabiliaque efficiat, oculorum tamen obtutum effugiat: sic Anima quoque, utut sensus nostros fugiat, opera tamen edat talia, quorum admiratione nunquam exfatiari explerique possimus.

a) lib. de Insomn.

VI.

Ψυχὴ unde dicta.

Ψυχὴ dicitur Græcis à frigoris significatione, quod ψυχὴ is est: vel ad Thaletis Milesii & Hipponis sententiam, qui ex Aqua Animam esse opinati sunt, vel quia ventus omnis, sive spiritus vi suâ refrigeratoriâ, primo occursum animal fessum refocillet ac recreet: id quod & anima facit vel maximè, ut quæ animali vigorem ac vires addat, ac tueatur universas: inter animam autem & animum, etsi eandem rem novent, discrimen ponunt alii; ut anima sit, quâ vivimus: animus verò, quo sapimus: alii, inter quos Cicero est, ut animus animâ contineatur: sitque animus ceu animæ facultas & vis: hinc in Phrasi est, animum addere, non animam: illud ratum est apud omnes sapien-

piences, animum solius esse hominis, animam cunctorum viventium.

Fr. Tidicans in microcosm. tr. 2. fol. 120.

VII.

Anima humane præstantia.

Anima humana immortalis est, propter excellentissimum suum gradum, uti aurum ignibus invictum, (cum reliqua metalla vincantur) in se potestate continet, reliquorum omnium vires, tincturâ perfectissimâ nobilitatas. Tota est, in toto, actu, & in qualibet ejus parte tota: sed potestate: ita tamen ut in aliis partibus una, in aliis alia facultas magis elucescat.

Zuving. Physiol. l. 2. c. 33.

VIII.

Anima unica, operibus in corpore varia.

Quamvis Animæ Substantia simplex sit, unica, incorporea & indivisibilis, nihilominus juncta corpori, plures & innumeras obire potest functiones. Neque tamen per hanc conjunctionem confusa permiscetur corpori, sed perpetuò illam suam tuetur unitatem, & in quibuscunque fuerit, ea ad suam vitam vertit, non ab iis vertitur, non continetur à corpore, sed illud potiùs continet, & qualiter lumen totum illustrat aërem, sic per universum corpus diffunditur Anima, operationum partium singularum causa.

IX.

Illustratio à luce & lumine.

Sicuti enim lux, in qualibet aëris parte, eadem, nullam admittit divisionem, pariter eadem & rota, virtute nempe, in qualibet corporis parte existit Anima.

ma. Demum, uti lumen, per varia delatum diaphana, diversimodè illa afficit & illuminat: eodem omninò pacto Anima ex diversis partibus compositum corpus permeans, pro aliâ atque aliâ illarum constitutione, diversissimè operatur, naturalis, vitalis & animalisevadens.

Jessen. Administ. Anatom. 1. p. 5. b.

X.

Anima facultatum ex luce & calore pictura.

Lumen una numero res est, facultates cum ipso natae Lux & Calor sunt: totum lumen lucet, totum lumen calet; re ipsa tamen in eodem lumine, lux à calore est distincta, nec calor in lucis naturam permixtus. Nam lucem oculorum sensu percipio, non calorem: tactu calorem sentio, non lucem. Nihil autem vètat dicere, lumen calidum est lucidum, & lumen lucidum est calidum: Ita & de Anima in concreto possumus dicere: Socratis Anima sentiens est intelligens, vegetans est in loco movens: cum tamen facultates de seipsis in abstracto prædicari non possint: causa ea est, quia divisi sunt istæ singulae toti Animæ quidem insunt, sed non omni, &c.

Knobloch disput. anatom. 22. cap. 1. tb. 5.

XI.

Lux diurna, omnibus amica.

*Luce vigent operosa artes, it miles in arma
luce, gemunt fessi sub iugo luce boves;
Delia non nocte venatur: nocte quiescunt
pulpita: sed luce est docta Minerva vigil.*

Luce

*Luce minax Pallas: vigilate quos bona luctu
corpora; Di, sensus, Ingenium, Arsq; viget.
Quercet. diat. polib. sect. 2. 3.*

XII.

Confidentia & Metus mira vis.

Confidentia & Metus aperiunt clauduntq; vias, ad interiora animi, faciuntq; ut vel promptius sese exerat vis medicamenti, & in arcem vitæ invadat, in timiditate & sollicitudine de re eadem: vel inhibent impetum: firmantque Naturam ad alacriter obstandum. (a) Sed, an Confidentia ægri de Medico, conferat in ipsius salutem quaeritur? Contrarium licet videatur verum, propter actionem & ejus subjectum: attamen cum Confidentia tanquam agens, cum salute perducendâ, in subjecto licet partiali, conveniat, ad tria quoque instrumenta Medica, per Regimen & Animæ accidentia referri possit, jure optimo Confidentiam, producere posse ægri salutem, affirmatur. (b)

a) *Libav l. 1. sing. de venen. c. 8.* b) *Barthol. Fritschius de ad. 3. disp. Basilens. disp. 10. de morb. venenos. coroll. 1.*

XIII.

Metus, mentis & omnium sensuum Tyrannus.

Metus animo conceptus cor confestim exagitat, mentem obnubilat, omnes animales facultates perturbat, omnibus sensibus, tam externis, quàm internis ruinam minatur præsentissimam: ac demum adeo omnes nostras viciat & inficit actiones, ut illi⁹ malignitate vis imaginaria, de suo statu deturbetur: cerebrū debilitetur, & æger mirum in modum discrutietur.

Quercet. diat. polib. sect. 1. cap. 9.

XIV.

Canities ex metu; historia 1.

Metus, Consternatio, terror repentinus, subitaque mortis intentata formido, ita honorem faciei depopulantur, ut juvenes, ilicò natos ostendant senes. Cujus rei memorabile Exemplum, nostra memoria edidit, juvenis quidam Generosus ac Nobilis, qui apud Carolum Cæsarem, dum versaretur, in ejus Aula virginis, quam deperibat, pudicitiam expugnarat, quod capitale in eo cœtu, etiam non reluctantē puella, ob decus aulicum, fœda libidine contaminatum, in carcerem conjectus, atque postridie ad supplicium tractus, præcedente nocte incanuit, adeò, ut amisso florido & spectabili colore, nec Cæsari, nec familiaribus nota facie prodiret. Cæsar supposititium suspicatus, aut dolum, explorari jussit, an ipse is esset, & num ementita canities, & num indecora canitie barba delibata pharmaco foret: redeprensā, Cæsar miseratione flexus, crimen ei condonavit, satis pœnarum arbitratus fuisse in mœrore ac concepta animi formidine.

Heurn, c. 3. de aff. cap. Hadr. Jun. l. de Coma c. 10.

XV.

Ejus Causa.

Causam autem prodigiosæ subitæque mutationis, quum nuper à me sciscitaretur Ill. quidam vir, illam in supplicii imminētis intensissimam cogitationem, quæ intimis sensibus penitus inhæreret, referendam pronuntiavi: ea siquidem animi affectio, tam fuit illi gravis, & acerbā, ut propemodum extincto sopitoq; vitali calore & spiritu, singulæ corporis partes;

tes, amisso florido, & spectabili colore, in despdatum habitum devenirent, adeò ut capillorum radices, quæ fumido vapore, qui cuti subest, aluntur ac frondescent, ut gramina terræ succo, concepta frigida sicque qualitate, arescerent, ac nativum colorem exuerent. Ut enim arborum folia, ac vitis pampini, qui uvam à cœli injuria defendunt, æstu, pluvia, grandine, aquilonio ac boreali flatu, qui æstivis aliquando mensibus ingruit, ex viridanti in luteum flavumque colorem elanguescent, ac demutantur: sic genuinus corporis vigor, sic color, sic externa species deflorescit, ac crines, qui non existunt corporis partes, sed appendices, sublata oppressaque vi, qua aluntur, intempestivam canitiem contrahunt.

XVI.

*Causa hujus Exempla alia, in militibus
& Nautis.*

Quodd ferè omnibus usuveneri videmus, qui in labore militari, in periculis maritimis versantur, aut cum morbis conflictari solent, in quibus est mortis quoddam instar: nihil enim aliud meditantur, nihil animo magis concipiunt, ubi stat in procinctu acies, ac res agenda cominus, quàm extinctum iri se, nec facile posse eluctari: nisi fortè animus longa assuetudine ad pericula occalluit, ac sit obfirmatus, quod ferè perspicimus in veteranis militibus, atque iis qui tempestatibus, ac maris sævitix sunt assueti.

Lemn. l. 2. de complex. c. 2.

XVII.

Canitiei ex metu, Historia II.

Franciscus Gonzaga, Affinem suum suspectum con-

E s

jura-

jurationis, cum in turri portæ Cæsareæ, ad quæstionem aut supplicium servari iussisset, nunciatum est, manè totum repente canum factum. Quod quasi prodigium, flexit Principis animum, qui ei propterea, & vitæ, & veniæ dedit gratiam.

Sealig. exerc. 312.

XVIII.

Historia III. & IV.

Mulier quædam incidit in foveam, in qua erat lupo & vulpes, ea una nocte incanuit, & post tota vita mansit tristes. (a) Quidam è rupe pendens, dum accipitrum pullos scrutaretur, interimque funes, quibus sustinebatur, dissiluisse, subitâ formidine, subito incanuit. (b)

a) *Libav. l. 2. sing. p. 142.* b) *Cæ. Rhodigin. antiq. lect. l. 13. c. 27.*

XIX.

Historia V.

Cum Ludovicus Bavarus Imperator ad Rhenum in armis esset, Maria Brabantina ejus Conjux Werda habitans, binas literas, uno quidem annulo, diversa tamen cera, atra, rubra obsignatas, illas Marito, alteras Henrico Ruchoni Decurioni Equestri mittit. Atq; is, qui Epistolas detulit, errore seductus, rubra cera cõplicas tendit Ludovico. Qui lectis literis, amatoriam agi suspicatus, dissimulata re, relicto apud Rhenum exercitu, quàm maximè potest itineribus ad uxorem diu noctuque contendit, & indicta causa adulterii condemnatam securi percuti jubet, postea veluti conscias Helicam virginem Prennebergensem cultello confodit: in aliam Fœminam nobilem, quam

gynecæo præfecerat, de turri præcipitavit. Ob id horrenda illi occurrit nocturna visio, quâ unâ nocte totus est factus canus. A. 1256. (a) Argumento, nullâ re maturius promoveri canitiem, quam Metu, huic addo mœrorem & curas (b) unde ait Pindarus: (c)

Φύονδε καὶ νέοισι
ἐν ἀνδράσι πολὺαὶ
θαμὰ, καὶ παρὰ τὰν αἰλικίαν
ἐνικότερόν τι χρόνον.

id est, nascuntur autem & juvenibus, in viris, cani crebri, etiam præter ætatis congruum tempus.

a) Aventin. l. 7. Guspinian. in Casar. l. Schenck. obs. l. 1. obs. l. b) Heurn. c. 5. de aff. cap. c) Olymp. 4.

XX.

Metus mortis ipsâ morte acerbior.

Horror Mortis, si quando hominem corripit, aut ejus imaginatio mente concipitur, ipsâ morte atrocior est, multis enim cum illa vitæ finem imponit, sensus obstupescunt, nec ullum dolorem percipiunt, quod iis accidit, qui Apoplexiâ vel Lethargo opprimuntur, vel deliquio, animi defectu, velut conniventes somno consopiantur, atque placide obdormiscunt, nullo spectantium oculis exhibito doloris sensu.

Lemon. l. 2. de compl. c. 2.

XXI.

Mors terribilis.

Mors graditur vastopandens cava guttura rictu,
hanc modo falcata fingunt, modo arundine & aren
terribilem --- --- ---

Sic

Sic pictores vim mortis solent adumbrare. Hostis no-
ster infestus est, in singulas horas & minuta nos mi-
nuit, carpit, radit; cum equitantibus equitat, cum
peditantibus peditat, natantibus connatat, fugien-
tes sequitur, cum militantibus militat, commessantes
vorat, bibones exhaurit, ludentes ludit. Et quis de-
num tutus à mortis injuria? Ad mortem enim matu-
ri omnes sumus, ex quo nati, imò etiam antè quàm
nati.

Nemo obitus novit tempusve, locumve, modumve (a)
vix uno passu (b) à morte absumus: uno gradu
nos & mors dividimur: quotidie per fenestras pene-
trat in ædes nostras. (b) Quo vita longior, eo culpa
numerosior: myrias peccatorum, chylas miseria-
rum & tandem mors. (d)

a. d.) *Heidfeld. in sphing. phil. c. 38. p. 1161. & 1172. b)*
1. *Samuel. 20. v. 3. c) Jerem. c. 9. v. 21.*

XXII.

Vt mors non sit formidabilis.

Nulli Naturæ spirabili Mors non horribilis, ac for-
midolosa, quòd interitum adferat: sed, quæ ut non
exoptanda temerè: ita non pertimescenda viris chri-
stianis (hanc enim ipsa necessitas, & cum universo ge-
nere humano communicata æqualitas tolerabilem
facere debet) (a) quum mens concepta fiducia sua-
vioris vitæ, ac Resurrectionis spe fulta, alacriter hinc
emigrandum sibi persuadeat. (b)

a.) *I. Laurent. in comment. b) Lemn. l. 1. de compl.*
6. 4.

XXIII.

XXIII.

Tremor in periculis unde.

Sic in adeundis terrarumque periculis, quæ mortis imaginem oculis ac menti obijciunt, nemo non contremiscit ac trepidat, metuque exalbescit, refugiente ad intimas partes sanguine: quum enim omnes corporis partes vitali succo destitutæ sint, nulla fatis probè suo officio fungitur, sed titubant vacillantque pedes, caligant oculi, labascit vigor, mens hebescit, animus dejectus est, genæ pendulæ sunt, ac flaccescunt, lingua hæsitat, dentes crepitant: (a)

arrestaq; horrore coma, vox faucibus hæsit. (b)

a) *Lemn. l. 2. de compl. c. 2. b) Virgil. l. 3. Æn.*

XXIV.

Consternatio qua citò fit, citò perit.

Adeò nullus est, quamlibet constantis robustique animi, cui non repentinus aliquis casus sit formidabilis, ac mentem concutiat; sic tamen, ut confestim discusso metu, ac conceptâ divinitus fiducia intrepidus interritusq; subsistat, ac, si res poscet, quæque ingruunt adversa, declinari nequeant, alacri atque infracto animo sese illis opponat.

Lemn. l. 6.

XXV.

Timoris quadam occulta causa.

1. *In animalibus.* 2. *In hostium nomine.*

Leones, Tigrides, aliaque id genus ferocia animalia, ob solum metum mortis non reformidantur, et si justum suppeditent terroris metum. Nec serpentes etiam, bufones, araneæ idcirco timentur, quod venenis suis nos possint perimere. An naturæ sint quædam,

dam, & peculiare hominum proprietates, quæ *avt*
παιθεαι dicuntur (ut quando mures natura feles reformi-
 dant, & oves lupos) quibus hoc vel illud citra aper-
 tam causam odimus & metuemus, etsi ab eo nihil in-
 commodi pati possimus? 2. Sunt etiam quidam, qui
 vel solo audito hostis strenuissimi nomine repente
 expavescent: quemadmodum Johannis Hunniadis
 Ducis apud Turcas fortissimi, nomen formidabile om-
 nibus usque adeo fuit & terrificum, ut Nutrices ad
 comprimendos infantulorum vagitus Hunniadem
 adesse confingerent.

XXVI.

3. *In murium adpectu, vel sensu.* 4. *In fe-
 libus occultatis.*

At non solis infantibus hoc terroris genus accidit
 & pueris: verum etiam magnis & præstantibus viris.
 Omnibus enim cujuscunque ordinis, sexus, & ætatis
 hominibus est adeo communis hæc perturbatio, ut
 nemo se ab ea liberare queat, ne quidem constantissi-
 mi, fortissimi, ac sapientissimi quique. Memini enim
 Magni cujusdam Principis, qui me inter domesticos
 usus est Medico adhuc juvene: cujus summa erat ani-
 mi fortitudo, & adversus hostes in procinctu invicta
 ferocia: qui tam facile adpectu aut sensu alicujus muris
 in cubiculo degentis perterrebat, ut se ipsum vix
 continere possit. 4. Memini & Anglum quendam No-
 bilem, à me convivio aliquando exceptum cum mul-
 tis aliis Nobilibus viris, quem videre licuit in medio
 prandio, corpus modò huc, modò illuc agitare, aut
 torquere, modo pallefcere, modò sudores emittere,
 ita, ut ab omnibus crederetur accumbentibus, gravi
 ali-

aliquo malo conflictari: nisi ab aliquo ex convivis Nobilissimo viro, apud quē ille Anglus agebat, nobis narratum fuisset, necessariò in cubiculo selem adesse, cujus præsentiā simul atque Nobilis ille Anglus, vel oculis, vel sensu tantum perciperet, his animi motibus, & perturbationibus angeretur.

Querens. diat. polib. sect. 1. c. 8. Libav. l. 2. ling. p. 122. & 152.

XXVII.

5. *In vena sectionibus.*

Quidam venā sectā leiporhymiam patiuntur, & invenias nonnullos strenuos & bellicosos milites, qui libentiùs cum hoste configant, quam ut sibi scalpellum in venam adigi permittant.

XXVIII.

*Metus praesidium.*1. *Per autopsiam* 2. *per adhortationem.*

Sed præsentiā alicujus animosi persuasi, & firmati mente, non amplius ita afficiuntur. Constantia enim mentis & firma in oppositum persuasione Naturæ mollicies impotentiaque coercetur; veluti in his, quidum astant herniarum, strumarum, crurisve sectioni, animo deficiunt, aut saltem valdè nauseant, si firment animum, seq; recolligant, affectio impeditur. 2. Quidam Italiam petens, illatum mensæ cum voluptate, leporem assum credens, absumserat, sed cum postea edulii oblectamentum sociis deprædicaret, cognito, selem fuisse, penè viscera evomit, & periculose habuit, donec confirmatis cogitationibus paulatim compescuit motum.

XXIX.

XXIX.

*Persuasio recens facilè, inveterata difficillimè
eradicatur.*

Quibus enim sympathia & antipathia, potissimum à persuasionem firmâ dependet, ii mutantur facilè, aliter persuasi. Spirituum enim & cogitationum volubilis est motus & natura *εὐμεταβάλητος*. Veruntamen difficilior res erit, cum in habitum transiit fiducia, adeò ut per spiritus paulatim etiam solidæ partes sint mutatae: sicuti videmus facilè reconciliari breves recentesque inimicitias, dumtaxat paroxismo remisso: similitudines verò & odia inveterata difficillimè eradicari.

Libav. l. 2. sing. p. 140. 141.

XXX.

Oscitatio ex Imaginatione.

Oscitantes cum videmus, etiam nihil tale cogitantes, ad oscitandum quoque impellimur: imaginatione solâ facultatem corporis nostri expultricem movente. Quantumque ea possit, vel ex eo patet, quod si quis absurda audit, vel sibi imaginatur, nauseam aliquam sentit, ad vomitum usque, etiam si sciat, nihil ejusmodi revera adesse. Libidinem quoque concitat potentissimè Imaginationis; reliqua taceo. (a) Experientiam autem nescit omnem, Imaginationis vim stupendam qui nescit. (b) Nescientem verò erudiet Laurentius: (c) irridentem vel scuticâ etiam excipiet Lemnius. (d)

a) *Plater. l. 1. obs. p. 202.* b) *Th. Sagittar. de usu cas. lib. 260.* c) *l. 2. Anat. 6, 12, 9, 30.* d) *l. 1, de occ. nat. mir. l. 1, 6, 43.*

XXXI.

XXXI.

Imaginationis vis accidentalis.

Etsi Imaginationi multi & admirandi effectus adscribantur, tamen imaginatio eorum omnium, non per se, sed per accidens causa est, movendo scilicet solum & excitando potentias Animæ naturales motrices, corpus movendi & alterandi vim habentes. Ita ex perceptione, & sensu, aut imaginatione rei foetida, aut abominandæ nausea vel vomitus excitatur, totum corpus horrore concutitur: & ex medicamento purgantis imaginatione quibusdam alvum laxatam esse observatum est, non quod species medicamento purgantis, vim purgandi habeat, sed quod ab imaginatione facultas motrix naturalis in consensum tracta humores agitet, qui agitati facultatem expultricem ad excretionem stimulant: præcipuè si tales humores in corpore redundant.

Sennertus de cons. & diff. chym. cum Arist. c. 14. p. 396. 397. Nicol. Flor. sen. 3. t. 1. sum. 1. c. 15.

XXXII.

Imaginationis gravidarum Exempla.

1. De ovo. 2. de alapa.

D. Georgii Hambergeri, Medicinæ apud Tubingenses Doctoris, & Professoris, uxor gravida cum esset, ex foro rediens, ova ferens, Domini musæum ingressa, suspirans, causa suspiriorum à marito quaesita, respondit, se desiderio teneri, omnia illa ova, sed ordine, in ipsius faciem projiciendi, quare Maritus amore victus, linteo prætenso admisit, sed ne amplius tali desiderio teneretur, monuit, ut ipse mihi retulit.

F

2. Al-

2. Alterius Doctoris (medici) uxor gravida, musæum ingressa, omnem occasionem quæsit, ut alapam acciperet; at maritus propterea quòd & eam cordiculus amaret, & gravidæ parcendum sciret, conclavi egressus est: ubi verò esset enixa propalàm narravit, hoc se quæsisse eum in finem, ut ipsi irasci posset: verissimum tanquam auricularis testis assero.

C. Bauhin. l. 1. de hermaph. cap. 12.

XXXVIII.

3. De Moro. 4. de palati discissione.

Memini mulierem quandam, cum sub moro versaretur, & Mora plura in ipsam deciderent, filiam genuisse, quæ in iis corporis partibus, in quas in Matre mora deciderant, verrucas instar mororum habuit.

4. Novi & aliam Fœminam, quæ adhuc in vivis est, quæ cum vidisset à lanio caput suillum securi dividi, filium genuit, cui tota superior palati pars, cum maxilla & labio superiore ad nares usque divisa erat.

Sennert. c. 14. de conf. chym. cum Aristot.

XXXIV.

Ejusmodi ab Imaginatione effectuum cause Naturales, & declarationes.

Sed quomodo ad fœtus immutationem faciat Imago, ita obscurum est, ut omnes Doctissimi viri, in causa reddenda hîc hæreant: hoc certum est, fœtum ab Imaginatione simplici, cum sit potentia cognoscens atque immanens, non immutari, sed vel mediantibus animi affectibus, per humorum & spirituum motum, vel dirigendo facultatem conformatricem. Conformatrix enim sola proximè totum corpus fœtus conformat, sive benè, sive male, id fiat.

Phan-

Phantasia verò seducit aliquando Conformatricem, & dirigit ad quid, quod non est materiæ seminis conforme, sed simile ei, quod est imaginatum, conformandum: per species, exemplariter seu objectivè, ut loquuntur, obijciendo scilicet speciem conceptam, ad quam, tanquam exemplar seu regulam opus conformationis exequatur conformatrix facultas. Mediantibus autem spiritibus & humoribus à cerebro, conformatrici ad uterum species in Phantasiâ receptas deferri, non semper requiritur, neque simpliciter necessarium est. Nam cum sit anima una, in toto corpore, ubique omnibus suis instructa facultatibus, etsi omnes in omnibus non exerat, sed singulas per propria organa perficiat, fieri potest, ut in unâ parte excitata aliqua, & in actum deducta potentia, eadem, etiam aliam in alia parte expectet, in actum deducat, imò in agendo dirigat & determinet: cum eadem utrobique sit Anima. Ideoque licet in semine, ad animalis novi constitutionem, suo modo segregata sit Anima, suo tempore novum individuum constitutura: tamen cum adhuc foetus matri cohæreat, ejusque vitam participet, ea, quæ potentias Animæ in Matre movent, eadem quoque in semine facultates excitare, & plus afficere foetum, quam ipsam matrem, mirum non est. Matris enim corpus jam absolutum est & non, nisi nutritione indiget: quia verò in foetus corpore formando adhuc occupata est anima, facile fieri potest, ut aliquid externi se admisceat, & ad hoc, vel illud agendum dirigat aut seducat.

Sennert. de cons. & diff. P. 410. 412. Erasf. e. 34. de oculis. med. propr. Laurent. l. 2. Anat. e. 12. q. 30. Hier. Ny-

man. p. 212. Orat. de Imagin. Fernel. l. 6. c. 3. Pathol. D. Herlic. e. 16. de puerp. & gravid. Lang. l. 2. Epist. 12. Plat. l. 2. de l. funct. c. 13. Trincav. l. 6. c. 5. de cur. morb. Forest. l. 18. obs. 7. Heurn. c. 10. de aff. uter. Lib. nost. germ. de cur. grav. & puerp. B. 4. b. & seq. Libav. l. 2. sing. p. 153. G. Fabric. cent. 3. obs. chir. p. 485.

XXXV.

*Mulieres Germania laboriosiores Belgis, ha-
ingenosiores.*

Caput humanum, forma sphaerae instar coelestis rotundum, ad cujus imitationem ita fabrefactum, ex utroque tamen latere leviter depressum, sphaericam talem figuram adeptum, ut cum capacissima, majorem cerebri substantiam, quam homo praeter reliquis animalibus liberaliter donatus, in se recondideret, tum ut irrudentibus externis injuriis quibus indefinenter expositum, tutius evadat: nec non ad onera ferenda commodius reperiatur; quemadmodum in foemino sexu in plerisque scilicet Germaniae locis hoc ipsum comperimus, quod maximi ponderis sarcinas capiti imponere consueverint: sequi quam Italorum & Belgatarum muliercularum, quae ut ingenio salaciores, ita gravioribus negotiis se sublevantes, majora sua onera in canistris supra humeros aequaliter divisim suscipiunt & portant, nostratium in eo depravatam consuetudinem reprehendentes, dum ajunt, se non mirari quod obtusiore ingenio Germani praediti sint, cum caput rationis & intellectus omnis domicilium, immensa generis mole sic aggravari haud vereantur.

G. Graecae, class. 2. Theat. microscop. sect. 1.

XXXVI.

XXXVI.

Luna felix non omnibus fausta.

Luna non æquè omnibus felix, aut infelix, lucere potest: ut enim in geniturâ primâ varios quis Anæretas, diversosque Aphetas sortitus fuit, ita Luna per horum loca ac radios felices aut infaustos circumacta, (læta vel infausta) cuique peculiariter solpitar, aut infelicitat venæ sectionem & pharmaciam. Quare Lunâ in Leone versante, æquè feliciter, ac Aquarium percurrente vena solvitur: modò ab Anæreta, (ei homini cui pertunditur vena) loci hi liberi fuerint. At insignes Ephemeridum Astrologicarum Autores, ex verâ Astrologiâ hæc observare non didicêre. Sed in vehementioribus morbis, quibreviter & cum summâ vi, suam absolvunt historiam, quales sunt Angina, Pleuritides, causi, suffocationes, plethora, omnesque inflammationes, in quibus symptomatum statim plena sunt omnia, Syderum influxus contemnendus est, illicoque ad solvendum Venam pergendum; nam horum morborum hyparxis, inordinato potius, quam ordinatò consistit, hoc est, à materiæ vitio magis pendet, quàm à cœli injuriâ.

Hearn. l. 3. M. M. 6. 9.

XXXVII.

Hydropicis plenilunium funestum cur.

Hydropici ex salium in corpore resolutione, quibus Luna non minus, quàm mari præest, gravissimè semper circa plenilunia torquentur, eò quod resolutio illa, cum Luna plena jam in plenum statum adve-

ita sit; ideoque omnes ferè Hydropici circa pleniluniam moriuntur.

T. Brabè in orat. de discipl. Mathem. p. 22.

XXXVIII.

Epilepsia cur novilunio magis exasperetur.

Epilepsiam vidimus Novilunio quoque exasperari, & ferè magis hoc, quam plenilunio, nec deest ratio, quod copia humoris impediatur acridinem halituum & putredinem. Minor copia putrescit facilius & calor in eam agens acriores fortioresque halitus facit secundum proportionem. (a) Infantes Lunæ tantum ostentati ac subjecti, quia humorum pleni, solent convelli, humoribus commotis, & qui in Lunâ decubuerunt, capite non probè recto, quasi attoniti surgunt humoribus scilicet cerebri per Lunæ radios diffusis. (b)

a) *Lisav. tom. 3. sing. l. 5. c. 18. in schol. b) Goelen, in Symeth. magnet. p. 165.*

XXXIX.

An Sol festo Paschatos subsiliat.

Magnas in plebejorum animis radices egit fabulosa & anilis opinio, de Sole, die Paschatis in ortu exiliente. Ducta est erroris occasio ex antiquo quodam hymno, quo omnes res dicuntur ad Christi resurrectionem exultare, & Sol ipse exilire. Hoc si reverà ita esset, utique per integrum diem saltum illum Sol continuaret, cum per integrum diem oriatur atque occidat, aliis terræ inhabitatoribus, citiùs orientalibus, tardiùs occidentalibus. Quod si autem tale aliquid eo die nonnunquam circa Solem orientem appareret, ut diebus vernalibus fieri haut insolens; in ipso Sole

Sole apparentiæ causam fuge quærere, ad interpositum aërem te converte, per quem Solem tueris, hic circa ortum & occasum vaporibus scatet. Et quidem in vere propter terræ poros apertos plus vaporum exhalat, quàm reliquis anni temporibus. Ideò propter vapores istos in aëre hinc inde agitados, tùm reliqui Planetæ, tùm Sol ipse moveri & quasi subsultare videatur.

Bartol. de stell. nat. §. 377. Aldsted. in elem. Mathem. p. 144.

XL.

Vox Creaturarum, ô homo, accipe, redde, fuge.

Quælibet Creatura eructat, & ebuccinat hæc tria Dei attributa, & ex consequenti tribus vocibus nos alloquitur, videlicet, ô homo, accipe, redde, fuge: Accipe beneficium; redde officium; fuge supplicium; nisi agnoveris beneficium & reddideris officium. Ita verbi gratia, Aqua hominem alloquitur: Ecce, ô homo, ut dilexit te, qui fecit me & te, & me, propter te. Tibi enim servio. Servio autem tibi, ut tu servias illi, qui fecit me, & te. Nisi autem feceris officium, en submergeris à me?

I. Henr. Aldsted. Phys. Mos. c. 1.

XLI.

Cur splen rideat.

Lien non per se, sed per accidens risus causa est, quatenus scilicet sanguis hujus beneficio clarior, lucidior & calidior fit, & hominem in negotiis peragendis, strenuum, audentem, magnanimum & gaudentem reddit, in partibus titillationem movet spiritualibus, per quam ridendi motus insurgit, arguens animi affectus, unde dicitur;

Cor sapit, & pulmo loquitur, fel commouet iras,

Splen videre facit, cogit amare jecur.

Tob. Knobloch diff. anat. 6. quaest. 1. Graece. in exam. microcos. 1h. cl. 4. f. 12.

XLII.

Cranium Infantile cur molliusculum.

Infantibus humani cranii constructio secus se habet, quam in adultis, his enim nascentibus molle admodum contributum, non quidem ob formatricis facultatis impotentiam, aut negligentiam; sed provido potius consilio, quando quidem homini, animalium reliquorum comparatione, cerebrum ac propterea etiam caput totum obtigerit maximum: quare inter uteri orificii angustias, cum vitae discrimine eum hærere oportuisset, nisi tale fuisset, ut in seipsum cedere potuisset. Molle igitur ob id progenitum, ut, quâ parte majus esset (est verò illâ, quæ ab occipitio ad frontem) eâ maximè in seipsum cederet, eo loco, qui Bregma appellatur, nempe ubi coronalis posita futura est, quod deinceps edito in lucem foetu, sensim duritiem ac soliditatem acquirit.

Jessen. tract. de ossibus fol. 11. a.

XLIII.

Compages artuum indissolubilis.

Quanto nexus robore ligamenta vincient & il-
ligent, tum artus, tum ossa quæque corporis, patefecit Comes ille Sebastianus, Francisci Galliarum Delphini instructum exercitum in Carolum Imperatorem ducentis veneficus: quem Lugduni præpotentium quatuor Equorum, in contrarias partes, horam penè distrahentium nifus discerpere, dilacerare-

rareque non potuit, nedum suâ compage dissolvere, nisi cum districti gladii in articulorum nodos infixi adactique sunt.

Fernel. l. 1. de part. corp. de ser. c. 4.

XLIV.

Cur decollati homines immobiles, pulli mobiles.

Cur pullus decollatus diu movetur, homo verò statim post decollationem fit immobilis? R. quia pulli habent nervos strictos, unde spiritus post decollationem diutius in corpore moratur. Homo vero amplos, hinc spiritus citò exhalant, motusque cessat.

Knobloch. disp. 12. Anat. quest. 4.

XLV.

CruX in dorso aurea Fati præludium.

Joan Fridericus Elector Saxonix, in lucem editus, A. 1503. d. 30. Jun. futuri sui fati omen ex alvo maternâ secum tulit: nam, ut ex hominum fide dignorum sermonibus accepi, nascenti visa est, in dorso crux aureo colore fulgens, quam ubi conspexit, à matronis Aulicis accersitus Sacerdos, vir pius & admodum senex, pro omine hoc arripieus: hic puer, inquit, crucem gestabit toti orbi conspicuam, cujus indicium tam manifestum in ipsius ortu sese exerit. Ejus rei initium quoddam hoc fuit, quod mater Sophia 12. die, post partum, extincta est.

Bucholz. in Indis. ebron. D. Origan. part. 3. Ephem. c. 9. f. 608. Edit. N.

XLVI.

Ultimum moriens, cordis auricula.

Observatum est, inter omnes cordis partes, ul-

F 5

timò

timò moveri in morientibus aurículas, nam imminente morte, primùm moveri desinit cordis mucro, deinde ventriculi conquiescunt, postea basis, solis adhuc auriculis se distendentibus & contrahentibus, quarum ultima dissolutio est Naturæ & vitæ extinctio.

Knobloch, disp. Anat. 9. cap. 3.

XLVII.

Spirituum in homine sympathia.

Cum $\mu\iota\alpha$ sit $\xi\upsilon\mu\pi\acute{\alpha}\theta\epsilon\iota\alpha$ totius corporis, unâ parte dolente, spiritus primùm ejusdem generis tactiles nimirum affecti, in consensum rapiunt animales reliquos, hi & vitales & naturales: & vitales quidem secum rapiunt sanguinis arteriosi partem tenuissimam, naturales verò sanguinis venosi: unde membrum inflammatur, intumescit, pulsationem percipit. Sic quoque affectâ vesicâ à calculo, insignis pruritus in glande percipitur, propter spirituum, eò consilii causâ accurrentium copiam. Abscissò itidem membrò, doloris imago per aliquot menses superest, ita ut putent, se extremis digitis dolere, quibus tamen carent: quoniam spiritus sensitivi eò ablegantur, tanquam in supplementum: & licet palæstra illis sua sit subtracta, intentio tamen sensus (ut ita loquar) adhuc manet, donec sensum defuescat.

Zuving. l. 2. Physiol. c. 23. Guil. Fabric. observ. sent. 3. obs. 14. & 15.

XLVIII.

Irides Lypothymicorum ex quo.

In Lypothymiis & resolutione spirituum, insignis vario-

varietas coloris respectu apparet, ut tanquam in Iride, vel trigono cristallino, vel ampullâ plenâ liquore subtilissimo, & purissimo (quale est oleum album the-rebinthinum) colores videantur omnigeni, (wann einem geel und grün vor den Augen wird) spiritibus ipsis violenter ad sua raptis principia, & reliquiis eorundem vi membrorum pertinaciter illos retinere laborantium dissipatis. An ut Mercurius sublimatus in omnigenas colorum facies vertitur, ita quoque spiritus in corpore? an verò, ut in candelâ ardente, pro pabuli diversitate, rubrum, cæruleum, flavum & album colorem conspiciamus? ita quoque in spiritibus, tenuissimo convenit albedo, crassissimo viriditas & cæruleitas, medio rubedo & flavities?

XLIX.

Colorum Ophthalmicorum causa.

Bismihi contigit, ut vehementi corporis motu, & diuturniore inediâ, simul atque in hospitium venissem, omnia rubra apparerent. An quod in magnâ resolutione spirituum, ex sanguinis flore, confertim resecti spiritus naturales, nec dum perfectè alterati, spiritibus animalibus simile pabulum exhibuere, rubrum scilicet, nec dum depuratum? ipsos alioquin spiritus lucidos esse, vel ipsæ fuligines, è corpore nostro exhalantes, spiritibus naturalibus etiamnum prægnantes, satis indicant, cum in magno frigore indursum exuentibus dioscuri scintillantes apparent, imprimis verò splendores, qui ex oculo validè compresso, aut violenter icto emicare solent,

L.

Scintilla Leonum, Leopardorum & Felium.

Idem in animalibus iis, quæ noctu vident, ut sunt Leones, Pardi, feles, copiâ spirituum internorum tanta est, ut externum quoque medium illustrare possint. Equi item & feles, adverso confricata dorso in tenebris scintillas emittunt. Alexander Magnus in summo prælii ardore, capite scintillare videbatur, propter vehementem motum, & veluti incendium Spirituum.

Zuving. l.c.

LI.

Sternutationis accidens in catarrho, æris videlicet per aures quadam ejaculatio.

Qui laborant catarrho, sternutando ad aurem utramque sentiunt instar jaculi emitti spiritum, nempe quoniam eâ viâ, in sano homine aër ferri consuevit, idcirco in ægro viam eandem vapores quoque observant.

LII.

Sternutationis ex sublimi aspectu causa; cessat perfricato oculo.

Susplicere in altum sternutationem ciet, quoniam vapor in anterioribus cerebri ventriculis contentus, per hanc incipitis elevationem ascendere, & ipsum olfactus organum ferire & mordicare potest. Non secus, atque decumbentes minus sentiunt ructus, quam erecti, ipsis flatibus naturali impetu regionem superiorem potentibus. (a) Sed Cur oculo perfricato Sternutamenta cessant? an quia humor sic respirat?

spirat? lachrymam quippe oculus post frictionem emittit, sternutamentum autem humoris copiâ excitatur? an quia minor calor corripitur ab ampliori, consumique potest? quemadmodum minor ignis ab ampliori emarcescit, atque absumitur? Oculus autem perfrictus plus caloris sibi acquirit, quam sit, quem nasus complectitur: hinc etiam fit, ut si nasum quis confricat, ipsum sternutamentum desistat. (b)

a) Zuving. Phys. l. 2. c. 50. b) Aristot. sect. 33. probl. 2. 8.

LIII.

Sternutationis, Singultus & Tussis remedium.

Spiritus retentiô, Singultum, Sternutationem & Tussim, mitigat & compescit, non quod sic calor in pectore major excitetur, sed quia tunc septi motus sistitur.

Plater. de les. funct. l. 2. p. 476. 478. 491.

LIV.

Ἀσφυξίας apparentis in brachio utroque dignotio.

Ægri pulsu carere videntur imperitis, cum tamen in iis Medici *μυρμηκίζοντες*, id est, formicantem percipiant, à formicæ tardo & minuto motu dictum, cum omnium minimus, tardissimus & longissimus sit, quod si formicans increseat, vermiculantem producit.

Zuving. Phys. l. 2. c. 53.

LV.

Ἀσφυξίας in alterutro brachio causa.

Qui fit, ut sæpè in uno brachio pulsus videatur interce-

terceptus, cum in altero optimè, & integerrimè percipiatur? Respondeo, non ab unâ causâ pulsus interceptionem fieri, sed 1. vel propter debilitatem virtutis ipsius, atque sic dubium non est, in utroque brachio æquè apparituram: vel 2. propter malam instrumentorum conformationem, vel 3. propter angustiam, verbi gratiâ, ob tumorem aliquem in vicinis partibus, à quo arteria veluti comprimatur & pulsus infirmior reddat: vel denique 4. propter obstructionem, id est, materiam aliquam viscidam, aut crassam tunicis arteriæ impactam, non quidem, ut ex toto eam obstruat, alioquin enim planè pulsus omnis aboleretur, sed ex parte tantum, ut minus evidens, atque ceu interpolatus percipiatur.

P. Monan. in Epist. Scholz. 104. 105.

LVI.

Exolutionis venereæ causa.

Aristoteles quærit; διὰ τί οἱ ἀφροδισιάζοντες ἐκλύονται, καὶ ἀσθενέστεροι γίνονται αἰς ὅλην τὸ πλὺ; πόπερον. Ἀλλὰ τὸ ὑπὸ πάντων ἐκκρίσιν εἶναι τὸ σπέρμα. ὥστε οἱ τοιοῦτοί τε αἰ ἀρμονίαι, καὶ τὸ σῶμα αὐτῶν εἴτω σειομένη σύνθεσις ἐστὶ τῷ ἀπελιδυθέναι. (a) Etenim secundum gluten imbecilles evadimus. Mage quippe debilitantur ex quovis errore, vel tantillo commisso, quæ magis à centro caliditativi dissident. Imò calidum nativum evacuando. Universam corporis anatomiam labefactat, & cruditates infert, proin & articulorum mixam, crudos & indigestos mercuriales humores in illud invehendo infirmat. Deinde, quia hinc potest quis infici physicalibus & surgicalibus morbis, adeoque lue gallicâ podagriffante. (b)

a) Sect.

a) Sect. 4. probl. 22. b) I. Raicus de podagrâ. p. 17. Plat. l. 1. de l. funt. c. 1. l. 2. c. 10. de del. p. 485. de vit. l. 1. p. 916. Crato consil. 37. Dem. Leon pract. l. 6. f. 3. c. 2.

LVII.

Malignarum februm πνεύματι ex alvo laxa.

Non facile malignis febribus tentabitur, qui facilem alvum habet. Ita enim superfluis ejectis corpus perspirabile redditur, neq; materia putredini superstes relinquetur, nec calor innatus obrutus aliunde adventanti contagio cedit, sed validius contrahitur, longeque malignitatem propellet.

Ruland. de l. ungar. c. 5.

LVIII.

Specillorum usus & differentia.

I. Ratione substantiæ.

Specilla vitrea, similitudine quadam substantiæ Oculos reficiunt, & in statu suo conservant, & præterea, quia radios, quibus visio perficitur dispergi non ita subito solent. Quædam habent vitrum crassius ac densius, quædam rarius & tenuius. Illa res minores quidem quam revera sunt, tamen intensius coloratas referunt, & ob id à longiori spacio aspiciendis rebus accommodata sunt: per hæc omnia majora, verum quodammodo obscuriora apparent. Unde in propinqua tantum, distantia his uti consuevimus. Illa denique juvenibus, & vegetioribus: hæc senibus & proVectioris ætatis fere competunt.

P. Monav. in Epist. Scholtz. p. 198.

LIX.

2. Ratione ætatum.

Cur Senes specillis melius vident, cum Juvenes il-

lis hebetentur. Resp. resarcitur externi cristalli fulgore, quod interno deest; at immodico splendore juniores offenduntur, cum internus satis illis sit.

Heurn. de aff. ocul. c. 1.

LX.

Vitia visus, ut ab Ocularibus corrigantur.

Ubi vitia videndi corriguntur, beneficio eorum instrumentorum, quæ ocularia vel perspicilla vocantur, fiunt necessario à Spiritibus. Vitia verò quæ fiunt, vel ob humorem cristallinum, vel albugineum, vel ob tunicam, nunquam corrigi possunt, beneficio horum instrumentorum. Ratio est, quia, qui utuntur Ocularibus, ut melius videant, id faciunt, vel ut magis propinqua inspiciant, vel ut magis remota vel ut propinqua simul & remota aliquo pacto: hæc verò ut plurimum consequuntur spiritus errores.

Mercur. l. 1. de aff. cap. c. 28.

LXI.

Modus videndi remota.

Illi, qui tantum remota vident (præsupponendo visionem fieri per spirituum seu radiorum emissionem) & non propinqua, opus habent (quoniam spiritus crassi longitudine spatii extenuantur) ut spiritus in principio exitus, etiam sint crassi: itaque perspicilla hoc præstabunt in istis, ut attenuent spiritus, dum exeunt; ita, ut & in propinquo, & in remoto tenues sint, quomodo verò spiritus extenuentur, facile intelligere possumus, ex naturâ ipsius vitri, quod quidem poris scatet, & meatibus angustissimis: videmus enim aquam phialas vitreas penetrare: 2. si
phia-

phialæ aquâ plenæ affricentur cortices citri, odor ita penetrat, ut inficiat aquam.

Alex. 1. probl. 137.

LXII.

Quomodo propinqua.

In illis verò, qui solùm propinqua intuentur, & non remota, opus est, ut Spiritus congregentur, ita, ut ob subtilitatem non evanescant, habent enim opus multa luce, quare perspicilla faciunt, ut congregentur illi spiritus, seu radii pauci & subtiles: ita ut congregati & uniti longiùs ferantur: augent etiam lucem, quâ auctâ, Spiritus illa utentes, facilius postmodum operantur, & hac ratione, qui perspicilla faciunt, pro istis, id student, ut faciant paulò concaviores & lucidiora.

LXIII.

Quomodo neque hac, neque illa rectè cernentes.

Qui verò neque propinqua, neque remota benè vident, juvantur à perspicillis, eo, quod ob crassitiem spiritus extenuantur, ob paucitatem congregantur, non ita tamen, ut possint remota multùm intueri; quoniam isti, qui neque propinqua benè vident, id tantùm beneficium videntur consequi, ut propinqua meliùs intueantur.

Mercur. l. 6.

LXIV.

Visio absoluta ut fiat.

Ut visio absoluta fiat, in firmum & densum conum

G

Spi-

Spiritus coire necesse est, quia pupillæ amplitudinē diffunduntur fere in meatu. Quo fit, ut Myopibus nullum, (si ab ortu contractum sit malum) præstantius remedium afferri possit, Ocularibus, ad oculi formam cavis & circumferentia densioribus, quo Spiritus in centrum tanquam pupillam cogantur & confertim prodeant, quod in multis feliciter sumus experti. Convexa autem Ocularia minores: concava majores: plana æquales formas & litteras repræsentant. Ut enim oculares radii, majorem minoremve angulum describunt, ita formæ oculis proponuntur. (a) Qui ergo remota distinctè vident, (b) & propinqua confusè: iis perspicilla convexa profunt, qui verò confusè vident remota, distinctè proxima, juvantur concavis perspicillis. Egregiè confirmat me Experientia. Duos novi non humilis sortis viros, quorum alter minutissimas legit litteras, sed ita propè admovebat oculis, ut non possit utroque simul oculo uti. Idem intra decem passus discreto visu non pertingit, sed meras nebulas aspicit. Eum tamen perspicilla profundæ cavitatis adjuvant, ad remotiora perspicienda. Alter jam pridem fato functus, ad propinqua penè cæcus, ad remota linceus erat; adeo ut in domo aliquot stadiis distante, recentes tegulas, veteribus immixtas, se numerare gloriaretur. Specillis convexis adhibitis, & chartâ, quantum brachio poterat, eminus explicatâ, legebat non malè. Audiat Aristotelem, (c) si quis meis experimentis minus adhibet fidei. Is planè hoc quærit, quî fiat, quod *Μύωπες* & *πρὸς βίτην*, contraria patiantur, illi propè admoveant, hi removeant ea, quæ sunt lustraturi, & illi quidem visu hebeti, minusculas tamen scribunt litteras.

a) l. Holler. l. 1. de morb. intern. c. 29. b) Keppler. paralip. ad vitell. c. 5. prop. 28. in Dioptr. prop. 78. c) sect. 31. probl. 8. 15. 16. 25.

LXV.

Vno oculo tantum nos semper videre.

Unica videndi vis est; etsi duo sunt oculi, quæ utrique in parvo temporis momento, ubi necesse est, præstò est, tam faciliè, ut nosmetipsi, quomodo id fiat, minimè sentiamus, & famulantia instrumenta, tam citam ejusmodi virtuti obedientiam præstant, ut ferè prius exsequantur, quam imperatum sit: seu, (ut clariùs & commodiùs res hæc verbis exprimatur) virtus videndi utrique oculo insita est, sed tamen sine spiritibus visorii officium suum exequi non potest. Hi igitur, prout eorum usus, in dextro, vel sinistro, si ea, quæ à sinistris, visurus est: atque ita unà vice unico imprimis oculo videt, etsi utrumque apertum habeat.

LXVI.

Ejus assertionis demonstratio.

Hæc autem ita sese habere, hoc modo probatur: I. Inter utrumque oculum intercedat aliqua tabula vel paries: tùm animadvertetur, uno tantum oculo res objectas videri. Objiciatur enim liber dextro oculo, qui corectè videbitur: sin autem & sinistro oculo quis librum objiciat, non solum non legere illum poterit, dum in dextro legit, sed neque paginas videre, nisi sinistro oculo videat solum, & videndi virtutem, seu potius spiritum visorium, à dextro oculo subtrahat, mutueturque sinistro. II. Si quis baculum ante se ita collocaverit, ut rimæ alicujus parietis rectè objiciatur: si sinistram oculum clausit: baculus

non videbitur ab oppositâ rimâ dimotus; quia unusquisque dextro oculo cernit, ut dextrâ manu præcipuè utitur; at si dextrum oculum clauserit, illico baculus ad dextram partem accedere videtur. III. Natura duos oculos fecit, ut altero à dextrâ, altero à sinistra parte occurrentibus injuriis caveremus: quod præcipuè in avibus apparet, quarum oculi à lateribus sunt positi, & alter alteri oppositus est, & proinde in videndo non utroque simul, sed saltem alterutro, prout opus est, utuntur; quod etiam in aliis animalibus fieri credibile est.

l. Bapt. Porta de refract. l. 6. c. 1. Sennert. instit. l. 1. c. 12.

LXVII.

Soni Harmonici anima oblectamentum.

Soni respectu suavitatis, quidam concinni sunt, & harmonici, quibus delectatur Anima usque adeò, ut per Spirituum concentrationem etiam sopiantur homines, vel quia ex numeris constans Anima, numeroso concentu propter cognationem afficitur: vel quia soni per numeros notati ordinatè & distinctè sese offerunt organo, hac ipsâ æquabilitate suâ, Animam sibi attendentem detinet, quæ Spiritus evagari prohibet.

LXVIII.

Visio prior auditu.

Infantes natî prius luce, quam cantu videntur detineri, quare tardiùs auditio incipit, quam visio: quoniam species crassior, per medium minus exquisitè movetur. Num verò citius? quandoquidem in utero etiamnum existentes, non secus atque pisces
in

in Aqua, sed faciliùs multò, propter aërem nodique corpori materno circumfufum vehementi ftrepitu terrentur, puta tonitruì, bombardæ, ruinæ: unde fanè abortus exterriniceorum dictorum. Et fi hoc alii Imaginationi Matris tribuere foleant. Mihi, hoc non tam fœtus auditui, quam Matris timori tribuendum, virtute retentrice debilitatâ, expultrice irritatâ.

Zwing. l. 2. Phys. c. 28.

LXIX.

Musica Somniparens.

Anima quies & remiffio eft, ex objecti jucundi præfentiâ, quâ fruitur. Sic Musica fomnum inducit, & Pythagoræ ante fomnum Musicâ utebantur, non modo ad animi motus turbidos cohibendos, verùm etiam ad fomnum potius alliciendum.

Zwing. l. 2. Phys. c. 26.

LXX.

Infantium à cantu fopor unde.

Infantes nuper editi, quòd mirum eft, ad eò dulci demulcentur fono, ut etiam blandis cantilenis fopiantur, cujus rei non aliam affignaverim caufam, nifi quod Anima ad eò attenta eft ad aures & cantum, ut oculorum & cæterorum membrorum oblivifcatur. Unde & Spiritus coercentur intus, qui, cum fecum, præfertim in puerili ætate, aliquem conjunctum habeant madorem, fenfim incipiunt gravare animam, & ut quietem appetat, impellere.

Ioach. Curam l. 1. de fenf. & fenf. c. 39.

LXXI.

Surdi ut ore audiant.

Ex surdis aliqui seipsos loquentes aliquomodo, alios verò audire minimè possunt. Sed & inventi fuerunt, qui surdi alioquin existentes, dentibus musico instrumento, sonum edente presso, & parte illius aliquà, vel saltem alià illi contiguà ad morsa, sonum illum apprehenderent. Quod non saltem fistulam ore continentibus, & fistulantibus, sed & illis, qui alterius instrumenti, quod fidibus constat, dum pulsatur, partem mordicus apprehendunt, contingere potest. Et sanis etiam, auribus diligenter obturatis, ut per hanc viam nihil audire queant, si idem faciant, simili modo, uti quilibet experiri potest, evenit.

LXXII.

Ejus rationes I. & II.

Quod duplici nomine accidere putamus; tum propter dentium substantiæ in duritie, quæ penè lapidea est, & levitate cum ossibus auditus cameræ (quæ ossa dentium substantiæ persimillima, & ut in eâ melius sonus fieret, durissima atque lapidea sunt) similitudinem & consensum, atque adeò cum ipsius auditus ossiculis, eadem substantiâ præditis. Dein & propter nervos dentibus substratos, à linguæ nervis eò derivantur, nervique linguæ cum auditorio nervo, propagiibus mutuo conjunguntur: quo consensu accedit, ut cum sonus per aërem ex contactu dentes pulsat, continuatione hac per exteriora facta, auribus percipiatur. Sicuti & ore exactè clauso, dentibusque invicem collisis, vel linguà in aliquam partem

tem

tem impulsâ, sonum etsi extrinsecus auris non audiat, per interiora tamen percipimus.

Plater. l. 1. de las. f. c. 8. p. 283. 287.

LXXIII.

III. & IV. Ratio.

Aër enim auri complantatus, multò quam exterior ille, purior & quietior est, ut eò faciliùs impressiones recipiat, per se alioqui, mobilem esse, ex obturatione auris, digito factâ intelligi potest, cum intus moveri sentiatur (nam tunc cavitate angustiori redditâ, aër ad latera impingit) instar spiritus in tuba conclusi, quin etiam extinnitu interdum, quando tanta est spiritus subtilitas, ut vel interni aëris agitationem imitari & exprimere queat. (a) Hinc videmus, si illud, quod cavum est, aëremque ob id in se continet, auri adhibeatur, sonum hunc vehementiùs in aure sentiri: quod volâ manus cavâ auri adhibita experimur: unde & pueri concham auribus apprimentes, fluctus marinos in ea se audire, referre solent: aëre tunc propter conchæ anfractus majorem strepitum edente. Quod & aquæ immerso capite, ita ut ab eâ penitus aures obturatæ sint, accidit, aëre tunc remanente, qui fluctuationis sensum offert, & si sub aquâ, commotis lapidibus strepitus fiat, illum quoque instar tintinnabuli sonantis percipi: licet sonus, extra aquam, etiam à scopeto exploso, summus editus, nullo pacto audiatur, multoties cum puer natatione oblectarer, observavi. (b)

a) *Zuving. l. 2. c. 58. Cuneus de sens. & sens. l. 1. c. 42.*

b) *Plat. l. 1. de las. funt. c. 8.*

LXXIV.

V. Ratio.

Sed & ob consensum prædictum dentium cum auditus organi substantia, vidimus, à sono aspero, facto ex contricatione rerum asperarum etiam citra contactum, dentes offendi. (a) Acutus enim valdè & stridulus crepitus, repetitis velut ictibus, aut tinnitibus membranam auditus quasi pungit, ea repente sese contrahit, & cum ea simul patiuntur nervuli, ad radices dentium descendentes, in quem locum, ubi subito novus aer incidit, horrorem & stuporem interdum circa dentes efficit. (b)

a) *Plat. l. c. b) Cuneus l. 1. c. 39. Zuving. l. c.*

LXXV.

Declararationes rei, & rationum dictarum.

I. à fidibus, vicina sonantis, instrumento inductis.

Huc fortè aliquid facit, quòd sicut pulsatis fidibus, instrumento alicui obductis, animadvertimus chordas, ad eundem tonum intensas, in alio instrumento, etiam procul distito moveri, adeò ut si aliquid illis imponatur, vel tremat, vel si leve sit, ut palca, decidat: ut tympanum tensum, ad omnes sonorum impulsus excipiendos, continuatione per intermedios dentes & nervos facta percussum, sonum auditui representat. Res sanè prodigiosa, & rari miraculi plena.

l. Sylv. ex Boët. Mizald. memor. centur. 5. part. 17. centur. 9. part. 6. l. 1. arcan. p. 39. Plat. l. c.

LXXVI.

LXXVI.

II. *ab octava ad octavam.*

Quemadmodum autem in fidium pulsu octavam octavæ respondere constat: sic facultas sensitiva, mirabili naturæ providentia, sensibiles: motiva mobiles spiritus movet: & hi moti, ad sua destinata organa, stupenda provolant obedientia. Ut in monochordicertis tantum intervallis, & diapason & diatesseron & diapente sonat, in reliquis non sonat: & in Phiolarum exercitio, certi modi tabulam sive mensam tremere faciunt.

Zuving. l. 2. Physiol. §. 23. p. 388.

LXXVII.

III. *Ab unisono ad aliud unisonum.*

Unisonum aliud unisonum commotat, quoniam quæ similiter tensæ sunt chordæ, consimiles aëris undationes & facere & recipere natæ sunt: quæ verò dissimiliter sunt tensæ, non eisdem circulationibus aptæ sunt moveri, sed una circulatio aliam impedit: ictus enim cordæ motus est compositus è duobus motibus, uno quidem, quo chorda pellitur antè, hoc est, versus aëris circulationes, alius verò qui retrò fit, chorda reducente sese ad situm proprium. Si igitur motû unâ chordâ, debet & alia moveri, oportet ut in secunda, talis proportio sit, quod undationes & circulationes aëris, quæ impellunt, & faciunt motum ante, non impédiant motum, qui retrò fit à chordâ, quam proportionem solum hæ chordæ habent, quæ tiam consimilem tensionem habent: quæ verò dissimilem sortitæ sunt tensionem, non sese commotant, quoniam dum secundus fit motus, id est, reditus chor-

dæ, retrò circulatio secunda illi obviat, & sese impediunt: unde nec motus fit ullus, præter primam impulsione, quæ intensibilis est.

LXXVIII.

IV. A ponderis equali vel inaequali gestatione, vel motu.

Plures quoque, cum pondus aliquod ferunt eâdem proportionem indigent, ut cum alius pedem sistit, alius moveat: sic enim sine labore ferunt: quod si sese impendant quietes & motus, fatigatio fit multa, & ferre tandem non possunt, cum duo aut tres lignum illud longum ac grave, modò elevent, modò deprimant. Si enim non ea ratione id agant, ut pariter deprimant, cum alius tollit, alius premere incipiat, motus impeditur & labor accidit. In chordis autem propter celeritatem circulationum non percipitur.

H. Fracastor. de simp. & antip. c. 11.

LXXIX.

Vigiliarum cruciatus in dormituriis immensi.

Tormentum magnum est, dormituriis prohibere ne dormiat: quia dolor excitatur, ex insolente motu spiritus, quando sponte ad interna conversus, violenter extra retrahitur.

Zuving. Physiol. l. 2. c. 23.

LXXX.

Vigiliarum noxa intima.

Vigiliæ enim immodicæ cerebrum ex siccant (sanguine biliosiore reddito) spiritus (propter nimium illorum usum & agitationem) dissipant, & accendunt (unde humores quoque, calidos præsertim, accendi

con-

contingit, & eosdem tandem consumi) calidum nativum hebetant, hinc cruditates, & inde imbecillitas.

Ruland. de Hungar. c. 5. Plat. l. 1. d. l. f. cap. 4.

LXXXI.

Ex Somno Anima quies & placida.

Somnus à Deo factus non solum ad corporis recreationem, sed etiam ad Animæ libertatem. Quia enim, si ad officia spectes, propemodum plantæ vitam vivimus dormientes: voluit ut tūm verè viveremus: nam servus eo tempore liber est, atque etiam Dominus evadit aliquando per insomnia. Pravorum animi suppliciis afficiuntur per insomnia. Bonorum atque sapientum, veritatis investigatione: laudabilium officiorum functione, Divinæ mentes fiunt, per insomnia: solutæ namque non à corpore, seu à corporis penso, suas agunt res: seipsas enim movent, atque etiam promovent ad effigiem sui finis, quem sunt olim contemplaturæ.

1. Henr. Asted. Phys. Peripat. l. 4. c. 7. Scalig. exere. 290.

LXXXII.

Somni & Somnii usus.

Blanda illa parens nostra, Natura, ut quotidiano succurrat labori, Medicamenta duo præscripsit lenia, & ut Medicorum loquuntur Filii *μαλακτικά*, Somnum & Somnium. Quorum quidem altero, miti quadam & placidâ quiete, motus violenti Corporis & Animi, intentione suâ defunguntur, laxanturque ut perpetuo quodam ordine rebus novis pares esse possint. Altero verò Spes plerunque, quæ suavissima animi nostri medela est, sensibus objicitur, blandæque imagines, qua-

quarum causa prima ignota nobis, ex aternitate animi perpetuoque ejus motu & divinitate dependet, cujstanta libertas & potentia est, ut nec Rex omnino ullus, nec crudelitatis artifex, terminum illi aut limitem haftenus posuerit.

Dani. Heins. in praf. Poëm.

LXXXIII.

Somniorum differentia. 1. Somnia divina.

Somniorum tres sunt differentia: vel enim illa sunt

- 1. Divina, vel 2. Supernaturalia. vel*
- 3. Naturalia.*

Somniorum divinorum origo & inspiratio pendet à Deo Opt. Max. qui horum adminiculo, tanquam idoneo medio & instrumento usus, ad Prophetas suosque fideles servos locutus est. De illorum autem veritate, aut certitudine, nemo sanæ mentis dubitabit unquam, modo ob oculos sibi ponant Autorem qui ipsa veritas est. (4) Vellicat enim subinde sopitas, atque oscitantes mentes, Supremus opifex, ac visiones somniaque obijcit, nunc læta, nunc luctuosa ac funesta, quæque nobis salutaria vel noxia denunciant, quo animos nostros exploret, an illius monitis ad extremum futuri simus obsequentes, aut ab illius præscriptis defecturi. Multi enim nugis hominum, ac commentitiâ doctrina dementati, à Deo, ejusque verbo desciscunt, ac relicto uberrimo, atque inexhaustæ aquæ vivæ fonte, arentes rivulos consecretantur. (6)

a) *Quæreset. diat. polib. j. 1. c. 10.* b) *Lemn. l. 2. de sumpl. c. 2.*

LXXXIV.

LXXXIV.

2. *Supernaturalia.*

Somnia supernaturalia medio modo se habent, inter Divina & Naturalia: utpote quorum causæ, neque ad Deum ipsum immediatè referendæ sunt, neque etiam ad pravorum humorum malignitatem, à quibus Naturalium Somniorum origo dependet: sed ad Animam nostram, quæ dormiente etiam corpore vigilat: quæque raptu quodam supernaturali excitata, præsertim bono genio inspirante, per somnium ac visiones, nobis repræsentat multa phantasmata, quæ plerumque certi aliquid præsagiunt, quorum certitudo ut plurimum per rerum eventum cognoscitur. Exempla ejusmodi Somniorum, quàm plurima occurrunt, ubi Somniantibus sæpenumero visum fuit, aut in morbum aliquem incidisse, aut ab eodem convaluisse; quibus visionibus postea respondit similiter eventus, ad omnia, quæ in somnis antea præviderant: quamvis illa non fuerint, neque citata, neque postulata, sicut acciri solent diabolica somnia. (a) Arnolde de Villa nova, insigni Medico, noctu in somnis visum fuit, à cato quodā nigri coloris, in pede se sauciaturum: sequenti statim die erupit, in eadem pedis regione, cancerosum & malignum ulcus. (b)

a) *Quere. l. 6. b) Fulg. l. 1. c. 5.*

LXXXV.

Naturalia.

Somnia Naturalia sunt passionum animi & corporis indicia, proinde sunt à Medico contemplanda, ut ait Hippocrates. Suscitantur ejusmodi somnia plerumque à causis cùm externis, tùm internis. Externæ sunt,

sunt, usus ciborum copiosos vapores excitantium, & eorum qui gignunt sanguinem retorridum & melancholicum; Internæ causæ sunt, humores maligni atque melancholici, qui tenebrosâ suâ caligine, mentis lumen offuscant, illique varia molestiarum genera imprimunt, ut manifestè conspicitur, in omnibus iis, qui melancholico temperamento sunt præditi.

Querc. l. 6.

LXXXVI.

*Inter Somnia Naturalia, unde hac tetra,
illa blanda.*

Cum enim ut Cicero (a) ex Platonis sententia differit, ea pars animi, quæ rationis est particeps, somno sopita langueat, atque altera pars immoderato potu ac pastu sit obstupescata: visa quædam obijciuntur tetra, atque immania: at qui moderato victu quieti se tradidere, ea parte animi, in qua ratio & consilium consistit, alacri atque erecta, corpore verò nec inopia defecto, nec facietate affluentia oppresso, tunc eveniet, ut Mens eluceat, & se vegetam alacremque ad somniandum præbeat, ac visa tranquilla & veracia occurrant. Cuicunque enim operi interdium homo intentus est, & occupatur, resolutio in somnum corpore, retractat, secumque versat atque agitat.

a) l. de divinat.

LXXXVII.

Actio diurna nocturni somnii opifex.
Quod cuique pro suæ vitæ instituto solet evenire,

nire, hoc venusto carmine commonstrat Claudianus. (a)

*Omnia qua sensu voluntur vota diurno,
tempore nocturno reddit amica quies,
Venator defessa thoro dum membra reponit,
Mens tamen ad sylvas & sua iustra redit.*

*Judiciis lites, auriga somnia curru
Vanaq; nocturnis meta cavetur equis.*

*Gaudet amans furto; permutat navita merces,
& vigil elapsas quarit avarus opes.*

*Blandaq; largitur frustra sitientibus agris,
irriguus gelido pocula fonte sopor.*

*Me quoq; Musarum studium sub nocte silenti
Artibus innumeris sollicitare soles.*

a) l. 3. præfat.

LXXXVIII.

SOMNIORVM vis & efficacia; declarata

*I. Matris D. D. Hunnii, de columna
Ecclesiæ.*

Valdè memorabilè, & omni admiratione dignum est, quod de visione & somnio Matris, Magni illius Theologi, D. Ægydii Hunnii p. m. Leonh. Hutterus, insignis apud Wittebergenses Theologus refert: (a) Aliquoties (inquit) Matri (D. Hunnii) uterum adhuc gestanti, cœlestis visio, & quidem, ut illa sanctè affirmabat, non verè dormienti oblata fuit, cujus summa hæc erat: videbatur sibi Mater sedere in templo suo loco, & manu dextra quidpiam humo attollere, simile culmo stramineo: cumque id teneret inter anteriores digitos cœpit ita crescere, Mater verò sub mole ita angī, laborare, sic affligi ac si penitus succubi-

cubi-

cubitura esset: cumque jam videretur actum, & planè se putaret interituram sub onere, repentè vidit id in Templi columnam versum, & se onere eo liberatam.

a) in *Törenol. Hunnii.*

LXXXIX.

De eodem.

De hoc somnio, ita Steph. Gerlachius, S. S. Theol. D. & Professor Acad. Tubingensis, ad D. Hunnium, in litteris Constantinopoli, ad columnam Constantini Magni purpuream, d. 19. Maij, 1577. exaratis: Somnia (inquit) quædā fatidica esse, non solum Scripturæ testimonio, sed tuo quoque exemplo patère video. Postquam enim Amicorum nostrorum litteris accepi, ornatum Te Doctoreis honoribus, Scholæ Marpurgensi, Theologiam docendi causa, præfectum esse, recordatus sum somnii Matris Tuz, quæ vidit Te ex utero egressum, in Templi columnam converti. Id hodierno die, complementum suum sortiri, nemo nisi invidus negabit.

XC.

2. *Somniorum certitudo, exemplo Ioan. Oporini, de horologio.*

Ioan. Oporinus, Typographus Basileensis, 14. decubitus die, somno oppressus, diu supinus iacuit; tandem altè deductis suspiriis, hanc edit vocem: benè habet, si quis ita monetur. Interrogatus ab astantibus quid sibi hæc vellent, respondit: per somnium se vidisse supra lectum, horologium automatū suspensum horas signasse, quibus finitis, pondus illud, quo moles impellitur, in pectus devo-

devolutum, eum excitasse. Addidit se quasi dulcem concentum ex illâ concussione percepisse.

And. Josise. in Orat. funebr.

XCI.

De eodem.

J. Oporinus, epidemicâ cephalalgîâ infestatus, XIII. à decubitu die, nullis interea, quæ phantasma hoc movere possent, objectis laceffitus, machinæ horaria pondera, ex iis, quæ campanæ pulsu somnū excutiant, supernè cum suavissimo tinnitu, in pectus suum devolvi per quietem vidit, tanto cum impetu, ut stertentem etiam excitârit: tanta cum harmoniâ, ut vel recordatione solâ mirificè oblectaretur. Eo concentu edito, pondus ipsum incredibili celeritate, pari strepitu elabi visum. Ipse subridens, Misericordias Domini quis enunciabit? qui enumeris donis suis, hanc tam placidam & paternam admonitionem ceu colophonem addere voluerit? in manu certè Tua, Deus, & vita & mors nostra. Tu miserere nostri. Sensim inde, irritato conatu hæmorrhoidum, vomitus, urinæ, alvi, 20. die placidissimè expiravit. 7. Jul. A. 1568. ætat. 60. vir de litteris ita meritus, ut qui opprimè.

Zuving. volum. 5. theatr. vit. hum. l. 4.

XCII.

3. *De morte Huberi Medici, Somnium.*

J. Huberus Basileensis, ut uno verbo dicam, ἀγλαῖα τε καὶ ἡλίας, A. æt. 65. Christi verò 1571. ex Iliaco graviter decumbebat, J. Lucas Iselius, privigous meus, qui tunc Vefontione vivebat, per somniū videre visus est, lectum suum egesta recens humo

H

opere

opertum: quam cum lodice remoto, excutere vellet, sub stragulis Huberum Medicum, quantus erat, decumbentem vidit, momentoque oculi in puerilem transmutatum speciem. Eo somnio territus, postridie *de qua* certius habuit, ob Huberi mortem lugentium ejulatus à se exaudiri credens, sic ut perturbatione correptus excitaretur, Huberus biduo antea, annis meritisque plenus, 9. Febr. vivis excesserat.

Zwing. l. 6.

XCIII.

4. *Gnithelmi Nessen, de suffocatione in Aqua, Somnium.*

G. Nessenus linte piscatoria trajecturus Alpim, id quod sæpè ab eo recreandi animum gratia factum fuerat, cum impegisset illam latenti sub aquis arboris trunco, de improviso vacillante, inflexaque in latus linte, excidit & in amne est suffocatus: cum quidem eo die, post prandium, paululum consopitus, talem speciem per somnium oblatam vidisset, offendentis linteris, & fluctuantis, & prolabentis sui ipsius in fluvium. Id ipse adventanti cum ex patria Philippo, qui crebrò eum accedere soleret, narravit, deridens cum jocos somniorum vanitatem.

Camerar. in vita Phil. Melanth.

XCIV.

5. *I. Doufa somnium, de concentu Musico mirabili.*

Priusquam è vita excederet Janus Doufa, Nerdowici & Cattendici Toparcha, integer adhuc corpore, in secreta animæ admissus gaudium immortalitatis delibavit: quodque mortuis evenire solet, jam moribun-

ribundus præcepit. Cum paulatim enim sine cruciatu ullo, è statione sua abire, beatissima pararet Anima : ecce tibi, subitò, & præter expectationem omnium, exclamat ille, amicisque astantibus, quid inquit, an solus audio ? quis iste sonus est ? quæ ista modulatio ? dju prius omnes admirati, cum nihil sentirent, viderunt tandem, id quod res erat, virum divinum, cœlestibus initiatum mysteriis, non amplius humana loqui, animumque purissimum, inter æternitates æternorum orbium, syderumque concursus, è quibus jam olim delapsus erat, iterum aberrare.

Dani Heinf. in laud. funebr.

XCV.

6. *D. Christoph. Rhumbaum, de felici affectus singularis, ex libro incognito, curatione.*

Annus, hoc 1611. Anno, agitur 6. ex quo D. Christoph. Rhumbaum, Medicus Uratislaviensis, vir quoad vitam integerrimus, quoad artem exercitissimus, quoad aliarum rerum cognitionem peritissimus (cujus Anima nunc sit in benedictione) sanctè mihi aliquoties affirmavit, sibi aliquando, dum ob ægri cujusdam affectum singularem graviter angere-
tur, Librum Medicum in somno visum fuisse, in quo affectus illius curationem probè descriptam inveniret. Cùm ergò is à somno expergisceretur, & somnium planè divinum fuisse arbitraretur, curationem secundum ipsius monitum instituit, quam etiam, Deo fortunante, felicem expertus est. Quid sit, postquam aliquot Anni præterfluxerunt, demum liber quidam in lucem editur (cujus titulus mihi memoria

excidit) in quo illa ipsa ad unguem (prout D. Rhumbavius se in somnio ea legisse putaverat) non solum descripta, verum etiam paginam, ac paginae faciem (cuiusdem eadem inscripta fuisse cogitaverat) reperit.

Döring. l. 1. de Med. part. 2. s. 1. cl. 1. c. 3.

XCVI.

7. *Matris G. Castrioti Scanderbegi, Epirotarum principis, de Serpente somnium.*

De Georgio Scanderbego (Turcis Ischenderbeg) ferunt, quod, cum eum concepisset Mater, serpentem se enixam ejus magnitudinis somniarit, qui totam ferè operiens Epirum, caput inter Turcarum fines protenderet, & cruentis faucibus eos absorberet, caudam verò teneret in mari inter Christianos, & Venetæ maximè Imperii terminos: narratum id sibi Joannes Pater, cum non ejus generis res esset, quæ extis ullis scrutaretur, vel Apollinem exigeret Interpretem, ingenii lætitia solatus uxorem, nasciturum ex ea virum ominatus facilè est, clarum bello factisque, qui Turcarum simul hostis acerrimus, idemque Dux felicissimus, & Christianæ fidei propugnator, ac Venetæ cultor Imperii perpetuus existeret. Nihil fefellit se vel alios sollicitus parens, sed aucta magis est vaticinio fides, puero nato, namque aliud pulchrius longè, clariusque bellici decoris signum in dextro pueri brachio visum, forma ensis ita expressa, ut manu facta videretur. O insignem Naturæ Liberalitatem, quæ vel nascentibus nobis subjicit documenta, & in corpore ipso figit insignia, quæ postmodum sint sequenda.

Ma-

Marin. Barlet. de vit. & gest. Scanderb. l. 1. c. 82. l. 2.
Wolf. memor. cent. 16. p. 421. Ph. Camer. cent. 1. bor. succ.

XCVII.

8. *Ph. Melanthonis de Euphrasiâ somnium.*

Laboravi ante aliquot Annos (inquit Phil. Melanthon) fluxu satis periculoso in dextro oculo, ac usus sum multiplicibus medicamentis: & tamen nihil me proficere sensi. Somniabam verò me consulere Doctorem Philonem Medicum, qui jubebat me uti Euphrasiâ: qua usus, statim intra biduum sum curatus.

1. Manlius in collectan.

XCVIII.

9. *Matris, 1. Casar. Scaligeri, de ingenti flammâ, Somnium.*

Matrem meam postridiè, quàm me edidisset, sæpenumero prædicantem audiui, vidisse per quietem lintea universa, quibus in arce, in quâ natus essem uterentur, igni correpta conflagrasse: inde flammam exisse ingentem, cum ingenti sonitu, summasque Alpes Noricas, Rheticas, Ligusticas pervasisse, atque sine noxa perlustrasse: nivem colliquatam, novam montium faciem ostendisse. Quibus visionibus conjectrices aniculas, quibus tota illa scatet regio, multa ridicula, quæ non ponam, pronunciasse. At illa, per jocum aliquando, aliquando per contumeliam, me Paridem appellare solita fuit, donec excisis rebus nostris, somnii vis prodita est.

1. Cas. Scaliger, in comment. 1. de insomn. Hippocr. apotel. 42.

XCIX.

10. *Exemplum Conradi Gesneri de ictu Serpentis Somniantis.*

C. Gesnerus, Medicus Tigurinus, quem ob cumulum multiplicis eruditionis, in ipso residentis coacervatum, Germaniæ Plinium, meritò nominare possis: postquam nocte præcedente se Serpentis ictu vulneratum somniâisset, hujusque somnii verissimus Interpretes ipse extitisset, dicens se anthrace pestilentiali corruptum iri: paucis post diebus anthrace in sinistra mamilla, quinto ante ejus obitum die apparente, ex hac miseriarum valle ereptus est. 13. Decemb. Anno 1565.

Jos. Simler. in vita Gesn. p. 18. Quercet. pest. alexic. l. 1. c. 4.

C.

Doctrina Somniorum finis.

Hæc à nobis non dicuntur in eum finem, quasi ad nimiam superstitiosamque Somniorum observandorum diligentiam quemvis pellicere velimus: cum Somnia interdum fallere possint, sed nostrum est propositum, solummodò indicare & commonefacere, non semper contemnenda esse eadem, legemque Cætonis, (a)


πίπτει ἐνύπνιος: —

non ita generatim de omnibus somniis, sed cum certa quadam limitatione intelligendam esse. (b)

a) l. 2. dist. mor. b) *Querc. diæt. pol. sect. 1. c. 10.*

Sed satis somniavimus.

CEN-



CENTVRIÆ III.

Particula I.

Herbaria Medicina origo Divina.

Herbaria Medicinæ ortum à cœlo repetimus. Cum enim nondum esset conditus Homo, cretis discretisque Elementis, mox Dei jussu, herbæ plantæque omnes, infinita florum, odorum, saporum, colorum & facierum varietate è Terræ visceribus emerferunt, tot & tantis viribus dotata, ut tantum munus, totque in usus comparatum, alteri quàm Deo tribuere injurium videri debeat. Itaque ne harum quidem rerum notitiam, nisi monstrante Deo, mens humana unquam delibare potuisset: nam & Magnus Universi hujus Conditor & Architector Deus, ubi primum Adamum, Spiritu oris sui afflatum, in vivum spirantemque hominem confirmavit, naturam Plantarum, & proprias singularum rerum, quas Terra procreat & alit, & Mundi Universitas suo complexu continet & fovet, facultates dotesque edocuit: adeò ut si quis inventionis hujus gloriam, humano ingenio adscribere velit, in Dei numen ingratus, vel Plinii judicio censendus sit.

A. Param in præfat. op. Med. & Chirurg.

II.

Quòd verò omnium rerum Scientiam in Adam infuderit Deus, facile quidem conjicere quisque potest ex Mosaicis monumentis. (a) Etenim cum parenti-

bus primis nostris potestatem dederit ipse Deus, ut dominarentur volucris cœli, piscibus maris, ceterisque terræ animantibus: en vobis trado (inquit) omnes herbas (b) quæ in omni terræ solo frugiferae sunt, omnesque fructifero foetu præditas arbores, semenque parientes, quibus ad alimoniam vobis uti liceat.

a) *Matthiol. præf. comm. Dioscor.* b) *Mos. in Genes. c. 1. v. 29.*

III.

Herbaria Medicina Autor Deus.

Artes ceteræ propemodum omnes, hominis studio, atq; industriâ, posteaquam à Deo creatus esset, excitatae primùm ac novis subinde auctibus successu temporis amplificatae sunt. Solæ Herbae, unâ cum suis viribus, non expectato cœli favore, ortus sui capislevêre primordium, statim Elementis conditis homine tantò priores, quantò cœlo terrâque posteriores, in medium incidentes creationis articulum. Affirmat etiam Empedocles, stirpes extitisse, antequam circumflexus Solis expansus, ante etiam quam nox diesque discriminata essent. Quo nomine nullius rei aut Artis inventio, ad Deum Authorem rectiùs refertur, quàm Stirpium & Medicinæ Herbariæ. Nam ut terra ab Aquarum in devexa loca jam adductarum mole atque colluvie primùm emersa, contagioque illius absoluta respiravit, dicto Creatoris audiens, sine morâ, incredibilique celeritate, licet immunis adhuc rastrôque intacta, nec ullis saucia vomeribus, pulsulare ac virere cœpit, motu quodam interiore, quem ipsa non à Sole libaverat, fonte τῆς ζωῆς δύναμειος (non-

(nondum enim in rerum natura is existerat, cœli luce etiamnum quoquo versus fusâ atque extentâ) sed intra se de mandato Dei conceperat, ex quo frigida ac sterilis prius tantam vim vitalem, contrâ atque hodie, in ipso statim ortu hausit, ut tanquam dudum prægnans & parturiens, eniteretur, atque ex abditis & penetralibus visceribus suis profunderet innumera germina, tot species plantarum suis inditarum germanis atque vernaculis proprietatibus, tot etiam fructifero foetu gravidas arbores, è quarum fructibus vim continentibus seminariam, statim sese proferendam temporum circuitibus, homini postea curatum est nutrimentum, bestiis terrestribus, cæterisque volucris & quæcunque moverentur vitali animata spiritu, herbarum viriditate ad se pascendum adjudicatâ.

Sol, Alb. Orat. de herb. discipl. A. 6. a. b.

IV.

Natura principium Creationis internum.

Principium Creationis internum commune est Natura, quæ est principium motus & quietis, v. 11. 1. 1. 1. Mosis, ubi Deus dicit: Germinet Terra. Natura est ipsa θεὸς φωνή. Ecce Sapientissimus Architectus indidit Terræ hanc Naturam, propagationis, seu germinationis virtutem. Natura itaque nihil est aliud, quàm organica ordinaria vis, à Deo indita rebus creatis. Quòd ergò Terra è gremio suo nobis fundit tot divitias, quòd herbæ semen emittunt, quòd aliæ arbores ex aliis pullulant, id totum manat ex isto Dei verbo. Si quæras, quâ fiat, quod ex semine germen

H 5

nasca-

nasceatur, singulaque genera quotannis sobolescent, ne longè abeas, Moses respondebit: quia semel locutus est Deus, suumque æternum decretum protulit: Terra autem & quæ ex eâ proveniunt, Dei mandato, quod semper exaudiunt, Creaturæ, præbent obsequium.

1. Henr. Alsted. Phys. Mosais. c. 2.

V.

Stirpium generatio ex purâ terrâ, sine semine.

Ego semper consonum veritati existimavi, quod è terrâ, tam plantæ, quàm aliqua animalia nascerentur, propterea quod inest in terra humidum, in humore spiritus, in universum calor animalis, ob id absque præexistente seminio, sine ullo hominum opere, ut diversi terrarum tractus succo, sole, situ, aliisque constitutionibus diversi sunt: ita quoque diversas plantas, & diversis insignitas qualitatibus produxerunt. Ejusmodi enim solet esse corporis habitus, cujusmodi humores, quibus nutrimur, talesque succi gignuntur, qualia sunt alimenta quibus vescimur. Id mihi animus submovit Experimentum, quod cum è profundissimis ædium fundamentis, egestam humum convassassem (ut omnis objecti seminis suspicio tolleretur) atque sub dio exposuissem editissimis locis, ne aliunde ventus semina exportasset, non multò post elapsis diebus, è variis terræ qualitatibus in quasillis, varia herbarum genera exorta sunt, sed Neapolitano solo cœloque familiaria: nam alia, argilla, alia pulvis Puteolanus, alia contritus lapis, vel tophus produxit; sic unaquæque terra, pro sua qualitate, ejusdem

dem qualitatis stirpes produxit: tophacea enim terra asphaltitem trifolium produxit; sic urticas, rubos, mercuriales, & similia, sic etiam passim videmus in terræ aggeribus è puteis erutis, aëri quæ expositis, quod sponte nascentes herbæ, summam cutem amittant, & amano virore decorent.

VI.

Ejus Ratio Theologica.

Sed quid longius evagandum, si hæc S. testimonio literarum clara sunt? inquit Moses, quod, ubi Deus Terram creaverit & ab Aquis diviserit: Producat (a) jussit, Terra herbam virentem, quæ ferat semen juxta genus suum, cujus semen sit in semetipso super terram. Sic protulit herbam Terra virentem, & facientem semen juxta genus suum, lignumque faciens fructum, & habens unumquodque semen juxta speciem suam; quasi diceret, quod cum Deus Terram creasset, cunctaque ejus loca variis qualitatibus insignivisset, munifico suæ Omnipotentiae luxu, unaquæque orbis pars, juxta suas qualitates, herbas produxit.

VII.

Vi Benedictionis divina alia terra alias plantas profert.

Tunc nivosa montium Septentrionis juga cassum, thutiam & celastrum erexerunt; & sub Solis cursu fervida Zybia odorata aromata misit. Judæi Syria una Balsamum; Cyrenæ Laserpitium; Sabæi thus; Arabia myrrham, casiam & Cinamomum; Ægyptus Sycomorum; Media Citrium; Persia cuciopheram; Phanos Insula Loton; Rhodus aspalathum; Babylonia palmam; mons Lybanus cedrum; Corycus Cro-

Crocum; Troja Fagum; Bactri Therebinthum; Hamus, Tamaricem; Creta crupressum, & dictamnium; Cyclades Cyperum; Pontus Absynthium; Europæ Illyria Iridem; Macedonia Petroselinum; Athenæ Oleam; Olympia Oleastrum; Cyllene Moly; felicitatis Campaniæ colles vites, temulentia nobilis succo per omnes terras inclyto; Orientis Indi Ebenum; India Seticeavellera; Occidentis Tylos lanigeras arbores & guaiacum. Nec flumina, lacus & paludes à suis muniis feriarunt. Nilus Papyrus produxit; Euphrates Zotum; Strymon Tribulum; Lacus Orchomenius Siden, & juxta Lybanum juncum, & odoratum calamum; Colchides & Galatiæ Acorum; Egyptiæ paludes colocasiam. Et tandem singulæ orbis partes singulas stirpes, ut sua ferebat qualitas, crexerunt; ejusdem proprietatis, quarum semina translata, ac blandimentis sata, suas qualitates adulterarunt.

l. Bapt. Portal. 2. phytogn. c. 1.

VIII.

Præcorum Regum in Plantarum inquisitione mirum studium.

Quare præstantissimos Reges, ac magnanimos, Illustresque heroas, in ipso etiam armorum strepitu, tumultuq; bellico, studiosè olim excoluisse rem herbariam, ac stirpium cognitione cum primis fuisse delectatos, præter veterum historias, Bibliorum Codices abundè testantur. Quum enim harum rerum investigatio amœnissimâ varietate exornata sit, nec minus habeat utilitatis, quàm oblectamenti, non visum est Regum amplitudini, nec Imperatoriæ Majestati inde-

indecorum, hujusmodi occupationibus distineri, præsertim ubi ab urgentissimis negotiis ac functionibus publicis respirare, atque aliquid sibi laxamenti impetrare licuit. Hæc enim tum animi, tum corporis culturâ, non minus celebris facta est illorum memoria: non minus illustratus nominis splendor & magnificentia: quàm rebus aliis præclare gestis, aut hostibus vel subactis, vel ad internecionem deletis.

IX.

Reges herbarum cultores.

Mithridates.

Sic Mithridates Ponti, atque unde viginti Regnorum Rex, propter eximiam herbarum noticiam & singulare antidoton contra venena morbosque omnes contagiosos præsentaneum, illius nomine insignitum, immortale nomen est consecutus.

X.

Lyfimachus, Gentius & Imperatores quidam

Romani.

Lyfimachus Eupator Macedoniæ, Gentius Illiricorum Rex, multique alii, præter belli gloriam, herbarum cognitione illustres sunt. Marcus Cnr. Imperator Romanus, post devictum Pyrrhum, Epirotarum Regem, L. Cincinnatus, M. Valerius Corvinus, plantarum amœnitate allecti, procul à strepitu & ambitione civili, ruri consenuerunt.

XI.

Solomon.

Solomon Regum Amplissimus, qui præter immensas opes, eam consecutus est à Deo Opt. Max. sapien-
tiam,

tiam, ac rerum cognitionem, ut nullus Regum illi sit comparandus, in herbarum notitia mirificè excultus, exactèque versatus, legitur, ac disseruisse, non solum de piscibus, alitibus, quadrupedibus, Astris, sed de arboribus etiam & stirpibus (a) à cedro Libani usque ad hyssopum, (b) qui egreditur de pariete, hoc est, à minutissima herba, ad procerissimasque celsissimasque arbores usque, omnia habuisse cognita & explorata. (c)

a) *Sapient. c. 7. v. 20.* b) *1. Reg. c. 4. v. 33.* c) *Lemn. de similit. c. 1. l. 1. de oco. nat. mir. c. 17.*

XII.

Nestor.

M. Vatro memoriæ prodidit, Nestorem, qui temporibus belli Trojani vixit, & tam longævus fuit, ut nunc etiam Nestoreos Annos (quibus tres ætates attribuit Homerus) (a) alicui precari soleamus, ita fuisse huius studio deditum ut ἀλεείκηπν, id est, auxiliarem hortum, carmine quoque descripserit. (b)

a) *Odyss. 3.* b) *Camerar. in hort.*

XIII.

Reges Portugalliæ Gujacum importantes.

Nec suâ laude fraudandi sunt Illustris Fernandus Castiliæ, ac Joannes & Henricus ac Emanuel inclyti Portugalliæ Reges, quorum operâ & expensis saluberrimum illud lignum Gujacum, nuper ab Australis Oceani Insulis nobis allatum est: quo uno plus commodi miseris mortalibus attulerunt, quam omnes illavaritiæ cuniculi, metallorum argenti & auri fossoret: quidnam in viscera terræ, omnium parentis sæviunt,

viunt, plus expendunt, & insumunt, quam erunt. Tanti est, vel uno morborum remedio, Medicinam locupletare.

Long. l. 1. Epist. 63.

XIV.

Alcinous Rex.

Alcinous Rex Phæacum, qui Homero (a) & Orpheo (b) δικαιότατος τῶν βασιλέων dicitur, diligenter & sedulò hortos excoluit, ad quos, negotiis regni expeditis, quōtidie se conferre, atque ibidem animum à curis & laboribus non parùm recreare consuevit.

a) *Od. η.* b) *In Argonaut.*

XV.

Philosophi & Sapientes alii.

Uno verbo, omnes Philosophi & Sapientes, qui remoti ab infano foro & urbe, hortorum se spatiis sepiusque clausurunt. At in istis? Tarquinium Regem video, jam tùm priscâ illâ Româ, in hortis molliter ambulanti, & papaverum capita resecanti: Catonem Censorium agnoscō in re hortensi deditum, & de eâ seriò scribentem: Lucullum post Asiaticas victorias in iisdem otiantem: Sullam, abjecta Dictatura suaviter hîc senescentem: & Diocletianum principem olera sua & lactucas ad Salonam, purpuræ & omnibus sceptris præferentem.

Lips. l. 2. de Constant. c. 2.

XVI.

Imperatores Germani.

Sed veniamus ad nostros quoque, Imperator Fridericus III. qui 53. Annis imperio felicissimè præfuit, rei her-

herbariæ ita fuit intentus, ac tantum in eâ profecit, ut sæpius cum Medicis suis, animi gratiâ, de plantis, & earum viribus prolixè disputare non erubuerit.

Cuspin. in Cesar.

XVII.

Studium Botanicum vitæ præsidium, curarum asylum.

Quapropter omni tempore hoc jucundissimum pariter & utilissimū studium hortense, maximis Principibus & aliis plurimis summo opere fuit commendatum, ac diligenter admodum excultum, statuentibus non solum ad sustentationem ac conservationem vitæ humanæ percommodum, sed etiam suarum curarum ac molestiarum asylum esse, & convenientissimum præsidium.

Camer. in hort.

XVIII.

Idem animi honesta voluptas.

Voluptas etiam & animi recreatio, ex hoc ipso, non nisi honestissima esse potest: ad id enim quod pulchrum, honestumque hominem commonefacit. Sugerunt quippe flores suâ pulchritudine, coloris elegantia, formæ præstantiâ, odoris suavitate & fragrantia, generosis honestisque animis, honesti pulchrique & omnium virtutum recordationem. Turpe namque, ut quidam Sapiens ait, fuerit, pulchra tractantem, pulchrisque in locis versantem, non pulchrum, aut turpem habere animum.

Remb. Dodon. præf. de flor.

XIX.

XIX.

Eaq. mystica.

Est enim profectò, arcana quædam & congenita nobis vis, cujus intimas causas non facilè reddo, quæ ad hanc innoxiam & ingenuam delectationem trahit, non nos tantùm, qui propendemus, sed illos ipsos serios & severos, qui renitentur & irrident. Animum enim tuum mentemque percontare; capi se hoc adspectu dicet, imò pasci. Oculos, sensumque: fatentur enim alibi non libentiùs se acquiescere, quam in his hortorum arcis & pulvillis. Circumstite, quæso te, paululum hæc agmina florum & augmenta. Vide mihi illum è calyce, hunc è vaginâ, alium è gemmâ protuberantem; vide hunc morientem subitò, alium subnascentem; denique in uno aliquo genere cultum, formam, faciem, mille modis paria & diversa.

Lips. l. 2. de Const. c. 2.

XX.

In herbis nihil parvum, nihil contemne.

Quare,

— mentes adhibetè fidemq;
mortales, multâ scrutati indagine, numen
non deerit, superique volunt sua munera quari;
magnus inest Herbis vigor, & vis insita Cælo
Graminibusque sua est vel vilibus addita virtus,
nilque adeo abjectum est, nihil est tam vile, sacratum
quin Medicamen habet: bulbo malvaque potestas
est sua & urticis —

Camer. in praf. hort.

XXI.

Planta omnis Dei Index.

*Aut mihi planta suis Numen demonstrat in herbis,
 Prasentemque refert una vel Herba Deum,
 aut operis serius Autorem tota recenset
 qui facit, & lato cuncta vigore fovet,
 emicat ex ipsis Divina potentia campis:
 & levis est cespes, qui probet esse Deum.*

l. Stigel.

XXII.

Color Herbarum Oculus: Odor aura cælestis est.

Quæ illa igitur tam rigida mens, quæ inter hæc non flectat se molli aliqua cogitatione, & lique scat? Jam ades curiose tu oculo: defigere paullum in nitores istos & pigmenta, inspicere hanc nativam purpuram, hunc sanguinem, hoc ebur, hanc nivem, hanc flammam, hoc aurum: & tot colores, quos artificii cuique penicillo æmulari fas; æmulari sed non imitari, denique quis exhalans ille odor? quis penetrans spiritus, & nescio, quæ pars æthereæ auræ infusæ ab alto?

Lips. l. 2. de Const. c. 2.

XXIII.

*Hortulus naturale Musæum, Mausolæo
 splendidiss.*

Hoc igitur, quasi refugium quoddam & secessum liberalem, vel potius Musæum jucundissimum, ab ipsâ Naturâ, tot herbis, arbutis ac arboribus instructum ac exornatum quis non amplecteretur? quis non faceretur etiam marmora nitidissima regiarum pictur-

ras-

rasque splendidissimas, ac alia præclara artificia ab illis longissimè superari?

Cameras. l. c.

XXIV.

Stupendum, grandem arborem, in tantâ parvitate seminis latere.

Parvum cujuslibet arboris semen jacitur in terram, ut arbor ex illo producat, considera & comprehende verò tu, si potes, ubi in ulla tantâ parvitate seminis tam immensa arbor latuerit, quæ ex illo processit. Ubi lignum, ubi cortex, ubi tanta viriditas foliorum, ubi ubertas fructuum? an tale aliquid in semine, cum in terram jaceretur, vidisti? Sanctissimus Jobus (a)

Conspexit fruticem casum frutescere rursum.

Arbor etiam si excindatur, spes est adhuc repullulaturam & tenerum ramum ejus non destitutum, ex odore aquarum regerminat, ac si novella planta ac viviradix esset.

Quid ergò mirum, si tenuissimum pulverem à nostris oculis in elementa redactum, cum vult Deus, in hominem reformat, qui ex tenuissimis seminibus immensa arbuscula redintegrat? (b)

a) c. 14. v. 9. b) *Heidfeld. (phing. phil. c. 8.*

XXV.

Gentiana virtus divinitus revelata.

Gentiana, vulgò Cruciatâ dicta (zent Lazlo Kiraly sive, Pannon.) hoc est, S. Ladislai Regis herba: à Ladislao, Ungariæ Rege primo, qui Sancti cognitionem adeptus est, propter Tartarorum ex Ungariâ depulsionem. Eum autem ferunt primum, totâ Ungariâ à Tartaris pulsum in Daciâ sive Transilvani-

am profugisse in urbē Claudiopolim sive Colosivar:
 illic cum opulento & prædivite quodam lanio ami-
 citiam & familiaritatem contraxisse, cuius factus sit
 compater. Hujus auxilio, qui illi expensas persolvit,
 Tartaros denuò aggressus, eis totam Ungariam ade-
 mit. In hac Tartarorum fugâ, cum nummos aure-
 os, quos ex prædâ collegerant, Aradiensi campo
 abjicerent, ut insequentes Ungaros remorarentur,
 precibus à Deo contendit, ut aurum in lapides con-
 verteret: votum eventus secutus est. Inde factum
 putant, ut Aradiensis ille campus planis lapillis ab-
 undet, qui aliquando aurei nummi fuerint. Hu-
 jus autem Regis tempore, gravissimâ peste afflictam
 universam Ungariam ajunt, eum verò precibus à Deo
 obtinuisse, ut quameunq; stirpem sagitta ab illo in-
 altum emissa cadens feriret, utilem illam ad hanc lu-
 em curandam præstaret, hanc in Cruciatam decidisse
 referunt, quâ deinde subditos pestis contagio liberâ-
 rit. (a) Nos quoque eam, adversus pestilentium
 febrium contagia utilissimam exploravimus. Calida
 est, & sicca, extenuat, purgat, abstergit, obstructa
 liberat. Olim contra venenatorum animalium mor-
 fus duarum drachmarum pondere cum pipere, ruta
 & vino præbebatur, Summâ amaritudine, non modò
 sanguinis integritatem tuetur, atque à putredine
 vindicat, sed eam etiam jam grassantem coercet, &
 noxios ichores, quæ ejus fomites esse solent, siccan-
 do absorbet. (b)

a) Carol. Clus. in Nomencl. Pannon. b) Jul. Palm. Con-
 stant de feb. pestil. c. 18. Lege etiam quæ de Carlina refert
 Mathiol. l. 3. comm. in Diosc. c. 9.

XXVI.

*Herbarum quarundam admirandi, & propè
suspendi effectus:*

*ut sunt 1. ex Bali herbâ, Draco & Thiso
occisi, rediviui.*

Adeò attonita ad herbarum facultates fuit Anti-
quitas, ut Xantus (a) scripserit, occisum Draconis
catulum, herbâ quadam (quam magi Bali nominant)
à parente revocatum ad vitam eâdem Thisonem, quæ
Draco occiderat, salutis restitutum.

a) l. i. histor.

XXVII.

*2. Ex herbis claustra omnia aperta, & ferrei Equo-
rum calcei soluti.*

Picum avem adactum suis cavernis cuneum, quas
in arboribus habet, ad motâ quadam herbâ, extrahere
tradiderunt, cum Democritus, tum etiam Theophras-
tus. Quin etiam Ætyopide herbâ tactu claustra
omnia aperiri, quibusdam simul admurmuratis can-
tilenis. Id quod mihi miraculo non est. Memini
enim dum superioribus Annis Venetiis agerem, me
quendam suspensio damnatum vidisse, cui fores
omnes patefierent, disiectis seris unâ tantum herbâ
ad motâ, signaculis quibusdam decantata. Talis verò
facultatis, alia haud mihi incognita habetur, in Ita-
liæ montibus proveniens, qua ab Equis calcata con-
tinuò ferrei solvuntur calcei,

*Mathiol. pref. in com. Diosc. l. 3. herb. c. 135. Plin. l. 10.
c. 18.*

XXVIII.

Alij Plantarum effectus, ex solo contactu.

Observatum est, inflammari vulnera, ulceraque superventueorum, qui pedibus iter confecerunt per loca perniciosis plantis scatentia: contra verò sanari morbos, ubi ab itinerantibus vulneratis, salubres contactæ sint. Sic hemionitidis contactu Spleneticos sanatos scimus; Ictericos substrato in calceis, nudis pedibus, chelidonio aut pastoria bursa. Tàm diu quempiam lippitudine non tentari, observatum quoque est, quàm diu sylvestris Rumicis radicem secum nitidissimè habuerit. Desinet stranguriâ cruciari, qui Tamaricis lignum ardens, suâ ipsius extinxerit urina. Inguinis tumorem haudquaquam iis subcre-scere putant, qui Myrti surculum secum gerant. Vermiculi in Echinatis Dipsaci capitulis autumnò reperi-ti, collo in folliculo adalligati, aut sinistro brachio appensi, quartana febre affectos incolumitati resti-tuunt.

Matthiol. pref. in comm. Diosc.

XXIX.

Scordii contactu cadavera præservantur.

Scriptum est à quibusdam viris gravissimis, cum in bello interemptorum cadavera, multos dies insepulta jacuissent, quæcunque supra Scordium Creticum fortè fortuna ceciderant, multò minus aliis computruisse, ea præsertim ex parte, quâ herbam contigerant. Ob quam rem certè omnibus persuasum est, tàm putrefacientibus animalium venenis, quam Medicamentorum deleteriis Scordium adversari. (a) In vino etenim coctum, contra serpentium morsus & venena-

menata bibitur, atque etiam contra pestilentis aëris contagia antidotis inferitur, quæ contra pestem fiunt. (b)

a) Gal. l. 1. de antid. b) Jul. Palm. Constant. de febr. pest. c. 18.

XXX.

Radix Pœonia collo gestata Epilepsia resistit.

Pœonia est facultate omnino rescicatoriâ vehementer, ita ut non desperaverim, eam etiam ad alligandam, (quod meritò creditum est) puerorum Epilepsias sanare. Equidem vidi puellum, quandoque octo totis mensibus morbo comitiali liberum, ex eo, quo gestabat radicem, tempore: ubi verò fortè fortuna, quod à collo suspensum erat, decidisset, protinus morbo correptus est: rursusque suspensum in locum illius alio, inculpatè postea se habuit. Porro visum est mihi, satius esse denuò id collo detrahare, certioris Experientiæ gratiâ. Id cum fecissem, ac puer iterum esset convulsus, magnam recentis radicis partem ex collo ejus suspendimus: ac deinceps prorsum sanus effectus est puer, nec postea convulsus est. (a) Non desunt Mulierculæ, quæ perforata Pœoniæ semina, & filo trajecta coralliorum modo, suis infantibus & pueris collo circumligent, quod putent hoc amuleto Epilepsiam arceri. (b) Sic dicta à Pœone Medico, (c) qui eâ vulneratum Plutonium ab Hercule, Homero fingente, (d) curasse perhibetur, à quo Herba Pœoniæ, pro salutaribus accipiuntur, ut apud Virgilium: (e)

Pœoniæ revocatum herbis —

a) Gal. l. 6. simpl. b) Mathiol. in com. Diosc. l. 3. c. 140.

c) Camer. in herb. G. Baubin. in Synon. herb. d) Odyss. e.
e) l. 7. Lucid.

XXXI.

Et quomodo, aliorum Exemplis docetur.

Rationabile igitur erat, aut partes quaspiam à radice defluentes, ac deinde per inspirationem attractas, atque ita affectos locos curare, aut aërem à radice assidue mutari & alterari. Nam hoc pacto succus Cyrenaicus, Columellam phlegmone affectam juvat, & melanthium frictu palam destillationes & gravedines desiccant, si quis id in calidum linteum rarum liget, assidueque calorem ex eo, per inspirationem, quæ per nares fit, attrahat,

Gal. l. c.

XXXII.

Radicis Paonia vis occulta.

Radicis Paoniae mascula vis, non à manifestis qualitatibus, sed à totius substantiae dissidio, atque repugnantia dimanat, quâ non pituita, non humoris lentior, sed morbi Comitialis essentia (quæ latens occultaque est) prorsus adversatur. Si enim, quod pituitam, quæ mali causa est, è cerebro, similitudine substantiae detrahit, igitur medetur, cur non aliis quibusque à pituita morbis succurreret? aut cur non easdem vires obtineant medicamenta, quæcunque pituitam eliciunt? Scio Galenum hanc illi vim idcirco assignare, quod exsicandi vi polleat, tenuisque sit substantiae, ac propterea ventriculorum cerebri infractus expediat. Sed cum alia plurima extent, majore siccitate prædita, tenuiorumque partium,
cur

cur illa vim pariter eandem ad morbum comitalem non accepissent?

Fernel. l. 2. de abd. morb. caus. c. 17.

XXXIII.

Paeonia Signatura.

Quibus virtutibus, signaturam ipsam hujus plantæ adjiciemus; cujus caliculus aut caput, ante quàm flores ex eo excludantur, analogiam quandam habet & similitudinem ad cranium humanum, in quo sutura coronalis spectatur, in cujus partibus interioribus rubor quidam florum, in obscuro nigrescens, fulminis alicujus similitudinem exhibet, quasi ipsam Epilepsiam (sideratum morbum) in cranio repræsentans, quæ idcirco congruum huic morbo medicamentum esse testatur.

Quercet, in tetr. c. 13. p. 157. Croll. l. de signat.

XXXIV.

Plantago Pestis amuletum.

Retulit mihi (inquit Monavius) nuper Chirurgus, Aulae nostræ jam senior, se in multis constitutionibus pestilentibus fuisse, & suâ manu infectos plurimos tractasse, semper tamen à contagione immunem permanisse, quod secum gestaverit radicem Plantaginis majoris, sacculo inclusam, & cum filo regioni Cordis adaptatam: ut res celetur, pulveris lavandulæ aliquid admiscere solet, & hinc inde distribuere: quicquid sit,

Sapè etiam parvis gratiaribus inest.

Scholtz, ep. 248.

XXXV.

Echij vires Alcibiaus casu invenit.

Echion à viperis nomen habet (Græcis enim *ἐχίς* vipera est) vel quod semen proferat capitibus viperinis simile, vel quod viperarum moribus præstantissimum sit medicamentum. Ab Alcibio, alcibiaccum dictum Echium, ab eo qui primus ostenderat, quantum viribus polleret, contra viperarum ictus. Is enim dum secus aream dormiret, à vipera in extremo inguine ictus est: excitatusque à somno, ex hac herba succum commanducando, palato & dentibus expressit, hausitque in corpus. Mansa verò herba reliquum vulneri super imposuit contra dolorem, quo medicamento liber evasit.

Mathiol. l. 4. c. 25. in Diosc. ex Nicand. de Ther.

XXXVI.

Ruta Epilepsia remedium.

Hoc in Tuscia à rustico quodam accepi, qui dicebat, aliquem casu, morbo liberatum fuisse. Rutam enim sylvaticam, quam rure habebat, contundebat, & ubi conservus ejus lunaticus concidisset, ipse rutæ odore plenus aggressus, nares ægri continebat, unde ille, excitatus, non amplius comitiali morbo laborabat. Expertus autem erat hoc etiam in alio, morboque eum liberaverat; atque ego sapius ita tunc affectum curavi.

Alex. Trallian. l. 1. c. 15. Conrad. c. 12. de morb. Ung. Lat. de morb. cerebr. c. 23. Vaz. er. l. 2. c. 11. de Epileps.

XXXVII.

XXXVII.

*Pimpinella vulneraria, febrifuga, pectoralis,
hydrophobia utilis.*

Pimpinella, Germanica Saxifraga, Chabaire Pan-
nonicis dicitur, hoc est, Chabæ Emplastrum. Nam
ferunt Chabam Regem, Attilæ Regis minoris Filium,
ex Honorii Cæsaris Filia, post parentis mortem (cum
universum Regnum Ungariæ intestino bello concu-
teretur, atque acre prælium commissum esset, quod
inter se dissentirent, cui-nam Filiorum Attilæ regnum
cedere deberet, eoque prælio omnes Ungari occu-
buissent) solum superstitem remansisse, cum 15000.
& illis quidem omnibus vulneratis, quos hæc herbâ
curasse dicitur, unde factum est, ut postea ab eo, ap-
pellationem sumserit. (a) Pimpinellam solutam
aquâ febrem continuam statim domare, usu comper-
tum est. Madoribus tabidis apta est: sanguinis spu-
rum sistit, ulcera deterget & siccatur. (b) Radix ejus
pulverisata, cum saccharo, in formam Electuarii re-
ducta & quotidie assumpta, in aqua ejus stillatitiâ, ad
aliquot uncias admodum suppuratis prodest. Pulvis
optimus quoque in casu & contusionibus in calidâ
cerevisia exhibitus. (c) Henrici II. Galliarum Regis
Venator, gravi morbo decumbens, bonâ fide Joanni
Fernelio asseveravit, Pimpinellam ad præcavendam
hydrophobiam tantam vim obtinere, ut quicumque
eam aliquot diluculis, vel in acetariis, vel alio quovis
modo apparatus, post demorsum comederit, nihil
inde incommodi sentire possit: quod in canibus æ-
giis se primum expertum fuisse dicebat: quibus de-
morsis, illam felici successu offerebat. (b)

a) Clar.

a) *Clus. in Nomencl. Pannon.* b) *Heurn, l. 2. M. c. s. & s. c)* *Camer. in hort.* d) *Jal. Pal. Constant, de morb. contag. l. 3. c. 3.*

XXXVIII.

Radicis Costi mira vis.

Costus verus tam amarus est, etiam acris, ut ejus mordicationem lingua masticantis vix ferat, præterea tam odoratus & sapidus, ut omnium aromatum, sapores & odores in se contraxisse videatur; habet enim acrimoniam cum zingibere, ac gariophyllis, amaritudinem cum Zedoaria & calamo, fervorem cum pipere, fragrantiam cum cassia lignea & Cinamo-
mo communem, quorum omnium sapores & odores manducanti exhibet, à nullo, vel vix ullo aromate hucusque superatus.

R. *Minderer. c. 3. aloed. mar.*

XXXIX.

*Vitis Erymon, ejus fecunditas, flos amœnissimus
& fragrantissimus.*

Vitis nonnullis dicitur quasi vita, quod vinum ingens vitæ humanæ bonum sit, cor ac spiritus recreans. In vite vita, imò *Reben steckt das Leben*. Nisi autem subinde amputeretur, ipsa suâ fecunditate gracilescit. (a) Præ cæteris fragrantissimum odorem expirat, ac naribus suaves halitus effundit: profert hæc sub finem veris, flosculum minutum & stellatum festucis ramentisque orbiculatis obsitum, ut lichen, vulgo *Ufnea*, colore subspicio, aut flavescente, eximieque suavitatis, quo in asterisci formam deciduo confestim. Specimen racemorum exhibetur. Odor hujus flosculi ce-

re-

rebrum & cor mirificè recreat, sic, ut mihi gratissimum sit, florescente vite, sub vineâ pergulatâ, ac pampinis concamerata fornice ac testudine prandium cœnamque absolvere, aut cum æqualibus, eruditis fabulis temporis tedium fallere. Hujus autem flosculi odor, tanti effectus prædicatur, ut venenatas bestias abigat adeò, ut serpentes, colubri, bufones, hunc perferre nequeant, sed remotissimè se ab eo subducant.

(b)

a) *Heidfeld. Spbing. Phil. c. 8. b) Lemn. herb. Bibl. expl. c. 2.*

XL.

Florescente vite deambulatio tuta.

Quocirca florescente vite, non solum salubris est, & peramœna deambulatio: sed etiam segura & tuta: licet enim in herbido thoro, ac viridante gramine decumbere, ac sub arbore patulis diffusa ramis, opacû frigus captare, atque æstum propulsare, vel apricatione Solis radiis intalescere & illustrari, nullo metu aut trepidatione serpentum, qui aliquando latenter in herba delitescunt, atque improvise obrepunt, hominique terrorem incutiunt.

Lemn. l. c.

XLI.

Lachryma vitis vis mirabilis.

Vitis Aqua (Lachryma) dum amputatur, dissipat & discutit callum oculorum, (a) scabiem sanat. (b) Accovisticum est remedium, maxime in causa calida. (c) Optimo successu, ad uncias quatuor, pro vice, in calculo renum & vesicæ bibitur. (d) Sunt, qui eam Aquam, quæ castratis vitibus exudat vere, lenticulâ vitrea

trea

treæ excipiunt: vas operculatum sedulo, clausumq; annuum integrum exponunt Soli, loco subdiali, sed qui ab injuriis cœli tutus esse possit: ac lenticulam ad Solem subinde vertunt, ut uadequaque radii everberent, & Aquam coquant. Melligo tandem concrescit, quæ sit balsamo viribus æqualis, ἀμπελοποιλαγῶν ex analogia, (sivis) appelles: purgat, carne implet, cicatricem ducit, glutinat, exerit, papularum delet vestigia. (e) Quod si cibum aliquem expetere gravis, neque ejus particeps esse possit, atque metuatur, ne aliquid fœtui inde accidat, Fœminæ ad id præcavendum, commendant Aquam, è renellis vitis foliis, Mense Majo destillatam. (f)

a) Crato conf 58. b) Plat. de dol. p. 874. c) Plat. l. 1. de funct. l. 5. c. 3. d) Domin. Leon. l. 5. sect. 3. c. 6. e) l. Holler. inst. Chir. 6. 5. f) Sennert. instit. l. 4. p. 2. c. 2.

XLII.

Crocus Cor hominis.

Crocum calet numero 1. & siccatur, vehementer dissolvitur exhaustionem; & leniter adstringit, præclaris donatum viribus, nam robur insigne cordi afflat, (hinc cor hominis dicitur) idque recreat (a) & spiritus miravi stabilit, ac lætos reddit, quin & splendidissimo lumine honorem afflat, ac pandit spiritus contractos, iterumque diffusos nimium, contrahit, putredinem arcet, coctionem promovet (b) ob flavitiem Ictero resistere (obstructiones enim Epatis & præsertim fellis solvit) creditur. (c) Gaudet radice ejus calcari & arteri pede, pereundoque melius pervenit: Unde carmen:

- Pulchrior ut crescat, ceriunt crocus, ô furor ingens,
 Latior ut possis surgere, nolle premi! (d)
- a) Heurn. l. 2. M. c. 5. Gogl. de pest. p. 107. 127. b) Heurn.
 l. 2. M. c. 9. c) Plat. de vit. p. 127. 146. l. 2. de l. funct. p. 647.
- d) Plin. l. 12. c. 6. Minder. Aloed. c. 4.

XLIII.

*Crocum insigne thoracicum, & medicamen-
 mentum ενφύλιον.*

Crocus adeò est thoracis affectibus amicus, ut sint, qui ad scrupulum semis, atque etiam unum, cum dimidio moschi grano, & vino optimo calido propinando, Asthmaticos curaverint. Ad respirationem ex nimio frigore prohibitam, eodem modò plurimùm conducit. (a) Unde Cardan. ait: Crocus est Anima pulmonis, & eo solo multos liberavi anhelosos, inter quos Socrum Cæsaris de Comitibus, quæ tantam passa erat, per duos menses spirandi difficultatem, ut intra paucas horas moritura videretur. (b) Ejus extractum, in minima copia rite præparatum, datum per os, difficilem partum promovet, corroborando in primis vires gravidæ & foetus, (c) Raptim enim uterum petit, adeò ut cum quædam, foetum excludere non posset, dato croco, prodierit foetus croco tinctus. (d)

- a) Camerar. in horto. b) Cons. de spir. diffis. d) Heurn. l. 2. M. c. 14.

XLIV.

Croci nimius usus funestus.

Crocus infensa vi cerebro, capitis dolorem adfert, (a) mirum enim in modum ejus vis caput invadit (b) appetitum desiccat (c) risum movet. Vidimus enim

enim

enim nos (d) apud Mitinam in campo, totius Hispaniæ Celeberrimum Emporium, mercatorem quondam, qui, cum plures croci sarcinulas, sive involucre emeret, ut in Lusitaniam portaret, multum ex illo, in olla, carnes jurulentas pro cœna continente, iniecit: qui post earum esum, in tam intensum ac vehementem risum prorupit, ut non multū abfuerit, quin risu & cachinno tunc à vita discederet: nimius (e) etenim ejus usus funestus: Antiqui dicebant, drachmas tres potas, interficere, nam effundit spiritus vitales. Ejus nāque (f) odore enecari indormientes, quod fragranti illius spiritu, spiritus animales elicitī dissipentur, & tanquam lumen minus à majori absorbeatur, historiis constat. Muliones certē sarcinas croci gestantes mulos alternare coguntur, quod jugis sarcina eundem mulum odore suo debilitet. Proinde non mirum (g) si Agafo quidam apud Pisaurenses, super duabus croci sarcinulis dormiens, eadem nocte obierit.

a) Plat. de dol. p. 253. b. c.) Heurn. l. 2. M. s. s. c) Dom. Leon. l. 1. f. 3. c. 4 d, g.) Lusitan. comm. ad c. 25. l. 1. Diosc. f.) Zuving. Phys. l. 2. s. 26.

XLV.

Sal Alkali dentes eburneos reddens.

Salis Alkali, quod ex cineribus Kali plantæ conficitur, dissoluti cum contritis lapidibus, pro vitris conflandis, innatans veluti pinguedo, quæ refrigerata durefcit lapidis instar, atque axungia vitri vulgò appellatur, pulverisata, dentes mire nitidos & politos reddit.

Plat. l. 2. de vit. p. 960.

XLVI.

XLVI.

Carbo quercinus Icteri lucrosum remedium.

Carbones de quercino ligno, ejusdem ponderis, cum limatura chalybis, in vino ustulato prius chalybe alio integro, macerabat mulier quædam, infusumque propinando, in Ictero sanando, hoc remedio quæstum faciebat.

Plat. l. 2. de vit. p. 149.

XLVII.

Fraxinus Serpentibus insensus, Calculosis & spleneticis utilis.

Fraxinum sylvestrem adeò horrescunt serpentes, ut nec matutinas nec vespertinas illius umbras, quamvis longissimas, unquam attingant. Et si gyro frondibus hujus arboris claudatur ignis & serpens, citius in ignem fugit, quàm in fraxinum. Expertus hoc scribit Plinius. (a) Sed nostrates Serpentes hoc non faciunt. (b) Quamobrem miram naturæ benignitatem licet admirari, quòd prius quàm prodeant serpentes, floreat fraxinus, nec antea, quàm se terræ condiderunt, folia demittat. (c) Quasi frangens lapidem dictus; vasa ex ejus ligno confecta, in usu cibi & potus, mira spleneticis & calculosis præstant auxilia. (d)

a) l. 16. c. 13. b) *Camer. herbar. l. 1. c. 31.* c) *Heidf. Sphing. Phil. c. 8.* d) *Dom. Leon. l. 1. præf. f. 3. c. 8.*

XLVIII.

Herba Hollerii herniis dicata.

Herbula est in sabulosis nascens: (hæc herniaria dicta, (a) ab aliis herba Hollerii,) ramulos multos

in terram spargit, foliis minimis & rotundulis, aliis follicatis ex viridi flavescentibus, per ramulos sparsis, adstringente gustu, ex qua succus expressus subinde affuso vino albo, certissimum & aliquoties probatum remedium contra descensum intestini. Nam novem diebus ita percurat, ut postea non redeat malum. Facilis inventu Autumno. (b) Puerorum pulicula ex pane albissimo in tenuissimum pulverem redacto & lacte conficiantur: quibus mellis nonnihil addi poterit, ut alvus liberius fluat. (c) Ejus aquae stillatitiae arte Chymica extractae unico haustu, cum tentata alia remedia non responderent, paucis abhinc diebus curatus est adolescens, in gymnasio Haricuriano, cui citatior saltus herniam conciliarat. (d)

a. c.) L. Duret. in advers. Holler. b) Holler. l. i. c. 62. d) Ans. Valer. in exerc.

XLIX.

Rosarum dignitas.

Rosa somnum accersit, mentem & cerebrum firmat. Non valide mixtas qualitates gerit, sed facile separabiles: est frigida in 2. ordine, & calida in 1. lenit, humectat & siccatur: cardiaca calida confert. Suavi odore recreat Rosa cerebrum, ac vapores à cerebro arceat: unde Roseae coronae olim mensis vinosis expectatae fuere, quod ebrietati hac vi resistent. Unde Anacreon ipsum vinum olens cecinit:

Rosam amoribus ditatam

Sociemus ad lyaeum

foliis Rosam decoram

capit.

*capiti revincientes
calices jocemur inter.*

Pauci profectò flores sunt, qui æquè oculis, naribus, palato, & sanitati student, ac Rosæ: quare fabulatur Anacreon, fulgentem illum ruborem, rosæ afflatum fuisse, quod Dii nectare eam asperferunt. Certè sine Rosæ, Medicina rarò Gratiis sacrificaret. Cùm itaque tantas, ac tam amœnas vires Rosa spiret, non mirum est, antiquitatem sese in ejus admirationem effudisse: quare & ipsis Rosæ suavior Anacreon, inquit:

*Rosa, flos odorq, divûm,
hominum rosa est voluptas
Demilla Gratiarum
florente Amoris horâ,
Rosa suavius Diones.
Quid plura? nonne multis
Medicina certa morbis?
hujus senecta suavem
Servat juvenis odorem. (a)*

Rosarum Aqua privatim capiti competit. (b) Sed pota in dolore capitis nocet, ob odorem, nisi sumatur aqua peculi rosarum. (c) Et coryras facere Rosas & violas ex proprietate scribit Arculanus. (d) Veneri sacra fuit Rosa, quam tamen Cupido Veneris filius Harpocrati, silentii deo digito labellum compescens, donavit, fluxisse hinc ille mos videtur, ut in Cænaculis Rosa lacunaribus supra mensarum vertices affigatur, ut quisque sit secreti tenax, nec facile divulget, quæ sub Rosa dicta sunt. In Rosa autem quinque sunt partes Medicinæ, 1. foliorum, 2. ungu-

K 2

num,

num, 3. antheræ, 4. umbilici. 5. calicis: has diversas facultates una Natura Rosæ contulit, quam nobis Deus ad infinitos usus reservare dignetur. Arminius Germaniæ Princeps Rosam in Insignibus habebat, unde legitur:

Statua torquentis molli de vellere signum

quodpietam medio continet arte Rosam.

Marchiones Brandenburgenses, Comitesque de Eberstein antiquissimæ prosapiæ, nec non plurimæ familiæ, strenuâ nobilitate claræ, à multis lustris Rosas inter sua insignia gloriosè locatas habent.

nam Rosa principibus merito gestanda videtur. (e)

a) Heurn. l. 2. M. c. 5. & 7. b) Plat. de dol. p. 260. c) Holler. l. 1. pract. p. 5. a. d) Heurn. c. ult. de aff. cap. Dom. Leon. l. 6. f. 1. c. 3. e) Minderer in alod. c. 11.

L.

Rosmarini vis.

Rosmarini oleum, quod in destillatorio vasculo innatat, paralyticis & Apoplecticis salubriter admove-
vere soleo, cervice ac nucha illo inuncto. Odor fruticis animum reficit: præsentaneam autem vim obtinet, in expugnando morbo Regio, qui vulgò Ictericus appellatur, perfusa extima cute, flavo felleoque colore: sicut hæc vis etiam ad animum transferatur, vitiorum nævis ac maculis deformatum. Rursum, morborum comitalem, qui menti vim infert, impugnat: sic omnibus autor sum, ut in elixarum car-nium liquamine crebrò ejus usum admittant. Odor accensi fruticis, pestis contagia fugat, atque ædes suavis odoris fumigio, à vitioso halitu tutas præstat. Conficitur ex ejus floribus medicamentum, quod;

quo-

quoniam diu subsistit, conserva triviales Pharmacopola vocant, cuiusvis cerebrum (si nimio humore oppressum est) & omnes sensus mirè recreat & confortat, memoriam collapsam erigit, & ne quis morbo caduco, apoplexiâ, paralyâ, spasmo corripatur, aut caligantibus oculis afficiatur, singulari vi ac efficacîa instructa est.

Lemn. de similit. Bibl. c. 46. Heurn. l. 2. M. c. 7. Minderer c. 11. Aloed.

LI.

Centaurium φθόειον, αἰμαγόγον, καὶ
ιδεγόγον.

Centaurium minus, nervis dicatum est, immoderato usu, & foetum excludit, & sanguinem prolicit. (a) In Italia præcipui Medici exhibent in Ascite, tertio quoque die, ejus pulveris drachmam unam, cum semine carui & anisi, in vino, vel in decocto aliquo. (b)

Flos mihi suave rubet, sed inest quoque succus amarus,

qui juvat obsessum bile, aperitque jecur. (c)

a) Heurn. l. 2. M. c. 6. & 7. b) Camer. in hort. c) Joan. Possib. P. L.

LII.

Lyfimachia herba dignitas.

Audivi de quibusdam rusticis, cum apud Cenomanos pestilentia passim grassaretur, multosque subitâ morte raperet, tandem ex herba quadam, quam mihi demonstrarunt, remedia quævisse, quâ liberatos peste plurimos affirmabant. Namque altius paulò su-

pra panum, qui jam intumuiſſet, ad alligata deorſum peſtilens virus impellebat, collectumque tandem inibi ſurſum regredi, & principes partes repetere non patiebatur. Sic modico ſubjecti membri damno reliquum ſervabatur corpus. In ruſticis Pelliboſſa, ſive quod idem eſt peſtifuga cœpta eſt appellari; ſed quæ ab iis demonſtrata mihi fuit, nullis diſſentientibus notis Lyſimachia erat. Cujus miraculi nullam potui rationem inire, niſi quod forſitan ſuo inſpiſſatu & adſtriſtionis munere, quo pollet, venenum ad ſubditas partes exprimens excluderet.

Ruell. de nat. ſirp. l. 3. c. 78.

LIII.

Radix etiam famelicos edere prohibens.

Solani majoris (Italis herba bella donna) bacca devorata, & ipſa radix, vi ſtrangulandi pollent. Et joci cauſa, paraſitis datur radix hiſ, qui ad lautas menſas etiam invitis Dominis accedere ſolent, in Aula, quæ res oblectamenti non parùm convivantibus adferre ſolent. Siquidem ſi cultello deraſa, ſcrupuli pondere, (a) (ſemidrachmæ) (b) in vini ſemuncia maceretur, hōis ad ſummum duabus (c) (ſeptem (d)) & deinde percolato diluto ac digitis preſſo, id vini recentis addatur, quod poculum repleat, totumque potandum propinetur, ſit paulò poſt, ut qui biberint, nihil prorsus edere poſſint, magno ſpectantium oblectamento. Id quod Franciſco calceolario Veronenſi acceptum refero, ut qui primus hoc, huiusce plantæ ſecretum propalavit. Verùm, qui hoc fūco utuntur, priuſquam menſæ aſſideant, paraſitos ad-

jcn-

jentaculum invitant, ut fucatum vinum propinent. Discutitur fucus, à risu, aceto potui dato, id enim præsentaneum antidotum est; sed ne quid nimis, nam copiosius sumtum strangulat. Somnus superveniens quoque sanat. (e) Solano hoc, mulieres Italarum faciem decorant. (f)

a. c.) *Heurn. de affect. peñ. c. 1. b. d.) Marhol. l. 4. c. 69. in Diosc. c.) Plat. l. 1. de las. f. c. 3. f.) Camer. in hort.*

LIV.

Solanum somniferum hostes dementans.

Sueno Norvegiarum Rex, Duncanum Scotorum Regem in oppido Bertha obsidebat. Banquhoni consilio Maccabeum consobrinum cum novis copiis adventantem ad Tulinam clam subdere jubet. Ipse per facialem cum Suenone de deditio-
ne agit: & victoris ira mitiganda causa se com-
racatum libenter subministraturum pollicetur. Gra-
ta ea fuit conditio Danis, extremam laborantibus in-
opiã. Vinum igitur & cervisiam Solatro mania-
co infectam in castra devehì curavit. Iis se ingur-
gitantes Dani, de deditio-
ne postero die faciendã
securi, in soporem unã cum Rege Suenone solvuntur.
Interea Maccabeus exercitum trajecto Tao flumine
per ligneum pontem ducit in Bertham, ac inde aver-
sã portã egressus, ducente Banquhone ad castra ho-
stium perveniunt. Tum maximo edito clamore ad
terrorem, si qui fortassis adhuc vigiles superessent ac
sobrii, cædem ingentem edunt. Pauci quidam, de-
cem numero, quod dona hostium suspecta habuiss-
ent, sobrii Regem Suenonẽ veluti exanimem ad Tai-

ostia, scaphâ piscatoriâ deferunt: & unicâ nave conscensa, cum nautis in Norvegiâ navigârunt. (a) Perpende quantavis sit in herbis! (b)

a) Buchan. l. 7. hist. Scot. H. Boët. l. 12. b) Camer. in hort.

LV.

Stratagema ex helleboro.

Amphyctiones in oppugnatione Cyrrhæ abstrusum aquæ ductum invenerunt copioso latice è Plisto amne fluentem, & de consilio Eurolochi magnam hellebori multitudinem ab Anticyra collectam aquæ permiscuerunt. Cirrhenses aquam bibentes, ventris profluvio enecti jacebant. Amphyctiones sine labore, prostratis hostibus, urbem ceperunt. Suidas Solonis inventum hoc fuisse scribit. (a) Sic Clisthenes Sicyonius ductum aquarum in oppidum Crisorum ferentem rupit. Mox affectis siti restituit aquam helleboro corruptam, & dysenteria laborantes sibi subjecit. (b) En egregium stratagema, rem gerere ope herbarum, dum armorum non licet. (c)

a) Pausan. in Phoe. Polyan. l. 4. b) Frontin. l. 3. c. 7. c) Camer. in hort.

LVI.

Radix hellebori effeminata.

Hellebori radix diu inhærens in naribus, humecta & intumefacta, permutationem ciere desinit. humor enim copiosus oblinît membranam, & acrimoniam vaporis eludit.

Zwing. Physiol. l. 2. c. 50.

LVII.

LVII.

Stratagema ex Glasto herbâ.

P. Roseus, Venetarum copiarum Dux, Venetorum auspiciis, Bogvolentæ in Patavino agro arma intulerat, unâque erat Marsilius Carrariensis. Cùm in eum Mastinus Scaliger exercitum ingentem duxisset, Petroque necessitas injecta esset inde egrediundi, quod eo in loco commeatus difficultate premebatur: cùm hostes ad eundem amnem, sed inferiore parte tenderent, neque aliunde auationis facultatem haberent: glasto herbâ amnem infecit, ita ut homines, jumenta-que propter amaritudinem ejus aquas gustare nolent. Eâ re coactis mutare castra hostibus, qui congregi & dimicare cum eis non audebat, astu inde, nullis armis usus, ex rei suæ commoditate depulit.

Fulgos. l. 7. s. 4. Zuving. theat. volum. 7. lib. 3. p. 1904.

LVIII.

Basilica Genuensium ingenii politicè accommodata.

Franciscus Marchio Jurisconsultus missus à Genuensibus Orator ad Ducem Mediolanensem, cum eum non vellet audire, nec pactis conventis cum Genuensi Republica stare: caprata occasione obtulit Duci manipulum unum herbæ Basiliconis. Qui admirabundus, quid sibi hoc donum vellet, quæsit, cui ille respondit, ejusmodi proprietatem huic herbæ inesse, ut leniter & suaviter contrectata præbeat gratum odorem, nimis autem duriter compressa & attrita tandem producere scorpiones: atque ita simile esse Genuensium ingenium. Dux ingenioso hoc responso

K f

admo-

admodum delectatus, & sententiam priorem mutavit, & Legatum honorificè dimisit.

Augustin. Justinian. Genens. l. 6.

LIX.

Mandragora pro stratagemate.

Hamilecar Carthaginensis non ignorans Libycorum in vino luxuriam, multa vini vasa Mandragorâ corruptit: hisque depositis in suburbis, cum illi accederent, in urbem rediit, quasi vim adhibentibus resistere cum suis copiis non posset. Illi gaudio elati, quod Carthaginenses intra mœnia concludissent: inventis vasibus largissimè se vino ingurgitarunt, statimque in somnum gravissimum inciderunt.

Polyan. l. 5. Cæsius l. 17. c. 24. Frontin. l. 2.

LX.

Mandragora hypnotica.

Cum æstivis mensibus, (nam eo tempore poma Mandragoræ se proferunt) semel atque iterum in musæo nostro amabilem ac speciosum ejus fructum negligenter collocassem, ita somnolentus sum effectus, ut agrè somnus excuti posset. Quum autem obnixè obluctarer somnolentiæ, illamque excussisse conarer, agrè id obtinui, nec rationem tanti veterini inire potui: tandem cum quaquà versum dimovissem oculos, obtulit se à tergo pomum Mandragoræ, quo amoto, atque in alium locum translato, factus sum alacrior, atque torporem depuli, omnemque oscitantiam discussi.

Limn. in explie. herb. Bibl. c. 2.

LXI.

LXI.

Mandragora, humanâ formâ, factitia,
Ἀνδρῶπιμος & dicta cur.

Radices illæ, quæ humanam formam referunt, quas impostores ac nebulones quidam venales circumferunt, infœcundas mulieres decepturi, factitiæ sunt, ex harundinum, mandragoræ, bryoniæ, aliarumque plantarum radicibus. Sculpunt enim in his adhuc virentibus, tam virorum, quam mulierum formas, infixis hordei & milii granis, iis in locis, ubi pilos exoriri volunt: deinde factâ scrobe tamdiu tenui sabulo obruunt, quousque grana illa radices emittant: id quod fiet viginti ad summum dierum spatio. Eruunt eas demum & adnatas è granis radices acutissimo cultello scindunt, aptantque ita, ut capillos, barbam, & cæteros corporis pilos referant. Hujus sanè rei certam fidem facere possum, quod cum Romæ essem, impostorem quendam circumforaneum, lue gallicâ correptum, nobis curare contigit, qui præter alias innumeras imposturas, quibus circumventis hominibus multam pecuniam extorquent, docuit, & artem, quâ factitias sibi comparabat Mandragoras, quarum complures mihi demonstravit, afferens, unam tantum, interdum divitibus vendidisse 25. nonnumquam etiam 30. aureis. (a) Vis scire, cur ἀνδρῶπιμος & à Pythagorâ dicatur? rem aperiam quæ paucis cognita est. in universum omnes ferè mandragoræ radices à medio ad imum bifurcatæ proveniunt, adeò ut crura, hominum modo habere videantur. Quapropter si eo effodiantur tempore, quo fructum gerunt, qui mali instar super folia ad terram procum-

ben-

bentia brevi pediculo appensus, parùm à radice distat, hominis cui brachia desint, effigiem quadantenus repræsentant. Pauci sunt, vel nulli, qui hanc rem sciant. (b)

a) *Mathiol. comm. in l. 4. Diosc. c. 71. Lemn. l. c. b).*
Heidf. Sphing. Phil. c. 8.

LXII.

Napelli immanis vis in homines.

Historia I.

Napelli vis in necandis hominibus, adeò immanis savaque existit, ut nullius ferè antidotis occurrì possit, nisi quamprimum & statim succurratur. Tota ejus planta pernecabilis admodum est. Sed radix cæteris partibus atrocior, adeò ut manu aliquandiù recta, quousque caleseat, tenentem perimat; quin etiam pastores necatos scimus, qui assandis aviculis, Napelli caule, pro veru temerè usi sunt. Hujus immanitatem nos vidimus Romæ, A. 1524. M. Novemb. in Capitolio Clementis VII. Nam cum decrevisset experiri olei cujusdam præstantissimi vires, quod Gregorius Caravita, Bononiensis Chirurgus, contra deleteria medicamenta, & venenosorum animalium quorumcunque morsus paraverat, jussit Pontifex venenum dare duobus latronibus, quos leges damnaverant, quo suorum facinorum poenas luerent, laqueo vitam finiri, ut in iis olei hujus experimentum fieret. Horum alterum, qui plurimum Napelli sumserat, dulciariis panibus commistum, Pontificii Medici, statim Oleo inungendum præbent, qui post tertium diem sapius oleo perunctus evasit incolumis: quamquam non sine magnâ formidabilium sympto-

matum

matum accessione. Alterum verò, cui longè minus venenati panis exhibuerant, oleo inungi vetant, ut assumpti veneni effectum, saviciamque cernerent. Id, quod illis rei exitus facilè comprobavit: quandoquidem paucis pòst horis obiit infelix iis omnibus incommodis, cruciatibus & symptomatibus correptus, quæ ab epoto Napello provenire scribit Avicenna.

LXIII.

Historia II.

Vidimus id etiam Pragæ, Anno 1561. M. Decemb. in latrone quodam suspendio damnato, cui Napelli radix à Carnifice data est drachmæ pondere, rhodofaccharo excepta, Cæsareis Medicis præsentibus, ut Antidori famosi cujusdam vires explorarentur, an contra Napellum id præstaret, quod antea in altero damnato, qui arsenici drachmas duas ebibit, efficacissimè præstiterat. Lubens itaque voravit ille lethiferum Napelli Pharmacum, utpote qui non solum conducibilis censebat, veneno in carcere necari, quam laqueo publicè in patibulo suspendi, sed quod etiam speraret, se à nobis servari posse. Interim transactâ jam sesquialterâ horâ, cum nihil symptomatis appareret, verebamus omnes, ne fortasse in Bohemiâ algidæ regionis causâ, Napellus non venenosus nasceretur: aut quod ipsa radix succo destituta, ob editos jam caules, flores & semen, nihil operaretur. Quo factum est, ut alterum illi pharmacum propinatum sit, ex ejusdem Napelli caule, foliis, floribus & semine paratum. At ibidem duabus adhuc horis, nobis omnibus permanentibus, misero illi, mali nihil accessit. Reducitur ille ad carceres, ab-

eunt,

eunt ceteri, & mihi soli totum committitur negotium. Horâ transactâ carceris custos me admonet, illum jam agrotare. Ego statim adsum, audioque ipsum de universi corporis lassitudine ulcerosa, imbecillitate magna & cordis gravedine conqueri: tunc itaque, quamvis audacter satis loqueretur, nullo sanè mentis incommodo, & vividis me intueretur oculis, cum tamen frontem inspicerem, frigido sudore madentem, & arterias jam fermè omnes obdormiscere, antidotum propinari jubeo, quo epoto, illico inversis oculis, atque ore in latus distracto, capiteque in scapulas rigente, ingenti admodum animi deliquio correptus est. Itaque totus collapsus decidisset in terram, nisi à carceris custode retentus esset. Jubeo interim cum vino irrorare faciem, & anterioribus capillis excuti. Quo ingenio statim revixit, emissis interim per sedem excrementis. Posthac jubeo illum jacere super straminibus ibi ad hoc paratis, ut quid inde sequeretur, animadverterem. Ille verò de frigore conquerens, paulò post putrida, biliosa & livida quædam vomitione rejecit, quâ se non parùm adjutum fatebatur. Interim se ad sinistrum convertit latus, ac si dormire vellet. Prohibeo ne dormiat. Dum hæc aguntur, nullo alio exorto symptomate tandem obmurmavit, & obiit simul, lividâ factâ facie, ac si laqueo suspensus.

LXIV.

Historia III.

Cæterum, longè se habuerunt symptomata, in altero pariter ad furcam damnato, cui data fuit ejusdem Napelli drachma, ut de lapide, quem Bezoar appellant

lant Arabes, periculum fieret, an hujusce veneni immanitatem expugnare posset. Agebat latro, Annum circ. 27. qui epoto lethali pharmaco, piperis omnem saporem illi inesse dicebat: horâ subinde peractâ, cum vomere cœpisset, lapidis illius grana septem, ex albo meraco data sunt. Verùm ab ebibito antidoto, variis & acerbissimis symptomatibus exagitatus est. Evomit enim frequenter biliosa, porraceo colore. Quendam quoque veluti globum circa umbilicum se sentire dicebat, qui inde superna petens, in supremam & postremam capitis partem, frigidam auram quandam diffundebat. Accessit paulò pòst, stupor quidam paralyti non absimilis, qui sinistri lateris brachium, & crus occupavit, adeò ut vix summam manum admoveere potuerit, motu jam in cæteris partibus extincto. Interim non multo pòst tempore, hæc morbi vis, sinistrâ corporis parte incolumi relicta, in dextram repente se contulit, eandemque simili modo occupavit. Vagum profectò symptoma hoc fuit, nam cum dextrum brachium is attollere potuit, sinistrum non potuit, & è contra, tandem utrumque elevavit. Agebat quoque universas corporis venas frigescere. Non defuerunt vertigines, quas secutæ sunt cerebri commotiones adeò ferventes, ut aquæ in caldario bullienti similes esse diceret. Accessit quoque oris & oculorum convulsio, atque acutissimus mandibularum dolor. Quare sæpè manibus affectas illas partes perstringebat, veritus ne exciderent. Forinsecus turgentes oculi, livida facies & nigra labia cernebantur: quin etiam ventris tumor videri poterat, perinde ac hominis aquâ inrer cutem laborantis: varia admodum extitit arteriarum pulsatio, & varia quoque

men-

mentis perturbatio, pro symptomatum recurrentium acerbitate. Nam jam prorsus de vita desperare, mox in spem se erigere videbatur, modò rationis compos, modò delirans, nunc ploranti, nunc cantanti similis. Aquam frigidam sibi dari potandam, tantopere appetebat, ut eâ subito se liberatum iri consideret. Totò hoc tempore se ter excacatum, terque in mortis agone colluctatum affirmabat, lingua tamen perpetuò constitit, nullo unquam symptomate affecta, siquidem nunquam intumuit, nunquam is balbutire auditus est. Cæterum, septimâ post ebibitum Napellum horâ, veneni tandem vi ab antidoto extincta, omnia evanescere symptomata: arteriæ ad rectam redire normam, naturalis revixit color, & brevi quoque virium constitit robur; atque in hunc modum miser ille, magno conflictu atque certamine periculum superavit.

Mathiol. comment. in l. 4. Diosc. c. 73.

LXV.

Historia IV.

Primus ex reis, cui Bezoar post venenum oblatus est, fuit ante biennium Pragæ, qui cum per aliquot dies in carcere detentus, solo pane, atque aqua fuisset usus, atque præcedente nocte prorsus incœnatus, drachma pulveris Napelli fuit oblata. Erat corpus præcedente diætâ valdè præparatum, venæ inanitæ, & meatus omnes aperti, ex quo facillimè veneni vis ad extrema quoque membra distribui potuit. Supervenere acçidentia, nempe angustia pectoris, dolor stomachi, oculorum obtenebratio vertiginosa, pulsus immutatus. Cum verò infirmus assereret, ni statim subveniretur, sese penitus deficere, oblata illi quin-

quinquè grana remedii, in paucò viao sunt, continuò alleviatus est. Paulò pòst, non tamen sine angustia evomuit, & benè sperabat; nihilominus sciebat, materiam circa stomachum aggregari; pars posterior capitis & collum dolebant: inde cœpit delirare, & canebat altè, in solio quodam lacero. Præterit delirium, recurreruntque alia symptomata, dolores scilicet stomachi, capitis, maxillarum, pectoris, modò unius, modò alterius juncturæ. Verùm septem horarum spacio omnes doluere, venter intumuit, quasi hydropicus esset. Erant præcordia cum tumore & duritie tensa, sensit tensionem in renibus, urina suppressa, item est uno brachio & præterea crure resolutus. Pulsus sæpè fuit interceptus, & febriculosus, vomuit illo die aliquoties, habuitque sedes, sed perpertuò de duritie quadam frigidà, ac si lapis quidam in stomacho foret, nobis est conquestus. Ultimo verò, de quo astantes omnes mirati sunt maximè, Ophthalmia quædam lippitudinosa illi supervenit, adeò dolorifica & horrida, ut patiens ipse mori potiùs, quàm paulò magis cum tali dolore perseverare cuperet. A veneni assumptione, per horas quinque ne guttam quidem sumsit, ut eò certiùs procederet experimentum. Conquievit hæc spacio octo horarum omnia: noctu cum voluptate cœnavit, quietèque dormivit; manè erat sanissimus, neque membrorum læsio ulla est subsecuta, prout ego quinque vel sex mensium spacio sum percunctatus. Factus est liber, & etiam à S. Cæs. Maj. liberaliter donatus.

C. Bauhin, de lap. Bez. c. 36. ex Claud. Rich.

LXVI.

Absinthij Etymon argutum.

Absynthium, Italicè Assenso, Gallicè, de Laloine, appellatur, quasi prohibens hilaritatem, & alacritatem, ob immensam suam amaritudinem. Græci ἀψινθιον, id est, contrectando, per antiphrasin, quasi nemo ob eximiam amaritudinem hanc herbam attingat. Veteres Græci Comici ἀπίνθιον quoque conformi etymo, quasi impotabilem dixerunt, quod hanc nemo propter insignem amarorem bibere possit.

L. Fuchf. herb. c. 1.

LXVII.

Absinthij Etymon controversum.

Absinthium Græcis appellatum est, nomen suæ naturæ conveniens, quam appellationem Latini quoque retinuerunt, ac proprium, ab ἀψινθεω, quod est tangere & manibus pertractare (non verò per antiphrasin, ut Fuchsius, Dalechampius & nonnulli alii existimarunt) ac si primi illi nominum impositores, posteris dicere voluissent, nulla plantæ hujus amaritudine deterriti: tangite vos eam, est enim tangibilis; palpate quia est palpabilis; & bibite, nam est potabilis, & digna, pro multis suis viribus & gratia, & omnibus modis utamini.

Bapt. Codronch. de absinth. p. 263.

LXVIII.

Absinthij correctio.

Absinthium ingratum suum saporem deponit, si prius per ferventem aquam trahatur, radix ejus dulcis est & penè insipida, cum exigua quadam falsedine.

Camer. in horto.

LXIX.

LXIX.

Absinthij virium discrepantia, Senam corrigit.

Absinthium stipatam laxat alvum, laxamque restringit, frigidum jecur calefacit, & ex accidenti obstructions aperiendo calidum hepar refrigerat, unde Icterus tollit, febres arcet ac fugat, bilem domat ac expellit, tam calidis quam frigidis jecinoris languoribus suo modo dextrè exhibitum familiare. (a) Senæ, plus quam quodvis aliud, tetrum odorem reprimat, & una cum vino, purgantium, quam ventriculo afferre solent noxam, corrigit. (b)

a) *Minderer de vtr. c. 3. Unzer. de Merc. l. 1. c. 12.*

b) *Plat. de dolor. p. 140.*

LXX.

Succus Absinthij atra bilis hostis; infantes (mirum!) à morbis præservat cutaneis.

Absinthii succus ad fabæ magnitudinem devoratus, ne bilis atra gignat, impedimento est. (a) Res memorabilis, infantes, antequam 12. hebdomadas excedant, si interea temporis, eorum pedes & manus à balneo, succo absinthii inungantur, & fortiter infricentur, neque frigore, neque æstu, per totam vitam ladi nec molestari possunt. Cæterum si prædicto modo, totum eorum corpus semper à balneo perungatur, ac lavetur, neque scabie, leprâ, hispanico morbo, nec pediculis, aut similibus incommodis unquam infestari (nisi Deus eos velit punire) res certè admiratione & notatu digna. Insuper hic succus absinthii, cutem efficit nitidam, venustam, membra habilia & decora, nec finit membra intumescere deprimendo & arcendo tumores, ne emineant, neque ultra modum

eleventur, si sæpè eminens tumor oblinatur, impedit, quo minus membrum & tumor increseat; secretum dignum observatione, sanat & ulcera. (b)

a) Hearn. l. 3. M. c. 9. & 19. b) Guilb. Anton. Gusr-
sbam in app. ad memor. Mirald. p. 237.

LXXI.

Vini Absinthitis facultates & privilegia.

Vini absinthitis haustus bibitus, cum non solum pituitam, sed & bilem amaritudine suâ, uti aloë abster-
gat & deturbet, in bile affecto ventriculo, admodum
& subito juvat, & proin ab ebriis, qui crapulam ob-
dormiverunt, cum cardialgia vomitum prælagit, ma-
gnopere expetitur. (a) Stomacho enim utile est, (si
ex frigidityte laboret, vel crudis humoribus abun-
det) urinam cit; coctionem tardam accelerat; hepa-
ticiis, spleneticis, regio morbo & renum vitiis auxilia-
tur; fastidia discutit; valet contra inflationem ven-
triculi, & diuturnas præcordiorum distentiones; te-
retes ventris tineas interficit & expellit; remoratos
menses movet: contra hausta Ixiæ venena, quam plu-
rimum potum & vomitionibus redditum, auxiliatur,
Veneri resistit, ac carnis libidinem domat & reprimic.
Sed capiti nocet: nimium enim vaporum eò mittit,
quare somnolentos reddit. Phtisicis item, Epilepti-
cis, Arthriticis, Apoplecticis, & in febribus continuis
pravum remedium; & quibus pituita ventriculo in-
hæret, (astrictione enim sua pituitam ventriculo ma-
gis affigit.) Calefactum & exterius aspersum pani to-
sto, & applicatum ventriculo, corroborat & flatus di-
scutit, gargarisatum contra linguæ tumorem valet;
per

per fumum ex decoctione immissum auribus, surditatem atque dolorem aurium lenit. (b)

a) *Plat. de dol. p. 471. 472. 473. 491. de vit. p. 809. b) Scholtz. ep. 227. Diosc. de mat. med. l. 5. c. 4. l. Horstius de vite a th. 322. usque 340. Minder. in aloed. c. 11. l. Manard. l. 19. epist. 2. Capovac. l. 3. Pr. c. 2. Holler. l. 1. Pr. c. 32. Gal. l. 6. de tuend. sanit. c. 10.*

LXXII.

Salis absinthij vires & commoda.

Abinthii Sal magnam haud dubiè vim, ad inhibendam omnis generis putredinem & corruptionem habet. Credo ad scrupulum unum nos rectè ascendere posse, id maximum adjumentum simul admixtum habet, quod modica adstrictione, quæ tamen penetrationem non impedit, sed potius adjuvat, viscera, ventriculum imprimis roborat. (a) Gesnerus scriptum reliquit, Theophrastum tria salis absinthiaci grana cum vino ægris exhibuisse. Ego verò (b) interdum drachmam dimidiam cum aqua cardui benedicti, interdum cum extracto Angelicæ, vel syrupo berberum, non sine magna utilitate, in febris pestilentiali exhibui. Sed an Sal absinthii, fauces & palatum insipidum reddat, quæritur? habui enim ægros de eo conquerentes. Certum equidem est, lixivium ex quo Sal paratur, quemadmodum & alia vulgaria, manus ita afficere, ut sensum tactus ferè amittant, adeoque suspicari licet, sal ipsum ingrato lavore fauces oblinire, ut de saporibus exactum judicium ferre nequeant.

a) *P. Monav. in Epist. Scholtz. 225. 227. B. Codronch. l. de sal. absinth. b) l. Mathaus, de febr. pestil. p. 46.*

LXXIII.

Tabacum seu petum seipsum ferens.

Mirum est, quod minutissimum Tabaci semen spontè excidens, etiam sævissimâ hyeme integrè in terram illæsum latitet, & sequenti æstate, in multis locis horti, ad quæ forte vi ventorum fuit delatum, suâ spontè copiosè prodeat. Asservatur planta, in 3. vel 4. annum, at in fictilibus, neque in loco subterraneo nimis humido. (a) Seritur quoque omni tempore: cum verò prodiit, à frigore præservanda est, & secundum parietes plantanda ad eorum ornatum, siquidem toto anno viret, Citriorum more (b)

a) Camerar. in hort. b) Monard. de simpl. med. p. 21.

LXXIV.

Tabacum Narcoticum.

In Insulâ Hispaniolâ, ut & in aliis novi ejus orbis provinciis, arbuta quædam nascuntur, magnitudinis, arundinum fermè specie: folia ut nucis habent, aut paulò majora, quæ ab indigenis plurimi fiunt, & ab ipsis quoque mancipiis, quæ Hispani ex Africâ cò devexêre. Ubi maturum est, ea folia stringunt, & in fasciculos collecta ligataque in fumario suspendunt, donec inaruerint; quumq; illis uti volunt, spiræ patriæ folium unum ejus herbæ uni folio inectunt, eaq; simul fistulæ aut tubi instar compingunt, & ejus capitum altero igni admoto, alterum ori inserunt & spiritum flatumque ad se retrahunt; denique tantum fumi sorbent, ut ora, guttura & capita impleant, tantam intereâ patientiam præstantes, durantesque, quoad voluptatis, quam inde percipiunt, non pœnitet, seque immitti illo fumo ad eò inebriant, ut pe-

nitus

nitus sopito omni sensu è mentis potestate exeant. Reperiuntur etiam, qui adeò avidè atque furenter eum hauriunt, ut tanquam exanimes in terram concidant, ibique maximam diei partem, aut noctis, velut stupefactis sensibus & mente capti jaceant; nonnulli temperantiùs, & hæcenus tantum sorbent, quoad vertigine capitis corripiantur, neque ulterius progrediuntur.

Benzon. l. 1. c. 26. hist. nov. orb.

LXXV.

Occasio experiendi Tabaci adversus venena.

Contigit, ut quidam Cannibales in suis cymbis ad D. Joannem de portu divite navigarent, Indorum atque Hispanorum (si quos reperissent) telis suis venenatis conficiendorum causâ. Eò appellentes Indos & nonnullos Hispanos conficiunt, plerosque autem vulnerant: cum verò sublimato carerent, à quodam Indo edocti sunt, ut Tabaci succum expressum suis vulneribus imponerent, & ipsa deinde folia trita, sedati sunt illicò dolores, & ea symptomata, quæ hujusmodi venena subsequi solent, venenum superatum, vulnera deinde curata. Ex eo, foliis hujus plantæ adversus venena uti cœptum est. Rex ipse Catholicus, ejus vires experiri volens, cani vulnus infligi jussit in gutture, & toxico, quo venatores utuntur, illini, & paulò post foliorum Tabaci succum satis copiosè instillari, & ipsa folia trita supra vulnus ligari: liberatus est canis, non sine omnium admiratione.

Monard. l. 6. p. 24.

LXXVI.

Scabiosa apostematica & thoracica.

Scabiosa est herba admodum πλύνει & , cujus succus calidus impositus vulneribus, sagittas extrahit. Item ad carbunculos, bubones & parotides singularis est & efficax, unde etiam in Germania illi nomen impositum Apostemfraut. Extractum efficax admodum in pulmonum affectibus, ac præsertim peripneumoniciis, mihi commendavit Clariss. Vir, Caspar Hofmannus summus Archiater Illustriss. Principis, Electoris Brandenburgici. (a) Vomica pectore conceptas rumpit. (b) omnia interiora apostemata resolvit vel maturat. (c)

a) Camer. in hort. b) Heurn. l. 2. M. c. 8. c) Forest. obs. l. 18. obs. 32.

LXXVII.

Hedera terrestris hypnotica, & diuretica.

Hedera terrestris somnum provocat, in jussculo cocta, (a) exsiccat moderatè, repellit & quoquo modo educit humores pravorum. (b) In aqua vitæ infusa, eam efficacem reddit, ad pellendos calculos, estque singulare quorundam experimentum. (c)

a) Scholtz. ep. 160. b) Mercur. l. 1. de morb. cutan. c. 9. c) Plater. de dol. p. 564.

LXXVIII.

Aqua hedera terrestris, pleuriticum & Empyricum singulare.

Aqua hedera terrestris, si ad uncias quatuor à Pleuritico bibatur, idque in die, quater repetatur, à purulenta

lenta materia pectus repurgari, & ab Empyemate & Phitisi præmuniri tradunt.

Plat. d. d. p. 428.

LXXIX.

Succus hederæ ad ocanas & dysenteriam divinus.

Succus hederæ putredinem in narium ulceribus cohibet & emendat, unde ad narium tænia ab Hippocrate præscribitur. Succum propinatum plurimos à morte liberasse in dysenteria testatur Holle-rius.

Plat. de dol. p. 338. de vit. p. 905.

LXXX.

Lignum hederæ arborea, colli vitiis utilissimum.

Hederam arboream in colli vitiis emendandis tam efficacem censent, ut & cochlearia ex ligno hederæ facta, juvare vulgò credantur. (a) Dictam volunt quasi ederam, quod omnia consumat & edat, quibus adhæsit. (b)

a) *Plat. de dol. p. 391.* b) *Heidfeld. Sphing. Phil. c. 8.*

LXXXI.

Hedera capitis anodynou, gummi stomachi.

Hedera si ebriis imponatur, dolorem capitis mitigat, cum & ebrietatem impediat. Gummi hederæ à scrupulo uno, ad drachmam unam in liquore sum-tum, magnopere dolores ventriculi sedare, & arcere aliqui testantur.

Plat. de dol. p. 273. & 501.

LXXXII.

Aristolochia Etymon, ejusq; vires.

Dicta est Aristolochia, quod ἀρίστη τὰς λοχίας βοηθῆν, id est, optima puerperis sit, utpote quæ remoratos menses, hærentes secundinas & reliquias omnes à partu expellat. (a) Rotundæ veræ pulvis in ovo forbili exhibitus, plurimum valet in cardialgiâ & doloribus ventriculi acerrimis. Rotundæ vulg. Fuschii semen potum commendatur in herniis puerorum. (b) Quid Aristolochia ad morsus serpentum possit, quæ nomen ex inventione reperit, rem ipsam inventor ex somnio, video quod satis est; cur possit, nescio. (c)

a) Fusch. in plat. hist. c. 31. b) Camerar. in hort. c) Cic. l. 1. de divin.

LXXXIII.

Ficum facultas & vitæ insidia.

Ficus alvum laxant, celeriterque per eam dejiciuntur, insigniter incidunt & abstergent, magnam arenularum vim è calculosis renibus deturbant, valentissimum corpori alimentum præstant, licet id non usque adeò sit solidum: sed sublaxum & tenue. Sed non ignorandum est in his quoque non exiguas esse vitæ insidias.

Goglen. de prerog. vit p. 314. Heurn. l. 2. M. c. 2.

LXXXIV.

Dulcedinis in ficu causa, & usus pro matrice;

Tauri & Ficus anti-pathia.

Ut securabile in unum locum secretâ, sit dulcissimum, ita Ficus, dum in fructum suum, dulcedinem & pinguedinem omnem dimittit, ipse exersit fit dulcedinis. Histericis, utero admodum esse utilem fructum

LXXXV

etum

Etum noverat Hippocrates (a) quare ad omnes ejus affectiones usurpat exterius, five ulcus uterum erodat, five non. (b) A Ficu exit spiritus gravis & vehemētissimus, hinc fit, ut taurus, quantumvis immanis, ficui alligatus, cicuretur & iram prorsus deponat. (c)

a) *l. de morb. mul. b) Camer. in hort. c) Plutarch. simpos. l. 6. quæst. 10.*

LXXXV.

Ficum progenies pediculi, & pediculorum ex ficubus causa.

Caricæ largius sumtæ pituitosum & crassum sanguinem præbent, qui faciliè in putredinem abit, cum ægrè pervadat alyum, & hinc pediculi agminatim gignuntur. Propterea ait Galenus: Antiqui his Salem associabant in mensa. (a) Quid, ficus propriâ quâdam facultate, ad cutem excrementa protrudere posse ex eo colligunt, quod vulgò pediculos progignere credantur, quos ex sordibus in cute collectis, ab ejusmodi excrementis, vi ficuum eo propulsis provenire existimant, cum tamen sordes illæ, unde alioqui pediculi oriri solent, ab externis potiùs cuti adherentibus nascentur, & adhuc, an Ficus pediculos gignant, dubium sit, illique opinioni fortè id occasionem præbuerit, quod cum semina ficuum, & forma & copia, inprimisque dentibus contrita, ut pediculi pollice contusi, crepent, sicque pediculis nonnihil respondeant, etiam pediculos gigni posse, inde existimarint. (b)

a) *Heurn. de aff. cap. 8. 7. b) Plat. de vit. p. 33.*

LXXXVI.

LXXXVI.

Arbor sapientissima quæ.

Morus, novissima scilicet, quæ non nisi exacto frigore germinat, (κατ' ἀντιφρασιν dicta, quasi minime stulta) & tamen parit inter primas, producens baccas succi plenas. Et cum germinare incipit, in tantum universa germinatio prorumpit, ut una nocte peragat, etiam cum strepitu, ait Plinius, (a) ut tota floribus cooperiatur; quæ pridie vesperi nullos habebat, extraordinariæ Dei vocationis ad aliquod munus imaginem nobis representans. Item, qui tempus idoneum operiuntur rei conficiendæ, etiam si serius cœperint, tamen maturius conficiunt. (b)

a) L. 16. c. 25. b) Heidef. Sph. Phil. c. 8.

LXXXVII.

Fucus Fœminarum ex Moris, eorumque usus Medicus.

Moris maturis si malas pingas, & postea semimaturis rursus eas frices, aqua quæ abluas, remanebit vividus color aliquandiu, sicuti ipse observavi. (a) Mora immatura ad Solem pluribus diebus exiccata, & usu expetente trita & bibita, mirificè alvum adstringunt. (b)

a) Plat. de vit. p. 170. b) D. Lion. l. 4. f. 3. c. 4.

LXXXVIII.

Amygdala amara bibulorum præsidium, earumque Antipathia.

Amygdalæ amaræ bibulorum Ebrietatem arcant, sed cur non etiam Absinthium, centaurium, aloë &c. an quia occultum dissidium est & antipathia inter amygdalas amaras & vini liquorem? persuasum habet.

non

non enim amaritudo id præstat, quatenus amaritudo est, sed quatenus in amygdalis amaris est. (a) Mirum quod vulpes & porcos enecant amygdalæ amaræ, cum porci amaris ceraforum nucleis delectentur. (b) Da amaras amygdales vulpi, vel reliquias earum ab oleo expresso aviculis, moriuntur. (c)

a) Gogl. de pror. vit. c. 11. 14. b) Matthiam in spec. sanit. p. 52. c) Libav. l. 2. sing. p. 148.

LXXXIX.

Cidonia fatui & ventriculo grata.

Codonea mala (aureo melino colore speciosiora, ob id Chrysomela Græcis, Maroni aurea mala dicta præstantissimum odorem vibrantia, tenuibus incisuris crispata, tenuique lanugine pubescentia, circinata in orbem rotunditatis, quæ non solum visu voluptatem, sed odore salubritatem afferunt) si sæpius editaverit gravida, paritura edit infantem, cum industrium tum elegantem. (a) Conserva eorum & succus, non sunt simpliciter frigida, & juvant complexum cibi in ventriculo, non frigiditate, sed vi temperatâ adstrictoriâ, quâ sunt prædita. Itaque non tantum impediunt ascensum vaporum, qui remoratur (b) corrugationem ventriculi, & caput vaporibus replet, verum incitant quasi ventriculum, ut in sese contrahatur & totum cibum amplectatur, ita ut nulla ejus parte vacuâ, nullâ hiantē, unico calore perficiatur coctio. (c)

a) Mathiol. l. 1. c. 131. in Diosc. b) Ecl. 3. 8. c) Crato consil. 3. Porta l. 6. Phyt. c. 17. Henr. l. 2. c. 14.

XC.

Cariophyllorum olei utilitas.

Cariophyllorum oleum, vulnerum dolorem statim sedat, & absque inflammatione ad cicatricem perducit, sordida mundat ulcera, fluxiones & virus sistit, adeò quod nihil supra, Soleo quoque eo uti feliciter in quartana febris, in chronicà debilitate ventriculi (cruditatem enim tollit & flatu) (a) in diarrhæa & ejusmodi morbis, in quibus calefacere, adstringere & roborare convenit: ultra guttulas 2. vel 3. rarò exhibeo in vino. Non innarat, sicut reliqua olea solent, liquoribus modò concutiatur, sed fundum petis in modum lachrymæ balsami, ac subsidit. (b)

a) Heurn. l. 2. M. c. 9. b) Scholtz. epist. 97.

XCI.

Eolii generatio, & vires.

Triticum degenerat in lolium, & lolium in triticum mutatur, id accidit & imbrum frequentia, tempore verno, & simul cum Soles incanduerint. (a) Conspicitur in segetibus folio angusto, pingui, oleoso, hispido, semine in spicâ exili, flosculo purpurascente. (b) Noxium est omninò, non tantum, quod inebriet, sed firmissimum etiam quodvis cerebrum vertiginibus feriat, attonitos homines reddat, atque prosterнат. (c) Hoc mihi nuper conquestus est villicus noster, in fundo paterno, ad Auracum amnem. Ajebat enim, se ignarum hujus rei panem inde confecisse, seque unà cum suâ familia ad talem temulentiam & veluti amentiam, qualem in vita nunquam sensisset, ex ejus usu redactum fuisse, quæ tamen in somno, durante nihilominus aliquot dies gravedine capitis, rursus abi-

abisset. Monstrabatque mihi acervum hujus Zizania, quæ segregaverat, quæ tantum colore nigricante a reliquo frumento discerni poterat, ita ut facile aliquis, qui ejus effectus nesciret, decipi posset; jussi itaque eum, & panem & acervum remove, ne periculum majus oriretur. Hæc Zizania in Italia quoque frequens est, eamque Imbriacam, id est, herbam inebriantem appellant, & ex ea Aquam parant stillaticiam, ad quosdam usus agris necessarios. (d) Pessimi autem succi est (e) hujus enim causa multi in stuporem vel insaniam redacti sunt. (f) incrassat enim spiritum animale, debilitat nervos, nocetque virtuti motivæ. (g) Græci *ἀίγειν* nominant, Arabes Zizaniam & Sceylem. (h)

a) Bapt. de Pertal. 2. c. 9. Phytogn. b) Lemn. herb. Bibl. expl. c. 45. c) Quere. dist. polih. f. 2. c. 5. d) Camer. in her. suc. cent. 1. med. 93. e) Gogl. de pror. vit. c. 6. f) Plat. l. 1. de l. f. p. 107. g) Dom. Leon. f. 1. l. 3. c. 4. h) Dodon. histor. frum. c. 59.

XCII.

Historia, quibus forma plantarum, in cineribus & salibus residere manifestantur.

I. De Urticis renascentibus.

Vir honestissimus D. de Luynes, Formentieres Dominus, qui inter primos Parlamenti Parisiensis Consiliarios non ultimum locum occupaverat, dum apud me diversaretur, atque maneret, die quadam instituit remedium aliquod contra calculum, quo graviter laborabat, præparare. Hujus ergo rei gratia, sub finem Autumni, non paucas à terra urticas integras radicitus evulsit, ex evulsis lixivium cum aqua calida, vulgari

gari modo composuit, compositumque philterando, atque transcolando purificavit, ut ex illis tandem salem, secundum Artis præcepta, suamque pariter intentionem educeret, accommodatum. At verò, cum in vasculo quodam terreo, prædictum lixivium, tota nocte, ut frigeret, exposuisset, quo, die subsequente, exhalationem ad salem extrahendum moliretur, casu quodam contigit, hac ipsa nocte, aërem ita infrigidatum fuisse, ut totum lixivium gelu nimio concretum fuerit. Cum igitur summo mane, vas illud è fenestra amovere vellet, præter suam vidit opinionem, aquam lixivi congelatam, subindeque mille Urticarum figuras, in illa cum radicibus, foliis, & truncis adeò perfectè descriptas & adumbratas: ut qui melius illas ad unguem expressisset, figurassetque vix pictor ullus reperiretur. Cùm igitur hoc animadvertisset Vir Nobilis, tanquam miraculum suspiciens, ad me ocius advolat, hisque compellat verbis ad imitationem Archimedis: Inveni exclamat, veni, vide. Ubi accessi ad ejus Ergasterium, arripui glaciem, ejus fragmentum separavi satis grande, quod ita aptè à me dispositum, ne liqueceret calore manus, ad varios magni nominis viros & fide dignissimos, qui tunc eandem urbem nobiscum habitabant, & adhuc superstites ibi sedem & domicilium fixerunt, comportavi: qui singuli, ut glaciem conspexerunt, Urticas esse conclamarunt: nec minus, quàm ego rem, usque adeò incredibilem, ac eleganter portentosam admirati sunt, unusquisque cogitabundus meditabatur, quid rei istud esset, & unde ac quomodo tam elegans res in Natura nasci posset: memoria re-

pe-

petentes omnes, quod in S. Literis habetur: Memento Homo, quia Cinises, & in cinerem reverteris; cogitantesque sub cineribus ejusmodi rerum formas delitescere ac immorari, unde resurrectione nostri corporis certissimè sit expectanda.

XCIII.

II. De Rosis rediivivis.

Magni nominis vir Polonus, apud Cracovienses Medicus, usque adeò eleganter & philosophicè apparare nòrat Cinerem ex omnibus plantæ cujusvis partibus, idq; cum omnibus tincturis ac impressionibus omnium plantæ partium, earumque usque adeò scitè spiritus conservare, omnium facultatum auctores, ut plures, quam triginta, ejusmodi artificiosè ex cineribus paratas plantas, easque diversas haberet vasculis suis vitreis contentas, Hermetico sigillo obsignatis, quæ titulum plantæ ac proprietatis ejus inscriptum haberent: ita ut si quis rogaret, sibi Rosam, aut Calendulam demonstrari, tunc cinerem illius plantæ arripèret, cujus specimen esset editurus: ut si nempe Rosam tibi monstrari cuperes, vasculum Rosæ titulo insignitum exhiberet: ex cujus vasis fundo, Lucernæ igni admoto, aliquantum incallescens: tenuissimus ac impalpabilis ille cinis, ex se aperta Rosæ speciem emitteret, quam sensim crescere, vegetari ac formam penitus caulis, foliorum, tandemque geminæ floridæ rosæ umbram ac figuram exprimere & tandem explicatissimam Rosam producere, a pertis oculis intueri liceret: ut nihil certiùs, nihil elegantius, quam ex umbratili illâ Rosâ, apertissima Rosa enucleari, ac conspici posset, omnia usque quaque

M

suis

suis partibus absoluta, ut plane corpoream diceret; quæ spirituali tantum ideâ, reverà tamen spirituali essentiâ dotata, sese intuendam præberet: cui nihil aliud constaret, quàm congruæ terræ mandari, ut solidius corpus assumeret. Hæc autem umbratilis figura, vase ab igne remoto, rursus in suos cineres relabebatur, suumque chaos evanescendo sensim repe-
tebat.

Quercet. l. 2. de pest. c. 5. & c. 23. resp. ad Anom. Libav. sint agm. arcan. chym. l. 1. c. 22.

XCIV.

*Tria Chymicorum principia, in ligno viridi,
arido & combusto.*

Si lignum viride igni admoveatur flammam non concipit, donec humiditas aquea, aut secundum Chymicos, Mercurialis substantia exhalet; neque quisquam opinetur, nihil nisi Aquam, è ligno viridi, igni admoto exhalare. Nam mordicatio illa, quam oculis infert ille vapor, satis docet, aliud quid præter aquam resolutam, huic vaporì inesse. Postquam ista Aqua, & Mercurialis humiditas absumpta est maxima ex parte, oleaginosum illud & pingue inflammari & flammam liberio-rem, nec ita fumo permixtam, dare incipit. Restant tandem Cineres, in quibus sal residuus est, & aquâ affusâ, à terra faciliè separatur.

Sennertus de cons. & diss. Chym. cum Arist. c. 11.

XCV.

*Mirabilia circa vegetabilia Brumæ
tempore*

Memorabilia sunt & mirabilia, quæ brumali solsticio

tio

tio contingere dicuntur, circa Natalem Christi. Plurimis persuasum est, arborum succum, qui ante deorsum ad radicem decensum fecerat, circa illud tempus ex radice sursum ascendere. Cic. l. 2. de div. Probatum, inquit, à Stoicis est, semina malorum, quæ in iis mediis inclusa sunt brumali die in contrarias sese partes vertere. Cellius l. 9. c. 7. ait: vulgò & scriptum & creditum est, folia olearum, arborum, brumali & solstitiali die converti, & quæ pars eorum fuerat inferior, atque occultior, eam supra fieri & exponi ad oculos & ad solem. Quod nobis semel atque iterum experiri volentibus ita propemodum visum est. Sunt & alii qui hoc ipsum foliis populi albæ & salicis accidere asserunt.

Bartholin. de stellar. natur. part. 191.

XCVI.

Plantarum propagatio.

Plantæ quædam per semina solum terræ commissa propagantur, aliæ saltem per bulbos, aut radices, aliæ utroque modo; aliæ per surculos, sed tamen eos solum, qui jam ad flores dispositi sunt: in aliis humor ille seminalis per totam plantam diffusus est, ita ut quocunque ramo, seu radice avulsa & terræ commissa propagatio fieri possit, sicut id fit in salice, & ferè etiam in Vite. Imò fungi (qui traduntur in rimis suis semen suum gerere) si decoquantur, aut succus exprimatur, & succus vel decoctum stemmatibus arborum (quod potissimum in fagiis tentatur) affundatur, magno numero fungi inde nascuntur.

Sennert. de cons. Chym. cum. Arist. c. 12. Libav. l. 3 singular. 6. 16.

XCVII.

Ex re herbariâ Medicina primordia.

Quis igitur est, qui in unam humano generi utilissimam Medicinam ἐπιπλάσιος duntaxat oculos convertens, non fateatur, ejusdem principia non aliundè ferè derivari, quam ex hac PLANTARUM STIRPIUMQUE sapientissimâ cognitione, cum meridianâ luce clariùs sit, harum tantam, tamque variam esse virtutem, ut ad omnia morborum genera sint utiles & divinâ quâdam providentiâ genitæ? Qui itaque neq; delectationis, neque usus evidentissimo περυσίος convictus esse velit, illi procul dubio, ut cum Poëta (a) loquar:

— hæc ne possit natura accedere partes
frigidus obstiterit circumpræcordia sanguis.

a) Virgil. l. 2. Georg.

XCVIII.

Gaudium ex plantis & earum signaturis solidum.

Quis est, qui herbas unius Anni intervallo, & nascentes & intereuntes diligentius in magno illo Dei cognitionis libro, nimirum mundo contemplatus, non lateatur, cum videat eas tam variis formis, ac innumeris figuris esse distinctas: ut singulæ quasi literis, notis hyeroglyphicis insignitæ ἐν πᾶσι φυτοκοῖς διαμαρτυροῦν, ut inquit Aristoteles, reperiri, locupletissimum perhibeant testimonium?

l. Hartm. in pref. com. Scalig. in Arist. de plant.

XCIX.

XCIX.

Votum I. Lipsæ hortulanum.

O gaudii & liquidæ voluptatis verè fons! ô Venerum & Gratiarum sedes! mihi in vestris umbraculis quies & vita sit: mihi fas remoto extra civicos tumultus, inter has herbas, inter hos noti ignotique orbis flores, hilari & hiantè oculo oberrare: & modò ad hunc occidentem, modò ad illum exorientem manum vultumq; circumferre: & cum vaga quadam alucinatione curarum hîc omnium falli & laborum.

l. 2. de constant. c. 2.

C.

Contra eos, qui negant Plantarum vires.

Quapropter malè audiunt apud doctos, qui tales plantarum effectus & miracula rident, cum & rerum eventa prorsus famæ suffragentur. Non protinus historiis fidem derogare consentaneum est, si vel aucupium causæ, quo potiri nequeamus, nos fugiat. Si quidem innumera ferè sunt hominibus conspicua, quorum ratio non possit iniri. Multa in intimis Naturæ penetralibus delitescent, quæ nec Ratio ulla, nec humanus intellectus comprehendere potest. Vult namq; Natura hæc potiùs admirari homines, quam à quoquam unquam intelligi. (a) Concludam & conquerar cum Scaligero: (b) Sapientia vix tandem serò cœlitus demissa est, vel adhuc usque diem quanta latitavère? quot adhuc latent, quæ posteritas (si quæ futura) eruet adjuta?

a) *Matthiol. præs. tom. in Diosc.* b) *L. 5. de transf. ling. lat. 3. 110.*



CENTVRIÆ IV.

Particula I.

Artu curati morbi. Historia II.

Artu quæ fit Curatio, interdum non minus valet totâ Magiâ, est enim instar stratagematis in Medicinâ. Quidam animam se affirmabat, ob idque omnem cibum reformidabat, quod animas edere negaret, tandem à fideli Medico parata mensa, mediâ nocte à nudis farinâque oblitis hominibus cubili illata; summo silentio accubuerè, rogat ille, quid agerent: obmurmurans quidam respondit, esitare, mox ille, quæ gens? animæ. at animæ edones non sunt, respondit alter: Nostro, & non humano more edimus, hic exiliens lecto. Et ego anima, inquit, fruar unâ vestris epulis: assedit, comedit, à morbo evasit. Alter, cum existimaret, tam vastum se nasum gerere, ut nullæ portæ illi perviæ essent, huic dormienti sagax Medicus, longanonem bovis, sanguinis plenum, nexuit: cumque à somno deingente naso querela illi esset, rogat Medicus, num amputare liceret nasum: manibus porrectis hoc officium ab eo efflagitat: scindit Medicus longanonem, & forti pressione exprimit cruorem in oculos ægri, & longanonem abscit, hic falsa imagine excussa à morbo liberatus fuit.

Heurn. l. 3. M. M. c. 28. Lemn. l. 2. de compl. c. 6. M. Döring. l. 2. de Med. & Med. f. 2. c. 5. p. 323.

II.

Historia III.

Maximè ridicula est, ex omnibus, quas legi, de Senensi quodam Nobili, delirationis inaudita Historia, cui nullo modo persuaderi poterat, ut urinā redderet. Aiebat enim, si minxisset, totam urbem diluvio perituram; quem ad lotium excernendum eleganti commento Medici perduxerunt. Namq; injecto in vicinam domum igne, & pulsantibus campanis ad insanientem famulos ac domesticos dimiserunt, magno incendio urbem conflagrare nunciantes, enixeque rogantes, ut redditā urinā civitati semiconcremata opem ferret, flammis cuncta vastantibus (quod unicum auxilii genus superesse asserebant) lotii sui copiā extinctis. Commento hoc persuasus miser ille melancholicus, ne perderet civitatem omnem, reddidit ad restinguendum incendium, quicquid vesicā contentum servaret, sicque integram corporis valetudinem recuperavit.

A. Laurent. l. de melanch. c. 7. Döring. d. p. 326. Med. Mars. Donat. l. 2. de hist. med. mir. c. 1.

III.

Lethargicorum & vinosorum excitatio.

Excitatur Lethargicus, eo studio, cui se addixerat, clangore tubarum si miles, tinnitu auri & argenti avarus. (4) Sed longè lepidius, non sine tamen Medicā ratione, Opimum illum avarum Medicus fidelis è somno profundo revocavit, qui

*quondam lethargo grandi est oppressus: ut hares
jam circum losulos, & claves latius, evansq;*

*curreret: hunc medicus multum celer atq; fidelis
excitat hoc pacto: mensam poni iubet, atque
effundi saccos nummorum, accedere plures
ad numerandum, hominem sic erigit, addit & illud,
nisi tua custodis, avidus jam hoc auferet heres,
Mén' vivo? ut vivas igitur vigila, hoc age, quid vis?
deficient inopem vena te, nisi cibus, atque
ingens accedat stomacho futura ruenti. (b)*

Non dissimili technâ alter vinosus excitatus fuit,
cum audiisset vasa sua vinaria vehementius commo-
veri, atque inde vinum ebibi. (c)

a. c.) *Holler. l. i. prax. c. 8. in schol. b) Horat. l. 2. serm.
sat. 3.*

IV.

Tarantularum venenum Musica mulcetur.

Icti à Tarantulis, alii perpetuò canunt alii rident,
alii plorant, alii clamitant, &c. Sed mirum certè,
quam facilè hujuscè veneni vis Musicâ mulceatur.
Quandoquidem, (ut equidem attestari possum) audi-
tis lyricis instrumentis, per tibiarum sonum primo
statim occursum icti à tarantula à plangoribus cessant,
& in medium tripudiare & saltare incipiunt, tamque
diu rem persequuntur, ac si sani essent, ac nullo un-
quam tenerentur dolore. Quod si eveniat, ut tibi-
cines tantillum quiescant, non multo post tempore in
terram concidunt, & ad pristinos redeunt languores,
nisi tamdiu indeficiente sonitu saliant, atque tripu-
dient, donec venenum partim insensibiliter per cutis
meatus, partim per sudorem exeat & discutiatur.
Ob id igitur tibiae stipendio conducuntur, alter-

namque mutantur, ut absque ulla sonitus intermissione tam diu tripudiant demorſi, quousque penitus curati conquiescant.

Mathiol. com. l. 2. Diosc. c. 57.

V.

*Mirapodagra remedia.*1. *Pauperies post luxum.*

Lucas Kesslin, civis Landspergensis prædives, summo luxu, delitiis & otio affluens, Podagram sibi accersiverat: à quâ paululum liber, subinde eques animi gratiâ, peregrè proficiscens: duobus servis qui herum equum ascendentem, descendentemque sublevarent, aut euntem humeris suis fulcirent, stipatus: tandem ad extremam egestatem redactus est. Unde vini, aliorumque carentia, victuque acciso, & pro pauperis conditione frugali instituto: podagra, mutato hospitio, hominem deseruit. Qui etiamnum quinquagenarius, merces corbe doſsuariâ hinc inde altissimos montes scandendo, discurrendoque, dividendumque comportans: podagrâ tenui isthac fortunâ in totum proſtigatâ, victum sibi quæritabat.

Chr. Wirſung. l. 4. prax. germ. c. 8. quam historiam latinitate donavit L. Schenk. l. 5. obs. 129. Non absimilem ex Tabernemont. citat. L. Mathews, in spec. sanit. c. 4. f. 143.

VI.

2. *Carcer diuturnus.*

Singularissimum hâc ætate præsidium neminem fallens, nunc primum sese evexit, nunc exorta, atque excogitata Podagricos sanandi ratio, etiam cum ipsis articulorum callosis contractionibus, coelitus al-

XC.

Cariophyllorum olei utilitas.

Cariophyllorum oleum, vulnerum dolorem statim sedat, & absque inflammatione ad cicatricem perducit, sordida mundat ulcera, fluxiones & virus sistit, adeo quod nihil supra, Soleo quoque eo uti feliciter in quartana febris, in chronica debilitate ventriculi (cruditatem enim tollit & flatus) (a) in diarrhæa & ejusmodi morbis, in quibus calefacere, adstringere & roborare convenit: ultra guttulas 2. vel 3. raro exhibeo in vino. Non innatat, sicut reliqua olea solent, liquoribus modo concutiatur, sed fundum petit in modum lachrymæ balsami, ac subsidit. (b)

a) *Heurn. l. 2. M. c. 9.* b) *Scholez. epist. 97.*

XCI.

Eoli generatio, & vires.

Triticum degenerat in lolium, & lolium in triticum mutatur, id accidit & imbrium frequentia, tempore verno, & simul cum Soles incanduerint. (a) Conspicitur in segetibus folio angusto, pingui, oleoso, hispidio, semine in spicâ exili, flosculo purpurascete. (b) Noxium est omnino, non tantum, quod inebriet, sed firmissimum etiam quodvis cerebrum vertiginibus feriat, attonitos homines reddat, atque prosterнат. (c) Hoc mihi nuper conquestus est villicus noster, in fundo paterno, ad Auracum amnem. Ajebat enim, se ignarum hujus rei panem inde confecisse, seque unâ cum suâ familia ad talem temulentiam & veluti amentiam, qualem in vita nunquam sensisset, ex ejus usu redactum fuisse, quæ tamen in somno, durante nihilominus aliquot dies gravedine capitis rursus abi-

abisset. Monstrabatque mihi acervum hujus Zizaniae, quæ segregaverat, quæ tantum colore nigricante à reliquo frumento discerni poterat, ita ut facile aliquis, qui ejus effectus nesciret, decipi posset; jussi itaque eum, & panem & acervum remove, ne periculum majus oriretur. Hæc Zizania in Italia quoque frequens est, eamque Imbriacam, id est, herbam inebriantem appellant, & ex ea Aquam parant stillaticiam, ad quosdam usus agris necessarios. (d) Pessimi autem succi est (e) hujus enim causa multi in stuporem vel insaniam redacti sunt. (f) incrassat enim spiritum animale, debilitat nervos, nocetque virtuti motivæ. (g) Græci *αἰγαν* nominant, Arabes Zizaniam & Sceylem. (h)

a) Bapt. de Portal. 2. c. 9. Phytogn. b) Lemn. herb. Bibl. expl. c. 45. c) Quere. dist. polib. f. 2. c. 5. d) Camer. in her. suc. cent. 1. med. 93. e) Gogl. de pror. vit. c. 6. f) Plat. l. 1. de l. f. p. 107. g) Dom. Leon. f. 1. l. 3. c. 4. h) Dodon. histor. frum. c. 59.

XCII.

Historia, quibus forma plantarum, in cineribus & salibus residere manifestantur.

I. De Urticis renascentibus.

Vir honestissimus D. de Luynes, Formentieres Dominus, qui inter primos Parlamenti Parisiensis Consiliarios non ultimum locum occupaverat, dum apud me diversaretur, atque maneret, die quadam instituit remedium aliquod contra calculum, quo graviter laborabat, præparare. Hujus ergo rei gratia, sub finem Autumni, non paucas à terra urticas integras radicibus evulsit, ex evulsis lixivium cum aqua calida, vulgari

gari modo composuit, compositumque philtrando, atque transcolando purificavit, ut ex illis tandem salem, secundum Artis præcepta, suamque pariter intentionem educeret, accommodatum. At verò, cum in vasculo quodam terreo, prædictum lixivium, tota nocte, ut frigeret, exposuisset, quo, die subsequente, exhalationem ad salem extrahendum moliretur, casu quodam contigit, hac ipsa nocte, aërem ita infrigidatum fuisse, ut totum lixivium gelu nimio concretum fuerit. Cum igitur summo mane, vas illud è fenestra amovere vellet, præter suam vidit opinionem, aquam lixivi congelatam, subindeque mille Urticarum figuras, in illa cum radicibus, foliis, & truncis adeò perfectè descriptas & adumbratas: ut qui melius illas ad unguem expressisset, figurassetque vix pictor ullus reperirètur. Cùm igitur hoc animadvertisset Vir Nobilis, tanquam miraculum suspiciens, ad me ocius advolat, hisque compellat verbis ad imitationem Archimedis: Inveni exclamat, veni, vide. Ubi accessi ad ejus Ergasterium, arripui glaciem, ejus fragmentum separavi satis grande, quod ita aptè à me dispositum, ne liqueceret calore manus, ad varios magni nominis viros & fide dignissimos, qui tunc eandem urbem nobiscum habitabant, & adhuc superstites ibi sedem & domicilium fixerunt, comportavi: qui singuli, ut glaciem conspexerunt, Urticas esse conclamarunt: nec minus, quàm ego rem, usque adeò incredibilem, ac eleganter portentosam admirati sunt, unusquisque cogitabundus meditabatur, quid rei istud esset, & unde ac quomodo tam elegans res in Natura nasci posset: memoria re-

pe-

petentes omnes, quod in S. Literis habetur: Memento Homo, quia Cinis es, & in cinerem reverteris; cogitantesque sub cineribus ejusmodi rerum formas delitescere ac immorari, unde resurrectio nostri corporis certissimè sit expectanda.

XCIII.

II. De Rosæ rediivivis.

Magni nominis vir Polonus, apud Cracovienses Medicus, usque adeò eleganter & philosophicè apparare nòrat Cinerem ex omnibus plantæ cujusvis partibus, idq; cum omnibus tincturis ac impressionibus omnium plantæ partium, earumque usque adeò scitè spiritus conservare, omnium facultatum auctores, ut plures, quam triginta, ejusmodi artificiosè ex cineribus paratas plantas, easque diversas haberet vasculis suis vitreis contentas, Hermetico sigillo ob- signatis, quæ titulum plantæ ac proprietatis ejus inscriptum haberent: ita ut si quis rogaret, sibi Rosam, aut Calendulam demonstrari, tunc cinerem illius plantæ arriperet, cujus specimen esset editurus: ut si nempe Rosam tibi monstrari cuperes, vasculum Rosæ titulo insignitum exhiberet: ex cujus vasis fundo, lucernæ igni admoto, aliquantum incalescens; tenuissimus ac impalpabilis ille cinis, ex se aperta Rosæ speciem emitteret, quam sensim crescere, vegetari ac formam penitus caulis, foliorum, tandemque geminæ floridæ rosæ umbram ac figuram exprimere & tandem explicatissimam Rosam producere, apertis oculis intueri liceret: ut nihil certiùs, nihil elegantius, quam ex umbratili illâ Rosâ, apertissima Rosa eaucleari, ac conspici posset, omnibus usque quaque

M

fuis

fuis partibus absoluta, ut plane corpoream diceret; quæ spirituali tantum ideâ, reverà tamen spirituali essentiâ dotata, sese intuendam præberet: cui nihil aliud constaret, quàm congruæ terræ mandari, ut solidius corpus assumeret. Hæc autem umbratilis figura, vase ab igne remoto, rursus in suos cineres relabebatur, suumque chaos evanescendo sensim repe-
rebat.

Quercet. l. 2. de pest. c. 5. & c. 23. resp. ad Anom. Libav. sintagm. arcan. chym. l. 1. c. 22.

XCIV.

*Tria Chymicorum principia, in ligno viridi,
arido & combusto.*

Si lignum viride igni admoveatur flammam non concipit, donec humiditas aquea, aut secundum Chymicos, Mercurialis substantia exhalet; neque quisquam opinetur, nihil nisi Aquam, è ligno viridi, igni admoto exhalare. Nam mordicatio illa, quam oculis infert ille vapor, satis docet, aliud quid præter aquam resolutam, huic vaporì inesse. Postquam ista Aqua, & Mercurialis humiditas absumta est maxima ex parte, oleaginosum illud & pingue inflammari & flammam liberio-rem, nec ita fumo permistam, dare incipit. Restant tandem Cineres, in quibus sal residuus est, & aquâ affusâ, à terra faciliè separatur.

Sennertus de cons. & diss. Chym. cum Arist. s. 11.

XCV.

*Mirabilia circa vegetabilia Brumæ
tempore*

Memorabilia sunt & mirabilia, quæ brumali solsticio

tio

tio contingere dicuntur, circa Natalem Christi. Plurimis persuasum est, arborum succum, qui ante deorsum ad radicem decensum fecerat, circa illud tempus ex radice sursum ascendere. Cic. l. 2. de div. Probatum, inquit, à Stoicis est, semina malorum, quæ in iis mediis inclusa sunt brumali die in contrarias sese partes vertere. Cellius l. 9. c. 7. ait: vulgò & scriptum & creditum est, folia olearum, arborum, brumali & solstitiali die converti, & quæ pars eorum fuerat interior, atque occultior, eam supra fieri & exponi ad oculos & ad solem. Quod nobis semel atque iterum experiri volentibus ita propemodum visum est. Sunt & alii qui hoc ipsum foliis populi albæ & salicis accidere asserunt.

Bartholin. de stellar. natur. part. 191.

XCVI.

Plantarum propagatio.

Plantæ quædam per semina solum terræ commissa propagantur, aliæ saltem per bulbos, aut radices, aliæ utroque modo; aliæ per surculos, sed tamen eos solum, qui jam ad flores dispositi sunt: in aliis humor ille seminalis per totam plantam diffusus est, ita ut quocunque ramo, seu radice avulsa & terræ commissa propagatio fieri possit, sicut id fit in salice, & ferè etiam in Vite. Imò fungi (qui traduntur in rimis suis semen suum gerere) si decoquantur, aut succus exprimatur, & succus vel decoctum stemmatibus arborum (quod potissimum in fagiis tentatur) affundatur, magno numero fungi inde nascuntur.

M a

Sen-

Sennert. de cons. Chym. cum. Arist. c. 12. Libav. l. 3 singul. c. 16.

XCVII.

Ex re herbariâ Medicina primordia.

Quis igitur est, qui in unam humanogeni utilissimam Medicinam ἐπιπλαίως duntaxat oculos convertens, non fateatur, ejusdem principia non aliundè ferè derivari, quam ex hac PLANTARUM STIRPIUMQUE sapientissimâ cognitione, cum meridianâ luce clariùs sit, harum tantam, tamque variam esse virtutem, ut ad omnia morborum genera sint utiles & divinâ quâdam providentiâ genitæ? Qui itaque neq; delectationis, neque usus evidentissimo πεμνησίῳ convictus esse velit, illi procul dubio, ut cum Poëta (a) loquar:

— has ne possit natura accedere partes
frigidus obstiterit circumpræcordia sanguis.

a) Virgil. l. 2. Georg.

XCVIII.

Gaudium ex plantis & earum signaturis solidum.

Quis est, qui herbas unius Anni intervallo, & nascentes & intereuntes diligentius in magno illo Dei cognitionis libro, nimirum mundo contemplatus, non lætetur, cum videat eas tam variis formis, ac innumeris figuris esse distinctas: ut singulæ quasi literis, notis hieroglyphicis insignitæ ἐν πᾶσι φυτοῖς & χυμασόντι, ut inquit Aristoteles, reperiri, locupletissimum perhibeant testimonium?

l. Hærem. in præf. com. Scalig. in Arist. de plant.

XCIX.

XCIX.

Votum I. Lipsæ hortulanum.

O gaudii & liquidæ voluptatis verè fons! ô Venerum & Gratiarum sedes! mihi in vestris umbraculis quies & vita sit: mihi fas remoto extra civicos tumultus, inter has herbas, inter hos noti ignotique orbis flores, hilari & hianti oculo oberrare: & modò ad hunc occidentem, modò ad illum exorientem manum vultumq; circumferre: & cum vaga quadam al-lucinatione curarum hîc omnium falli & laborum.

l. 2. de constant. c. 2.

C.

Contra eos, qui negant Plantarum vires.

Quapropter malè audiunt apud doctos, qui tales plantarum effectus & miracula rident, cum & rerum eventa prorsus famæ suffragentur. Non protinus historiis fidem derogare consentaneum est, si vel aucupium causæ, quo potiri nequeamus, nos fugiat. Si quidem innumera ferè sunt hominibus conspicua, quorum ratio non possit iniri. Multa in intimis Naturæ penetralibus delitescunt, quæ nec Ratio ulla, nec humanus intellectus comprehendere potest. Vult namq; Natura hæc potiùs admirari homines, quam à quoquam unquam intelligi. (a) Concludam & conquerar cum Scaligero: (b) Sapientia vix tandem serò cœlitus demissa est, vel ad hunc usque diem quanta laticavère? quot adhuc latent, quæ posteritas (si quæ futura) eruet adjuta?

a) *Matthiol. prof. com. in Diosc.* b) *l. 5. de transf. ling. lat. 8. 110.*



CENTVRIÆ IV.

Particula I.

Artu curati morbi. Historia II.

Artu quæ fit Curatio, interdum non minus valet totâ Magiâ, est enim instar stratagematis in Medicinâ. Quidam animam se affirmabat, ob idque omnem cibum reformidabat, quod animas edere negaret, tandem à fideli Medico parata mensa, mediâ nocte à nudis farinâque oblitis hominibus cubili illata; summo silentio accubuerè, rogat ille, quid agerent: obmurmurans quidam respondit, esitare, mox ille, quæ gens? animæ. at animæ edones non sunt, respondit alter: Nostro, & non humano more edimus, hic exiliens lecto. Et ego anima, inquit, fruar unâ vestris epulis: assedit, comedit, à morbo evasit. Alter, cum existimaret, tam vastum se nasum gerere, ut nullæ portæ illi perviæ essent, huic dormienti sagax Medicus, longanonem bovis, sanguinis plenum, nexuit: cumque à somno de ingente naso querela illi esset, rogat Medicus, num amputare liceret nasum: manibus porrectis hoc officium ab eo efflagitat: scindit Medicus longanonem, & forti pressione exprimit cruorem in oculos ægri, & longanonem abjicit, hic falsa imagine excussa à morbo liberatus fuit.

Heurn. l. 3. M. M. c. 28. Lemn. l. 2. de compl. c. 6. M. Döring. l. 2. de Med. & Med. f. 2. c. 5. p. 323.

II.

Historia III.

Maximè ridicula est, ex omni-
bus, quas legi, de Se-
nensi quodam Nobili, delirationis inaudita: Histo-
ria, cui nullo modo persuaderi poterat, ut urinā red-
deret. Aiebat enim, si minxisset, totam urbem diluvio
perituram; quem ad lotium excernendum eleganti
comento Medici perduxerunt. Namq; injecto in vici-
nam domum igne, & pulsantibus campanis ad insa-
nientem famulos ac domesticos dimiserunt, magno
incendio urbem conflagrare nunciantes, enixeque
rogantes, ut redditā urinā civitati semiconcremata
opem ferret, flammis cuncta vastantibus (quod uni-
cum auxilii genus superesse asserebant) lotii sui copiā
extinctis. Comento hoc persuasus miser ille me-
lancholicus, ne perderet civitatem omnem, reddidit
ad restinguendum incendium, quicquid vesicā con-
tentum servaret, sicque integram corporis valetudi-
nem recuperavit.

*A. Laurent. l. de melanch. c. 7. Döring. d. p. 326. Med.
Mars. Donat. l. 2. de byst. med. vir. c. 1.*

III.

Lethargicorum & vinosorum excitatio.

Excitatur Lethargicus, eo studio, cui se addixerat,
clangore tubarum si miles, tinnitu auri & argenti a-
varus. (a) Sed longè lepidius, non sine tamen Medicā
ratione, Opimum illum avarum Medicus fidelis è so-
mno profundo revocavit, qui

*quondam lethargo grandi est oppressus: ut hares
jam circum loculos, & claves latens, evansq;*

natimque mutantur, ut absque ulla sonitus intermissione tam diutripudient demorſi, quousque penitus curati conqueſcant.

Mathiol.com. l. 2. Dioſc. c. 57.

V.

*Mirapodagra remedia.*1. *Pauperies poſt luxum.*

Lucas Keſſlin, civis Landſpergenſis prædives, ſummoluxu, deliciis & otio affluens, Podagram ſibi accerſiverat: à quâ paululum liber, ſubinde eques animi gratiâ, peregrè proficiſcens: duobus ſervis qui herum equum aſcendentem, deſcendentemque ſublevarent, aut euntem humeris ſuis fulcirent, ſtipatus: tandem ad extremam egeſtatem reductus eſt. Unde vini, aliorumque carentia, victuque acciſo, & pro pauperis conditione frugali inſtituto: podagra, mutato hoſpicio, hominem deſeruit. Qui etiamnum quinquagenarius, merces corbe doſſuariâ hinc inde altiſſimos montes ſcandendo, diſcurrendoque, divendiumque comportans: podagrâ tenui iſthac fortunâ in totum proſtigatâ, victum ſibi quaeritabat.

Chr. Wiſſung. l. 4. prax. germ. c. 3. quam hiftoriam latinitate donavit l. Schenk. l. 5. obſ. 129. Non abſimilem ex Tabernemont. citat. l. Mathew, in ſpec. ſanit. c. 4. f. 143.

VI.

2. *Carcer diuturnus.*

Singulariſſimum hâc ætate præſidium neminem fallens, nunc primum ſeſe evexit, nunc exorta, atque excogitata Podagricos ſanandi ratio, etiam cum iſſis articularum callis contractionibus, coelitis al-

M s

tise

tive de montibus elapsa. Quandoquidem Magnificus Franciscus Pechius, nuper ex catarrho, à nobis sanitati restitutus, hujus medelæ exemplum, hujus salutis, divinique auxilii è cœlo delapsi certitudinem præstabit: hic enim ubi mulam conscendisset, Illustrissimi nostri Ducis commissa expediens, Anno 50. podagricus, diuturnis hujusce morbi cruciatibus oppressus, clam à Marchione quodam in ergastulum conjectus, uxore, unico filio, omnibusque aliis, vita defunctum arbitrantibus, anno jam transacto 20. hoc 1556. anno, à Gallis in eam arcem irruentibus, incolumis adhuc inventus est, miroque Vercellensium spectaculo, tanquam Lazarus è monumento, divino equidem munere servatus, nulla articulari læsione, ense accinctus, nullo innixus baculo, per urbem incedit: omnemque ex tenui victu, à carceris custodibus indicto, podagræ noxam effugit, uxore, filioque mortuis prædia, ædes, omneque divenditum, opimum certè patrimonium, jure ipso revocare incepit, ea verò disticho, per jocum, complexi sumus:

*Zumaliâ oclusus, bis denis Perennis annis,
ter quoque, bis vivus, vivere posse patat.*

Franc. Alexand. in Medic. Phæb. p. 159. ex hoc Crato Consil. 240. 709. Miras quoque sanata Podagra hystorias vide apud Pansam, quæst. 5. consil. antipedr. special. p. 310. & seq.

VII.

Podagra, cur ditiorum affectus.

Quia divitiæ pariunt voluptatem, hæc dolorem podagricum. 2. Rerum copia varietatem ferculorum optimorum ministrat, quorum cum plus assu-

ma-

matur, quàm concoqui possit, hinc cruditates & humorum superfluitas in corpore exoriuntur, quæ deinde deturbantur ad extremas partes, utpote debiliores. 3. Exercitium laboriosum deest illis, hinc omnes concoctiones scatent superfluitatibus, nec fit conveniens excretio. 4. Abhorrent à medicamentis plerumque, præsertim amaris & salutaribus. 5. Fluxione factâ foveant morbum, eadem intemperantiâ cibi, potus, &c. mollioris lecti, quo fluxio magis irritatur. Unde Arthritis non injuriâ est Dea *μυωπιω-χου*, id est, odio habens pauperes, quæ sit Bacchi & Veneris *θυγάτηρ*, seu Filia.

M. Majer. in civit. corp. hum. c. 3. & 11.

VIII.

Infantium involucrium quid præstet.

Sunt qui membranam involutam capiti recens nati, maximam vim habere contra colicum dolorem affirmant, propterea si quando id accidit (nam non omnibus accidit) obstetrices servant, & experimento constare asseverant. Physicâ quâdam ratione mirum in modum profunt, si suo modo & tempore præparentur. (a) Aniculæ infantibus bona, ex colore rubicundo, vel mala, ex nigricante præsagire solent. Hinc sanè crediderim Gallicum proverbium natum fuisse, Il est nay coiffé, natus est vittatus, vel pileatus, de eo, cui ultrò suppetunt bona, partumque est amplum à parentibus patrimonium. (b) Obstetrices dein credulis Advocatis vendunt, siquidem Causidici se illâ adjuvari persuasum habent. (c)

a) *Holler. l. 1, c. 41. in schol. Knobl. diss. anat. 8. de Invol.*

vol. b) *Mirald. cent. 1. mem. apb. 18. c) Lomn. l. 2. de occ. nat. mir. c. 8.*

IX.

Generatio piscium mirabilis ex solo imbri.

Videre licet locum convallibus undique septum, quem fons nullus irrigat, nullus alluit lacus, denique nil nisi cœlestem imbrem admittit, & cum eum imbres replent, illicò variis piscium generibus repletur.

l. Bapt. Porta. phys. l. 2. c. 2.

X.

Brassica soboles, Erucæ, papiliones, vermes, Chrysalides, Muscæ.

Erucæ ex virentibus foliis, maximèque ex Brassica fiunt, ex Erucis papiliones. (a) Ipse, (b) cum ante annos jam plures hujus rei periculum facerem, & tempore hyberno, cum aliæ herbæ virentes ad manum non essent, brassicam rubram contusam in hypocau-
sto, donec in ea vermes generarentur asservarem: vermes illos in chrysalides mutari comperi, quos cum in arculâ custodirem, eamque postea aperirem, multæ parvæ muscæ evolabant, quæ ex chrysalibus, seu aureliis natæ erant, & ex putamine abrupto proruperant.

a) *Aristot. l. 5. c. 19. de hist. animal. Liban. l. 1. bomb. c. 21. b) Sennert. de cons. chym. cum Arist. c. 12. p. 338.*

XI.

Ex spuma canis rabidi, Catelli.

A viro fide digno accepi, è spumâ canis rabidi in veste vel linteo hærente, animalcula quædam parvis catellis simillima progenita fuisse. Nimirum illud seminale principium rerum minus nobilium, & extremis

tremis injuriis ac impressionibus resistere, tandemque iterum emergere, & suas actiones edere potest. Quod vel illud docet, quod multarum rerum essentia in multis mutationibus integra, & sub alterius formæ dominio delitescere potest.

Sennert. l. 6. & l. 2. instit. part. 3. sect. 2. c. 4.

XII.

Ejus rei documenta ab Experimentis, Lactis caprilli, segetum, & spermatis ranarum ac piscium.

Exempli loco sit nobis istud. Alatur capra herbis quibusdam purgantibus; lac capræ illius bibit nutritrix, fiet, ut infans, qui hoc sugit à nutrice inde purgetur. Ubi primum in ventriculo Capræ herbæ illæ mutantur in chylum: ex chylo fit sanguis in hepate, ex sanguine in mammis lac. Lac hoc, ubi nutritrix bibit, rursus fit ex lacte in ventriculo nutritricis chylus, ex chylo sanguis: ex sanguine lac, lac hoc sugit infans & purgatur. Atq; ita vis purgatrix cum suo proprio subiecto & spiritu, in tot mutationibus integra & incorrupta manet. Aut cui hoc non sufficit, cogitet saltem illud, quod cum Anima, seu λόγος & ψυχὴς tempore hyberno in tantillo semine in terra gelu concreta conservari potest: cogitet etiam quomodo sperma ranarum & piscium in ipsis aquis salvum conservari possit.

Sennertus de cons. chym. cum Arist. c. 12.

XIII.

Spermatis ranarum in Medicina usus.

Sperma aut semen ranarum colligitur Mense Martio. Destillatur autem per alembicum vitreum. Elicitur

cituraqua, uredini & inflammationi opportunissima (a) ad reprimendum & sistendum sanguinis omne profluvium, & faciei ruborem, (b) optima quoque in podagricis doloribus calidis. (c) Paonium linteum crassum, ter quaterve saturâ ranarum probè madefactum, rursusque siccatum, si vulnèri imponatur, sanguinem certò cohibere docent: sicque eo tempore, cum satura ranarum invenitur, præparatum, ad hunc usum servant. (d)

a) *Quercet. in Scelopet. p. 197.* b) *Id. de medic. Spagir. ex ansm. c. 6.* c) *Heurn. l. 2. M. c. 15.* d) *Plater. de vis. 45.*

XIV.

Vespertilio animal bipes, & quadrupes.

Vespertilio bipes est, atque in terram delatus, rursus tollitur in volatum, sicut hirundo: quin etiam graditur, sed ita, ut aliorum duorum pedum utatur officio. Hi, dùm volat, nulli sunt: ubi collegit alas, confirmantur; alarum enim oras ita habet sinuatas, ut arcuum coronides inter se committantur, quem in locum, inter duas membranas cartilagineus torulus ab origine alarum, ad oram usque extremam perductus quasi procreat ex sese ungulam aduncam. Cujus ope passis alis, hæret parietibus, ut muscas nocturnas & araneas venetur. Harum itaque conventu atque cohzsione ungularum pes fit: alarum contractione quasi crus. Ita quadrupes reptat potiùs, quàm incedit. Eâ de causâ murem pennatum, & murem volantem, Gallia vocat & Taurini. Mirum animal, bipes, quadrupes, ambulans non pedibus, volans non pennis, videns sine luce, cæcus in luce, extra lucem luce uti-

utitur, in luce luce caret, avis cum dentibus, sine rostro, cum mammis, cum lacte, pullos etiam inter volandum gerit. (a) Vespertilionis caput, intra lateres recti positum, à somno excitare proprietate creditur. (b) vel in panno nigro ad dextrum brachium ligatum, non concedit somnum, quousque portatur. (c)

a) Scalig. comment. in Arist. hist. de anim. l. 1. c. 2. part. 12. c. 6 part. 41. b) Plat. de las. f. p. 60. c) D. Leon. l. 2. f. 1. c. 3.

XV.

Bufonis vis in reprimendâ Hamorragiâ.

Annotat doctissimus Gelsnerus, Fredericum Saxonix Ducem, nostris temporibus, bufonem veru ligneo transfixum, & in umbrâ diligenter arefactum, involutum syndone, manu tenendum dedisse ex hamorragiâ laborantibus, donec intra manus calefceret: ita sanguinem mox repressum. (a) Experimento comprobatum est, quod cinis ranæ terrestris venenatæ (Bufo dicitur) per se, vel cum alio conveniente appositus, hamorroidum tollit dolores, sanguinem sistit, easque siccet. (b)

a) Heurn. de morb. nar. c. 9. b) Leon. l. 4. pr. f. 3. c. 10.

XVI.

Toconia Grandinum.

Grando (Ginne Germanis, Galli Mesellos vocant, porcorum Lepra, quam forsan ob causam Judæis, esus istius carnis, fuit per legem interdictus) vitium oris est, quod porcis humum afflictis, paxilloque dentibus ipsorum interfecto, linguâ modo depressâ, modò eversa, aliàs omninò etiam extra ἐκ τοῦ στόματος exserta, potest ac solet ab ἰατροῦ ἐκplorari. Aristoteli ima

quo-

quoque crura obsidet. At enim non hisce duntaxat sedibus corporis grandines stabulantur stabiliunturque, sed in corpore παντοχῶς, passim veluti palantes, in ambitu universi, tum quoque in intestinis, carnibus propemodū, ut margaritæ in carnibus ostreorū. Præcipuè autem ibi grandines emergere ubertim videas, ubi corium depile, neque satis densè obsitum est, & assiduo insuper contrectatu, attrituque quasi tenere-scit, sudoribusque diffluit: omnium creberrimè sub alis, & secus inguina, ubi emunctoria corpori statuuntur, quorsum Natura, quicquid oneri sibi est, κατ' ἄνω relegare, ac velut expuere assuescit.

XVII.

Grandinum materia.

Succus unde grando primū suppullulat, ὁμοιομε-
γέτης & ad alendum idoneus est: cumque in nutri-
mentum specus ille amplius non facessat, grandentes
sues ferè emaciari contingit, aut saltem ali multò
quàm antehac deterius. Et est cur credam, consimi-
lem hîc in sanguine ebullitionem fieri, qualis solet
in exanthematibus, tametsi non pestilentem, aut in-
terim tamen contagiosam: quo nomine labe pro-
serpendo, cæteris contubernalibus suis affluit,
nî à mundo pecore, infectos, sicut homines ocius le-
proso, ab aliorum consortio secreveris, atque se-
questraris.

XVIII.

Grandinum spherica figura.

Figuram quod attinet, rotundo ichemate grandi-
num granula visuntur, alteri illi, quæ mista imbrî
largi fluo, ex ære præcipitans, ruere solet, non dis-
simi-

simili, propemodum unionum æmulo, aut ea representante exanthemata, quæ græcis *κρυγάνη* appellata sunt, præterea, suo unumquodque granum, ac proprio utriculo, veluti steatomata concluditur, atque circumscribitur, quibus si quis grandinem annumerare volet, meo arbitrato licebit. In utriculo, sive folliculo, alba materia inest puri conformis, quâ inter assandum ab igni assudascende crepitare inficcia, atque crepere solent, pellicula, quâ grando continebatur hiscente, intestinumque disrumpente.

XIX.

Quod Lepra & lues venerea hominibus, id grando suibus.

Hâc labe, quotquot sues infecti sunt, empturientes deterrent, aut si quem venditor forte nactus licitorem fuerit, is plerumque minimum precii apponit, eò quod merx fallax, neque sincera sit. Quod enim homini Lepra, ac morbus gallicus præstat, id huic animanti grando ac strumosa collectio. Sunt enim morbi affines, cognati ac familiares, nominetantum discreti, re effectûque pares.

XX.

Lex de mactandis Porcis.

Quocirca ne quid incommodi ex hujus animantis esu consequantur homines, salubri Senatus consulto cautum est apud nostrates, (LEX NII verba sunt) ne qua scrofa, aut porcus mactetur, nisi exertâ inspectaque linguâ exploratum sit, an ab eo vitio liber sit & immunis; nam si verrucosæ se in linguâ ac faucibus proferunt pustulæ, ac venæ liveſcunt, nigroque colore perfusæ sunt, indicium est, viscera etiam pravâ

constitutione teneri, itaque aut non mactandos iudicant, aut si imprudenter mactatos esse contingat, defodiendos. Quod si nil tale appareat, pronunciant qui huic censuræ destinati sunt, salubrem esse porcum, atq; esui idoneum.

XXI.

Plausus ex sue mundâ lanionis.

Quapropter in Franconiâ, dum lanarius peruas ustulati jam porci excidit, & factâ exploratione approbat, emtori gratulans, sibi que ipse gaudens exclamat: Vinum affertor, Sus enim mundus est, & grandine vacat.

Sal Alb. in app. orat. de surd. & mut. Lemn. l. de occ. nat. mir. c. 7. Math. spec. sanit. c. 2. Plat. l. 1. de vit. c. 3. & 4. Mizald. memor. censur. 7. aph. 59. Aët. cap. de Elephant.

XXII.

Porcini Epatis & Cerebri usus in Medicina.

Porcellorum Epas, conceptum proprietate juvare scribunt. (a) Suis cerebrum profectò suo madore, bilis ferociam frenare potest. (b)

a) *Plat. de las. f. p. 647.* b) *Heurn. l. 2. M. c. 18.*

XXIII.

Galli cantus unde.

Gallus Gallinaceus canorum & solare animal, interdum frequenter secundum appetitum canit, noctu per certa intervalla, vim Solis revertentis percipientibus spiritibus. (a) Excitatur ad canendum penè avium sola, & sanè rara ad hoc. (b) Lucretius de co: (c)

Quin

Quin etiam Gallis nobis expandentibus alio,
 auctoram elarâ consuevit voce vocare. (d)

a) Zuvving. Phys. l. 2. c. 23. b) Scalig. com. in Ar. st. de hist.
 anim. p. 25. Porta phytogn. l. 7. c. 8.

XXIV.

Cor Gallinæ fœtum abigit.

In illustri quâdam fœminâ (cum è difficili labore
 partus laboraret, omniaque ad partum facilitandum
 frustra adhiberentur) bona fide affirmo, cor gallinæ
 nigra exemtum, sericoque filo transfixum, ac sinistra
 coxâ aligatum, adhuc palpitans, parturientem, mi-
 rificè & illicò juvisse. Dic optimè lector, quanam
 hujus effectus causa? in rerum natura nihil certè re-
 peries, nisi sympatheticum illud vinculum, inter cor
 gallinæ & ipsam parturientem, vel potius partum
 inclusum, jamque levandum, ut ita in corde gallinæ
 sit natura quædam magnetica, partum ob similitudi-
 nem alliciens. Nec est, quod quisquam delusus
 id objiciat, licet gallinæ cor appensum non fuisset,
 effectum nihilominus & quidem vi naturæ fuisse se-
 cutum; ei enim hoc reddo responsum, dolores partu-
 rientem ita exanimasse, ut nihil præter gemitus &
 ejulationes, audiretur.

Goglen. in synarth. magnet. p. 111. de pror. vit. c. 13. Presst.
 l. 28. de morb. mul. in schol. observ. 73.

XXV.

*Galli & Gallinæ podagricis aduersi, eorum-
 demq; decocti vires.*

Gallinæ domi inclusæ & saginatæ excrementitio
 humore creduntur refertæ, præsertim annosiores; &

videmus Gallos & Capones, tandem contrahi & nodosa quoque podagrâ laborare. Quare & tale alimentum suggerere corpori creduntur, & nervos specifica viladunt, debilitant & contrahunt. (a) Cutis ea squamosa & dura in pedibus Gallinarum, si ad ignem parum torreat, separatur, calida sæpè affricata & superposita verrucis, eas delere creditur. (b) Galli veteris decocti in aqua cum brassicâ, jus bibitum, alvum movet in colicis. (c) Gallinæ jusculum omnes succos corporis temperat. (d) Cerebrum in potu datum, cum sanguis è cerebro erumpit, docet Dioscorides. (e) Mira ei enim inest proprietas confortandi substantiam cerebri humani. (f) Gallivel Gallinæ stercoris decoctum ad venenum pellendum magni quidam faciunt. (g)

a) *Crato Censil.* 46. b) *Plat. de vit* p. 397. c) *Idem de dol.* p. 612. d) *Heurn.* l. 2. *M. c.* 20. e) *l. 2. c.* 41. f) *Avic.* l. 2, cap. de cerebr. *Dom Leon.* l. 1. f. 1. c. 21. g) *Plater. de vitis* p. 909.

XXVI.

Pulli gallinacei vis in sistendo sanguine memorabilis.

In utraq; manu latronis cujusdam amputata, sanguinem subito substitisse vidimus, quod hoc modo factum; Carnificis uxor, gallinaceo pullo juxta podicem, eo in loco, ubi Galli castrari solent, amplo foramine, sectione aperto, brachium juxta carpum absectum, hiatus ampliato intro trudebat, & corpus gallinæ cum plumis, fune brachii sedi, vulneri propinquæ circumducto fortiter adligabat: atque sic citra magnam effusionem sanguinis, eo usq; donec in locum supplicii ductus, interficeretur, supervixit. Quo
reme.

remēdii genere postea in absēctis digitis, cum succēssu, feliciter usus sum.

Plat. l. 2. de vit. c. 5. observ. l. 3. p. 625.

XXVII.

*Caro vitulina lumbricorum pabulum, oculorum
& hamorroidum anodynum.*

Vitulina Caro lumbricis fatigatis pueris inimica est, nam & ipsi vituli ex lumbricis laborant, indicio pituitescere hanc carnem ex facili. (a) Recens abluta singulare Empiricorum in doloribus oculorum est remedium. Humor ab ea, aut alia carne expressus, & inunctus, anodynum est medicamentum in hamorroide cecā. (b)

a) *Heurn. l. 2. M. cap. 17. b) Plat. de dolor. p. 304. & 663.*

XXVIII.

*Asellorum seu millepedum in Asthmate mira
Virtus, eorundemque preparatio.*

Aselli, seu millepedes, si panno lineo involuti in vino macerentur, & expressio potui detur, magnum in Asthmate remedium aliqui se expertos esse pradicant; illicō enim juvat, hoc ævo Græcis familiare remedium. vel, accipe curiones (ita Latinus Autor Marcellus Empiricus vocat illa animalcula, quæ sub madidis tectis stabulantur: millepedes appellant, alii cæruleos, nos Pissebedde, Galli cloportes, Græci ὄροι Itali Porcelletti, Germani Esel) hos in ollâ calcina, dum albescant: fiat pulvis, melle excipe: ante & post cibum exhibe cochlearium in Asthmate, mirificè hoc curat.

Heurn. de aff. poet. c. 4. Plat. l. 2. de 1 f. p. 455. G. Bruel, Pract. p. 179. Ant. Valet. exerc. 25. in Holler. Pract.

XXIX.

*Afellorum in calculo usus, & fracti calculi
Exemplum ex Afellis.*

Afelli, quasi verrucæ lapidibus hærent, quæ si quinque numero ex aqua tribus unciiis sumantur, mirabiliter juvent calculo renum laborantes, (a) Usu doctus sum, si calcinatis afellis, milii Solis semen adjeceris, molliter ab hoc atteri calculum renum & vesicæ, nescio quid pinguedinis de se fundant ista animalcula, etiam in pulverem exsiccata, (b) Afelli (specificæ ac transnaturali (c) & incredibili penè facultate) vino nobili loti torrentur, lavantur vino iterum, indeque aquâ fragorum. Pulvis inde factus imbibitur spiritu vitrioli dosi gr. 4. vel 5, ex aquâ raphani, & syr. limonum. (d) Filius cujusdam Veneti Typographi, calculum in vesica patiebatur, & ab omnibus deploratus, de sectione cogitabatur, medicamento sequenti insperato sanitati restitutus: fuit illud ex aquâ vitæ unc. semis, juris cicer, rub. unciiis quinque, millepedum pondo drachmæ semis, ad multos dies fuit usus. (e)

a) Jacob Holler. l. 1. c. 48. prax. b) Heurn. l. c. c) Ern. Burgrav. in Achil. d) Libav. Tom. 1. synagm. l. 2. c. 29. Unzer. de neph. l. 2. cl. 3. e) H. Augensom. 1. l. 4. Epist. 2. tom. 2. l. 9. p. 610. Sennert. l. 3. pr. p. 348.

XXX.

*Cincindella calculo vesica frangendo utiles.
Experimentum, quo lapis ex vesica diminuitur, atque*

que obteritur. Accipito cincindellas, abscissis capitibus & alis, numero 150. exsiccentur in vase aëneo sole calidissimo, donec redigantur in pulverem; quo excepto aquâ dissolutionis tragacanthi, fiant trochisci, & ubi fuerint siccati, pulverisentur rursus; & reformentur eâdem aquâ, & sic fiat quater, dum autem rediguntur in pulverem, sensim adde, drachmas duas olei amigdalarum dulcium recentis. Dato scrupulum unum cum unciiis quinque decoctionis liquiritiæ, capillorum veneris & politrichi, admiraberis, nam certè vires habet validissimas.

Augen. tom. 1. epist. 1. 4. epist. 2.

XXXI.

Lapis Bufonius venenis resistit.

Rubetæ seu Bufones proferunt lapidem (os, sed ob affectionem lapideam, (a) lapis dictus) qui nonnunquam ejus animantis imaginem repræsentat, verum annosæ sunt diuque in arundinetis, vel interrubos sentesque ac vepres delituerunt, antequam lapis in capite concresecat, aut aliquam magnitudinem adipiscatur. Hæret atque asservatur in familiâ Lemniâna bufonius lapis, qui magnitudine nucem avellanam superat, quem multoties expertus sum, tumores atq; inflammationes à venenatis bestiis illatas discutere, crebro attritu contactuque. Habet siquidem eam naturam, quâ etiam bestia imbuta est, ut omne virus eliciat, consumatque. Si enim sorex, aranea, vespæ, scarabæi, glires ulli parti infederint, damnumq; intulerint, confestim à nostratibus ad hoc remedium concurritur, admotoque parti affectæ lapillo, dolor mitescit, tumorque subsidit. (b)

a) Libav. l. 3. sing. l. 5. c. 11. in schol. b) Lemn. de occult. natur. mir. l. 2. c. 30.

De lapide Rufonio, seu rubettino, dicto Grateriano, pondere librarum medicinalium quinque & unciarum trium, minus didrachmo, vide Annal. Suevic. D. Præcept. Crusii, l. 12. part. 3. c. 37. Libav. l. 2. batrach. c. 23. l. 2. sing. p. 148.

XXXII.

Lapidis Chelidony vires, & Nativitas.

Chelidonium lapis ille, qui rutusest, dextro brachio alligatus, vel lineo panno, seu vitulino corio involutus, ac collo suspensus, seu sub axillâ gestatus, valet contra phantasticas illusiones ex melancholiâ, comitiales quantomvis vehementem, sanat lunaticos & insanos, facitque amabiles & jucundos, inque oculorum affectibus peculiarem vim habet: (a) dictus, ac si ab hirundinibus desumptus, (b) cum tamen ex marmore, vel jaspide fulvi coloris sic formetur, aut alioquin in saxis inveniat. &

a) Plat. l. 1. de las. f. p. 157. Vid. vid. l. 2. cur. memb. c. 18. Gattinar. c. 14. Pract. Ronsau, de hum. vit. primord. c. 44. Diosc. l. 2. c. 49. b) Lemn. l. c. c) Plater. de dol. p. 219.

XXXIII.

Cancrorum oculi, oculis, cancro & calculo appropriati.

Lapilli Astacorum fluviatiliū, quos oculos Canceri appellant, ad illapsa in oculos propellenda formam à Naturâ adepti in eo, quod in unâ parte parum cavi, alterâ parte rotundi, palpebrarum convexo &

& oculi globo egregiè se accommodant. (a) Triti & lavigati in marmore, plurimum possunt in sedandis doloribus cancerorum, si ex vino vel juscule bibantur. (b) In capite cancerorum repertus lapillus, accerrimo aceto immixtus, motum manifestum habere deprehenditur: hujus pulv. ad drach. sem. cum vino albo, vel aqua saxifragiæ, audio feliciter multos usos ad conterendos renum calculos. (c) Suspensus, confert à proprietate, in difficili dentium ortu. (d)

a) Plat. de dol. p. 289. b) Scholz. epist. 59. c) Henr. à Bra. de calc. Mizald. cent. 8. p. 49. Quere. in diat. sect. 3. c. 7. Bened. Victor. l. 1. Empir. c. 44. d) Dom. Leon. f. 1. l. 7. c. 10.

XXXIV.

Lapis Cyprinus verus, & genuinus, hæmorrhagiam narium sistit, & calculosis utilis.

Carpionum lapis triangularis, qui in capite carpionum continetur, tritus & in pollinem redactus (vel refrigeratus prius & ore retentus) præsertim si cum lanugine malorum cidoniorum applicetur, sanguinis fluxum è naribus sistit, ac cohibet, astringendi ratione, quod etiam gustu percipis. (a) Calculosis quoque utiliter datur. (b) Hunc aliqui esse putant cartilaginem quadratam capitis & primæ vertebræ articulo interpositam, partim cartilaginofam, partim osscam, & proin eum in palato vel faucibus inveniri docent. Verum cum alius lapis in cerebro carpionum inveniatur, prope oculi illius superficiem, qui semilunaris est, duriorque & in reliquis piscibus lapilli ibidem formâ similes quoque deprehendantur, ut in percâ, cæterisque, hunc potius pro vero haberem. (c)

- a. c) Cratae consil. 71. Lemn. l. c. Plat. de vit. l. 2, p. 688.
 b) A. Baccius de gem. c. 41.

XXXV.

Aquila lapis factum retinet & abigit.

Aëtites lapis est velut pragnans, cum quatitur, alio in utero sonante. Gravidis continet partus, cum lubricus est uterus & parum tenax, sinistro brachio adalligatus: sed parturientibus è brachio amoveatur, & feminibus alligetur, ut sine doloribus pariat. (a) Sed à partu debet amoveri lapis, ne uterus sequatur, Ut in Ponsoni Oberti civis Valentini, & Valentiae Allobrogum Urbani Prætoris uxore perspexi: cui difficili partu laboranti, quum muliercula lapidem Aëtitem magnum, cruri adligassent, & edito partu, per imprudentiam & oblivionem lapidem à crure non amovissent, post paucas horas foras prodeunte matrice, mortem miseræ laboranti attulit. (b)

- a) Dioscor. l. 5. c. 118. b) Fr. Valleriol. l. 1. c. 10.

XXXVI.

Lapis Limacius quo effectus polleat.

Limaces ac grandiores cochleæ lapillos nobis exhibent candidos, sublongos, scabros, imâ sui parte concavos, quos è capite expressos, in multos usus reservare soleo. Urinam siquidem stranguriosis moluntur, meatusque urinarios lubricos efficiunt ac leniunt comminuti, atque ex vino exhibiti; concrescit id genus lapidis ex liquore mucoso, atque humore lubrico, qui humoribus facilem transitum perficit. Quâ ratione & partui auxiliantur hi lapilli. dilatant enim laxantque locos, atque uterum cogunt dehiscere.

Lin-

Linguae autem subditus, unus aut alter, miram vim obtinet in ciendâ salivâ: quapropter aridis ac siticulis in ore volutandum præcipio, udam enim efficit linguam, atque humore fluitantem, sitimque ac calorem reprimat. (a) Alligatus, dentitioni infantium plurimum confert. (b)

a) Lemn. l. 6. b) Plin. l. 30. c. 5.

XXXVII.

Lapis colubrinus hydropota mirabilis.

Narrant lapidem in colubro aquatico, fune caudæ alligato & suspenso, vomitu aliquot post horis vel diebus, in suppositam aquam eiectionem, tantarum virium esse ad aquam absumendam, ut eam in quam decidit, mox absumat. Lapis è vinculo alligetur, & apprimatur ventri hydropici, paulatim in totam aquam consumet,

Heller. l. 1. de morb. int. c. 39. l. 1. insit, chir. c. 3. Plat. l. 1. de vit. p. 330.

XXXVIII.

Viperæ caput, faucium affectibus dicatum.

Viperæ caput in linteolo, collo appensum, vel si filo serico rubro charmesino, vel ex bisso facto, vipera stranguletur, illoq; postea collum circumdetur, mirè juvare tradunt in Angina, aliisque faucium affectibus.

Gal. l. 6. simpl. med. Plat. de dol. p. 401.

XXXIX.

Cur serpentes & vipera, veris & autumnî tempore exuvias sibi detrahant.

Aristoteles scribit, quod serpentes (in specie Colubri sic dicti) & vipera suas veteres deponant exuvias. (a) Cutem exuunt, quam Græci γῆα vocant.

Lati-

Latini senectam; & malè Vernationem. neque enim Veretantum exuunt, sed etiam autumnò. (b) Cum autem incipiunt exuere serpentes, ajunt ab oculis primum abscedere, ita ut affectionis ejus imperitis cæci videantur. Deinde à capite, quod tùm omnibus album videatur. Intra noctem ac diem tota senectus penè exuitur: initio factò à capite ad caudam usque. Fit autem quod intus erat, foris. Egrediuntur enim sicut foetus ab utero involucro. (c) Causam autem rimiati sunt multi, sed meridianà luce clariùs pater, quòd veris & autumnì tempore tam copioso, & per totam suam naturam disperso abundant balsamo, tamque validissimis vigeant spiritalibus essentiis & vero nectare vitæ; sive balsamo naturæ precioso, & radicali, in amplissimo terræ sinu, tanquam in proprio suo loco, matrice & seminario contento & incluso, ut prædicta animalia, tùm vetere abjectâ pelle, se novâ inducere & renovare queant. Et quia inter reliquos serpentes non sunt, nisi hi duo enumerati, coluber (à cavernis quas subeat, *κολυμβᾶν*) nempe (vulgò Serpens, *ὅφις τὸ ἔρπεν* dictus) (d) & vipera, qui exuvias statim deponant temporibus; præsumendum hinc est, atque credendum, his duobus animalibus non tantum ad sui conservationem, sed in aliorum quoque usum concessum esse naturalem quendam instinctum, quò deligunt, exugunt, in alimentum attrahunt, non materiali aut crasso modo cibum corporeum visibilem & palpabilem (siquidem auctore Aristotele (e) & teste quotidiana experienciâ, ejusmodi animalia citra cibum aut potum, vitam multo tempore, sive subtus, sive supra transigunt terram) sed merè formalem & spiritualem, hunc nempe salem

sul-

fulphureum, & preciosum naturæ balsamum, quo omnia animantur & vegetantur, idque potissimum, dum circa æquinoctium vernale, calore scilicet igne Arhanotis, magnæ lampadis cœlestis, potenter operante & attrahente, sublimatur & elevatur: quod naturæ sulphur, per mirabilem hanc sublimationem, totam terræ superficiem irrorat spiritibus balsamicis, ejusque interiorem sinum irrigat preciosa & vivificæ aquæ vitæ, & nectaris naturalis saluberrimo & utilissimo liquore: unde omnia revirescunt & efflorescunt, & quæ mortis speciem referebant, vitam recipiunt & reviviscunt. Eadem sublimatio fit etiam sub æquinoctio autumnali, sed decrescente paulatim calore, sydereoque igne longius regresso, magnum terræ sublimatorium refrigeratur, omnesque spiritus vegetales & balsamici revertuntur in suum chaos sive matricem. (f)

a. c. c) l. 8. de histor. anim. c. 15. & 17. b. d) Scalig. comment in Arist. hist. anim. p. 239. & 940. f) Querset. restit. 6. 23.

XL.

Quâ ratione Colubri & Vipera sæda cutis vitia & Lepram sanent.

Serpentes igitur & vipera, quæ in terræ sinu & domicilio comorantur, naturali quodam instinctu exungunt, & in alimentum alliciunt cibum æthereum, qui tam insigni vivificâ & specificâ facultate pollet adversus venenatâ & deleteriam illorum naturam: ut si eo satis reficiantur & instaurantur, non solum vim acquirant & virtutem spolia sua, utroque tempore statim exuendi seque renovandi: sed ob exuperans illud balsamum,

sanum, quo abundè vigent, instar medicinae in super
universalis sunt, ad omnem cutem leprosam, (nullis
aliis remediis medicabilem) scabiosam, ulcerosam &
quavis aliâ labe foedatam, tollendam & renovandam;
& ad corpus quavis ex parte vitiosum, putidum & in
frusta mox elapsurum, ita emundandum, ut in purum,
floridum & sanum evadat: ita quoque fiunt, ejusa
demmet balsami virtute, quâ abundant, alexiterium
sumum, contra omnia lethifera & præsentissima ven
ena.

XLI.

Rationes Chymicorum, de Serpentum & Viperarum exuviiis.

Quæ quidem summa & admiranda effectuum præ
stantia aliunde proficisci nequit, quam ex radicibus
& principis magnæ istius & universalis Medicinæ,
cum qua serpentes illi participare, necessariò colli
guntur. Sequitur igitur, ut ve leam, scientiâ innatâ
& naturali, peculiariter deligant ac alliciant in pro
fundis terræ latibulis, ubi acervatim congregati, va
riisque invicem nexibus implicati, in longum tem
pus degunt, citra alterius alimenti fruitionem: vel
ne cesse est, ut tùm temporis, quando spiritus sulphu
rei & vegetantes, qui rebus omnibus animam & vi
tam, mediante hoc precioso naturæ balsamo, infun
dunt, elevati & sublimati penetrant durissimas
etiam arborum radices, truncos & cortices, ipsisque
vigorem & virorem impartiuntur, florescereque fa
ciunt, imò & reviviscere: necesse est inquam, ut hi
spiritus balsamici, simili ratione, per serpentum cor
pus, tanquam multo molliora penetrent, eaque in me
dici-

dicinam efficacissimam, tam pro seipsis, quam pro aliis abundè & largiter condire queant. Hinc ipsis facultas illa, deponendi cutem, tempore videlicet vernali & autumnali, quando spiritus isti sulphurei sunt in sua exaltatione: quibus temporibus (ac in ipso præsertim vere) videmus etiam arborum cortices, balsamis, succis tum maximè abundantes, truncis suis & ligno solidiori non adhærescere, sed facillimo momento ab ipsis avelli & separari: non secus ac serpentes, qui circa idem tempus, & ab iisdem causis, veterem demittunt cutem.

Quercetan. l. c.

XLII.

Vipera Elephantiascos appropriatum remedium.

Homo quidam morbo, quem Elephantia cognominant, laborans aliquousq; cum sodalibus conversabatur, donec ex ipsius consuetudine conversationeque quidam nostrum morbi inficerentur contagione: ille jam graveolens erat, ac deformis. Constructo igitur illi tugurio proximè vicū, in jugo collis, propter fontem, illic hominem collocant tantum illi ciborum quotidie ferentes, quantum victui supereretur. Cæterum ad canis exortum, cum fortè messoribus haud procul metentibus vinum esset allatum in fictili sanè quàm fragrans, is quidem, qui attulerat, deposito illo propè messorum, abiit. Verùm ubi ejus bibendi advenisset tempus, sublato fictili, adolescens, ut pro more impleto cratere, competente aquâ vinum temperaret, in cratera vinum effundit, & unâ excidit vipera mortua. Qua re attoniti messorum, veriti, ne quod, si ebibissent, inde sibi malum eveniret, suam

suam quidem sitim, aquæ potione sedare maluerunt. Caterum cum illic discederent, quasi præ humanitate ac misericordia, homini illi, elephanti obnoxio, vinum largiuntur, rati expedire illi potius mori, quam vivere in ea miseria. At ille, ubi ex hoc bibisset, admirabili quodam modo sanitati restitutus est: nam tuberosum illud omne cutis totius, non aliter, quam animalium à testis mollicie nuncupatorum malo costracæ tegmen decedit. Quantum reliquum erat, molle admodum apparuit, instar cutis cancerorum & locustarum, ubi extima testa exciderit. 2. Vir quidam, in Mysin Asiæ, Elephanto laborans, profectus est, ad aquarum calidarum spontè nascentium usum, sperans inde non nihil se commodi adepturum: erat illi ancilla juvencula. Profectis igitur illis, cum aquis uteretur, in ædibus, quibus vicinus erat locus squalidus, & viperarum plenus, fortè fortuna, ex illis unâ in urceum vini, negligentius positum, incidit, extinctaque est. Ac scortum quidem in lucro id reputans, quod forse evenisset, hero id vini propinat. Caterum ille ubi ebibisset, ad eum modum, quo ille, qui degebat in tugurio, persanatus est.

Galen. l. 2. simpl. med. & de antid.

XLIII.

Venenum veneno alexiterium.

Vinum suffocatarum viperarum præbent Elephantis commodè, ut prædicant, sed ego judico, spirituale venenum in ipso esse, subtilitateque sui corpus elephantorum ita penetrare & mutare, ut ex accidente venenum veneno fiat alexiterium. (a) Sed in hoc vino duo reperiuntur: Venenum pessimum & caro

caro viperæ. Venenum proprietatem habet cordi hominis adversam: proprietatem tamen habet similem proprietati alterius misti, nimirum virulentia Elephantica. Sicut enim similitudo est inter magnetem & ferrum: ita etiam inter venenum viperinum & Elephantiasin. Fortior tamen est proprietas elephantica virulentia, remissior veneni: unde virulentia Elephantica venenum attrahit, non contra. Carnes viperina vim habent discutiendi, digerendi, dissolvendi, expellendi materias in cute existentes: unde carnes viperina in affectibus cutaneis admodum sunt utiles. Venenum igitur viperinum præditum est facultate & veneni viperini, & carnis viperina. Dum igitur Elephantico exhibetur, venenum trahitur ad partes cutaneas a virulentia illa Elephantica. Confluens autem venenum trahitur ad partes extimas, *ὅχρνα* simul est & vehiculum illius facultatis, quæ in carne est viperina. Carnis ergo qualitas a veneno viperino delata ad exteriores partes, agit in virulentiam illam, digerendo, discutiendo, attenuando, ut è toto expellatur elephantiasis. Quod si autem vinum hoc exhibeatur corpori non læso, sive venenum in corpore sit, sive non, semper mortiferum est: non enim tunc a partibus cutaneis attrahitur, sed in cor impeturuens, necem affert. (b) Stupendum sanè, quòd, cum serpentis astu, Mors mundum intraverit, ex ejus carne tale medicamentum parari queat, quòd à venenis gravissimis, morbisque compluribus, imò verò malignis ac contagiosis, corpus non modò præservare, verum etiam liberare valeat. (c)

a) *Libav. l. 1. sing. de venen. c. 14.* b) *Capovac. l. 7. Pract. c. 6.* c) *Bald. Angel. Eugubin. de admir. vip. nat.*

XLIV.

Sales viperini hodierni contra venena tuti, experti.

Suspiciamus ea, quæ vel crudum vulgus, ex prisco-
rum Medicorum penu, ac arcanorum adytis arripuit,
quando cōplures etiam Mechanicos, sales viperinos,
contra omnis generis venena, eorundemque noxas,
suam vitam tutaturos ac longitudinem vitæ præ se
ferentes vel ad eam aspirantes parare cognoscimus
ac observamus, ut eorum adminiculo, omnem quo-
rumcunque venenorum malitiam ac nocendi vim
spernere sint ausi, eâ sanè experimenti fide, ut mirum
sit, rudia ingenia, eò scientiæ penetrasse, ut apud sum-
mum venenum maximam quandoque Medicinam
latere deprehenderint. Hinc etiam pueruli, serpen-
tes innoxie, horum prius assumpto pulvere, tractant, ac
quasi colludentes, belluas illas veneficas mortis peri-
culo concessum fuerat.

Minderer. in dispens. August. fol. mibi 210.

XLV.

*Fimus Equinus Ictericum solvit: porcinus albos
menses sistit.*

Mictionem supra sterqus equinum, recens egestum,
dum caket, ab agro factam, plures sanasse Ictericos,
quidam mihi pro certo affirmavit. (a) Expressus,
puerperis cum vino datus, secundinam pellit. (b)
Porcinus bulliat in aquâ, & fumum utero excipiat
mulier, albos menses sistit. (c)

a) *Plat. l. 1. de vit. c. 2.* b) *Forest. l. 28. observ. 80.* c)
Hearn. l. 2. M. c. 14.

XLVI.

XLVI.

Zibethum in Colicâ commendatum.

Zibethum utiliter in pituitosâ Colicâ umbilico infricatur & inungitur: vis enim ipsius penetrans calorifica promptè se in interna insinuat, & quicquid nebulosum est discutit, ac dissolvit, quod humidum est siccat, & mediocriter ita usurpatum calefacit.

Resp. Solennand. / 3. conf. 28.

XLVII.

Moschi virtus & excellentia in cerebro, corde, facie, Venere.

Moschus (sanies est in vomicâ animalis cujusdam nascens, quæ filo constricta excidi solet) vim habet calefaciendi & exsiccandi, abscessu tertio, impensè tenuium partium. Odoris prærogativâ spiritus instaurat, languidas & perfrigeratas partes focillat, firmat cor tremulum, cerebrum roborat, & diuturnum ejus dolorem mulcet, dummodo de pituitæ redundantia provenerit. Adhæc revocat, quos animus liquerit, & vires penè resolutas, atque exhaustas sarcit, recolligentibus sese, propterea admodum salutaris, nisi quod pallore membra utentium decolorat. Cum enim sanguinem adurant, uberiores bilis proventum in corpore facit, à quâ ipsum postea lurido colore inficitur: flatuosâ suâ humiditate *αφροδισια παρορμαίν*: Excellentia ejus deprehenditur, si apertâ, qua continetur vesicula, naribus admotus sanguinem proliciat. Alterius verò, qui absque vesica est, bonitas, solâ odoris fragrantia cognosci potest.

Sol. Albert. in Orat. de mosch. l. Wecker, antid. special.

cial. l. 1. sect. 30. l. Fernel. l. 5. M. c. 21. & 26. Bapt. Porta
l. 2. Phytogn. c. 8. G. Melich. dispens. p. 21.

XLVIII.

*Ambra odorata ortus, nativitas, effecta stupenda
& vires admiranda, intus, foris.*

Ambra odorata, substantia quædam pinguis est, ut plurimum in mari, vel litoribus inventa, maxime in Indico & Æthiopico, ubi & præstantissima est. Consistentia ei est concreta, seu coagulata, interdum durior interdum mollior, nonnunquam etiam resinæ mollis instar in fila ductilis, quasi ex liquido nuper coacta nondum penitus induruerit, &c. Caler & siccat 2. ordine, & viscosæ tenacitatis quid obtinet. Præclarus ejus usus est, assumptæ vel admotæ, ad conservandas instaurandasve, aut roborandas vires, spiritus & calorem principalium membrorum, cordis nimirum & cerebri, frigore calorisve diminutione, & hinc facultatibus debilibus, aut etiam humorum frigidorum crudorumque collectione & humiditate nimia laborantium. Calore verè jucundo aptoque frigiditates pellit, siccitate humiditates ad temperiem reducit: spiritus torpidos vegetos facit, caliginosos illustrat, sistit vertiginosos, expurgat sordidatos. Atque ita ex consequente facultatem pressam liberat, erigitque, ut ad officium reversa nutrimenta sua benè conficiat, excrementa segreget, sensum motumque alacrem præstet, & omnino ex penè intermortuâ oppressaque frigorebus naturâ alacrem faciat. Neque verò tantum spiritus vitales, sed & animales juvat, & cum cerebro menigibusque nervos & articulos roborat, munitque pene-

(penetrantis enim subtilisque est natura, & ob jucunditatem odoris admittitur penitus in arcem cordis & cerebri, ut eò proclivius expediat efficaciam suam) & sic contra paralyses, apoplexias, somniculosos affectus, memoriæ imbecillitatem à frigore, stuporem mentis, sensoriorum obtusitatem, à crassis halitibus humoribusque, flatulentas affectiones omnes &c. Cerebro autem ob frigiditatem insitam familiarior est ejus halitus. Sed cordi, nisi à frigida causa, vel caliginosa & similibus occupato, etiam calore subtilitatemque nocere potest. Si enim spiritus incallescunt, & attenuantur justo magis, morbi inde existunt. Hæc causa est, cur non juvenibus robustis & calidis, sed senibus, mulieribusque & constitutionem similem habentibus plus conferat adjumenti odor ambræ, moschi & similibum. Napelli vim frangit, ejusque siccitas diluitur oleo, & calor caphurâ, ex vino pota illicò inebriat. Ex convenienti decocto, utpote pastul. mund. aut similibum data, rursus à tenaciori materiâ inveteratæ præstantiss. est remedium. Foris quoque usurpatur, non tantùm ad necessitatem corporis, sed & ad delicias & commendationem. Inde sunt divitum chiromastrea, chirothecæ, strophio-læ, quin & thoraces, & ocreæ ex alutâ unguine ex ambrâ, vel aquis delibutæ, aut eadem vaporatæ tinctæque. Vestiariis adjicitur odoris gratiâ, & ad arce-nastineas. Quibus anima fatet, vel quos deformat hircus, quique sibi metuunt à fœtoribus, seu pestilentibus seu aliis, gestare solent seu solam, seu in pastillos massasque confectam. Fiunt ex eâ Poma, quæ Ambra vocant. Qui calvi sunt & imbecillitates capitis ex frigore sentiunt & quibus in consili-

Etu denudata meninx est, cranii parte decussâ, his
 utile sit Emplastrum ex Ambrâ, quod officio cranii
 perfungatur. Massâ ambrinâ, includuntur bullis au-
 reis, argenteis vel capsis aliis, manubriis cultrorum,
 gladiatorumque & nodis, ut inde quodcumque opus
 est, contrâ foetores & frigora subsidium sit præstò.
 Hæctria aromata, (Zibethum, Moschus, Ambra) à
 gestante non percipiuntur, ubi paululum assueverit,
 quamvis initio, tam validè moveant nares recentia,
 ut ingrata quoque videantur. Suavitatis etenim per-
 ceptio in odore distantiam requirit. Itaque aër cir-
 ca nos benè olet, si ambram vel moschum gerimus, no-
 bis ipsis ignaris. Quò autem debiliior foemina est,
 mobiliorque, eò facilius ab ambrâ & moscho ei con-
 vellitur uterus & dolet caput. Neque tamen ideò usi-
 tatas compositiones, in quibus essentialis primaria-
 que pars est Ambra, ita jusserim vitiare, ut subtractâ
 eâ mancas imperfectasque venum proponat officina.
 Quamquam enim, uti ajunt, facile sit ad usum adji-
 cere ambram & moschum, tamen non facile est per-
 miscere exactè & totum ita alterare, ut homogeneum
 fiat undiquaque. Quis verò est, qui se Medicum pro-
 fiteretur, & nequit aromatum convenientium pulveres
 vel in præsens miscere, vel alios ex usu substituere?
 Pharmacopœi quoque plerumque, tùm alia odoris va-
 lidi, tùm ambram & moschum in suis officinis malè
 muniunt, ut inde halitus perveniat ad cætera quo-
 que quæ asservantur. Indè postea fit, ut plurimi repe-
 riantur, qui quicquid ex Pharmacopolio est, nau-
 scent, nec ferre queant, quia, uti ajunt, *Σοροθυρί Ζεσ.*
 Scorsim à cæteris talia reponi debebant, nec mitten-
 da ægrotis pocula moschata, nisi scirent benè se ha-
 bere

bere ad moschum. Brasavolus causam, cur nobis moschus, qui pus est, ut judicat, benè oleat, cùm deberet expurulentia fœtere, redditurus, diversam diversorum affectionem dispositionemque adducit, & declarat exemplo canum, gallinarum, suum &c. quibus humanum oletum tanquam ambra placeat; eandem putat esse & in diversis hominibus repudiantibus istum odorem, vel appetentibus. Mirum certè est tam preciosam rem & nobilem viribus non innotuisse veteribus Græcis & Latinis, cùm tamen non cessarent illi omnem penè mundi angulum excutere, & Alexandro Duce, penè tota patuerit India.

Libav. l. 3. sing. l. 4. pag. 308. 314. 365. & seq. Cratæ conf. 36. 37. 121. Hæurn. l. 2. M. e. 5. Holler. l. 1. de morb. intern. c. 24.

XLIX.

Camphora alexipharmacum, cordialis, diaphoretica, est primâ qualitate controversa.

Cāphora in putredine omni arcendâ, venenosisque halitibus profligandis non postremum obtinet locum, ob exsiccandi virtutem, ideò omnibus & sufficibus & odoramentis est admiscenda. Est enim subtilium & citò penetrabilium partium, magnam substantiæ quadam familiaritate, cum cordis spiritibus habens sympathiam. (a) Ejus enim vis diaphoretica summa est, & ut Camphora repurgat spiritus, & serosum humorem: sic bolus Armenus, ut cornu etiam cervi, in unum cogit malignitatem & naturam ad expulsionem adjuvat, videmus hoc fieri in cerevisiâ, ea ut maxime sit turbida, & corrupta, tamen si injiciatur Creta, continuo fit pura, & saporem meliorem acquirit,

rit, atque omnis illa impuritas, à Greta quasi ad se pertrahitur. (b) Hoc mirum, si cyathus aquæ, in qua cāphuræ, quanta nuxavellana est, accensa conflagraverit, exhibeatur cardiacis & hysteriis, statim liberantur. (c) Vigiliis facit, si quis eam sæpius odoretur & naribus adhibeat: cerebrum enim exsiccat. (d) Moschi odorem retundit, & unguentis permista pruritum tollit. Ejus odor Venerem consopit, quare castitatis nomine gestare docet: tantamque illi vim, ut & contactu, quoque admota, brachijsque alligata id efficere possit, attribuunt. (e) Sed hoc non verum esse, pro certo habemus, inquit Scaliger: (f) fors magis quid simile evenit, nisi validus odor spiritus alio vocat, & dissipat. (g) Antiquis ignota fuit. Dynus Florentinus (h) calidarum eam partium fatetur, ob multum odorem, qui teste Aristotele (i) non nisi sic extenui evaporatione, mediante calore, in halitum seu tenuissimum spiritum, partes in corpore odorato extenuante ac resolvente, ut in aërem diffundantur atque expirent. Neotericorum major pars frigidam eam esse contendit, summo consensu & applausu, & quidem frigidam à frigiditatis prædominio, eam quidam dicunt, ideoque medicamentis calidis affectibus oppositis eam admiscunt. (k) Frigus autem mitescit, adjecta ambrâ aut moscho, & ne obsit ariditas, affunditur oleum violarum. (l) Experimento enim didici, inquit Garzias ab Orto, in oculorum inflammationibus, tùm etiam adustis, nivis frigiditatem retulisse. Adde, quod omnes, apud quos nascitur, frigidam asserunt. Neque verò obest, quod odorata sit, quandoquidem ob partium tenuitatem facile evaporat,

rat, & exhalat, qui in superficie odor est, contra quam in sandalo & rosa, quæ ob suam adstrictionem, odorem in se retinent (m) Sed frigidam non esse, ostendunt effectus frigidæ contrarii idque indubitatis experimentis & documentis. Quæ odore carent, adeò plerumque obtusum atque ignavum habent calorem, ut per paucas partes extenuare possit, quæ in aërem diffundantur, vel adeò sunt temperata, ut exhalatio olfactum movere nequeat. In Camphora contraria omnia. Partium tamen in ea diversitatem Sapor apertè docet, inter quas, quæ odore sunt præditæ, numero & facultate antecellunt terreas ac frigidas, quæ odore evanescente, atque expirante, remanent. (n) Quod si jam calida est Caphura, an non exterminanda ex frigidis medicinis, & prohibendus ejus usus in calidis? non inquam ego, quia experimento ista vis est comprobata, & caphura agit magis tota natura, seu potentiis essentia, quàm primis qualitatibus. Vulgus quoq; novit calida calidis sanare, ut cum purgat in febribus, spiritum vini & vinum inflammationibus & ardoribus capitis imponit, vinum in quartana præbet, pipere tertianas abigit, & sic in multis. Hinc Hippocrates & Chymici non magni faciunt elementares qualitates in mistis, de quorum potentiis constat. (o)

a. k. n.) *Goglen. de pest. p. 58. & seq. b) Crato epist. 117. 130. c. l.) Henr. d. 2. M. c. 14. d) Avic. l. 2. c. 134. e) Plat. de l. f. p. 165. 659. de dol. p. 185. 378. f) exere. 104. f. 3. g. o.) Libav. l. 3. sing. c. 21. de succ. l. 5. p. 619. 621. h) Canon. 2. v. 3. i) l. de sens. & sens. m) l. 1. arom. c. 9.*

L.

*Camphora alexiterium in peste efficacissimum,
& ejus usus.*

Ego, quid hac de re (Câphora calidâne sit an frigida) sentiam, jam non expono, hoc tamen scio, me, cum ejus portiunculam aliquam, agros invisurus deglutivissem, quod me crebro fecitasse recordor, non nisi prætenuem quandam flammam intrinsecus ardentem deprehendisse, ut proinde in eam opinionem transferim, quod sicut aër ille, succenso ex juniperi, lauri, rosmarini, laricis ac consimilium, vel arborum, vel fruticum frondibus igne repurgatur, ita assumpta caphura, interno nostro calore, mox ignita, & in corporis quasi meditullio flagrans, coinquinatos spiritus, eosque tetros, ac fædo miasmate pollutos, insperatos, veneni aliqua labe contaminatos halitus cordi jamjam vicinos, ac circa præcordia hærentes exurat, sicco planè ac igneo calore pervadens, partim dissipet & expellat, partim combustione absumat, partim verò corrigit & emendet, proindeque Camphuram, inter fortissima & validissima pestis alexiteria, non immeritò reposuerim, siue frigida hæc sit, siue calida, quam tamen siccam, omnes fateri cogantur. Tempestivè autem data, plus virium obtinet, quàm vel preciosa quædã Medicamenta Bezoardica, nihil enim finit putrescere, & venenosos disjicit halitus, attamen in magnis capitis & ventriculi doloribus, hæc cautè, aut vix unquam utendum admoneamus, licet extrinsecus frontis embrochis, spleniis & profusionibus, in peste, indita, semper nobis visa sit plu-

plurimum profuisse. Quare his, qui camphuram non commodè ferunt, Diascordium aut alia antidota, Camphoram, vel omninò non, vel in parvâ quantitate suscipientia, longè erunt salubriora. Alioquin cæterorum Alexiteriorum vires subtili penetrationis vi, ad cordis penetralia celeriter, & pernici quasi motu devehit. Ultrorumque autem tùm frigidorum, tùm calidorum virtutem multiplicat & intendit, verumtamen vix una dosi, duo aut tria grana excerserim.

Minderer. l. de pest. p. 196. 214. 346.

LI.

Aqua vite calum Philosophorum, ejusq;

Etymon.

Aqua vitæ talem habet vim, eumque usum in infusione, ut quicquid infuderis medicaminis, ejus vim ebibat ac reddat, hinc Chymici quidam Cælum Philosophorum, hanc nominârunt, quod rerum cunctarum potentias in se rapiat. Sese enim trajiciens, omnes vires rerum elicit, etenim imis & in sedibus rerû se insinuans, tenuat & eliquat combinata, concretaq; & in se effundit. Inde picta, quod vitæ tutelaris existimetur, adque hominis vitam, & conservandam & prorogandam faciat. Ardens verùm dicitur, quia facilè flammam concipiat. Cum enim vix aliud sit, quàm generosissima ac tenuissima vini pars, citò admota ignis flamma incenditur ac ardet.

LII.

Aqua vite effecta, & probata.

Calidissimus hic liquor, & subtilissimarum ac tenuiss.

nuissimarum partium, tertio ordine calidus est & siccus, & quidem intensior, qui purior; quo enim purior, hoc & calidior, siccior ac tenuiorum partiū &c. Ut autem cuncta injecta à corruptione vindicat, ita & ipsa Aqua vitæ, corpori humano injecta, omnem putredinem arcet, coctiones promovet, excitato calore nativo, evictisque cruditatibus, vividam vim spirituum vitalium recreat, calidumque nativum, ubi opprimitur excrementis frigidis, quasi in Eclamsim revocat, ventriculum calefacit, cerebrum humidius algoreque pressum excitat, pituitamque exturbat, intellectum acuit, visum (injectam cum Euphrasiam gerit) clarum lucidumque efficit, vitam producit, facultates excitat sopitas, sensus omnes vegetat, memoriam non modo conservat, verum etiam redintegrat, status omnes discutit, frigidis venenis potenter resistit. Non tamen semper tutò dari potest, nisi enim materia morbi effectrix omnium sit exigua, & temperamento ipse ægrotans perquam frigidus, citra periculum exhiberi nequit, fusis siquidem humoribus caput amplius impletur, & morbi vis intenditur. Quod si verò & calidi adsint humores, veluti sanguis, inflammationes quoque non parùm augentur. Nocet verò hæc aqua, omnibus natura ac temperamento calidis, summè biliosis; jecur etiam offendit, renibus quoque haud utilis est, immodicè verò sumpta, ignea sua vi, statim interficit, nisi statim post bibatur lac, vel aquæ destillatæ refrigerantes. Rectè parata erit, si ei immixtum oleum fidat, & si tota exuratur, ab immixta flamma, si eadem surrigatur, quâ immixta fuerat copia, manu trita evanescit illicò, vel

si ca-

si caphuram dissolvat. (a) Subtilissimus judicatur vini spiritus, cum injectam plumarum molluginem statim sorbet, ut fundum petat. (b)

a) *Hern. l. M. p. 21. 22. & 69. Dodon. in histor. vitis c. 8. lac. Horstius, de vitæ, a. th. 254. usq. 274. Lemn. l. 2. de occ. nat. mir. c. 34. Plat. l. 1. de l. f. p. 55. b) C. Barthol. l. 1. de Aquis c. 15.*

LIII.

Aqua vitæ tumores & inflammationes resolvit, contusis & ambustis utilis.

Aqua vitæ ad eò resolvit, ut si membrum læsum eâ subito perungatur, tumorem & inflammationem sæpè cohibeat, accedente insuper vi illius narcotica, quæ dolorem simul compescit, quo remedio operarii, si quando se lædunt, uti consueverunt. Pannus lineus eâ irroratus, parti contusa tepidè, subito admotus, tumorem impedit, & sanguinem dissipat. Ut autem contusa, sic ambusta, apposita sanat, & sugillationes discutit.

Plat. de l. f. p. 281. de dol. p. 817. 823. 894.

LIV.

Spiritus vini accensus hydropis ex febre præludium.

Quemadmodum Spiritus vini, quantumvis generosissimus, si accendatur, vapor collectus per alembicum insipidus est, violentiâ ignis, id quod pingue est, momento absorbente. Ita quoq; in febribus ardentibus per sæpè spiritum veluti flos absumitur, & veluti phlegma spirituale remanet, ichor quidam. Unde hydro-

pes, ob refrigerationem partium inuestam, nempe quodd Spiritus, instrumenta temperiei sunt corrupta.

Zuving. Physiol. l. 2. c. 23.

LV.

Aër confestim attractus cur suffocet.

Sicut candelæ ardenti in libero aëre, si vinum circumdes, supinè, extinguitur, quoniam aërem lateralem præparatum, interpositu vini non attrahit, ac crudum & incoctum infernè attractum conficere nequit: ita quoque spiritus, ab aëre crudo intra corpus confestim attracto, nutrirî nequit, sed suffocatur potiùs.

LVI.

Aëris vis diaphoretica ovi exemplo notata.

Aëris caliditas spiritus elicit & resolvit, non tantum immoderata, verum etiam mediocris. Nam si in ovo recente, dum assatur, spiritus subtilis, per medium corticem, licet densissimum exudat roris instar (in vetere non item, qui jam pridem insensibiliter transpiravit) multò magis in corpore humano, rimarum undique pleno, id ipsum contingere, vel à levi calore probabile est. In ovo enim, tam subtilis spiritus (vapor) ut ipsum corticem pervadat, dum assatur, & exsudet, succedente in locum illius sensim aëre externo, à quo corrumpitur ovum.

LVII.

Aëris vis penetrans in latere latere nequit.

Aëris est, omnia universi spacia inania replere & permeare. Sic ipsum laterem penetrat aër, & concoctum calcem illic inflat, ita ut mole au-

cta.

& a laterem frangat. Videmus enim per lateris cocti poros ingressum aërem, lapillum, qui per incuriam illic latuit, & in calcem conversus est, imprægnare, & in molem attollere, ita ut later ipse rumpatur.

Zuving. *Physiol.* l. 2. cap. 23. 25. pag. 380. 394. 396. 403. & 404.

LVIII.

Vulnerum & Ulcerum curatio facilis, aut difficilis ex aëre.

In locis palustribus ulcera capitis celeriter, crurum verò difficulter curantur: (a) qua ratione levia vulnera capitis, Bononiæ lethalia conspiciuntur, quæ tamen Romæ facilius curantur, & contra tibiæ vulnuscula vix Romæ curantur, quæ tamen Bononiæ facilem admittunt consolidationem: (b) eodem respectu, quo capitis vulnera Lutetiis lethalia magis, quam apud Aveniones, & contra apud hos tibiæ vulnera leviora, quàm apud illos, propterea, quòd (c) Lutetiis aër frigidus & humidus, quæ constitutio cerebro & capiti inimica est: at apud Aveniones est ambientis aëris fervor major, quo humores liquefacti, magis deorsum fluunt, unde vulnera crurum & tibiærum difficiliora redduntur.

a) *Aristot. sect. 14. probl. 6.* b) *Bald. Rons. de scorb. c. 1.* c) *Param l. 10. c. 3. Chir. ex Guid. Greg. Horst. exerc. 1. de scorb. lib. 5.*

LIX.

Aëris refrigerandi ratio multiplex.

Aër frigus ducit 9. modis. 1. copiam ac frequentiam
ejus;

ejus; 2. bibit aër frigus, ex flabello, quia novus aër ad corpus appellit; 3. ex apposita nive & aquâ circa lectum; 4. parietes fronde salicum obducuntur, vel linteis aceto, & aqua rosatâ intinctis; 5. irroratione areæ, hinc fontes in cubili parantur. 6. si lecti fiant, ex Avicenna, super foveam aquarum; 7. ut fiant lecti, pilis camelorum, ut sit in Arabiâ, hic ex linteis, substrato corio. 8. ut lectus conspergatur herbis. 9. ut prope lectum fragrantibus fructus ponantur.

Hern. l. 2. M. c. 18.

LX.

*Ab Austro καύβαεα unde, & cur Aquilo
conglaciet.*

Auster, non, quia calidus humidus, caput gravat & replet: sed quia in illo virtus quædam opiativa, à soporiferis spiritibus insit illi propria. Hippocrates ideo Austrum βαρύνουσα καὶ θερμὴν, καρυβαρυκὴν, διαλυτικὴν appellat. (a) Neque Aquilo tantum, quatenus frigidus est & siccus, conglaciat, sed quod ipsius proprietates vitriolatæ, acetosæ, & berberisatæ sint, eodem etiam Hippocrate teste. (b)

a) l. 3. aph. 5. s. 17. b) Quercet. de affect. cap. 6. 10.

LXI.

*Campanarum, tonitruum, scuticarum sonus
& fragor unde.*

Campanæ sonant, dum impulsæ malleo undiqueque concutiuntur, omnique parte aërem ambientem verberant, & cum illo colluctantur: quem motum reciprocum, si intercipere repente velis, rumpes continuitatem eorum. Tantum est in aëre ictu, ut & toni-

tonitrua, & tormenta, & venti, imò & flagella admodum acutum sonent, solo illo fortiter violenterque alliso.

Libav. l. 1. singul. c. 17. de nat. metall.

LXII.

Motus ignis fatui antè & retrò unde.

Motus ignis fatui talis est, ut si ad illum accurras, te fugiat, si verò eum fugias, te sequatur: quòd quia homines intelligere non possunt, confirmantur ea in sententiâ, esse Spectrum. Causa autem hujus rei physica est, (a) quia fatuus iste ignis, (ita dictus (b) aut quod tactu suo non comburat, aut quod incautos infatuet, & in avia seducat) movetur ad agitationem aëris, in quo hæret. Quando ergò ad eum accurrens, aërem ante te propellis, istâ aëris propulsione, ipsum ignem à te fugas. Contra, si ab igne fatuo fugias, aërem corpori tuo vicinum tecum abstrahis, & velut abducis, & per consequens, istam fatuam faculam, quâ in aëre movetur, & fovetur, itidem tecum rapis. Et hæc omnia sunt naturalia in hoc meteor. (c)

a. c.) *Keckerm. th. 3. de dras. vol. b) Tandler. diss. meteor. 3. th. 30.*

LXIII.

Curfus vagorum luminum in aëre.

Ecquis verò rationes erueret, cur vaga lumina, in tempestâ nocte discurrant, & volucrum instar sedem de sede mutant? Cur vocali sono strideant? cur ignes, quos fatuos vocant, flammâ in aëre pensili, viatores terreant? fugientes sequantur? sequentes in aquas aut præcipitia deducant? Mihi quidem magis inge-

num videtur, de ignorantia confiteri meâ, quàm ridiculam causam promere. Ludibria autem Dæmonum esse, vel hoc argumento convinci potest, quòd sibilo procul etiam evocati celerrimè advolant, & vocantem necant, aut crudelissimè torquent, nisi fenestram, quâ venientem viderit, repentè concludat: Viatores etiam in flumina, aut periculosa præcipitia sequentes deducunt, quos arcere si voles, clarâ voce Deum appellare, aut pronum, facie terram contingente, adorare oportet, hoc Amuletum Majoribus nostris acceptum ferre debemus.

Bodin. sb. natur. l. 2. p. 211.

LXIV.

Mictio suspensorum spontanea unde.

Cur in suspensis urina mox effluit, quòd in aliis demortuis non accidit? an quia propter suffocationem abdomen à diaphragmate comprimitur, unde consequenter urgente copiâ urina, vi compressionis sphincter musculus aperitur.

Jacob. Muller. coroll. 9. disp. de motu Anims.

LXV.

Urbis capiendæ mirum stratagema.

Hadingus Danorum Rex, Handuanum Hellefonti Regem in Duna urbe obsidens, diversi generis aves, loci illius Domiciliis assuetas, capi jussit, earumque pennis accensos igne fungos suffigi curavit. Illæ propria nidorum hospitia repetentes, urbem incendio compleverunt. Ejus extinguendi gratia concurrentibus oppidanis, vacuas defensoribus portas reliquerunt.

Saxo

Saxol. i. Alb. Crantzii l. i. Darec. 7.

Simili stratagemate usum fuisse Fridlevum, Dania Regem, dum Dusslinum hybernica oppidum obsideret, iidem Auctores docent, ille l. 4. hic c. 27. d. l. Zuving. theat. vol. 7 l. 3. p. 1900. Vnz. de sulph. c. 24. Vid. Zach. Theobal. c. 53. de bello Hussit.

LXVI.

Αὐτὴ πείρασις ὁ καὶ αἰτία τῆς ψυχρῆς.

Αὐτὴ πείρασις fit à frigore, cujus est ad condensandum porosque claudendum, ne calor exhalet, sed potius constrictus augescat; vis maxima, ut plerique conspirant: hinc ventres hyeme calidissimi, propter circumstantis frigus. Ita manus nive lotæ incalescunt, spiritu, qui caloris sedes est, à frigore ad interiora repulso. Mos hinc est coquis, gallinas aliasve carnes, recens, mactatas, ut facilius elixari & teneriores reddi possint, frigida immittere: sic enim à frigore aquæ, calor in carne continetur, intusque coacervatur, qui postea externo calore ferventis aquæ adjunctus, vehementius cum adverso frigore pugnat, humoresque tenaces facilius fundit & eliquat.

Tandl. disp. i. meteor. probl. 5.

LXVII.

Νίξ ὁ καὶ ἀγία ὕδατος θερμότητα ἐκκινεῖ.

Contigit aliquando cælo atpero atque inclementi, flanteque hybernis mensibus aquilone, aut vento alio rigido, quo omnia passim concreta conspiciuntur ac congelata, hominibus etiam manus, partesque alias corporis intolerando cruciatu obrigescere ac stupore affici, ita ut emortuæ decendant, vel sectione adimi debeant, atque ut arescentes rami, detruncari, ne pars sana inficiatur. Partes ergo sic affectæ;

dò ne prorsus frigore rigescant, ac nonnullus sanguis subfit, aquâ gelidâ immersæ, eâque subinde irrigatæ, in pristinum vigorem restituuntur, ac sensim incallescere incipiunt: per antiperistasis enim seu contrarium expulso frigore calor inducitur: quod ipsum experiri quisque potest contrectatâ nive aut glacie, confestim enim manus fervescunt ac rubore suffunduntur. Sic poma congelata in aquam frigidam demersa ad naturam suam redeunt, totaq; illa congelata concretio liquefcit ac resolvitur.

Lemn. de occ. nat. mir. l. 4. c. 20. Fabric. de gangr. & sphac. c. 13.

LXVIII.

Modus generationis metallorum.

Certo terrarum generi, ab initio, benedictione divinâ, iadita est vis metallifera, quæ postea datis causis externis in actum erumpit, suoque nutu provehitur ad substantiam metalli, perfecti quidem intentione naturæ; imperfecti verò, ob quædam externa; materia verò in illo terrarum genere, non simplex est, imò nec vapor nudus, nec halitus, nisi sint ramenta, aut apocryses ita dispositarum rerum, secumque vehant idem principium, & postea perficiantur, sed humor unctuosus mistus certâ specie terræ, formam succi assumere queuntis: qualis est Chalcanthum & Sulphur, quæ sunt resolubilia in succos: humor verò ille mercurialis est, specieque vaporis perrepens mineras, comprehendit illas terras, secumque in succum unit, qui postea principio formativo concepto, proficit in Mercurium Metallicum, & hinc in Metallum, astipulantibus activis.

Libav. confecti. de nat. metall. l. 1. sing. c. 9.

LXIX.

LXIX.

Balnei Aquæ dulcis usus.

Balnea Aquæ dulcis omnia aperiunt ac excludunt inquinamenta & coquunt, lassitudinisq; ariditatem mirè emolliunt, omni intemperiei (excepta humidâ) profunt. (a) In quartanis longis, tum, quia sudores provocat balneum, tum quia simul humectat, & reficit, utilissimum est. (b)

a) *Heurn. l. 1. M. p. 41. Plat. l. 2. de la s. f. p. 326. b) Plat. de dol. s. 2. p. 154.*

LXX.

Ferventium Aquarum ardor tantus unde.

Ego jactationem aquarum subterraneâ per abrupta loca & longissimas cataractas opinor efficere calorem. Argumento sit, quod mare, quantumcunq; frigidû sit, nihilominus ventis vehementer agitaturn, biduo vel triduo incalescit mirum in modû: nullæ tn. procellæ triduum excedunt. Quis igitur dubitet, quin mare, aquâ fervente calidius sit futurum, si vel diebus 7. tempestatibus continuis jactaretur. Aliud etiam argumentum est, quod nusquam fontes aquæ ferventis reperiatur, ubi erumpunt ignes, ut in Vesuvio & in Æthnâ, qui tamen undique maricinguntur. Ac tamen si maxima copia est aquarum calidarum, quæ fluunt ab Italiæ fontibus (nam qui curiosius illa scripsere, paulò minus sexaginta denotârunt) nusquam tamen ignes fontibus, nec fontes ignibus misceri comperiuntur. Sunt qui sulphureos ignes subterraneos cogitant, sed eo ipso refelluntur, quod aquæ illæ ferventes Rutenorum & Pyreneorum planè sint insipi-

da. Præterea tanta vis aquarum, tot seculis affluens, ignes jam pridem restinxisset, aut si tanta flammæ vis sub terrâ lateret, aquas sicasset, aut terram ipsam deflagrantibus in cinerem rede-gisset.

Bodin l. i. theat. nat. p. 201.

LXXI.

Succini olei effecta & cause.

Curo odontalgias sanare dicitur Succinum, cui lapides renum amoliri? Dentium doloribus accommodant & camphoræ oleum (à quo non longè abest oleum Succini album, quod & odor affinis testatur) & vitrioli Spiritum: aliqui & aciditatem sulphuris: quæ duo posteriora etiam calculos destruunt. Malim tamen Succini oleum, quàm pulverem, cui & salem & florem prætulerim. Ejusmodi enim acris (ex quibus est, & oleum piperis & Euphorbii) penetrant, dissipantque, seu irruentes in dentes spiritus, seu humores, & interdum etiam acumine sensum elidunt, non aliter, ac alio modo narcotica. Si vermes affligunt, eos interimunt, & nonnunquam viam faciunt humoribus & putredines corrigunt, sublato unâ foetido halitu, & correctâ intemperie toti substantiæ molestâ. Non autem semper & ubi vis hæc juvare, sed cû ratione prudenter adhibita, facile vident Artifices. Nervis frigore laxis, & ob id dolentibus, quomodo succurrat, calore penetrante, non est ob-scurum.

Libav. l. i. singul. c. 10.

LXXII.

LXXII.

Succini usus externus.

Succinum pro amuleto collis puerorum appendi, non est prohibendum. Quanquam enim non faciat contra incantamenta & fascina; tamen expiratu exiccatur humiditates cerebri, idque roborat, ne catarrhis, Epilepsiâ, & similibus malis faciliè corripatur. Quòd autem expiret etiam sine affricu tantùm in aëre calido & juxta cutem calentem, non eget probatione, sensu id contestante. Cùm publicè grassantur Exanthemata, & Ectymata, seu morbilli & variolæ, sæpè evenire solet, ut malignus fluxus è capite fauces occupet. Succinum vel pulvere, oleo vel sale admotum & collo circumdatum, malignitatem dissipat, tumoresque digerit, consumit & tollit, sæpèque nos ita impedivimus anginas puerorum in variolis. Neque enim putandum est, arctius astringere propter vitriolum, quod hîc aliter & affectum, & spiritu, non corpore una cum petroleo præsens. Pollicentur multi etiam catarrhorum in capite retentionem, ne confertim in guttur, pulmonesque illapsi suffocent, appposito vertici succino, quo tamen in usu solet misceri pice & resinis. E regione oculorum sub occipitio, ubi ex calvaria prodit spinalis medulla, si affigitur Emplastrum succinum retrahere fluxus dicitur, & cæcitates & lippitudines impedire, ut & caligines. Itane etiam paleas? atqui humidæ actu & delibutæ non rapit. Consequenter vicina exorbendo exiccandoque succedunt remotiora. Mirabile experimentum dicunt esse ad rhagadum dolores, & prurium,

tum, si farina succini immittatur, præsentì perhibetur auxilio esse, glutinat, constringit, exiccat. Nec minor est ex fumo Medicinæ. Fumus enim succini corrigit ædificia peste infecta, nec admittit contagium, quo plerumque propagatur lues. Causam Cardanus, in suaveolentiam & siccitatem coniecit: sed neutra vera est. Multa sunt jucunda olfactu & sicca, sed pestem non avertunt. Spiritus bituminæus, calcanthinus, nitrosus, succini putredinem & contagium dissipat, fortiter alterat & conservat naturam, ne lædi queat. Bitumen crassum cadavera integra servat: quid censendum de resolutio succino? venenis certè resistit, modo usus sit tempestivus & peritus, quantum permittit Deus.

Libav. l. 3. singul. pag. 643. 649. 650. 651. 652 654. de internis ex Succino Medicinis vide l. 5. de succin. l. 3. singul. c. 28.

LXXIII.

*Succini ad paleas trahendas impedimentum
& causa.*

Quæ causa est, ut affricatum, calefactumque Succinum & Gagates trahant paleas & similia, cur negligunt oleo aquave imbuta? Dicunt alii, spiritus ingentos incallescere, & res leviores, in primis minutias, & quisquillas, (intellige ramenta corporum levia, ut sunt arenulæ, metallicæ (æris ferrique) scobes, limaturæ & pulveres cornuum, palææ, acus,) ad se rapere, præter ocymi surculos, oleo aquaque madida alia. Neque enim aërem, & ignem & aquam trahit. A minutis autem illis, atque etiam pennis trahendis nomen invenit *ἡλενυροφίον*. Num floccos nivis quoque

que trahat & glaciem pulveratam & pruinam, quærat, cui otium est & occasio. Aliqui sympathiam & antipathiam producant. (a) Wilichius respondet, succini spiritum calidum, siccumque, non nisi res siccas ad se pertrahere, renuentem humida oleosaque: sicut Magnes respuit ferrum, si allio perlinatur. Scalliger (b) contra Cardanum, etiam viridia lactuæ folia arripuisse scribit. Gesnerus (c) singularem habuisse opinionem videtur; ita enim scribit: Succinum cum non unius solum generis res, sed minutissima omnia, & ipsum quoque ferrum & magnetem trahat, idque non nisi affricum, ut incalcescat, non videtur, similitudine substantiæ, & vi specificâ, ut Magnes, sed alio quodam modo trahere; aut certè inter ea, quæ calore suo, & alia, quæ totâ substantiâ trahunt ἐπεμφορεῖεν πῶς, sicuti nimirum etiam Theriaca; hoc scio non omnem calorem ex æquo trahere, succinum affricu calefactum trahit, non igni. Hoc enim fortè pori ejus clauduntur; illo aperiuntur. Fernellius contendit vim attractoriam Succini esse ex facultate cœlesti, & quæ sit trans Elementum; seu compleri unâ similitudinis in totâ substantiâ, proprietate. (d) Id videtur & Paracelsus probare, cum homini attractoriam pestis tribuat talem, qualem naturam habet Carabe in straminibus alliciendis. (e) Nos (f) putamus, attractionem istam ex accidenti esse. Nam, ut patet ex resolutione, Succinum, Gagates & similia, spiritus habent penetrantes & acres, simulque glutinosos & pingues. Cum itaque attenuati affricu, incaluerunt, prorumpentes faciliè res leves adoriuntur, & pervadunt acredine, sicut videmus aquas corrosivas faciliè absorbere injecta: sed oleosa visciditate

P s

quo

quodammodò retinent. Cum ergò occurrunt frigidis, coagulantur, coagulati retrocedunt versus suam originem, utpote calore rejecto, ab hoste contratio, atque ita secum vehunt leviuscula ramenta, quæ delata ad corpus succini, ibidem hærent, ob spiritus in ejus superficie coagulatos, donec vel abstergantur, vel resiccata parte coagulata decidant. Levis verò & solida superficies faciliè receptum intercludit redeuntibus, & ut in speculo, ferroque polito, promissimè sustinet, circa se spirituum coagulationes.

a. f) *Ruenel. 2. c. 26. Libav. l. 1. sing. de succ. c. 19 part. 3. sing. l. 5. c. 25.* b) *exerc. 104. f. 12.* c) *in Epist. ad Occ.* d) *l. 3. M. c. 4. & l. 4. c. 1.* e) *tom. 3. p. 146. item tom. 4. p. 63.*

LXXIV.

Succini & Magnetis, in paleis cum ferro mixtis, trahendi potestas.

Si ex paleis & ferro pollinem tenuissimum conficias, simulq; misceas, mox succinum calefactum applices, & Magnetem, illud palearum pollinem, hic ferri limaturam, tametsi mixta sint, attrahet, ob diversas naturas, & diversa trahendi desideria,

C. Bauhin. l. 1. th. anat. c. 15.

LXXV.

Orichalci ferriq; scobis separatio.

Jacobus Zwingerus, patruus noster, Argentinae Zonarum artificum operam locabat suam. Illustri quidam vir, tabernæ incumbens, Orichalci ferrique scobem permixtam videns, ad Jacobum conversus, per jocum, inquit; ecquâ mercede scobem hanc confusam separares? tum is, minimâ, respondit, vini uni-

unicâ amphorâ. Pignore in medio posito, Jacobus Magnetem lapidem è scrinio profert, & nullo negotio ferrilimaturam à seobe orichalci segregat; obstupescente Comite, & magicam quandam vim lapidi inesse prædicante, non sine stomacho tamen, quod à plebejo se victum tacitè fateri cogeretur,

Zwinger. theatr. vit. hum. vol. 5. l. 2.

LXXVI.

Lapidis Heraclyi Autor, & ejus mira vis.

Lapidem Magnetem, quem Sideritum alii, alii Heracleon vocant, Magnes pastor in Idâ reperit. Invenisse autem fertur, clavis crepidarum & baculi cuspide hærentibus, cum armenta pasceret. (a) Quem lapidem novimus mirabilem esse ferri raptorem, quod cum primùm vidi, vehementer inhorui. Quippe cernebam à lapide, ferreum anulum raptum atque suspensum: deinde tanquam ferro, quod rapuerat, vim dedisset suam, communemque fecisset, idem annulus admotus est alteri, eumque suspendit: atque ut ille prior lapidi, sic alter annulus priori annulo cohærebat. Accessit eodem modo tertius, accessit & quartus. Jamque sibi per mutua connexis circulis, non implicatorum intrinsecus, sed extrinsecus adhærentium, quasi catena pependerit annulorum. Quis istam vim lapidis non stupeat, quæ illi non solum inerat, verùm etiam per tot suspensa transibat, & invisibilibus ea vinculis subligabat? sed multò est mirabilius, quod à Fratre, & Coepiscopo meo Severo Milevitano, de isto lapide comperi. Se ipsum namque vidisse narravit, quem admodum Bathanarius quondam Comes Africæ,
cum

cum apud eum convivaretur Episcopus, eundem protulerit lapidem & tenuerit sub argento, ferrumque super argentum posuerit: deinde sicut subter movebat manum, quâ lapidem tenebat, ita ferrum desuper movebatur, atque argento medio, nihilque patiente, concitatissimo cursu ac recurso, infra lapis ab homine, supra ferrum rapiebatur à lapide (b)

a) *Plin. l. 36. c. 16.* b) *Augustin. de Civit. Dei. l. 21. c. 4.*

LXXVII.

Hernia Medicina ex Magnete.

Chirurgus quidam fide dignus narravit, multos à se herniâ hâc arte curatos pueros. Magnetem in tenuissimum pollinem redigebat & in polenta exhibebat: inde verò inguen, quâ præcipitabatur intestinum molle inungebat, & subtili ferri limaturâ aspergebat, parte de cætero fasciâ & subligaculo, ut decet, constrictâ. Remedii illius efficacia ex eo pendere videtur, quod Magnes insitâ à naturâ ferri, quod inguini aspersum est attrahendi cupiditate, impetu quodam violento, carnosas & adiposas particulas interjectas sibi adjungit: quæ peritonæi laxitatem undique comprimentes & constringentes, imò ex successu temporis hæsu tenaci ipsi se adjungentes, viam lapsuro intestino, vel omentò intercipiunt: quod non magis à ratione abhorrens videri debet, quàm quod intuemur ipsum magnetem per interjecti tabulati crassitiem, ferrum post se hâc illâc distrahere.

Paracels. 7. Chirurg. c. 15.

LXXVIII.

Ferri ad Magnetem motus admirandus.

Hoc omnem superat admirationem, ut non tantum

tum admirari queas, quantum deceat, quod vis illa in Magnete trahendi pellendi que nullis cancellis concludi, nullo obice præpediri, aut refrenari potest, quin invisibilis penetret, & objectos lapides cognatos moveat, agiter que & suas vires ostendat, ac si nullo intermedio vetaretur: sed intra orbem suæ virtutis. Nempe si supra tabulam ligneam, lapideam, metallicam que pensiles lapides accommodaveris, vel in æquilibrio constitutos, & sub tabulâ Magnetem agitaris: virtutis effluvium ex hujus corpore proruens, quasi spiritu quodam per concretum solidum que tabulæ corpus profiliens, lapidem supra eam mover, agitat que ad ejus motum, hoc movente movetur ille, & hoc quiescente, quiescit.

l. Baptista Port. l. 7. Mag. natur. c. 16.

LXXIX.

Calcanthi etymon: genera & probatio ex Veneris & Martis connubio.

Calcanthum seu atramentum sutorium in genere, cujuscumque sit coloris, sic dictum, quod aliàs album, aliàs colore pellucidum, vitreo, vel viridi, aut cœruleo colore præditum, vitriolum, aliàs flavo Misus, aliàs rubro Chalcitis appellatur. (a) Deterget propter partes nitrosas, propter caliditatem & tenuitatem discutit. (b) Vitriolorum autem genera multa sunt. Anglicum & Germanum, non usquequaque probabile, optimum est Romanum & Ungaricum. Ut autem bonitatis fiat periculum, admoveatur aut affricetur cultro: si suo tactu, cultrum rubro colore, hoc est, cupreo inficiat, laudatissimum ac optimum habebitur. Constat enim in occultis suis visceribus Ve-

nerem

nerem (cuprum) inclusum continere: cujus contactu Mars (ferrum) statim amplectitur, usque adeo magnum est, inter utrumque metallum sympathia & consensus. (c)

a) *Plat. de vit. p. 719. Libav. Tom. 3. sing. l. 5. c. 22. p. 624.* b) *Capovacc. l. 1. Pract. c. 5.* c) *Querretan. de cap. aff. c. 304.*

LXXX.

Ferri & Cupri sympathia.

Ferrum cupro, & cuprum ferro tam amicum est, ut simul juncta confestim sese mutuo complectantur, cum omne ferrum, mediante vitriolo, facili negotio in æs transeat, atque hæc quidem duo metalla indissolubili quodam amoris ac affinitatis vinculo sunt inter se connexa, nullo unquam dissidio separanda, quam quidem Sympathiam Poëtæ, suis fabulamentis involutam, occultè significarunt, eam sub Martis ac Veneris amoribus comprehendentes, & quia Mars, seu ferrum cuprefactum propriam suam naturam, non ampliùs retrocedendo induit, significatum voluit, Martis, licet bellicosi magnanimitatem, venustati Veneris cessione, Veneris blandimentis Martis austeritatem longè superantibus.

Munderer de vitr. c. 1.

LXXXI.

Vitriolum album ophtalmicum.

Vitrioli albi porciuncula dissolvatur in aqua communi, vel rosatum, vel aliâ appropriatâ, eâ quantitate, quem oculus ferre possit, oculisque indatur, quo felicissimè uti possimus in pruritu, calore & rubore oculorum, in Epiphorâ, ob quem illius infi-

infignem usum Germani Augstein illud vocant, unde & nonnihil adhuc inflammatis oculis aliqui id adhibent.

Plater. de dol. p. 313.

LXXXII.

Olei vitrioli parandi modus, ejus menstruum incrementum & decrementum.

Post calcinationem vitriolum redigo in pulverem, ex quo effulâ aquâ, facio lixivium, decoquo rursus ad spissitudinem & in pulverem redigo. Ex hoc oleum elicere soleo, cui vinum affundo, idque per balneum detraho, & rursus bis aquam, quam itidem detraho, ita ut nulla aquositas permaneat. (a) Plenilunio intumescit, in Novilunio detumescit, sive concepto aëre & imbibito à suo sale, sive Lunâ ipsâ instante & agitante humidum. (b)

a) *Craseo consil. 75. Alios parandi modos vide apud Li-
bav. l. 2. alch. tract. 2. c. 16. Minder. de vitr. c. 9. Heurn.
l. 1. M. p. 74. b) Zwinger. Physiol. l. 2. c. 50.*

LXXXIII.

Olei vitrioli usus in Medicina controversus, & limitatus.

De vitrioli oleo multi multa. Quidam illud vituperant, quia verum illius usum ignorant. Qui verò eo uti sciunt, feliciter in magnis morbis, non tamen omnibus, adhibent. (a) Riolanus usum vitrioli viris doctis non probari tradit: (b) 1. quia acida nervis & nervosis partibus sint infensa. 2. quia, cum sit tam causticum, ut vitrum, in quo asservatur, exeat, non possit febrientibus turò dari, quibus vinum, quantumvis dilutum, denegatur. Sed absit tale oleum.

oleum, (c) quod igneâ suâ acrimoniâ, vel vestes corrodere posset. Spiritum desiderant Medici, qui omnis sensibilis corrosionis & tardæ austeritatis est expers, qui odoris violæ suavitatem, aliquot in igne distillationibus & circulationibus acquisivit, qui ad illam dulcis aciditatis gratiam adductus est, ut ab omnibus tuto & jucundè sumi possit.

a) *Crato conf. 75.* b) *contra Battol. Quere. c. 11.* c) *Reisn. in pref. de prob. urin.*

LXXXIV.

Olei vitrioli facultates memorabiles, intus & extra limitati.

Oleum vitreoli, eâdem vi, quâ Camphora, propter partium tenuitatem, præditum est, & cum refrigerantibus datum, refrigerat, cum calefacientibus eorum calorem auget, atque universi corporis substantiam minori noxâ, quam Camphora. (quæ humido radicali inimica est) permeat. In jussculo carniû, vel gallinarum, sumtum ad guttam I. stomachum roborat, extenuat humores pituitosos atque consumit, omnesque vias viscerum aperit, infarctusque renum exigit, putredinem inhibet & humidiora corpora plurimùm adjuvat, sed siccloribus temperaturis raro, & non nisi necessitate aliquâ urgente, exhibendum. Nam, autor est Rhases, (a) quod in tabem præcipitat, tanta vis tussis siccæ inde nascitur, quod usu evenisse memini. Pueris, cum aquâ graminis ad vermes guttulæ exhibentur, in malignis febribus, miscetur unciiis quatuor Juris pulli, in quo herbæ cordi dicatæ coxere, cum syr. citreorum. (b) Maguetica quædam virtus est, delitescens,

in

in acido vitrioli spiritu metallico, qui ad energiam aut activitatem, simplicitatemque elementariz naturæ propius accedens, suâ eâ virtute magneticâ, vim habet attrahendi, evincendi que acidis illos melancholicos, ac vitriolicos animalis spiritus, qui Epilepsiz authores sunt & Artifices. (e) Pectoris vitilis inimicum, (a) nî probè rectificatum sit & circulatum eousque, donec violæ odorem referat, omnisque rosionis sit expertus, tunc enim insigne evadit thoracicum, miscetur cum oximelle, vel alio serapio, ut cum tenuium admodum sit partium, diutius ore inhaereat, quo majori copiâ in pulmones extillet: melli rosato commistum, ita ut ad unciam unam, gutta j. vel ij. olei adjiciantur, plurimum in ulceribus oris & gingivarum prodest. (e) Cum bombace intincto admotum venæ, egregiè eam constringit, & non nihil urit; quæ si profundè lateat, eousque intrudi debet, ut & in dentis evulsi spacium. (f) Dentis enim à putredine conservat, & dealbat, si cum aquâ miscatur, cum puræ & integræ carni sit innoxium, & corruptam saltem tollat, sic etiam ossium putredini insigniter resistit. (g) Si gutta j. vel ij. apponatur, abscessum rumpit; aquâ dissolutum siccando validè cicatricem inducit. (b)

a) ad Reg. Almân. c. 47. b) Heurn. l. 1. M. p. 74. de cap. aff. c. 5. Crato cons. 27. 72. 75. Scholiz. op. 146. 166. Unz. de neph. l. 2. p. 203. c) Quere. in tetrad. c. 36. p. 366. Unz. de Epileps. l. 2. p. 219. d) Minderer de visr. p. 71. 72. & 106. e) Reissn. de prob. urin. p. 21. h) Plat. de vis. p. 719. de dol. p. 341. 959.

LXXXV.

Spiritus vitrioli & olei tartari mira antipathia.

Rerum sæpè occultus dissensus est, nec homini notus, sed talis, qui effectum optatum impediat, & prohibeat, quem utraque res seorsim usurpata produxisset. Quid non capit, spiritus vitrioli, & spiritus tartari antipathiam perpendat, uterque enim illorum acidissimus & acutissimus est. Si misceas, utriusque acrimonia perit, & liquor redditur insipidus.

Ans. Boëth. l. 2. de lap. p. 133.

LXXXVI.

Nitrum & vitriolum aqua fortis amula.

Nitrum & vitriolum simul juncta aquam fortem solvendo argento destinatam confestim repræsentant, proinde Naturas rerum observare oportet, ut quæ sibi commendent & convenient, & quæ ex iis resultent, peritus artifex resciat.

Minder. de vitr. c. 9. L. Thurn. de aq. l. 9. c. 10.

LXXXVII.

Auri ardentis admiranda vis & motus perpendicularis.

Aurum ardens plenum est spiritu, tantæ subtilitatis & activitatis, ut pauca quædam ejus grana, dum solo motu, vel radiorum solarium ejaculatione flammam conceperint, instar explosi sclopeti, maximæ naturæ mysterio, perpendiculariter centrū versus ferantur, ut mensam ligneam valeant transverberare. (a) Scrupulus enim unicus istius auri potentius ferè operatur, quàm libra dimidia pulveris tormentarii. (b)

a) Quo

a) *Quereet. in pest. alex. l. 1. c. 6.* b) *Sennertus de cons. Gal. & Chym. c. 18. p. 667.*

LXXXVIII.

Auripotabilis & foliati vis in corpore nulla.

Aurum potabile, sitale reddi possit, nullam habet vim nos alendi, quia inter Aurum solidum aut potabile nihil interest, præter concretionem, fusionem. Homo nec purioribus Elementis vivere possit, tantum abest, ut destillatis inanimatarum rerum vivat, alaturve. (a) In Auro foliato, & ramenti bibitur & devoratur Aurum, Aurum excernitur (b) Ventriculo quin etiam negotium facessit. (c)

a) *Hern. com. l. 1. aph. 14.* b) *Scholiz. ep. 150.* c) *lac. Holler. l. 1. de morb. intern. c. 41.*

LXXXIX.

Auri arte facti historia.

Edoardus Kellejus Anglus, Praga in ædibus Thadæi Hagecii libram unam argenti vivi, unica guttula liquoris rubicundissimi in Aurum convertit, & ita quidem, ut adhuc videre sit signum illius liquoris supra Mercurium in aurum conversum, instar rubini hærentis, ut ex illo residuo tantundem auri fieri possit. Et pulvis ille, quo tingeat metalla, nobilis ille Scotus, tantarum erat virium, ut uno grano 5000. grana tingeret, & uno grano 10. circiter auri puri uncias produceret.

Sennert. de cons. Gal. & Chym. c. 2.

XC.

Auri & argenti vivi mira connexio.

Si ab hydrargyri usu tremor partium fiat, Theriacam exhibent, vel cordialia Medicamenta, quibus

Q 2

Auri

Auri limaturam permiscant, cum aurum tantam infinitatem cum argento vivo habere dicant, ut si in corpore sit, aurumque propinetur, illud adeò secum trahat, ut postea per secessum excretum purum in excrementis adhærere deprehendatur: quam ipsorum connexionem ex eo, quod in deauratione, Aurum non metallo, nisi interveniente argento vivo, adglutinari possit, desumpserunt. (a) Neque enim argentum auro obduci incrustarique potest, nisi argenti vivi ministerio, quo uno obsequiosum sit, ac tractabile. nam cum omnia metalla respuat, solo auro afficitur, eoque se commiscet, fingique patitur. (b) Fertur quidem in fumum halituosum Mercurius super ignem, sed non propterea ejus partes essentielles, ex quibus constat, igni ullo elementari destruuntur aut dissipantur: nam ille spirituosus vapor, vase idoneo receptus, diligentérque inibi, ne egrediatur custoditus, in priorem argenti vivi speciem paulò post redibit iterum, absque ullâ diminutione vel detractioe pristini ponderis. (c) Id quoque admiratione dignum, quod ex morbo gallico inunctus, si aureum annulum in ore gestet, ac dentibus linguâque hinc inde volutet, argentum vivum, quod corpori ex unctione innatat, in annulum devolvi, sic ut totus argenteus eximatur, ac nonnisi igni admotus pristino nitore restitatur. (d)

a) Plat. l. 2. de l. f. c. 3. b. d.) Lemn. l. 2. de occulis. nat. mir. c. 35. & 52. c) Vnz. de mer. c. 3.

XCI.

Mercurij perpetua mobilitas.

Jure miretur quispiam, quâ fieri possit, ut Argentum

tum

rum vivum, maximâ partium tenuitate polleat, nihilque crassi lentiq̃ue obrinens, quò voluti visco ac glutine terrenæ ejus partes inter se junctæ cohareant, perpetuâ mobilitate vigeat ac valeat? Respondemus, cum argentum vivum constet ex parte terrenâ optimè excoctâ, ex aëre & spiritibus, qui ex mixtione adeò sunt conclusi, ut non possint exire, & quia aër & spiritus conclusi, semper quærunt exitum & moventur, hinc est, quod argentum vivum semper moveatur, quia multi spiritus & aër colligatus est à parte terrenâ, qui ut inveniat exitum, sese movet, cujus naturæ cum existat, potest attenuare dura & emollire, potest etiam dissipare & exsiccare.

Mercur. l. 4. Praef. c. 6.

XCII.

Argentum vivum, cur in planitiem fusum, non humectet.

Quod proponunt fusum hydrargyrum, planitiem nullo madore colluere, idem quoque in aquæ guttulis, sese in orbem cogentis, propter ὁμοιομεσίαν observare est: quam tamen hoc uno argumento, nemo ab humidis secreverit, contra veterum auctoritatem. Itaq; si nullo madore imbuît hydrargyrum, id efficit, non siccitas, humiditatem continens ac contemperans, sed partim naturæ quædam proprietas, qua se in sphericam figuram perpetuò comprimit, atque convolvit, partim excrementitia quædam plumbago illum ambiens, quâ adhærescere prohibetur. (a) Unde Paracellus, Mercurium non immeritò, Aquam nec manus, nec ullum aliud, quod tangit, madefacientem vocavit. (b) Multa etiam, crede mihi,

hi, deprehendes in rerum naturâ, si singula diligenter observes, in quibus occurrere humani ingenii solertiam sit necesse, & in quibus principia Theoriæ imbecilla atque infirma esse, annotamus. (c)

a. c.) l. Palm. constant. de morb. contag. l. 3. c. 4. b) de gener. miner. c. 19.

XCIII.

Argentiviui vena, quibus indiciis observentur.

Ex montibus, ex quibus argentum, Aurum & horum parens hydrargyrum scatent, uberrimi scaturiunt fontes, & herbofo cespite virent. Nam qui solerti industriâ horum venas scrutantur, mane mensis Maij sereno, nebulas in vertice montium emergentes, ac instar lanæ, vel cotti gossipij, supra cespitem pendulas, velut fontium ac metallorum radices, deditâ operâ, observant, ibique argentiviui venas subesse conjiciunt, quandoquidem aquarum scaturigines, per metallorum venas, ac præcipuè in Alpibus emergunt.

Virruv. l. 8. c. 3. Lang. l. 1. ep. 43.

XCIV.

Gallici ab hydrargyro Epileptici.

Quibusdam, cum in lue venereâ inunguntur hydrargyro, quid in aurem incidit, quo tracto in cerebrum, Epileptici evadunt: nam ejus etiam vapor dissipat spiritus animales: videntur ut stannum & plumbum in pulverem comminuat, si his mixtum incandescat foco?

Heurn. de cap. aff. c. 23.

XCV.

XCV.

Exempla saltuum mirabilia. Naturale, Pyritidis Indici.

Nuper ex India, quidam meus familiaris, lapillum mirè luminosum deportavit (ajebat insuper hujus vim esse, ad plurima tùm utilem, tùm summè necessariam) qui totus quasi incensus admirabili lucis splendore fulget, jactisque radiis ambientem aërem quoquo versus implet. Isterræ impatiens, suo pte ipse impetu confestim in sublime evolat. Neq; verò angustè haberi potest, sed amplo liberòque loco tenendus. Summa in eo puritas, summus nitor, nulla forde aut labe inquinatus, figuræ species certa nulla, sed inconstans & momento mutabilis. Quumque sit aspectu longè pulcherrimus, sese tamen contrectari non sinit, & si diutius adnitaris feriet acriter: si quid illi demitur, nihilo fit minor.

Fernel. l. 2. de abd. rer. caus. c. 17.

XCVL.

Alia artificialia. 1. Annuli supra carbones calefacti. 2. panis in furno.

Præstigiatores solent recondere argentum vivum in annulo vel aureo vel argenteo, deinde ponunt supra carbones & calefaciunt, quo calore agitatam argentum vivum movetur, movetque annulum, & facit ipsum saltare, per spacium quartæ partis horæ, ut videatur habere animam, quod fit maximâ cum admiratione vulgarium. (4) 2. Sic si pani in clibanum mittendo inserueris nucem, argento vivo, sulphure & nitro oppletam ac diligenter clausam, ubi incalue-

rit, videbis panem ita salire, ut jucundum ac plausibile spectaculum præsentibus omnibus exhibeat. (b)

a) Fallop. de fossil. c. 37. de venen. c. 76. b) Unzer. de Mere. c. 1.

XCVII.

3. Pisorum ex ollâ. 4. ovorum ad ignem.

Eodem modo qui voluerit jucundo spectaculo ex ollis ferventibus pisa excludere, Argentum vivum immittat, & videbit rem pulchram, nisi nimia ollæ altitudo, vel ignis remissior obstiterit. Non absimili ratione, si ovis in alterutra extremitate perforatis, pauxillum Mercurii indideris, eaque ocluso iterum foramine, glutine aliquo conveniente, igni postea apposueris, miros illorum videbis saltus, quos ignari hujus artis, seu doli, apprimè admiraturi, pro magico incantamento habebunt,

Unzer. l. c.

XCVIII.

Gypsum scabiei medicamen cosmeticum.

In aquâ communi, vel alia sicciore, ut ferrata, si gypsum ustum dissolvatur, eaque manus aut alix partes scabiosæ frequenter abluantur, scabies faciliè omnis sanatur: habet enim præter exsiccationem, vim quandam leniendi, unde & manus, minimè asperas, uti calx, sed molles & nitidas, sicuti in operariis, qui gypsum manibus cum aqua miscent, & tractant ad incrustandos parietes, videmus, reddit.

Plater. de dol. s. 17. p. 379. Brendel. Conf. 113.

XCIX.

XCIX.

Chrystallus vertiginis hostis.

Chrystallum appensum plurimum valere in vertigine censent, atque ex poculo inde parato, ejusdem utilitatis gratiâ bibunt, vel poculis Chrystallum immergunt.

Plater. l. 1. de l. f. p. 246.

C.

Saphirus anthraci & oculis ad variolas utilissimus.

Saphirum Gemmam carboni circumductum, & postea super carbonem ligatum aliquandiu, valde prodesse aliqui asseverant (a) Saphirum oculis prodesse scio, & admotum oculis puerorum, qui variolis & morbillis laborant, ne ab illis infestentur, facere. (b) Quem & nos, efficacem experti sumus, Anno 1612. in variolis, immaniter hîc sævientibus,

a) *Plat. de dol. p. 253.* b) *Scholtz. ep. 160.*





CENTVRIÆ V.

Particula I.

*Σοφία & φιλοσοφία, quanto discrimine
distant.*

COgnatæ sunt voces σοφία & φιλοσοφία: Illa antiquior, hæc recentior: (a) Σοφία autem dicitur, quasi σοφεία i. perspicua notitia, quæ causas rerum complectitur; (b) siquidem scire is demum dicitur, qui rei causas tam efficientes, tum finales novit. (c) σοφός verò q. σοφείς, id est, qui non nudè tantum novit rei effectum, sed etiam causam, in quo sapiens differt à rustico & plebeio. Poterat ergo Philolophiæ vocabulum esse simplex, ita ut φίλ & omitteretur, sed Pythagoræ (qui circa Annum mundi 3420. vixit) modestia fecit compositam vocem. Sed major fuisset Pythagoræ modestia, si artì nomen suum reliquisset, σοφίαν dixisset, licet quis propter imbecillitatem ingenii perfectè sapiens esse nequeat. Omnes enim possumus esse Philosophi, id est, amatores sapientiæ, & rustici & plebei: Verum non omnes possumus esse σοφοί, sapientes & indagatores causarum in rebus, (d) verum, cum vox hæc (σοφία) & per se arrogantior videretur, multiq̃ue nulla vera sapientia instructi, quæstus vel honorum causa sapientiam jactarent, seque σοφούς & σοφιστάς appellarent: Pythagoras, ut & arrogantiam nominis vitaret (solus enim Deus verè sapiens) & se ab his, qui nomine tenus saltem σοφοί erant,

erant, sejungeret, veramque sapientiam, rem minimè vulgarem, nec cuivis obviam esse moneret, primus hoc nomen mutavit, & non σοφὸς sed φιλόσοφος appellari voluit. (e) Arrisit hæc modesti vocabuli novitas ita omnium sectarum viris doctis, ut communi consensu se φιλοσόφους quàm σοφὸς appellare maluerint. (f)

a. f.) Sennert. l. 1. c. 1. epit. scient. natur. b. d) Kerkermann. cap. 1. præcog. phil. c) Aristot. l. 1. post. anal. cap. 2. e) Cic. lib. 5. Tuscul. quæst. Plutarch. l. 3. de plac. c. 3.

II.

Philosophorum speculatio manifesto insomnio similis.

Scis, cui maximè simile arbitrer Philosophi spectaculum? insomnio nimirum manifesto, liquido ac volitanti undequaque; cujus integro corpore manente, in tetram tamen universam excurrat animus, e terra in cælum efferatur, universum transmittat mare, aërem pervolitet totum, cum sole terram ambiat, cum Luna circumferatur, cæterorumque astrorum jungatur choro, &c. O peregrinationem beatam? O spectacula pulchra? O insomnia verissima.

Cal. Rhodig. antiq. lect. l. 7. c. 30.

III.

Somni generatio graphicè descripta.

Composito ad quietem Animali, Anima virium quendam languorem, ex diurnis sensuum operationibus, spirituumque dissipatione & vivifici solis Luminis

nis absentia percipiens, refectionem quandam & instaurationem virium, spirituumque, salutis animalis gratia, meditatur. Et quia animales spiritus originem habent ex vitalibus, ut vitales prius instaurentur, cor ad se aliquid caloris, qui in exteriores partes sparsus est, colligit & revocat. Hinc extrema membra, & præcipue cerebrum frigidius non nihil evadit, quo etiam nocturni aeris frigiditas, & motus, atque agitationum corporis, quæ caloris causa sunt, cessatio conspirat; Calor verò circa cor & vicina membra augetur; calor auctus ex alimento spaves quosdam vapores excitat, qui ad cerebrum delati, ejus frigiditate non nihil condensantur, & rursus descendere incipiunt, nervorumque radicibus illapsi, eorum meatus replent & obstruunt, & in causa sunt, ne & spiritus vitales, calorque ex inferioribus in cerebrum influere possint, nec spiritus animales ad organa sensuum distribuunt: denegatis spiritibus membra concidunt, omnesque sensuum externorum operationes cessant.

Sennert. l. 7. epit. sci. nat. c. 9.

IV.

*Puerpera obitus, infante superflite, somnio
servi de ovo, abjecto cortice,
præfiguratur.*

Somniavit Servus quidam, ovum sibi ab Hero, sed coctum tradi: quod ille sic accepit, ut nucleo uteretur, putamen abjiceret. Quid factum? prægnans Hæta erat, & mox Filium enixa à puerperio periit. Servus igitur infanti nutricius datur, qui cum demum intellexit, mulieris gravidæ imaginem ovum esse, cocto

ma-

imaturitatem foetus designari, maternum corpus vita destitutum pro putamine habitum. Sanè educandus infans non poterat, nisi absolutissimo nutrimenti simulachro, id est, ovo representari.

V.

Somnium Studiosi de ovo, aureum & argenteum.

Addam, quid Amico cuidam meo & sodali olim studiorum contigerit: is cum Pataviiageret & domo subsidia nummorum exspectaret: visus sibi à tabellario ovum accipere, mox frangere, & nucleo toto corpus perungere, verum profectò somnium fuit. Etenim paulò post transmissa pecunia est, quæ partim aureis, partim argenteis constabat nummis, atque hoc candidum luteumque ovi erat. Sed quid? Vix nummos acceperat, & in gravissimum morbum incidit, quo omne illud aurum argentumque consumtum est, id enim erat corpus inungere.

Erys. Putean. de ovo p. 99. & 101.

Plura de Somno & Somniis vide sent. 2. memorab. parts 81. & seqq.

VI.

Lazarus vitrivorus gustu carens.

Quod admiratione me affecit, fuit inspectio Lazari, vitrivoracis vulgo dicti, quem Patritii omnes Veneti, imò Veneti omnes, omnes Ferrarienses de facie noverant. Hic nullo prorsus gustu, dum viveret, præditus erat, nullam in edendo voluptatem, nihil injucundum præsentiebat: Insipida, amara, dulcia, pingua, falsa, acria, non distinguebat. Vitrum,

saxa, lapides, ligna, viva animalia, carbones, pisces & vivario extractos adhuc salientes vorabat. Vorabat lutum, lincos lancosque pannos, fenum, stipulum, & ut brevi omnia complectar, quicquid homines, quicquid animantia vorant, quicquid illi edendum, seu deglutendum potius offerebatur; mercede proposita, dictum ac factum ingurgitabat. Testis est inter reliquos Martinus Aromatarius Patavii ad Angeli insignie, cui sacculum carbonum refertum, & saccum insuper devoravit, quô visô persolvit, quod pollicitus fuerat, comminatus ne ad Pharmacopolium amplius accederet. Veritus ne secum taberna & vasis esitaret. Cum igitur hoc Naturæ monstrum mihi disseccandum esset Patavii, capî hujusce rei diligenter, quoad ejus fieri potuit causam venari, quam me tandem, Deo Duce, ex particulari illius structurâ assecutum esse confido. Nam quarta nervorum conjugatio, quæ gustus gratiâ in aliis hominibus à Natura producta est, in hoc Lazaro vittrivorace neque ad palatum, neq; ad linguam reptabat. Sed ad occipitium reflectebatur.

Columb. Anat. l. 15. p. 486.

VII.

Mulieres cur viris loquaciores.

Caro linguæ mollis est & flexilis, vocis formandæ & articulandæ causâ, cujus & ipsius gratia, latior est lingua. Unde experienciâ constat, non tantum Aves quibus lingua est mollior & latior, acutius & rectius canere: Sed etiam Homines, & inprimis Fœminas, quibus lingua est mollior, esse loquaciores & voces etiam articulatus proferre, quam Mares, nempe propter

pter flexibilitatem linguæ à mollicie illius profectam.

Brebis disp. 6. somat. tb. 11.

VIII.

Serpentes & Urse Fœminas quàm viros citiùs insectantur & necant.

Serpentes, tametsi totum hominum genus pessimè oderunt, Fœminas tamen potius insectantur, quàm Mares, & sapiùs morfu necant: quod in scorpionibus, quorum copia major est facile animadvertitur, quia puncturâ Fœminas brevi necant, nisi medeatur. Quia Serpentium genus versutissimum intelligit Fœminas Maribus esse imbecilliores, quæ & facilius violari & difficilius obistere possint. An quia capitalis est inter serpentem & Mulierem antipathia, ut S. literis (a) docemur: id enim ex eo maximè perspicitur, quodd etiam in turba frequentissima virorum, Serpens unius Mulieris, etiamsi sola fuerit, calcibus insidiari consuevit.

Illud quoque admirabile est, quod Urse prægnantem mulierem, non solum uteri gravitate notam, sed eam etiam, quæ pridie conceperit, solam ex omni turbâ insectatur: id autem experientia sapissimè comprobari solet, ubi Ursorum Venatio publicè exhibetur, ut in Anglia sæpè vidimus. (b)

a) *Genes. c. 3. v. 15.* b) *Bodin. lib. 3. theat. nat. p. 316. 350. s. 406.*

IX.

Cerva cornigera Regi Galliarum augurium uxorium.

Cùm cervam cornigeram Ludovicus XII. Dux Gal-

Gallorum in venatione cepisset, ejus figuram in porticu Blesensi collocari jussit: augures palatini malum optimoparenti auguriū denuntiaverunt, quod duxisset Annam Britannicam, altioris spiritus fœminam, quàm ut imperia mariti ferre posset: Cumque illa miraretur cervam cornigeram, Rex urbanè reposuit, initio quidem cervas omnes cornigeras extitisse, sed quod illis abuterentur, ab Opifice cornua detracta fuisse.

Bodin. l. 3. theat. nat. p. 358.

X.

Caput, quod nostri, primum in partu initium capiat, dictum.

Caput dictum, quod inde corpus aut Homo initium capiat. Dubitas? parturiginem intueri, videbis capite primum excludi corpus. Postremo sequi cum cruribus pedes, naturalis si sit parturitio. (a) Inde namque nata olim, quàm & hodiè sequimur, consuetudo, defunctos pedibus primum efferendi. (b) eò respiciet Persius (c)

— tandemq; beatulus alio
Compositus lecto, crassiq; lusatus amomio
in portam rigidas calces extendit —

A Capite itaque initium capiat Homo, nec abs re, cum capite illud contineatur viscus, nominis dignitatem Homini quod tribuit, cerebrum inquam, Rationis author. (d) Quid enim sine capite est homo? Jacet me hercle sine nomine, sine honore, quasi truncus ignobilis. Sola Principum capita, auro, ære vel marmore sculpta in precio sunt; per caput jurabant veteres, capitis nutu pacta confirmabant. (e)

a. d.)

a. d.) P. Pavv. part. 1. osteol. c. 6. b) Plin. l. 7. c. 8. c) Satyr. 3. c.) Laurent. l. 4. anat. c. 8.

XI.

*De vertice humano & ejus officulo, variatio-
natu digna.*

Vertex est inter frontem ac occiput locus medius; à vertendo (capilli namque hoc loco in gyrum se vertunt) sic dictus, indeque $\delta\omicron\pi\acute{\iota}\ \&\ \mu\lambda\acute{\epsilon}\nu\ \pi\acute{\omicron}\lambda\omicron\upsilon\upsilon$ vocarunt Græci. Est in primùm natis apertus, seu osse vacuus hic locus: palpitantem ostendens verticem, apertusque aliquamdiu manens, inde natum, quod frontem capitis hunc vocent locum obstetrices. $\beta\epsilon\acute{\epsilon}\gamma\mu\alpha$ dicitur, $\delta\omicron\pi\acute{\iota}\ \&\ \beta\epsilon\acute{\epsilon}\chi\epsilon\alpha\delta\gamma$ à mollitie. Officulum, quò hanc hiaturam postmodum claudit Natura, reliquis ossibus capitis nunquam similem postmodum induit crassitudinem, nec soliditatem, lumini objectam si intuearis calvam, transparentem hunc ut plurimum cernes locum, hæcque causa, quòd Medici periti, huic loco apprimi cauteria, ad catharri in pulmonem ruentis cohibendam ferociam consulant; in hunc fieri perfusiones, irrigationes, inunctiones, & quicquid denique est topicorum, quæ subjectum exigit cerebrum, utpote eorū efficaciam per ossis hujus tenuitatem facilius se trajiciente. Non desunt hujus auctores, qui officulum hoc in pollinem conversum, in Epilepsiâ singulariter commendent. Hic is locus, quem singulari notat studio Hippocrates (a) asseverans, nullum in toto capite locum periculosè aded, uti huncce ladi. Etenim infirmum hoc officulum à levi causa pertunditur facilè, nec hoc solum, verum insuper & eâ de causâ, quòd perpendicularis cerebro,

imò universo corpori hic cùm sit locus, omnes eum ferientes ictus rectilinei sint, ac in se recurrentes: unde major longè cerebri concussio, commotio ac perturbatio: recurrens namque in se ictuum vis, maiore vdat effectum. Pilam vide, quam rectâ lineâ terræ si allidas, altius resiliet, quàm obliquus si fuerit ictus. Solares idem docent radii, qui quod æstare efficacius agant, quis causam nocit aliam, quàm rectilinei magis tùm quod sint, eorum vis in se recurrat efficacius: idem hic fit, adeò ut præ illâ commotione interioribus cerebri vasculis non rarò disruptis, effusus sanguis mortem adferat. (b)

a) de un. n. cap. b) P. Paavv. part. 1. ost. c. 7. vide cent. 2. memor. part. 42.

XII.

Cerebri humani moles & pondus unde.

Homo cæterorum animalium (a) comparatione cerebri plurimum habet: Ita ut unius hominis cerebrum duorum Boum quantitate superet, 1. ob animalium functionum varietatem & perfectionem cæteris animantibus denegatam: nam cùm rationis instrumentum esse debuerit, ut magnam spirituum copiam & elaboraret & caperet, necesse fuit: ac multus spiritus, non nisi à copioso sanguine generari potest, copiosus autem sanguis in parvo corpore contineri non potest. Dein, ne spiritus animales ob insignem tenuitatem evanescant, sed per proprios ductus in omne corpus ducantur, magna, humida, densa ac glutinosa cerebri moles requirebatur. Verùm illius magnitudo longitudine, latitudine & altitudine tanta est, quanta est calvæ capacitas, ita ut longitudine

dine palmū æquet, in latitudine verò & altitudine minor existit. Ipsā verò scutellā, seu cavitatem (a) antè, retrò, in occipitio & à lateribus cū suis mēbranis, glandulā pituitariā & vāsis ascendētibz implet, spacio ad ipsius naturalem motum, diastolen scilicet ac systolem, tantūm relicto. Tantā molis est, ut aliquando in publicā Anatōme ponderanti, libras 4. & aliquando 5. æquare apparuerit: majorum enim hominum cerebrum grandius & ponderosius est, quamvis & pueri, præ pondere cerebri, quod in ipsis humidissimum est, longo tempore (c) caput sustinere nequeant, quibus etiam caput prægrande est. In plenilunio præ humiditate ita cerebrum turgescit, ut totam calvariam impleat. (d)

a) *Aristot. l. 2. part. anim. c. 6. & 7.* b) *Id. l. 1. hist. anim. c. 7. 16.* c) *Id. de gen. anim. c. 6.* d) *Baughn, l. 3. 16. anat. c. 11. & 12.*

XIII.

Memoria encomia.

Antiqui ex tribus quas statuebant Musas in templo Delphico, Mnemen, id est, Memoriam, tanquam imaginatiois sacrarium & conceptaculum, maximam posuere. Etenim ruant ac solvantur omnia ingenii ornamenta, necesse est, nisi hæc memoriā in præsiidiis excubet: nam quibus hæc non arrisit benignā venā, hos perpetuis inscitiz latumiis damnavit Jupiter, hæc enim eruditionis *ταμῆον*: & oportet eum qui ad palæstram literariam tendit; potestate retinendi polle-
lere. Necessarium itaque vitæ bonum Memoria & thesaurus scientiæ ac lumen. Attamen res ex omnibus animi partibus maximè fragilis, in quam primum

senectus ineurrit, saepeque, ut Plinius inquit, tentat deficere, vel quieto corpore & valido, somnoque serpente amputatur, ut inanis mens quærat, ubi sit loci. Miranda aliqui hæc splendida homini insita vis memoriæ, quæ revocat atque exhibet vetusta, ac acta puerorum in digitos mittit, hesternorum sæpè oblitis. Quod quærit, altius se sæpè illatebrat & recondit; mox aliud agenti reddit se, atque postliminio ludens se offert. Hanc admirans Tullius, inquit, an sit Animus ignisvè, nescio, nec me pudet, ut istos, nescire, quod nesciam; quicquid sit, jurarem esse divinum. Augustinus dicit memoriæ esse animum: modo ventrem vocat animi, cujus aula sit ingens, & opido quàm admirabilis: modo memoriæ cavernas nuncupat, nunc antra, veletiam sius. Ita summus Deus variè in hominibus hanc potentiam micare voluit. In sensu enim princeps Deus simulachra insevit: princeps autem sensus in quibusdam mollior & dilutior habetur, in quibusdā rigidior: item aliis in motu est, aliis quiescit, ita simulachra in eo condita imitantur ejus conditionem: hinc illa memoriæ varietas.

XIV.

Admonitio ad memoriæ cultores.

Admonitione dignum puto, ad memoriæ stabilimentum mirum in modum facere studiorum moderationem. Nec illis credendum, qui studiis assiduò incumbendum putant, quòd omnia evolvenda sint, ut aliquando optima excerni possint. Addunt vitam brevem esse, infinitam inexhaustamque esse librorum segetem. Ita est, sed hi nos audere hortantur, quod
adi-

adipisci non possumus, quodq; assequi nemo potest, sequendum offerunt. Quis quæso, si Nestoris libros legat, tantum Auctorum cumulum legat, aut meminerit? Multum, non multa legenda, si memoriæ consulendum: alioqui quæ infarferis, quasi per vas Danaïdum effluunt: ne id fiat, meditatio remedio erit, consistit enim memoria in fidâ & stabili imaginum conservatione, quare assiduitas lectionis obest semper, nunquam prodest. Nam animi nostri promptuaria ita sunt expedita, ut alia pars excipiendis imaginibus, alia iudicio, alia reservandis iis, quæ recepta sunt, attribuatur. Quoties itaque tanta est imaginum frequentia, ut altera alteri occurreret, ut quasi unda undâ propellatur, tunc irritus omnis labor. Certè remissione studia acuuntur, ac vegetius ad remissa studia reditur. Vidistis? ut concertantes sæpè non modò adversarii viribus, sed suo pte conatu atterantur? hoc nimium studii inhiantibus evenire solet. Ego studiis immorandum, non immoriendum suadeo: rerum multitudine opprimitur memoria.

Heim. aff. cap. 6. 15. p. 167. & 178.

XV.

*Pueri tenaciorem cur habeant memoriam,
quàm Senes.*

Sciendum, duabus de causis, pueros quamvis humido sint cerebro, multorum rectius, quàm adultos meminisse. I. Causa est Novitas. Cùm enim novitas admirationem pariat; admiratio attentionem; attentio fidelem apprehensionem; fidelis apprehensio firmam memoriam: pueris autem, ut-

R ;

pore

pote rerum plerarumque imperitis, plurima, quæ vident, ac audiunt, nova accidunt, atque inde ea admittuntur, animumque iis attendant: fit, ut fideliter ea memoriae infigant, atque tenaciter retineant. Adulti verò, cum talia sæpiùs viderint, ea non multum curant, atque cum iis animum non attendant, fideliter etiam memoria non comprehendunt ac retinent. II. Causa est, quod pueri cogitationibus curisque vacant, mentemque minùs, quàm adulti distractam habent: unde etiam ea, quæ obveniunt, firmiùs apprehendunt & retinent.

Sennert. instit. l. 2. part. 3. sect. 2. c. 4. Leon. l. 2. Pract. sect. 1. c. 7. Horst. l. 2. de m. san. stud. c. 1.

XVI.

Panicus terror à Melancholia est, & quomodo.

Panici terrores sunt Melancholià, aut in toto corporis habitu, aut solis, sive in hypochondriis, sive in cerebri partibus exuperante, semper interim cerebri temperaturam naturalem pervertente, spiritus animales, quin &, atque rationalis Animæ sedem adeò tenebricosam & tetram efficiente, ut sicuti externis tenebris pueri terrentur, ipsa internis ipsa turbetur Animæ, (a) quæ enim causæ extra nos consistentes, timorem incutiant hominibus, illæ, si in nostro corpore fuerint, multò magis terrefaciunt. Neque verum est, quod obijciunt aliqui ex Averroë (b) Principem animam rationalem, ea, quæ in corpore sunt minimè videre, sed externa duntaxat objecta, hæcque unius solius oculi adminiculo, quomodo namque, si coloratarum rerum in corpore nostro delitescentium spe-

species, citra oculum Animæ representari nequeant, eidem Animæ ex abundantia bilis quidem, ignea, pituitæ aquea, sanguinis latissima, observari poterunt insomnia? (c) quomodo pura plethora in venis consistens, Animam, quā imò totum hominem exhilarare possit?

a) Gal. l. 2. de caus. sympt. c. 7. l. 3. id. l. aff. c. 7. b) l. 3. collig. c. 40. c) Hippocr. l. de insomn. Gal. de divin. ex insomn. Leon. prax. l. 1 f. 1. c. 8. d) Eman. Stupan. comm. in aph. p. 362.

XVII.

Jugulum vulneratum citò jugulat.

Στήθον (pectoris os) parte superiori, quā radicem sive initium tangit colli, ipso sui medio semilunatum ostendit sinum, quem utrinque claviculæ claudunt? hic peculiari voce σφάγην Græcis, ὡς ἡ σφάγις. Græcis, Latinis jugulum: sic dictum, quòd vulnera hîc incidentia certò jugulent, indeque scriptoribus jugulum petere, jugulare, jugulum præbere. (a) Virgil.

Hac loquitur, juguloq; hand in seius accipit onsem (b)

Quæ verò lethale adeò sit hoc loco hominem lædî, is facillè dicet, qui in Anatomicis versatus, sciet namque plura vasa hoc concurrere loco, quæ dissecta certam perniciem secum trahant, necesse est: oriuntur hîc muscoli mastoidei capitis, sterno hyoidei ossis hyoidis: hîc videre est sextæ conjugationis nervos; Animæ canalem Arteriam asperam dico; gulam; venas jugulares; carotides arterias; quibus resectis, ne

ipsa quidem si advolet Salus, nisi miraculum editura, salutem attulerit. (c)

a) P. Paavv. *officol. part. 3. c. 3. & 5. b) l. 10. AEn.*

XVIII.

Ex vulnere in collo, gustus & vocis amissio.

Non sine admiratione spectavi Gulielmum Aurastiorum Principem accepto in collo vulnere sensum gustus amisisse: & militem Gallum consimili vulnere mutum evasisse. Est enim nervus duplex à tertiâ conjugatione manans, qui in laryngibus inseritur: altero quidem ramo lingua sermoni apta redditur, altero sapor percipiuntur: hoc quidem resecto, gustus: illo, sermonis usus amittitur. Quod cum Aristoteles (a) non perspiceret, pro decreto posuit, nullum animal sine gustu vivere posse: At Princeps Aurastius amisso gustu tamdiu vixit, quoad occideretur: ac tametsi cibos, condimentis acribus, acidis, salis parari juberet, nihil tamen gustu percipiebat, ut quidem ab illo accepimus: minus quoque mirum est, gustum amisisse, sed amitti sermonem ab eo, qui audiat lingua integrâ, incredibile antea mihi videbatur, nisi experienciâ compertum haberemus, (b)

a) *lib. de hist. animal. l. de ani. & de sens. b) Bodin. theat. natur. l. 4. p. 460.*

XIX.

Pulsus arteria in unâ horâ quot.

In homine valente, robusto, & perfectæ ætatis, complexionis melancholicæ aut consenscente, ferè singulis secundis minutis existunt singuli pulsus arteria, nullo discrimine inter systolen & diastolen, id essent in uno minuto pulsus sexaginta: Sed rara est

tar-

tarditas; vulgariter numerantur 70. in cholericis
& fœminis 80. quatuor internâ secundâ: breviter
in unâ horâ quatuor millia plus minus.

Kepler. epis. Astr. l. 3. part. 3. p. 278.

XX.

*Cor anima prima radix & primum vivens, ab ovo,
cui gallina incubat, eruitur.*

Ex quâ parte OVI animal fiat experientiam si consulas, ita se res habet. Si ovum, quod sub incubante Gallina est, secundâ, tertiâ aut quartâ die aperias, atque accuratè intuearis, Cor esse membrum princeps, facilè animadvertitur. Nam fœtum primò formari, & in eo primùm cor, & cor in principio duas venas emittere, post fœtus autem generationem membranas fœtui inservientes concrescere, manifestè cernitur. Et quidem die octavâ cor non solum ipsum constat, sed unâ cum venis colore simillimis, rubro nempe, conspicitur & apertè micat seu movetur. Quartâ die membranarum corpora jam confirmata & densiora facta minus perspicua esse incipiunt: septimâ autem propter concretionem omnem ferè fœtum obscurant seu contegunt, cor tamen ob colorem rubrum conspiciuum, ut venâ etiam, atque ob motum videtur. Interea jecur nondum apparet, sed septimo demum die primùm liquor, seu mucor quidam luteus conspicitur cordi subjectus, qui jecoris concrescētis initium est, & sequentibus diebus in jecoris corpus concrescit, quod ad tempus, multum luteum adhuc permanet etiam in exclusis pullis. Atque in hoc jecoris loco totis novem diebus à primâ formatione sanguis nullus videtur: corde tamen interea maximè sanguinis ple-

no, & sanguine affluente ac turgente, ut & vena amplissima, infra cuncto corpore protensa. Ex quibus omnibus clarum evadit, Animam in corde, quasi radice hærere, & cor primum esse, quod vivat, & quasi animalis rationem habeat.

XXI.

Ex quâ parte Ovi pullus fiat.

Verum, ex qua parte OVI pullus fiat, & ex quo generatus alatur, non ita planum, hoc tamen modo sese res habet. Mediâ vero ovi longitudine, in extremo ovi ambitu, quo luteum cum albo superius committitur, alterâ ab incubatione die consistit initium quoddam albescens, reliquo albo magis concretum, & quasi per vitrum species pulli, tenuissimæ nubis modo, consistere videtur, capite potissimum conspicuo, & juxta caput puncto rubro, sese identidem dilatante & constringente, diebus proximis ab eo puncto rubro, vena admodum rubra, per totum pulli dorsum in dies longius protenditur: ex quâ deinde venæ ad pelliculas circa luteum ductas procedunt, juxta venam demum jecur luteo colore concrevit. Ex quibus colligere licet, pullum ex albo primum formari: alimentum vero in sanguinem vertendum à luteo fieri, & per venas ad pelliculas, circa luteum protensas advehi, & in epate confici, quod epar etiam cum luteo similitudinem habet. Si quis tamen statuatur, luteum sanguini & partibus sanguineis: album verò albis ex se genitis, & sibi similibus alimentum præbere, donec epar ad id roboris pervenerit, ut omnibus partibus alimentum præbere possit, atque ideo locum conformationis in confinio

finio lutei & albi datum esse, cum eo non pugnave-
rim.

Sennert. l. 7. epit. scient. natur. c. 10.

XXII.

*Volamans suppuracionem promovet, & cruditati-
bus medetur.*

Hominis manus suppuracionem in abscessibus pro-
mover, sæpè admota, præsertim si tubercula illis
tractentur, quod prin prohibere, cum suppurare non
cupimus, solent. (a) Expertum quoque est, volam
manus hominis expansam & ventri impositam crudi-
tatibus adversari. (b)

a) Plater. d. dol. p. 824. 837. b) Leon. Prax. l. 1. sect. 3.
c. 13.

XXIII.

*Sanguis & jecur humanum abominanda Medi-
cina.*

Illud ex Septimii Florentis apologetico est, in are-
nâ jugulatorum nocentum sanguinem recentem de
jugulo decurrentem, avidâ siti solitum hauriri, quòd
sic comitiali morbo remedia quæri opinarentur. Are-
tæus etiam narrat, nonnullas se vidisse, fiolam subji-
centes vulneri jugulari hominis, ac haustum cruorem
bibentes: o facinus, grande, inquit, malum, malo
piaculo depellere? & num ita ad sanitatem perve-
nerint, nemo mihi, ait, affirmare potuit. Quin in-
quit, quendam Auctorem legi, qui humanum jecur
epulandum proponebat, quin hoc Scribonius Largus
proponit, qui ait, quosdam etiam esse, qui sangui-
nem ex suâ venâ emissum bibent. Quid diceret ergò,
vel quò non fugeret, si nunc hæc monstra videret Py-
tha-

thagoras? Crediderim sanè hæc ex obscurâ Magorum, obscurâque sagarum scholâ profecta esse nihilque aliud quam aucupia Satanae ad crudelitatem: ut hæc umbrâ velent magi sua scelera.

Heurn, c. 23. de aff. cap. Vnz. l. 2. de Epil. c. 12.

XXIV.

*Genu erymon; supplicum & reverentia nota, cur
Iudeis in cruce frangi solitum.*

Quod γόνυ Græcis, hoc Latinis ad eorum imitationem Genu vocatur. Græcis, quod flectendo γονίαν hoc est, angulum efficiat, aut uti nonnulli γόνυ τὸ κούειν ab humiliando, cui namq; supplices, locum hunc ei flectere ac in genua procidere solemus: inde Becanus hunc locum Belgis Rnie dictum autumat q. fenn. nre id est, qui sunt positi, totos se arbitrio ac potestati ejus, cui se demittunt, tradere fatentur (a) Hinc in sacris usitatus hic loquendi modus: in nomine JESU flectetur omne genu. (b) Vivo ego, inquit Dominus, quia mihi flectetur omne genu: (c) anne hic mos ille tangendi genua, quibus reverentiam exhibere volumus; videtur sane, anne hoc ævo solum in usu? Veteribus usitatum notant passim scriptores: Virgil.

& genua amplectens effatur talia supplex (c)

Claudian. de rapen Proserpina;

— genubusq; suos cum supplice fœtus

admove re manus — — —

evidentissimo insigniq; hanc notat consuetudinem loco

Plinius (f)

Hominis genubus quadam & religio inest, observatione gentium, hæc supplices attingunt: ad hæc
manus

manustendunt: hæc ut aras, adorant fortassis, quia illis inest vitalitas. Nam in ipsa genu utriusque commissura, dextrâ lævâque à priori parte, gemina quædam buccarum inanitas inest, qua perfossa, ceu jugulo, spiritus fugit. Anne hinc usitatum Judæis crucifragium instituere in iis, qui cruci affixi, cum extinctos eos vellent? & num illis diffracta genua? (g) Scio in historia crucifixionis Salvatoris Christi (h) tibia-rum, crurum fieri mentionem; sed an non vocula σκέλη, quâ Evangelista ibi utitur, etiam Genua significat? Jam quid illa Plinii verba volunt? Gemina quædam buccarum inanitas inest? quid buccis cum genubus? dicam: Is embryonis in utero situs, crura complicata uti habent, calcibus nates, genubus genas tangens, nec desunt, ipsos oculorum thalamos ab orbicularibus hisce ossibus in utero effingi qui putent. Certè insignis genubus oculisque intercedit sympathia, adeò ut in genua provolutis facilimè lachrymæ erumpant, nec desunt à genis, quæ genua nomen traxisse existiment. (i)

a. d. g. i) P. Paavv. part. 1. offcol. c. 4. & 9. b) D. Paul. ad Phil. c. 2. v. 20. ad Eph. c. 3. v. 14. c) Esai. c. 45. v. 23. D. Paul. ad Rom. c. 14. v. 11. e) l. 10. Æneid. f) lib. 11. cap. 45. h) Joan. c. 19. v. 32. 33.

XXV.

Arthritis inveterata torturâ sanata.

Anno 1596. Nobilis & Magnificus Abrahamus à Grafenried, Reipubl. Bernensis consul vigilantissimus, domi suæ narravit mihi Commissarium quendam Arthriticum, gravium facinorum suspectum, ante annos 20. Bernam adductum, ibique multoties tor-

tura

turæ subjectum; inque eâ, cum intrepidè innocentiam suam tueri pergeret, non modò criminis, verum & Arthriticorum dolorum, quibus ante torturam duriter affligebatur, absolutum fuisse.

Sic ego non infimæ sortis quendam 18. ab hinc annis familiariter novi, qui ante annos 16. graviter accusatus, Bernam adductus fuit, ubi cum tortura multis vicibus ipsi rigidissimè adhiberetur, ille verò innocentiam suam constanter affirmaret, tandem absolutus & pristinæ dignitati restitutus est. Hic antea per multos annos podagrâ miserrimè cruciabatur: à torturâ autem, postquam thermis Valesianis usus esset, valetudo ipsius ad eò confirmata est, ut usque ad hunc diem superstes nulla doloris arthritici vestigia à torturæ tempore senserit, sed erectus in pedes, quantumvis senex insidere, atque incedere potis sit.

Fabric. observ. chir. cent. 1. obs. 79.

XXVI.

Podagricus in sperato nuncio curatus.

Ducebatur ad supplicium, caput amillurus, quadragenarius Podagricus: in medio itinere allatus est de veniâ principis benignitate, misero illi concessâ nuncius planè insperatus. Illo sic affectus est miser ille, ut qui ex animis propè membrorum omnium usu carebat, statim alacri & expedito motu se in pedes dederit: annosque multos postea liber ab omni arthritidis molestiâ vixit.

Anton. Fatius ad Fabric. l. 1. obs. chir. p. 221.

XXVII.

Mirapodagra curatio.

Decumbebat sottò in Vrbe Electorali, tetricus,

ac maledicus quidam podagrâ laborans, qui unâ cum corporis morbo, animæ vitia retinens, quantumvis lecto affixus, maledicentiâ tamen incurrebat in omnes. Sensit id quidam homo festivus, qui & ipse Podagrici petulante linguâ læsus fuerat, proinde sub crepusculum vespertinum, cum fortè ægrotus à familiâ solus esset relictus, clam ædes ipsius larvatus Æthiopis instar ingreditur: gradus conscendit: cubiculum aperit: graduque suspenso ad decumbentis lectulum accedit. Hinc ægrotus formâ insolitâ, solitudine, crepusculo ipso perterritus, voce contentiori, quis sit, cur & unde veniat, quatit. Alter, nihil respondens, pede silenti, tardoque lectulum propius accedit: tum brachiis, quæ & ipsa morbo nodoso laborabant, arreptum, dorso injicit, atque itâ pendentem, vociferantemq; extra cubiculum effert, pedes illius gradibus, per quos descensus erat, identidem illidens. Ubi in aræ pavimentum ventum esset, ibi onere deposito, hominem sistit in pedes, nihil locutus, tantum intuens. Mox accurrit, quasi correpturus denuò, atque extra domum elaturus. Ibi, qui prius pedibus insistere præ morbo non poterat, nec in plano quidem ambulare, nedum per gradus ascendere, gradus cursu repetit, superat, ad cubile contendit, & per fenestras clamore totam viciniam excitat: accurritur; ille anhelus metu penè exanimatus commemorat, à spectro selectulo extractum, extra cubile elatum, tractatum miserrimè, nisi nomen I E S U ingeminasset, de se actum omnem fuisse. Factum mirantur omnes, maximè quomodo, qui prius usu pedum privatus fuerat, iisdem insistere, ac per gradus evadere potuerit. Quid sit, qui prius

Poda-

Podagricus, inde convalescit, nec unquam postea Podagrâ fuit tentatus. Res certa atque explorata, at non perinde certum, quânam sanationis hujus causa proxima & per se sit, &c.

Herman. Lignar. in epist. 47. Centur. 1. Fabric.

XXVIII.

Causa mirè curata Podagra.

Timor atque formidatio mortis hîc in causa esse potuit, sæpè enim mihi observare licuit, ut hi, quibus membrum aliquot amputandum, aut dense extrahendus erat, ante & in ipsa operatione dolorem vix perciperent: quandoquidem mens hominis à timore adeò afficitur, ut dolorem minimè discernat. Duobus inquit. Hippocr. (a) doloribus simul, nec eundem locum occupantibus, vehementior alterum obfuscatur. Vis enim sensibilis tota, teste Galeno (b) ad vehementiorem abducitur, distrahiturq; . Nam & hoc nobis in mororibus solet accidere, qui sunt & ipsi veluti dolores quidam, solius animi sine corpore. Mens itaque sive interna facultas, in iis, qui maximo aliquo timore ac metu corripuntur, aliquo modo laborat, mirum itaque nemini videri debet, si dolor in externis partibus hinc obscuretur, & ferè non sentiat, quod idem Hippocr. (c) affirmat: Quicumque, inquit, parte aliquâ corporis dolentes, dolorem ferè non sentiunt, iis mens agrotat. In meticulosis tamen, cum timor transit, doloris sensus paulatim redit. In historiâ v. proposita, præter timorem, violenta quoque interuenit articulorum extensio, agitatio atque dilatatio. Cæterum quia propter timorem, spiritus & sanguis, ut Galenus docet, (d) intus

intus sese recipiunt, facillè fieri potuit, ut postea copiosè ad articularum acetabula, jam antea propter concussionem, agitationem dilatata confluerint, ibique materiam morbificam, quia nondum in co-
phos compacta fuerat, evacuaverint. (a)

a) l. 2. aph. 46. b) in comment. d. aph. c) l. 2. aph. 6. d) l. 2. de caus. simp. e) Fabric. centur. epist. 48.

vide centur. 4. memorab. part. 1.

XXIX.

Vrsus in pedes Podagricum proficiens.

In Germaniæ oppido quodam ad Neccarum sito accidisse audiui, ut Podagricus quidam per angipor-
tum à servis in sella delatus obviam haberet Ursum incitato cursu, iraque frementem, elapsum scilicet ex
vinculis & irritatum à persequentibus: ibi præ metu aufugientibus servis, ipse quoque Podagricus con-
sternatus, vires subito ex terrore & desperatione sum-
sit, inque pedes se coniecit, quibus antea uti nullo
modo poterat, idque convalescentiæ suæ principium
habuit. (a) quare non immeritò Martialis.

O quantum est subitis casibus ingenium?

a) Seidel. de caus. morb. incur. p. 101.

XXX.

*Paralyseos extraordinaria cura ex igne
ac irâ.*

Joannes Berla civis Arelarenfis alterius partis re-
solutione affectus, complures annos miserè degebat,
omni ope humana destitutus, ut quem non operosa
Medicorum manus, non opportunè adhibita reme-
dia, non cauta victus ratio observata, levare tam di-
ro morbo potuerant. Casus verò tam mirificus inter-
venit,

venit, flagrat igne domus in qua degebat, incenduntur tigna, propeque jam ad cubile in quo decumbat æger flamma serpebat. Incendio omnia comprehenduntur, quum ecce æger & metu & irâ fremens, graviq̃ue timore perculsus, derepente sese erigit, seque summo nixu attollere conatur: mox verò incitatis corporis viribus, atque in unum collectis se è summo ædium præcipitem dat, à suis tamen adjutus, morbo confestim liberatur, restituiturq̃ue illi in parte sensus & motus, ita ut qui multos annos immotus constitisset, liberè deinceps absque ullo molestiæ sensu progredi cœperit, obfirmata etiam, in reliquum temporis quoad vixit, valetudine. Quæsitum est de me, quænam curationis ratio, quæ causa fuisset, ut quem ars sedula curare nequiverit, inopinato eventu, metuque & timore iraque occupantibus derepente sanus evaserit, admirando casu. Hæc sanè ea sunt, quæ & raritate suâ & mirifico eventu admirationem hominibus pariant, quorum causæ ut abditæ, in naturæ recessibus habendæ sunt, sic multâ animi intentione inquirendæ, atque etiam in lucem promendæ, quò mira naturæ arcana intelligamus. Cur verò ad hunc inopinatum eventum sanitas subsequuta sit, haud perinde difficile esse arbitror, pathematum animi vires æstimanti, naturæque potentiam penitius contemplantri. Itaque quid metus, timor, iraque simul prorumpentia efficere valeant, quid calor natus intrò revocatus, moxque subsiliens, quid vis animæ corpori imperantis & ad illius nutum corpus agitantis prius intelligendum, quibus ritè perpensis, manifestum fiet, quibus nam ex causis curatio hæc proficiscatur, quibusque sit meritò adscribenda, &c.

Valeriana l. 2. observat. 4.

XXXI.

XXXI.

Ira & furor, contracti Salus.

Ego mirum quid vidisse me in Consobрино meo Joanne Sobiratio testari plenâ fide possum, qui quum Avenione convulsus annos plurimos constitisset, ita ut contractis poplitibus ingredi nō valeret: repentinâ irâ eâque vehementi percitus, in famulum quem plagis cadere nitebatur, ita corpus exagitasse, ut confestim distentis crurum nervis, poplitibusque emollitis, & sine ullo doloris sensu incēdere & erectus stare, quum incurvo corpore annos totos plus minus sex constitisset, posset: deincepsque omnem vitam sanus evasit: ut quem non operosa medentium manus, non accurata Medicorum diligentia, non ulla medicamentorum genera curare potuerant, sola ira naturam exagitans persanavit.

Id. ib. p. 164.

XXXII.

Oleum & aqua simi humani quid possint.

Oleum quod ex stercore humano elicitur, optimum in ulceribus: (a) ejus aqua stillaticia commendatur in fistulis & cicatricibus: (b) inter sumta aquam ducit in hydropicis: (c) Sed horrendum est, stercore vorare & lotia bibere, qualia multa à Mulo-mediciis porriguntur. (d)

a) *Plater. de dol. p. 947.* b) *ib. p. 962. de vit. p. 392. c) de vit. p. 321. d) Libav. l. 3. sing. p. 938. Panfa de purgat. c. 22. Beck: Microcos: med. h. 1. c. 10.*

XXXIII.

Lingua paralysis, à vena frontis, casu ruptâ, soluta.

Lingua resolutioni, vena rectâ in fronte sectio, præ-

missis generalibus, confert. Quod fortuitò fuit observatum. Etenim quandam mihi cognatam ex apoplexia balbutientem curabam, quam delapsam per gradus, cum ex vulnere frontis venâ ruptâ multus sanguis effluxisset, post expeditè loqui animadverti.

Dodon. l. 1. prax. c. 15.

XXXIV.

Vrsis, hebetudine oculorum laborantibus, ab ictu apium medela.

Oculi Vrsorum hebetantur crebro, quâ maximè causa favos expetunt, ut convulneratum ab apibus os, levet sanguine gravedinem illam.

Plin. l. 8. c. 36.

XXXV.

Corvorum naturalis Diatetice, in alvi fluxu per astatem.

Corvi, quod æstate ventris fluxu laborare consueverint, fontium, fluviorum aut stagnorum Aquas illo tempore haud quaquam attingunt, nec Arethuse splendidas, Istri frigidissimas, aut Nili latè stagnantibus lymphis, ut malum suum bibendo majus faciant, impelli se sinunt: non quod ab Hippocrate, Machaone, vel Chirone Diateticen didicerint, aut ratione utantur, sed à naturâ docti ductique.

Theoph. Simocat. in Phys. Gessn. de avibus: p. 322. Dodon. l. 2 prax. c. 46. & 47.

XXXVI.

Fontium sub terrâ latentium, artificiosa indago.

Fontes subesse terris deprehenditur: vaporibus ante So-

te Solis ortum sublatis, aut arborum subnascantium copiâ (a) aut vase sub terram condito, cujus fundo annexa sit lana candida ore deorsum verso & obturato: nam die sequenti lana vaporem ac saporem fontis indicatura est, si altius infodiatur: sæpè tamen Aquæ pluviales fallunt imperitos. (b)

Plutarch. in Paul. Æmily. b) Bodin. l. 2. theat. nat. p. 203.

XXXVII.

Mineralium vires, quot modis aquis communicentur.

Duplici modo vires & facultates mineralium Aquis subterraneis (sive illæ per cataractas manifestas in terram sese dimiserint, seu paulatim combibitæ undique confluerint, aut primavâ origine & stabiliti naturæ lege ibi esse jussæ sint) communicari statuendum cenſeo. Uno, mediantibus fuliginibus seu spiritibus è metallorum & mineralium matricibus continuo exspirantibus: altero inter, veniente reali aquarum & mineralium mutuo contactu.

XXXVIII.

I. *Modus.*

Priori modo aquæ subterraneæ medicatæ sunt, dum Archeus ille seu vulcanus subterraneus, natura videlicet illa mineralis & metallica, virtute atque influxu corporum cœlestium, Solis in primis ac reliquorum Planetarum, tum etiam interno & nativo ipsius terræ calore adjuncta, in coctione, maturatione ac perfectione metallorum & mineralium intra terræ recessus occupatur, opere continuo durante, ubi maxima subinde fuliginum & exhalationum copia è mi-

neralium matricibus seu mineris proditus, hinc inde per terræ poros diffunditur, & subtiliores ac magis spirituales mineralium substantiæ, quæ vaporibus & aquis subterraneis adjunctæ, propriis suis virtutibus easdem tingunt. Ingens verò est ejusmodi exhalationum diversitas: interdum enim ex unius duntaxat generis, interdum ex diversi generis mineris prodeuntibus fuliginibus Aquæ tinguntur: hinc etiam unus solummodò mineralis aliquando, nonnunquam pluri vires & facultates, repræsentant, quod potissimum subsequenti tempore in effectuum, quos edunt, diversitate, ac sæpè numero eorundem contrarietate, variè exerunt. Quandoque fuligines omnium subtilissimæ, essentiæ nobilissimæ ac verè spirituales naturæ tantùm è mineris exhalant, aquisque communicantur, sine omni crassioris alicujus fuliginis admittance: unde quoque tales aquæ perpetuò tenues & pellucidæ apparent, nullamque in fundo vasorum faciunt subsidentiam: hinc vires quoque talium Aquarum etsi alioquin efficacissimæ, ob sumam tamen spirituum tenuitatem ac fugacitatem, facile evanescent præsertim si vel Soli aquæ diutius exponantur, vel in aëre non benè coopertis vasis detineantur aut gestentur. Ceu in acidulis quibusdam fieri solet e.g. Schwalbacensibus, quæ propterea, si ex ipso fonte bibantur saluberrimæ & virtuosissimæ deprehenduntur: Si verò per milliaria aliqua ferantur, minusefficaces minusque gratæ sentiuntur, quod potissima earum præstantia & virtus consistat in subtilissimis illis substantiis, seu spiritibus mineralium fugacibus & evanidis, quibus exspirantibus aquæ magnà ex parte suas & vires & laudes amittunt. Hinc
quàm

quàm optimè valetudini suæ consulunt aquarum istarum potatores, si ad ipsa scaturiginum loca profecti ex ipso fonte aquam viribus suis integris constantem hauriant potiùs, quàm si eandem è longinquis oris ad se deferri curent, quod delationis tempore virtutes potissimum medicamentosæ fere totæ evanescant, aut saltem plurimum infringantur.

Interdum non elevatur tantùm sola spiritalis ac tenerissima substantia, sed cum hoc etiam nonnihil crassioris fuliginis attollicur, quæ deinceps aquas efficit densas ac minùs claras, in quibus plerumque subsidencia succedens evidens crassioris substantiæ argumentum præbet. Tingi verò aquas medicatas virtute mineralium juxta primùm hunc modum, mediantibus nimirum spiritibus & fuliginibus, evidenter demonstratur vel solo isto & quasi palmario documento, quòd non pauca dentur aquarum medicatarum scaturigines, quæ quidem nullà sui ortus aut profluxus parte mineras ipsas, quæ interdum in locis longè dissitis reperiuntur, attingunt, quod non semel comprobatum est ab iis, qui ut certius constitui posset de aquis medicatis judicium, loca minerarum fodiendo examinarunt, ubi deprehensum fuit, neque in ipso scaturiginis loco, neque circa vas & canales, quas aquæ perfluunt, esse aliqua mineralia, sed vel in vicinis montibus, aut aliis locis subterraneis circumjacentibus: quis quæso tales aquas aliunde, quam ab ipsis mineralium exhalationibus terræ poros undique perreptantibus tingi, & medicatas fieri affirmet? summam rei ipsius evidentiam augebit sensus ipsius testimonium, si loca adeamus ea, ubi plures sunt talium aquarum scaturigines, maximè subterranea, ubi quivis

facile vaporum & exhalationum praesentiam ac qualitates deprehendet.

XXXIX.

II. Modus.

Priori isto modo, quò metallorum ac mineralium facultates aquis mineralibus imprimi demonstravimus, posito, non tamen alter ille excluditur, etsi paulò crassior, quò nimirum aquæ subterraneæ loca mineralium alluendo, ob contactum ejusmodi corporalem non tantum virtutes, sed ipsas quoque mineralium partes arripiunt, à quibus consequenter medicatae sunt. Hoc etsi non æquè procedit in omnibus, imprimis maximè solidis, in plerisque tamen mineralium id ipsum evidenter demonstrari posse sole meridianoclarior est. Et ne in retam evidenti & planâ prolixus sim, consideremus, quæso, diversa terrarum & bolorum, tam salium quoque genera, satis, opinor, constabit, etiam tunc posse aquas subterraneas dictorum mineralium virtutes imbibere, si vel in natalibus eorundem locis colligantur, vel rivis suis aliunde deductis ea promeent alluantque. Sic enim aquæ, quæ vitrioli, salis, Nitri gemmei, vel alterius ejus generis aut boli seu terræ cujusdam mineram perfluit, utique illius naturam & facultates non magis à spirituum commixtione, quàm substantiæ vel salinæ vel bolaris reali imbibitione recipiet & continebit.

Horstius de nat therm. Eius a. & seq. Rimmelin. de ferrin. Welz. p. 4.

XL.

*Thermarum calor ex pugna contrariarum
scaturiginum.*

Verò non parùm consentaneum videtur Thermas fieri ex aquis duabus vel pluribus metallicis suâ naturâ ad tactum frigidis, concursu verò ob spirituum repugnantiam incallescantibus. Cujus rei exemplum præbet, spiritus vitrioli & oleum vel sal tartari; item aqua fortis & tartarum, butyrum antimonii & spiritus nitri: quæ etsi ad tactum sunt frigida: tamen si misceantur, incallescunt; & quidem ita, ut si repente aquæ forti, in quâ ferrum solutum est, oleum tartari infundatur, non solum ebulliat, sed & flammam misturâ concipiat: quòd etiam accidit, si butyro antimonii dicto confertim Spiritus Nitri infundatur. Itaque absurdum non videtur, si duæ scaturigines, repugnantium talium spirituum mistura constantes, in concursu misceantur, Aquam inde incallescere.

Sennert. l. 4. epit. sci. natur. c. 10.

XLI.

De Thermarum calore, alia opinio.

Thermarum causam efficientem ignem ipsum vel actuarium subterraneum esse puto; nam 1. hujus proprium, res in intenso caloris gradu collocare 2. ut terræ anfractus & cavernæ passim plene sunt, hæc aqua, ibi aëre, ita alibi igne: quum multis in terris videamus caminos igne perspicuos, & evidētes effectus, fumum, flammam, fervorem locorum, incendia, ferventes aquas. Atque ita terra nonnullis in locis quasi

æterno quodam igne prægnans est. Et sicut ignis per varios terrarum tractus, eosque aliquando longissimos, ad milliaria multa permeat, donec alicubi exhalet hoc vel illo modo pro loci conditione: ita cuniculos aliquando etiam intrat indubiè cum aquis, easque pro virtute igneâ, quam obtinuit, aut fervidas reddit, aut calidas, aut tepidas. Perspicuum tale actualis ignis ac incurrentium simul aquarum exemplum habetur inter Puteolos, & Neapolim, in campo vulcanio, qui Sulphuraria dicitur, item aliis in locis. Adeò ut ignis non tantum quasi subjectus canalibus aquarum calefaciat eos, ceu voluit Empedocles, verum etiam ipsum ignem canales in alveo contineant.

Bartolin. l. 2. de ag. c. 8.

XLII.

III. *Opinio.*

Notandum loca subterranea non tantum frigida, sed etiam calida reperiri, quod ejusque observatum fuit ab iis, qui reffos ad viscera terræ cuniculos ingrediuntur, ut venas metallorum discurrentes tangentibus calidas, omni actuali igne destitutas invenerint. Hunc calorem nec à Sole remotissimo, nec igne vel flamma productum, sed nativum terræ calorem agnoscimus, quam ob causam igneâ flammâ negatâ calorem actualem nihilominus concedimus, per quem nihil aliud intelligimus, quàm spiritum quendam calidum, seu calidas exhalationes terræ singulari providentiâ concessas; quis enim terram nisi per abstractionem, quatenus ut purum elementum consideratur, merè frigidam sibi potest imaginari-

gina-

ginari, cùm ex mandato divino, (a) Herbam virentem, semen facientem & lignum fructiferum, cujus semen in semetipso sit, juxta genus suum, germinare debeat? his calidis spiritibus & exhalationibus, non violento motu, sed naturâ calefacientibus, in quibusdam locis terræ meatus calefiunt, ut parietibus concavitatum ejusmodi fervor communicetur, cujus ratione calor sufficiens & perpetuus ipsis thermis communicari possit, quemadmodum ex clibano calefacto, flammâ omni remotâ, panem nihilominus sufficienter assari, concoqui & maturari videmus, &c.

a) *Genes. cap. 1. vers. 11.* b) *Horstius de nat. therm. C. iis. b.*

XLIII.

Imbres non semper à vaporibus, sed & ab Aquis supra celestibus.

Imbres non semper à vaporibus sursum elatis decidunt, ut Aristoteli placuit, quia si vapores illi tenuissimi, quibus nubes cogi & coactas liquari videmus, ad imbrium tantam copiam, quanta assidue funditur, sufficerent, aquarum ascensus ac descensus semper circularis esset, nec quicquam humoris à terrâ siccitate, nihil ab æstivis ardoribus, nihil ab alimentis stirpium & animantium hauriretur: quæ si absurda sunt, sequitur Aquarum Elementarium detrimenta ab Aquis supra cœlestibus sarciri, alioquin parrium assidua detractio, tandem aquas omnes absorberet.

Bodin. theat. nat. l. 2. p. 213.

XLIV.

XLIV.

*Mira salzarum Aquarum, pra dulcibus,
in ferendis oneribus pro-
prietat.*

Aqua una aliâ gravior est, prout in se plus vel minus terreitatis, vel terrestrium partium habet. Verbi gratiâ: aqua marina est crassior & corpulentior, ob salzæ & terrestriæ materiæ admistionem, quàm fluvialis; idè in illâ, quam in hac facilior est natatio, & graviorum ponderum sustentatio, adeoque onustæ naves dulcibus aquis facilius immerguntur quàm salis. Hinc ovum, quod in aquâ dulci mergitur, aquæ salzæ innatat; imò Mare non tantum in vecta magis sustinet, sed & dulces ipsas aquas, tanquam leviores in se fluitare patitur, quam ob causam, accedente magno impetu Danubius in Euxinum mare excurrens plus 40000. passuum supra marinas vehitur. Hinc illud accidit in Palestinæ lacu vehementer salso accrasso, si injiciatur vel homo, vel bellua aliqua, etiam revinctis membris omnibus, nunquam demergetur, sed supernatabit perpetuò; ita in Africæ lacu Aposcidamo omnia fluitant, nihil immergitur.

Bartholin. l. 1. de Aquis cap. 3.

XLV.

Affluxus & refluxus Maris, Causa.

Affluxus & refluxus, est Maris motus, à seipso non nisi majore atque minore differens, & horarum & temporum intervallis. Hic autem motus omnis, cum duplex sit, & quamvis conjunctus, tamen alter alteri
con-

contrarius est, à contrariis duabus necesse est fieri causis utrumque, sicuti contrarii sunt effectus, tumor & depressio. Affluxus enim non sine tumore aquæ fieri potest, refluxus non sine aquæ depressione. Dum ergò intumescit, altior aqua fit: dum detumescit, aqua fit demissior. At quâ causâ, quâve ratione aqua altior fieri & attolli potest? Eâ nimirum, quâ quotidie experientia ostendit, ad focum, dum ollæ lebetesque bulliunt. Bulliunt autem quia fervent. Fervent à calore suppositi vel apposti ignis. Et nisi calerent, non ferrent, nec bullirent, nec attollerentur. Dum vero bulliunt, & attolluntur, necessario rarefunt. Ergò per rarefactionem, quæ attolluntur aquæ, altiores seipsis fiunt. Rarefactio autem fit partibus aquæ dilatatis & majoribus redditis: à calore nimirum partes aquæ in vapores solutæ. Eodem modo hoc (nulum enim alium experientia ostendit) necesse est Mare intumescere, ob poros ejus rarefactos, & in vapores aquæ parte actâ, ab insito maris calore, à Sole interdiu, à Luna etiam noctu sideribusque concalesceto, per quem calorem quasi animi sui, spiritusque instrumentum quasi vivens, neque scit, neque vult, neque potest. Cumque planum facient, & sit æquor & aqua ejus æqua, quò nam motum suum tendat non habet, præterquam in seipsum, & littora, vel circumstantia, vel adstantia, vel apposita. In supposita inquam. Nam plurimis in locis in fundo maris sunt voragine ingentes, quæ Maris ingentem vim, tam absorbent, tam regurgitant. Cum ergò omnibus in maribus, ubi calor hic, & spiritus concitantur, & mare rarius reddant, & in omnibus maris partibus raritatem efficiant, necessario inflantur omnes & altiores fa.

factæ, impetum quò possunt capiunt & sibi invicem mutuas tradunt operas, & impediunt & eo conflictu variè agitantur neque omnes horâ eadem. Atq; hinc est varietas illa horarum, prout affluxus ad littora à littoribus parum aut multum distant. Sic statis horis 6. affluxus accedit, totidemque recedit. Quoniam eadem vires, quæ affluxum operantur rarefactione, nullâ re vel diminutâ vel impeditâ, operantur & refluxum densatione. Et quia illa inflat Mare 6. horis, horis 6. aliis æqualis eadem illa deflat. Seu, quod 6. horis proprio loco abierat, vigentibus iisdem viribus locum eum repetit, & quasi in circuitum mare se in se circumvolvitur, &c.

Cassian. l. 2. probl. marin. q. 11.

XLVI.

Fontes è mari ortum habent.

Et si concedamus aliquam ex vaporibus in terræ cavernis condensatis aquam generari posse & hanc fortasse fonti cuidam originem præbere: tamen aquarum copiam ex iis generari, quantâ quotidie tot fontes & flumina decurrere videmus, persuaderi non possumus. Quapropter eam potius amplectamur sententiam, quæ & omnium antiquissima est, quâ Ecclesiastes (4) his verbis comprehendit: Omnia flumina intrant in mare, & mare non redundat, ad locum, unde exeunt, flumina revertuntur, ut iterum fluant; statuamusque cum plurimis doctissimis viris (6) fontes ut in Mare fluunt, sic etiam è Mari ortum habere. Quoniam alio modo perennitas fluviorum explicari non potest, nec causa reddi, cur Mare tot flumina recipiens, non exundet: aut cur fontes ex altissimis

mon-

montium jugis oriantur. Et nisi flumina è Mari ortum haberent, fieri non posset, quin Mare nimium augetur. Neque enim nullam proportionem habent flumina ad Maris molem, cùm quædam validissimo impetu tantâ copiâ in Mare infundantur, ut ad multorum milliarium intervallum, in continente, dulces aquas inter marinas Nautis præbeant. (c)

a) *Cap. 1. v. 7. Siras. c. 41. v. 11. b) Cassman. l. 1. probl. marin. quæst. 4. Bodin. l. 2. theat. nat. p. 191. Plin. l. 2. c. 66. 67. & 108. c) Sennert. l. 4. epit. sci. nat. c. 10.*

XLVII.

Fontium in altissimis montium jugis scaturientium origo.

Atque hinc facillè causa reddi potest, cur fontes ex altissimis montium cacuminibus oriantur, cùm enim globus terræ sit rotundus & marinæ aquæ magna sit copia magnumque pondus, facillè etiam potest aquam per terræ venas fluentem, in altissimos montes pondere suo protrudere.

Sennert. l. c.

XLVIII.

Aqua & Aëris circulatio ad inhibendum vacuum.

Aqua non recto tramite ad montium culmina sursum scandit, sed per varios flexuososque anfractus, & ut ut rectiore itinere ascenderet, tamen facto primo exsultu fontium, à D E O, necessariò continuatâ & non interruptâ fluxione labetur aqua à Mari usque ad locum fontis: aliàs daretur vacuum, inter aquas inter-

interruptas, quod Natura non admittit. Neque enim ibi statim in promptu Aër, qui vacuum impleat, aut ubi est, aquæ se jungit & aliam salire alicubi facit urgente flatu; & certè faciliùs Aqua vicina priorem sequitur, quam aër in terræ viscera se insinuare posset. Patet hoc experimento: si quis fistulam ad angulum obtusum compositam, unâ parte in aquam demittat, alterâ autem in aërem, deinde Aquam exsugat, faciet Aquam ascendere, quæ deinde continuo lapsu fluitabit instar fontis.

Bartholin. l. 2. de aq. c. 3.

XLIX.

Aqua glaciæ & Nivis cur insaluberrima.

Ex Glaciæ & Nive Aqua insaluberrima est, quia frigus concretum in glaciæ & nive simul cum terrena substantia manet, non eliquatum extractumque vi & calore Solari: imò vi frigoris coagulationem perpeffa, meliorem partem, nimirum levitatis, dulcedinis & splendoris amisit, teste Hippocrat. cujus verba sunt hæc (a) pravæ omnes aquæ, quæ ex nive & glaciæ fiunt, ubi enim semel concreverint, non ampliùs ad pristinam naturam redeunt: Sed quod in his quidem splendidum, leve & dulce excernitur, & evanescit, remanet verò quod turbidissimum & ponderosissimum: τὸ θολοδέσπειν καὶ σαθροδέσπειν. (b) Relinquitur enim seipso crassius mistum, à quo aufertur tenuius, quod crassius à frigido seipso fit crudius. (c) Quod hacratione deprehendas: si enim hyemis tempore vasculum, certâ aquæ mensurâ affusâ; sub dio exponere voles, uti maxime congeletur, deinde postridiè in locum calidum delatum, ubi glaciæ maxime

mè liquéscat, cumque soluta fuerit, iterum aquam meriari, aquam multò pauciorē reperies. Hoc certè indicio cognosces, quod congelatione, id, quod est levissimum & tenuissimum, evanescit & expirat, non quod gravissimum & crassissimum; itaque nivosa & glaciata Aquas deterrimis annumerandas esse, quis est, qui contradicat? Cùm enim Aqua, ratione naturalis suæ frigiditatis, quantumvis saluberrima, diutissimè moretur in præcordiis, & in flatus mutetur ac corrumpatur, ventriculi robur dissolvendo, quid non tentabit Aqua pejorem aliquam asciscens qualitatem? hinc crassa, turbida, fatida, contumaciores obstructions viscerum, ipsumque calculum progenerabit, ac forsan febrium malignarum causa exister, aut alio quodam modo naturam de statu suo salubri dejiciet. (d) Quare non immeritò Plinius: heu ventris prodigia; hi nives, illi glaciem potant, pœnasque montium in gulæ voluptatem vertunt. (e)

a) l. de aër. ag. & loc. b. d) Pansa l. 2. præct. de pror. vit. 6. 16. c) Oberndorf. d. l. Ungar. 6. 13. Bartholin. l. 1. de ag. 6. 8. e) lib. 31. c. 19.

L.

Aqua egelida pestilens.

Aqua ob frigiditatem insignis, æstuantī cane pejus & angue fugienda, cum enim epota interdum haustu primo interficit. Tum enim aqua se recipiens ex parte in pulmones hiantes cor petit, ejusque viciniam, ubi nativum calorem subito nimioque frigore perimit.

Bartolin. l. 2. de ag. 6. 7.

LI

Ex aqua frigida potu mortui.

Antonius Parmensis juvenis quidam robustus, cum sub feruentissimo Sole & magni æstus tempestate pluribus diebus in itinere fuisset, ardentissimâ tandem febre correptus est: quare cum vehemens cum sitis urgeret, frigidissimâ aquâ epotâ, mortuus est. (a) Ita quoque Valerius Cordus, juvenis doctissimus, magnæ spei adolescens (ut ejus scripta adhuc hodie demonstrant) consodalis & familiaris amicus noster, cum equo Romam iret cum Cornelio Sittardo juvene, amico etiam nostro carissimo, quos & ego paulò post, Bononiâ discedens, sequens, Romam veni pedestri itinere. Illi verò circa dies caniculares tempore admodum fervido in montibus Florentinis cum plurimas herbas collegissent: Valerius deinde siti validâ cum premeretur, gelidamque subinde bibisset aquam, quâ cruditate obortâ & obstructione, tandem Romam veniens febre ardentissimâ correptus est, quâ illustrium Medicorum ope, cum restitui non posset, eâ nocte, cum illi assistens eram, vitam cum morte finivit. (b) An. 1544. d. 25. Sept. æt. 29. (c)

a) Beniven. de abd. morb. caus. c. 16. b) Forest. in præs. obs. de febr. ephem. l. 1. de febr. schol. ad observ. 13. c) Bueboliz. in ind. chron. p. 562.

LII.

Vna visio à duobus oculis quâ fiat.

Qui fit, cum duo sint oculi, quod una duntaxat, & non duæ objecti visibiles imagines percipiuntur? Resp. quòd una duntaxat duobus oculis, imago percipitur, in causâ est primum sensorium, idque numero unum,

in

in quo omnis actu fit sensatio: propterea eandem rationem, geminis auribus unica tantum vox auditur.

Brevis. disp. 5. somatol thes. 2.

vide part. 65. centur. nostr. 2. memorab.

LIII.

*Specilla non per se, sed à lumine concentrante,
visum acunt.*

Faciunt né Specilla, ut meliùs videamus? respondeo, quod per se non: Sed hoc præstant, ut plus luminis recipiant oculi, & ita meliùs etiam recipiant colores. Oculi senum propter siccitatem terrestrem minus recipiunt luminis: ideoque adjumento opus habent specillorum, in quibus ob vitri caritatem unitur, & quasi concentratur lumen in puncto, & ita unitum ac validum oculos penetrando lucidiores reddit, a prioribusque ad colorum meliorem receptionem.

Goglen. p. 85. in synops. Geometr. & opt.

vide cent. 2. nostr. memor. part. 58. 59. & 60.

LIV.

Radius reflexus fortior est unito.

Radius reflexus semper fortior est incidente: nam reflexio auget & multiplicat calorem, uniendo plures radios, qui ex pluribus punctis in unum concurrunt, facientes pyramidem radiosam: unde plures radii ex diversis corporis radiantis, ut Solis, locis, in unum coacti & concurrentes, tantum calorem excitant, ut ad mota materia combustibili (stupâ) ea ignescat & accendatur, sicut in speculis fit concavis, Soli oppositis, quod docet experientia, ob radios infinitos in centro speculi concurrentes.

Goglen. in synops. Geom. p. 52. & 58. Thurneiff l. 7. c. 37. de aq. calid. & men.

LV.

Color cali caruleus est ab aëre & sole.

Color ille, qui sudo cœlo maturinis horis oculos nostros incurrit caruleus (oculorum indicio Himmelblau) non est color ætheris, sed Aëris, à Solis radiis transversim illuminati: 1. Si enim in cœlo esset, etiam de nocte cerneretur, cælum enim, quippe longè altius umbrâ terræ, est etiam de nocte in Solis radiis. 2. quia montana remotiora, per aërem etiam purissimum translucentia, pingunt se super papyro, colore caruleo, tanto magis saturo & obscuro, quanto longius est intervallum.

Keppler. Astron. l. 1. part. 3. p. 54.

LVI.

Caloris & Frigoris causa.

Longitudo diei, quæ est æstate, est quidem inter causas caloris, non est tamen plenaria & genuina causâ. Nam longiores sunt dies in Zonis frigidis, quàm vel in temperatis vel in torrida, æstus tamen major est in torridâ. Appropinquatio autem Solis ad verticem, temporibus meridianis, est causa æstatis, & recessus ejus à vertice in horis meridianis, quando omnium proximus esse potest vertici, est causa hyemis. Quantò autem altior & vertici propinquior, tantò rectiori radio ferit planitiem telluris, tanto igitur fortius. Humilis verò & horizonti approximans ex obliquo terras illuminat, quæ irradiatio, ut alias in i&ibus, ob declivitatem irrita & imbecillis efficitur. Solis quoque hæ causæ cælestes, non efficiunt æsti-

æstivos menses calidos à 12. 22. Iunii in 13. 23. Septembris, sed plurimum hîc potest materiæ tarditas. Nam etsi sol æquè altus est, in medio Tauri & in medio Leonis: at crassum Terræ corpus demum incipit calefieri, Sole in Tauro versante: at in Leonem Sole transgresso, calor jam tres menses duravit, & Terræ jam antea fervefactæ, novus quotidie calor super ingeritur, caloresque hærentes aliquamdiu in materia accumuluntur. Hæc etiam causa est, cur dies ferventior sit duabus horis post meridiem, quàm ipsâ horâ meridianâ.

De Hyeme iudicium idem esto. Nam etsi quadrantes: Autumnalis & Hyemalis, humilitate Solis æquales sunt per Autumnum tamen calor est aliquis, Hyeme merum frigus: Quia Sole post æquinoctium paulatim discedente à nostro Hemisphærio, terra caloris aliquid ex ætate retinens, tempore opus habet, ut refrigeretur: Hyeme verò terra jam satis frigefacta, nivibusque & glaciei crustis oblecta, non ita facilè à solis radiis nudari, refocillari & calefieri potest, etsi sol sese paulatim à puncto Eclipticæ humilimo, per eosdem gradus altitudinis, quos habuit in Autumnali quadrante, sustollit.

Keapl. l. 3. Astron. part. 4. p. 316. & seqq. Tert. interven. prop. 23.

LVII.

Motus caloris utriusque in nobis tutor.

Motu æquè ut celestis calor, sic noster implantatus actionum opifex omnium, conservatur. Gaudet enim motu, cujus principium est Natura, languent quiete cuncta. Ita, intempestivum otium nobis de-

trimentosum, calorem enecat, meatus obstruit, alimenti distributionem & spirituum progressum impedit, excrementa congregat, in primis fuliginosum illud, quali suffocari ignes cernimus nulla aura ventilatos. Sed contra iustæ commotiones fructuosissimæ. Præter quod enim sanguinis agitato, excrementum flatulentum crebriori expiratione, & simul quæ cuti insunt superflua expelluntur, etiam caro incalescens universa, & distenta, nutrimentum attrahit & admittit quoquo versum, imò inanitis visceribus refectionis excitat desiderium. Sicut autem in Natura motum quies excipit, ita vigilia, quæ actio, in somnum, qui cessatio, desinat. Quas vicissitudines Natura ob duplicem calidi innati motum sic dispensavit. Nam, quemadmodum candelarum flamma, nunc foras sese proripiendo, nunc verò intrò remeando, perseverat: aliàs si tota intro comearet, majori flamma seipsam consumptura, foras verò longius sese efferens, ad evanescentiam usque dispersura: ita easdem quoque vices noster obit calor, ne secus, vel assiduis vigiliis dissipetur, vel longiore somno suffocetur. Quemadmodum autem morte vita præstantior; sic somno vigilia, ita ut esse dubium nemini debeat, primam & potissimam caloris ingentis commotionem, eam à natura institutam, ut se foras ad agendum conciliet; secundariò verò alteram, ut alimenti causa intrò agatur.

lessen. consil. adv. pest. p. 25. 26.

LVIII.

Hæmodia ab acutè stridentibus causa.

Si interrogas, cur hæmodia aliquando excitentur.
strido-

stridore, veluti cum vitrei orbes raduntur, aut rotæ siccæ strepunt acutum quid, dum versantur, vel cultellus cultello affricatur, vel exterguntur gladii aliqua radulâ, ut sonus fiat acutus, respondeo, hæmodiam fieri, ob cognationem nervi auditivi, cum his, qui dentibus inseruntur, arbitramur. Est enim hæmodia quædam dentium *amvía* seu imbecillitas ex spiritus, calorisque atque etiam nervi debilitate, sive ab ortu, sive postea ab acidis, frigidis, similibusque adducta. Quibus catarrhi in dentes frigidi incumbunt, his familiaris est ea affectio, nec ab acidis tantum succis, sed & frigido aëre, unde ita obstupescunt, ut in mandendo postea vix præstent officium. (a) Cognationem verò nervi auditivi cum eo qui ad dentes disseminatur, ita explicat Aluerda Anatomicus, crassior tertii paris (nervorum cerebri) ramus paulo anteriùs originem nanciscitur. At ex cerebri pariter lateribus, perque septimum & octavum cuneiformis ossis foramen emergit, ramum illicò, qui instar capreolorum vitis, aut cucurbitæ, in orbes convolvitur, durior sensim evadens, donec duabus quinti paris propaginibus conjugatur, quibus commistus in temporalem musculum, in molitorem, cæterosque omnes faciei musculos & in ipsius cutem digeritur. Ubi hunc expromsit ramum, deorsum nonnihil magis fertur, furculumque alium in dentium gingivas effundit. (b)

a) Libav. l. 2. sing. p. 144. b) l. 7. anat. s. 6. & 7.

LIX.

Odoris & Saporis cognatio & discrimen.

Odoris & saporis ea est cognatio, ut omne sapidum odoratum sit, & omne insipidum odore desti-

tuatur. In eo tamen differunt, quòd in sapore humiditas, in odore siccitas prævalet. Hinc nitrum est odoratius Sale, & Sal sapidius nitro, quia in nitro plus sicci, in Sale plus humidi est: & res odoratæ, si nimis humectentur, odorem amittunt. Eâdem de causa, si post siccitatem pluvia decidat, in principio odor quidam percipitur: quia siccum cum humido permiscetur: tamdiu verò saltem odor durat, quamdiu siccitas humiditatem superat, si verò pluvia diu continuetur, ut ab humiditate siccitas vincatur, odor etiam cessat.

Sennert. l. 7. epis. scient. nat. c. 5.

LX.

Putrefactio & corruptio diversa.

Non idem est putrefactio, & corruptio, hæc, mutatio est, rei ab esse, ad non esse, inducit privationem formæ, ut acquirat aliam: illa est præparatio & via, quæ ducit mixtum ad corruptionem. Hæc finis est, ad quem res mixtæ tendunt, illa principium est, quod ducit ad finem. Hæc relinquit continuò semina producendi similem effectum, illa, dum manet in latitudine suæ naturæ, non producit ulla semina infectionis; Hæc nullo unquam tempore recuperare priorem formam potest, vel natura vel arte: illa potest externo auxilio, vel ex seipsa redire ad priorem suum statum.

Augen. lib. 1. c. 4. de peste.

LXI.

Qualitatum in mixtis harmonia insignis.

Ut Elementa mixtis insunt, ita etiam qualitates,
nem-

nempe potentiâ: Summæ proinde in suo genere, sed contrariorum compositione veluti refractæ, Calidum & Frigidum activæ sunt, Humidum & Siccum passivæ qualitates. Calidi est movere, ergò Frigidi motum impedire. Humidi est nutrire: Ergò Sicci nutrimentum inhibere. Sed quia esse in Calido & Humido subsistit, hæc inter se proportionata esse oportet, ut Calidum quidem moveat Humidum: hoc nutriat Calidum: Succenturiatæ adsint reliquæ duæ, scilicet ut Frigidum defenset Humidum, ne à Calido dissipetur, & Siccum adsit ipsi Calido, ne ab Humido obruatur.

Zwing. phys. l. 2. c. 29. p. 442.

LXII.

Elementorum harmonia vocalis.

Apta colligatio Elementorum facit, ut tantâ contrarietate inter se dissidentia tot seculis Mundi concordia tueantur; Ignis sc. calidissimus, cum Aëre frigidissimo, utrumque utriq; tenuitate ac siccitate congruës: Aëris frigidissimi cû Aqua humidissima, & utrique congruens frigiditas: Aquæ humidissimæ cû Terrâ siccissimâ & utriq; congruens gravitas: sine quâ humiditate, terræ partes in atomos ac pulveres dissiparentur, ac sterilitate penitus exarescerent, ab humore verò colligantur & fecunditas ingeneratur. Finge enim tibi quatuor voces, acutissimam, quæ ignem subtilissimum & ardua quæque loca petentem referat: gravissimam, quæ Terram: medias autem voces Aërem & Aquam, eâ tamen proportionem, ut quæ ratio est Terræ ad Aërem, eadem sit Aquæ ad Ignem; id est, utrobique dupla sive diapason. Terræ verò

T s

ad

ad Aquam, & Aëris ad Ignem sesquialtera, seu diapente: Postrema Aqua ad Aërem sesqui tertia seu diatresaron. Unde suavissimus Elementorum perinde ut vocum proportionem consentanea discretarum existit concentus: ac tantum abest, ut hæc Elementorum contrarietas Mundi eversionem moliat, ut eâ sublata, Mundus ruiturus sit; non aliter, quam acutarum & gravium vocum sublata copulatione, harmonia omnium sit peritura, enaut n. voracissimus Ignis omnia consumeret, aut Aquis omnia inundarent, aut gelidissimis frigoribus omnia rigerent; aut terrarum ariditate stirpes & animantia interirent.

Bodin. theat. natur. l. 2. p. 142.

LXIII.

Aër Elementorum omnium frigidissimus.

Aër Elementorum omnium frigidissimus est. Id enim maxime frigidum est, cujus vi & potestate cætera frigescunt, rigent & gelu concrescunt: Aëris autem vi ac potestate cætera frigescunt, rigent & concrescunt: igitur Aër omnium maxime frigidus est. Nives etenim, grandines, metalla Aëris vi concrescunt, maxime tamen aquarum superficies in stagnis, paludibus & fluminibus, quâ patent Aëri, non autem in fundo: quia spirantibus ab aquilone ventis, cum omnia gelu obstruere, vada interiora fluminum ab aëris contactu & ventis omnibus libera nunquam gelu concrescunt, id enim certissimum toti piscium generi exitium afferret, tunc enim vada calentia petunt, quibus hyeme foveantur.

Bo-

Bedin. l. 2. lb. natur. p. 155. 158. 159. 229. l. 3. p. 381. Keppl. 1ert. interv. prop. 128.

LXIV.

Montes quidam nubibus altiores.

Nubes non ita longè à Terrâ distare, ut nonnulli credunt, experientia testatur. Montes enim nonnulli cacuminibus suis nubes excedunt. Nam Olympus & Athos montes tam alti sunt, ut in eorum cacuminibus relictæ cineres toto anno, nec ventis diffentur, nec imbris eluantur. Et in Vesuvii vertice consistentes proximas quasdam nubes pari cum monte altitudine distare à terrâ animadvertisse, nonnullas etiam ex alto despicere potuisse referunt. (a) Cui suffragatur illud, quod scribit Zabarella: Ascendi, inquit, ad summitatem usque montis veneris, qui in agro Patavino omnium altissimus est, ibiq; per totum diem habui aërem serenissimum, sed infra circiter medium montis videbam nubes, quæ me visione vallium prohibebant. Vespero autem postquam de illo monte descendi, inveni factam eo die in inferâ parte magnam pluviam, cum in montis cacumine nihil pluisset. (b) Idem testatur Fr. Piccolom. qui homines in sublimibus montibus degentes vel per eos iter facientes, infra se in convallibus inspicere pluvias scribit: cum ipsi in sereno aëre sint: idque sibi ipsi per Alpes & Apenninum iter facienti contigisse. (c)

a) *Sennert. l. 4. epit. sci. nat. c. 5. Keppler, l. 1. Astron. part. 3. pag. 69. & 70. Bedin. lb. natur. l. 2. p. 169. Bartol. Phys. spec. part. 1. cap. 9. b) de reg. aër. c. 3. c) de meteor. cap. 11.*

LXV.

Virtus unita fortior, documento sacculorum & ventriculi arctatorum.

Videmus sacculos quoscunque, quibus aliquid intenditur, in suprema parte arctius posse constringi, si spacium quoddam superius relinquatur, imò eisdem saccos gestari posse commodius, si ea quæ intrusa & coarctata sunt, à se invicem non divellantur, sed associata & conglobata intus cohæreant, nec hinc inde diffuant. Eodem modo ventriculus ingesta perfectius elaborabit, si instar loculi accuratius claudatur, virtutes ejus colligantur ac congregantur: quod ut commodius fiat, depressione ciborum opus est.

Pansa theor. spec. c. 30.

LXVI.

Corpus ex cacochymia morbosum, rimosum & concussam navis est.

Quemadmodum rimosæ concussæque naves citius tempestate succumbunt ac penitus dilacerantur: sic morbosæ corpora, cruditatibus infarctæ, quæque aliàs vacillanti sunt ac dubiâ valetudine, omnibus exposita injuriis, ita ut vel levissima intemperies ingruens, morbum provocare possit.

Pansa theor. spec. de prorr. vis. c. 27.

LXVII.

Fuligo interior cor strangulans.

Ut in cenaculo, fumo forsan oborto, nauseam persentiscunt convivæ, & dolorem in oculis: imò si
idem

idem fumus invalescat & magis incrudescat, quendā caloris suffocationem percipiunt, nisi referatis ostiis, ac patefactis fenestris vapores fuliginosi dissipentur, atq; in auras diffusi evanescant: sic quoq; in humano corpore Cor strangulari videtur ex humorum caligine, densisque fumis inde promanantibus, nisi spiraculis cutis relaxatis fuligo prohibibita liberè transeat.

Pansythor. spec. c. 38.

LXVIII.

Ignis in materiâ crassiore robustior, non putrescit.

Quod ignis noster urit, in causâ est, quòd condensatur & inhæret crassæ materiæ, unde partes ejus condensatæ & coarctatæ majorem vim habent. (a) Seu ut Scaliger loquitur, urendi vim habet à partium propinquitate, frequentia, coagmentatione, cohesionē, unionē. (b) Cujus rei documentum esse potest ferrum ignitum, in quo ignis vis, ob partium condensationem, major est, quàm in stipulis, quæ constant ex rariore materia. (Sed non est calidior in ferro candente, illo, qui est in stipulis, majus saltem agendi robur habet. Virtus enim unita fortior est dispersa, & agens quantò propius est patienti, tanto magis agit in ipsum) Idem patet si spiritus vini incendatur. Nam per eum, sine aliquâ læsione, ut & per supremam flammæ partem, digitum transmittere possumus, quod in ferro candenti non licet. Idem Ignis per se non conspicitur, ut nec Aër: nec lucet, nisi in materia densa excipiatur. (c) Omne quod nascitur, ignis gignit, ideò calet, ut qui denascitur, ignem amittit & frigescit. (d) Quare à Scaligero Iusto Regi comparatur, qui suum cuique reddit, herciscens familias, & fini-

finium regundorum iniens rationem: prudentique œconomo, qui sibi, quantum satis est, sumit. Ex ligno enim terræ cineres, aquæ humorem, aëri halitum distribuit: Sibi, quod vulgi oculos fallit, animos haud latet sapientum, sumit ac servat. (e) Ignis solus non putrescit, quod nihil ipso sit calidius, quod ejus calorem corrumpere & evocare possit.

a. c. f.) Sennert. l. 2. epit. sci. nat. c. 3. Bodin. l. 2. theat. nat. p. 153. Sennert. l. 3. c. 2. & 3. b) exerc. 2. f. 2. d) Var. vol. 2. de lat. ling. c) exerc. 9.

LXIX.

*Solis adspectus & occacat & visum acuit,
ejus Eclipsis ut sine noxâ
spectetur.*

Solis adspectus, ac multo magis etiam reflexio oculorum in pelvi, aut concavo speculo ferri splendentis cecitatem infert: Si tamen triplicato vitro nitidissimo, ac densiore in aqua atramento infecta conspiciatur, oculos juvat ac visum fovet. Quia omne objectum sensibile ac violentum, sensum lædit, moderatum delectat. At radii in concavo speculo vel pelvi multiplicantur & in conoidem reflexi violentissimè oculos feriunt & urunt, perinde ut ignis admotus. Igitur Solis splendorem primum intueri oportet in terrâ: deinde objectum nubium, postetiam trans corpus diaphanum valdè solidum vel multiplex, aut vitro viridi: tunc enim juvat ac fovet visum levis radiorum ad oculos appulsus: Eclipses tamen Solis in aquâ atramento confusa præstat intueri, aut conclusis fenestris, aut foramine obliquo pugione vel

vel subulâ facto, facillimè sine ullo visus periculo Solis Eclipsin intueri licebit.

Bodin. theat. nat. l. 3. p. 453. & l. 5. p. 480.

LXX.

Plantarum nomina maris & fœminæ, quo sensu habenda.

Sunt in Plantis maris ac fœminæ confusa principia, idque optimo naturæ consilio. Cùm etenim generatio sit ab agente in patiente: Natura operi suo, cui simul & motum negasset & generationem tribuisset, generandi facultates proportionales indidit conjunctim, id quod iade quoque potest colligi. Siquidem quarundam stirpium è semine alio mas, alio fœmina perveniat. Id constat è Cannabe, à fructu semen quod ferat, fœminam marem sterilem. Idem in spinachis. Ex eodem stipite funditur semen, quod partim evadat mas, partim fœmina. (a) Sed hoc fit hominum verbis ab utentium more, fœminas enim appellant eas stirpes, quæ aut minutiores sunt, aut steriles, aut frugiferæ quidem, sed humiliores, aut leviores, aut molliores, aut enodiores, aut candidiores: mares verò fructuosiores, aut frondibus abundantiores, aut nodosiores, aut qui difficilius crescant, aut duriores, aut nigiores: ut olea oleaster: Ficus caprificus: Pirus piraster: sit tamen hæc animantium exemplo definienda sunt, mares appellari debent, qui plus habent seminis, aut virium, aut spirituum: Fœminæ quæ plus humoris & sanguinis. (b) Illud tamen singulari observatione ab ultima antiquitatis memoria proditum est, Palmas fœminas sterilescere, nisi mares proximè serantur, aut saltem flores marium cum pulvere

vere misti foeminis injiciantur: sed mirum est Theophrastum (e) Tiliam frugiferam & odoratam appellare foeminam: marem vero sterilem & inodorum, nisi quod nodosior, durior, spinosior mas est, quàm foemina. Idem statuit de corno mare, ac foeminâ. (d)

a) Scalig. comment. in l. 1. de plant. Arist. p. 136. 128. b.

d) Bodin. l. 3. th. nat. p. 281. c) l. 3. c. 11. 12. & 23. de caus. plantar.

LXXI.

Fructus quidam erosi vel vulnerati citius maturescunt.

Si vermiculus pomum in arbore eroserit, celerrimè maturescet, quia quasi mortuum animal nihil amplius alimenti contrahit, ut etiam vulnerati pepones cito maturescunt. quia mortui vim eliciendi alimenti amiserunt. Ob id etiam caprifici juxta ficus feruntur, quoniam culicum examina prodeunt è caprificis: à quibus ista poma ficuum humorem oblatum respuunt, ac maturitatem accelerant: sic uva celerius maturescit, cujus pediculus vulneratus est, aut à Sole exsiccatus, aut cujus radix vitis, vermiculum habet, aut quæ senectam attigit.

Bodin. l. 3. th. nat. p. 280.

LXXII.

Ab excisis stirpibus præstantioribus deteriores suppullulascere.

Illud in Naturâ ferè perpetuum est, ut in locis stirpium præstantiorum deteriores subnascantur: Vestis enim Quercuum & Fagorum arboribus recisis, Acer aut Betula nascitur: mortua verò Betula Ligustrum aut Viburnus, aut quid aliud, ad extremum Jun-

niperus, Filix, Genista, Paliurus: sic etiam post Gladioli radices emortuas, Cicutam aut Chelidonium, aut quid aliud deterius nasci videmus: quæ commutatio nusquam est à veteribus prodita, sed experienciâ diuturnâ posteritati comprobata: & quemadmodum emortuis animantibus præstantioribus, vermes aut Scarabæi, aut muscarum examina prodeunt, sic etiam in plantis judicandum opinor. Quæ certissima sunt Naturæ paulatim in senectam abeuntis argumenta, cum etiam antiquissimi scriptores continuis historiarum temporibus conquerantur, hominum genus nec robore, nec proceritate, nec vitæ diuturnitate, cum majoribus esse comparandum.

Bodn. l. 3. theat. p. 295.

LXXIII.

Verrucaria pulvis ad verrucas expertus.

Zacynthæ sive verrucariæ Mathioli, Cichorii verrucarii Gesneri, semen pulverisatum, ad unum cochleare sumtum, decresciente Luna, per tres dies, dissolvit verrucas, in quâcunque parte corporis, quo remedio quidam Chirurgus Patavii aliquando multum pecuniæ collegit.

Camerar. in hort.

LXXIV.

Veronica vis contra scabiem à cervo inventa.

Veronicæ usum contra scabiem à Cervo quodam inventum, hominumque posteritati traditum esse creditur. Is enim cum dorsum suum fæda scabie pollutum crebrius voluisset in loco, veronica herbâ passim referto, à morbo suo liberatus est.

Pansa theor. gener. l. 1. de pror. vis. c. 2.

U

LXXV.

LXXV.

Consolidæ majoris & minoris peculiaris facultas.

Consolidæ majoris flores, in vino rubro cocti, bisque in die sumpti, in cruenta urina optimi (a) Minoris succus bibitus ad uncias 2. lethargicos & carō laborantes excitat, & omnem somnum profundum removet. (b) Carnis frusta, dum cum illis coquitur, non glutinat, ut plerique putant. (c)

a) Camer. in horto b) Dow. Leon. l. 2. pract. sect. 1. c. 3 c) Plater. de dol. p. 901.

LXXVI.

Corallina in vermibus necandis princeps.

Corallina (musculus marinus plerisque creditus) ad puerorum vermes necandos, cæteris præstat medicamentis, siquidem non modò lumbricos interficit, sed eos quoque eadem die expellit, magnâ sæpè cum astantium admiratione, quod quandoque visus sit puer, qui ex assumptâ hujus pulveris drachmâ 70. vermes excreverit. (a) Sed hanc vim ignorarunt antiquiores, sed posteriores ita esse comprobarunt, nunc tota Græcia ea pro vermibus utitur: imò qui per plateas & vicos, contritam corallinam vendunt, ita ferè clamat: *χολιτοβότανον, χολιτοβότανον* q. d. vermes interficiens. (d)

a) Marsiol. l. 4. c. 95 Lemu. l. 3. c. 9. de oec. nat. mir. Mercur. de morb. puer. l. 3. c. 10. b) Ant. Mus. in exam. simplic.

LXXVII.

Peplus maturè ab acetariis evellendus, ne mensa noceat.

Peplus sponte nascitur in areolis, maturè evellendus,

duſ, antequam floreat & ſemen, quod citò admodum perficitur, nimis latè ſpargat. Cavendum, præſertim inter acetarias plantas ne creſcat, alioquin facilè fallit legentes, & non ſine periculo menſæ adhibetur: unde olitoribus *Teuffeſſmilch* appellatur.
Camer. in horto.

LXXVIII.

Thuia ſive Thya ſemen ut plantandum & rigandum.

Thuia ſive Thya (è *Canada*, *Franciſco* i. *Galliarum Regi*, *Arboris vitæ* nomine oblata, fortasſe ab odoris vehementia, vel ob immortalẽ ejus comam, ſic dicta (a) facilè è ſemine naſcitur, & ſurculis propagatur, fertque apud nos per hyemem, parum ſtamine vel ſimili remunita. Seri autem debet in vaſis terra optima & cibrata plenis, ut ſemen quarta parte digiti cætægatur. Cum verò rigari opus eſt, terra linteo impoſito irriganda, alioquin ſemina ſuſſum aſcendunt, & nudantur, quod etiam in aliis obſervandum. Novellæ plantulæ à Sole meridiano per majores ætus defendendæ, atque hac ratione plurimas arbuſculas brevi conſequi poſſimus. (b)

a) *Bauhin. in pinac. l. 12. ſect. 5. p. 488.* b) *Camer. in horto.*

LXXIX.

Lilii convallii radix; aqua è floribus; & oleum cui uſui.

Lilii convallii radicis, quæ dulcis, aromatica & odorata eſt, pulvis naribus attractus, pituitam elicit & ſternutationes, ſine vehementiâ. (a) *Floribus* vas impletur benè obruratum & in acervum formicarum reconditur, per menſem, liquor inde collectus,

U 2

inſtat

instar olei, sedandis doloribus podagricis, & simili-
bus affectibus externis adhibitus perutilis, (b) O-
leum peculialiter ad puerorum tormina paratur. (c)

a) *Camer. in hort. l. 3. c. 81. herb. Germ. Oberndorf. de
luc Vrg. p. 183.* b) *Camer. ibi.* c) *Plater. de dol. p. 623.*

LXXX.

Brassica nomen, noxa & usus controversus.

Brassica inter olera est Theophrasto, (a) quæ ὀνό-
μα βεζέειν à vorando, Dioscoridi κρόμβη q. κρόμι-
βη, quod oculorum pupillas lædat, dicitur, (a)
κρόμι enim Græcis pupilla est, iniqui enim ac sicci est
succus & graveolentis: aqua enim ejus humi effusa
fætet, sumpta, animæ gravitatem facit, promptè aluum
movet, comesta. (c) Damnatur, quod melancholiam
procreare existimatur, quam tamen ego, ex gustu ju-
dicans, rectè præparatam, bonum sanguinem, præ
ceteris plantis, cum tenera sit, & suavis, potius effice-
re censerem. (d) Brassicæ sale conditæ integra ampho-
ra, tantum sanguinis aut spirituum non gignit, quan-
tum unum ovum, (hoc enim tantum sanguinis gene-
rat, quantum ponderat. (e) Si semen nimis in calido
loco torrefiat, degenerat in Rapum. Brassicæ folia ex
vino rubro vel austero incocta utiliter admodum ad-
hiberi in magnis & sinuosis vulneribus certum est. (f)
In ambustis, apposita inflammorem reprimunt, resolu-
vunt & simul discutunt. (g)

a) *lib. 1. c. 19.* b) *l. 2. c. 14.* c) *Heurn. l. 2. M. c. 19.* d) *Plat.
de las. si. p. 158.* e) *Crato in Consil. 46.* f) *Cost. de stirp. Camer.
in hort. Gal. l. 7. de simpl. med. facult.* g) *Plat. de dol. p.
437. 894.*

LXXXI.

*Viscum non à turdis sed à succi semine con-
naturali.*

Veteres arbitrati sunt (a) visci acinis à turdo co-
mestis, quod ad pulpam pertinet concoqui : quod
seminis est, incoctum ab alvo dejecti, sistique in ar-
boribus iis, in quibus isti quiescere consueverunt: at-
que ex eo semine plantam novam generari. Verum,
rationi hoc consentaneum non est. Etenim non est
probabile, semen ita cortices durissimos findere ac
ligna durissima subire posse. Et cur in multo pluribus
arboribus non crescit, in quibus nihilo secius aves istae
stabulantur? neque in ventriculis atque intestinis tur-
dorum visci baccis nutritorum, ullum unquam gra-
num invenitur. Vero igitur magis consentaneum est,
viscum habere se q. cornua ex ossibus animalium pro-
deuntia, & visci principia in succo sibi connaturali à
calore interno forata, atque à calore externo adjuncta, in
hanc plantam concrelescere. (b) .

a) *Theoph. l. 2. cap. 24. Mathiol. in Diosc. l. 3. c. 68.*

b) *Baubin. in pinac. Botan. l. 11. sect. 4. p. 423. Scal. ex-
erc. 168. Sennert. epit. sci. nat. l. 6. c. 4. Bodin. l. 3. theat.
nat. p. 296.*

LXXXII.

Sinapi litteratorum solatium.

Sinapi calidum & siccum est, & vim acrem atque
urentem possidet, quam ob causam potius condimen-
ti, quam alimenti gratia adhibetur, & iis tempera-
tur, quae acrimoniam ejus retundunt. Commodè

cum cibis crassis atque viscosis adsumitur, in primis hyberno tempore. (a) Matres familias, obsonatrici artis non imperitæ per vendemias musto id diluunt temperantque, unde adhuc mustardæ nomen à musto & ardore retinuisse videtur. (b) Stomachum firmat, & capiti gratum est, pituitam fundens, adeò ut statim lachrymas moveat (c) diffans, ac ad inferiora deturbat (d) proprietate memoriam acuit, (e) & visum juvat, Platero teste (f) aliis contra (g) saccharo obductum, vel cum melle pro bellariis appositum, experimentum tutum ac præsens in defectu ingenii ab humiditate statuitur. (h) hoc condimento, laxatus gurgulio citò contrahitur. (i) Pythagoras proin Sinapi habuit in honore maximo, quod præter vires, in sanitate ac valetudine præcipuas, in altum quoque ac sublime feratur, & in arcem illam divinæ rationis ac mentis stationem potenter conscendat, calefaciens, purgans, discutiens, omniaque illic reddens illustriora; hujus intinctum ex musto confectum, cunctis literatis, præsertim hyemis tempore commendo, cum totum corpus calefaciat, venulas mesaraicas aperiat, & deductionem chyli in epar promoveat. Nihil enim capiti salubrius, quam ventrem laxum sibi que propitium habere: Hujus constipatio mirifice aggravat. (k)

a) Horst. l. 1. de san. stud. tu. c. 6. b) Gogl. de pror. vit. c. 9. p. 264 c) Plat. de las. funct. p. 50. 51. 369. 375. d) Heurn. c. 10. de aff. cap. e) Plat. de las. f. l. 1. c. 1. f) Plat. l. c. p. 262. g) Horst. & Gogl. l. c. Pansa theor. spec. de pror. vit. c. 51. h) Horst. l. 2. de san. tu. c. 1. i) Dodon. l. 2. prax. c. 22. p. 277. k) Pansa l. c. c. 50.

LXXXIII.

*Piper, Zingiber & vinum potentiâ calida,
non nisi ope ventriculi, in actum
producuntur.*

Piper, Zingiber & vinum potentiâ calida esse dicuntur, quia tacta statim non calefaciunt, sed in corpus ingelata, & à ventriculi calore dissoluta; quamvis enim multum caloris in se contineant, istamen ita cum reliquis qualitatibus temperatus est, ut suam vim non exserat, dum in misto, in suo naturali statu constituto, hæret.

Ubi autem quis eadem in ventriculum assumerit, illa harmonia qualitatum à calore ventriculi dissolvitur & turbatur, calorque horum mistorum evocatur, qui amicitia, quam prius cum reliquis qualitatibus fovebat ruptâ, liberius & fortius agit, non amplius tanquam calor misti, sed potius ut calor jam separatus & sui juris factus,

Sennert. l. 3. epit. sci. nat. c. 3.

LXXXIV.

*Vis opii narcotica non à frigido est, sed à
sulphure.*

De qualitatibus opii Medici inter se certant, dum alii frigidum in quarto esse statuunt, ob vim illam Somnum inducendi ac stupefaciendi: alii calidum ob amarorem, & acrimoniam quæ in eo deprehenditur. Verùm, hodiè non solum Chymici, sed & alii docti Medici statuunt, Somnum conciliari & stuporem induci, non tam à frigore, quàm sulphure quodam narcotico, quod etiam in calidis rebus, ut spiri-

tu vini, deprehenditur, atque à tali spiritu narcotico omnem etiam suam vim habet Opium; amarorem verò à sale amaro. Cujus rei vel hoc indicium est, quod largius sumtum veterum inducit, cum pruritu totius corporis, & Turci Mas-lac suo utuntur ad animositatem in praeliis conciliandam, eoq; quasi ebrii redduntur.

Sennert. ep. sci. nat. l. 6. c. 5. cl. ss. 12.

LXXXV.

Musca in Aquis suffocata, & Serpentes concisi, ut fiant redivivi.

Musca in Aquâ suffocata & prorsus extincta in vitam redeunt, si conspergantur sale & calori exponantur. Sic Serpentes in minutas portiones dissecti, & occisi, in cucurbitam positi putrescunt, ac novos serpentes, opera caloris ex novis vermiculis producant.

Pansa de pror. vit. theor. spec. c. 1.

LXXXVI.

Argenti vivi etyma cum causis.

Ἄργεον & Græcis (q. aqueum argentum dicas) quod nimirum aquæ modo fluere videatur: Latinis à motu, quia stare loco nescit, & suo pondere huc illuc fertur, Argentum vivum nominatur: colore quidem argento simile, sed liquidum, fluxile & pellucidum est. (a) Aristoteles ἀργεον χυλον hoc est, fusile seu liquidum argentum appellat. (b) Chymici Mercurium appellant, quod sicut Mercurius omnibus Planetis, ita hoc omnibus Metallis sese associat, & quod ejus mobilis & versatilis natura est, quæ hactenus

aus

nus multos Chymicorum fatis exercuit, nec dum satis cognita est. (d)

a) Fuchs l. 1. de comp. med. cap. 17. Weck anti-d. spec. l. 1. sect. 5. Jul. Palm. constant. de morb. contag. lib. 3. cap. 1. b) l. 4. Meteor. cap. 8. c) Scalig. exerc. 88. d) Plater. l. de vit. cap. 4. p. 482. Sennert. epist. sci. natur. l. 5. c. 5.

LXXXVII.

Argenti vivi species.

Duplex est argentum vivum: fossile & factitium. Naturale, in argenti fodinarum tectis stillatim concretum, vel inter alia metalla invenitur, aut certe ex lapide quodam, qui ex ipsius argenti fodinis eruitur, arte prolicitur, hoc pellucidius, tenuius, purius & præstantius est factitio (quod ex Minio excoquitur, (a) vel plumbo. Sunt etiam qui ex eboris scobe, & rebus aliis omnibus Argentum vivum elici posse (quod rerum omnium semen ac principium sit) literis prodiderunt) quod originis suæ nondum immemor, obscurius, impurius, crassius, imbecillius deteriusque ad omnia consistit. (b)

a) Plin. l. 33. c. 8. b) I. Palm. Constant. l. c.

LXXXVIII.

Argenti vivi matrix; cum metallis familiaritas, maximè cum auro.

Argentum vivum constat ex aqua metallica, viscidâ, terrâque sulphureâ exactè mistis: metallisque facillimè miscetur, in primis auro, hinc stanno, plumbo, argento: difficulter cupro & ferro. Inter Mineralia omnium ponderosissimum, & nihil in se demergens, nisi aurum (a) cupisejus rei experimentum?

libris 5. vel 6. Mercurii, libram 1. vel 2. ferri, cupri vel argenti impone, videbis supernatare, ut ligna aquæ, injice autem vel granum unicum auri puri, nec sophisticati, subsidebit statim (b) an quia Aurum gravius? an ob naturam homogeneam cum Mercurio? (c)

a) Sennert. l. c. b) Paracels. c. 19. de gen. miner. Unz. l. 1. de Mere. c. 10. c) Ruland. l. 2. probl 124.

LXXXIX.

Argenti vivi usus innoxius & noxius.

Argenti vivi guttam unam vel alteram, vel scrupulum semis aliqui in vermibus deglutiendam propinant, quod vermes, quibus admodum adversum, citò fugat, potestque innoxie sumi. Aqua, (vinum vel alius liquor, in quam argenti vivi portio infusa fuerit, in eaque aliâ agitata, si ab eo colata, bibatur, lumbricos mirifice pellit. (a) Gorlitienfes quoque obstetrices, ubi gravida diu in partu laboraverint, ultimo remedio statim argentum vivum scrupuli pondere nullis incommodis potandum exhibent. Quò fit, ut facile mihi persuaserim, argentum vivum potantes haud necare, nisi pondus aut mensuram excesserit, non tamen crediderim, quòd solum pondere interimat, ut quidam putarunt, Dioscoridem tantum secuti (b) Si ergo hydrargyrum impurum & plumbatum non interficit, quid de puro statuendum? Cerebrum & nucham spirituosa humiditate frigiditateque lædit, non veneno; insidet ossibus gravitate & humoribus ducitur. Ex accidente fit Syalismus, quia phlegmatici humores circa cerebrum sunt frequentes, ita fiunt sputa & articulorum luxationes ab eodem, non per se

se omnino, sed ex accedente humorum affluxu, Natura enim eos destinavit ad articulos & glandulas, irrigandi causa, cum itaque cò pelluntur copiosius, ista eveniunt. (e)

a) *Plat. l. 2. de vit. c. 13. l. 1. obs. p. 42. Ant. Mus. Brav. de nat. stirp. c. 28. q. Bapt. Zepata mirab. remed. c. 5. p. Car. Rosenb. animal. & exerc. Med. 36. b) Marshol. comm. in l. 5. Diosc. cap. 70. c) Libav. l. 1. sing. cap. 11.*

XC.

Argentum vivum unde diaphoreticum.

Quid cedo causæ est, cur argentum vivum sudorem ciere possit? nonne potius frigidum & repellens remedium cum sit, corpori affricturn, contrario planè motu, atque hydrotica medicamenta à peripheriâ corporis ad ipsius centrum humores agens sudoris materiam impellit? Si quis igitur ab illitu sudor diffuit, cum partim ignis, ad quem inungitur, partim calida olea, quibus cum miscetur hydrargyrus: partim cubilis calor, non hydrargyrus elicit.

l. Palm. Constant. de morb. cont. l. 3. c. 4.

XCI.

Amuleti ex Mercurio, avellana vel calamo inclusæ, efficacia.

Amuletum ex hydrargyro fit, cum avellanâ rubrâ, & aliquo verme arrosâ, ut foraminis illius beneficio hydrargyro replei possit. Postquam verò metallicum illud est introductum, foramen sedulo occludetur & avellana serico rubeo, à collo suspendenda, involvatur. Si verò avellana deficiat, illius vicem

vicem calamus supplebit, qui prædicto Mercurio replebitur & è collo suspendetur, ita ut quàm proximè ad regionem cordis admoveatur. Hoc remedium adeo hisce temporibus, ad præcautionem pestis est usitatum, totillius animadverti experimenta, ut non possim præ cæteris illud non valdè comprobare (a) Remedii hoc genus testatur se accepisse P. Droëtus, Medicus Parisiensis, à Medico Illustrissimi Domini Vidami Carnutensis, Principis Chabanei, qui in Mentensi obsidione Anno 1566. nullo alio remedio se defendit à peste, quæ tunc maximè sæviebat, neque se solummodo, sed & chirurgum, qui peste infestos invisebat. (a) Collo appensæ avellanæ, ita ut ventrem attingat, argento vivo plenæ, & ad præcautionem & curationem colicæ magnas attribuunt vires (c)

Quercet. l. 2. pest. alex. c. 5. Plat. d. dol. c. 2. p. 190. Vnz. de merc. l. 1. c. 22. Gloglen. de pest. p. 68. Minder. de pest. l. c. 20. b) Consil. de pest. c. 8. c) Plater. de dol. c. 13. p. 625.

Plura de Mercurio vide cent. nostr. 4. memor. prop. 90. & seqq.

XCII.

Historia Mercurii in Aurum conversi.

Convenerant fortè fortuna Veronæ in hospitium unum idemque Medicus, Secretarius, & Mercator Antverpiensis Joannes Eremita dictus. Dum mensæ assident, quæstio incidit de Alchymia veritate, & post ejus nonnullam ventilationem, Medicus inquit, si placet Artis experimentum videre certum & indubitatum, ego ostendam, & nequid subesse fraudis suspicemini, eat alter vestrum, & erit Argentum vivum & catinum fulorium, deinde in superius tabulatum

latum adscendite, & argentum vivum igni imponite & cum fumare incipiet, me advocate. Obtemperatum est, accessit, & è pixidula, cultri acie extrema depromptum pulvisculum iniecit Mercurio, & post moram aliquam, edito strepitu, facta est, inquit, transmutatio, quam videre desiderastis, ite & Aurum hoc Artificibus examinandum tradite, quod & fecerunt & cunctas probatissimi auri notas invenerunt. (a) Libavius meminit cujusdam Itali Chymici, qui Rotenburgi certa fide sibi retulerit, se à Monacho accepisse vix unum granum pulveris rubei, quem super unciam unam Mercurii, in catino calefacti projecit, quo facto, strepitum fuisse exortum, statimque Argentum vivum rubefactum, adhibito autem intensiori ignis gradu, Argentum vivum elilytum fuisse & confluisse, accepta soliditate metallica. Cumque Italus credere nollet esse metallum, frangere conatum esse sed frustra. Misit ergò illud ad Aurifabros, curavitque examinari cemento Antimonii & cupella, & inventum fuisse Aurum probum ac verum. (b)

a) Evvald. Hogbel. in hist. transm. metall. b) in syntag. l. 7. c. 8. Unz. de Merc. l. 1. c. 17.

vide centur. 4. prop. 89.

XCIII.

*Fulgur & Fulmen à Sulphuris & Nitri est
prædominio.*

Fulgur & Fulmen nonnisi dispositione & copia Sulphuris ac Nitri differunt. Quò enim Nitrum copiosius & subtilius: eò percussio fit vehementior: ob Sulphuris verò abundantiam ignis major conspiciatur. Hinc etiam causa reddi potest, cur fulguret, nunc

nunc cum tonitru, nunc absque tonitru; non enim hoc fit, quod nubes sit, vel rara vel densa, quæ exhalationi viam, nunc intercludat, nunc liberum exitum concedat. Neque enim tam densæ sunt nubes, ut exitus intercludere fulguri possint: sed quia nunc Nitrum multum, nunc paucum, cum sulphureâ exhalatione conjungitur, accidit, ut nunc tonitru vehemens, nunc nullum vel exiguum audiatur.

Sennert. l. 4. epit. sci. nat. c. 2.

XCIV.

Lapidis fulminei ortus.

Fulmen est spiritus igneus & tenuis, nitro-sulphureus, non lapis, ut vulgo creditur. Nam mira vis & potentia Fulminis, non lapidi, sed corpori longè tenuiori & subtiliori adscribenda est. Quamquam interdum in nubibus, & exhalationibus calore ingenti decoctis & condensatis lapidem quandam solidissimum posse gigni, & cum Fulmine, ut globum è bombardâ ejici, impossibile non sit: rarò tamen id fieri credendum est. Est autem Fulmen Fulgure magis compacta exhalatio, confertim è nubibus magnâ vimagnoque impetu erumpens. Quapropter non semper in aëre dispergitur, ut reliqua ignita meteo-
pleraque, sed sæpè in terram usque fertur: tum quia vehementi & magno impetu è nube ejicitur, tum quia benè coherente & compactâ constat materiâ: nunquam tamen quinque pedibus altius descendere in terram, autor est Plinius. l. 25. c. 55.

XCV.

XCV.

*Fulgur ut fiat, & cur celerius oculos, quàm tonitru
aures feriat.*

Ubi vapores sulphurei & nitrosi tempore æstivo, à calore Solis, præcipuè flantibus ventis meridionalibus, invisibiliter & sursum elevantur, & postea vel à ventis oppositis, vel frigiditate mediæ regionis uniuntur & condensantur, fit ut ob peculiarem repugnantiam accendantur, atque hinc & sonus & coruscatio oriatur. Et si autem Tonitru, seu prius sit quam Fulgur, seu simul cum Fulgure, Fulgur tamen prius in oculos incurrit, quam Tonitru auditur, quia nimirum ad spectus celerior est, quam auditus, speciesq; visibiles magis spiritales & ad propagationem subitam magis idoneæ, quàm audibiles. Cujus rei etiam exemplum est in findentibus ligna in silvis, ubi ictum prius videmus, quàm audimus sonum: & è bombardis, ubi prius videmus ignem quàm sonitum percipimus.

Sennert. l. 6. Bodin. l. 4. th. nat. p. 457.

XCVI.

Finis fulminum, & effectus admirandi.

Profunt Fulmina πύρωσις ad ærem ab halitibus, aliàs noxiis repente expurgandum: ad Dei potentiam securis exaggerandam, impiosque puniendos: δεινότης alia præstant admiranda, ut quòd illa sa vagina gladium liquefaciant, loculis integris & illa sis conflent argentum, inviolato ligno ferrum hastæ resolvant, quòd salva chirotheca manum, salvo calceo pedem, salvo cortice arboris medullam lædant, & comburant, infantem in utero, sine matris noxa inter-

interficiant; carne salvâ ossa in animalibus commi-
nuant; Rariora enim & sicciora spiritus innoxie pe-
netrat: in humidiora verò collectus vehementius
operatur. Non rarò salvis internis externa afficiun-
tur, & pili sine carnis damno, vestes & calcei sine
corporis periculo aduruntur, ob debiliorem fumum
sicciora tantum & combustibilia corrumpentem. (a)
Illud etiam de mirâ Fulminis potentiâ annotandum
est, ministrum quendam ita subito ereptum, ex ho-
minum oculis, ictu fulminis, in viâ, quâ Lipsiâ itur
Torgam, ut postea nunquam apparuerit. (b)

a) Tandl. d. 4. meteor. lib. 36. & 37. vv. Fabr. cent. 3.
obs. 26. Plin. l. 2. nat. hist. c. 51. Arist. 3. met. c. 1. Senec. l.
2. quest. nat. c. 31. Sennert. l. c. b) Wolsfg. Meur. in com-
ment. meteor. p. 140.

XCVII.

*Sanguinis & lactis pluvia non est naturalis,
sed his analoga.*

Lac & sanguis verus naturaliter per pluvias de-
scendere non possunt, cum in animalibus tantum ge-
nerentur: aliquid tamen illis simile delabi absur-
dum non est; cum scilicet radiis solaribus ex terrâ ru-
beâ vel albâ vapor in altum attollitur, aut in alto ita
percoquitur, ut talem colorem referat, qui postea in
pluviam resolutus speciem lactis vel sanguinis exhi-
bet.

Sennert. l. 4. ep. sci. nat. c. 6. Tandl. diss. 5. met. probl.
4. Plin. l. 2. nat. hist. cap. 58. & 60.

XCVIII.

Mira formarum species in grandine.

Quod interdum in grandine miræ imagines appa-
re

tere dicuntur, partim hominum imaginationi adscribendum; qui grandines attentè inspicientes varias in iis imagines, perinde ut in nubibus concipiunt; partim ad Divinam vim referendum, quæ grandibus etiam aliquas imagines imprimat, quibus homines de vitiis non ullis in vitâ & moribus admoneantur.

Sennert. l. c. 7.

XCIX.

Pruina est à perurendo, quod vites, aristas in nigrorem exurat.

Pruinam Latini optimè à perurendo derivarunt. (a) quia οἶον πῦρ penitus adurit, & in cineres aridissimos, gemmas vitium & arborum teneras redigit: calamos etiam & aristas, ipsumque frumentum nigerrimo colore sic inficit, ut carbonum pulvis esse videatur. Paulò autem minus gelida est, quàm Nix, non tamen minus ardentè urit, quàm Ignis. Causam verò me penitus ignorare profiteor, (b) & quidem in abditis Divinorum arcanorum thesauris latere mihi videtur: ac promirando stupendo in laudationibus divinis positum est; Nivem divinitus dari pro lanâ calidâ, pruinam verò (c) pro favilla seu cinere ardenti. (d) Græcis πᾶχυς ὄνις ἔστι πᾶχυς à condensando indigitatur. (e)

a) *Isidor. l. 13. etym. c. 10. Estus in verbo Pruina.* b. d) *Banbin. 1b. nat. l. 2. p. 205.* c) *Psalms. 147. v. 16.* e) *Tandl. 1b. 6. meteor. 1b. 33.*

C.

Pulli Corvorum deserti unde nutriantur.

Inter alia Divinæ providentiæ testimonia & hoc
X
repor-

reponitur, quòd pulli Corvorum implumes, & à parentibus, vel propter oblivionem, vel quòd ob albedinem suos esse, diffidant, derelicti, & ad Deum clauitantes Divinitus alantur, quemadmodum Iob ic. 38. v. 3. & Psal. 147. v. 9. scriptum relinquitur. Ac unde talis cibatus ipsis contingat, non ita est expeditum. Quidam hoc vermiculis in nido genitis adscribunt, at hoc divino codici non satisfacit. Vagantes enim & jam nido ejectos ali Scriptura profitetur. Quidam hos à pratervolantibus muscis exsaturari putant.

Sed unde nondum volare potentibus & venandi imperitis tanta muscarum arripendarum sagacitas? Rectius igitur ut opinor, hos in firmos & ob famem querulos caelesti rore pasci, statuimus, ut exemplo despiciatissimarum volucrum ad paternam DEI erga nos affectionem confirmemur.

Tandler: disp. 6. meteor. probl. 5. C. Gessn. de avibus p. 323. vide abs. Bedin. l. 3. th. 88. p. 373.





CENTURIA VI.

Particula I.

Methodus Analytica, de Natura & Viribus,
Fontis acidi, ad Göppingam Oppidum, in
Ducatu Wirtembergensi.

QUESTIO.

*An Aquæ Göppingenses acida sint: propter
calcanthum?*

Conclusio I.

UTin Corporibus animantium varii gignuntur
humores, ita etiam Aquas diversis qualitatibus
præditas Terra gignit.

2. Qualitates omnes in aquis, ex rebus immixtis
fiunt.

3. Materiæ quæ aquas inficiunt sunt Succi, Terra,
Metallum, Lapis & Halitus, & quod ex horum qui-
busdam vel omnibus his mixtum est.

4. Unde pro naturâ subterraneorum corporum,
quibus Aquæ miscentur, sapor, odores, colores,
& facultates denique diversæ in Aquas transmittun-
tur.

5. Succus crassitie differunt ab Aquis, nam Aqua te-
nuis est, & ferè simplex; succus verò crassus & mix-
tus semper.

6. Generantur succi variis modis, aut quia calor
rem siccam immiscet humido, & mitionem coquit;
aut cum Aquæ lambentes terram, aliquantulum crasse

X 2

efficiunt.

efficiuntur: aut cum humor inclusus metallicam materiam corrodit, aut denique à vi caloris exprimuntur.

7. Perpetuò verò generantur & conservantur succi in locis subterraneis, ut perpetuò etiam Aquis commisceantur. Sed ut differentias distinctas habent in tactu, colore, sapore, odore, crassitudine, ita varias vires Aquis impertiri solent.

8. Sunt autem hi potissimum, Sal, Nitrum, Bitumen, Sulphur, Alumen, Calcanthum, quorum aliqui liquidi, aliqui concreti dicuntur.

9. At succis inde sapor inest, quòd Aquæ ex quibus conspissatis gignuntur, ejusmodi fuerint saporis: vel quod calor Aquas cum terra permixtas coxerit, quod, quia diversis fit modis, varietate saporis distinguuntur.

10. Aquæ verò saporem sibi acquirunt, quod vel mixtæ cum terra insipida aliquantum à calore coquantur, vel quòd lambant terram insigni aliquo sapore præditam, aut succum concretum, aut lapidem, aut metallum, vel quòd combibant succum liquidum, cujuscunque tandem saporis; vel quod expirationibus inficiantur.

11. Saporem ex mixtione oritur, cum vel corpus terrenum miscetur humido, aut contra humidum terreno, ut nunc hoc, nunc illud mole vincat alterum.

12. Ergo quia materia saporis est Terra & Aqua. Effectrix verò causa calor subterraneus, qui eas coquit, mutat & fingit, necessario pro mixtione & modo, Aquarum & succorum saporis oriuntur.

13. Nam

13. Nam ubi Terra multæ Aquæ permiscetur, ne caloream probè concoquit, sed frigiditas tanquam victrix in humore permanet, in ea mitione sequitur sapor, qui ὀξύς Græcis, à nostris, acidus dicitur.

14. Unde sapor acidus indicat substantiam terrestrem non adhuc excoctam à calore, quadamtenus tamen extenuatam, quæ plurimo humori aqueo sit admixta.

15. Terra quoque præter alias qualitates varios sapores recipit, insipida enim, salsa, amara, acris, acerbæ & acida reperitur, ac pro ratione materiæ, quâ infecta est, diversum saporem Aquistribuit.

16. Efficitur autem acida, vel quia Aquis madefactam terram, priusquam calor eam multum coxerit, & ad perfectam mixtionem deduxerit, frigiditas vi sua adstringit, vel quia succum acidum (quicumque is sit) per eam perpetuò emanantem potat, & sic aqua ex terrâ, per quam transit, saporem acidum assumit.

17. Metallo temperantur & mixtæ quoq; redduntur Aquæ, sed parum ex iis assumunt, eò quod omnia benè sunt compacta corpora, quæ præter facultates vix aliquid dimittant. Et sunt Aurum, Argentum, Æs, Ferrum, Plumbum.

18. Metalla verò non sine sapore esse, indicio est Æs, nam ærea vasa amaritudine multum inficiunt liquores in ipsa infusos, ab æris amaritudine non multum abest Ferrum, amaritudinis verò causa est, Terra adusta, quam ea metalla participant.

19. Non pauci ergò sapores in Aquis gigni videntur,

tur, quæ per hujusmodi metalla fluunt. Ferè tamen nunquam solum metallum in visceribus terræ reperitur, quo aqua profluat infecta, sed vel terræ, vel succis, aut lapidibus, aut omnibus his admixtum est.

20. Nam cum aqua corroserit Pyriten ærosum & friabilem, fit succus acerbus & acris, ex quo oritur Calcanthum. Hinc aqua Calcantho liquido infecta recipit saporem acerbum & acrem.

21. Non minus Lapidum qualitates, quàm Metallorū possunt Aquis inesse, reperitur enim lapis calcarius & marmor in Aquis medicatis, imò omnes cineres & calcos, qui reperiuntur in aquis, rediguntur vel ad lapidem, vel ad ramenta marmoris. Unde aquæ ex lapidibus, quos eluunt, quid medicamentosum in se recipiunt.

22. Præter has mistionum rationes, Aquæ aliquando expirationibus inficiuntur, ut fit in quibusdam locis ardentibus: unde & vapores bituminosi, sulphurei cum aquis miscentur, ratione quorum varii effectus sequuntur.

23. Sunt itaque variæ res subterraneæ, quibus aquæ imbutæ, medicatæ profluunt, rarius tamen unâ solare, sed pluribus, nec æquâ tamen portione miscentur, unde à vincente in ipsis materia denominantur.

24. Quia ergo sapor acidus variis de causis in Aquis gigni videtur, quæritur: num **AQUÆ GOPPINGENSES**, propter Calcanthum, an alterius mistionis & temperationis ratione acidæ proveniant?

25. Ju-

25. Judicatur quæstio, aut sensu cum ratione conjuncta, aut effectibus, qui rei proprietatem sequuntur: his enim duobus veluti instrumentis, medicatarum Aquarum qualitates & differentiz ad amissim distinguuntur & explicantur.

26. Percipitur Aquæ minera sensibus, sapore, colore, odore & tactu, ex quibus sensus gustus non infimas partes occupat.

27. Sapor, quem in aquâ Göppingensi gustamus acidus & parum acris persentitur, qui nec valdè adstringit, nec linguam multum exasperat. At sapor calcanthi, (ut testatur Agricola, qui præclare de rebus subterraneis scripsit) est acerbus & valdè acris, & aultum adstringens. Talem acerbicatem conjunctam acrimoniæ habent Aquæ, quæ Sori, Myfi, Calcitide aut Melanteria mixtæ sunt. Sapor verò acerbus, naturâ & viribus ab acido differt.

28. Odor nullus in hac aquâ experitur, neq; in effluxu, neq; dum calefit, cum abominandus & virulentus odor peculiaris sit calcantho.

29. Præterea omnis coloris, ut simplex Aqua, expers reperitur, nec viridis ille color ex calcantho inductus cernitur, unde nec linteamina hac aquâ elota, & postea exsiccata, ulla ferrugine infecta conspiciamus.

30. Frigida hæc aqua limpidissima quoque est, nec quicquam in se continet, quod tamen fieri videmus in aquis, terrâ vel saxis. vel succis infectis, in quibus pro ratione materiæ subsident fæces.

31. Nec postquam excocta aut destillata est, sedimentum remanet, quod sapore vel colore Calcanthi

indiciū prabeat. Quod si vasis lateribus, in quo decoquitur, aliqua adnata sunt, aut in ejus fundo subsident, quæ parū quid acrimoniæ linguæ exhibeat, id cōctionis ratione evenire putandum est.

32. Adde, quòd nec in iis locis, quibus scaturit Aqua hæc, nec in vicinis, nec ex parietibus ductuum ulla materia, quæ calcanthum exprimat, effluat, quæ deinde depurata, atque in ahenis decocta, sutorium atramentum conficiat. Artifices enim imitantur naturam, atq; aquas succis imbutas ad spissitudinem decoquunt, unde ex aquâ falsa conficiunt salem, ex Aluminosa, alumen; ex eâ, quæ calcantho infecta est, atramentum sutorium.

33. Tactus quoque aliquid in hac re valet, nam licet aqua hæc, subastringentem quendam saporem habeat, non tamen exasperat, & inæqualem reddit cutem, quemadmodum facit Calcanthum & Alumen.

34. Cum itaque aqua hæc pura sit, limpida, neque odore, neque sapore; neque colore calcanthum ullo unquam tempore exhibens, sequitur necessario, eam alia de causa acidam esse, neque naturam rerum omnium parentem, ad tantam inopiam, (Chymistarum more) astringi debere, ut ex calcanthi tantum succo acida proveniat, quod facile intelligetis, qui saporum differentias, ac subterranearum rerum commistiones intelligit.

35. Et cum in rerū naturâ species rerū non cessent, nec materia idonea, nec causa efficiens, ad succorum generationem desinant, præter rationem non erit,
alium

alium quendam succum liquidum in visceribus terra constituisse, qui acidus sit, & aquis commisceatur.

36. Istamen simplex non est, sed acri sapor jungitur, hinc plures reperiuntur aquæ, habentes hujusmodi succum acidum & acrem, ut aliquæ sint acidæ, & valde acres ad potum ineptæ, aliquando minus acres, ut in potum assumantur.

37. Ac licet succi toti in Aquis dissolvantur & contemperentur, ex cæterorum metallorum substantia, parum aut nihil, ut ea ratione faciliè totum contemperetur & immutetur: attamen hic succus nullam præter aciditatem aquæ qualitatem exhibet, cæteri non item, unde & limpida, pura, sine tetro aliquo odore, ac obscuro colore conspicitur.

38. At quum ab effectibus quoque de rebus subterraneis quæ aquis miscentur, judicium fieri debeat, effectus vero certi procedant à facultate certa, facultas autem certa & determinata à tali temperamento nascatur, ac temperamentum tale ex hujusmodi rerum commistione resultet, & in eâ existat, certum est, quod effectus talis, à tali rerum commistione fiat & producat.

39. Quia autem sapor hic mixtus in tenui substantia consistit, acidus quidem in aqueâ frigidâ. Acris verò in terreâ calidâ, ideo quæ ex tali mixtione oritur Aqua, nec summè refrigerabit, nec calefaciet, quæ operationes cum oppositæ sint, altera efficacior & debilior erit, pro ut magis vel minus alter saporum dominatur in Aqua; verum ubi opus est, plus refrigerat, quàm calefacit.

40. Deinde præter facultates istas habebit vim corroborandi & astringendi levem : inde propter substantiam terream paucam non benè ad calore excoctam, refrigerabit, contrahet & adstringet superficiem corporis : sed propter plurimum aqueum humorem illi admixtum ad profundum penetrabit, incidet & attenuabit, quam penetrationem postea adjuvat, sapor acris adjunctus à copia caloris factus.

41. Hinc epota sitim exstinguit, cibi appetentiam præstat, jecur & renes excalesfactos refrigerat, viscerum obstructions referat, membra nutritionis corroborat atq; unit, neque tamen frigidus ventriculo multum prodest, ut quotidiana experientia, rerum omnium Magistra, testatur. Ipsi ergò viderint, qui eam intempestivè utuntur.

42. Decipiuntur ergo mea sententiâ, qui Aquam Cöppingensem propter Calcanthum vim calefaciendi habere arbitrantur, non enim possunt ex veris principiis causam & temperationem hujus Aquæ intelligere.

43. Nec minori errore ducuntur, qui Calcanthi acerbicatem largâ aquâ obtundi & imminui, & sic acidum saporem exurgere credunt, nam ex succo acerbo quocunq; modo Aqua diluatur, non nisi acerbus sapor pervenit.

44. Deinde quod dicunt, oleum ex calcantho multa aqua dilutum, saporem acidum efficere, & naturam servare ejus, unde acidæ Aquæ originem sumunt, eo modo, quo ex frigida materiâ, frigidum ferè elicitur quemadmodum ex calida calidum, falsum è salsa, & ita in cæteris. Verum cum ita ratiocinantur, rei na-

turam non assequuntur, nam simile ex simili educitur ferè, si rerum substantia per omnia eadem sit, ac constitutio æqualis existat; at succus iste acidus & calcanthi oleum diversarum naturarum sunt, & diverso modo à calore generantur, quare claudicat similitudo.

45. Falluntur quoque, quòd oleum calcanthi in Aqua saporem acidum efficere existimant, cum gustanti non verè acidus, sed austerus sit: & vehementer acutus, à calore exquisito concoctus, & penè ad naturam ignis conversus. Acidus verò sapor debiliior est austero, & his omnibus efficacior acerbior.

Lucas Stenglius, Augustanus Medicus.

vide. centur. 5. mem. part. 37.

II.

Vitrioli nomen, natura, species, Spiritus appetitus Magister.

Χαλκάνθη, Latini atramentum appellant, quòd eò pelles nigro colore inficiantur; item Vitriolum, à vitri colore. Est mirabilis & igneæ plane naturæ, & sulphur ardens in se continet: inde in metallis solvendis, tingendis & generandis plus præstat, quàm alii sales, spiritusque ejus ferrum in Cuprum mutat. Continet autem in se duos spiritus. 1. album, magni & notissimi in Medicina usus, 2. alium adhuc rubrum. Aliud enim nativum in terræ cavernis concretum, aut destillans ex iis; aliud factitium, quod ex lapidibus quibusdam calcantho sis aut terra rubiginosa & æruginosa, aut cinerea maculis viridibus ac rubris interstincta coquitur, quæ ta-

men

men res essentia parvam facit differentiam. Calefacit & adstringit, humiditatem absument, carnemque contrahit, exsiccatur, humidamque carnes à corruptione præservat. Antiqui etiam intra corpus, drachmæ unius pondere exhibebant, ad vermes necandos & adversus venena fungorum. Verum hodiè spiritus inde elicitur, qui tutius exhibetur, insignemque siccandi & putredinem sistendi vim habet, unde ad febres putridas & pestilentes utiliter adhibetur. (a) In appetitu quoque dejecto, plurimum præstare quotidie experimur, tunc temporis potissimum, ubi fecibus pituitosis & mucilaginosi internæ partes ventriculi quasi obvolvuntur & obstruuntur, ita ut spiritus famem producentes, hoc est innatus ventriculi calor obruatur, & ad operationem suam perficiendam ineptus reddatur. Quatenus enim in se continet vim penetrantem, incidentem & mundificantem, eatenus materias & cruditates illas mucilaginosas attenuat, digerit & absument; unde consequenter spiritus esurientes antea quasi sepultos excitat, qui fructus consuetos in extimulando orificii sensu producant & generant. (b)

a) Sennert. l. 5. epic. sci. natur. cap. 2. Plin. l. 34. natur. hist. c. 12. b) Horst. decad. 5. probl. quæst. 7. part. 7.

Plura de virioli. vide Centur. 4. nostr. memorab. part. 79. & seq.

III.

Salis origo & differentia.

Quam Sal originem habeat, non ita planum est. Consentaneum autem est, Salem, ut & reliqua mineralia & metallica in prima mundi origine, creatum
in

in terra esse, in qua adhuc, vi à creatore indita, sese conservet ac multiplicet. Si enim Elementa simplicia, in tot mutationibus & vicissitudinibus rerum sublunarium se conservant & multiplicant, atque ita à mundi initio adhuc usque diem integra constant, cur hisce corporibus eadem vis denegari debeat, causam non video. Verùm in iis saltem locis generatur, ubi spiritus ille, seu principium seminatum, si ita appellare liceat, præsens est; atque ex hoc salino principio in terræ cavernis, ubi humiditas multa non abundat, sed fossilis, nascitur. Si verò illud Salinum principium cum humiditate plurima & aquis per terræ cavernas labentibus misceatur, fontes falsi, ex quibus Sal excoquitur, inde originem habent. Marinus ex aqua marina fit, solis calore humidum absumente, si tamen calor Solis non sufficiat, igne reliquum perficitur: & ut candidior & purior fiat, solutione & coagulatione purgatur.

Sennert. l. 5. ep. sci. nat. c. 2.

IV.

Salis facultates in genere & specie, tum ejus necessitas, usus & noxa.

Salis virtus est calefacere, exsiccare, attenuare, obstructions expedire, dissolvere, discutere, depurare, mansuetacere, cunctasque superfluas humiditates absumere. (a) Vnde conditura suâ carnes servat & à putredine tuetur, corpora quoque defuncta à putredine vindicat, ut per secula durent, (b) appetentiam cibi excitat, (quod & columbæ naturâ ducenoverunt, quæ ut languentem pipionum stomachum

excitent, salem, aut terram quæ salem sapiat (e) illis in os ingerunt) ac, ne in grumos coaguletur cibus, in ventriculo, prohibet; cibus etiam correctionem addit, & quæcunque alimenta non sufficienti salis condimento cosperguntur, ea in sanguinem phlegmaticum, putrilaginosum conversa, variis morbis occasionem subministrant. Proinde, omnes homines, nisi iustâ quantitate salis utantur ad alimentorum concoctionem, plerumque sunt fragiliores, morbisque magis obnoxii, quàm alii, qui salis usum legitimum non negligunt, cum quælibet res, sive sit animata, sive inanimata ab hoc aromate conservetur. (d) Hinc fit, ut inter simplicia, ea, quæ copiosiore sale abundant fortius vigeant, & strenuè magis temporum injuriis reluctentur, ut nullis nec rigoribus, nec ardoribus periri aut vinci possint, quominus virorem suum & vegetationem conservent, quod secus aliis, eò minus præditi accidit. Idem videre est, in animalium genere, ut inter illa, quæ copiosorem salem naturâ possident, ea vivaciora & diuturnioris sint vitæ. Quin & partes animalis eo abundantiores, quales sunt ossæ, minus corruptioni obnoxie fiunt, & serius interitum minentur. (e) illud quoque observatum fuit, eos, qui ad febres putridas dispositi sunt, cibus paulo liberalius sale conditis, à febribus præservari. (f) Hinc etiam vaccæ sal lingentes, plus lactis reddunt, & alia quoque animalia, sale saginata, carnem jucundiorē nobis præbent: imo Caprarum quoque casei melius sapiunt, & grave olentiam suam deponunt, si pabulis ipsarum modicum salis admisceas, id quod rustici testantur, ipsæque experientia hoc comprobant. (g) partes quoque

que nimium relaxatas confirmat, humorum copia onustas deterget & mirificè extenuat, nimiam siquidem humiditatem, quæ totius corporis habitum occupat, tumidumque efficit, resolvendo & liquefaciendo extenuat & consumit: clisteriis quoque & suppositoriis sal admistus, non solum intestina ad excernendum tardiora extimulat, sed etiam humores, crassiores & tenaciores colliquefaciendo ad faciliorem excretionem præparat. (b) Sic quoque non inconveniens erit, post usum solidiorum medicamentorum lenitivorum haustum juris gallinacei, vel pisorum brodii, non penitus insulsi, sed moderato sale conditi superbibere, quo non solum vis leniens citius ad actum traducatur, sed insuper etiam à saburra viscidorum humorum primæ viæ melius & perfectius eluatur: ne communem cum multis erremus errorem, qui contra rationem & experientiam cum vulgo & mulierculis nefas esse ducunt, sale conditos exhibere liquores, quia jusculum, si temperatè saliatur, non modò eluit intestina, sed salis vi etiam ad ipsas medicamenti reliquias abstergendas conveniens redditur. (i) Ut autem ad vitæ longævitatē Salis usus moderatus permultum conducit, humidum conservantis purum & ab omni putredine liberum: sic immoderatus eidem falsuginosam qualitatem aspergit: unde acres & mordaces succi per cutim prosiliunt, & molestissimam scabiem, calculum, (k) elephantiasin, aliquaque mala producent. Quapropter Literati usum salis nimium postponent, ne oculorum acies obtundatur (turbat enim sanguinem, crassum & terrestrem reddit (l)) neque sanguis aduratur, humidum inquinetur, tandemque mordacia & pruriginosa pro-

sa proveniant excrementa, quæ humidum naturale tabefaciunt, nutritionem interturbant, deque vita non parùm decerpunt, totumque corpus languidum relinquunt, taceo quod alia incommoda plura valetudini affricentur. (m) Sal sæpè capiti inspersum amovere capillos creditur. (n) A piscibus salitis abrasum, inspersum humidis ulceribus, valdè illa exsiccat. (o) Flos ejus sanat splenes induratos, si extrinsecus ipsis in vesicâ apponatur. (p) Sal non tantùm, ut Aristoteles refert. (q) frigore & humore dissolvitur, & calido & sicco cogitur, sed etiam calido & humido eliquescit. Nam si salem raphano insperseris, aut raphani, qui naturâ calidus & humidus est frusta, salis acervo indideris, sal totus liquecet. (r)

a) *Ducan. Bornett. in iatrochym. p. 107. Panfa. l. 2. de pror. vit. c. 12. Querc. l. 1. e. 2. def. Med. Herm. b) Goglen de nat. mir. p. 140. c. 1) Lang. l. 1. epist. 28. d. g) Panfa. l. c. cap. 23. de ven. sect. e. 28. pror. vit. lib. germ. e. 19. Plin. l. 31. e. 9. Plutarch. l. de caus. nat. 3. Querc. sect. 3. diat. polib. c. 8. Gal. l. 11. de simpl. med. facult. c. 50. e) Querc. in tetrad. e. 28. f) Mathaus de febr. pestil. p. 23. h) Id. in spec. sanit. p. 92. Agricol. l. 3. fossil. e. 8 i) Horstius de eur. scorb. p. 53. k) negat. hoc famigeratus ille Panacearius An. Wald. l. germ. p. 35. b. de Pan. l) Dom. Leon. l. 4. sect. 1. e. 3. m) de pror. vit. l. 2. e. 12. Math. spec. san. p. 94. Rhaf. l. 3. ad Alm. e. 17. n) Plater. de vit. p. 46. o) Id. de dol. p. 954. p) Leon. sect. 3. l. 3. e. 7. q) l. 2. Meteor. vide doctiss. comment. Unzeri de Sale pras. c. 28. & seq. r) Lang. l. 1. epist. 28.*

V.

Etiam salī vis quadam nutrienda est.

De sale sentiunt eruditi, quod condimentum medicamentumque sit potius, quàm nutrimentum, quia in mero sale nihil vegetabilium proficit; & putantur etiam herbæ salæ obiter saporem rapuisse; nec pisces in mari inde ali. Verùm ista sententia de sinceriore duntaxat intelligenda est, & quia tam parum nutrit, ut nihil hujus facultatis habere sit existimandum; aliquid saltem ejus cum cæteris in substantiam verti, non iverim inficias, cùm videamus, ex nullo non corpore combusto salem extrahi, in quo fuisse necesse est, secundum potentiam, ex radice primæ generationis. Omne alimentum, inquiunt, dulce est, neque enim quicquam nutritur amaro; idè & sanguinem animalium dulcem judicant. Sed dulce illud non semper ad gustum tale est: sæpeque ex prædominio dulcedinis æstimatur, non quòd planè nihil falsi sit conjunctum: Sæpe exsuctus ex vulneribus & dentibus sanguis subsalsus est. At nutrit. Secedit, inquiunt, Sal per sudorès & vesicam & alvum. De superfluo hoc concesserim, sed non de proportionē quæ naturæ convenit. Non frustra Deus vino & aliis nutrimentis competentem salem junxit, quod immutari à nostrâ naturâ nequeat, de copiâ excedente donaverim.

Libav. tom. 3. sing. lib. 5. de succin. schol. ad cap. 14.

VI.

*Sal Epilepticos excitet cur; lipothymia resistit,
Lumbricis infensum, & denti-
bus amicum,*

Famulus Pharmacopæi Delfensis, cùm Epilepticus concidisset, nec ullus præsens esset, qui eundem ex paroxysmo excitare posset, ac sciret, forte accessit Sacerdos, qui ad os famuli epileptici jam spumantis, sal adhibuit, quod æger sentiens statim excitabatur, atque hoc modo alios innumeros, labra sale confricando, atque in os ponendo reviviscere fecit. Forte, quia Sal spumam ex ore defluere cogit, cùm & humida coacta sal liquare facit, quemadmodum spectamus, si limaces sale conspergantur, in totum liquefcunt: ita & sal ipsum pituitam fundere puto, & hinc Epilepticum excitari: quod Sacerdos experienciâ tantùm cognoverat, ac rationem illius ignorans. (a) In lipothymia cùm ex resolutione spirituum, cùm eorundem oppressione Sal præstantissimum esse remedium, si labia ed fricentur, aut æger id mastica verit, ausus sum affirmare; millies enim in his, quibus vena incidenda, aut incisa fuerat, cum fructu observavi, neque ullum hætenus remedium inveni, quod citiùs effectus suos edat. (b) Sal, solum vel ore detentum, vel deglutitum, ne in ventriculum ascendant lumbrici, prohibet. (c) Sunt qui indies, manè granum Salis ore contentum liquant, inde dentes linguâ sale fuso imbuta perfricant, hocque dealbandis & firmandis dentibus, ac corruptioni præcavendæ opportunissimum esse asseverant. (d)

a) For;

a) For. l. 10. schol. ad obs. 64. b) Fabric. cent. 1. ep. 43. For. lib. 7. de febr. schol. ad obs. 14. c) Plater. de vis. pag. 975. d) Laur. de catarr. cap. 7. Goglen. de mirab. natur. pag. 140.

VII.

Sal vino inspersus id depurat, & cur?

Qui hodiè salem poculis inspergunt (utinam verò id fieret crebrius, minus enim tunc noxæ fæculenta vina bibentes contraherent) idè id facitare intelligo, ut, si vinum sit fæculentum, sal id depuret, non modo enim vini fæculentiam, ob gravitatem suam trahit in fundum, & à corruptione nimisque æstus ebullitione præservat, sed etiam longè salubrius, quam sulphur efficit. (a) Plus autem terræ quàm aëris sali inesse, parvulus ejus grumus, in vino vel aqua subsidens, clarè demonstrat, cum uter oleo plenus emergat. (b)

a) Gogl. de prorr. vit. c. 21. Fallop. de med. purg. simpl. c. 16.

b) Lang. l. 1. ep. 28.

VIII.

Sal substantiâ compactior, ex aëre copiosiore, quam rarior, ex aquositate, magis crepitans.

Sal omnis, quò compactior, spissior ac sicciore existit, eò magis in igne crepitat, propter humoris nimium paucitatem & aërem copiosum, qui ab igne extenuatus, spirituosam induit naturam, atque ita ex minori quantitate factus major, angustia loci non capitur, exitum ergo querit & ruptis lateribus crepitum excitat, ut loquitur Scalig. (a) cum ex adverso,

Sales, qui minus compactam naturam habent, sed rari admodum, fluidique sunt, multâq; aquositate adhuc abundant, ii candentibus carbonibus impositi, minus crepant, aut exiliunt, resistente scilicet, effectumque hunc impediente, copiosa humiditate, quâ perfusi sunt. (b)

a) de subtil. exer. 24. b) Unz. de sale c. 15.

IX.

Sal animale, vegetale & minerale.

An non animale quid est Sal, cum eo videamus & urinas hominum & brutorum turgere? quando videmus eo tantopere illici, & boves & arietes, ceteraque id genus bruta, qui sal tantopere & instinctu quodâ naturali appetunt, tanquâ balsamum, quo præservantur, conservantur & vegetantur? appetunt, inquam, appetût, huicq; inhiant, & vel ex muris, antiquissimisque ruderibus halitu suo exhauriunt & linguâ lingunt; & columbæ, aliæque aves rostro curioso perquirunt etiam in locis sæculentis & hominum excrementis, atque urinis abundantibus. Et quando tam manifestè appareat, tot genera piscium generari atque nutriri in mari salso, mirum iudicia hominum adeò perversa esse, ut non agnoscant, aut agnoscere nolint, admirandos effectus balsami huius radicalis!

Non autem exutum esse seu privatum facultate vegetativâ, inde dijudicari potest, quod primum sit in Natura movens, quod crescere facit, multiplicare, adeoq; ad omniû rerum generationem inservit. Magis etiam confirmat hanc sententiam generatio pretiosissimarum Perlarum in conchis, & corallii ex int-

mis

mis saxis emergentis, & in brachia & ramos iastar arboris divaricati. Hi effectus sunt, quos ignis ille naturæ, nempe sal producit, etiam in medio frigidissimæ aquæ. Et quid aliud est impinguatio, quæ efficit, ut granum unicum producat centum, quam stercoreatio quædam & expansio fimi atque urinarum à bestiis prodeuntium? Hic est, qui vivificat, qui calorem impertit, qui crescere, qui prata & campos ridere facit, deniq; qui amplissimum universalissimumque illum vigorem producit. Sed quis non hoc in ipso etiam aëre videt, per sublimationes spirituum ejusdem salis Naturæ, qui verno tempore in aërem sublevati roris in speciem decidunt supra frumenta, atque stirpes omnes? Quid, inquam, per hæc ipsa non eodem vegetationis effectus, quæ fit à sale, manifestè percipit? at Rorem esse spiritum prædicti salis, imò falsum, videlicet invitè, nec sine pudore fateantur, qui se egregios philosophos censent, quando videant à veris philosophis ex rore elici dissolvens corallo atq; perlas: haud secus quam ex sale comuni aut aliis salibus idem paratur in eundem finem.

Sal quoque esse metallicum, seu minerale, notum illud est satis, atq; eò quidem notius illud est cunctis, quòd tam varia atque diversa genera salium reperiantur in visceribus terræ, cujusmodi sunt alumen, sal gemmæ, sal nitrum, vitriolum &c.

Quere. de med. prisce. phil. 2.

X.

Sal sitis & famis antidotum.

Carolus V. Imperator non tam feliciter Tunetum urbem obsidione ab Othomannicæ familix tyranno

Y 3

cin-

cinctam eripuisset, si artis Medicinæ notitia destitutus hostem aggressus esset. Cùm enim Cæsar vocatus in auxilium potentissimum exercitum ex Hispania in Africam trajiceret, (Sole tùm temporis versante in Leone) ubi propter vehementes ardores & aquarum penuriâ milites ardentius sitientes, facilè defecissent, & ad præliandum ineptiores facti fuissent, nisi Cæsar salem distribuere iussisset, ut singuli granum unum atque alterum linguæ supposuissent. Hoc enim cum factum esset, sitim & famem de isto represserunt & animosiores facti, ingentem hostium multitudinem percusserunt, atque sic ovantes urbem ingressi eandem ab obsidione liberarunt.

Bicker. in præf. l. de sanit. const. conserv.

XI.

Nitri solum natale, modus seu forma parandi, ejus & aliorum Mineralium principium seminarium.

Nitrum nascitur in terrâ sui generis, ad muros & petras instarque lanuginis sponte efflorescit, unde & sal petraæ appellatur. Arte & coctura ex terris nitro-fis conficitur. (a) Artifices siquidem terram eligunt convenientem, & ex locis opportunis sibi cognitis, & aquâ communi calida iteratis vicibus filtratâ, seu transcolatâ, per illam terram, ut fiunt lixivia: fit ut cum ea misceatur salsugo, quod salium omnium est proprium. De quo lixivio, si duæ tertiz, aut circiter, ad ignem exhalentur, refrigerant, sal condensatur in glaciem, ex quâ artifex nitrarius opus suum perficit, purificatione facta, iteratis dissolutionibus & coagulationibus, ut pinguedinem, (quam vocant) ex-

exuat omnem. Hoc opus commune admodum, & vel vulgo notum, verèque mechanicum, si probè consideretur ac perpendatur, admirationis est plenum. (b) Sal autem hic admirandæ naturæ est. Visui enim apparet candidus, tactui frigidus, in se tamen continet spiritum rubicundissimum, calidissimum & maximè inflammabilem, ac planè igoæ naturæ. Et si autem ex terrâ nitrosâ semel sal coctione extrahatur: tamen ex Matre nitri, quam appellant, novum nitrum regeneratur, idque non semel, sed sæpissimè; id quod Nitri coctoribus hodiè notissimum, imò nec antiquis ignotum fuit. Est enim & metallorum & mineralium forma sui multiplicativa, habetque ista vim & virtutem, ut sic dicam, seminariam, à DEO in prima rerum creatione indicam, in materiâ dispositâ, locoque apto sese multiplicandi. (c) Natura etenim cuique speciei pro perpetuâ propagatione perpetuum elargita est seminarium. Ita & sulphur, bitumen, aliæque species mineralium in se continent semen & balsamum æternum inabsumptum ignibus, quod dum per fuliginem, favillam, halitus pingues ex unâ materiâ in aliam susceptivam transfertur, eam iterum fecundat. (d)

a. c) Sennert. epit. sci. nat. c. 2. § 1. b) Quere. de prise. med. phil. c. 3. And. Bacc. de therm. l. 3. c. 7. d) Bartolin. l. 2. de aq. c. 8.

XII.

Nitri origo seu materia est sui multiplicativum.

Non est sal, in quo plus misteriorum, quàm in Nitro natura recondit. Ipso Ortus est mirabile. Nam

præterquam, quod ex proprio suo ente, ut alia salia, crescat, insuper etiam ex urinâ animalium, quæ in bonam quandam atque umbrosam terram continuò cadit, procreatur, atque hoc bonitate & viribus differt, ut ipsa animalia. Evulso semel ex terrâ nitro, restibile manet semen, sive materia quædam generans, ex quâ communibus elementis innutrita, id renascitur atq; augefcit, ut ad tempus debitum vicissim possit inde erui.

Angel. Sal. visent sect. 1. aph. 28.

XIII.

Salis Prunella præstantia & vires in malignis febribus.

Nitrum commune depuratum chymicèque præparatum ac in formam, quam Sal Prunellæ vocant, (a) adductum, etsi qualitatibus est, ut reliqua salia, detergentis atque exsiccantibus, nihil tamen hoc impedit, quia evidentissimum sit refrigerium ac sitis levamentum, nec non ardores immensos, in febribus ardentibus, Vngaricis & malignis extinguat, consopiatque dolores à magnâ inflammatione caloreque interno ortos, plusquam aliud aliquod medicamentum. Mirum est quid Medicis quibusdam scrupulosioribus, (b) in mentem venerit, ut impulsu levium quarundam rationum, quas ex qualitate nitri siccante & detergente exsculpere, usum salis prunellæ in dictis morbis formidarent, aliisque superciliosè interdicerent, jacturam suæ autoritatis potioræ æstimantes, ægrorum salute.

a) *Sennert. instit. med. l. 5. p. 3. sect. 3. c. 15. Minderer. med. milit. p. 117. Libav. in def. contra. Scheun. p. 85.*

Apocal.

Apocal. Herm. part. 1. c. 17. Querc. Pharm. rest. p. 737. de peste p. 401. lord. de pest. p. 530. Ruland. del. ung. p. 99. Felix. Wirz. chirurg. germ. p. 290. b) Ang. Sala sect. 2. aph. 26. notat. Mathaeum, in exam. simpl. s. 41.

XIV.

Pulveris bombardici descriptio materia, natura, motus rectus & sonus admirandus.

Pulvis pyrius est naturæ igneæ, quo incenso, globi ex tormentis bellicis magno cum bombo, exploduntur. Materia ex qua hujus pulveris est carbonilæ, (vel scapi (a) cannabini) sulphur, & sal petraë, (& nonnunquã aqua (b) vitæ) carbonilæ tanquã subjectum est, contineos duo contraria, quæ huic quasi alvo inferuntur videlicet sulphur & sal petraë. In horum commixtione Nitri partes assumuntur plures, carbonum pauciores, sulphuris minimum. Tilia arbor est suâ naturâ calidissima. (c) Citissimè enim alciās retundit, ejus igitur carbones faciliè concipiunt ignē. Sulphur est summè calidum, pingue & viscosum, ideoque exardescit faciliè, tiliæque carbonem summâ vi & celeriter totum accendit. (d) A nitro autem tota pulveris tormentarii vis provenit, qui à sulphure quidem, ut faciliè accendatur, habet: quia tamen sulphur totum in momento quasi non acceditur, sed per partes & successivè deflagrat: Nitrum verò postquam semel flammam concepit, subito totum cum impetu deflagrat, & quia inflammatum, quo prius concludabatur, loco capi nequit, ac præterea nitrum & sulphur hostes quasi sunt, fulminei istius impetus causa est. (e) Pulvis igitur pyrius faciliè ignem concipit ob sulphur & carbones tiliaceos, magnamque

Y s

habet

habet vim pellendi ratione nitri ; unde parva ejus massa post incensionem, in magnum fumum resolvitur ; quare locum nimis angustum habens, in cannâ seu fistula oblonga, appetit majorem. Ne ergò fiat penetratio dimensionum, id est existentia plurium corporum in uno loco seque mutuo penetrantium, quæ est in rebus naturalibus ἀδύνατον, aut rumpit cannam, aut exitum quærit ea parte, quâ facilior est egressus. Cumque globum ibi inveniat obstantem, sed qui facilius tamen cedat, quam solidæ machinæ fistula, hoc modo quærens exitum, cum impetu propellit & protrudit globum quamvis magna mole præditum. Egressus globus obvia quæq; prostermit, & in hostes urbesque tanto grassatur impetu, ut terribilius etiam nihil excogitari possit. Præcipua autem emissioni adjuncta sunt motus & sonus, motus quidem rectus valdeque violentus, sonitus verò instar tonitrus aut boatus. Motus autem globi in ejectione est rectus, quia fistula ipsa, unde ejicitur, est recta & oblonga & globus ejectionis eandem servat rectitudinem, donec languescente impetu, globique gravitate superante, ipse globus decidat. Quod autem erumpit cum tantâ violentiâ, causa hæc est, quod fumi seu halitus sue natura tendunt sursum & in magnam amplitudinem. Cum igitur in bombardâ propter ejus longitudinem cogantur erumpere κατ' ἐνθίαν, id est, in directum, ne coangustari possint, cum violentia erumpunt, & quo canna est longior, eò fortior est eruptio. Erumpit verò cum sonitu, partim ob angustiam & longitudinem cannæ, partim propter materiam machinæ ferream vel æneam, partim

vehementiam istius impetus, quo unà cùm globo fumi erumpentes aërem frangunt & anteverunt, ut hic cedere nequeat. Quo autem præstantior pulvis est, eò violentior est eruptio & sonitus etiam major. (f)

a. b) *Paracelsus* l. 10. oper. p. 329. c) *Plinius* l. 16. c. 40. d. f) *Goglen. in comm. ad cap. 43. l. 2. Plin.* e) *Sennert. l. 5. sect. nat. 6. Querc. de prisca phil. med. 8. 3.*

XV.

Pulveris Pyrii usus internus, externus.

Germani Equites sclopo vulnerati pulveris bombardici semunciam in vino dissolutam alacriter haurire, hinc sibi à malignis symptomatibus, quæ vulneribus ejusmodi supervenire solent, immunitatem pollicentes, quod jure an injuria faciant, non statuo, id ipsum & Galli plerique milites, nulla necessitate coacti, tantùm quò alacriores videantur, innoxie faciliunt: à plerisq; verò, superti, ulceribus desiccandis felici successu aspergitur.

Paracelsus l. 10. chir. p. 329.

XVI.

Pulveris pyrii inventor detestandus, & Bombarda etymon.

Fertur homo (Bertholdus Niger Chymista, & ut quidam volunt (a) Monachus Germanus) ad exitium humanum natus, servasse aliquando domi, in mortario pulverem sulphureum, cujusdam Medicinæ faciendæ causa, illudquæ texisse lapide ac mox contigisse, ut dum ignem ex silice propè excuteret, scintilla intro ceciderit, subitoquæ, flamma eruperit atque lapidem in altum tulerit: & ille ejus rei casu do-

Aus.

ctus, postea factâ ferreâ fistulâ & sic pulvere confecto machinam reperisse, ac ejus usum Venetis in illo bello primum ostendisse, quod ad Fossam Clodiam est cum Genuensibus gestum, qui fuit Annus salutis humanæ 1380. Is itaque tam lethiferæ machinæ repertor, pro mercede, opinor, accepit, ut nomen suum perpetuò occultaretur, ne omni tempore à cunctis mortalibus malè audiret, dignus scilicet, qui prior ipse vice Salmonæi fulmine flagrasset, quando hæc fulmini, odore, luce, sonitu, impetu similima est, magnâ enim vi ignis collecti emissis repente aut ferreis, aut lapideis pilis, quicquid obvium offendit, quassat, dissipat, frangit, contundit, adeò ut nullus sanè sit locus, quâvis naturâ munitus, quin faciliè expugnetur. Ex quo jam usu venit, ut in ea hoc tempore, omnis fermè vis peditum, omnis equestris splendor, omnis denique bellica virtus indecorè consistat, jaceat, obtorpeat. Hæc bombardâ vocatur à bombo, id est sonitu, qui βομβη Græcè dicitur: quidam alii tormentum æneum malunt nuncupare. Ejusmodi fiunt multa genera, quæ variè vulgo nominantur & unum illud minimum, quo nunc pedites utuntur, factitio nomine sclopus vocitatur. Sclopus enim est sonus ille, qui ex buccarum inflatione erumpit. (b)

a) Buchholzer ind. chron. p. 378. b) Pol. Vergil. de invent. rer. l. 2. c. 11.

XVII.

Gemmarum seminale principium & earum forma specifica.

Ut salix, etsi semen non gignat, ut aliæ plantæ, tamen principium seminale per totam arborem dispersum

sum habet, & hinc per ramum amputatum propagatur: ita & feminine Gemmarum ac Lapidum principium in materiâ lapidificâ latet, & in hac humanæ mentis caligine ejus essentia nobis ignota est, ut reliquæ formæ omnes, & non nisi ex facultatum & operationum ac qualitatuum diversitate illarum differentia cognoscitur. Habet enim quævis gemma propriam & specificam formam, quæ ab aliis omnibus discernitur, quàm à seminali ut sic dicam, sui generis principio, nanciscitur. Quæ non ex elementorum mistura provenit (a) sed ut rectè Scaliger (b) nominat, Essentia quinta est, à Deo Opt. Max. in prima rerum creatione huic naturalium rerum generi indita.

a) Sennertus l. 5. ep. sci. nat. c. 4. b) sect. 20. exerc. 307.

XVIII.

Saphiri natura & vires mirabiles.

Saphirus coloris est cyanei vel cærulei, qualis cœli sereni, (a) (sed hic color summa cum naturæ contumelia ignibus ad motus eripitur, cum tamen cælesti colore, nihil ad animi oblectationem, ad spectu pulchrius esse (b) videatur) candidior Fœmina vocatur. Venenis resistit, & cor (secundum totius substantiæ (c) proprietatem) roborat. Gestata anthraces nasci prohibet, & super anthracem posita, eum extinguit; ab homine impuro gestata gratiam ac nitorem amittit. (d) Quidam, cui ex itinere redeunti, oculi pulvere repleti, omnem, vi Saphiri, intra horæ spacium, eussit. (e)

a. d) Sennert. l. 5. epit. sci. nat. c. 4. Alb. Magnus l. 2.

a. 17. de rat. mortal. b) Bodin. th. nat. l. 2. p. 231. c) Berner. in jaxo-abyss. p. 110. e) Dodonaus l. 1. prax. c. 21.
vid. sent. nostr. 4. pars. 100.

XIX.

Smaragdi viror. & vires prestantissima.

Smaragdus fulgentium Gemmarum maxima est, qui aliquando (a) quadricubitalis visus est, & his quoque temporibus pedales habentur Genuæ & Magdeburgi. (b) Gemma est planè elegans & inter virentes, jucunda sua viriditate oculos recreat. (c) Adulterina decuplo gravior est naturali, ac sordes & adipem repente contrahit, naturalis non item. (d) Adversus pestilentes febres valet, venena & venenatorum animalium morsus. Imo frangitur, si à veneno vincatur, rumpitur quoq; ac quovis illegitimo veneris usu inquinatur, nitoremque amittit, quo oculorum lassitudinem demulcere solebat. Deperit enim vis insita, omnisque nitor sordescit. (e) Coxæ mulieris alligatus partum promovet, ventri impositus retinere dicitur. (f) Memoriam roborat, animi affectus sedat, castitatem conciliat. (g) Annulo inclusus, aut à collo suspensus, si nudam carnem tangat, ab Apoplexia, (h) & morbo comitiali præservat. (i) Dubium enim nullum est, invisibilem latentemque vim gemmas ejaculari atque vibrare. Licet enim sit res solida, calor tamen natus & confrictio, contactusque vim eliciunt, cordique ac cerebro communicant. Cogitum quoque est & compertum, Smaragdum mortui Domini digitis, quibus fuit gestatus, obfilire. Et innumera possunt non tantum gemmarum, sed etiam plantarum experimenta coacer-

cer-

cervari, quæ si non ubique & semper respondent, non arguenda ideo sunt mendacii: quia non omnia ubique & semper concurrunt, & raritas effectus, seu singularitas affectus non tollit causam in naturâ. Rerum enim miracula perpetrantur per debitam causarum naturalium agentium cum dispositis patientiis applicationem, adeo occultè, ut causa videatur remotissima. (k)

a) *Plin.* l. 33. b. d.) *Bodin.* l. 2. *th. nat.* p. 233. 267. c. f.) *Senners.* l. c. c. k.) *Goglen.* *def. magnet. vuln. curat.* g.) *Bicker.* *de san. dest. orig. schol.* ad. c. 7. h.) *Placer.* l. 1. *de las. f.* p. 50. i) *Ansh. Boës.* l. 2. *de gemm.* c. 53. *Mizald. cent.* 4. *apb.* 38. *Fr. Rucius* l. 2. *de gemm.* c. 4. *Alb. Magn.* *de mineral.* l. 2. *tract.* 2. c. 17. *Unzer.* *de Epil.* l. 2. c. 13.

XX.

Jaspidis rubicundi vires admiranda.

Jaspis rubicundus valdè ad sanguinis fluxum è naribus, utero, hæmorrhoidibus, imò etiam vulncribus commendatur; referuntque viri digni, sanguinis & uteri fluxum, qui nullo remedio potuerit sisti, jaspide femori alligato, ut & hæmorrhagiam narium, aliis remediis incurabilem, jaspide a collo suspenso curatam. (a) Multi quoque testantur, si Jaspis super os stomachi alligata, per diem ac noctem ab Epilepticis portetur & æger sudore corripitur, ægrum à paroxysmo liberari, sin minus fato concedere. (b)

a) *Senners.* l. c. b) *Gabelkov.* *in annor. ade. S. And. Baer.* *de gemm.*

XXI.

Cur infantes fontico malo obnoxii.

Infantes ad Epilepsiam maximè proclives sunt,
non,

non, quod cerebrum habeant pituitosum. Si enim innudâ & simplici pituitâ posita esset Epilepsia, aut ejus germanæ Apoplexiæ, causa, omnes ei morbo essent obnoxii, cum secus accidat: siquidem multos hydrocephalos videmus ab iis morbis immunes, et si cerebrum aquosâ humiditate scatens & refertum habeant: sed quod illorum multi lac in ventriculo accensens, & non probè concoctum congerant: cujus corruptio eam naturam induit, ut in æruginosum & viride quoddam virus vitriolatum degeneret, (ut ex eorum rejectionibus ac vomitibus hujusce coloris videre est) unde dolores gravissimos patiantur, & præni ad hunc morbum reddantur.

Quere. in tetrad. c. 11.

XXII.

Cur Florentia & in Alverniâ ac Provinciâ Epilepsia plures invadat.

Florentiæ magis est familiaris Epilepsia, quàm in alia Italiæ parte, quod tribus de causis accidere puto. Prima & potissima est substantia cerebritenuis & valdè sensibilis, ob quem sensum facilè hunc morbum incurrunt, ut melancholici dicuntur natura ingeniosi. Quod autem substantiam habeant subtilem, ostendit eorum civium perspicax ingenium & judicium acre. Altera causa esse potest, victus ratio vaporosa & flatulenta. Tertiam esse puto, quòd hic morbus sit hæreditarius. Cum enim multi olim hunc morbum passi sunt, plures liberos ad eum suscipiendum idoneos procreant. Sani etenim sanos & ægri ægros pueros generant. Est & hic morbus frequens in provinciâ, quia ab ejusdè incolis vocatur (la goutete) ut in Alverniâ,

niâ, quod non aliunde accidere puto, quàm ex prava victus ratione, & vinorum mixtorum, quæ apud illos sunt, usu. Sunt enim valdè fumosa, cruda, aliis permixta, unde caput vaporibus tentant & implent. Habent etiam cerebrum valdè sensile, quamvis id vinorum usui tribuendum magis existimârim, eò quod, qui illuc commigrant in similem propensionem incidisse observati sint. In aliis regionibus minus frequensest.

Rondelet. l. 1. meth. cur. morb. c. 36. p. 173.

XXIII.

Terror non minus ac Ira, ut bilem concitet.

Terror æquè ac Ira bilem commovere solèt, quemadmodum experientia non rarò confirmat: (a) idque eam ob causam fieri probabile est, quòd in terrore calor ad principium suum confestim recurrens, an- sam præbeat humoribus præternaturam collectis, ut regimine caloris nativi quodammodo destituti, plurimum exorbitent, & custode quasi deficiente, præternaturam, partes quasdam afficiant, undè manifestum est, non æquè omnibus, sed iis maximè tales animi subitaneas commotiones nocere, quibus aliàs cacochymia, præsertim biliosa, familiaris est. (b)

a) Plat. obs. p. 402. b) Horst. l. 4. obs. schol. ad obs. 2.

XXIV.

Lingua ligamentum, (frænulum vocant) in Infantibus, cur, quomodo, & quibus divellendum?

Ligamentum validissimum, membranaceum & latum, medio inferioris linguae corpori subjicitur, cu-

jus auxilio suffulta linguæ mollities, facilius vibrari
 ac produci potest. Hujus extremo, versus linguæ
 mucronem, funiculus adnascitur, quem Linguæ fræ-
 nulum vocant. (a) Hoc in plurimis recens natis ad eò
 totam linguam alligat, ut divelli obstetricis ungue
 (quod tamen perniciosum nec admittendum) vel
 nummi acie, (b) aut Chirurghi scalpello soleat, ne su-
 ctioni vel futura loquelæ impedimento sit, & ut li-
 berè volvi atque moveri queat. (c) Ceterùm indis-
 ferenter omnibus infantibus, etiam citra necessitatem
 (nunquam satis damnato more) dilacerant & fran-
 gunt, doctæ forsan & edoctæ à Medicis illis, qui præ-
 tendunt, ejusmodi vinculum in omnibus infantibus,
 linguam radici nimium vincire, & sine ejusdem rese-
 ctione loquelam mutilam & mancam fieri. Verùm
 cum nec Psittaci, nec Picæ, ad suam qualemcunque
 vocem edendam ejusmodi linguæ vinculi disruptio-
 ne opus habeant, mirum videretur, si natura sagacissi-
 ma, in eà tantùm parte efformandâ defecisset, quæ lo-
 cutioni, propriæ humanæ speciei, debuerat inservire,
 nec sine ratione Galenus, (d) in hac etiam particulâ,
 Naturæ providentiam admiratur, ut quæ neque nimis
 brevem, neque nimis longam ipsam generaverit. Ve-
 rùm distinguamus nos & dicamus aliquando fieri, ut
 quemadmodum aliis in corporis partibus, ita etiam
 in hoc vinculo Natura ludat, & in excessu quodam-
 modo peccet, quo loco sectio non inutilis, sed neces-
 saria existimanda. At, quòd semper in omnibus illum
 errorem committat Natura, alma rerum omnium ma-
 ter, id est, quod nos constanter negamus, cum Clar.
 Præceptore Patavino, D. D. Salâ, qui testatur pluri-
 mos ruptione illâ, seu verius dicam, corruptione, suo
 etiam

etiam consilio & in ipso filiolo suo prætermiffa, perfectiffimè fuisse locutos, & econtrà plures eadem instituta mortuos esse, excitata à rudi imperitarum muliercularum manu inflammatione, quæ & dolorem effecerit, & lactis fuctionem impediverit, ut ob id, si etiam linguæ tarditatem vel depravationem suspicemur, in locutioni destinatum tempus sectionem differre deberemus, hæc enim comodiffimè tunc à perito Chirurgo fieri posset. (e) Vacat autem omni periculo hæc administratio, dummodo rectè administretur. Præcipuè autem perspicendum convenit, ne nimis profundè incidatur. Ego elevata lingua, apice forficum ligamentum ut plurimum in duobus, nonnunquam & tribus locis incido, sic enim difficiliùs coalescit iterum, quàm si uno tantummodo in loco incisio facta esset: incido autem tantummodo quicquid nerveum est, ita ut carnem vix attingam, quod si prima vice non satis abscissum, aut iterum annexum fuerit, poterit postea eadem operatio administrari. Inciso ligamento, jubeo ut nutrix sæpiffimè digito, melle rosaceo, aut communi madefacto, linguam blandè elevet, sic enim agglutinatio atque consolidatio impeditur. (f)

a) Bauhin. ib. anat. l. 3. c. 89. Arant. de fat. hum. Laurent. l. 4. Anat. c. 21. b) Lessen., instit. chir. p. 38. b. c) Bartolin. instit. anat. l. 3. c. 13. Horst. decad. 4. probl. 9. 1. Forest. l. 14. obs. 30. Alex. Veron. l. 5. c. 12. Aëtius l. 8. c. 36. Paulus l. 6. c. 29. d) Fabric. centur. 3. obs. 28. Sennert. l. 5. instit. med. part. 1. sect. 2. c. 7.

XXV.

Quid sanguinem in Phlebotomiâ propellat; & cur eundem Syncope sistat.

Distensio vasorum in causâ est sanguinis egressus per venam sectam. Motus enim continuus arteriarum venis adjectarum venas comprimit; venæ autem si aperiantur, sanguis ob non resistantiam egreditur. Quamobrem in sectione adveniente syncope, cessat sanguinis egressus, quia spiritus vitalis vasa non amplius distendit.

Bartol. probl. phil. & Med. rar. exerc. 10 probl. 5.

XXVI.

Error communis in aperiendâ venâ brachii, Cephalicâ & Basilicâ.

Nimis scrupulosi sunt hodierni chirurgi in venarum sectione, & ex antiquâ quidem consuetudine & ignorantia accuratioris Anatomes. Putârunt enim complures ante hæc Anatomici, & vulgus Medicorum sequitur, Basilicam inferiori loco sub axillis oriri à cava; Cephalicam verò superiori: quare in affectibus capitis Medici chirurgi non jecorariam, sed cephalicam secare volunt; unde etiam hæc vena hoc nomen sortita est. In partibus verò, quæ sub collo sunt, non nisi Basilicam aperire sustinent, ac si hæc caput deplere non posset, & cephalica Epar, aliasque partes inferiores evacuare nesciret, at hoc contra experientiam est Anatomicorum. Utraque enim vena, tam Cephalica, quàm Basilica, ab uno puncto prodit, atque exordio. Quia ergò pars quæcunque deple-

depletur, & per Cephalicam & Basilicam, ab eodem ramo venientes, non tantus est harum venarum habendus defectus, sed secunda est potius magis conspicua. (a) Quare eleganter Horstius, Præcox familie Phœnix: die Haupt-Median- und Leber-Ader haben all einen Ursprung/ und sind also einer Mutter Kinder. (b) In affectibus tamen capitis juvabit nonnihil magis Cephalicæ sectio, quia in hanc inseritur ramulus à jugulari externa accedens, quod non semel in variis cadaveribus observavi. (c)

a. c) Bartol. l. 6. probl. 6. lib. de venis c. 2. Fabric. p. 21. de land. Anat. Bauhin. l. 4. tb. anat. c. 23. Fallop. instit. anat. p. 504. obs. anat. p. 447. Vesal. l. 3. c. 8. de hum. corp. fabr. b) part. 2. de scorb. c. 8. tb. 11.

XXVII.

Figurarum in vena sectione, recta, transversa, obliqua, quis usus, quæ ratio?

Figuræ sectionis venarum tres sunt: Recta, transversa & obliqua. Recta quidem & obliqua in cubiti, poplitæ & pedis flexuris non tam celeriter, ac transversa conglutinetur, in aliis verò locis contrarium accidit, in quibus transversa sectio tardius conjungitur. (a) Magnæ autem illæ tres in cubito venæ, transversam postulant sectionem, non longam. Debet enim incisa vena, quoad fieri potest, citissime consolidari, id quod impediet recta sectio, quod dilatato brachio & ipsum unà dilatetur vulnus: cum alias in manibus & pedibus longa sectio tutior sit. Ubi ergo eodem die iteratim mittere sanguinem constitutum, obliqua utilis sectio est: transversa, quando non amplius de-

trahendus sanguis: recta verò ad plurium dierum facit iterationem. (6)

a) *Sennert. inst. Med. l. 5. part. 1. sect. 2. c. 7.* b) *lessen. inst. chir. sect. 1. c. 2.* *Horat. Aug. de mîß. sang. l. 9. c. 14.* *Botall. de ven. sect. c. 42.* *Petravi chirurg. p. 93.*

XXVIII.

In venis brachii secandis cautela notatu digna.

In cubito tres venæ communiter secantur: interna seu basilica; externa seu cephalica, & media, quam medianam vocant, ex utrisque composita. Quæcunque autem secetur, diligenter cavendum, ne arteria aliqua, nervus vel tendo vulneretur. Sub basilicâ enim arteria comes delitescit: sub communi nervus: sub utrisque musculorum tendines plerumque substernitur: Cephalica tutius secatur, cui neque nervus neque arteria subjacet.

Sennert. l. 6. tit. Cæs. Claudin. de ingr. ad infirm. l. 2. c. 3.

XXIX.

Dextra manus agilior sinistra, cur.

Dextra manus ut plurimum agilior, & ad motum promptior est sinistra 1. quia in dextro latere hominî est vena sine pari, quæ fortè in ambidextris gemina est. 2. quia ossa graviora in scapulis, humero & tota manu dextra esse, aliqui habent pro certo & comperto; quod fieri potest ab impressione superioris caloris in utero matris, cujus pars dextra calidior. Hinc docet Aristoteles, primum impetum, vel principium motus esse in parte dextrâ; ut homo progressurus prius

prius moveat pedem dextrum, avis volare volens,
prius moveat alam dextram.

Barolin. inst. anat. l. 4. c. 1.

XXX.

*Manuum ex aquâ calidâ elutio in vermes
facunda.*

Manus, cum instrumenta sint, quibus mundantur
organa superfluitatum cerebri, aures nimirum, oculi,
nares & os, conveniet esseundas. Lavandæ igitur
sunt frigida aquâ, magis quàm calidâ, & hoc quidem,
cùm alias ob causas, tum maximè, quod lotio ma-
nuum, in aquâ calidâ, & præcipuè post cibi sumtio-
nem vermes in ventre generet. Quia innatus calor,
qui in ventriculo, ac reliquis nutritionis membris
concoctionem operatur, per ejusmodi calidæ lotio-
nem ad exteriora retrahitur, itaque imperfecta sic
concoctio, quæ potissima generationis vermium cau-
sa existit. (a) Frigidâ verò lymphâ lotio calorem ad
extremities dispersum, ad interiora pellit & coctio-
nem promovet. (b)

a) *Avic. 16. 3. tract. 5. c. 1. Schol. Salern. cum commo-
dur. c. 2. & 23. b) Bicker. in herm. red. ad c. 10. sect. 1.*

XXXI.

*Calor noster eget frigido; & cur pisces pulmomi-
bus non egebant.*

Pulmo dum dilatatur (thoracis motu) facit ad ca-
loris ventilationem & refrigerationem: videmus e-
nim calorem nostrum frigido indigere, & absque eo
extingui, ut liquet in iis, qui diutius in ferventis-
simis balneis morantur, sicuti flamma in angusto lo-

co, aëre non ventilata, contabescit & perit. Quare pulmo cordis flabellum & ventilabrum dicitur, & pisces in aqua, quia non indigebant hac refrigeratione, pulmonibus carent. Dum autem constringitur, ad vocem facit, quatenus dat spiritum ad edendam vocem. Quare animalia pulmonum parenchymate destituta, vocem non edunt.

Bartolin. l. 2. instit. anat. c. 9.

XXXII.

*Strepitus & tumultus paronychiâ laborantibus
noxius cur?*

Cur Paronychiâ laborantes, non debeant, nec possint esse prope molas, aquas, strepitusque, ratio non est, uti Paracelsus nugatur, (a) quod vermis strepitum illum audiat & sentiat, indeque quo strepitus major fit, faviat, sed quod præter externam interturbationem & strepitum, spiritus mensque hominis satis interturbati ex illo tumultu magis interturbentur. (b)

a) cap. 17. de apostem. b) Glandorp. de paron. c. 13.

XXXIII.

Melancholia camini parietibus, qui neque scopis, neque aliis instrumentis absterguntur, equiparata.

Sicuti camini parietes ex continuo fumo conqui-
runt nigredinem, adeo inhaerentem, ut ne scopis qui-
dem, vel alio instrumento postea quis amovere pos-
sit; eodem modo fit in Melancholiâ, ubi enim semel
humores illi nigri, non solum in corpore, sed & in
capi-

capite incrementum susceperint, tandem confirmati-
onem acquirunt, non faciliè delendam.

Forest. l. 10. obs. 15.

XXXIV.

*Mania, casu perrupto cranio, & aquâ effu-
sâ, curata.*

Visa est mulier melancholica & maniaca nostro
tempore, cui ob casum apertum est cranium, unde ef-
fluxit aqua, & curata est ab infantiâ.

Rondeles. l. 1. de cur. morb. c. 41.

XXXV.

*Cum Phreneticis, Maniacis propior conversa-
tio periculosa.*

Ad furore percitos propius accedere non audemus,
sed omnibus modis ab illis discedimus, verentes ne
mali quippiam nobis inferant. (a) His equidem non est
temerè assidendum, nisi quis triste, scedumque in-
fortunium, imprudentiæ suæ præcium auferre ve-
lit. Memini multos hoc modo in periculum sese con-
jecisse.

Felix quem faciunt aliena pericula cantum.

(b) Phrenetici enim aut Maniaci præsentia Medico
periculosa est, si non strictè custodiantur. Memini e-
quidem Præceptorè meum in Italia à ponte, in flumen
per ægrum suum melancholicum furibundum, de-
jectum fuisse, & nisi famulus & alii præsentès fuissent,
vix ex aquâ evasisset. (c) Quare, ob verendos casus, ac
varia pericula vitæ, quæ evenire solent, tam ex parte
Medici, quàm assistentium, & etiam ægrotantium,
præstat furibundos nodis, vinculis, vel potius la-

tis fasciis vinciri, ne hinc inde motu furentes Medicum, affidentesque & seipsos malè afficiant. (d)

a) Gal. l. 2. de diff. resp. b. d) Forst. l. 10. obs. 22. cum schol. c) l. 10. obs. 1.

XXXVI.

*Phrenetici cur fortiores motu, debiliores
verò sensu?*

Cur Phrenetici fortiores ipsi sanis, quoad motum, & debiliores, quoad virtutem sensitivam? numquid ob hanc causam, quod in phrenetide ob exsiccationem, magis lædantur nervi sensitivi, quàm motivi, cum operationes nervorum sensitivorum humiditate magis perficiantur? deinde, cum & mente læsa dolorem non sentiunt.

Forst l. 10. schol. ad obs. 3. Hipp. l. 2. aph. 6. Nis. Heinii decad. 3. Basil. disp. 4. de phrenit. tb. 14. & seq.

XXXVII.

An lien cursoribus, ne obsit, exscindi possit?

Lien non potest deficere naturaliter, siquidem natura non abundat in superfluis, nec deficit in necessariis. Fabulosa ergo opinio vulgi, in cursoribus (ponderis & pungentis doloris vitandi gratiâ) eximi posse absque vitæ periculo (quod nunquam à quoquam visum aut literis mandatum) Nata indubiè ex antiquâ Erasistrati (a) opinione, qui Lienem frustra à Naturâ creatum existimavit, quod Plautus etiam (b) habet: Genua hunc cursorem deserunt, seditionem facit lien, occupat præcordia. Insecta autem splene carent. Quamobrem falsum illud: habet & musca splenem. (c)

a) Gal. 4. de us. part. 8. 13. b) in Merc. alt. l. 1. sc. 8. c) Bar-

col. l. 1. inſt. anat. c. 16. Baubin. l. 1. 1b. anat. c. 43. Forſt. l. 1. c. 2. de inſ. uris. jud. Plin. l. 11. c. 37. Knobloch. diſp. 6. Anatom. q. 2. Sennert. l. 3. pr. p. 394.

XXXVIII.

*Arsjuvandi eos, qui ab amputatâ lingua
portione ſari nequeunt, caſu
inventâ.*

Cuidam in Inoyo caſtro 24. à Biturigû urbe milliaribus commoranti, linguæ inſignis portio reſecta fuerat, ex quo infans totum triennium manſit. Contigit aliquando, ut dum in agris cum ſalcariis in ſcutulâ lignea biberet ab aliquo circumſtantium titillaretur, titillatum non ferens, ſubitò in voces articulatas & intelligibiles erumperet. Id ipſe miratus & rei novitate, tanquam miraculo, delectatus, eandem ſcutulam, eodem quo ante ſitu, in os indidit, planequetum & articulatè ſic loquebatur, ut ab omnibus intelligi poſſet. Itaque diu poſtea in ſinu ſemper habuit ſcutulam ad ſenſa mentis proloquenda: quo uſque tandem artium magiſtrâ & ingenii largitrice neceſſitate ſuadente, excidi ſibi & affabrè fieri inſtrumentum ligneum curavit, tanquam unicum mentis interpretem & loquelæ miniſtrum.

Paravi op. chir. l. 22. c. 5.

XXXIX.

*Lingua per putrefactionem ad radicem uſque corruptitur, & ſemeſtri vitiffim ſufficientem integritatem nanciſcitur,
mirum!*

Filius Secretarii Illuſtriſſ. Ducis Brunſuicenſis, laborabat variolis, pater chirurgi opera utitur, præſertim

tim cum puer de dolore faucium conquereretur. Chirurgus rursus variolas nimis copiose putrescere in lingua, gargarismo utitur, & subinde magna frustra ex ore aufert. Puer tandem obmutescit, nec cibos, nisi liquidos, deglutire potest, quam ob causam parens sollicitus ad me venit, & filii variolis periculose decumbentis, iisque putrescentibus in faucibus, ut prorsus mutus puer non sit redditus, curationem petit. Absens, in medium consulo, & admonco tum ipsum patrem, tum etiam chirurgum, ut uvulae rationem haberet, ne putredine absumpta loquelam adimeret. Secundâ die ad me redeunt uterque, & uvulam jam periisse referunt, ego perterritus patri suasi, ut alium quoque chirurgum adhibeat, & tum gargarismis, tum etiam linimentis ex Rob-nucum & melle rosato mixtis cum aqua prunellae partes exulceratas sanarent. Tertiâ die pater & novus chirurgus redeunt, linguamque putredine totaliter absumptam pronunciant, atque tunc puerum 7. circiter annorum accedo, prorsus mutum atque jusculum aliquod sorbentem invenio: paulò post os apertum intueor, linguam planè absumptam usque ad radicem video, atque in radice magnam putrefactionem sanie conspersam deprehendo. Gargarismos, quibus satis commodè chirurgi utebantur, continuare jussi & suasi, ut unicum remedium adderent, scilicet linimentum nostrum, quod recipit, pulv. fl. malvæ arboresc. unc. dimid. balauft. drach. duas, aluminis drach. dimid. cum melle despum. q. s. misc. f. linimentum molle. Planè enim mihi persuadebam, hoc exulcerationem exsiccari, & carnem aliquo modo in puerili corpore restitui posse. Semestri post, sollicitus de hoc pue-

puero patris ades accessi, & quæ tunc aderat, matrem interrogavi de statu filii, quæ de scholâ domesticâ eundem avocat, iterum satis expedite loquentem; ore aperto linguam integram quæ de novo creverat, sed paulò minorem invenio, quæ hodiè annis circiter tribus ad justam magnitudinem pervenisse dicitur.

I. Horst. in comm. lib. Hipp. πείρα πάθων.

XL.

Causa balbutiei linguæ Melancholicorum.

Varia videntur esse causa balbutiei melancholicorum. Nam & linguæ brevitæ, quæ anteriores dentes premere non potest, ad quos collisus spiritus in vocem resultat; aut ariditas ipsius; aut largus cerebri humor; aut imbecillitas caloris musculorum linguæ formatoris, calore cerebri multo, præ velocitate imaginandi, linguam impediens, aut flatu, cujus copiâ abundant melancholici, velociter vehementerq; impellente linguam; quod autem velociter movetur, facile impingit & incurrit.

Prothus Casulanus de linguâ. l. 4. c. 9.

XLI.

Motus cerebri per systolen & diastolen, in vulneribus capitis, & infantibus conspicuus, unde & cui usui?

Cerebri motus systole & diastole constat, estque continuus, assiduus ac indefinens, uti videre licet in capitis vulneribus, & nos non rarò hunc motum in vulneratis vidimus. Ita in recens natis, quorum incipite cerebrum palpitare conspicitur, quia ossa mol-

molliſſima ſunt, nec dum ſatis indurata. In dilatatione cerebrum ſpiritum vitalem attrahit, ex arteriis carotidibus, plexum choroidem conſtituentibus & ſinubus, aërem verò ambientem cum odoribus è nari-
bus per oſethmoides, papillares proceſſus, ac nervos odoratorios, forte etiam quodammodo è palato, per oſſis cuneiformis foramina, glandulam pituitariam & infundibulum in ſe attrahit & allicit. In contractione, tùm ſpiritum animale (cujus materia eſt ſpiritus arterioſus, ſpiritu vitali perfuſus, & aër) in nervos propellit, qui in totum corpus, tanquam canales, hunc ſpiritum devehunt, unaque cum ſpiritu, facultatem ſentiendi & movendi, (a) tum fuligines atque excrementa cerebri, per palatum, nares alioſque meatus excludit. (b) Mirum ergò quosdam doctos viros hunc motum negare velle. (b) Veſalius etenim reprehendit Galenum, & recentiores Anatomicos; & rationem contrarium dictare aſſerit; Galeni argumenta (c) allata non eſſe tanti momenti, ut perſuadeant, motum in hoc viſcere eſſe. Obſtare totam ipſius ſubſtantiam; nec ſenſu aſſequi potuiſſe, neque in vivorum brutorum Anatome, neque in maximis capitis vulneribus. Sinus quoque (d) tantum cerebri meningibus innati, Arteriarum modo pulſant. Quem pulſum cum in infantibus, dum calvaria penitus nondum coaluit, mōx in vertice in loco, quem Zeudes vocant tactu deprehendant, in eo conjectari, cerebri ſubſtantiam ſic moveri, ceperunt. Quod & aperto cranio, vivente adhuc animali tantum ubi illi ſinus feruntur, & non in aliis cerebri ſedibus, motum hunc pulſantem obſervare certius cognoscitur & obſervatur. Cum igitur

res dubia sit, (e) & diffensionis plena, agnoscamus hinc etiam mentis nostræ imbecillitatem, & pro iis quæ mediocriter investigari & explicari possunt, Deo gratias agamus, ea quæ ad communem usum rectè accommodemus.

a) *Barthol. inst. anat. lib. 3. cap. 2. & 3. Bodin. l. 3. 1b. anat. cap. 15. Hadr. Falckenburg. pagin. 240. Tabac. Neandri. Columb. Anat. l. 3. c. 1. Laurent. libr. 4. quæst. 11. Parau lib. 4. chir. cap. 6. Gal. l. 8. de us. part. cap. 2. Jan-Contr. Rheumat. cap. 1. morb. castrens. b) Barthol. libr. 3. cap. 2. c) de util. ressp. & l. 12. de us. part. d) Plater. paradox. 23. e) Knobloch. disput. Anat. 14. E. 3. b.*

XLII.

Dentibus quis & qualis insit sensus.

Dentes sentiunt (quia nervos habent à tertiâ conjugatione (a) qui in eos se ad radicem ingerunt (b) sed magis qualitates primas, (quia vires effundunt in radices dentium, (c) in quas nervuli penetrant) quàm secundas (ut mollitiem, duritiem, asperitatem) & in primis magis frigidum, (unde hæmodia & dentium stupor, qui acidus & acerbus (d) cibos sequitur) quàm calidum, (e) contra quàm caro (f) Si enim ferum frigidissimum vel glaciem admoveas, statim obrigescent. Verùm non quælibet dentis pars æqualiter sentit: sed interna, nervo & membrana vicina magis sentit, quàm externa: hæc enim partim propter spissam & duram ipsorum substantiam corticis instar internam partem obducentis, quæ vim nervi spiritum animale vix admittit: partim propter aëris ambientis continuam mutationem pati assuescunt.

scunt, quemadmodum sensus in cute callosa pedum rusticorum penè obliteratur. Quare pars, quæ extra gingivas est, seu dentium cortex, ab asperis & duris non lèditur, hoc ex eo constat, quòd dentes eà parte licet secentur, limis atterantur ac lævigentur, imò candentibus ferris urantur, tamen non dolent, imò vix sensus indicia deprehenduntur: inprimis verò dentis apex, cum solidior esse debuerit, ob cibos atterendos, & intrinsecus cavitas eò non pertingat, ergò nec nervus. (g) Ergò quemadmodum in ensc, sub cortice chalybis durissimo latitat medulla ferrea longè minus dura, ita sub cortice dentium osseo adest substantia quædam mollior, ad quam nervi perveniunt, sensumque illi impartiuntur. Unde sicuti cutis sentit per cuticulam non sentientem, ita dentis medulla sentit qualitates tangibiles per partem ossæam omni sensu prorsus destitutam: non secus ac membrana nervea sub unguibus locata sentit caliditatem, & frigiditatem per ipsos nullo sensu præditos. Quod autem dentium cortex & ungues secundum se careant sensu: constat ex eo, quod abroduntur & secentur sine dolore. (h) Hinc monialis quædam Patavii dentem quem habebat præ aliis longissimum, cum secari curasset, ad deformitatis curam, statim convulsa & Epileptica decidit. In parte autem dentis abscessu nervi vestigium apparebat. (i) Quod autem dentes, nec ab igne, nec ferro, licet oblectentur sentiant, non tamen doleant, causam solum Deum nosse, Aretæus (k) inquit: aliud pronunciare non possumus, quàm dentibus proprium esse, ut nec ab omnibus, quæ eos immutant, nec ab his, quæ molestiam afferre possunt, æquè adficiantur, cum magis à calido,

& à

& à frigido, quàm aliis qualitatibus lædantur, & frigidi sensus qualitas illis molestior sit, quàm calidi. (l) Sed hæc omnia negat Platerus, (m) dentes nec sentire, nec dolere affirmans. Dentes enim insensiles potius quàm sensiles, sicuti ungues esse debuerunt, qui eodem modo extrinsecus infixi, impetum sustinere debuerunt, & sine sensu sunt. Et ne quidem dolor, qui in eâ regione nascitur, & in ipso dente inesse creditur, dentiumque dolor ob id vocatur, sensum in dentibus esse probat, cum hoc membranz vicinæ, vel gingivarum, aut perioestii maxillarum causa accidat.

a) *Laurent. osteolog. c. 12. q. 3.* b) *Paraus l. 4. chir. c. 2. Fallop. obs. anat. p. 414.* c) *Gal. l. 1. de sympt. caus. c. 5. l. 2. de loco aff. c. 6. d. g. 1)* *Baubin. theat. anat. l. 3. c. 80. Scallig. comm. in l. 1. Arist. de hist. Anim. part. 105. Gal. l. 5. de comp. med. s. loc. c. 8. l. 5. de adm. anat. c. 3. Fab. Hippocr. phythol. l. 1. c. 25. e. i)* *Bartol. l. 4. c. 1. & 12.* f) *Arist. 34. probl. 3.* h) *constant. Varol. l. 3. anat. c. 1.* k) *l. 2. de caus. & sig. diut. morb. c. 12.* m) *paradox. 50.*

XLIII.

*Cerebri leporis in dentitione infantum, ἀνὴρ ἀνὰ
μῦα, cerebella alia & Amuleta.*

A proprietate dentitionem in Infantibus promovere dicunt cerebrum Leporis assatum, verùm in huius defectu, cerebrum hædi, gallinarum, vituli & ovis in usum recipiendum. Itaque multi felici successu, cerebrum ovis melle mixtum gingivis illinunt. (a) Canis dens combustus, tritus & gingivis appositus, juvat infantes ad emittendos sine dolore dentes. (b) Sunt præterea Amuleta quædam, quæ collo appensa, à proprietate juvare creduntur, (quæ si non viribus,

saltem (c) apprehensione juvant) ut dentes apri & lupi, quos mulieres nostrates unà cum coralliis, infantibus appendunt, quibus ego praefero dentes viperæ maris, & Jaspidem viridem collo alligatum, ut stomachum tangat. Lapides verò Gammaridum, eodem modo appensi, certo experimento dentitionem promovent & dolorem mitigant. Attrahunt enim vim magneticam sal acutum, quod eotempore in sanguine ebullit, cujus vi etiam corroduntur & calcinantur, ut quasi comminuta & pulverisata postea excidant. Alii qui coloquintidis radicem, annulo aureo, aut argenteo, aut canali aureo inclusam probaverunt, facilem quoque dentitionem efficere confessi sunt. (d) Scribit Rhasis dentem Leonis caninum, vel equi anniculi, collo infantis suspensum præstare ortum dentium sine labore & facilem. (e)

a. d) Bicker. in Herm. de infant. diat. lib. 34. & 35. c) Plas. de las. funct. p. 11. 541. b. e) Dom. Leon. l. 7. sect. 1. e. 10.

XLIV:

Septum transversum cur in emortuis concavum?

Cur septum transversum post mortem invenitur concavum? an quia motus ejus sit fibrarum suarum contractione, ubi agendo sit rectior, quam ob causam ipsius usus ad inspirationem est necessarius, ubi versus inferiora movetur, & ob contractionem fibrarum ex linea curva constituit rectam. Post mortem verò motu animali desinente versus superiora tendit, influxu spirituum animalium ad fibrarum brevitate inserviente destitutum.

Fac. Müller. corall. 4. disp. de motu anim.

XLV.

XLV.

Cur à Phtisi & macie extinctis, abdomen potius ad partes anteriores, quàm laterales, concidat?

Cur in Phtisi demortuis & emaciatis abdomen potius respectu partis anterioris, quàm lateralis concidit? an quia laterales partes ob fibrarum transversarum naturalem quandam contractionem sustentantur, adeòque partes anteriores eò magis contractæ, membranosæ tendine contrahuntur.

Id. corall. 7.

XLVI.

Vt Dysenteria intestina; & phtisis, contagi pulmones; sic luis venerea venenum secur à proprio inficit.

Ut Dysentericus affectus, intestina aliorum, & non alias corporis partes ex singulari proprietate (adest enim malignitas non respectu totius, quia universalis morbus non est, sed ratione specificæ & malignæ corruptionis illorum humorum, qui intestinorum exulcerationem foetidam generant. Quatenus autem hæc corruptio specifica, singulari cuiusdam parti, nempe intestinis, & non simpliciter toti contraria & inimica est, eatenus facilimè recipitur & vim suam exerit tunc temporis, ubi quis aliquo modo dispositus, ad ægrotantium cloacas accedens per inferiorem gutturem, (ut Plautus loquitur) venenatas expirationes ægrotorum recipit) & tabes putrescentium pulmonum in phtificis contagiò lædit; sic etiam verisimile est, venenum luis venereæ, propter singularem *symplicem* & connexionem, quam

quam humores, cui insidet, cum jecore tanquam officinâ propriâ possident, ipsum jecur afficere, maxime cum infecti jecur *συνπύθεται* fortiatur, cum jecore inficiendi corporis majorem, quam cum quovis alio membro.

*Horstius dec. 10. probl. quæst. 3. lib. 3. quæst. 5. lib. 2. Mer-
sat. l. 1. de morb. gall. c. 1.*

XLVII.

*Pili & ungues, etiam Hecticis crescunt & quodmi-
rum, defunctis.*

Conditum suspensi cujusdam à Quæsitore im-
petratum domi apud me cadaver habeo, quod à plus-
quam 25. annis perstat incolume, adeò ut singulos
dextræ partis musculos (quos capite tenui exsecui, &
pendulos à circumstantibus distinctionis gratiâ, re-
vulsi, quò ipsos quotieslibet oculis lustrare & mani-
bus tractare possim, & ex recenti memoriâ, cùm ali-
quid paulo operosius mihi incumbit agendum, cer-
tius & tutius operari) numerare queas, parte sinistra
illibatâ, pulmonesque, cor, diaphragma, ventri-
culum, lienem, renes, barbam, capillos, imò &
ungues, quos resectos à me crebrius increescere, &
ad priorem mox magnitudinem redire animadverti,
integra intueri & observare. (a) Sed demus verum
esse, mortuis capillos crescere (b) eam non esse veram
excrecentiam dicemus, quemadmodum Plotinus
(c) tradidit, defunctis pilos & ungues augeri, pro-
pterea quòd etsi anima recedat, tamen remanere in
corpore mortuo per aliquod tempus, vestigium velu-
ti quoddam vitæ, perinde ac remoto igne à laribus,
lares excalefactos per aliquod tempus remanere com-
spicimus, cujus vestigii caloris ope, in corporibus
vita

vitâ destitutis augeri pilos & ungues contingit: quæ tamen sententia falsa est: nam nihil vitæ in cadavere remanet, & sicuti recedente Sole, lumen & radii omnes quoque recedunt, ita abeunte animâ omnes quoque ejus facultates extinguuntur. Quare dicendû, (d) in mortuis non verè pilos augeri, ita quòd illis additamentum aliquod fiat, sed marcescentè carne, & cute, omnes pilorum partes, usque ad ultimam radicem palam fieri, seque ostendere, unde longiores videantur.

a) *Parvus de embam. pag. 351.* b) *Donat. Marc. lib. 1. hist. med. mir. c. 1.* c) *l. 2. de dub. anim.* d) *Alex. Apfr. probl. 140.*

XLVIII.

À capite velato, negatâ eventatione, celerior canities.

Qui cooperto capite incedunt citius canescunt, quàm qui discoopertos capillos gestant, flatus enim putredinem prohibet, operimentum autem perflatum prohibet; unde qui pileo, vel alio tegumine operiuntur humidiores capillos habent, qui verò caput detectum & apertum gerunt, illis magis capilli exsiccantur. (a) Hinc putredo canitiei causa, ut fiat canities ob inopiam caloris nativi, quando non ita humores coquere potest, ut in iuventute, & ultima atque tenuissima pars pilorum, ubi calor minimus, maximè albescit. (b)

a) *Donatus Marcell. l. 1. hist. med. mir. c. 1.* b) *Bartol. l. 3. inst. anat. c. 1.*

XLIX.

Canities quid, & unde?

Ἡ πλειότες ἐστὶ τῶν τευχῶν διὰ τὴν σῆψιν γενομένη λευ-
κότης (a) Cum enim imbecillo reddito calore, vel re-
frigerato capite, alimentum capillorum à calore na-
turali destituitur, tentatur à calore externo, cumque
humidum sit facile putrescit, unde cani evadunt ca-
pilli, quia dum putrescit humor, magna pars in aërem
seu vaporem aëreum convertitur, qui pilos inficit co-
lore albo, nam color albus (b) fit ex permixtione por-
tionis aëreæ cum terrenâ aut aquosa, & ideo butyrû,
camphora, & spuma sunt alba. (c) Duo autem sunt
præcipuè putredinis modi, quorum alter est, cum par-
va in humore putrescente à calore præternaturali al-
teratione effecta, humor nondum tamen habet effatu
dignam eversionem ad suæ naturæ contrarium: al-
liud verò putredinis genus est, in quo humor adeò
magnam ad contrariam sui naturam transmutatio-
nem obtinet, ut non possit amplius ex naturæ coctio-
ne, ad primam ejus redire perfectionem, nec am-
plius ad habitum naturalem redire, & hæc propiè cor-
ruptio appellatur. (d) His stantibus dicimus, cum
Aristot. (e) ex putredine canitiem oriri scribit, in-
telligendum esse de priori putredinis modo, in quo
fator nullus, vel saltem exiguus esse potest, & non de
fotali corruptelâ, in quâ quod putrescit, male olere
consuevit. (f)

à. c.) *Arist. l. 3. de histor. anim. cap. 11. & lib. 5. de
gen. anim. cap. 4. & 5. b) Theoph. de color. c. 1. c) Do-*

nat.

nat. Marcell. l. 1. c. d) Gal. de diff. febr. c. 6. comment. in aph. 27. l. 2.

L.

Tempora cur maturius canescant?

Homines citius circa tempora canescunt, quia nimis ibi magni & carnosi sub cute locantur muscoli, qui ob humiditatem facilius putrescunt; adde quod temporum ossa admodum sunt tenuia, ideoque calor extraneus facile potest pervadere.

Barthol. l. 1. c.

LI

*Vir unde calvescat facilius, quàm Femina,
Puer, Eunuchus.*

Vir potius calvescit, quàm Fœmina, vel puer, vel Eunuchus, quia viri temperies processu temporis fit frigida & sicca, (calvicium autem sequitur frigiditas & siccitas,) 2. Sicuti arbores humore unctioso & viscido redundantes, propria folia semper habent, ita pariter illi, in quibus vapores fumosi viscidos elevantur, perque eorum porositates continuitatem quandam accipiunt, nunquam propriis pilis destituuntur.

Dom. Leon. l. 1. § 1. c. 4.

LII.

*Pectoris in Empyemate sectio à milite punctim
leso, mutuatistia.*

Pectoris sectionem in Empyemate forte fortuna inventum esse putant, a milite quodam Empyematiaco, qui de salutis restitutione desperans, ferè tabe consumptus ad bellum accessisse dicitur, ubi ab hoste

punctum latus in thorace, puri exitum molitus, & ab Empyemate liberatus fuit.

Horstius decad. 4. probl. 9. 10. 16. 8.

LIII.

Partes multa in homine sine fibris, solâ vi magneticâ, attrahunt, retinent, expellunt.

Fibrarum tria sunt genera. Aliæ rectæ in longitudinem porrectæ: aliæ transversæ, quæ ad pares rectosque angulos in illas incidunt: aliæ obliquæ, quæ ad impares angulos obliquè in rectas feruntur. Facultas attractrix rectis utitur fibris: expultrix transversis: retentrix obliquis fruitur fibris. Hæc quidem Magni viri: (a) sed dubitatur, beneficione fibrarum, attractio, retentio & expulsio fiat, exempli gratiâ, venæ attrahunt, retinent & expellunt quidem, verum hoc per fibras non (b) faciunt; (sunt etenim multæ in corpore humano partes, quæ absque ejusmodi fibris, attrahunt, retinent & (c) expellunt) sed id quiescentes faciunt, similitudinis vel dissimilitudinis ratione, velut Magnes (d) facit, ut eleganter Fallopius. (e)

a) *Hewyn. l. 3. inst. c. 3. Zwoling. phys. l. 2. c. 37. p. 510. Laurent. l. 1. anat. quæst. 31. Fuchs. l. 1. instit. sect. 6. c. ult. Eernel. l. 5. physiol. v. 6. Sennert. l. 1. instit. c. 9. Paræus de anat. corp. hum. l. 2. v. 10. Gal. l. 3. de fac. nat. c. 11. b. d) Bauhin. l. 1. rheat. anat. c. 7. e) Barrol. instit. l. 1. c. 9. c) observ. anat. p. 442.*

LIV.

LIV.

Humani intellectus radii, variorum animalium sagacitatis usufructuarii & directores.

Homo cum omnium animantium esset præstantissimus, & intellectus radii cætera superaret, solus ille, pro sagacitate suâ, non tam animantium, quam cæterarum creaturarum instinctus omnes & singulos observare & ad usum transferre potuit. Sic ad Galli cantum intentus Horologium composuit. Scieurum aquas tranantem cum videret, navigandi peritiâ adeptus est. Ab hirundine nidum componente domicilium ædificare didicit. Ab apibus verò & formicis monitus, futuræ hyemis memòr, omnis generis victualia collegit, & in horreis recondidit. Ardea hominem pisces capere; Aranea pannos contexere docuit. Camelus ephippia equo imponenda monstravit.

Haud aliam certè viam ingressi Medicinæ primi Professores, cum naturam semper appetere sui conservationem intelligerent, animo attento, animantium morbos & medelas accuratè explorârunt. Lupus etenim ex nimia voracitate agrotans, tenellis tritici locustis & communi gramine se purgat: unde radices graminis inter aperitiva connumeratæ, ad hunc usque diem in usu habentur. Porcus si ex satietate gravem se senserit, nâpis vescitur, ut fiat levior; hinc Nâpos appetitum excitare & urinam ducere, homines didicerunt.

Aper si forsan hyosciamum comedit, facillè convul-

vulsionibus fit obnoxius, ideo accurrit is ad rivulos & cancos quærit, quibus devoratis, pristinam recuperat sanitatem: Unde naturæ exploratores cancos paralyticis & convulsis opitulari cognoverunt, illudque ex signaturâ non inconveniente, tot nempè pedibus incurvatis quibus incedunt, significari animadverterunt. Insula Zeilam serpentem coronatum alit, cui inimicissimum animalculum eâdem insulâ habitat, quod Quil vocant: id cùm serpente pugnaturum, radicem quandam præmordet, pedibusque anterioribus salivâ conspersis, caput primum, denique totum corpus demulcet, postea hostem aggreditur, nec dimittit, donec occiderit, atque si isto congressu serpentem non superare valeat, denuò ad radicem confugit, ad quam se fricat, & in prælium redit, quò spectaculo edocti Zeilam incolæ, hanc radicem venenis esse adversissimam.

Sic Leo febricitans simiam capit, quâ devoratâ morbo liberatur: unde singularem vim cor roborandi & à febris defendendi in corde simiæ latere sagacissimi Physici invenerunt, ut etiam si manu teneatur, pulsus motum cohibeat.

Corvus devorato chameleonte foliis Lauri sibi medetur, & Ciconia si carne serpentum repleta detrimentum inde percipit, organo comesto se restituit. Hinc laurum & organum antidotis annuerunt.

Aquila dum ætite lapide ova excludit, partum hominis faciliorem reddere docuit.

Upupa dum se uvarum commestione inebriari sentit, capillo veneris decerpto efficacissimè sibi medetur.

Bicker. in Herm. rediv. sect. 1. schol. ad c. 1. & prophyl. sect. 4. c. 2.

Vide cent. 1. nostr. memor. part. 5. & seq. cent. 5. pars. 34. & 35.

LV.

Sympathia astri seu balsami nostri (microcosmi) cum astris macrocosmi.

Mirabili sympathia cum astris macrocosmiconspirat balsamus & astrum nostrum, ut penè eadem vicissitudine statis temporibus moveantur & se ultrò citroque afficiant. Quod ut exemplis magis inclarescat, perpendite, quæ hyeme, sole à nobis recedente fiat mutatio: vita nempe Elementorum magni mundi languescit, herbarum, plantarum & stirpes comas dejiciunt, semina & radices suis domiciliis se abdunt & quasi emoriuntur. Homo tristatur & languet, balsamusque ejus interiora petens majorem cibi copiam conficit & elaborat quàm aliàs. Revertente verò sole, tempore verno, omnia reviviscunt, insecta quoque muscæ, ranæ, hirundines, quæ brumali frigore semimortua in rimis tabularum, sambuci medullis, littorum cavernis sese recondiderant, reviviscunt. Homo etiam abjectis impuritatibus mineralibus, quæ tota hyeme contrahebantur, renovatur & vitam quasi novam cum magno mundo induit. Æstate appropinquante, cum Sol Cancrum, Leonem & Virginem peragrat, calor macrocosmi fit ardentior, & omnia torret, ubi & hominis balsamus ad hujus instar mutationem recipit & acrior evadit, donec ad autumnalia signa lustranda sol se accingat. Taceo quàm mirificè balsamus solaris lucis claritate perfusus,

sus, sereno tempore gaudeat, nubilâ veiò tempestate tristeretur ac deficiat. Sic sole oriente homo lætior & balsamo renovato plenior, quàm à meridie, cum ad occasum lux diei inclinât, quod magno suo commodo facillè percipiunt. Quæ omnia vitam Microcosmi à Macrocosmo pendere, sustentari & augeri, indicio esse possunt.

Id. sect. 1. schol. ad cap. 2. & 3.

LVI.

Quæ in foliis arborum & vitium, ex Austro, Borea & Astris: eadem in homine ex nativi astri tempestatibus deflorescentia.

Quemadmodum arborum folia & vitis pampini, Austri grandine, pluviis, nive, Aquilone & borealibus flatibus cæterisque astralibus impressionibus languescunt & mutantur: ita corporis genuinus vigor & color & constitutio ex inagruentibus astri nostri tempestatibus deflorescit & immutatur, ut intempestiva inde contrahatur canities, despicatus corporis habitus, horridus aspectus & cadaverosa facies, qui ferè omnibus contingere solet, qui captivi detinentur, aut in periculis militaribus maritimæve versantur.

Id. schol. ad c. 13.

LVII.

Quod in foro Iuridico Actor, Reus, Iudex, idem in foro Medico Morbus, Natura, Medicus.

Quemadmodum in forensi Iudicio tria observantur, Actor scilicet, Reus & Iudex, (a) ita in foro medi-

medico accidit. Etenim Morbus actoris personam agens, Naturam, quæ rei vicem gerit, accusare & destruere nititur, hæc causam propriam pro viribus tueri, illumque manifestâ falsitate, turpiq; sævitia convincere, necnon longinquum in exilium abigere contendit, vocatus & optatus accedit Medicus, (velut Judex (b) in tribunali residens) Naturæque perscrutator morbi que perexactus indagator, qui illius vires, cum istius vehementiâ, æquâ lance & diligenti trutinâ perpendens, tûm præsentem eventum pronuntiat, tûm maximè futurum pronuntiat Judicium, atque ita veri Judicis subit locum, init officium. (c) Improbatur quidem à quibusdam doctis hæc forensis judicii, cum naturæ & morbi concertatione analogia, utpote inepta & insolens. Quis enim in hoc certamine Judex statuendus, non Medicus, qui Naturæ minister est & speculator tantum: non Natura, quæ quæ pugnat cum morbo; non dies criticus, quippe qui per se agendi nullam vim habeat. (d) Sed injustè improbat eo solùm nomine, quod non per omnia similitudo proposita quadret. Nam præterquam quòd ab Aristotele, (e) & à Galeno (f) recipitur, satis est, ut similitudo penes aliqua saltem habeat locum. Ut enim in foro judiciali, inter accusatum & accusantem & atrocissima est pugna, & unus tandem vincit, alius vincitur: sic in crisi morbus & natura pugnant acerrimè, ut ita æger nihil aliud, quàm illi expectet, qui in foro judiciali conveniunt, de vita scilicet aut morte sententiam. (b)

a) Sichard. 1C. enarr. in l. 3. cod. de jud. b) Amat. Lufitan. l. de cris. de decret. c) C. Romates crisol. l. 1. s. 1. d)

La-

Laurent. l. 1. de crif. c. 1. e) l. 5. Phyf. c. 6. f) 3. Progn. comm. r. g) Jul. Caf. Claudin. part. 1. de crif. c. 1.

LVIII.

Luna vis à Sole mutuatur, in decremento & augmento, exemplo conchyliorum, maris, arborum, uvarum ostenditur.

Ad solis efficientiam proximè accedit Luna, quæ, ut Philosopho placuit, (a) parvus sol existit. Ejus autem vires, ad ea, quæ infra gignuntur, conseruantur, alterantur, aut alio naturali modo afficiuntur, maximè pertinere fatendum est: namque est ultima cælo, citimæ terræ: & illud experimento quoque demonstratur. Ostreis & conchyliis omnibus contingit (b) ut cum Lunâ crescant; pariterque decrescant. Idem ferè maria ipsa experiuntur, qui in plenilunio tumida, novilunio verò planiora fieri solere, sat notavere nautæ. Arbores cum Lunâ (c) senescente tempestivè caduntur: quæ si eadem crescente cadantur, putrescunt. Si vindemia, cum Luna adhuc nova apparet, fiat & colligatur, vina redduntur frigidiora. (d)

a) Aristot. l. 4. de gen. anim. c. in ult. b) l. 4. de part. anim. c. 5 Ruefer. de orig. aquar. c. 1. sn. de script. thesm. March. Bad. c) Cic. de divin. d) Car. Romat. l. 2. crif. c. 6.

LIX.

In natura decretis (qualia sunt Medicis dies decretorij) τὸ πῶς occultum.

Per multa sunt naturæ decreta, quorum eventus & effe-

effectus ad noticiam quidem nostram perveniunt, sed
 τὰ πῶς, quomodo fiant, non item: atque adeo Na-
 turam dierum decretoriorum causam peculiarem esse
 non ignoramus, sed quo genio id contingat, rectè
 nosse, hoc opus, hic labor est, nec nisi generaliter o-
 stendi potest. (a) Adde cum Lucretio:

*Multa tegit sacro involucre natura, nec unquam
 Ullis scire fas est mortalibus omnia, multa
 Admirare modo, nec non venerare, neque illa
 Inquires, quæ sunt Arcanis proxima --- (b)*

a) Carol. Romar. cris. l. 2. c. 6. b) l. 5. de rer. nat.

LX.

*Equites frigore per Alpes concreti, cum scuto &
 habenis equitantes.*

Nos Italiam petentes, cùm Alpes superavissemus,
 repente tanta vis nivium præceps circiter horam i.
 devoluta est, ut passim milites gelicidio concreti ani-
 mam efflarent: equites enim insidentes, distenti ma-
 nebant, equum adhuc vitâ fungi fors ferebat, qui mi-
 litare cadaver gereret, agmenque sequeretur, defun-
 ctus autem ante & scutum & habenam tenebat, infi-
 debatque rigidus, tanquam equo, modo quodam ag-
 glutinatus, cohaesisset, sic ut non sine negotio à viven-
 tibus avelleretur. Si verò unâ quoque mortem oppe-
 tivisset, equus, gelu rigidus perstabat, & undique fixus
 in vestigio manebat. Ita quoque & pedites prope Me-
 tium congelati hastas in manibus adhuc tenentes, mor-
 tui deprehensi sunt.

Theophr. de veterin. morb. Forest. l. 10. obs. 41.

LXI.

Vinum C. O. S. cur aspectu, olfactu, gustu, generosissimum, gratissimum?

Vinum generosissimum putatur, quòd omnes sensus delectat, visum nimirum colore nobili & perspicuitate, perspicuitas quippe puritatis & tenuitatis comes, vinum defæcatum & depuratum esse indicat: nisi enim tale fuerit, tartaro acuto & coagulativo, sanguinem replebit, unde postea variaz ægritudines orientur. Olfactum præterea fragrantia suâ recreabit. Auditum verò & famæ celebritate & stridulo quodam, quem dum infunditur edit, sono. Gustum miri quadam suavitate recreabit. Ea namque tum maturitatem, tum perfectionem ejus demonstrat, quâ ab acribus aut acidis salium tincturis liberatur, quibus aliàs ventriculum vellicat & subvertit, gingivas & dentes corrodit, & acres fluxiones capiti conciliat. Tactum denique naturali frigiditate, non eâ, quæ nive aut glacie introducta est, afficiet. (a) Quare in præsens gaudium abripit homines, spiritus etenim gignit temperie moderatos & consistentiâ mediocres, humore moderato perfusos, ac splendidissimo lumine emicantes. (b)

a) Bicker. de sanit. const. conserv. schol. ad c. 23. b) Hæurn. l. 2. M. c. 3.

LXII.

Vini etymon.

Vinû Latinis dicitur à vi seu virtute. Græci οἶνον à πινέω à juvando. Hinc Bacchus præcepto oraculi dictus οἶνον hoc est, sanator, (a) vel ὁ τῶν τῶν οἶνον ab

ab emolumento, vel *Ἀπὸ τῶ οἰήσεως τὸν νῦν ἐμπιπλᾶν*:
quod existimatione atque hominum opinione men-
tem oppleat. (6)

a) *Oberndorf. de lue Ung. p. 208.* b) *Hadr. Iun. in Lex.*

LXIII.

*Vinum literatis utilissimum, rusticis, ut λαμπρῶς
vivunt, serum & lac acidum relin-
quendum.*

Vinum spirituum omnium animalium, vitalium
& naturalium fomes est, mentis ingenique incitabu-
lum, cordis lætitia, quod torpidum contractumque,
calefaciendo, humectandoque laxatur & funditur.
Probè celeriterque nutrit, ac in sanguinem facessit,
cum vigen calor veluti humoris auriga sit, ad hæc so-
lidas quoque partes calefacit & humectat, viribus ro-
bur advehit, succorum colorisque bonitatem indu-
cit, concoctionem, distributionemque ciborum in-
gestorum adjuvat, & adversus senectutis frigiditatem
ingens est remedium, balsamum seu rorem cordis vi-
talem, qui quotidie exudat, in sanguinem nobilitat,
exhilarat, restaurat, spiritus languentes adauget, exo-
lutos reficit, præsentem auget, imò vinum sæpius abs-
que aliorum remediorum ope lypothymiam incur-
rentibus succurrit, eosque in vivum quasi revo-
cat, & odore tantum suo reficit: sic crassiora edulia
sæpius nihil offensæ pariunt, si bonum vinum super-
bibas. Quare Agricolis suum relinquimus *ὀξύγαλα*,
lac acidum, quo mirè delectantur, idque potissimum
in canis apponunt, ubi brachijs expansis utrinque
cum majestate, seu rusticitate accumbunt, & per ali-
quot dies *λαμπρῶς* vivunt. (a) Ad venena quoque

Bb

frigi-

frigida, & inde dolentia præcordia nihil præstantius vino tenui, gilvo, acri & odoro: imò sunt, qui mistis oleo chamæmelino, & tali vino omnium partium dolores perferant (b)

a) *Pansa l. 2. præf. gen. c. 13. & 14. b) Holler. inst. chir. l. 3. c. 3.*

LXIV.

Vini usu, nutrice mortuâ, in lactis defectu, infantes conservati.

Bis hæctenus observavi, puerulos ex solius vini usu conservatos. Unus erat sexto mense natus, alter verò quinto. Pedemontanus hic, ille vero Cingulanus, cum mortuâ nutrice carerent lacte, ut fieri solet in ejusmodi angustiis, ac aliam non invenirent nutricem; ovorum vitelli ceperunt exhiberi, sed infelici successu, quia uterque horum statim evomebat quos sumserat vitellos. Lac capræ dedimus, sed sine fructu. Tandem nihil poterat excogitari alimentum pro eâ ætate accomodati. Opinabamur nullam esse spem. Tandem experiri placuit vini nigri, dulcis & crassi usum, cepimus prius dare unciam, quod cum vidissemus retinuisse, dedimus iterum duas, postea duas cum dimidia, ac postremò usque ad tres uncias pervenimus. Mirum dictum, conservavimus vivos. Nam postquam hanc rationem cibandi inivimus sexdecem dierum spacio, solo vino generoso alti, viribus recreatis, ceperunt postea vesci pane eodem vino macerato, ac aliis alimentis crassioribus, pro ætatis mutatione necessariis, uterque vivit adhuc sanus.

Horat. Augur. l. 9. epist. 7. tom. 2.

LXV.

LXV.

Vinum in tali casu, non quodlibet, nec cuilibet infanti aptum.

Num vinum infantibus conveniat? Si in hac controversiâ aliquid decernere liceat, statuo, primò non omne vinum infantibus convenire. Multa enim vinorum genera, cum ex proprietate terræ tincturas validiores adeptæ sint, infantibus valdè nocent, ut sunt vina acria, austera, exsiccantia &c. & ultra modum calefacientia. Ideò vina nigra & dulcia, cum ob substantiæ densitatem & crassitiem plurimum outriant, & propter saporis gratiam facilius a membris attrahantur, convenientiora esse possunt, nisi adsit suspicio obstructionis, præsertim in hepate & liene, aut nisi scirrhus, phlegmone aut similis affectus impediat. Secundò dico, non omnibus infantibus vinum conducere, præsertim in hisce nostris regionibus, ubi parentes, è quorum sanguine infantes procreantur, vino non utuntur pro potu, sed cerevisiâ, ubi stultum esset in defectu alimonii, infantibus vinum exhibere, si uterquè parens eo non assueverit. Quare in hisce locis infantes cerevisiâ saccharatâ interdum felici successu nutriuntur, si lac deficit maternum. Facilius namque uniuntur, quæ naturæ quâdam propinquitate conspirant, quàm quæ remotè dissident. Ideo nostris infantibus cerevisia familiarior est, quam vinum, præcipuè ea cerevisia, quam Boëmi albam appellant, cujus usu pueri non parùm pinguescere solent.

Beck, de sanit. const. conserv. cap. 5. probl. 4.

LXVI.

*Vini ingurgium Hepatis αἱματώσει & cerebro
maximè adversum.*

Ut sobriis & moderatis ex usu vini legitimo multæ
redundant utilitates : sic nimia vini ingurgitatio, &
quidem frequentior bonum jecoris habitum dissol-
vit, ipsam αἱματώσιν destruit, & pro ἐνέξια κακείαν in-
vehit, tandemque hydropem. Taceo, quòd assiduâ
fumorum è vino sublato vaporazione cerebri vir-
tus torpescat, nervorum infirmitas subsequatur, &
quod longè deterrimū est, multi vehementiùs reple-
ti, repentinâ morte & forti apoplexiâ prosternuntur.

Pansa l. 4. de pror. visa c. 14. Fernel. conf. 13. Forestus l.
9. sebol. ad observ. 27.

LXVII.

Cerevisia recentis in dysuriam noxa, & remedium.

Recens cerevisia stillicidium urinæ generat, crassi-
tie & frigidity suâ meatus urinosos obstruendo, &
consequenter facum minimè depuratarum acrimo-
nia serum exacerbando: verum vinum generosum
ebibitum oppidò juvat, utpote quod calefacit, atte-
nuat, cruditates concoquit, adeoque causam antec-
edentem corrigit.

Horstius de ad. 8. quæst. 7. lib. 3.

LXVIII.

*Meliceratum ἐλεγκόν, πικροχόλοις & μεγαλο-
σπλάγχνοις adversum.*

Meliceratum (aqua mulsæ, Græcis alio nomine di-
citur ὑδρὶ μελι) ἐλεγκτικόν est, inquit Hippocr. (a) ubi
nec sunt πικροχόλοι homines, nec μεγαλοσπλάγχνοι (με-
γαλο-

γαλοπλάγχνος vocat, quibus non ex lege naturæ, sed affectu præter naturam viscera intumescere, ut scirrhus, plegmate, ædemate) nam ab illorum hepate crudior mulla rapitur, hinc obstructions parit, ibique flatus ægrè dissipabiles, & æstu incendit viscera, quæ accensa bilem generant, à sanguinis secretionem segregatam, quæ omni sero sanguinis exhausta est, ac crassiori parte, ad intestina detrusa, dysenteriam calamitosam excitat. (b)

a) l. 3. de viſc. rat. in ac. textu l. 9. 10. 11. Heurn. in comm. d. l. 1. 2. M. p. 177. a. p. 250. b. b) l. d. p. 253. b.

LXIX.

Hydromelitis à Melicrato discrimen, & huius differentia usus.

Hydromeli à Melicrato differt, illud in diuturnum usum comparatur, hoc in præsentem. Hydromeli enim adjecta portione fermenti, sole coquitur caniculari, unde acrimoniam acquirit, & vim obtinet vini Cretici seu Malvatici. Melicratum verò duplex est, unum meracius, quod vocant Melicratum hybernium: alterum dilutius, quod æstivum: hoc ex 12. partibus aquæ, & unâ mellis constat: illud ex 8. aquæ & unâ mellis. μικροχόλου & juvenibus convenientius est dilutius; pituitosis & senibus meracius, quia Naturæ senum Mel est consentaneum. Utriusque duo sunt genera, unum ex melle crudo, (hoc si vel natura, vel pharmacopæi vitio fuerit crudum, sævissima & mirabilia excitabit tormina) alterum, quod fit ex melle cocto.

Hippocr. 5. aph. 42. Heurn. in comm. ad text. 9. Hipp. l. 3. de rat. viſc. in ac.

LXX.

Potus tepidus, vel ex glacie egelidus, nervosis partibus noxius.

Potus noster sit frigidus (non tepidus) & hoc quidem secundum naturam, non gelidus aut arte refrigeratus, ut passim accidit, æstivis temporibus, in quibusdam regionibus, ubi glacies cum vino, aut aqua miscetur, ut in Austria, Styria, Carinthia & Ungaria. Tale namque vinum capiti & cerebro noxium est, nervos, pectus, pulmones & epas debilitat. (a) Quare non immeritò Plinius: (b) Heu prodigia ventris, hi nives, illi glaciem potant, pænasque mortium in gulæ voluptatem vertunt.

a) Bick. schol. ad c. 21. l. 1. Herm. b) l. 31. c. 3.

LXXI.

Solis & motus inenarrabilis celeritas.

Et si propter immensum cæli ambitum, certò non sciri potest spacium, quod circumactu suo primum cælum seu mobile conficit, tamen aliquâ ratione ex motu Solis & Lunæ colligi potest, habitâ scilicet proportionem diametri ad circumferentiam seu circumulum, in quo Luna decurrit, cum est humilima, id est, terræ proxima, & sol cum est in Apogæo, & altissimus. Deprehensum est enim, Lunam in perigæo existentem, unâ revolutione diurnâ, id est, raptu primi mobilis, & 24. horarum spacio conficere milliaria germanica 178450. h. e. centum septuaginta octo millia, quadringenta & quinquaginta; proprio verò motu, singulis diebus civilibus in Zodiaco 12. penè gradus, qui faciunt milliaria germanica 180. Sicuti

una

unâ horâ eadem Luna raptu primi mobilis percurrit
 milliaria 7435. Sol altissimus raptu primi mobilis
 conficit miliaria Germanica, 6541160. h. e. sexies
 millena quingenta, quadraginta unum millia, cen-
 tum sexaginta, una verò hora 272548. uno horâ scru-
 pulo 4542. & in una hora raptatur per arcum conti-
 nentem terræ semidiametros centies decies septies,
 sed motu proprio uno horâ scrupulo percurrit milia-
 ria 12. $\frac{1}{2}$

Goglen. comment. in l. 2. Plin. c. 2.

LXXII.

*Ventorum ex Salis, sulphuris & Mercurii fluidi
 vel coagulati exhalatione, varietas &
 operatio.*

Ventos scimus exhalationum varietate inter se di-
 screpare ita, ut singuli secundum naturæ suæ proprie-
 tatem operationes fuerint adepti peculiare. Qua de
 causa Auster, quoniam ejus exhalatio, sal, sulphur &
 Mercurium caducum secum vehit, cujus vi facilè sol-
 vit & laxat, unde etiam si spirat, alvus fit lubrica, ca-
 put catarrhis repletur, & dysenteria abundant: ideo
 & mulieribus laxationem uteri asserere potest, maxi-
 mè iis, quibus retentor mechanicus est debilis. Boreas
 verò, cum ex sale, sulphure & Mercurio coagulativo
 constet, omnes res magis coagulat, constringit &
 concrefcere facit, unde retentor mechanicus, ne fa-
 tum deiciat, robur acquirit, atque ita diutius fetus
 usque ad perfectam conformationem servari potest
 in utero. Similiratione venti, qui Martio mense spi-
 rant, noxii evadunt, dum sal acutum vehunt, cujus
 acrimonia cutim & labia exulcerant, cincturam insu-

per etiam auripigmentalem possident, quâ cutim corporis sâdam reddunt, febricitantibus, pleuriticis & expulmone laborantibus admodum nocent.

Bicker. prophyl. sect. 2. probl. 1. ad cap. 13.

LXXIII.

Vis mercurialis radicum cichorii, ad hepatis refrigerium, viridibus est florida, siccatis vel preparatis, evanida.

Jecur ad calidum declinantibus, convenit creber usus radicum cichorii, præsertim si virides, munda & diligenter ab impuritatibus elotæ mastigentur, absque ullâ aliâ præparatione, tûm quippe propter spiritum Mercurialem hepar aperiunt, refrigerant & roborant, qui Mercurius in siccatis radicibus, aut quæ cum saccharo conficiuntur, evanescit.

Id. proph. sect. 1. c. 13.

LXXIV.

Radix ignea, candelam ardentem, vel tertium accensam, admota, extinguens.

Radicem vidi, quam ab igne denominant, quæ dissecta, si è diametro candelæ ardenti exponebatur, tunc candela hand aliter, ac si vento agigaretur, hinc inde vacillare incipiebat, donec tandem tota extingueretur, eaqueter accensa, nemine eandem attingente, hoc modo extincta est.

Id. proph. sect. 2. schol. ad. c. 7.

LXXV.

Tumores, quales infantum ambulare incipientium, ex casu, ictu, oleo anisi momento detumescent.

Illud pro experimento indubitato valere observavimus,

vimus, in tumoribus ex casu, vel offensione, aut percussione in pueris, si oleo anisi tumores inungantur, vel infantibus in fronte obortis, dum inambulare discunt, & sæpius cadunt, illicò subsidunt, detumescunt, & curantur, ut quotidiano usu experti sumus.

Forest. l. 9. obs. 31.

LXXVI.

Cauterium ex pilâ cristallinâ radiis expositâ, satis admirandum.

Fiebat quondam antiquis è Cristallo pila, quâ adversus solis radios expositâ Medici corpora urebant, igne inde concitato. Sed iustantùm id cauterii genus admovebant, quî candente ferro perterriti, curari reformidabant. Sed & nos hujusce cauterii periculum fecimus, non sine agrotantium & adstantium admiratione.

Mathiol. comment. in l. 5. Diosc. c. 116.

LXXVII.

Cauterium ex Erysimò, cum floribus recentibus, contuso, applicato, ejus ratio & erymon.

Erysimi herbam cum floribus recentem contunde & parvæ nuci inde, miscendo parum salis ligatam super locum, (cui fontanella infligenda) linque per 14. horas: cum demis habebis vesicam, quam aperiri, & admove folium, (a) hederæ (quod humores allicit, inflammationes (b) & putredinem arceat & apertum servat) & inunge oleo. (c) Sinapis sapore est, & multis sinapis sylvestris species est, dicitur ὡς τὸ ἐρύειν, quod ob suam caliditatem trahendi facultate præditum sit, aliis quasi inter tunc, quod est preciosum,

aliis *ὁμοῖς τῷ ἔργῳ*, à multiplici foliorum sectione.
(d)

a. c) *Bartol. de caus. c. 15.* b) *ib. c. 12. part. 2.* d) *Bauhin. in pinac. l. 3. f. 1.*

LXXVIII.

*Vesicatorium in hydropo, ex plantagine aquaticâ,
felix, ob id, nihil parvum, nihil
contemne.*

Vidi in hydropo, intumescantibus cruribus plantaginem aquatilem, feliciter humorem in vesicas evocasse, quæ maximam vim aquarum profundeabant, est enim hæc plantago calida, ut plurimæ herbæ rivis innatæ, quæ cacumina sua efferunt ultra alveum, quod usu à me animadversum fuit. (a) Mirum ergo alicui videri potest, inter pyroticas referri, cum aquaticæ omnes ferè frigidæ (b) verum, nulla herba tam exigua, nullum minerale & metallum tam abjectum, nullum animalculum tam vile, quin insigni aliquâ, ac propria & specifica virtute sit præditum: idque in tantum, ut omnibus ejus operationibus ac viribus indagandis humani ingenii solertia hætenus non suffecerit, adeo ut ne minimæ herbæ omnes proprietates & virtutes nobis ad amussim cognitæ esse existimem. (c)

a) *Heurn. lib. 1. Meth. ad prax. p. 92.* b) *Bartol. de sauter. cap. 15.* c) *Tycho Brahe. in orat. de disc. Mathematic. p. 16.*

LXXIX.

*Flores cardui Maria solo aspectu stranguria
profunt.*

*Aspectum solum florum cardui lactei, quem Ma-
ria*

riz vocant, in stranguriâ prôfuisse sibi, quidam miles
asseruit.

Plater. de vit. p. 355.

LXXX.

Capa crescens, decrescens.

Sola omnium capitatarum capa, (a) quæ acredine
halitus infestat, & mordicat pupillas oculi, unde e-
tiam apud Græcos nominationem habet. (b) Lunâ se-
nescente augetur, juvenescente flaccescit quasi side-
ris cursu perosa. (c)

a. c) *Laur. de cris. l. 3. cap. 7.* b) *Heidfeld. sphing. phil.
cap. 8.*

LXXXI.

*Eryngium ab unâ capellâ commestum, totum
gregem sistit.*

Eryngium una capella in os sumens, totum gre-
gem quasi sistere cogit, tantisper donec accedens pa-
stor eum eximat. Tantam vim celeritatis odor ejus
habet, ut ignis in morem, in proxima quæque dissi-
petur, atque ea occupet.

*Plutarch. in l. quod max. cum prine. disput. sit philos.
Heidfeld. c. 8.*

LXXXII.

*Tabaci masculi semina, satû proprio, in an-
num proximum, famellam proferunt;
ejusdem qualitas, virtus,
astrum.*

Si tabaci masculi (majoris latifolii) dum semine
turget grana quædam in terram excidere conti-
gerit, eandem in quâ petum jam ante excreve-
sit,

rit, haud dubiè ibidem anno proximo proveniet tabacum angustifolium (Nicotiana foemina aliàs dicta) imò verò si terræ non satis calidæ, sed steriliori ac arenosæ tabaci masculi vel latifolii semen mandaveris, hujus loco fæminam producet, tanta quidem luxurie, ut ægrè tandem illinc sit extirpanda, sed spontè quotannis renascitur. Virescentia folia tabaci masculi, secundo excessu (quam illis temperiem ut & radici & cauli, Sol calore suo conciliat, ut Luna colorem) siccata verò in fine tertii calida & sicca ponimus. Sitiferum est, & acrimoniam quandam sapit, mentemque turbat & κατὰ βαρύνει inducit, quod non posset fieri, ni vapor quidam calidus opplendo, caput repleret. Quare ludunt qui frigidum hoc ponunt, omnia enim caloris symbola gerit. Seritur cum Luna crescit, secatur cum minuitur. Semen Aquario & Marti est dicatum, caliditatem præ se ferens non exiguam, quam Marti fert acceptam. Hyeme vix asservari poterit, (est enim frigoris impatientissimum) nisi in fictilibus, capsulis ligneis aut scirpiculis vimine textis, idque in penuariis, hypogæis aut hypocaustis, locisve aliis calidioribus: eâ ratione in tertium aut quartum annum illæsum conservari poterit.

Neand. in tabacol. p. 12. 17. 18. 19. 20.

LXXXIII.

Tabacum apud Belgas lucrosè auriferum.

Thymiana, puta foetidum & olens Tabaci suffumigium, apud Belgas nostros frequenti est in usu, tum etiam inter mercimoniorum genera non contemnenda. Tabaci præparati mercatura & res inter negotia-

fiatores uberrimi quaestus, si fortuna etiam mediocri adspiraverit, maximo profecto compendio & insigni Hollandiæ & Zelandiæ mercatorum utilitate & fructu, qui siccatum & præparatum Tabacum, ut ex Indiis apportatur, in alias regiones etiam longissime distitas transmittunt, non sine luculento lucro. Quot mille hominum reperire est, qui fortunæ primum tenuioris, ut plurimum Tabaci venditione, suam non solum sustentârunt inopiam, sed etiam, quæ communis postulat necessitas, abunde satis sibi suisque prospexerunt, imò sunt qui amplas inde divitias corraferunt. Quantopere autem mercimonium hoc tabacinum apud Belgas vigeat, indubitatè ex eo præfagiri posse dicimus, quod citrà controversiam facendum. Illustrissimos & potentissimos Hollandiæ ordines, modico & tolerando etiam, in Tabacum imposito tributo, trigina florenorum millia & ultra, ex solo vectigali tabacino in publici ararii emolumentum, pro lubitu quotannis posse colligere.

Id. p. 62.

LXXXIV.

Nicotiana vis & utendi modus.

Mirâ vi suffitu admissa prædita est Nicotiana, quàm Herbam Sanctam vel petum, aut Reginæ vocant, nuper huic orbi illata. Etenim mirâ ubertate ore & naribus pituitam evocat, arida folia carbonibus igne candescentibus inficiuntur, ac fumus exipitur ore hianti & infundibuli angusta fistula: totum enim cerebrum pervadit: & in aures eadem arte infertur. Verùm id affirmare possum, hanc herbam

pecu-

pecualiriratione cerebro dicatam esse, facillèque eò viam affectare, ac id ab omni inquinamento eluere. Cùm ego ipse ante annum vehementer ex dente laborarem, hanc decoxi ex aqua, adjectis chamameli floribus, tepidi hujus decocti cochlear ore tenebam, expuebam, ac idem agebam horis duabus: dolor mi-tescebat: postridiè cum ex more meo hortulum in suburbiiis accessissem, inclinatoque capite quid graminis evellerem, liquor croci flavedinem referens, copiosè è naribus meis effluxit, Nicosianæ odorem referens, ac omnis dentium dolor evanuit. Mihi toto vicæ curriculo, nec sanguis, nec quid præter serosam pituitam, è naribus fluxit unquam, ac nihil ego vidi hoc effluxo liquore flavedine altiore tin-ctum.

Heurn. l. i. Meth. ad prax. p. 86.

LXXXV.

Nicosianæ vires admirandæ, intus, foris.

Castor. Durantis Medici Romani Epigr.

Nomine, quæ sancta Crucis herba vocatur, ocellis
Subvenit, & sanat plagas & vulnera jungit,
Discutit & strumas, è cancerum, è cancro saq, sanat
Ulcera, & ambustis prodest, scabiemque repellit,
Discutit & morbum cui cessit ab impete nomen
Calfacit, & siccat, stringit, mundatq, resolutq,
Et dentum & ventris mulcet capitisq, dolores.
Subvenit antiquæ cussi, stomachoq, rigenti,
Renibus & spleni confert, uteroq, venena
Dira sagittarum domat, iislibus omnibus atris
Hac eadem prodest, gingivis proficit, atq,
Conciliat somnum, unda osaq, carne revestit.

The-

*Thoracis vitiis prodest, pulmonis itemque
Qua duos sic praestat, non ulla potentior herba.*

Joannis Posthii Medici distichon.

*Nulla salutifero se comparet herba Tabaco,
Viribus hoc omnes exsuperat reliquas.*

Vid. sent. 3. part. 73. & seq.

LXXXVI.

*Usnea in unguento armario vi vegetabili spirituum
& caloris in strangulatis retento.
rum princeps.*

Usnea pro unguento armario conficiendo, cur ex strangulati potius quàm alterius cujusdam capite petenda, causas à nemine, scripto explicatas atq; allatas vidi. Ego, qui tamen aliorum eruditorum judicio hunc me subjicio, hanc afferri rationem posse existimo, quod in strangulando vires vitales, ob praesentiam mali praesentis in caput ac cerebrum refugiant, unde, quia regressus illis, ob violentam illam constrictionem, ad principium suum non patet, remanere eos, & cum spiritibus balsamoque capitis ac cerebri misceri ac confundi necesse est. Et licet omnes functiones animales intereant, manet tamen calor ille in ossibus, nervis aliisque partibus similaribus, qui & in lapide est, & pipere emortuo, scilicet elementalis. His ita commixtis in balsamico sanguine vi caloris circumfusi, ambientisque, humorem vitam imbuentis, calique influxu cooperante, Usneam ceu vegetabili quadam vi & virtute in Calvariâ tandem prognerari verissimum est, majoris potentiae, quàm est ea, quae ex alterius cujusdam, ex morbo defuncti capite reperitur. In decollatis spiritus non retineri, sed dif-

fu-

fugere, evanescere ac dissipari omnibus in confesso est.

R. Goglen. in defens. magnet. vuln. curat. p. 302. & in orat. de ung. armar. p. 68.

LXXXVII.

Usnea cranii humani haemorrhagia narium dicata, verum in craniis suspensorum non reperitur.

Usnea Cranii humani, (ut ego multoties expertus sum) in haemorrhagia narium praestantissima, per se, aut nonnullis aliis, veluti terra sigillata, pulvere ragnarum pulveratarum & similibus mixta, applicata. Volunt autem nonnulli, Usneam craniorum suspensorum eligendam esse, verum iis adnasci vix mihi persuadere possum, quandoquidem ego intra annos 38, à quibus praxi chirurgicae incubui, nunquam illam reperire aut videre potui. Generatur enim muscus, si humiditas quaedam externa, veluti pluviarum cum innata illa humiditate, atque calore elementari ejusrei, cui adnasci debet, conjuncta fuerit. Porro craniis suspensorum Usneam adnasci non posse, haec me movent argumenta: primò quia humidum illud elementare, in ipsius contentum, jam ab ardore solis exsiccatur, jam à frigore aeris condensatur: secundò, deficit causa efficiens, nimirum humiditas illa externa pluviarum, etiamsi enim aeri sint exposita hujusmodi crania, imò & quotidie pluviis irrorentur, quia tamen humiditas illa statim à Sole & Aere exsiccatur, nihil generari potest. Non enim sufficiens est humiditas elementaris in cranio contenta; sed ut terræ quoque adhæreat, & con-

tinuò

tinuò lentorem aliquem ex ipsa attrahat, imò & in loco umbroso expositum sit necesse est. Et ut verbo dicam, in patibulo jam ardor solis, jam rigidissimum frigus, imò & grandines, nives, imbres, ventus impetuosus & similia generationem usneæ impediunt.

Fabric. epist. centur. 1. ep. 27.

LXXXVIII.

Trifolium acetosum, futura tempestatis prænuncia.

Trifolium (sic dictum, quòd singulis germinationibus terna exeant folia) (a) acetosum, (Calabris Juliola, ridiculè Barbari corrumpere in (b) Alleluja) futura tempestatis prænuncia est. Siquidem appropinquante aliqua tempestate, arrigitur contra, tanquam tempestati colluctatura. Observatum est à nobis, atque adeo multorum aliorum experientià cognitum, quod ejus herbæ copiosi flores crebras illius Anni pluvias, & aquarum inundationes certò portendant: pauci contra siccitatem. Vulgò panis cuculi dicitur, vel quod avis cuculus eo vescatur, vel quia hoc erumpente cuculus vocem suam edere incipiat. (c)

a) *Dioscor. l. 3. c. 123.* b) *Scalig. in Theoph. de plant. caus.* c) *Fuchs. in herb. c. 215.*

LXXXIX.

Trifolium odoratum, virens septies de die odorem habet, & amittit, siccum perpetuò retinet.

Trifolium odoratum, Germanis Siebengezeis dicitur, propterea quod singulis diebus septies odorem suum

suum habeat, & toties etiam amittat, quamdiu in hor-
to creverit. Decerptum enim & exsiccatum, odorem
suum perpetuò retinet. Qui certè pluviosa temporis
constitutione, ac tempestate instante multò vhe-
mentior est, sic sanè, ut totas ades, in quibus hæc her-
ba reposita est, odore suo compleat.

Euchf. in herb. c. 317.

XC.

*Florum lupulorum vis in muscis & lumbricis ne-
candis, tum ad ebrietatem indu-
cendam.*

Lupulorum florum decoctum, in lacte factum bibi-
tum, cum & muscas interficiat (stupore enim inde
corripiuntur) si illud sugant, etiam vermibus inimi-
cum esse, verisimile est, possetque ad lumbricos pel-
lendos similiter usurpari, cum & semen lupulorum
eas enecare doceant. (a) Cerevisia inde inebriandi
vim sumit, (b) caput enim tentat, (c) valdeque re-
plet. (d)

a) *Placer. de vit. p. 977.* b) *Id. lib. 1. de las. f. p. 107.* c)
Id. ib. p. 137. d) *dol. p. 252.* d) *Forest. l. 10. obs. 45.*

XCI.

Xyloaloe putridam carnem sine dolore erodit.

Recipe lignum aloë, contunde minutissimè & de-
sicca benè super tigillum novum & bene calidum, ita
tamen ne cremetur pulvis, pone de super de spiritu vi-
ni & accende, hoc bis repete & præparatum est. Iste
pulvis positus super carne putridâ, mirabili modo
corrodit & sine dolore.

Bartolin. de canter. c. 22.

XCII.

XCII.

*Urtica mira facultas, foliis, radicibus, succo,
semine, oleo.*

Capiti si folia urticæ insternantur, atque integumento ipsius substernantur, sanguinis fluxum è naribus compescere ajunt: uti & si frons succo urticæ admodum madefiat. (a) Auribus inditus succus, remissam loquelam restituere aliqui scripserunt. (b) Ol. sem. urticæ, vel in quo urtica cocta sit, peculiare refrigeratis membris censetur esse remedium: Idem quoq; à frigore manus pedesque præmunire, si eo inungantur dicitur, ut & de axungia anseris. (c) Semen cum vivo, flatulentos dolores illico expugnat in utero. (d) Quidam Medicus præcipuus Paribensis, pulverem seminis urticæ, cum syrupo violarum, vel alio pectorali in pleuriticis & suppuratis exhibet. Vivere urticis & herbis apud veteres accipiebatur pro apparatu tenui: sic Horatius.

abstemius herbis

vivis & urticis 700 (e)

Cocta abstergendo alvum dejicit, urinam & calculus pellit, contra cicuta venenum, ut & hyosciami & fungorum malignitatem præsentissimum est remedium, (f) hæc quoque est illa planta, quæ

Torquet torquentem, sed nullum torqueo sponte,

Ladere nequequam volo, nî prius ipse reatum

Contrabat & viridem studeat decerpere cantem.

Fervida mox hominis turgescunt membra nocentis, (g)

a) Plater. de vis. p. 680. 689. b) Id. l. 2. d. l. funt. p. 433.

c) Id. de dol. p. 301. d) Hearn. l. 2. M. 6. 14. e) Camer. in

horto. f) Sennert. l. 6. c. 5. class. 14 ep. scient. nat. g) Haidfeld. Sphing. phil. c. 8.

XCIII.

Radix Paonia, contra epilepsiam, qua & quando eruenda.

Paonia ferè ad morbum caducum expugnandum nihil frequentius. Loquor autem præcipuè de macula vera, quæ collecta in augmento Lunæ restau- rat, quod deficit; exasperat quod mitigandum; au- get quod tollendum: in decremento verò eruta tol- lit, quod superfluum est, spiritum scilicet Epilepticum compescit.

Göglen. lib. mirab. p. 61.

vide cent. 3. part. 30.

XCIV.

Sanguis Columbinus vim innatam in oculorum sugillatis discutiendis, ex sale nitro- sulphureo accipit.

In sugillatione oculorum (Græcis *ὀφθαλμία*) in- ter alia topica sanguinem columbinum ex corpore vivente adprobamus, potissimum circa alarum pro- fluentem, propterea quod habeat virtutem resollen- di, ac discutiendi sine noxa, quam possidet ratione salis nitro-sulphurei, adæquata humiditate optimè temperati. Obtinet autem animal hoc aëreæ natu- ræ ejusmodi salem nitro-sulphureum in sanguine suo; tùm quod ipsum sit temperamenti calidissimi, tùm etiam quod alimenta ejusmodi salsa, nitrosa & aluminosa diligentissimè perquirat, iisdemque ob similitudinem admodum delectetur, quemadmodum satis apparet ab excremento columbino, quod se-
pa-

paratum à sanguine totum nihilominus est nitro-
sulphureum: ita ut ex eodem copiosa nitri quanti-
tas arte eliciatur. (a) Cujus ratione tam efficax est, ut
spiritus illi nitro-sulphurei ædes integras incendere
& comburere valeant. (b)

a) *Horstius de acad. 3. probl. quest. 2. lib. 2. & seq. Quercet.*
l. 1. de prisc. phil. med. c. 3. b) *Gal. l. 3. de temp.*

XCV.

Columbarum usus Medicus, controversus.

Non desunt, qui ex Rhase referunt, columbas pec-
culiari quadam proprietate caput affligere. (a) sed
unde, aut è quo periculo hanc opinionem conceperint,
nullus satis intelligere potest: siquidem his quotidie
(b) sine aliqua noxa mortales passim vescuntur. Neq;
unquam, in Medicina ac praxi nequaquam oscitanter
versatus, ex harum usu quenquam de capitis vicio
questum audivi. (c) Constat quidem eas vere salu-
briores, quam autumnis, & omnium calidiore tempore
deterrimas, neque commendabiles sunt, quæ in do-
mibus aut brevioribus septis aluntur, excrementitiam
enim carnem habent. (d) Si columbæ in eodem aëre
cubiculi cum paralytico versentur, proprietate illum
paralyseos resistere dicunt. (e) Columbæ vivæ fissæ, &
cum sanguine suo calentes admotæ plantis pedum,
partim singulari eximiaque proprietate, partim simi-
litudine moderati caloris, non modo à capitis do-
loribus, sed & à delirio frequenter ægros liberant.
(f) Fimus earum cum aceto subactus, validè quasvis
maculas extergit, (g)

a) *Heurn. c. 10. de aff. c. b. d) Jason. Zircæus de dol.*
cap. c) Forest. l. 9. observ. 19. e) Plater. de l. f. pag. 383.

Dodon. pag. 107. f) Dodon. lib. 1. cap. 26. g) Plater. de vit. p. 185.

XCVI.

Cornu cervi, ex balsamo interno & sale, putridis ac malignis morbis aptissimum; Vstum & preparatum crudo efficacius.

Cornu cervi insigniter viscositatem humorum incidit, internas viscerum obstructions aperit, & vi suâ penetrandi putrescentibus humoribus resistit, adeoque balsamicâ quadam virtute malignitatem humorum corrigit, unde maximè cardiacum dicitur, (e) Quòd probat felicissimus successus in variolis, putredinem humorum præsupponentibus, & potissimum in febris illa maligna, quæ καύτος veteribus, hodiè Ungaricâ dicitur, propterea, quòd durantibus hæcenus bellicis apparatusibus in Ungaria contra Turcas, milites nostros frequenter invaserit, plurimosque è medio sustulerit. In his enim affectibus, iusta evacuatione præmissa, cum magno successu & audacter, C. C. præbetur, idque propterea, quòd illud ipsum ratione copiosi sui salis, atque interni balsami, putridis & malignis febribus resistat, & verum naturæ balsamum, omnis operationis vitalis autorem confortet, ut hosti suo repugnare & malignitatem eò citiùs superare queat. Hæc sanè non aliunde, quàm à copioso sale vegetabili deducere possumus, cujus virtute quorannis in tantam molem accrescunt & cum fœnore dejiuntur. Sed convenientius est, calcinatum C. C. & præparatum adhiberi, cum crudum propinatum frequenter eodem modo, ut fuit ebibitum, per alvum, sine omni alteratione, reddatur. Spiritu-

rituosa etenim substantia, omnis actionis causa, per faeculentam materiam additam, colligata impeditur, quò minùs virtutes suas exercere possit, ita ut in crudo vis illa quasi sepulta jaceat: imò sal etiam balsami sui vires exercere nequit, nisi terrestribus suis vinculis expediatur. Remanet enim etiam post calcinationem, sal proprium & fixum, in quo firmissimæ tincturæ ac impressiones proprietatum rei calcinatæ, experienciâ teste, delitescere videmus. (b)

a) Robert. c. 18. de peste. Crato 2. Consil. 27. 4. consil. 21.

b) Quere. in tetrad. c. 18. & 28. Horstius dec. 1. probl. 9. 4. 1b. 2. 3. 5. 8. 10. And. Hildebr. in epist. Med. Horstii pag. 422, b) Fabrice. p. 667. de gangr. edit. ult. germ. Joan. Michaelius p. 338. probl. med.

XCVII.

Cornu cervi, nihil aliud, quàm ignitos & extinctos lateres posse, ab ipsa experientia, falsum.

Non cum iis sentio (a) qui C. C. decoctum, non plus virium habere putant, quàm Aquam, in quâ lateres igniti, (b) extincti sint: plurimorum enim doctissimorum virorum observatione deprehensum est: vim insignem in C. C. etiam usto inesse, ut hanc negare summæ sit pertinaciæ. Si enim requiris (c) antidotum? C. C. præparatum efficacissimè malignitatibus luis Ungariæ reluctans præstò est. Conaris putredinem & tollere & prohibere? C. C. oppidò valebit. Ducit enim sudorem, ciet urinam, enecat vermes, (d) aliisque virtutibus multis excellenter dotatum.

a) Sennert. l. 4. de febr. cap. 9. Hoshstet. decad. 1. observ. schol. ad cas. 6. b) Oberndorf. de l. ung. c. 13. c) Ru-

land. d. l. ung. p. 61. 74. 142. 147. d) Forest. lib. 6. observ. p. 25. 197.

XCVIII.

Venenum serpentum, scorpionum, ut eliciatur, profligetur.

Non dubium est, quin serpens si occidatur, ac repente vulnere à se illato admoveatur, sanare possit, cum à serpente icti, Theriacà, quæ viperarum carnibus constat, curari soleant. Hoc enim medicamento, Ambrosius Gallus *apxiarq*®, in populi concione, Carolo IX. Galliarum Rege spectante, à vipera morsus, Theriacà ore sumpta, & vulnere apposità, curatus est, apud Monspelienses, cum more solemni Theriaca componeretur. (a) Non absimili ratione, Scorpionum oleum, ictui leviter inunctum, venenum respectu similitudinis attrahit, adeoque corpus humanum ab eodem liberat, (b) communi certè, sed certo alexiterio (c) Imò & ipsum Scorpionis corpus contusum & appositum idem præstat. (d) Sic Elidæus Præceptor meus Bononiæ in Italia, cum juvenis à scorpione ictus esset, nobis præsentibus, jussit ut juvenis forti animo manu sua propria scorpionem ipsum interficeret, ac morsui, qui in pede contigerat, caligà discissa, apponeret, ac fascia supra vulnus inflictum fortiter ligaret: quòd juvenis fecit, & nullis accidentibus supervenientibus curat⁹ fuit. Nautæ verò & marini homines, licet agrestes, ut nos quoque vidimus in locis maritimis, si scorpius marinus, digitū pedis, ictu suo, suisque pinnis venenosis laeserit, subligaculo digitum arctius stringunt, ne malum sursum repat & convulsionem inducat. (e) Et hæc alexiteria, aut proprium

prium virus attrahunt, aut quâdam naturæ similitudine venenum ad se alliciunt, quo ipsa delectantur. (f)

a) Bodin. l. 3. rb. nat. p. 316. b) Horstius dec. 8. & 10. g. 8. c) Paramop. chir. l. 20. c. 25. d) Fallop. de tum. p. n. c. 14. e) Forest. l. 10. schol. ad obs. 67. & 119. f) Robert. parad. l. 2. part. 9.

XCIX.

Viperarum & serpentum spolia, Elephantorum solatium.

Neminem esse arbitror, qui nesciat viperam habere hanc facultatem innovandi spoliū antiquo relicto, imò hoc proprium esse omnium ferè serpentum. (a) Exuunt autem senectam (Græcis *εὐφρα*) in angusto loco, inter duos lapides, aut arboris foramine: quidam vernationem vocant, sed malè, neque enim vere tantum exuunt, sed etiam autumno. (b) Indicatio pro curando Elephante potissima est, remove totam superficiem corporis tanquam corruptam, dissolutis ex ipsa humoribus malis & venenatis, & horum loco substitutis novis: cum igitur viperæ hanc facultatem habeant efficiendi in se ipsis, rationi consonum est, eandem habere in aliis. (c)

a. c) Augen. libr. 4. tom. 2. epist. cap. 16. b) Scalig. comm. in l. 2. Arist. d. hist. c. 8. text. 123. & l. 8. cap. 23. text. 185.

vide sent. 4. memorab. part. 39. & seq.

C.

Lacertorum genera, cum homine familiaritas, & cum colubro monomachia.

Lacertorum genera summa duo: unum minusculum

lum fulvi coloris in maceris & parietinis latens; ap-
 pricator maximus est, hominem fugit. Alterum ge-
 nus prægrande, etiam cubitalem implet magnitudi-
 nem, aliquando etiam excedit. Colore aureo lucet,
 aut pallido. Hominis a jure esse amantissimum. Præ-
 terea untem sanè, è sepius aut riparum toris, adeo
 contentis obtuetur oculis, ut nunquam nictet;
 quin etiam circumactò capite obtutu eum prosequi-
 tur. Ferunt dormientem hominem servare ne ab an-
 guibus quippiam capiat detrimenti. Nam cum ser-
 pentum generibus maximas gerit inimicitias. Igitur
 oppressum somno messorum, cum aggreditur colu-
 ber, Lacertus unguibus adrepens hominem ex-
 citat. Tunc communem hostem pariter insequun-
 tur. Utriusque pugna memorabilis à nobis diu spe-
 ctata est in sylvâ nostrâ. Quod maximè mireris, non
 audere ore aggredi adversarium: sed cauda pugnare.
 Lacertus omnes aditus ad illius fauces tentare. Ille
 in orbem sese colligere, atque altè elatus vibrare
 linguam, postea exsinuatus, simulatâ fugâ, tum
 cauda impetere, tum ex obliquo incessere. Ego stu-
 pidus non tam pugnam mirari, quàm quod me præ-
 sentem, atq; etiam cum telo ad manum neuter aufu-
 geret. Anguis metu, ne à tergo correptus hosti pœnas
 daret. Lacertus, credo, opem à me sperans. Interea
 caudæ ictum cum frustra evadere conatus esset semel,
 atque tum anguis elisum evaderet, ego illum dissecui.
 Lacertus resumto animo, hostem mordicus arrep-
 tum, non prius dimisit, quam porrectum & mori-
 bundum viderit. Non solus Virgilius (*) credidit
 frumentorum perniciem. Nam id vulgo quoque per-
 suasum est. In simetis sæpè reperitur. Hunc lacertum
 appel-

appellant Thusci Ramarrum, nostrates Ligurum, Stellionem, Blandam Vascones vocant, ventre turgido est, segnis. Putant ejus obtutum perniciosum. (b)

a) ecl. 2. & l. 4. Georg. b) Scalis. comm. in l. 2. Arist. de hist. animal. cxi. 90.

CENTURIA VII.

Particula I.

*Odorum exhalatio, perceptio & instrumentum:
hinc destillatoria, seu chymica artis
exordia.*

Corpora edusque odorem spirant, quousque exhalant (odores etenim in quâdam exhalatione consistunt) hincque ceteris paribus longè magis æstate, quàm in hyeme, unumquemque percipimus odorem, cum exhalatio suapte naturâ sicca sit, oportuit ergò sensorium olfactûs à principio humido ortum duxisse, ut ratione contrarietatis, actionibus necessariò requisitæ, posset ab exhalatione pati æmoveri. Idcirco nascitur odoratus à cerebro. Juxta motum ergò exhalationis debebat olfactus organum ita disponi, ut exhalatio ascendens aliquò, sine noxa reciperetur. Si ergo observasti fumum ex igne recenter accenso elatum, vidisti etiam eum in suo ascensu dilatari magis ac diffundi, quoniam quantò magis ascendit, tantò tardius movetur, & novo eidem succedente fumo ad latera expanditur, necessarioque longè ampliorem

occu-

occupat locum. Quod si propter loci angustiam, commodè non possit expandi, statim propriam amittit Naturam, & in Aquam vel oleum transmutatur. Hinc Ars, quam Destillatoriam & Chymicam appellant, prima contraxit exordia.

Dispositio itaque olfactus debebat esse talis, ut exhalatio ad ipsum pertingens, posset commodè dilatarì, & in aquam minimè converti, olfactumque (ut in destillationibus accidit) impedire, & propter hanc causam Olfactus sensorium; non oritur à spinali medulla: sed à media magnitudine cerebri, duo ductus nervei, & in substantia ejus veluti insculpti primò proficiscuntur, qui ad anteriora producti, in supremam narium partem desinunt, sensoriumque olfactus constituunt. Ubi itaque exhalationes odoratae cò perveniunt, sensorium percipit speciem odoris sine materia, in eamque mutatur, illa autem exhalatio per cerebri amplitudinem expanditur, nec loci angustia in aquam aut oleum transformatur. (a) Sed (b) Philosophus destillationis ingenium, explicat longè, meà sententia, solertius, cum scribit: Fluxiones ob eam rem ex capite oriuntur, in iis corporibus, quibus cerebrum frigidius est, quàm temperamentum modicum postulet. Cum enim alimentum per venas sursum respirat, ubi excrementum ob ejus locum refrigeratum est, fluxiones pituitae sanieque movet, quod simile generationi imbrium evenire intelligendum est, quoad magnum conferre cum parvo licet. Cum enim ex terra vaporexhalat, efferturque in sublime à calore, ubi superfluum aërem subierit frigidum, consistit denuo in aquam, propter refrigerationem, atque in terram defluit. (c)

a) Va-

a) Varol. Constat. l. 1. Anat. cap. 5. b) Liban. l. 1. epist. 26. c) l. 2. de partib. anim. c. 7.

II.

Ars destillandi à Naturâ indicata.

Verum esse, quod Aristoteles (a) dicit: *μιμνῆται ἡ τῆς τῆς φύσεως*: id ex destillatione, (quæ est partium humidarum, in halitus à calore extenuatarum atque elevatarum extractio) operatione praxeos chymica vulgari constat. Sicut enim vapores ex terra, radiis Solaribus, in mediam aëris regionem subvecti, ejusque plagæ cœlestis frigiditate densiores facti, in pluviam facessunt: ita & Chymicus artifex ex rebus halabilibus & vaporabilibus, ignis ministerio, tenuium spirituum à crassioribus partibus separatione, & ad frigidas capitelli cameras elevatione, essentiam earum, formâ liquoris, elicit: Sic in humano corpore, cum *ἀναδυσμάσεις* ex inferioribus partibus, in aëream microcosmi plagam, tanquam in alembicum efferuntur, ejus frigore in excrementum & mucosum condensantur: unde postea perennis ejus intares, palatum, aut alias corporis partes fit destillatio & defluxio. Hinc fit, quòd in ciborum elixatione, ollas operculo claudamus, ut quicquid vaporum in aquam crevit, in suam originem postliminiò revertatur. Et quando dapum calorem fovere volumus, patinas, quibus ex apponuntur, aliis cooperimus paropsidibus, unde vapores ciborum *ἀντρεμαίνονται* frigidâ in-
crassati globatim decidunt. (b)

a) l. 4. Meteor. b) Beguin. l. 1. tyr. chym. c. 4. Porta de destill. l. 1. c. 3.

III.

III.

Comparatio Erysipelatis cum Lunâ.

Erysipelas est ipsi Lunæ non abfimilis. Nam quemadmodum ea, per dies quindecim crescendo augescit, diebus verò subsequentibus quindecim rursus diminuitur, in tempore intermedio suam rotunditatem & plenitudinem luminis aliquandiu retinet: Ita etiam se res habet cum Erysipelate, dum primis novem diebus magis magisque surgit, sequentibus verò diebus totidem decrescit, & tempore intermedio summam suam rubedinem acquirit. Unde sicut tres distinctæ magnitudines, nempe incrementum, plenitudo & decrementum in Lunâ, ita etiam in Erysipelate, principium, medium, & finis, quæ Medici augmentum, statum & declinationem vocare solent, observantur.

Ferrara l. 2. de obs. chir. obs. 40.

IV.

Caci casu curati.

Vidimus Hyaderæ supra frontem vulneratum, cæcitate & vulnere liberatum senem visu hebetiore nonagenarium. 2. Germanus quidam Hyaderæ octogenarius, visu hebetiore, equo abactus corrente; in terram ex improvviso ferè exanimatus in lapidem capite coniectus est, confregit frontem; in ea curatione (id enim vidimus) visum recepit, obstructis meatibus, per quos effluere solitus erat humor acris infestans, atque ita ab imprudenti milite medicinam invenit.

Alex. Bened. l. 2. de corp. morb. c. 29. Forest. l. 11. Obs. schol. ad obs. 2.

V. Epi-

V.

Epilepticus casu sanatus.

Novimus, dum Patavii Medicinæ studiis incumbere-
remus, Nobilem Gallum, qui dum Epilepsia labora-
ret, nec à Gallicis Medicis curari posset, Italos consu-
lere decrevit, dumque iter faceret, in Pedemontana
ditione propè Alpes, ab Hispanis quibusdam, qui
tunc ibidem bellantes, stipendia merebantur, aggres-
sus, spoliatus, peremptò servo, pluribus vulncribus
confossus, tanquam mortuus derelictus, à socio,
qui aufugerat, revertente in proximum vicum trans-
portatus, ac chirurgo curandus traditus, qui eum
curavit: verùm quia magnum aliquod in fronte vul-
nus susceperat, cum insigni ossis deperditione, non
nisi multo post tempore integrè sanata fuit ea pars,
ita, ut cum Patavium pervenisset, adhuc ceratum
supergeret; consueverat singulo mense corripì
Epilepsiâ, & jam tertius mensis à vulnere suscep-
tione agebatur, nec unquam malum persenserat.
Quare consulentibus primariis Medicis Patavinis, ab
omnis generis præsidiiis tunc abstinuit ob aëris hye-
malis inclementiam, in proximum ver curationem
distrahens; quo jam adventante nullo amplius malo
tentatus in patriam sanus reversus est, ab iis sanita-
tem nactus, à quibus mortem suscepturum se credi-
derat.

Donat. Marsell. de Med. hist. mir. l. 2. c. 4.

VI.

Quartanarius amuleto ex barba pilis curatus.

Princeps quidam civitatis Fontani in Pictaviâ
sancitissimus defensor, ab obsidione hostis eandem
libe-

liberaturus, & comœatu necessariisque rebus adjutus, cum appropinquaret Dux alter, subitaneo Principis adventu perterritus, quod incoluerat domicilium, deraſa ſibi jam mediâ barbâ fugitivus dereliquit, & aliò ſe properè contulit. Princeps hoſpitiū idem fortuitò ingreſſus, capillosque humi diſſitos conſpiciens, cujus nam eſſent, à Nobili quodam Gallo, milite ſtrenuo, ibidem propter febrim relicto, quaſivit, certiorque ea de re factus, clam colligi, noduloque byſſino inſutos, de febricitantis collo, amuleti loco, ſuſpendi, atque ſequens tetraſtichon adjungi præcepit:

Juro febrem quatriduanam

Te, per barbam Cyllenianam,

Ut ab hoc corpore repêdes,

Ceu, me bellante, Dux de Lóges.

Convaleſcens itaque qua laborabat febre, Nobilis Ducem ſuum ſecutus, cum unâ cum Gynecæo, cœnantem reperit, inexpectatus ſanitatē recuperatam Duci commemorat, Condiſque liberalitatē, quod citra exactionem pecuniarum imperatarum demiſſet, medendi inſuper ejus ſtudio, magnoperè collaudat, nodulumque cujus efficaciâ ſanitati ſe redditum arbitrabatur, in quo quid reconditum erat, inſcius ipſemet, videndum omnibus exhibet, quem Dux & *œdµµατ* experiundi cupidus recluſit, propriosque capillos erubeſcens reperit.

Scheineman. de morb. ſulph. eag. c. 3. ſ. 4.

VII.

Ex quartanâ male curatâ, ſanitas.

Villicus meus annuam quartanam patiebatur, &
con-

consilio nescio cujus Empirici, fasciculos ex omphacino, & alia usq; ad satietatem devorans, ad viginti insuper vini meri calices bibit: quò adeò inflatus est, ut è foco, propè quem cœnaverat, amoveri penitus non posset. Quare strato humi pallio, quo induebatur, ibidem pernoctavit. Matutino autem adventante tempore, diffusus per omnia membra sudor est: quò finito, vomitu quicquid commederat, rejecit, & cum eo pituitosa excrementa quàm plurima. Quò factum, ut ex quartanâ quoque, quâ integrum jam annum laboraverat, extrusâ, valetudinem sic consecutus.

Ant. Beniv. de abd. morb. caus. obs. 59.

VIII.

Hydrops potu fontis aqua curata.

Uxor barbitonsoris, in Novo foro Palatinorum in Noricis oppido, plus sibi ipsi quàm marito aut medicis morigera, cujus venter hydrope in immensum turgebat, aquam de fonte scaturiente magnoperè sitiebat. Progressa itaque marito incio extra urbem, ad fontem, in quo cum aquæ scaturigine simul arena ebulliebat, de quâ quantum manu cavâ apprehendere potuerat, ter aut quater devoravit. Domum læta reversa, rem omnem nobis recensuit: & intra bidduum per fluxum ventris plurimum pituitæ excrevit: apertis quoque sua sponte in ano mariscis, unde confertim sanguis niger effluebat, ab hydrope coavaluit.

Lang. l. 2. epist. 2.

IX.

Empiricus curans Epilepsiam.

Empiricus quidam post universalia remedia, nu-

Dd

cham

cham candelâ cereâ incensâ, cauterii instar inurebat, & radices Pzoniz in patella cum butyro frictas continuo comedendas dabat, & ita juniores & magis adultos magnâ cum admiratione curabat.

Forest. l. 18. schol. ad obs. 61.

X.

Clavicula in calculo vesica reperta.

Admirabilis omnique observatione dignissimus casus accidit Eschueci Hassiacæ ditionis oppido, ubi claustrarius quidam juvenis ingenti calculi dolore victus, sibi ipsi manus injecit, vesicam amplo vulnere dissecans, calculumque manibus exemptum in terram projiciens. Cum verò tenuioris esset fortunæ, calculum exemptum Illustrissimo Hassiæ Principi Guilhelmo transmisit, rem actam exponens, humilimeque orans, ut inflicti vulneris consolidationem Chirurgo suo Aulico demandet. Illustrissimus igitur Princeps, indignam miseri hominis sortem respiciens, Chirurgo mandat, ut afflicto hominem diligenter curandum suscipiat. Ipse verò Princeps calculum ovi magnitudinem æquantem malleolo confringit, ubi magna cum admiratione, claviculam in medietate calculi tenacissime impactam reperit. Hujus rei novitate commotus optimus Princeps, convocatis aliquot Medicis, diligenter inquirat, quomodo clavicula per tot angustos meatus ad vesicam pervenerit. Cum enim claustrarius esset, omnium fuit sententia, claviculam aliquando per imprudentiam ab ipso fuisse deglutitam. (a) Hinc patet, meatus in viventibus corporibus longè patentiores esse, quàm in mortuis.

tuis. Alioquin impossibile fuisset, claviculam tot angustias penetrâsse. (b)

a) *Matthæus obs. Med. cas. 1.* b) *Eabric. cent. 3. obs. 72.*
Höchstet. schol. ad cas. 4. dec. 4.

XI.

Vromantis idolum.

Prope Aquisgranum in pago Porceto, mille ab oppido passus, à thermis scaturientibus, in vestibulo myropolii sculptile morionis idolum erat, versicolore veste, rubro capitis galero vestitum, qui dextrâ manu exerta, maculam vitream diductis labris subridens, ut moriones assolent, spectatoribus ostentare videbatur. Attonitus quidam insignis Medicus, ingressus Myropolium, pyxidibus medicamentis exoletis refertis adornatum, à Judæo Pharmacopœo, quid hoc insolens Morionis simulacrum ridiculum protenderet, quæsit. Tum sanè Judæum respondisse, se à parente, avoquæ Medicis accepisse, Medicos qui ex solo fallacis urinæ indicio discernere morbi causam & locum affectum conzrentur, hos esse Morioni huic simillimos, qui temerarium illorum de morborum causis ex lotio judicium irrideret, quem eo nomine vulgò spectandum ante Myropolii vestibulum statuisset.

Lang. l. 1. epist. 41.

XII.

Lepida historia Rustici, qui ex Medico suo, urinam spectante, rogabat, num uxor è cubiculo decidisset.

Rusticus in Calliâ, rigidâ hyeme, urinam ad Medicum

dicum deferrebat, is interrogans, an uxoris sit; affirmat Rusticus, sed inspicere, inquit, numquid alia in eâ animadvertas, Medico, cum urina optimi coloris esset, suspicio orta est de dolore externo, eumque subesse pronuntiavit: papæ, clamat Rusticus, rectè divinâsti: sed unde dolor, quem in latere nunc livido facto sentit? Medicus audiens de colore livido facillè conjectavit, eundem ex casu, aut percussione contigisse: ideo rogavit, nunquid uxor cecidisset: Rusticus Medicum demiratus, ad ipsum se convertens: Magister, inquit, si mihi poteris dicere, unde nam illa ceciderit, habebis à me inter omnes facillè primus: Medicus stupiditatem coloni animadvertens, & ædium rationem evolvens, per gradus delapsam esse protulit. Per Deum, rursus, inquit Rusticus, si noveris ex lotio, per quot gradus ceciderit, te artificem apud omnes commendabo; hic Medicus vix risum compescens, considerans tamen rusticorum cubicula non admodum alta esse, per duodecim circiter gradus cecidit, inquit: cui rusticus, inspicere diligenter urinam, nam plures esse debent: Medicus oculos in terram defigens, aliquid novi præmeditabatur, deinde vultu composito, inquit, lubrica admodum via pro nimio gelu, nunquid cecidisti in itinere, & urinæ aliquid effudisti? Rusticus, ut erat homo simplex, Medicum ut vatem aspiciens, cecidi, inquit, ac non nihil urinæ effusum est: tum Medicus magnâ cum autoritate, amice, eo in loco, in quo cecidisti, reliquos gradus inquiras, nam hic & in matulâ eos non habeo: sic rusticus Medici eruditionem & experientiam extollens, ad casum

sam rediens, sui similibus rem gestam cum magna admiratione & applausu enarravit.

XIII.

*Alia historia etiam lepida de Medico, qui judicavit,
ex quo loco urina allata esset.*

Medicus fuit in Belgii urbe, ob urinæ inspectionem celebris, ad quem rustica cum urinam mariti deferret, prius deflectebat ad foeminam, cujus maritus colonus erat: hæc sciola sibi oblatam occasionem fallendi Medicum nacta rogat rusticam, ut urinam sibi deferendam tradat, & sic Medicum accedit, is animadvertens poculum, in quo urina erat, herbâ obturatum, quam noverat, in uno certo loco crescere, aspiciens foeminam, quam agnoscebat callidam, dolum subesse suspicatur, quare hoc prævertens, dum urina ex poculo in matulam transfunderetur, hæc, inquit, urina, non est nobilis, nec civis, sed rustici potius, nec ex hac civitate defertur, immò per talem portam civitatis, quicumque urinam detulit, intravit: hoc audito, attonita est nobilis foemina, & ultrò morbum coloni depinxit, ac Medici eruditionem non poterat satis mirari, existimans, ex urina omnia prædixisse.

Rod. à Castro, in Med. polit. l. 3. c. 11. Forest. de incert. urin. jud. l. 2. c. 5.

XIV.

Corpora pasta, ciboq; refecta, non graviora sunt jejunantibus & inanitis.

Quamvis derilantis esse videatur, corpora pasta leviora, non pasta autem graviora pronunciare, siquidem cibus assumptus pondus aliquod corpori ad-

ficere videtur: artamen qui rerum naturalium causas & eventus observat, & diligentius scrutatur, re ipsa experitur, cibum assumptum nihil ponderis, sed multum levitatis adferre. Viator enim jejuno & vacuo stomacho molestius & difficiliter ponderosum sustinet corpus, cibo autem refectus levior apparet, & minori molestia corpus circumfert. Hoc ipsum bestia agnoscere videntur: equus enim sessorem jejunum difficiliter, pastum vero alacrius ferre solet. Quin imò evidentissimum probationis exemplum habemus in emaciatis, à cibo abhorrentibus & diuturno morbo confectis hominibus, qui triplo sunt ponderosiores, quam prius erant, quando alacriter cibum assumebant. Inusitatum illud pondus animadvertens ignara alioquin plebecula, ægrum in summo vitæ discrimine versari, intelligit. Hujus rei causam in vitales & animales spiritus referendam esse existimo: nihil enim in universo corpore, levitate spiritibus assimilari potest, quippe qui suam naturam non deorsum, sed sursum feruntur, & corpus ex sua natura quasi in sublime sustentant. E contrario autem corpora, quorum spiritus vel inediis, vel morborum injuriis imminuuntur & affliguntur, longè graviora, planè autem defuncta, propter spirituum omnimodam dissipationem, gravissima fieri constat. Cum igitur cibus, intra corpus assumptus, non solum spiritus recreet, sed quoque regeneret, & adaugeat, meritò corpora pasta leviora, jejunantia & inanita graviora, mortua verò omnium gravissima sentiuntur. Sed contendis, corpora defunctorum esse levissima, bene valentia verò graviora, illa siquidem aquæ innatare, hæc submergi cernuntur. Ad hunc nodum solutus

tis

tis difficilem respondetur, corpora viventia non simpliciter esse levia, vel aërea, ut aquæ innatare ex sua naturâ possint, sed respectu jejunantium, exinanitorum & defunctorum, in quibus propter spirituum passionem major apparet gravitas & pondus. Quod verò submersorum corpora aquæ innatant, id fit non subito, nec per se, sed post aliquot dies & ex accidenti. Primum enim oppressis spiritibus innatis corpus labascit, planè autem deficientibus deorsum ruit & sui pondere mergitur, ibique ad tempus aliquod delitescit, donec in locum caloris & spiritûs vitalis, putredinalis quidam calor emergat, qui humiditates in vapores & halitus resolvendo, corpus gravatum iterum levitate donat & enatare facit.

Marsh. enod. quæst. med. 21.

XV.

Homo obæsus levior cur macro.

Homo obæsus macilentus est levior, si cætera sint paria. An illi plus carniû spiritibus perfusarum multum allevantibus, huic verò ossa duriora, densioraque carne, ideoque graviora? ita jejunus gravior est seipso pranso, cum corpori onus accesserit. Cibo enim potuque spiritus augentur, corpori levitatem addentes.

Ruland. l. 2. probl. 266.

XVI.

Visus sensuum præstantissimus.

Visus sensuum omnium præstantissimus, quia solus totum objectum & omnes ejus partes percipit; solus miram objectorum varietatem dignoscit, nec impeditur contrariis, unde menti quàm simillimus, qui

ad capeſſendas ſcientias utiliſſimus, qui ſolus ad cognitionem ſiderum ducit, omnium velociſſimus, omnium homini dilectiſſimus, cujus organum pulcherrimum & artiſicioſiſſimū, cujus objectum *ἀγθέτα* lux qualitatum præſtantiſſima.

Vide ſentur. 2. memorab. part. 68.

XVII.

Viſus quomodo fiat.

Viſus fit immiſſione radiorum, non emiſſione. Cum enim affectio ſit animalis, intra, non extra ſubjectum ſuum, animal, fieri neceſſe eſt. Et excellens viſibile lædit viſum, quod, niſi recipiatur objecti ſpecies in oculum, quomodo fieri poſſet? Neque in quavis diſtancia rem eodem modo videmus, quod fieret, ſi radii emitterentur ex oculis. Quin & corpus animalis continuâ radiorum emiſſione debilitaretur. Unde autem tot nobis radii, quibus toties in cœlum uſque perſtingeremus? Nec alia eſt viſus ratio, atque reliquorum ſenſuum, qui omnes recipiendo percipiunt objecta. Hinc in ſpeculo imaginem rei oppoſitæ cernimus, impreſſo nimirum in ſpeculum rei veſtigio, tanquam in ceram ſigillo: Speculum autem naturale eſt oculus: ſiquidem humori criſtallino (qui ſolus humorum in oculo ſplendidiffimus, ſolus *ἀνι* & coloris expers, ſolus, cujus gratiâ reliquæ oculi partes, ſive ut contineant, ſive ut alant, ſunt à natura conditæ) ſolers Natura, nigrorem quendam à tergo adjunxit, ut imago objecti in oculi centro repræſentaretur, non ſecus ac rei cuiusvis imago in ſpeculo artificiali. Hinc fit, ut ſemper imaginem ſuam in alterius

alterius pupillâ conspicias, & artifices in consi-
ciendis speculis oculorum structuram videntur imi-
tari.

*Keckerman. curs. phil. disp. 15. probl. 1. 2. & 12. Fab.
Pac. in com. in 6 pr. lib. Gal. de M. M. p. 137. Bauhin. th.
anat. lib. 3. cap. 42. Laurent. lib. 4. cap. 15. quæst. 16. Ceis.
Mancin. in Sinaug. Plat. Sebiek. von der stiegenden
siecht. Kugel. 3. p. 55. Gal. l. 6. de us. part. c. 6.*

XVIII.

Oculi etymon.

Oculus Græcis ὀφθαλμός dicitur, quasi ὀπίσθιον ὄρα-
μα, quod sit thalamus, ex quo visus emicat, & ob id
oculi φάτα dicuntur, quod ex ipsis φῶς seu lumen
progrediatur. Latinis, ut Varroni & Lactantio, ocu-
li ab occultendo, vel occultando dicti, eò quòd sub
palpebris tanquam teguminibus, non aliter quàm
testa conchæ constituti sint. (a) Aliis quasi capite oc-
culti, vel quia animæ occulta revelant. (b) Hebræi
oogen dicunt, quod altum denotat, ut semper me-
mores simus, ad hoc nobis datos oculos, ut excelsa per-
petuò contemplemur. (c)

a) *Bauhin. th. anat. l. 3. cap. 32. Knobloch. disp. anat. 15.
c. 1. b) Porta. l. 2. Physiognom. c. 1. c) Laurent. l. 4. op. an-
nat. c. 15.*

XIX.

An oculus naturæ ignea.

Oculum non esse naturæ igneæ ex artificiosa ejus
dissectione apparet, aqueæ enim & frigida partes ma-
ximè fabricam oculi absolyunt; & humor cristalli-
nus, (quo primariò visio absolvitur) excessu pars cor-
poris frigida & humida est, licet in vivente, suo cali-

do nativo non destituatur. Nec obstat, 1. tùm, quòd visus objectum est igneum, cùm Plato colorem dicat esse flammam à singulis corporibus visibilibus promanantem. R. inter objectum & organum debet esse convenientia, quatenus objecti species est recipienda ab organo: unde non necesse, ut essentia conveniant; sed & color improprie flamma colorati corporis dicitur, quòd alias ignea corpora sola colorata essent, 2. Tùm, quòd oculi quorundam animalium in tenebris coruscant, & sæpius attriti fulgoris speciem emittunt. R. id fit propter pelluciditatem & proprium lumen, quæ duò in causâ quoque sunt, quòd oculi attriti sæpius splendorem emittunt, 3. Tùm, quòd oculi maximè moventur hinc inde: cùm talis motus caliditatem, & per consequens igneam videatur inferre essentiam. R. moventur oculi non motu naturali, qui propter excessum elementorum rebus mixtis convenit, sed animali, qui peragitur beneficio muscutorum. 4. Tùm, quòd maximè frigori resistunt, nec ita rigorem patiuntur, ut aliæ partes. R. quia optimus, nec carnis quicquam in se continet oculus, rigere non potest. Nec obstat 5. tùm, oculum igneum ratione spiritus visibilis, tenuissimi, lucidissimi, à cerebro transmissi, & aqueum ratione conformationis materialis ipsius oculi dici posse. R. hæc ratione non oculus solùm, sed etiam omnia reliqua sensuum organa essent ignea statuenda, cùm nullus sensus perficiatur absque calido innato & spiritibus influentibus.

Præibis. formatol. disp. 5. theor. 2.

XX.

*Oculi in sublimi locati cur, & cur sphaerici & gemini,
& cur geminis oculis, res tamen uni-
ca videatur.*

Locata sunt nobilissima nobilissimi sensus organa in altissimâ parte, ut inde rerum discrimina rectius despectent ac dijudicent, & ut in hac specula velut exubantes eminus nocitura vel profutura prospiciant. Unde quidam vel oculorum gratiâ caput in sublimi positum esse contendunt. Ut autê celerius moverentur, utque ex omni parte objectum exactius oculi comprehenderent, sphaericam dedit illis Natura figuram, Gemini denique sunt, tùm ut facilius cernant omnia, tùm ne altero laeso, vel amisso sensus hic excellentissimus extingueretur. Sed cur geminis oculis, res tamen unica videtur? An, quia rectæ lineæ & axes ex oculorum centrīs procurrunť ad objectum, ita ut coincidant in idem punctum, à quo in utrumque oculum species distribuitur; an quia de sensibilibus non fit iudicium in oculis, sed in ipso cerebro, de illis censeť sensus communis, qui cum unus sit & unus animalis spiritus, unicam etiam rem visibilem utroque oculo apprehensam iudicat, non geminam.

Keckerm. l. 6. probl. 11. & 24.

XXI.

Oculi, animi omnes affectus desegunt.

Oculi sunt Micro-cosmi lumina duo, & velut fulgentia sidera. Hinc vetustissimus Poetarum Orpheus oculum Mundi Solem, & Naturæ speculum appellat.

lat. Sunt oculi animi indices, ut vultus animi est imago. Mirantur oculi, adstant, concupiscunt, amoris, iræ, furoris, misericordiæ, ultionis indices sunt. In audacia profiliunt, in reverentia subsident, in amore blandiuntur, in odio efferuntur; gaudente animo hilares subrident, eodem moerente languescunt; animo irâ flagrante exasperantur, in cogitatione ac cura quiescunt, quasi cum mente simul intenti. Denique ad animi affectus oculi sunt compositi, ejus imaginem ita exprimentes, ut alter animus esse videatur, hinc illæ misericordiæ lachrymæ. Hos enim cum osculamur, animum ipsum exosculari atque attingere videmur; (a) animo videmus, animo cernimus; oculi, ceu vasa quædam visibilem ejus partem accipiunt, atque transmittunt; sic magna cogitatio occæcat, abducto intus visu; sic in morbo comitiali, aperti nihil cernunt animo caligante. (b) Aphrodisæus ait; ob id nos, cum puduit, oculos deorsum vertimus, quia natura oculos animi speculum construxit, quippe cum ceteras quoque affectiones animi per oculos intelligimus, videlicet cum angimur, cum irascimur & cum verecundamur, quod cum animus personam quampiam reverendam aspicere liberè, atque alloqui audentius temperet, palpebras trahi deorsum à musculis cogit, quasi occultent partem, quâ facultas aspiciendi administrari solita est. (c) Quare non immeritò Hippocrates: (d) ὁφθαλμοὶ οἷς ἂν ἰαχύνων, ἔτα καὶ γῆρον: ut valent oculi, ita & totum corpus. Et memorabile est, quod Aristoteles docet (e) eos quorum oculi parvi, aut valdè nigri, timidos & pusillanimes haberi; quorum ad flavum declinantes, boni animi, concavi maleficos, eminentes

tes fatuos, ignei invereundos; mediocriter conni-
ventes morum esse laudabilium.

a) *Laurent. l. 4. op. anat. c. 15.* b) *Porta in pream. l. 30
physogn.* c) *in probl. d) sect. 4. lib. 8. Epid. e) l. 1. hist. de
anim. c. 10.*

XXII.

Oculi animi & spirituum sedes.

In facie, præsertim in Oculis, animus spiritusque
inhabitat. Per oculos enim quasi per valvas spectra
intus ad animum se penetrant, ipsumque pulsant fe-
riuntque, quod si Idola hæc rerum parùm jucunda-
rum, ac debilia obscuraque sint, Animus, spiritus-
que quiescet, aut parum ad ea amplectenda move-
bitur si autem excellentis atque præstantis jucundi
spectrum ad animum pervadat, tum omnis vel plu-
rimus spiritus obviam ei ad illas partes, quasi ad val-
vas, fenestrasque sese feret. Hoc infantes Naturæ
quodam cæco instinctu, vel quos nunquam vide-
runt parentibus extemplo conspectis, forsitan ri-
dent, (a) unde illud Maronis, (b)

Incipe parve puer risu cognoscere matrem.

a) *Anton. Laur. l. 2. de risu p. 410.* b) *eccl. 4.*

XXIII.

Volâ palpebris appositâ videamus accuratius cur?

An quia species firmiter imprimuntur spiritibus in
oculo coarctatis: an, quia sæpe splendorem oculos
perstringentem, avertimus.

Kecker. disp. 15. curs. phil. probl. 19.

XXIV.

XXIV.

*Cur intensissimo gelu ceteris membris rigescentibus,
oculi tamen frigus non sentiant.*

An quod rigentur adipe uberrimo, qui illis pro indumento est ac propugnaculo, ne feriantur adeò à pervadente aëre? an quod spirituum copia abundè circumfluunt.

Aristot. sect. 13. probl. 21.

XXV.

A. repentinà luce visus leditur.

Alucido dilgregari maximè, & obladi visum, manifestum est. An quia splendor, ut nimium & violentum, infirmo aspectui illorum, qui diu in tenebris commorati sunt, ~~assumptus~~ est, & calamitosus? an insuetis novæ obijciuntur species? Omne autem novum valde immutat. (a) quod tribus exemplis probat Galenus (b) 1. Exemplo militum Xenophontis, qui cum per multam nivem iter fecissent, oculis læsi sunt. 2. Exemplo Dyonisii Tyranni, qui super carcerem construxit domum clarissimam, calce illicitam, sicque illos qui quàm diutissimè carcere infimo fuissent conclusi, ad eam adducebat, qui ex multa atque profunda caligine in splendidam lucem egressi occæbantur. 3. Exemplo Solis, quem si quis inconviventibus oculis velit intueri, oculos celeriter perdet. Sic multi in Solis defectibus, cum eum affectum, qui Soli acciderat, planius nosse cuperent, fixis oculis Solem intuentes, imprudentes prorsus fuerunt occæcati.

a) Ruland. l. 2. b) l. 10. de us. part. 8. 3. edit. m. f. 636.
probl. 287.

XXVL

XXVI.

Μύωπις & πτεροβήτις.

Alii propè admovent oculis librum distinquè aliquid lecturi, alii verò ab oculis removent longius, fit propter diversam temperiem spirituum opticoꝝ, id est, eorum qui per nervos ad oculum deferuntur, ad imaginem rei visæ in oculo formandam & concipiendam. In nonnullis n. hominibus, hi spiritus optici sunt subtiliores & tenuiores; Ita ut facilè dissipentur, si sese ad objectum à longinquo comprehendendum enixè intendunt atque acuunt, non secus ac chorda subtilis in arcu nimis extensa facilè rumpitur. In aliis verò hominibus, iidem spiritus sunt densiores & crassiores, atque adeò tales, qui quadam attenuatione & extenuatione egent, quæ spirituum densiorum attenuatio fit, quando sese accuunt ipsi & intendunt, ad concipiendam & formandam imaginem objecti longius ab oculis remoti.

Vide sent. nostr. 2. part. 64.

XXVII.

Angustior quibus est pupilla, felicius vident.

Quare, quibus ex naturæ lege, angustior est pupilla, facilius vident, & quibus præter naturam arcior evadit, infelicius cernunt? An quòd naturalis illa pupillæ angustia ex tunicæ uvæ angustia nascatur, indeque fit, ut sese uniat vis visoria? hinc est quod inter omnia animalia, Homo angustâ admodum sit pupillâ, ut exactius dijudicet minuta, eò quod visus maximè disciplinis studeat. Num angustia, quæ præter naturam pupillæ accidit, nascitur ex ino-

inopia albuginei succi, vel à subfidente, vel corrugata cornea.

Ruland. l. 2. probl. 85.

XXVIII.

*Conspicilla quando juvent oculum in
videndo.*

Non semper profunt conspicilla in videndo, sed tum demum si vel spiritus visivus sit imbecillior, vel oculi structura nimis coarctata; tum enim imago rei videndæ, cristallo vel vitro clariorum conspicilliorum magis sistitur quàm aëre: nec sistitur tantum, sed & augetur, atque intenditur, ita ut fortius in oculum possit imprimi, inque eo distinctius repræsentari.

Keckerm. l. c. probl. 17.

XXIX.

Visionis finis.

Cum animal, eodem, quo nascitur loco, non semper habeat alimentum, sed id aliunde sæpe querere cogatur, necesse est, ut moveri de loco in locum possit: quod cum absque cognitione termini ad quem & medii per quod omnino fieri nequeat, ea verò cognitio, nec auditu, nec odoratu, nec tactu percipi possit, necessario natura visum tribuit animali, quo locum commodè mutare, victum querere, atque adeo conservari queat. (a) Est & specialior, hominis respectu, visionis finis, ut nimirum is ex visibilibus invisibilia Dei cognoscat, horumque omnium creatorem & motorem velut ex effectû causam agnoscat, amet & in æternum celebret. (b)

a) Arist.

a) Arist. l. 2. de an. text. 19. l. 3. s. 64. de sensu. & sensibiles. l. b) Keck. l. c. probl. 21.

XXX.

*Colorum, albi etymon; candidi, rubicundi, atrī
& viridis natura, effectus.*

Albus color, Græca origine ἀλφ, quasi ἄλεις φῶς in eo sit, si vocis sonum ex parte spectemus; unde prisci Sabini dicebant Alpum, à quo Alpes, ni potius ab Alpibus nive candidis dictus fuerit ille Alpus. (a)

Color candidus & rubicundus latitiæ color est, quia proximè accedens ad naturam lucis spiritus animales dilatat. Ater autem condensat, & velut coarctat spiritus, idè tristis est & luctuosus.

Colore rubicundo Tauri & Elephantī (b) irritantur & exardescunt, (quod & in Gallis Indicis animadvertitur) quia specie sua ad flammam accedente, movet vehementer spiritus visivos, atque ita etiam reliquos spiritus, tum cordis, tum membrorum, & cum spiritibus sanguinem, cum quo cognationem habent.

Color viridis maximè omnium visui conducit & oculis, quia cum ita sit ex nigro & albo temperatus, ut nigredo albedinem quādam proportionis concinnitate superet, idcirco spiritus visivi, nec nimis dissipantur, nec nimis constringuntur, sed temperatè & suaviter afficiuntur. (c) Optat enim visus ita frui lumine, ut per amicum hoc suum, amplificetur quidem, nec tamen interim dissipetur. In quocunque ergo colore plus tenebrarum & nigredinis est, quàm lucis, non dilataturs radius visivus ad votum, ac proin nec oculus dilatur. Ubi contrā, plus coloris splendidi,

Et

spar-

spargitur latius, distractus quâdam noxiâ voluptate. Color ergo viridis utrumq; temperanter præstans delectat pariter & conservat. (d) Quæ causa est, cur campos, gramina, herbas, arbores, virere voluerit Rerum Creator benignissimus, & cur homines literati sua quoque musæ hoc colore potissimum vestiant: (e) Quare cum oculis jucundissimum spectrum viriditas sit, hujus rei causam indagans Aristoteles (f) quærit: Quam ob causam, cum cæteras intuemur res conspectus noster fatiscit, atque deterior redditur, cum ad virides & herbescentes inspicimus, ut olera, cæteraque his similia, recreatur, meliorque evadit? An conspectum in alba nigra ve intendere minimè possumus, propterea quod utrumque id genus coloris videndi viribus officit. Colores autem illi, quibus oculi acquiescunt, medium albi nigrive obtinent, itaque aspectus, cum mediocri lenique obvio afficiatur, nihil debilitatur, imò verò corroboratur atque reficitur.

a) vid. Ant. Scarmil. l. 2. de col. c. 7. b) l. 1. Maccab. c. 6. v. 34. c. e) Keckerm. curs. phil. disp. 5. probl. 17. 18. 19. 20. d) Marsil. Ficin. de probl. vit. lib. 2. c. 14. f) sect. 31. probl. 20.

XXXI.

*Colores ex lucis & opaci mixtione pendere, semina-
lis balsami, tam in herbis, quàm in ho-
mine, efflorescentiâ, do-
cetur.*

Lux in quibusdam corporibus evidens est, in quibusdam occulto velamine tecta latet. Evidens est in Sole, Luna, & astris omnibus, in carbunculo, cicin-
delis

delis & similibus; in reliquis verò creaturis, lapidibus, plantis, animalibus tegitur, ita tamen, ut certa cujusdam igniculi signa se prodant. Non enim obscuro esse puto, colores omnes in quocunque corpore ex lucis & opaci mistione provenire. Tanta siquidem lucis cum coloribus est affinitas, ut si per medium coloratum transierit, magis magisque coloretur, inde enim ambulantes per prata viridia, virides habere facies videntur. Taceo, quòd omnium rerum colores opaciores, successu temporis à lucis actione dealbentur, & in similem naturam quasi trahantur, idque non tam in artificialibus, quàm in naturalibus crescentibus contingere manifestum est, quòd fieri minimè posset, nisi cum opaco lux misceri posset, & colores ex lucis & opaci mistione existerent. Jam verò in omnibus herbis, stirpibus, plantis, lapidibus, gemmis, & animantibus colores conspiciuntur. Ergò, in omnibus herbis, stirpibus, plantis, lapidibus, gemmis & animantibus lux & lucis facultas comprehenditur. Quod, ut clarius ob oculos ponam, tempus vernum attendite, quando è seminibus in hanc mundani theatri scenam plantæ se explicant, ubi totam terram viridi colore vestitam, variisque floribus splendere videbitis; cujus nulla alia causa est, quàm balsamus renovatus, qui singulari lucis fecunditate foetus novos exornat; Hominem præterea, dùm adhuc vivus & sanus est, roseo colore & amabili suffundi, ægrotum verò & mortuum pallefcere videtis: herbas in super recentem natas virefcere, marcescentes colorem perdere animadvertitis, quæ indicio esse satis possunt, balsamum à luce pendere, & luci cognatum

esse, nec dubitarem, quin hanc luculam in nobis ardentem aliquando essemus oculis excepturi, si liceret salvâ naturâ centrum & sedem balsami introspicere.

Bieker. de san. const. conserv. schol. ad c. 2. & 5. section. 1.

XXXII.

Lux & color illustratus cum impressione specierum, oculis inferuntur.

Lux per se & color illuminatus feriunt oculos impressione quâdam 1. Si quis enim intueatur Solem, haurit visus tanquam invitus speciem quandam, averso etiam sibi ad locum opacum, diutius hærentem: & similiter, si quis inspexerit speculum versum super quod ascendebat lux Solis, & fuerit visus aspicientis in loco ad quem reflectitur lux ab illo speculo, dolebit & debilitabitur, propter lumen reverberatum perveniens è speculo ad visum, & non poterit aperire oculum ad lumen illud inspiciendum. Item si aspiciens fuerit in domo, in qua fuerit foramen amplum, discoopertum ad cælum, & aspexerit ex illo loco sidera in luce diei, immoreturque in aspiciendo ipsa, deinde revertatur visus ejus ad locum obscurum ejusdem domus, inveniet formam lucis, quam comprehendebat ex foramine, cum figura foraminis in loco obscuro, & si clauserit oculum suum, formam illam in ipso inveniet. 2. Si quis viridarium inspiciat ad Solē ambulans, pertrahit viriditatem oculis, eamque non protinus amittit, quamvis in umbram aliquam

quam averfus. Ipsa verò manens species impressio dicitur.

Gaglen. in comm. in c. 5. l. 2. Plin. p. 275.

XXXIII.

Ante diluvium cur homines longevi.

Quare adedò longævi, ante universalem terrarum inundationem homines fuere? An ob constitutionis & temperationis humani corporis bonitatem, quâ primi homines vigeabant. Et quidem recens à Deo facta natura fuerit firmior ad seipsam conservandam, fortiorque ad resistendum contrariis, nondum tot morbis tracta & debilitata? An ob sobrietatem in cibo & potu, omnisque vitæ moderationem, victusque simplicitatem, varietate nobis consuetâ naturam pessundante? An ob præstantiam alimentorum, propter eximiam terræ ante diluvium bonitatem, feracitatemque, quo terræ nascentia multò sunt imbecilliora facta, deterioraque, aquis Oceani falsis totam inundantibus terram, depravantibusque? An cognitio Adamica perfectior, vires & facultates herbarum, fructuum, metallorum, earum rerum omnium vim & conservandi & producendi vitam humanam obtinentium exploratissimam habens? An syderum aspectui primorum hominum regionem salubriter illustrantium assignanda causa? an ut longa vita genus humanum tum temporis angustum multiplicaretur? an ad indagandum artes scientiasque, vitæ humanæ, ut necessarias ita & utilissimas, sed non nisi longissimi temporis experientiâ acquirendas?

Roland. l. 2. probl. 268.

Ee 3

XXXIV.

XXXIV.

*Studia nocturna Phantasia, totiq; cerebro cur no-
ceant, itemq; studia, post cibum sum-
tum memoria?*

Spiritus fatigatione diurnâ præsertim subtilissimi quique resolvuntur. Nocte igitur, non nisi crassi & pauci supersunt, qui tùm quoque corporis laboribus exhausti refectioni cedere debebant. Quin & imaginatio multis, longis, contrariisq; in vigilando totâ die imaginibus, curisq; distrahitur, quæ quiete nocturnâ sedari oportebat. Quicumque verò tùm, mente nimium agitata, res ipsas judicare conantur, ii non aliter, quàm illi, qui vertiginem patiuntur, omnia verti putant, ut Plato inquit, cùm ipsi vertantur. Jam porro, cùm post cibum sumtum, aliquid meditari, ac memoriæ mandare nitimur, evocatur calor ex inferioribus corporis ventriculis, & cum calore halitus, qui cùm tùm temporis alii esse non possint, nisi crudi, fuscidi, crassi, ac impuri, eodem suo vitio, cerebrum infuscant ac intingunt, sicq; ad nobilissima sua munera, quæ non nisi teaves spiritus requirunt, ineptum reddunt. 2. quia hac ratione organa nutritionis destituta calore, ad superiora evocato, à concoctione nutrimenti impediuntur. Cibum verò incoctum venis urgentibus ad membra nutrienda transmittunt, ex quibus alimento crudo corruptis, pravi postea humores in cerebrum evecti nihil incorruptum relinquunt.

Ficin. l. 1. c. 7. de stud. san. tuend.

XXXV.

XXXV.

*Aëris vis ad generationem, mixtionem, mixtorum-
que conservationem, in spiritibus Animalibus,
vitalibus & ipsâ peste conspi-
cua.*

Plurimus usus Aëris est, ad generationem, mixtionem, mixtorumque conservationem. Est enim quasi medium glutinū ac vinculum, organumq; & vehiculum spiritus mundani, cuncta permeans, omnib⁹ præbens consistentiam, qui subito & inevitabili motu raptus atq; absorptus, in præcipua corporis membra fertur, eaque suis qualitatibus imbuat: attractus n. subito in viscera & totum corpus penetrat, & quidem pars ejus levior penetrat in cerebrum, permisceturque spiritibus animalibus, pars à pulmone hauritur, quæ in sinistrum cordis sinum derivatur, spiritibusque vitalibus unitur, pars deglutitione qualibet abripitur in ventrem, inde in venas eparq; distribuitur, ex quo fieri nequit, ut non imbuat suis qualitatibus spiritus tenuissimos, humoresq; ob molliem alterationē magis obnoxios, tūc etiam ipsis solidioribus partibus aliquid naturæ suæ imprimat. Pestilentia tempore id conspicuum & maximè observabile est, quomodo videlicet aër malignus, pestilensque inspiratus & attractus, spiritus & humores inquinat atque corrumpat, ut ita in aëre, ejusque natura magna & mirabilia delitescant, quæ à multis ignorantur, à paucis intellecta sunt.

Gögl. l. cit. p. 228.

Ec 4

XXXVI.

XXXVI.

Pestis actio varia in climate hoc vel illo, animalium speciebus & hominum individuis, unde.

Secundum causarum agentium robur, & patientium dispositionem Pestis quandoque in uno duntaxat climate, & non in alio, quandoque unam animalium speciem, & non aliam, modò homines, & non alia animalia, quandoque & genus humanum & brutorum simul invadit, afficit, corrumpit, occidit, & sic aspectui determinato, determinata respondet configuratio. In quâlibet autem naturali actione (etiam præter astorum inclinationem) concurrunt agentis fortitudo, passi dispositio, contactus passi ab agente, mora agentis. In primis enim agentis fortitudo requiritur, quoniâ à proportionem minoris inæqualitatis aut æqualitatis nō sequitur actio, sed à proportionem majoris inæqualitatis. Nam parva scintilla magnum lignum comburere nequit, neq; parvus ventus magnâ navim, sed magnus & benè proportionatus & impetuosus impellere potest. Sic & passi dispositio, nō quodlibet agit in quolibet, sed determinatū in determinato, & actus activorum non est nisi in patiente benè disposito. Agens ergò cū vult agere & patientis non sit præparatus, nec actio nec passio contingit. Nam magnes attrahit ferrum, cū sit mundum & præparatum, quòd si fuerit alio linitum, aut rubiginosum, sic indispositum, aut adamantis præsentia alteratum, tū attractricis vis debilitatur, aut imbecillior fit, & ita actio desinit. Ad hoc facit contactus, nisi enim agens formaliter, vel virtualiter passum

sum tangat, in ipsum non ager, quemadmodum ignis aliquem calefacere nequit, si ab ejus caliditate non tangatur. Hæc insuper moram expostulant. Nam si posueris lignum parvum in igne, quantumcunque magno, si immediatè ab eo lignum illud amoveris, non comburetur, etiam è converso, si in parvo igne ponetur, in eo moram contrahat, absque dubio concremabitur. Quare si causa agens ex terræ aut aquæ squalore non valida fuerit, ex brutis male duntaxat afficiet ea, quæ secundum dispositionem tali veneno similem parata sint. Si verò validior fuerit, in speciem humanam grassabitur, ita tamen, ut ex se nec regionem, neque civitatem, neque oppidum sed neque pagum transibit, hæc enim uno duntaxat loco homines corripit. Si verò agens ex superiori causâ, aut ab inferiore polluto aëre ortum habuerit, genus tantum humanum inquinabitur. Si autem à superiore & inferiore causa simul contigerit, tùm omnium animantium species peste corripì possunt, attamen secundum eorum corporum dispositionem.

Forest. 6. obs. de febr. schol. ad obs. 9.

XXXVII.

Pestem fugiens, peste corripitur, & non affectus eâ, alios inficit.

Quare aliqui ab infectis, in alia loca, ubi nulla est pestis fugientes, illicque aliquandiu hærentes post multos sæpè dies peste primùm corripuntur, vel non correpti alios inficiunt? an quòd virus pestilens, in illis clandestinè subsistere potest, nec ulterius propagari, cordis robore indefinenter reluctantè, & corpore nondum usque quaque habili existente? si ve-

ro dispositos offenderit, non mirum istos citius etiam affici.

Ruland. l. 1. problem. 30.

XXXVIII.

Historia latronis, qui bis suspendebatur.

Jacobus latro è patibulo quò suspensus fuerat, velut iam mortuus, sed qui tamen adhuc viveret, depositus atque curatus convaluit. Verùm ut erat homo ingenio malo, pravoque, ad eadem statim scelera revolutus, quibus antea extremum promeruerat supplicium, iterum capitur, atque suspenditur. Quare hominis admirati nequitiam, mortui cadaver incidendum curavimus, & inventum est cor ejus ob eximiam caliditatem undique pilis refer-
tum.

Beniven. de abd. morb. caus. cap. 83.

XXXIX.

Fures suspensi reviviscentes. Historia I.

A. 1440. 16. die Martij, Decano facultatis Medicæ existente M. Johanne de Paumgarten, octo fures suspensi fuerunt, ex quibus unus ad Spiritum Sanctum introductus est, ac corpus ejus destinatum Anatomix, sed quia iterum ope & industria Medicorum Viennensium revixit, liber dimissus est. Hæc ita descripta reperiuntur in antiquo collegii Medici actorum libro.

XL.

II. Historia.

A. 1492. Conradi Pretznauers de Puechberg ob furta suspensi & strangulati corpus facultati Medicæ secandum

dum tradebatur. Animadvertunt Medici, aliquem spiritum vitalem in hoc corpore superesse, quamvis morti valdè propinquum esset; proinde ex utrâque cephalicâ sanguinem largum detraxerunt, aliaque necessaria administrarunt. Apparuerunt in illo symptomata horribilia suffocationem minantia, spuma circa os notabilis aderat & perseverans, propterea Medici Hippocratis aphorismum 43. sect. 3. allegabant: Strangulati & dissoluti nondum mortui, non reconvalescunt, quibus spuma circa os fuerit. Hunc trium litterarum hominem fortissimè constrictum, ob vehementes capitis, pedum, imò totius corporis commotiones, (nulla enim in homine erat quies) quatuor personæ fortes athleticæ tenuerunt, aliâs, ne seipsum denuò interfecisset, periculum fuisset, mente nimirum laborantem. Retulit postea, se non posse in memoriam revocare ea, quæ secum acta fuerant, se tantum meminisse, quòd in prætorio fuerit, sed quid postea factum sit se ignorare. Dicitur etiam post multa nova furtâ denuò suspensus esse, siquidem quod corvis debetur, vix submergitur.

XLI.

Gravida sepulta peperit.

In Hispania Madriti, quædam matrona ex familia Don Francisci Lasso oriunda, postquam per triduum in mortis agone decubuisset, existimantibus cognatis eam mortuam esse, deportata est in locum ad sepulturam destinatum, Græci *κεντρυ* appellant, ubi more solito sola relicta fuit occlusa. Post aliquot menses aperto loco, repertum est hoc cadaver, in eodem loco, in quem repositum fuerat, habens in
dex-

dextro brachio infantem mortuum. Hinc apparet, ipsam tùm temporis, quando sepulta fuit, nondum obiisse, sed postmodum peperisse infantem, qui unà cum matre miserrimè clam infra terram obiit.

Diomed. Cornar. de hist. admir.

XLII.

Gravida suspensa peperit.

D. 14. Junii., Anno, SaVLe qVID Me perseqVerris, inter Daventriam & Sutphaniam, ab Hispanis Inquisitoribus maritus cum uxore gravidà suspenditur. Uxor cùm pependisset per horas quatuor, gemellos vivos mortua peperit.

Paul. Eber. in Calend.

XLIII.

Apoplectici, Epileptici, & ab utero strangulata serius humandi.

Compertum habeo nostrà & avorum memorià, nonnullos effracto capulo revixisse. Quamobrem lege cautum esse convenit, ne Libitinarii aut Vespillones, properè quos mortuos existimant, extinctæque animæ speciem præbere vident, loculo includant, eos præsertim, qui Apoplexià, aut morbo comitiali, utriusque strangulatione suffocantur, cùm in illis nonnunquam delitescat anima, quæ rursus corpus spiritu vitæque imbuat. Quare, si hujusmodi corpora sanie & tabe non diffuant, non nisi elapso triduo inhumanda. Siquidem expleto duarum & septuaginta horarum curriculo, humores sisti contingit, moverique desinunt, quod Luna eo temporis spacio, unum Zodiaci signum peregerit, cujus vi humorum decursus in corporibus percutitur.

Lenax.

*Lemn. l. 2 de occ. nat. mir. s. 3. Forest. l. 10 J. schol. ad Obs.
79. Witich. de apopl. p. 181. & seq.*

XLIV.

Apoplexia tres dies perdurans.

Memoriæ occurrit, olim apud Ferrarienses puellam quandam apoplexiâ detentâ fuisse, quæ ab omnibus Medicis pro mortua habebatur. Cæterum, cum Mater puellam sumopere amaret, eam non ita facile sepeliri permisit, & eò magis, quia ab aliis perceptorat, qui subito & repente gravioribus morbis corripuntur, & pro mortuis habentur, non sic facile & repente clero sint permittendi. Demum Mater puellam per triduum apud se contra omnium opinionem detineri fecit, & tertio die puella quasi ex inferis sublevata, revixit.

Amat. Lusitan. Centur. 4. Obs. 23.

XLV.

Peste extincti an ocyus humandi; ambigitur.

In contagiosis febribus, vel cùm peste feriuntur homines, ocyus humandi, cum statim à morte serpat contagio, atque astantibus labem inferat. Minus autem periculi imminet iis, qui vivis peste correptis adstant, infectisque obsequium præstant, quam ubi morientibus assistunt: (a) tum enim se diffundit contagio, atque ad obvia quæque dimanat. Simile enim quoddam corporibus recens extinctis evenit, quod cereis, lychnisq; ac funalibus, quæ accensa nullam graveolentiam naribus offundunt: at extincta, flammaq; sopitâ tetro undique fumantiq; odore cœnaculum opplent. Ita plus periculi imminet,

net, ubi animam exhalantibus præstò sunt, quam ubi aliquid adhuc vitæ superest, aut ubi horas aliquot extincti frigent, ac rigescunt; quod si paulo diutius, supraque legitimum tempus huiusmodi corpora reserves insepulta, olida efficiuntur cadavera, sensimque mephitim exhalant. (b) Verùm non semper tutum esse & hominem Christianum minimè decere, peste extinctos ocys terræ mandare, præter alia exempla, (c) hoc notissimum testatur. (d)

a) *As stipulatur huic sententia Laur. Joubertus apor. 3. de peste. refragatur acriter Jordanus l. 1. de pest. c. 18. b) Parvus de pest. c. 10. Lemn. l. c. c) Fabric. cent. 2. observ. 95. & 96. d) G. Horst. c. 9. in app. l. 7. de hist. med. mir. Marcelli.*

XLVI.

*Mulier pro mortua, tempore pestis sepulta
reviviscens.*

Accidit A. salutis 1357. peste maximam stragem apud Colonienſes agente, ut nobilis quædam matrona Reichmuth Adolch nomine, in foro novo habitans, cujus ædes adhuc ibidem conspiciuntur, peste quoque corripereſſet, ut pro mortua sepeliretur. In huius digitis annulum relictum vespillonnes noverrant, quapropter nocte subsequente clam ad sepulchrum accedunt, loculumque effodiunt. Sed quid sit, sepulta sese erigit, Vespillonum timore perculſorum aufugientium relictam lucernam apprehendit, & ad ædes mariti properat, à quo cognita postmodum, optima victus ratione adhibita, convaluit, & tres deinde filios generavit, quos ministerio Ecclesiastico præesse voluit.

XLVII.

XLVII.

Hircus fœtidus pestem fugare creditur.

Cur Principes pestifero cœli statu hircum olidum in aula alunt? an quod cor alieno hoc graviq̃ue odore, putredinis tamen experte, offensum, abhorreat in trō revocatis spiritibus, sicq̃ue affectum ejiciat potius à se omnia, systole, quàm ut suavi odoris blandimento sese fundendo diastole attrahat, sicq̃ue contagium simul bibat? Unde etiam fit, ut coriarii & salsamentarii & qui per fœtores vitam ducunt non putridos, raro peste occupentur. (a) An quia ædium vastitas viroso vapore, quem hircus expirat repleta, repellat aditu auram venenatam? an quia malus vapor malo alio vapore, tanquam cuneus cuneo fugetur? (b)

a) *Ruland. l. 1. probl. 103.* b) *Paræus de peste c. 6.*

XLVIII.

Odor Hirci non propriè fœtor, sed graveolentia est, glires abigit.

Odor Hirquinus non propriè fœtor, sed *βαρυσμία* graveolentia est, qui primo initio quidē non nihil molestus est, si quis autem parū assuescat, non multum isto odore offenditur. Sunt enim longè plura graveolentia, & tamen non fœtentia, ut allium, porrum, cæpe, raphanus, aristolochia, radices angelicæ, diptamni, maximè si urantur, fumus picis & axungie, quæ tamen in peste salutariter quoque admittuntur. Nostratibus etiam constat, glires, qui & ipsi ex putredine nascuntur, & venenum secum habent, hoc odore abigi, quo finè etiam Hirci olentes in stabulis Principum equinis ali solent.

D. D. Cramerus de peste lit. M. 8. a. 6.

XLIX.

XLIX.

Mirum pestis abigenda consilium.

Silentio præterire non possum, exemplum hoc, nostro maxime tempore commemoratione dignum, ab opulento quodam Cretensi Mercatore mihi relatum. Ipso nimirum in Turcia negotiante, sævissimam obortam fuisse pestem, cui cum diu nullis resisti consiliis potuisset; tandem cujusdam Medici inter Sarmatas habitantis suasu, quam plurimos occisos prius canes cum in plateas ejecissent, ingentem paulò post ex cadaveribus ipsorum prodeuntem putredinem ac foetorem pestem, ferocissimam licet, abegisse: quam quidem consuetudinem in hodiernum usque diem apud Sarmatas sartam inviolatamque ajunt servari. (a) Putredo siquidem in dictorum canum cadaveribus concepta, in aërem exhalans, ejus corruptionem, animantium generi mortiferam, necessario immutat. Cujus quidem immutationis discordia ac dissimilitudo rerum, causa existit. Unde & unum venenum saepe fugare alterum, proculque abigere observamus. Ac ut exemplo magis familiari, omnibusque noto, rem expediamus, nemo eorum qui peregrinando, ut plurimum regnorum accivitatum viderunt mores, sic territorii ac loci cujuslibet observarunt commoda, ac incommoditates, nullus horum unquam visus est, qui foetori platearum Parisiensium aliquem similem subodoratus fuerit. Non minus verò hujus urbis incolis notum est, loca sæpenumero circumjacentia pestis contagio ipsam urbem longè gravius affligi. Cujus rationem multi Medici hanc reddere ausi fuerunt, prædictam nimirum platearum corruptionem, seu putredinem

dinem incolis familiarem, aëris corruptioni contagiosa fuganda existere idoneam. Quin & saepius audivisse me memini, in urbe Calere, tempore perfumationis halecum incredibili fœtore conjunctæ, urbem sæpenumero à pestis, quo tenebatur contagio esse liberatam. (b)

a) Alex. Bened. de febr. pestil. c. 6. b) Quercet. l. 1. c. 6. pest. alexie.

L.

Mirabilis potestas antri cujusdam & lacus ipsi vicini, inter Romam & Neapolim.

Qui Româ Neapolim iter confecerunt, duo quædam admiratione digna observare potuerunt. Alterum est ad oppidulum Puteoli dictum: ubi duo antra circiter milliaria trans Neapolim, Siciliam versus, occurrit antrum parvo lacui vicinum, ex quo exhalat usque adeò perniciosus vapor, ut si vel in limen ipsius aliquod animal intrudatur, statim suffocetur & pereat, nullaque vitæ spes relinquatur, nisi promptè in lacum proximum immergatur, unde respiret. Immersum enim illuc statim ad se redit, alioqui mox periturum, ut multis experimentis in sexcentis ac mille servis, aliisque capite damnatis facta est fides: nec aliud vitæ subsidium aliunde sperari potest, quàm ex ipso lacu: siquidem qui ex antro educti in lacum demergebantur, confestim resurgebant: quibus verò hoc auxilium denegabatur, illis esset prorsus intereundum, usque adeò sagax natura suis alumnis prospicit, ut ubi causa aliqua morbi aut mortis, ibidem quoque remedium domesticum, & familiare semper, modò illud noris, reperire possis, ea ipsa quæ

Ff

nobis

nobis thoram exhibuit, antithoram etiam illius remedium suggessit.

Alterum est, quod à mense Junio, ad exitum usque Aestatis, imò etiam ad bonam Autumnì partem, aestu non amplius urgente, sed & pluviarum copiâ prius temperato, nemo hominum ausit, citra vitæ dispendium, Româ Neapolim proficisci: unde etiam omnibus tum temporis via illa interdicta, ne quis spontè, vel inscius pereat: feliciter quidem succedit iter, si trans Neapolim, Siciliam aut Milten etiam versus iter protrahitur. At mox, aut cum aliqua morâ Romam redituro, nulla vitæ prorsus servandæ spes affulget, rarique periculum hoc tentantes, mortis discrimen effugiunt. Vix enim unus aut alter, ex centum aliis, periculo eripi potest, quia omnes miserè vitam finiant. Causa autem tam præcipitis, & necessariò succedentis interitûs, subitæ aëris mutationi ascribitur. Cum enim Romanus aër crassior sit, Neapolitanus verò subtilior, si à tenui & subtili aëre, in crassum revolvimur, facile corpus nostrum offenditur, patentibus enim tunc omnibus corporis meatibus, per quos crassior aër ingreditur, fit reverberatio quædam incensorum spirituum, intra caput compulso- rum, qui exagitati crasso illos vapore tandem inflammant, ac incendium augent. At à crasso in subtilem progressus, crassitiem densioris aëris corrigit, efficitque ne noceat, nisi forte maligna quadam syderum qualitate, uterque aër pugnet, fortiorque victoria potiat.

Quæres. dias. polyb. sect. 2. c. 1.

LI.

Æstate frequens sudor cur.

Assumpto cibo & potu corpus totum refocillari, caloremque foveri per partem post partem non est ambigendum, unde cum æstate corporis pori & meatus magis pateant, corporaque plurimo seroso excremento redundant, siquidem tunc homines magis, quam cæteris anni temporibus potationi indulgent, facile assumpto cibo & potu sudores eliciunt.

Marcellus l. 1. de hist. med. mir. c. 2.

LII.

Supini decubitus, oculis sursum versis, detrimenta.

Supinus, qui fit oculis sursum versis, decubitus, mulca infert detrimenta & incommoda. Eo enim lumbi calefiunt, qui tamen ad calorem non sunt assueti, est quippe sub spinali medulla, vena & arteria magna, quæ facile inflammatur, unde totum corpus & maxime renes incalescunt, incalescit & ipsa medulla, omniaque membra mollia & exanguia quasi liquescunt, & ita totum corpus laxum redditur. Accedit, quod tali decubitu pulmo comprimatur & coctio, quæ in somno fieri debebat, quodammodo infringatur, excrementa præterea cerebri non possunt descendere ad suum emunctorium, ut ibidem evacuentur, sed ad nucham, nervos & artus procumbunt, interdum etiam ad guttur, gulam, os & pulmonem, magno valetudinis incommodo festinant, unde repletionibus capitis, apoplexiis, catarrhis suffocativis ansa præbetur. (a) Præter angustiam parit etiam turbulenta insomnia. (b)

a) Bicker. in Herm. redio. schol. ad c. 18 sect. 1. Hippoc. l. 2. de mor. musc. c. 4. Crato cons. 218. b) Plater. l. 2. de las. funct. p. 439.

LIII.

Legitima forma decubitus.

Ventriculus situs est in Epigastrio, nullis ossibus circumdato, ut facilius distendatur, & quidem statim sub diaphragmate in medio quasi corporis, spinæque incumbit: pars verò sinistra quæ major, & ad fundum rotundior in sinistro hypochondrio est, ut cedat epati, quod in dextro latere, atque ita in æquilibrio quasi sit corpus, dextram versus paulatim attenuatur, ut cibus sensim eò protrudatur. Ex quo fundamento scitur, dormituris conducere primùm SINISTRO lateri incumbere, usque ad coctionis absolutionem: deinde verò dextro, secus quam vulgo putant.

Bartolin. l. 1. instit. anat. c. 9.

LIV.

Aliorum de forma decubitus opinio.

Super latus DEXTRUM, brachiis & cruribus modicè contractis, magis hyeme, quam æstate, capite parùm elevato (ut caput altitudine par sit humero summo) dormiendum est, cum hac ratione cibus in ventriculo melius digeratur, exhalationes ad caput per orificium sinistrum minusevaporent & absolutâ chylicatione distributio nutrimenti ad intestina, & per consequens ad jecur, & alias quoque partes commodius absolvatur. Circa finem verò maximâ ex parte somno perfecto, non inconveniens erit sinistro latere, quod restat, absolvere, vicissitudine videlicet naturæ non ingrata.

Hor-

Horstius l. 1. de m. sanit. c. 9. Fuchs. l. 2. instit. sect. &c. 4. Quercet. l. 2. c. 10. diat. polib. Becker. de sanit. const. conf. p. 115. & 122. Parau in introd. chir. c. 16. Sennert. l. 3. pract. p. 131. b.

LV.

Vaporum è ventriculo in cerebrum, per œsophagum, membranas & nervos adscensus.

Quamvis non dubitemus, ex vaporum fumorumque è ventriculo ad cerebrum ascensione maximè dolorem excitari, videtur tamen jure posse dubitari, cum nulla manifesta via, per quam deferantur, appareat. Si enim per œsophagum, ut vulgus Medicorum credit, & ab œsophago per nares & odoratus organum & palatum ascendant, cur non semper & naribus apertis & ore patente potius illac exeunt? Quare existimamus, non è sinu ventriculi solùm, sed ex ipsius tunicis externis fumos quoque ad cerebrum efflari, & qui è sinu per œsophagum, præsertim per rectitudinem & ambitum nervorum sextæ conjugationis ad cerebrum perveniunt. Ea enim rectitudo eam vim habet, quam baculus oblongus in camino erectus, ut fumum sursum intra canalem dirigat, ne extra effundatur. Non aliâ ratione Torpedo, per baculum tacta tangenti manuum stuporem inducit, ejus vim dirigente & deducente baculo ad manum, ne per aërem divagetur, quam vim alioqui non habet, etiamsi manus quàm proximè admoveatur. Qui verò ex tunicis exterioribus, per arterias magis, quàm per venas, quæ in illa parte sunt (quæ à venâ portâ originem trahunt) sursum feruntur.

Forest. l. 9. schol. ad observ. 44.

LVI.

*Non tantum caput & Thorax, sed & ventriculus
& totum corpus per palatum va-
cuantur.*

Noverunt antiqui per palatum evacuari caput & thoracem, Sed quod & ventriculus & corpus totum per palatum evacuetur, non agnoverunt; non enim possumus caput per palatum evacuare, quin simul evacuemus ventriculum, quod fit ratione magni confortii, quod ventriculus habet cum toto palato, membrana enim gulæ connascitur cum membrana interna ventriculi, & cum ea, quæ vestit linguam & palatum, (a) Hinc bilioso humore & vapore è ventriculo elevato, lingua amarore & flavitie inquinatur, & sæpè oris ac linguæ exulcerationes ac vitia œsophago & ventriculo, horumque vitia illis communicantur. (b)

a) Fallop. de medic. purg. c. 20. b) Bauhin. rb. anat. l. 1. c. 46.

LVII.

*Musculorum omnium, maximè oculorum, vesicæ,
recti intestini, quando naturalis, quando ani-
malis motus.*

In omni musculo motus est duplex: unus naturalis & insitus, ubi fibræ naturâ in sese contrahuntur, quemadmodum chorda flectens arcum, illaque contractio fit secundum fibrarum continuationem, uti videmus chordam in testudine ab intensione laxatam, versus principium trahere: alter animalis, ubi fibræ contractæ advenientibus spiritibus animalibus pro im-
perio

perio voluntatis magis contrahuntur, quare cum musculus palpebrarum, quem Anatomici opponunt illi, qui cum musculis oculi superius rectus enatus, palpebram sursum attollit, fibras obtineat circulares, & omnis contractio fiat secundum continuitatem lineæ, sequitur quod musculus ille in sese versus centrum coeat, & oculum naturaliter claudat, uti videmus in somnolentis, in quibus oculi sine animadvertitione & sponte concidunt. Ubi verò oculus firmiter oclusus retinetur, ibi non tantum facultas naturalis agit, sed pro intentione spiritus animales adfluunt, fibræque magis incrassantur & contrahuntur. Patet hinc, cur in quiescentibus tempore somni oculus suâ sponte claudatur: item cur in quiescentibus & etiam non animadvertentibus nobis vesica & intestinum rectum per suos musculos clausa manet? Cur etiam in mortuorum corporibus urina vel etiam alvi excrementa non faciliè effluant post mortem, nisi forte vi expultricis, vel ob debilitatem retentricis ante mortem tale quid accidit.

Iac. Muller. diss. de motu anim. lib. 57. Horst. in consil. p. 534. & 546.

LVIII.

Ignis Elementaris, nil nisi pars est Aëris calidissima, δυναμει πῦρ.

Supremum Elementum, quod Ignis vulgò dicitur, Aëris pars est calidissima & tenuissima, Naturæ ignis proxima, ut quæ faciliè incendi possit, inq; ignem verti (quod apparet in meteoris ignitis) non distinctum ab Aëre Elementum, non actu ignis, aliàs enim luceret, illuminaret, arderet, combureret, ut noster ignis

diaconicus & servilis, materialisque, qui est ὑπερβολῇ seu excessus caloris & siccitatis, & quasi spiritus siccus, fumusque incensus & ardens in corpore combustibili. Suffragio nobis suo adest ipse Aristoteles, (a) Ignem peculiari nomine vocans ὑπέκαισμα, id est, quod ad incensionem & combustionem idoneum est, facileque potest succendi. Hoc autem πᾶσι partis aëris calidissimæ est & siccissimæ, quæ faciliè succendi potest. Idem disertè scribit, (b) hoc, quod aërem vocamus humidum & calidum esse, supremis partibus calidum & siccum & δυνάμει πῦρ, id est, extremum aëris ignis habere naturam & δύναμιν, & hoc esse ætheri proximum, Lunæque attingere orbem. Adde, quod locus syderibus & Lunæ vicinus vocatur suprema aëris regio. Igni autem tribuitur ille locus, Ergo Ignis revera est Aër, qui tamen propter consuetudinem Ignis appellatur, nec tamen est, quoniam scilicet suprema aëris regio faciliè succenditur, ideò Ignis appellationem sortiti. Ignis igitur, qui vulgò dicitur, Aër est, ad igneam naturam proximè accedens. Ex quibus apparet, Ignem ab Aëre distinctum non esse, & per consequens, nec peculiare Elementum, sed humani ingenii commentum. (c)

a. b) l. 1. Meteor c. 4. & 5. c) Goglen comment. in l. 2. Plin. c. 5.

LIX.

*Virtus Solaris, generandi, vivificandi, &c. à radiis
athereo spiritu vivifico pregnantibus, orta.*

Non immeritò quis miretur, cum Sol quotidie tantam radiorum vim, tam procul, tantà cum celeritate,
fine

sine ullâ intermissione ex sese effundat, unde ipsi sup-
peteret à larga materia, ad copiosissimâ & affuen-
tissimâ illius scaturiginis perennitatem possit. Alii
putant, radium Solis esse qualitatem & lucem aëri
impressam, & per aërem ad nos demissam, sicut alia-
rum rerum visibilium species lucis virtute per aërem
in oculos nostros se ingerunt, nec sunt partes de sub-
stantia corporum visibilium effluentes, sed species
inanes & evanidæ; alii his rectius statuunt, Radium
esse æthereum quendam, purum lucidumque spiri-
tum intra Solis corpus genitum, indeque emissum,
trium præstantissimarum maximæque necessariarum
rerum vehiculum esse videlicet lucis, caloris, & vivi-
ficæ cujusdam occultæque virtutis, hæc enim unâ cum
radiis diffunduntur in omnes mundi partes, quibus
cuncta generantur, nutriuntur, crescunt, appetunt,
sentiunt, moventur, id est, vegetantur & vivifican-
tur, seu ad generationem & vitam excitantur. Ca-
lorem enim qui est in Sole, non fovendi tantum &
vegetandi habere vim, sed virtutem etiam animandi
materiam elementarem, ut, quod prius vitâ carebat,
nunc vivere, id est, nutriri, crescere, generare, sen-
tire, moveri, appetereque incipiat, quotidianis ex-
perimentis habetur compertissimum, sic cadaver Tau-
ri in apum examina, Equi in crabronum agmina, &
Asini in scarabæorum catervam vivifico hoc spiritu
animatur.

Gogl. in comm. s. s. l. 2. Plin.

LX.

*Vis radiorum Solarium reflexione unita fortior est
quàm dispersa.*

Radii Solares quò proprius junguntur, eò plus habent roboris ad calefaciendum, longius verò distracti remissiores, hinc fit, ut Solis orientis vel occidentis, item per humiliorem Zodiaci partem incidentis radii sint imbecilliores, quoniam scilicet longissimè divelluntur radius incidens & reflexus, contra verò pluribus, ex diversis locis, radiis reflexis in uno concurrentibus puncto, tantus potest excitari calor, ut etiam ignescat. (a) Sic in speculis artificiosis & concavis, ob summam levitatem & tersorem, partiumque æqualem obfistentiam ita validè lumen unitur, & ex unione geminatur atque intenditur, ut corpora è longinquo speculis objecta incendant. Sicut Galenus (b) refert de Archimede, qui constitutis è regione speculis, lumen Solis usquè adeò in iis collegit, ut hostium triremes in portu Syracusano è regione positas incenderit. Et Zonaras (c) refert, Proclum Mathematicum suspensis speculis æneis, muro Constantinopolitano, ignem instar fulminis emisisse, in hostium classem. Nec alia ratio est, cur vites ad parietes confixæ, longè citius maturescant iis, quæ sunt in locis liberis ac patulis: nimirum Solis radii ad parietem validius reperiçssi & uniti fortiores calorem edunt. (d)

a) Gogl. l. e. p. 279. 282. 290. b) l. 3. de temp. e. 2. c) in vit. Anastas. d) Keckerm. curs. phil. disp. 3. coroll. 7.

Vide centur. 5. memor. part. 54.

LXI.

*Aegrotis lintea munda substerni non oportere,
vespillonum commentum.*

Receptum passim & consuetum est, ex morbo decumbentibus, ac ipsis etiam puerperis, mundorum lintheaminū usum interdicare, ac, si quando ob nimias fordes eadem mutanda sint, aut linea indusia, aut alia quæ in quotidianum cedunt usum, potius quàm ægrotis subministrentur, aliis noctem unam aut alteram substernere, tanquam mundities illa ægro corpori non satis conveniat. Commentum certè, quod vespillonum quorundam industriâ, aut sagæ alicujus veneficæ arte irrepsisse verisimile est. Quis enim qui vel tenuissimè Medicinam attigit, hujusmodi pronunciet, aut invehat? quis (nisi methodum omnem subversam velit) pronunciata jam, aut invec̃ta tueri audeat? Si enim puelli plorantes (a) quoties nec nutricis papilla ori indita, nec motu mediocri, neque vocis modulatione sedari queant, (videmus enim tria hæc nutricibus ipso usu edoctis inventa doloris infantium remedia) lectorum aut involucrorum, aut vestium alioqui ipsarum sordidiorum immutatione, non tantum leniantur ac quiescant, sed & in profundissimum ac suavissimum incidant somnum, quid tandem de vestibus aliorum sordibus infectis pronuntiabimus? cum enim natura nostra excrementa quædam à sincero fecernat, quæ modò per alvum, modò per vesicam, interim etiam insensibilis per universum corpus (est namque non tantum cutis nostra, sed & tota totius corporis nostri compages porosa

pro-

prorsus & meatibus plena) expurget, verisimile est, eandem iis semper esse intentam, ac ni morbidum sit corpus, semper aliquam moliri excretionem, quâ & inficere proximas vestes & odoris gratiam in pejus mutari contingit, quo alienius nihil ægrotantibus accidere potest. Qualis qualis autem tandem sit sudor, qui exudat, necessum est ut extraneæ alicujus qualitatis, quæ animales facultates offendat particeps sit, nam seu falsus, siue acidus, seu amarus, siue pallidus, siue expallido flavus sit, siue etiam virus quoddam oleat, concedendum est, tanquam excrementum à corpore rejici, atque ægrotantium nares eodem facillimè offendi. &c.

a) l. i. d. san. tuend. b) Bald. Rons. epist. 36.

LXII.

*An cygnus cantet, in primis tùm, cùm mortis
est vicinus.*

Verecundarer in controversiam trahere id, quod crediderunt homines tot seculis, usque adeò, ut proverbio celebretur cygnea cantio, Κύνειος ἀρμα (a) quodque adeò magni autores affirmarunt. (b) In quo denique omnes Poëtæ consonant.

Carmena jam moriens canit exequialia Cygnus,

Cantator Cygnus funeris ipse sui.

Sed interim sunt alii minimè negligendi autores, qui totum id, quod de Cygnorû ante mortem cantione creditur, inter nanias & fabulas numerant. Primus Plinius, qui tamen aliàs sic audit, tanquam ad fabulas proclivior, disertè scribit: (c) Olorum morte narratur flebilis cantio, falsis ut arbitror, aliquot experimentis. Et Ælianus, qui hanc cum Plinio communem

for-

sortem habet, quod à fabulis nonnunquam malè audiatur, planè scribit: (d) *ἰγὼ ἄδωμι κύκνῳ, ὅτε ἤκουσεν ἡμεῖς δὲ ἰδὲ ἄλλοις*. Cygnum non jam audiui canere, fortassis neque alius. Post veteres I. Bodinus Cygneæ cantioni penitus contradidit: Fama, inquit, (e) vetus est, olores morituros suaviter canere, id quod omnes non modo Poëtæ, ac pictores inde usque ab Æschilo, sed etiam principes Philosophorum testantur: illud tamen Plinius (f) primùm, deinde Athenæus (g) fabulosum esse experienciâ diuturnâ tradiderunt, idque compertum habemus. Sed & acutissimus Scaliger Cardano dicam dicit, ob defensam Cygneam cantionem. De Cygni, inquit (h) cantu suavissimo, quem cum mendaciorum parente Græcia, jactare ausus es, ad Luciani tribunal, apud quem aliquid novi dicas, statuo.

Quid igitur facti opus? an capite censendi fuerint tot, tanti, tamque vetusti autores? an communis hominum deferenda sententia? equidem, si quid in hac causâ mea valeat sententiâ, judicarem componendam esse litem, ut dicamus, eos authores, qui de cygneâ cantione testantur, nec de omnibus promiscuè cygnis loqui, nec id velle quasi cantent in omni loco. Quam sane conciliationem nostram non esse alienam, si spero fatebuntur, qui Aristotelis textum (i) nobiscum consideratiùs perpendent. Nam primò non de promiscuo cygnorum vulgo loquitur, sed de generosioribus iis, nempe qui lacesciti, pugnam sic aduuncum Aquila, ut victores evadant. *οἱ κύκνοι* inquit *ὑβριστοὶ καὶ ὑνέθης καὶ εὐπύκνοι & εὐγρηνοί*. En sex requisita cygnorum qui ante mortem cantant, quæ sanè istis vulgatis non per omnia possunt arrôgari. Post

& hoc indigitat philosoph⁹, non omni loco, nec semper canere cygnos, non captos, non cicuratos, non in hominum consortio invitè degentes, nam alioqui oscines etiam parvos aviculos a cantu cessare scimus, ubi sese captos inclusosque sentiunt, ut nostri vulgati, sed feros quodammodo & magis silvestres, ac liberos, suoque genio viventes ac volantes super vastissima maria; volant, inquit, in pelagus longius: jam quidam cum mari Africo navigarent, multos canentes voce flebili & mori nonnullos conspexerunt. En sensum, en observationem & experientiam. Ælianus dicebat, (k) cygnos canentes, nec se audivisse, nec forsan alios, sed Ælianus fortè ista loca non adiit ubi cygni cantant, nec eos consuluit, qui audiverunt: Dicit, nec alios audivisse, audiet ex Aristotele, fuisse multos, qui audiverunt: Bodinus dicit (l) comperit esse, quod non canant cygni, sed huic opponimus Aristotelem, in quem tot auri myriadas impendit Alexander, & ad quem iussit accedere plurimos quosque ex Europà, Asia & Africâ venatores, aucupes & alios animalium naturæ eximiè peritos: is inquam, palàm testatur, fuisse suo tempore, qui affirmarunt, sese audivisse, quàm in re non putarem, temerè aliquid scripisse Aristotelem, qui libros istos suos, de Animal. Alexandro summo Monarchæ legendos dederat. Neque verò dicit Aristoteles, Cygnos nunquam canere, nisi morti vicinos, sicut quidam vulgò credi & dici solet, sed disertè scribit, *οὐδὲν ἐστὶν*, esse genus avium, quod canere soleat, etiam aliàs, cum sunt extra mortis periculum. Canere, inquit, soliti sunt, & præcipuè jam morituri. Item, etiam quidam cum in mari Africæ navigarent, multos cygnos canentes vo-

ce

ce flebili, & mori nonnullos conspexerunt : nonnullos inquit, quasi dicat, non omnes mortuos esse, qui canerent. Jam, si quis causam quærat.

Cur Cygni maximè cantillent ante mortem?
responderim, ita fieri quia naturæ is est extremus, ita & validus & operosus conatus, ut cor cygni & spiritus ac sanguis vehementius commoveatur. Ubi autem cor & spiritus concitantur validiùs, ibi & vocem necesse est contentiorem esse, id quod in hominibus licet animadvertere morti propinquis. m)

a) *Erasm. in adag. p. 196. b. i) Arist. l. 9. de hist. anim. c. 12. Plato in phad. c. f) l. 10. e. 23. d. k) l. 1. var. hist. cap. 14. e. l) in meth. hist. e. 14. Gogl. de vit. pror. p. 405. g) l. 9. e. 16. dispno soph. h) de subtil. ex e. 232. m) Kecker. curs. phil. disp. 18. probl. 11.*

LXIII.

*Phasianorum caro Magnatibus grata, rusti-
cis non item, forum ornamen-
tum naturale.*

Phasianos nemo dictos ignorat à Phaside Colchidos urbe, cui nomen à fluvio, qui de monte Garamante fluit. (a)

*Argivâ primùm sum transportata carinâ,
ante mihi notum nil nisi Phasis erat. (b)*

Quò arma Romanorum penetrare non potuerunt, eò luxuria perrupit. Cum stomacho notat id Manilius. (c)

*--- in luxum jam ventri longius itur,
quam modò militia, Numidarum passimur oris
Phasidos & damnis : arcessitur inde macellum
Unde aurata novo convecta est agnore pellis.*

Avis

Avis nobilissima, nunc Germanis quoque nota, Regum tantum & Magnatum mensas exornans atque opulentans. (d) Mares feminis excellentiores, gustuque suaviores sunt. (e) Et sanè temperiem omnium qualitatum moderatione concinnam obtinent, minimùm excrementitii sunt: unde non tantùm palato præ cæteris sapiunt, sed etiam valetudini plurimùm conducunt. Nam facilè concoquuntur & concoctricem facultatem ac debilem ventriculum roborant, alimentum optimum nec paucum præstant. Hæcticis & ex morbo convalescentibus vires restituunt, extenuatos & macilentos brevi spacio reficiunt. Denique nullà nexâ infames sunt, nisi quod rusticos asthmaticos sive anhelosos reddere credantur: quorum bonum factum, ut eos nobilioribus & lautioribus relinquunt. (f) De Phasianis ita Gyb. Longolius: Profectò nunquam ego credidissem, Naturam rerum parentem eam pulchritudinem excogitare potuisse. Neque mihi admiratione dignus posthac Solon est, quem de Græciæ Sapientibus maximum fuisse ad Regem Cræsum, in regali solio diademate & purpura auroque superbum, interrogantemque nunquid speciosius quidquam spectasset, dixisse ferunt, phasianos & pavones venustiores sibi videri: quoniam naturali ornamento decoratz, non asciticio fuce spectabiles essent. (g)

a. f) *P. Castellan. de usu carn. libr. 4. cap. 10.* b) *Martial. lib. 13. epigr. 72.* c) *l. 5. Astron.* d) *Gogl. de vit. prorr. pag. 384.* e) *Athen. l. 14. cap. 20.* g) *Gessn. lib. 3. de avib. p. 662.*

LXIV.

Ciconiarum admiranda natura, bonitas & præstantia.

Mirabilis omnino & solertis ingenii Ciconiæ sunt, siue injuria cavenda, siue gratitudinis aliquod edendum signum fuerit. Nam & hoc accidisse fertur. Cùm quidam Ciconiæ crus lapide confregisset, eaque in nidum, ut poterat, se reciperet, à mulieribus, quæ claudicantem viderant, restituta est, & cùm cæteris avolavit. Sequentis deinde anni vere, cùm ad eundem locum rediisset (agnoscebatur autem ex claudicationis signo) & mulieres conspectu sui, ceu quæ libenter apud ipsas diverteret, exhilarasset, mox è rostro oblongo egregiam & preciosam gemmam ad pedes mulierum evomuit, quod quidem illæ gratitudinis ergò fieri intellexerunt. (a)

Huic planè similis historia est, quam doctissimus vir Justinus Goblerus] Ctus ad nos perscripsit his verbis: Præter pietatis erga parentes laudem, quam ciconiis & Natura & Historia ab antiquo tribuit, etiam re ipsa compertum est, hospitalitatis officium vicemque Ciconias agnoscere beneficio suo & compensare. Contigit enim non procul à patriâ meâ (Sancto Goarinum appellant) in civitate quondam Imperii libera Wefalia superiore, quod sæpè audiavi avos & majores meos mihi commemorare, ut Ciconia nidum in cujusdam civis tecto haberet, in quo per multos annos ova ex more excluderet & pullos nutricaret. Tanto autem tempore eadem avis benigni hospitis clementiam experta, ut quæ à nemi-

ne domesticorum (pio patrefamilias ita cavente) infestaretur, quotannis suo tempore avolare & redire, eundemque nidum repetere solebat. Habuit autem in more præter cæteras sui generis aves hæc bestia sive hospitis frugi modestiâ & humanitate ducta, sive commoditate loci ædiumque, sive, (quod verisimilius est, natura ad hoc ipsum invitante, ut bis, nimirum sub veris & autumnî tempus, pridie ferè antequam avolaret, & postridie cum rediret, circa limen ac porticum domûs hospitis sui volitaret, & stridenti rostro præsentem velut indicaret, semper lætabundo ac ceu applaudente gestu voceque à patrefamilias accepta ac rursus demissa. Hæc cum jam multis annis inter avem & hospitem consuetudo fuisset, tandem aliquando ex more sub autumnum avolatura ante ad porticum domus obstrepero impetu fertur, ac crepitanti rostro ceu hospiti valedictura insolentius aliquanto gestire visa est, cui benè precatus herus amico ore avem quasi alloquens, jubet ut salva & incolumis redeat. Sub verè igitur postmodum reversa eximore hospitem in foribus ædium rostri crepitu salutat, ac mox ante pedes viri, radicem magnâ recentis Zingiberis è gutture exereas tanquam gratulabunda collocat, rostro ut plurimum obstrepero, in symbolum hospitalitatis. Admiratus hospes, peregrinum & informe quodammodo munus accipit, vicinisque videndum præbet, certò cognoscentibus gustando, veram ac viridem esse Zingiberis radicem. Et quandoquidem hætenus apud multos fuerit dubium & quodammodo incompertum, quonam è loco veniant, aut quò se referant Ciconiæ, vel ex hoc facto constabit, calidas eas terras & ultra-marinas, ubi Zingiber

ber hodiè nasci dicitur, cum à nobis avolant, petere. (b)

a) Oppiani paraphr. in Ixent. b) Gesneri l. 3. de avib. p. 256.

LXV.

Ficedula quibus usui, quibus non.

Ficedulae (Korvogel / Mûnchlein / (a) Frischling Goldsûnck (b) Gessnero) calidae sunt atque humida, primo gradu, praesertim obesa, gratissimi saporis, atque inprimis delicati. Celeriter atque optimè nutriunt, appetitum excitant, ventriculum roborant, nec eum unquam gravant, quamvis magnà copiâ, etiam centena comedantur: cor recreant, animum exhilarant, ac totum diem jucundus peraget, qui magno numero Ficedulas esitarit. Sanguis enim ex iis sincerus ac defaecatus & spiritus puri ac clari generatur. Febricitantibus tamèn minimè conveniunt: ut neque rusticis, quibus tabem conciliant, ut Itali praedicant, qui illa nobilium duntaxat mensarum fercula oportere esse contendunt. (c)

b) l. 3. de avib. p. 370. c) Gellius l. 15. c. 8. Castellan. l. 4. de usu carn. c. 16.

LXVI.

Pavonum caro non putrescit, mirum.

Quis nisi Deus Creator omnium dedit carni pavonis mortui, ne putresceret? quod cum auditu incredibile videretur, evenit, ut apud Carthaginem nobis cocta apponeretur hæc avis. De cujus pectore pulparum quantum visum est decerptum, servare iussimus. Quod post dierum tantum spaciam, quantò alia caro quaecunque cocta putresceret, prolatum atque obla-

tum, nihil nostrum offendit olfactum. Itemque repositum post dies ampliusquā triginta, idem quod erat inventū est; Idemq; post annū, nisi quod aliquantūm corpulentia siccoris & contractioris fuerit. (a) Eadē confirmat Ulysses Aldrovandus, diligentissimus harum rerum indagator, qui narrat, ab Antonio Gigante, Poeta, frustum carnis pavoninae, sibi donatum Anno 1598. quæ cocta fuerat, Anno 1592. atque adeo sex annos incorrupta permanerat. Verūm, multis atque exiguis foraminibus instar cribri pervia erat, ex quibus, si leviter quateretur, pulvis excidebat, qualis resolvitur ex arboribus cariosis: qui putredinis quidem soboles dici potuisset, nisi sapore salsus fuisset & amarus, atq; odoris gratiam retinisset, quā proximē ad fœniculum accedebat. (b)

a) *Augustin. de civit. Dei* l. 21. c. 4. & 7. b) *Castell. l. 6. c. 9. Gessn. l. 6. p. 656.*

LXVII.

Avium, ut Psittaci, corvi, pica, garrulitas mira & qualis.

Aves plus quam vocem emittunt, nam etiam loqui dicuntur & verè: hoc autem cum hominibus commune habent, quorum verè sermo proprius est: loquuntur Psittaci, corvi, pici, varii, picæ. Picarum certè genus loquacissimum est: pica à nobis educata, avolavit tandem, atque reliquæ ad ejus imitationem verba referebant. Apud Sigismundum Principem in Croatia Picam, quæ loquacitate suâ omnes obtunderet, vidimus, & quod rarum est, ea tota alba erat, cui cum Valentianus, Patruelis meus, laridū frustulum obtulisset, concidit Pica. Quo casu motus

Bene-

Benedictus Pater, mihi tanquam ejus rei Autori plagas minatus est, tandem opera Isaaci Judæi, qui in nostrâ erat clientelâ, vino & succo herbarum quarundam in os injectis pristinae sanitati restituta, probè omnium nostrûm nomina enunciabat.

Benedicto Patri ab Equite datus Corvus, ita probè omnia proferebat, ut hominem loqui credes. Is postea Ostronizâ patruo missus, brevi tempore Hungaricum personabat, ut omnes in admiratione traheret.

Scalig. in comment. in Arist. lib. 4. Histor. de animal. text. 277.

LXVIII.

*Luscinia Erymon, avium quoad cantum
præstantissima.*

Luscinia Græcis ἀνθών dicitur, ut Grammaticis placet, ὡς τὸ αἰ ἀδεν, quòd sine intermissione ferè, cum cœpit, canat. (a) Dedit hæc Augurium Stesichori Poëtæ, carminis suavitate, in cujus infantis ore cecinit. De qua legens Plinium, ita lætaberis, ut non Plinium, sed Lusciniam ipsam in Luscinia descriptione te audire existimes. (b) Ita autem scribit: Dignissima Luscinia miratu avis, cujus in tam parvo corpusculo tanta vox tamque pertinax tam parvulis in faucibus spiritus, ut in unâ perfectâ Musicæ scientiâ modulatus edatur sonus; qui nunc continuò spiritu trahitur in longum, nunc variatur inflexo, nunc distinguitur concilo, copulatur intorto, promittitur revocato, infuscatur ex inopinato; interdum & secum ipse murmurat, plenus, gravis, acutus; creber, extensus, ubi visum, vibrans, summus, medius, imus: breviterque omnia tam parvulis

lis in faucibus, quæ tot exquisitis tibiæ tormentis
 ars hominum excogitavit, ut non sit dubium, hanc
 suavitatem præmonstratam efficaci auspicio, cum in
 ore Stesichori cecinit infantis. Ac ne quis dubitet artis
 esse, plures singulis sunt cantus, nec iidem omnibus,
 sed sui cuique. Certant inter se, palamque animosa
 contentio est. Victa sæpè mortem vitâ finit, spiritu
 prius deficiente quàm cantu. Meditantur aliæ junio-
 res, versusque, quos imitentur, accipiunt. Audit
 discipula intentione magnâ, & reddit vicibus can-
 tum. Intelligitur emendatæ correctio, & in docente
 quædam reprehensio. Ergò servorum illis præcia sunt
 & quidem ampliora, quàm quibus armigeri olim pa-
 rabantur. Scio candidam sestertiis sex (150. coro-
 natis) alioquin, quod est propè inusitatum, veniisse,
 quæ Agrippinæ Claudii Cæsaris conjugii dono da-
 retur. (c) Memorabile quoque est & admirabile, de
 Lusciniiis duabus hominum sermones imitatis, Ratis-
 bonæ in Comitibus Anno 1546. de quibus vir quidam
 doctus & fide dignus ad Gessnerum ita scripsit: Ego
 profectò nunquam Plinio nostro credidissem, multa
 adeò miranda de avicula hac scribenti, nisi ipse has
 bestiolas talia promentes & oculis vidissem & auri-
 bus hisce audivissem. (d) Placet huc reponere, in gra-
 tiam lectoris Carmen T. Vespasiani Strozæ in Philo-
 melam: (e)

*Æmula divini suavissima carminis ales,
 qua virides umbras & loca sacra tenes.*

*Mollibus & variis quæ tot discrimina votum
 flexibus, humanâ dulciæ arte refers,*

*Munero pro tali, tibi quid Philomela rependam?
 præmia quæ tanto digna labore puen?*

Dum

Dum vagus huc illuc hortis genialibus erro,
 miror & artificis culta vireta manu.
 Hospitiis officio tu protinus usa benigni.
 fingis in adventu carmina mille meo.
 Nec procul hinc densis canis abdita frondibus, alta
 Illeis in ramo, populeisq; comis.
 Verum hic juniperi infides mihi proxima trunco,
 Non immutabilibus me venerata modis.
 Et licet hac prastem tibi tam vicinus in umbrâ
 deq; tuâ suavi garrulitate loquar;
 Nil tamen ipsa times, nec gutturus ista canori
 Sedulitas ideo dulce remittit opus,
 Grata sed in longum luso resonante querelâ
 ducitur arguis continuata modis.
 Nos verò tali quoniam dignaris honore,
 dicimus in laudes has tibi pauca tuas,
 Humanas avium qua mulcent cantibus aures,
 cedere carminibus carmina cuncta tuis.
 Vive diu, similiq; tui generata propago,
 finiat extremum non nisi sera diem.
 De Luscinia quoque Autor philomelæ sic canit,
 quod carmen, etsi omnino negligendum non sit, Ovi-
 dium tamen non refert. (f)
 Scribere me voces avium Philomela coegit,
 qua cantu cunctas exuperat volucres.
 Dulcis amica veni, noctis solatia prastans,
 Inter aves etenim nulla tibi similis.
 Tu Philomela potes rerum discrimina mille,
 mille poses varios ipsa referre modos.
 Nam quamvis alia volucres modulamine tentent.
 nulla potest modulâs aequivalere tuis.

*Insuper est avium spatium garrere diurnis.
tu cantare simul nocte dieq, potes.*

a. d) *Gesn. l. 3. de avib. p. 369. 371.* b. f) *Erythraus in india. l'irg. p. 205. b.* c) *l. 10. c. 28.* e) *l. 6. erotic.*

LXIX.

*Pici ad arbores à vermiculis perpurgandas
nati.*

Pici, quod arbores rostro feriunt; à Græcis *δρυόκο-
λαπται* dicuntur: feriunt autem ut vermiculos, cos-
fos, formicas ac similes arborum pestes, inter corti-
cem & alburnum latentes rostri resonantis validissi-
mis ictibus exire cogant, aut molliori cortice rupto
detrahant: omnes etiam in cavis arborum nidificāt.
Etenim genus illud avium ad arbores perpurgandas
natum videtur.

Bodn. l. 3. theat. p. 367.

LXX.

*Vitulus, Anser & Apes etiam post mortem, totius
orbis Imperatores.*

Res profectò mirifica & ostento similis, Vitulum,
Anserem, Apim, animalia & quidem mortua toti
orbi imperare. Vitulus etenim membranam; Anser,
calamos, quibus ista conscribitur; Apis ceram præ-
bet ad obfignandum literas. His tribus fas nefas,
divina humana gerunt, ac geruntur omnia atque
consistunt. Quæ cum ita sint, non mirabor posthac
Ranam Mecænatis omnibus in Hetturia formidabi-
lem fuisse, habuit autem istam Ranam in annulo sig-
natorio sculptam: neque mirabor Sphingem Augu-
sti, ensiferum Leonem Pompei; & Seleuci anchoram
omni-

omnibus Romanis formidabilem fuisse, id est, ipsos
timuisse litteras his animalium signis obsignatas.

Plin. l. 37. c. 1. Haidfeld. sphing. phil. c. 9.

LXXI.

Hirundinum esus, hyberna, pastus.

Cum Hirundines hominum alimentis omnino in-
utiles sint, nec cibum hyeme reperire, nec avium ra-
paciū cibo inservire possunt, (omnes etenim incre-
dibili celeritate prætervolant) post æstatis ac musca-
rum interitum (sine his enim vivere (a) non possunt)
officio, quod illis à Conditore præscriptum erat, per-
functæ, ne post Æquinoctium autumnale, spiranti-
bus Coris, qui Sole Scorpionem subeunte flare inci-
piunt, ab imbribus frigidis intereant (id enim certissi-
mâ experiētiâ cognitum est, nec ulla vivens reper-
ta) ad oras maritimas gregatim feruntur, ac totos sex
menses, sub altissimis rupibus ac promontoriis, mari
imminentibus delitescunt, mutuis complexibus &
saxis cohærentes, quoad Æquinoctio verno Aviarii
venti flare cœperint, ut patriam quæque suam ac do-
mos avitas repetant. Maris etenim Baltici Aquilo-
naris alios piscatores & accolæ, qui cum succinum
sub rupibus legerent, Hirundinum cumulos de-
prehenderunt. (b) An ea loca ab æstu maris tepe-
scunt tempestatibus maris, assiduè ventis agitati,
nunc Africis, nunc Australibus, non rarò incale-
scentia? An antra, hybernantiumq; hybernacula
calent, exteriori frigore calorem undiquaque intro
ad terræ intima pellente? (c) Fuere, nonnulli, qui
renuntiârunt, Hirundines fundum ipsum maris pe-
tere atque illic obdormire: sed per naturam fieri nul-

lo modo potest, cum Hirundini pulmones insint, & aquis immersæ omninò pereant: quin etiam Glires sopore sepulti, si in aquam mergantur, repentinè exiliunt. Non defuerunt etiam, qui Hirundines omnes in mari perire arbitrarentur, & ex earum cadaveribus in littus ejectis alias renasci: quod quia quotiànis accideret, latere posset neminem: præterea quò fieri posset, ut majorum domos ac nidos tot peragratis regionibus repeterent, si in littoribus nascerentur? aut cur ovis exclusis genus propagarent? (d)

a) Scalig. exerc. 250. part. 3. b. d) Bodin. l. 3. th. natur. p. 364. 365. c) Ruland. l. 2. probl. 244.

LXXII.

Hirundo Epilepsia resistit; nunquam mansuescit.

Hirundinis caro vi quadam occultâ Epilepsia resistit. (a) cibo aliàs nec utilis, nec unquam capta mitescit, sed indomitâ feritate fame perit, priusquam cibari se patiatur, tametsi hominum societate mirificè delectatur. (b)

a) Forest. l. 10. obs. 61. b) Scalig. com. in text. 19. Arist. l. 1. hist. de anim. Bodin. l. 3. p. 366.

LXXIII.

Hirundo cur omnium proximè & longissimè à terris subvolet.

Proximè quidem à terris subvolet, ut muscas impellens venari possit, neque enim aliter pascitur quàm volando: altissimè verò ac interdum ad nubes usque evehitur, non modo ad oblectationem, sed ad refrigerationem, in æstatis ardoribus ab aëre terrestri & calente ad mediam aëris regionem frigentem se recipit: atque etiam ut pullos ad volatum assuefaciat.

ciat: nam ut in altis Oceani gurgitibus facilius natatur quam in littore, sic in aëre medio, denso, nubiloso, altissimo, facilius quam in infimâ regione volatur.

Bodin. l. c. p. 364. Ruland. l. c. probl. 242.

LXXIV.

Prandiolum Erasmiannum.

Erasmus à Fausto Andreliano per ministrum convivæ accersitus: accedam, inquit, hac conditione, si nullos herus tuus præter formicas ac muscas sumptus fecerit. Puer hero suo Erasmus venturum renunciat, sed ut præter formicas ac muscas nihil apponat. Hic Faustus lepidi & festivi ingenii facetiâ subodoratus, pro formicis Cuniculos, pro muscis minutas volucres apparari iussit.

Forest. l. 10. observ. 104.

LXXV.

Qui sibi adversum tempestatem consulant

Pisces.

Marini Pisces plurimi, ubi primùm imminentem tempestatem sentiunt, saburrant sese, ne temerè ad tempestatis arbitrium huc illuc jactentur. Alii rupium cavernis ad exactam usque maris sævitiam se abdunt.

LXXVI.

Piscis averso flumine nat; Grus averso vento volat; Cervus adverso flatu fertur; cur.

Pisces adverso flumine adnant, eâ de causâ & industriâ, ne scilicet undarum, fluctuumque impetu squa-

squamas sibi sublatas dejiciat, ac branchias aqua impleat, unde nandi difficultas major & respirationis interceptio. Quo eodem consilio Grues volant adversus ventos, quos alioqui si secundos haberent, disjectis dispersisq; pennis volandi impotentes redderentur. (a) Sed Cervus quare adverso & non secundo fertur flatu? an quia ventorum refrigerio delectatur? an ut sui odorem vestigiaq; feris atque canibus sagacissimis eripiat. (b)

a) *Parvus de hom. & animal. præstant. p. 44.* b) *Ruland. l. 2. probl. 236.*

LXXVII.

Quòd pisces respirent, casu inventum.

Quòd pisces aërem inspirent, nos hyeme quodam præterito, experimento quodam, casu didicimus. Cum enim stagni quidam ex diuturno frigore summoque, crassissimâ glacie obducti diu permansissent, liquata glacie pisces omnes præsertim majores mortui deprehensi sunt: etsi enim pisces, utpote, qui maximè frigidi, & exangues sint, per determinatum tempus paucâ aëris inspiratione indigentes, sub glacie densissimâ præsertim fluente, degere possint, præcipueque minores, nihilominus per longum tempus, in aquâ stagnante haud vivere possunt, sed suffocati intereunt. Exprohibitâ autem aëris inspiratione, & non ex frigore excedente, præmemoratos pisces peremptos esse, rei eventus indicavit. Cum enim Mantuana tellus, ob varias Padi inundationes, pluribus stagnis diversis in locis abundet, ex quorum nonnullis, non modicos piscium proventus Domini percipiunt, Piscatores quidam labori minimè par-

cen-

centes, primis diebus de frangenda glacie cogitarunt, atque rem securibus, ferreisque aliis instrumentis aggressi, plura foramina diversis in locis aperuerunt, mirum certè dictu, vidisses maximas piscium turmas accurrentium, maximo cum strepitu, eò statim confluere, qui aëris desiderio tracti ora extra aquam extollebant, illi ita inhiantes, ut nullo ferè cum negocio, maximam eorum copiam piscatores caperent.

Marcell. de med. histor. mir. l. 2. c. 6.

LXXVIII

Pisces in Aere vivere (dix) nequeunt.

Quare pedestria in Aqua, pisces in aëre vivere nequeunt? an quia similia similibus conservantur, contraria contrariis corrumpuntur? requirunt igitur animantia Elementum, in quo vivant & conserventur, suæ naturæ simile. Pedestrium autem humidum, in quo vita consistit, temperamento est aëreum magis, piscium magis aqueum. Aër pedestrium; aqua piscium temperamento similis est. Aër nostro, aqua piscium calori & spiritui cognata est: pedestrium enim spiritus sunt aërei & tennes, piscium sunt aquei & crassi. Non immerito igitur Natura illis Aerem, his Aquam habitandam dedit. (a) Pisces autem aqua extractos, in aëreque positos nihilominus respirare videmus; quod si verò diutius non vivunt, quod extra proprium locum sint, in ambiente, illis minimè proportionem respondente, est causa. (b)

a) *Raignd. l. 1. probl. 281.* b) *Marcell. l. c.*

LXXIX.

*Muscarum in animalibus quibusdam,
flagellum.*

Panniculi carnosissimi in collo interventu, Bruta muscas abigunt. Sic Elephantem cutis coruscatione, muscas interficere assertunt. Sic Equi ex hujus motu, Equitem minus exercitatum, dejiciunt.

Bauhin. l. 1. theat. anat. c. 5.

LXXX.

*Cauta cerva, sed minus quam Cervus aut
Lepus.*

Cauta Cerva, quæ secundum semitam parit, quam scit à feris devitari, propter hominum frequentationem; ne illam fatuissimam, quæ si id scit, hoc quoque non nōrit, homine tetriorem belluam nullam esse. Quare mirum, Cervam feras vitare, & hominis vestigia non perhorrescere; jamque visas in venatum ajunt urgentibus canibus, ultrò ad hominem confugere, quasi salutem aut veniam petens.

Cautus Cervus, qui ubi pinguedine distentus est, latet, ineptus enim ad fugam: cautus qui amissis cornibus non comparet, inutilis factus ad defensionem, & conscius amissi præsidii.

Cautus Lepus, qui decurso spacio, retrospicit, lassus clunibus solis demissis confidit, ut capite erecto hostem speculetur, idem sentes, sarmenta quæ prope semitam porrecta, prærodit, eousque, quoad iter cursuro laxius fiat, sublato impedimento.

Sealsg. in com. in text. 23. Arist. l. 1. hist. de animal. & text. 130. l. 2.

LXXXI.

LXXXI.

Plante Zephyro, cur canes aberrare contingit.

Plantibus Zephyris, id est ventis è directo occidentalibus, difficilem & minus secundam venationem habent venatores, & canes à feris frequenter aberrant, propterea, quod hi venti, suâ tum humiditate, tum etiam continuo & terris admodum vicino flatu ac rem ita densant & confundunt, ut ferarum odorem, quo penè solo ad insequendum ducuntur canes, nec satis idoneè in se recipiant, nec etiam diu integrum servant.

Aristot. probl. sect. 26. q. 24. Ruland. l. 2. probl. l. 193. Keckerm. curs. phil. disp. 7. coroll. 8.

LXXXII.

Bufonius lapis, ex Rubetâ à formicis devorata, veneni antidotum.

Rubetas senio ac veneno, quod à terris undique contraxerunt, graves ac pingues, formicarum exercitus avidissime sugit, nec quicquam reliquum facie præter ossa, & Bufonium lapidem, cujus etiam ea vis est, ut omne virus eluat accuret, ita fit, ut animal illud quod omnium impurissimum judicamus, (ejus etenim caro exitialis est, & solo halitu necare potest) non modo vivens ab ipsis terris venenum auferat: verum etiam moriens veneni Amuletum nobis reliquat, & jucundissimum formicis præbeat alimentum.

Bodin. l. 3. th. nat. p. 312. & 338. vide centur. 4. mem. part. 31.

LXXXIII.

Seres vermiculi unde nutriantur, & eorum miranda metamorphosis.

Ver-

Vermiculi, qui *σῆγες* Græcis, Latinis Bombyces, ac Seres nominantur, Moti foliis quadraginta ferè diebus à Vergiliarum exortu, usque ad Solstitium pasti, sericeum vellus, quò turget uterus, pedibus explicantes conficiunt: nulla enim in realia Natura sagacior deprehenditur, nec ars aliquid ab iis accepisse videbitur, in quo ingeniosius laboraverit, si tam multas, dum id vellus perficitur, naturæ mutationes & artis, dum ad vitæ usum disponitur, labores æstimemus. Appetente siquidem vere, ova, piscium ovishaud dissimilia linteolo, chartæve adhærescētia, quæ proximo autumno produxerunt, radiis Solis exponuntur, aut calido in loco, hypocausto nimirum, servantur. Quo fit, ut vermiculi excludantur exigui, qui mox mori foliis nutriuntur, quoad grandiores facti fuerint; tum, statim penulæ cuique chartaceæ, vel potius involucra conficiuntur, quibus inclusi, mirabili naturæ opere transitioni sese involvunt, ac congesto glomeri se condentes, postquam suum nendi obierunt munus, emoriuntur, adeò ut semestris tantum illis apud nos vita sit. Mortuis testacea subinde tunica inducitur, quâ aliquot diebus obducti, reviviscunt, ac ascitis sibi alis involucres papiliones degenerant, qui assiduè invicem insidentes, coeūtesque, tandem relictis ovis, milii formâ & colore, quibus rediviva proles sequente anno renascitur, iterum moriuntur, atque adeò, cum nullius pretereà sint usus, abjiciuntur. Ova autem ad veris usque initia servantur. Hanc mirificam metamorphosin non rarò summâ cum admiratione ac delectatione sum admiratus.

Eusf. plant. hister. c. 199. vide Libav. l. 2. singul. p. 366.

& seqq. Scalig. comment. in text. 217. l. 5. Arist. hist. de
anim.

LXXXIV.

Ignis in Silice unde.

Ignis qui è silice elicitur, generatur attritu, & potentia tantum inest in silice, ut rectè Poëta dixerit:

— semina flamma

abstrusa in venis silicis —

è silice autem excussus ignis deorsum fertur, tum quia particulis silicis, quæ deorsum tendunt, inhareret, tum verò quia ad suum pabulum, fomitem videlicet, per naturam rapitur, ut flamma lychni superioris ad libum fumigans lychni inferiori loco constituti. (b)

a) Virgil. l. 6. Æneid. b) Keckerm. diss. 4. curs. phil. soroll. 2. & 6.

LXXXV.

*Sub lunâ dormientes cur capitis gravitatem incur-
runt; & cur vites noctu potissimum augean-
tur, lilia & rose dehiscant.*

Quare vigilantes in lumine Lunæ etiam diu immorantes nihil prorsus offenduntur, in ipso dormientes verò, gravedine capitis catarrhisque tentantur? An Luna dormientium capita vaporibus obusta, humentia, irradiatione madente & tepente plethoricis causis replet? an vigilantium capita calent sicciora, ideoque minus disposita ad recipiendos ictus Lunares? an radiis Lunaribus, cerebri dormientium humiditates liquantur, cienturque, quæ in capite coercitæ calido nativo, minus ad extra actuosæ, catarrhos progenerant, vigilantium calore dissipabi-

H h

les?

les? an ut τῇ ἀεὶ ἀεὶ aquæ è sublimi cadentis, super aliquam corporis partem, locus obstruitur potius, quam rarefit: ita radios lunares ex humiditate ponderosos, ictus instar ferri in caput dormientium ante obstructum contingit, gravitate inductâ, ob transpirationem prohibitam vigilantibus vegetam? (a) Iis autem præsertim, qui aperto ad Lunæ lumen capite dormiunt, capitis dolores & morbos ciet, propterea quia Luna cum suo lumine humores in corpore & capite, tum augeat, tum ciet, & commoveret: commotos deinde ac augescentes, ob luminis & caloris imbecillitatem absumere nequit. Quæ causa etiam est, cur flores & herbæ, in primis autem vites, interdum quidem alantur attracto humore, noctu autem potissimum augeantur & crescant; & quod lilia ac rosæ, noctu tantum dehiscant, & calices suos aperiant. (b)

a) Ruland. l. 2. probl. 292. b) Kecker. l. 6. diffnt. 3. coroll. 11.

LXXXVI.

Semen potius, quàm truncati trunci natura degenerat.

Ex seminibus nec Ficus, nec Pyrus, nec Vitis, nec olea provenit, sed caprificus, pyrafter, Vitis sylvestris, oleaster: quod fieri videtur non aliâ de causa, quàm quod truncus majorem vim habet, quàm semen, & ab arboris specie propius abest, nec tanta mutatio est à trunco ad arborem, quanta est à semine.

Bedin. th. nat. l. 3. p. 276.

LXXXVII.

Planta extra solum viventia.

Cœpe & Allium post multos menses è terrâ separata,

ta, sine ullo terræ alimento germinant, non modo nutriuntur, quia humorem multum crassumque habent, qui marcori & siccitati plurimum resistat, caloremque insitum, nullius humoris de novo asciti ope foveat. Sic Semper- vivum nuncupata herba, ac faba inversa, aliæque hujus generis, quia viscidum & copiosum in foliis crassissimis succum habent, è terrâ evulsæ & suspensæ diutissimè vivunt.

Marcell. l. 4. de hist. med. mir. c. 12.

LXXXVIII.

Semina minora cur feraciora.

Cur semina sunt feraciora, quò minora? an quia minora citius conficiuntur, quam majora, propterea- que milium, crysimum, papaver fertilissima? an vis omnis angustiore loco coacta efficacior, feraciorque, virtute unitâ aliàs validiore diffusâ existente.

Theophr. l. 2. c. 7. de caus. plant.

LXXXIX.

Arbores quædam semper virent.

Cur ultra citraque tropicos quædam arborum genera virent semper, cætera temporibus hybernis intermoriuntur? an ea virent vegetantia, quæ insito calore foveantur adeò valido, ut occurrenti frigori satis reluctari queat integer? an quia insitum habent pinguedinis liquorem, quò folia tenacius hærent, & sulphure nativo undiquaque perfusum, ut perennare per hyemem incolumia possint, sua frigiditate in cassum illa ferientem, sed potius oleum igni r̄m̄ div̄m̄ ex̄s̄ores addentem?

Ruland. l. 2. problem. 152. Bodin. l. 6. p. 277.

XC.

Plantarum partes vivunt etiam à reliquo corpore avulsa, aut amputata.

Quia medulla, quæ plantis pro corde omnibus partibus insita est: idcirco vim animæ habent in omni parte præsidem & caloris vitalis fontem ubiq; scaturientem; humidum insuper lentum, nec facile dissipandum, ut ejusmodi influentiâ à certâ corporis sedē, nempe corde, plantæ non egeant, ut animalia: hinc nimirum pars rami, quæ terræ infoditur, tantum in se conservat vitæ, tantum caloris & humoris, quantum sufficit, ut attracto ex terrâ succo, possit intumescere & spiritum concipere, & partes humoris graviores deorsum distribuere, unde radix efformetur nova, leviores verò sursum spatgere, unde novus generetur truncus. Et sicut stirpes ex terrâ tanquam utero, ita insiti surculi, ex eo, cui inseruntur trunco, vi animæ & caloris, quem ex suâ retentum nativâ plantâ servant, succum alimentarium attrahunt, ut continuâ vegetatione earum partium, quæ defunt, fiat generatio. Hinc nimirum fit, ut plantæ sylvestres per insitionem mansuescant, quia puriori & sinceriori fruuntur alimento, & hinc adeò mira fructuum varietas, usque adeò, ut unâ in arbore, diversi fructus, non tantum colore, sapore & odore, sed etiam specie queant educari.

Keckerm. l. 8. disp. 13. probl. 13.

XCL.

Ex fungifero lapide, fungi.

Jucundum est, quod de fungifero lapide, vir & stupen-

stupendi ingenii, & laboris maximi, GESSNERUS, (ad quem ex toto penè orbe confluit, quicquid ubique est τῶν θυμασίων ἀκουσμάτων) refert, quod terra dodrante operus aspersusque tepidâ irroratione quarto post die fungos edat. Necesse certè est seminarium quoddam intus existere, virtutem ex suo sinu promere, aquâ aspersâ tum materiam & nutrimentum afferente, tum περικαλλέτην quandam.

Lib. v. l. 2. epist. chym. 30. vide centur. 3. part. 96.

XCII.

Anatomia interna ligni buxei, ejusque natura & facultas.

In ligno buxæ vis quædam narcotica, & soporiferum sulphur abundè continetur, unde fatorem contrahit, quemadmodum cicuta, ruta, mandragora, omniaque papaverum genera, quæ ingratum odorem expirant, quòd narcotica sint, hoc est, narcotico sulphure nimium tincta & infecta. Adde etiam, in perpetuo virore ligni buxei, & ejus in saxosis ac montanis locis delectatione, ac origine, ubique partium illius vitriolatâ planè naturam internæ ejus signaturæ elucescere. Ex ejus etiam rasurâ exstillatur aqua, & major acidi liquoris irritantis ac pungentis, solventisque, spiritus vitriolati instar, quàm alius humoris, copia extrahitur. Quemadmodum etiam vitriolum alia omnia mineralia narcotico sulphure superat: sic simplex hoc naturæ illius prorsus fit particeps, eamque induit, spiritus ejus ex locis montanis & petrosis, ubi libenter nascitur, crescit & luxuriat, exugendo, atque hinc foetidissimum sulphur contrahendo, vi ignis in oleum putore gra-

visissimum extorquetur. Cujus narcoticæ virtutis magnum est argumentum, quod eâ quilibet, vel gravissimus dentium dolor, omnes alios dolores superans, uno momēto sedetur, si dentis calpium oleo ejus intinctum, in radicem dolentis immittatur, quæ vix eo attingitur, cum statim miraculi & incantationis instar dolor prorsus avolat & opprimitur. Præstantissimum igitur est, inter omnia simplicia, mitigativum auxilium, nec non adversus omnem virulentiam & verminationem, ut ita loquar, quæ ut plurimum Epilepsiarum causas inducunt, præsentissima antidotus: quale inter Mineralia narcoticum vitrioli sulphur habetur, primamque sedem occupat in curatione Epilepsiæ. Tantæ quoque virtutis oleum ligni buxei reipsâ esse experti sumus, ut omnis generis dolores edomet, corruptiones & putrefactiones corrigat, vermes enecet & expellat, malignosque vapores, ex quibus symptomaticæ Epilepsiæ procreantur, quæ faciliè tandem in Idiopathicas transeunt, arceat & absumat.

Quercet. in tetrad. c. 16.

XCIII.

Aqua pluvialis cur ad satorum incrementum salubrior.

Aqua pluvialis plus confert incremento frugum & fructuum, quàm alia quævis, quia magis est à Sole cocta, atque idcirco calidior, dulcior, tenuior; quæ causa est, cur ejusdem salubritas à Medicis commendetur, si præsertim æstiva sit, & per cisternarum meatus veluti percolata.

Ruland. l. 2. probt. 197. Kecker. l. 6. disp. 7. coroll. 21.

XCIV.

XCIV.

Lapis Calaminaris oculis dicatus.

Singulare remedium est, & à multis expertum ad oculos inflammatos, vel lachrymantes & lippientes, lapis Calaminaris in pollinem redactus, & albumine duriter cocto, exiguo hujus pulveris immixto, deinde hujus humoris expressa gutta una atque altera, oculo instillata.

Forest. l. 11. schol. ad obs. 10.

XCV.

Culex in oculum incidens, quomodo profligandus.

Famulæ meæ cum culex oculum intraffet, alterum oculum confricabam. Hoc enim modo, si in oculum culex, aut alia quævis bestia inciderit, spontè tedium illud exsilit. (a) At, cum hoc modo nondum exiret, leviter palpebra sursum tracta, cum linteo molliori eximebam. Ad idem valet, ut in me ipso expertus sum, ut una narium parte oclusa, digito oppressa, per alteram vehementior fiat exsufflatio vel anhelitus contineatur, ut lachrymæ profusiant, aut facta sternutatione (si leve est, quod oculum intraverit) facillè exsilit. (b)

a) *Alex. Veron. l. 2. c. 24.* b) *Forest. l. 11. obs. 16.*

XCVI.

Opio, cassidi certantis Equitis illito, eques extinctus.

Nelphus cum in certamine equestri Patavii victor extitisset, depositâ galeâ, ut respiraret, ab invidis, quod plebejus esset, copioso illito intus opio extin-

Etus est. Nam calor galeæ, tum spiritus hauserant, quicquid halitus perniciosi intra cassidem continebatur. Calore autem venarum oscula omnia patebant, unde statim receptus intra penetralia, hominem strangulavit.

Cardan. de subtil. l. 18.

XCVII.

Malorum Citriorum dignitas.

Citria seu Medica mala cum limonibus magnam habent affinitatem. Omnia pariter grata palato. Ex interiori substantia, succus acidissimus extrahitur, ejus vis est incidere & attenuare crassos & viscosos humores, dissolvere & comminuere arenulas & calculum. Eadem enim ejus operatio intra corpus humanum, quàm extra, in dissolvendis gemmis, unionibus & corallis, quævis aliunde non dependet, quàm à vitrioli natura. Quid hæc philosophiâ jucundius? quid præstantius? in eâ enim qui profundius versatus, ab occultis illis proprietatib⁹, ad quas tanquã ad asinorum pontem, multi confugiunt, facilè excusatur. Communis est Medicorum opinio, frigidos esse istiusmodi liquores: frigidi autem est condensare & constringere. Sed quis non videt, illos contrariâ prorsus operatione incidere, attenuare & dissolvere, quod non frigoris, sed caloris propriè officium esse aliàs creditur. Succus præterea appetitum stimulat, ardorem bilis attemperat, ardentes & pestilentes febres curat, cum ol. amigd. dulci, ad dolores nephriticos sedandos plurimum conducit: ad unciam unam vel duas cum vino albo, vel raphani decocto, haustus calculum atterit & expellit. Aqua ex eodem succo destil-

lata, corallasque corporis partes corroborat. (a) Scribit Athenæus (b) mira vi resistere venenis Malum Citrium, ac eleganti historiâ fidem fecit. Cum Princeps quidam Ægyptius, maleficos duos condemnasset, eosque aspidibus in prædam exponendos dixisset; ii fortè Citrium in itinere comederunt, quod caupona quædam illis objecerat. Mox dum in theatrum descendissent, ac à ferocissimis feris demorsi essent, nihil noxæ senserunt. Præfectus à satellitibus cunctari cœpit, num Antidotum præsumpissent; respondentibus Citrium: postridiè iussit uni præberi, alteri verò denegari. Quo facto, iterum demorsi: qui comederat nihil injuriæ sensit; alter læsus, undique livore deformatus confestim interiit. (c)

a) *Quere, diat. pols. sect. 2. c. 3. Camer. in borto.* b) *l. 3. dipnos.* c) *Heurn. l. 1. M. M. p. 128. a. Goglen. de prer. vit. p. 320. Matthiol. l. 1. herb. c. 75.*

XCVIII.

Miles Gallus cum equo ab apibus occisus.

Narravit mihi Pater bello Carolino, tyrannulus Gallus cum mel furripuisset, injuriâ affectis apibus, atque averfis alveariis, ubi vespere equum conscendisset, potum vehens, cum atque equum, ab apibus interfectum.

Seal. in comment. ad text. 373. libr. 9. Arist. hist. de anim.

XCIX.

Nux Muscata dysenteria dicata.

Inter simplicia, quæ alvum in dysenteria constringunt, non iasimum locum obtaet Nux muscata, quandoquidem diversas facultates, omnes in hoc af-

fectu necessarias, in se continet. Terrestrienim substantiâ adstringit, roborat, ulcera exsiccat, cicatricem inducit. Oleosa substantiâ dolores lenit, intestina oblinat, ne ab humorum acrimonia lædantur. Aromaticâ verò qualitate, quæ in aëreo spiritu consistit, ad partes omnes nobiles penetrat, epas & ventriculum ac ejus orificium roborat, flatu discutit, visum acuit. Ubi ob febrilem calorem aliquid mali ab ejus caliditate metuitur, stupis cannabinis involuta sub cineribus calidis leniter torrenda, vel potius assanda, non verò, ut vulgo fieri solet, in lamina ferri candente torrefacienda, cum non solum oleosa pars hoc modo pereat, sed adustione quoque acrimoniam facile acquirere possit.

G. Fabric. & Sennert. de dyssent. c. 10. Fernel. l. 3. M. M. c. 19. & 22. Avic. l. 2. tract. 2. c. 502. Arn. de villa nova c. 38. comm. schol. Salern.


C.

Pinguedinis à sevo discrimen, ortus & congelatio.

Pinguedo (Plinio (a) Pinguitudo, quæ in cornutis axungia, in Porcis lardum (b) dicitur) *πιμελή* εἰς *πρὸν μελέων* duum est generum. Alia quidem durior, nervosior & glandulosior, Sevum vulgò (usebum & Sepum idem est, ut apud Athenæum, pistacia, bistacea, phistacia (c) fortè etiam *σίταρ*, *ὡς ἰσὶν ἄρα* quoniam collatum cum pinguedine multo sit solidius, (quo nomine etiam massam fermentatam sive pastam efforunt, an divinantes, quod uti pasta fit ex farinâ fermento subacta, sic sebum ex humore pingui, spiritu acri congelato) nempe pro partium & animalium diver-

diversitatē (d) promptè coit, sed solvitur difficulter. (e) Alia verò mollior & purior, Axungia & Adeps, fortè similis λίπτε ἐλαίω mananti oleo. Oritur ex sanguinis parte pinguißima oleosus humor, & spiritus falsi ope concreßcit in adipem: propterea in iis tantum partibus, ubi majora sunt vasa, vel copiosiora, accrescit. Nulla proinde in perioßtiis, cordis capsulâ, pulmonis & Epatis tunicis. Vulgò à frigore congelari ajunt: At congelationem à spiritu falso fieri ad sensum ostendi potest in oleo communi, per spiritum salis, urinæ: item in oleo anisi, per oleum vitrioli; (f) calore facilius funditur, difficulter cogitur rursus, sed nec frangi potest. (g) Alba est, ratione illius membranæ, cui adhærescit, ab hac enim candorem contrahit. Nam omnia quæ in corporibus mutantur seu alterantur, sortiuntur naturam mutantis, & fit assimilatio ad partem corporis, in qua fit alteratio, juxta illud, alteratum trahit naturam alterantis; ita ex sanguine efficitur lac, quia caro mamillarum est alba: sanguis elaboratur rubicundus, quia caro Epatis est rubicunda. (h)

a) l. 29. c. ult. b) Baubin. *ib. anat.* l. 1. c. 4. c) Scaliger. *comment. in text.* 186. l. 3. c. 13. Arist. *hist. de anim.* d. f) Zuvinger. *physiol.* l. 2. c. 10. e. 32. e. g) Bartolin. *instit. anat.* l. 1. c. 3. Capovae. *in Meth. anat.* p. 301. h) Knobloch. *disp.* 3. anat. c. 4.



CENTVRIÆ VIII.

Particula I.

*Mutatio vini in acetum, ex Hermeticorum
opinione.*

Vinum redditur acidum, separato suo spiritu, quemadmodum experientia testatur, quo enim diutius Soli, aut locis calidis exponitur, eo maiorem acrimoniam sensim contrahit. Quicquid in eo acereum est, & de essentiâ quintâ vini, vi caloris exhalante, ac detractâ coelestij ac æthereæ essentiâ, quâ vinum mira suavitate perfundebatur, (cum punctione tamen aliqua, sed gratissimè palatum feriente, ex singulari illa temperie aciditatis vitriolatæ, per dulces & sulphureos Spiritus, à Naturæ archæo, vino indita & conciliata) tandem acescit, cujus aciditatis causa non est elementaris quædam frigiditas, sed pender ab occultis illis & Salis acidis Spiritibus, qui vinculo sulphuræ substantiæ, hoc est vini spiritu proprio in officio continebantur, quo soluto luxuriare effrenes solent, & occultam ante suam naturam, utpote liberam & solutam manifestam faciunt. Hinc fit, ut aceta alia aliis sint acriora: prout magis vel minus in se continent Salis armoniaci naturæ, nihilque prorsus sulphuræ substantiæ. Simplex enim Aqua, omni Sale destituta, nulla unquam frigiditate acescere potest. Est igitur Sal quidam acidus, quem vitriolatum vocant, quod in vitriolo maximè abundet,

det, qui in aceto, cum aquosa substantia (detracta sulphurea essentia) acore suo se conspiciendum præbet. (a) At quò generosius fuerit (b) Vinum, èd acrius fermentum Aceti, & vehementior ejus acrimonia sese prodet, ex quo attenuantes spiritus penetrantes & prompte dissolventes à perito artifice extrahuntur. (c)

a. c) *Querè. defens. contra Anon. l. 1. c. 20. p. 256. l. 2. designat. intern. p. 101. in Tetrad. c. 7. pag. 67. de prise. Phil. Med. p. 37. Unzer. de Sale c. 2. b) D. Cramer. com. in vers. 2. c. 37. Syras.*

II.

Acetum cur contrariarum operandi facultatum

Quæ sit ratio, diversarum illarum in Aceto partium, quæ jam calefaciunt & incidunt, jam refrigerant atq; reprimunt, facili negotio demonstratur; quòd enim Acetum cum acrimoniâ sit acidum, & consequenter vim attenuandi atque dissolvendi habeat, hoc fit, ratione salis acidî, cum quo perfunditur, respectu cujus tenuissimæ essentia penetrissimas ac durissimas etiam partes penetrare potest: quòd autem etiam insuper refrigeret, propterea fit, quia sulphurea & ignea vini qualitas separata est in Aceto, remanente copiosa aqua frigida elementari, respectu cujus frequens immoderatus vini usus diuturnorum frigidorum morborum causa est. (a) Hæc Aquæ frigiditas, juvante vi penetrante, quæ propter dictas causas inest, in penetrissimas partes fertur ac penetrat, & consequenter strenuè refrigerat. Adde, quod Acetum ex accidenti quoque tales operationes præstet, quatenus ratio-

tione suæ aciditatis vitriolatæ potentiam obtinēt colligendi vel coagulandi fervidas exhalationes & dissolvendi corpora: ita enim in Inflammationibus coagulat, & consequenter compescit exhalationes intro sulphureas calidissimas, ac dissolvit materiam, ex quâ tanquam ex minerâ, tales fervores exhalant, unde causam calefacientem tollendo refrigerat. (b)

a) P. Sever. in Idæa c. 7. b) Horst. decad. 5. probl. quæst. 1. lib. 12. & 13.

III.

Acetum quotuplex; utrum præstantius; contentio de qualitate Aceti inter Galenicos & Hermeticos.

Acetum minerale est & Vegetabile. Sed vegetabile præ cæteris excellit, cum non Ars tantum id producat, verum etiam Natura in Pomis acidis, præsertim citriis, limoniis, arantiis: item in baccis Oxyacanthæ: in herbis, oxalide, trifolio acetoso, nasturtio Indico &c. Arte paratur ex vino potissimum nobili & tenui ex aquositate ejus spiritu evocato, præterea his quæ vini loco sunt, ut potibus ex hordeo, melle, pyris, pomis, lacte &c. Quin & ex fermento & similibus putrefactis, adeo ut etiam in homine acida piquita existat, quam vikriolo vel alumini comparant parabolici. Contentio est inter Galenicos & Hermeticos Medicos de naturâ elementari Aceti, voluntque illi, quia putrescendo nascitur Acetum, seu corruptione vini (quando scilicet exhalat spiritus vinosus, in quo calor primum erat relictus) aquositate interminatâ, quam rem Aristoteles vocat putredinem, quæ res seipsa fit frigidior, quod insitum calorem

lotem perdiderit; unde humores putrescentes comitatur aciditas) frigidum esse, sociâ partim siccitate, partim humiditate, item tenuitate, & aliis qualitatibus, quæ possunt diversas Aceti partes occupare; at, qui se Hermericos appellant, repugnant, asserentes in Aceto etiam esse igneum calorem, nec omne acidum frigidum, quod axioma spiritus sulphuris & chalcanthi, configunt, dispunguntque. Sunt autem Adversarii Galenicorum maximè ii, qui se à Maggo illo vesano Paracelfo, Paracelsicos & Theophrasticos appellare solent, & non tam veritate, quàm odio quodam plusquam vatiniâno, illos insectantur. Si judicandum est de Aceto respectu vini, pronunciandum absque hæsitazione, vinum esse in censu calidorum, propter dominium spiritus vinosi, qui & inflammatur, & inebriat, calidoque morbos procreat; vappam autem esse frigidam, quia insitum calorem & spiritum perdidit, estque cadaver vini. E. effecta in medicatione, frigida sunt &c.

Libav. tom. 1. syntagm. arcan. chym. l. 6. c. 1. l. 8. c. 23. comment. Alchym. part. 1. lib. 3. de distract. c. 20.

IV.

Acetum per Spiritus & Salis volatilis, quæ in vino sunt, fixationem fieri.

Acetum è vino fieri spiritus & Salis volatilis, quæ in vino sunt, fixatione, ut chymici loquuntur, putamus. Neque enim spiritus sulphurei è vino separatione, fit Acetum: cùm è vino, à quo spiritus separatus est, aut quod corruptum est, spiritumque amisit, nullum fiat Acetum: sed quò generosius vinum est, eò fortius ex eo fit Acetum: ex vino quoque

que ex uvis immaturis expresso, & quod omni ferè spiritu destituitur, nullum sæpè fiat Acetum. Neque solum ex vino, verum etiam ex cerevisiâ, Hydromelite & fructuum nonnullorum succis spiritu abundantibus, & è quibus spiritus, spiritui vini similis, destillando elici potest, fit Acetum: ex aliis verò, quæ spiritu destituuntur, non fit. Et quod per Spiritus & Salis volatilis fixationem, non per separationem fiat Acetum, ex sequentibus satis patet. I. quod post destillationem vini nihil vel parùm salis in phlegmate deprehenditur: post Aceti verò destillationem salis acerrimi plurimum relinquitur. II. quod in vini destillatione primò spiritus ascendit, utpote volatilis, phlegma verò post spiritum: in Aceto verò primùm phlegma destillat, post phlegma demum spiritus acidus, fixior scilicet & ad evaporandum minus aptus jam, quam ipsum phlegma. Nimirum Spiritus & Sal, qui in vino est volatilis, ad lenem ignem, (quæ natura est volatilium Chymicis ita dictorum) evaporat, in alembicum attollitur, & à phlegmate separatur: in Aceto verò Spiritus & Sal, quæ in vino volatilia erant digestionem per lentum calorem, quo Acetum generatur, fixa jam reddita, non statim in calore elevantur & ascendunt (quæ fixorum natura est) sed ut Spiritus Aceti ascendat & destillet, majore calore opus est, imò magna pars salis acidi fixi in phlegmate relinquitur, & in altum non elevatur. III. vini spiritus est φλογιστός & facilè flammam concipit; Aceti verò Spiritus nullo modo, sed etiam ne alia facilè accendantur, prohibet.

Sennert. de Scorbut. c. 3.

V.

Galenī assertio de generatione Aceti.

Acetum fit ex vino, cum ingēnita vini caliditas amittitur, & alia ex putredine vini, partiali scilicet; partibus remanentibus aquosis acquiritur; vinosæ etenim vini partes, dum ipsum in acetum transit, refrigerantur: & aqueum recrementum putrescens ascititiam caliditatem acquirit, veluti quæ putrescunt omnia, fitque Acetum, quiddam ex contrariis facultatibus mistum, partim refrigerantibus, partim calefacientibus. (4) Planius hanc vini mutationem in Acerum declarare conatur Zarabella, duplicem primum in vino præsupponens calorem; σίμψυτον unum, quem calorem elementarem, seu temperaturæ nominat; alterum ἐμψυτον, quem animale & vitalem appellat, ab animâ vitis sibi insitum, atque impressum, eo modo, quo semen animantium & plantarum, calorem vivificum, præter elementarem sibi communicatum habet, etiamsi animâ actu destituatur. Deinde duplicem etiam cum Galeno in vino agnoscit humiditatem, ubi substantiam vinosam & substantiam aquosam à se invicem distinguit: Substantia vinosa est illud humidum, quo fit conjunctio partium; at humidum aquosum est illud, quod ex alimentis contractum est tunc temporis, ubi cum vitæ vinum adhuc jungebatur. His præsuppositis, docet Acetum fieri per interitum caloris ἐμψύτου, manente calore σίμψυτου, sine separatione humidi continuantis à sicco: quod si præterea calor σίμψυτος (temperaturæ) quoque corrumpetur, humidum

continuans quoque separaretur, & vinum verè putridum redderetur: (b) sed hæc assertio suis dubitationibus non destituitur. (c) Galenum aliquo modo sequitur Simon Simonius de aceti generatione ita scribens: Acetum fit ex vino, putrefactione. Quæ enim vina imbecilliora sunt, atque frigidiora, ea promptè ambientis contagio refrigerantur: abeunte igitur calore, in pristinum humorem resolvuntur, id est, in illum acidum, ex quo primùm provenerant. Est igitur Acetum vinum, sed vinum adhuc putrescens, non enim certæ ac determinatæ speciei quiddam in quo se Natura sistat, Acetum est, sed ad uberiores putrefactionem, eo modo quo & cadaver (hoc voluerunt illi, (d) qui Acetum vinum mortuum nuncuparunt) destinatum. Quia expirârunt vini calidiores partes in Aceto, supremus ille mistionis humidi cum sicco gradus exolutus est, quò vinum erat: paulò autem post, quicquid calidiorum partium superest, amissurum: ut facta tandem prorsus mutua secessione materiæ partium, illarum dico tenuiorum aquearum, & siccarum interest, ac prorsus putrescat. (e) Jacobus Scheckius, Philosophorum Aquila, corruptione violenta, quam διαφθοράν appellat, non σήμαρμήν & naturali vini corruptione seu putredine vera, Acetum generari contra Simonium scribit. (f) Idem non rectè sentire Galenum ait, scribentem Acetum fieri putredine: (g) cùm enim ratione putrescentiæ omnia evanida sint & ἐξίτηλα ac nullius efficaciz, Acetum autem non sit ἐξίτηλον, sed facultates suas atque vires habeat, idè non putredine, sed aliâ quâdam corruptione id provenire, statuit. (b)

a. g) Galen. l. 4. simpl. med. facult. c. 3. b) l. 3. de mist. gener. & inter. c. 7. c) Verbez. dode sap. calcantib. p. 150. Horstius dec. 5. prebl. therap. quast. 1. th. 10. d) Gal. l. 1. simpl. med. fac. cap. 17. e) in exam. sent. Seidelus, de febr. hum. nat. p. 44. 45. f) confut. err. Simon. p. 713. h) de occ. med. facult. s. 5.

VI.

Qualitates Aceti, apud Galenicos, controversæ.

De Aceti Natura, tanta est Medicorum & Philosophorum dissensio, ut difficillimum sit ad veram Aceti cognitionem pervenire; si enim ab effectis de causis iudicium facere licet, sine dubio acetum erit naturæ calidissimæ, (a) 1. sanguinis etenim fluxum sistit, tanquam cauterium, ἐκ ἀγᾶν inducendo. (b) Hanc urentem Aceti facultatem in Aceto cognoscentes Medici Anatomici, ad demonstrandas venas per Epatis substantiam occultatas, totum Epas in Aceto macerant, donec corruptâ & exesâ carne venæ in conspectum veniant. (c) 2. acre est & mordax. (d) Ovum etenim in Aceto acerrimo triduo maceratum, aut plus paulò, in eam teneritatem testa mollescit, ut veluti tenuis membrana, per annuli angustiam adigatur. Coricula quoque, aut silex Aceto septem dierum spacio domitus, digiti attritu in pulverem resolvitur. (e) 3. tenuium est partium & penetrativum. (f) Hinc Hannibal, cum Alpes sibi pervias faceret, atque Italiæ inhiaret, ferventi Aceto saxa dissolvere ac dissilire coegit, alterius oculi iacturâ; tanta est enim ac tam penetrabilis Aceti vis, ut saxa corrodat ac comminuat. (g) Cujus aliquando experimentum feci in gemma, atque unione seu margarita. (h) Cum igitur isti effectus caloris proprii sint, non sine

causa Aristoteles (i) Acetum calidæ naturæ esse pronuntiavit. Hunc ex recentioribus sequitur Fallopius (k) qui Acetum magnam calefaciendi facultatem possidere scribit, quod ex putredine acquisiverit partes igneas, cum putredo causa sit magnæ caliditatis & siccitatis. Sed hæ probationes omnes sunt *ex τῷ πρὸς ὅθεν* & proinde inutiles. (l)

Ex altera parte Hippocrates (m) & Dioscorides (n) Acetum simpliciter refrigerare testantur. Nec desunt etiam effecta, quæ excessivam Aceti frigiditatem comprobant: (o) sanguinem enim sistit refrigerando, densandoque partem, grumos sanguinis dissolvit, itidem contringendo & veluti premendo. (p) In omnibus quoque nervosis partibus, suæque naturæ frigidis inimicum Acetum experimur. In colica quoque passione, & morbis frigidis Aceti usus est perniciosissimus, & cum omnia acetosa refrigerent, ipsum certè Acetum minimè calefaciet. (q)

Galenus mistam operandi potentiam Aceto attribuit, ita ut vim refrigerandi & calefaciendi possideat. Ex primo enim contactu manifestè refrigerare docet: postea autem etiam calorem quandam excitare, præcipuè si fuerit acre admodum. Ejusdem caloris causam esse, aut quod ex diversis partibus constet, ut multa alia: aut quod ipsius aere atque penetratio dolorem aliquem excitans, levem fluxionem moveat, quem comitatur calor exiguus & rubor. Id probavit primum sensu. Quia partibus sanis adhibitum Acetum, eas manifestè refrigerat: postea mordicationem excitat & calorem recurrentem cum quodam (r) rubore. (Sed hoc nimis frigidè & jejune probatum esse arbitror (s) eo quod inter essentialem & accidentalem

lem operationem, nulla sit distinctio. Idem enim pueri nive ludentes experiuntur; dum primum frigus, mox calorem non sine dolore, persentiscunt. Verum calor iste minimè per se & ex naturâ Nivis, sed per accidens supervenit, dum videlicet natus puerorum calor per admotam nivem repulsus, mox cum impetu recurrit, membrisque dolentibus succurrere opemque ferre annititur) 2. quia calidos affectus ab illâ thapsiâ ortos, sanat. Phlegmonas quoque & Erysipelata mitigat. Deinde rationibus & argumentis ex rei naturâ desumptis. 1. Quia sitim sedat in oxycrato, sitis autem à calore & siccitate oritur. 2. quod biliosis Naturis prodest, Melancholicis noceat. 3. quod cerato simplici ac temperato adjectum, efficiat ut ipsum postea sit refrigeratorium. (r) Sequuntur Galeum reliqui Medicorum principes, hinc Paulus Ægineta: (u) Acetum mixtæ facultatis est frigida & calida, quæ ambo tenuium partium existunt: prædominatur tamen frigida calida: in tertio verò ordine siccatur; iisdem verbis consentiunt Oribasius (x) & Aëtius (y) Actuarius etiam idem dicit, dum inquit: habet Acetum, quod in incidentium ordine recensetur egregium quippiam, quod præterquam quod discutiat, reprimat, repellatque influxum, utpote substantia sua modicè calidum & plurimum habens frigoris, idque tenuium partium (z) P. Monavius ex recentioribus: Acetum, quantumvis manifestè refrigerare credatur, haud dubiè tamen aliquid etiam occultum ἐμπυρεύματος à vini caliditate adhuc reliquum possidet, quo sese in ima corporis insinuat, illudque tacitè excalefacere aptum est. (aa) H. Capivaccius: Vinum cum in Acetum mutatur, non to-

tum putrescit, sed pars humidior seu ichorosa: unde in locis nonnullis vinum decoqui solet, ut absumatur humor, qui causa esse posset corruptionis & putredinis. Cum autem finis putredinis sit terra, firmus vel situs: in Aceto situs reperitur. Proinde Acetum licet frigidum sit (potentiâ) obtinet tamen etiam quandam caliditatem. (bb) Frigidum est, quia propria vini caliditas est imminuta, ut Acetum dicatur vinum mortuum. (cc) Calidum verò statuitur, quoniam portio ichorosa putrescit, cujus finis est situs, qui cum aceto miscetur: & cum hic sit calidus, fit ut Acetum alicujus caloris sit particeps. Acetum ergo propria natura est frigidum & tenuissimum, è putredine tamen alienam caliditatem est adeptum. (dd) Acetum autem quanto fuerit acrius, tanto minus frigida naturæ est: hujusque acor sacharo aut uvis passis in eo decoctis mitigatur: Acetum igitur quò acrius, eo ad acetariorum usum accommodatius est. (ee) Joan. Langius: Acetum vini vitiati soboles, cujus calore genuino per adventitium resolutum, Acetum congeniti caloris expers alieno imbutur: contrarias ob id caloris & frigoris vires obtinet: frigoris quidem, dum spongiis exceptum, inflammationes eo madidas sedat: in ore contentum æstum balnei arctet: fronti illitum, ardorem capitis febrilem extinguit. Nec caloris actiones in eo desiderantur, nam partibus suis tenuioribus calore præditis ovorum putamina ita colliquat, ut per annulum traducere possis, quibus Theomnestus (ff) veterinariæ artis Medicus, equorum ex pulvere tussim ita curabat: Ova, ait, quinque quum ad vesperas scis, in Aceto acri macerabis, dum in diluculo exteriorem putaminis cal-

callum intabuisse agnosces: qualia sunt ova præco-
ci aut intempestivo Gallinarum partu edita, hæc si E-
qui tussientis faucibus linguâ exertâ ingeres, tussim
curabis. Novit & Cleopatra, novissima Ægypti Re-
gina, tabificam Aceti acedinem: quæ superbo
simul, procaci quoque fastu, ut Regina meretrix, An-
tonio Consuli Rom, unâ cenâ, se solam, centies se-
stertium absumpturam objiciebat, factis sponsioni-
bus, duos habuit Uniones, ex auribus pendulos, qui-
bus pondere, magnitudine & candore pares non
spectavit Oriens, dum secundæ mensæ bellaria appo-
nerentur, ipsa alterum aure detractum, oxybapho Ac-
eti immerfit, quem liquefactum absorpsit; alterum
quoque absumsisset, nisi L. Plancus, sponsionis iudex,
obstitisset. (gg) Adde, quod & Singultus, vi Aceti ca-
lorificâ, ut refert Aristoteles (hh) tollitur; quia, (in-
quit) humor circumstans ventriculi orificium, prohi-
bens eructandi licentiam, pervim Aceti calefactoriâ
extenuatur. Margaritas igitur & ovorum putamina
in tabem resolvere, lentos dissecare humores, calori,
partiumque tenuium acrimoniæ calore præditarum,
accepta referuntur. At inflammationes, febrisque
ardorem, balnei æstus & ex calore sitim sedare, id Ac-
etum frigoris energiâ operari in confesso est. (ii) Ex
recentissimis Joan. Carolus Rosenberger: Acetum
arctat, & simul penetrat, cohibet & expellit, retrahit
& sudores movet, laxat & adstringit, pro diversâ, va-
riâque heterogenearum partium suarum naturâ, &
pro multivariâ occasionis aut subiecti ratione. (kk)

a. c. o. q) *Marsh. in enod. q. med. q. 30. b. d. f. l. p)*
Stupan. diss. 3. de temperam. 1b. 76. & seq. c. h. i. hh)
Leonisus. l. 2. de oculis. nat. mir. c. 36. ex eo Goglen. de

pror. vit. p. 603. Plat. de dol. p. 962. g) Liv. l. 1. dec. 3. fēf. 33. probl. 5. k) c. 18. de fossil. m) l. 3. acut. morb. text. 38. n) l. 5. c. 17. r. t. bb. cc.) l. 10. M. M. c. 9. l. 11. c. 18. l. 14. c. 7. l. 1. de Simpl. med. facult. c. 17. 19. 24. l. 3. de temp. c. 3. l. de atten. victu, lib. 1. simpt. c. 19. & aliis in locis sexcentis. f) Math. in spec. sanit. c. 3. u) l. 6. de re med. c. 3. x) l. 15. coll. c. 1. & l. 4 synop. c. 32. y) tetrabl. 1. ferm. 2) l. 6. M. M. c. 1. 22) Epist. Scholitz. 215. dd) l. 6. praef. c. 11. & 21. cc) Gogl. de pror. vit. p. 328. ff) lib. 1. gg) Plin. l. 9. c. 35. Macrobi. l. 3. Saturn. ii) Lang. l. 22. ep. 33. kk) animo. med. 9.

VII.

Controversia decisio.

Ad componendam hanc controversiam, respondendum, sapè uni & eidem rei, propter diversas partes ei inhaerentes, diversas etiam & contrarias facultates inesse, quemadmodum Lacti inest, Aqua, Butyrum & Caseus, unde diversae vires Lacti insunt. Interdum etiam uni rei sine mistura diversarum partium diversus inest sapor & qualitas diversa. Hujus rei exemplum habemus in Rosis, quibus dulcedo quaedam & amaritudo simul ac proinde diversae qualitates insunt. In hisce tamen rebus una qualitas ita semper excedit, ut ab illâ excessivè sit facienda rei denominatio. Cùm igitur in Aceto aciditas maximè excedat, meritò Hippocrates (a) Acetum ad classem refrigerantium retulit. Galenus verò, acerrimus rerum naturalium scrutator, quando ipsam Aceti acrimoniam simul expendit, aliquem ei calorem assignat. At in stet aliquis, Galenum (b) Aceti calorem maximè extollere, facta nimirum Aceti cum cineribus

comparatione, quemadmodum in cineribus factis ex ligno per combustionem corrupto, manifesta inest caliditas, sic etiam in Aceto facto ex vino, per putrefactionem corrupto, manifesta caliditas remanet. Sed pace Galeni, corruptionem ligni per combustionem factam comparare cum corruptione vini facta per putrefactionem, absurdum esse dixerim: quæ enim comburuntur, etiamsi frigida sint, adustione tamen calorem acquirunt: quæ verò per putrefactionem corrumpuntur, omnem calorem deperdunt, quod ipsum Galenus (e) non diffitetur. Hinc Acetum vinum mortuum non ineptè nominatur. Cùm verò sine destructione caloris nihil mori possit, constare arbitror, ratione quidem putrefactionis nil caloris inesse Aceto posse. Quapropter Acetum per se, & secundum omnium aliorum acetosorum naturam, maximè refrigerat, per accidens autem superveniente vetustate, & temporis diuturnitate (quæ & vinum, Mel, Adeps, oleum &c. quoque acris & calida fiunt (d) aliquam acrimoniam & per consequens obscuram calefaciendi vim acquirit, quæ cum essentiali Aceti frigiditate minimè comparari potest.

Ad Argumenta igitur ab effectis in contrarium adducta respondetur ad Anatomicorum artificium, quo substantia Epatis in Aceto consumitur, ex Galeno, (e) multos esse corrumpendi & consumendi modos, nec omnia solis causticis, sed narcoticis etiam & putrefactoriis medicamentis corrumpi.

Ad 2. respondetur, Acetum testas Ovorum propriè non colliquare, sed dissolvere & comminuere, simili scilicet modo, quo renum & vesicæ calculi,

Acetosovitrioli spiritu, quo nihil æstum februm ardeantium melius compescit, comminuuntur & dissolvuntur. Addatur etiam hoc, non solum manifestas, sed occultas etiam rerum qualitates maximè considerandas esse: videmus enim adamantem omnium gemmarum durissimum, solo sanguine hircino emolli, quem nec malvaticum, nec alia decuplo calidiora, emollire possent.

Quod de Hannibale scribitur, pro figmento potius, quàm pro vera historia habendum, nusquam enim, multò minus in Alpium angustiis & difficultatibus tanta Aceti copia dabitur, quæ immacerandis Alpium summitatibus sufficiat, simplex verò Aceti affusio nihil proderit, nisi saxa dissolvenda justam moram in Aceto traxerint.

Chymicorum autem operatio non simplici Aceto, sed laboriosè præparato & rectificato perficitur. (f)

a) l. 3. de rat. viñt. b) simpl. cap. 19. libr. 4. de simpl. med. fac. cap. 3. c) libr. 11. M. cap. 8. d) l. 3. de compos. med. s. loc. e) l. 5. de simpl. med. fac. c. 5. f) Mathaeus in quest. med. q. 30.

VIII.

Aceti usus varius, I. Internus.

Acetum lue Vngaricæ correptis valdè commodum est, (a) quia acrium humorum & bilis effervescentiam sedundit, (b) unde etiam Acetum bilis flavæ mors nominari solet. (c) αἱ δὲ πρὸ οξέως οξὺτης πικροχόλοις συμφέρει, τὰ μὲν γὰρ πικρὰ ἀγλύει, καὶ φλέγματῶν μεταρριζοῦται ὑπὸ αὐτῆς, id est, quæ vis ab Aceto in remediis nūcat, biliosis prodest; etenim amarare-

sol-

solvuntur & pituitescunt, ita ut dilutiora reddantur,
 veluti ab Aceto subacta & in maiorem molem fusa.
 (d) balsam calidamq; pituitam refrigerat & humiditatem
 siccat, crassitiem incidit, (e) putredini resistit.
 (f) hinc fructus acidi vermiculationi minus obnoxii
 quam dulces; (g) interius & exterius usurpatum
 omnis generis venenis, & præsertim fungorū resistit,
 si vel cum aquâ vel oleo parum permisceatur, (h) sive
 cum cibo sumatur, sive aquæ mixtum bibatur, hu-
 mores corporis à peste ipsâ & putredine (i) cum rutâ
 præsertim, nucleis juglandis & granis juniperi excor-
 ticatis, quantitate cochlearis sumptum, eâ die à peste
 præservat. (k) Sic quoq; cum theriacâ mixtum & epo-
 tum primâ die in pestilentialibus febribus, eas sæpè
 statim tollit (l) interiorum viscerum oppilationes
 aperit (præsertim si cum capparibus sumatur) eorum-
 que calorem mitigat (m) refrigerat atque exsiccat (n)
 suâ quadam ratione vel per se, vel cum olivis sum-
 ptum ventriculum corroborat, phlegma etiam in
 ventriculo mundificat, in cibo sumtum alvum sistit,
 sed ejus acrimoniam non fert oris ventriculi subtilis
 sensus (o) appetentiam valdè excitat, jussulis indi-
 tum, aliove modo usurpatum, in acetariis, bellar-
 riis, vel per se ante pastum bibitur, (p) hinc Galenus
 (q) & Dioscorides (r) scribunt, ab Aceto stomachum
 recreari & appetentiam promoveri, & sanguinem
 undiquaq; fluentem cohiberi; incidit, attenuat & si-
 mul discutit (s) fluxiones sistit & tumores resolvit (t)
 narcoticorum (opii) efficaciam obtundit. Cum aquâ
 dilutum bibitum, vel per se bonâ quantitate sum-
 ptum, Ebrietatis est antidoton, quo insignis quidam
 potator, jam longo tempore indies ebrius, se, ne in-
 de

de labem contrahat, præmunire solet, vomitum etiam impedit vel mitigat (u) Hydropicis sitim extinguit mirificè & compescit. Expertus ego sum Acetum, aquâ chalybeatâ dilutum, solâ oris ablutione sitim fregisse. Cavendum tamen est, ne quid aquæ in viscera descendat, imò quorundam opinio est, Aquam Hydropicis vel ipso intuitu nocere. (x) Sitim quoq; à caliditate & humiditate mitigat, sed à siccitate proveniente, quemadmodum nec in febribus (præsertim ardentibus) sine aquæ admixtione (cum hac enim magis penetrat, magisque humectat) nunquam sanare potest, verum etiam auget. (y) Acetum etiam per se ipsum singulare est remedium adversus ictus Serpentum, etiam ipsorum venenatissimorum, quales sunt Aspides, ut testetur Celsus, (z) qui de variis præstantibus remediis contra omnes Serpentum ictus in genere differens, tandem hæc in specie subjungit verba: hæc adversus omnes ictus communia sunt: usus tamen ipse docuit eum, quem Aspis percussit, Acetum potius bibere debere: quod demonstrasse dicitur casus cujusdam pueri, qui cum ab hac ictus esset, & partim ob ipsum vulnus, partim ob immodicos ætus siti premeretur, ac locis siccis alium humorem non reperiret, Acetum quod fortè secum habebat ebibit, & liberatus est. Credo (addit) licet id refrigerandi vim habeat: tamen habet etiam dissipandi, quo fit ut terra respersa eo spumet. Eadem ergo vi verisimile est quoque humorem hominis ab eo discuti, & sic dare sanitatem.

a. n) Oberndorf. de pras. l. Ung. p. 257. b. f. p. u) Plat. de del. p. 108. 111. de las. funct. v. 67. 126. 283. 307. de vit. p. 809. c) Mashem in spec. sanct. c. 3. d) Hipp. 3. acut. sect. 38.

e. o. Captivacc. l. 3. c. 8. & 15. l. 5. f. 8. l. 1. g) Bodin. l. 3. th. nat. p. 391. h) l. Horst. de vit. vmsf. th. 411. Pan/a de Ther. c. 6. th. 65. i) Horst. l. c. th. 413. k) th. 414. 15. l) th. 416. m) th. 434. q) 8. simpl. r) l. 5. c. 7. () Gal. l. 2. comp. f. loc. t) Horst. l. c. p. 14. b. x) Trincavell. l. 3. consil. 32. y) Gal. l. 1. simpl. Horstus th. 439. & th. 421. 423. & seq. z) l. 6. c. 27.

IX.

2. Externus.

Plinius summam Aceto vim esse in refrigerando, nec minorem discutiendi affirmat, unde terræ infusum spumare, Medicosque nescivisse, quantum contra Aspidēs polleret, ab Aspide enim calcata percussus utrem Aceti ferentem, quoties deposuisset, idem sensisse, illa so aliàs similem. Sed mirabile & hoc in eo exemplum, quod idem addit. Nam M. Agrippa supremis suis annis conflictatus gravi pedum morbo, cum dolorem illum perpeti nequiret, unius Medicorum portentosa scientiā, ignorante D. Augusto, tanti putavit usu pedum sensuque omni carere, dummodo & dolore illo careret demersis in Acetum calidum cruribus in acerrimo impetu morbi. (a) Quidam Acetum frigidum infusum, vel cum panno in eo madefacto applicatum, saepeque repetitum, in Articulorum doloribus valde laudarunt. Ex aqua tribus partibus & Aceti unā idem fieri potest. (b) Odor Aceti acerrimi, siccando vigilias inducit (c) hæmorrhagiam narium sistit (d) præsertim si eo sæpius laventur nares (e) Naribus admotum, (præsertim ex (f) malvatico) & cum pulegio odoratum (g) syncopen tollit (h) cum rutā contra Epilepsiam valet (i) & lethargum miti-

gat

gat (k) Naribus (l) & pulsibus applicatum (m) sæpius, (sed valentius cum ruta (n) infusum) à peste præservat. Fumigium per nares frequenter assumptum, ex vapore Aceti, super ferrum vel regulam candentem sæpius fusi egregiè ad catarrhum conducit. (o) Aceti gutta in oculum infusa, somnum prohibet. (p) Fasciam Aceto irrigatam & ventri circumligatam aliquid efficere posse in dysenteria, quidam scribunt. (q) Acetum ex incidentium ordine existens, ultra hoc quod discutit, præcipuum quiddam in se habet, quo reprimat, ac quod influit, depellit, utpote quod substantiâ suâ modicè calidum est, plurimum verò frigidum & partium tenuium: in achoribus & capitis tinea utilissimum existit, cum metallis adhibicum. (r) Impositum, cum aquâ mixtum, cum lintheo vel spongia inflammationibus ex fluxionibus medetur (s) exterius illitum pruritus cutis tollit, & simul astringit, (t) herpes tollit, (u) cum omphacis infusum fistulas acterit (x) Aceti vi frangitur Sinapi indomita adurendi potentia, (y) calidorum & acriorum ciborum vires, quæ fauces aliàs inflammant, mirè compescit, quod etiam in Cepis & Raphanis fieri videmus, si cum Aceto edantur (z) Pavimento ædium inspersum, contra pestis contagium valet. (aa) Inter ea, quæ vim habent extinguendi, nullum ignis extinctivorum Aceto est efficacius, maximè omnium evincit & supprimit flammam, ob frigoris excessum. (bb) Plinius auctor est, Typhonis impetum tenui remedio Aceti, in advenientem infusi, posse mitigari vel tolli. Idem causam adsignat, quod Aceti frigidissima natura calidissimi fumi vehementiam extinguat. At melius hoc attenuandi virtuti, quam Acetum

tum possidet maximam, adscribendum. Ejus enim tanta vis est, cum non solum durissimos uniones dissolvat, sed etiam solidissimas rupes macerando penetret & comminuat. (cc) Quidam igitur Aceti infusio Typhonis halicum dissiparet. (dd)

a. cc) l. 2. 50 l. 9. 35. l. 23. 1. Liv. l. 1. dec. 3. b) Plater. e. 16. de dol. p. 728. c) Forest. l. 1. obs. schol. ad obs. 23. Plat. de l. funt. p. 57. d) Plat. de vit. p. 191. 685. e) Iac. Horst. de vit. vmsf. th. 479. f) th. 492. g) Gal l. 9. de comp. med. sec. hoc. h) th. 454. i) th. 456. k) th. 457. l) th. 426. m) th. 451. n) th. 452. o) Valesc. cap. de dol. cap. ex rheum. p) Forest. l. 7. schol. ad obs. 23. q) Plat. de dol. p. 300. r) For. l. 8. obs. schol. ad obs. 20. s) Horst. th. 475. t) th. 476. u) th. 483. x) Plater. de dol. p. 962. y) Banzer. in fabr. recept. p. 635. z) Plater. de las. f. p. 61. 200. de vit. p. 662. aa) th. 450. bb) Plutarch. Sympos. 3. c. 5. dd) Tandi. disp. 7. meteorol. probl. 3.

X.

Acetum quibus noceat.

Fugiant Melancholici crebriorem Aceti usum. (a) τὰ δὲ μέλανα ζυμῶται καὶ μεπῶρίζεται, καὶ πλεονασίῳ, ἀναγωγὸν γὰρ μελάνων ὄξος. id est, nigra verò fermentantur, & majorē acquirunt molem, & accessione & quasi incrementis augescunt, nam nigra Acetū movet. (b) Melancholicus humor & atra bilis quasi fermento effervescent, nam in sublime feruntur, & iis fit accessio. ζυμῶς est quasi fermenti vi acri attolli & effervesce. Nam ζύμωσις Platoni fermentatio dicitur τῆς γαίης ὁμοκίνησις καὶ αἴρωσις, id est, terreni corporis motio & ab aëre intus concepto sublatio, ac velut quadam ebullitio. (c) Multus quoque Aceti usus

corpus extenuat & siccatur, præsertim si acre fuerit. Quibus verò amara bilis exuperat, Aceti usus non nocet: hinc febricitantes acidis rebus delectantur, qui prope qui bilis fervorem leniunt, & dejectam appetentiam restaurant. (d) γυναῖξί δὲ τὸ θήπιον πολεμιάταιον ἢ ἀνδράσιν ὀξέ, ὡς ἐξαλγες γὰρ ἐστίν. Sed mulieribus omnium magis bellum indixit Acetum, quam viris, nam utero dolorificum est. (e) Ratio hujus aphorismi est, quod Acetum nervis sit inimicum & nervosis corporibus: idque duabus de causis. 1. quòd sit frigidum. (f) 2. quod tenuissimarum sit partium, ideoque subit corpora nervea omni ex parte, & illà leptomerià Aceti uterus omnes nobiles partes in sympathiam trahit. Uterus enim nerveus est. (g) Et ocularis inspectio id declarat, & ratione id evadit probabilius. Quia uterus se colligit in angustissimum sinum ac crassam substantiam, seque dilatat amplissimè, quod nerveis corporibus peculiare. Nam ventriculo convenisset magis carnea substantia ratione sui officii: sed dilatationis & constrictionis necessitate, debuit esse nerveus, ergo multo magis Uterus: hæc autem affectio dilatandi & contrahendi se tantum cadit in corpora nervea. (h) Oculis quoque inimicum est. (i) Podagrici ab ejus frequentiori usu in paroxysmo & extra eum diligenter abstinerebunt: Unde nuper mihi Podagricus quidam retulit, se majores exacerbationes incurrisse, ex esu nasturtii cum Aceto; cujus causa est substantiæ tenuitas, cujus gratia Acetum se altius insinuat & frigiditatem, quamvis moderatam in intimas rerum solidarum partes deducit, τὸ ψυχρὸν γὰρ νέρους πολέμιον. Hinc dentibus quoque Acetum plurimum obest, partim

Ἀλλὰ τὴν ὑπερβολὴν ψυχρότητος, id est, propter nimium excessum frigoris, partim Ἀλλὰ τὴν αἰτίαν, propter acorem, qui vel solus dentibus stuporem inducit. (κ)

a. d. k) *Pansa l. 2. præf. gen. de vit. prov. c. 12. Mercur. l. 1. præf. c. 10. Lemn. l. 3. de oc. nat. mir. c. 7. b. c) Hippocr. 3. acut. text 38 39. c) Heurn. in comm. l. c. l. 3. M. c. 7 f) 5. aph. 18. g) Galen. in com. 6. epid. 1. 2. h) Plater. de l. f. p 382. Capivac. l. 1. c. 24. l. 2. c. 2. l. 4. c. 1. Heurn. l. 2. M. c. 15. 18. & 19. Galen. 1. de simpl. med. fac. 19. l. 8. c. 22. Schol. Salern. c. 46. i) Plater. de dol. p. 300.*

XI.

Acetum rosaceum an in omni Syncope convēniat.

Συγκοπή dicitur παρὰ τὸ συγκόπτειν, intercipere vires, τὸ συμπίπτειν (a) quā, inquit Aretæus, (b) nihil majus, nihil celerius. Est præceps vehemensque jactura cunctarum virium, maximèque vitalium, etenim pulsus vix micat, ac omnes cordis affectus sopiuntur. (c) Etsi verò plurimas ob causas hoc malum accidere possit, commodissimè tamen ad tres classes reducuntur: vel 1. enim fit Syncope spirituum calorisque dissipatione, ut in evacuationibus excedentibus; vel 2. eorundem spirituum oppressionem, ut in timore aliisque affectibus, in quibus calidum principium suum repetit, vel 3. denique corruptione caloris nativi, quod in cacochymicis quibusdam vultibusque venenatis fieri consuevit. (d) idq; solet accidere, vel primariò, quando cor ipsum magne quādā intēperie cū vel sine materia, aut venenata qualitate afficitur, vel per consensum laborantibus partibus

Kk

aliis,

aliis, ut patet in syncope stomachicâ, item in illâ, quæ uteri suffocationem comitatur & in aliis. (e) Quamvis autem in syncope valida Medicinæ locus non sit, (f) interdum tamen ubi vires adhuc aliquo modo consistunt, auxilia Medica expetit, quam ob causam celerrimè, ubi spes quædam salutis superest, ægrotantibus in tali affectu succurrendum. Et cum in tam gravi morbo bis peccare non facilè liceat, quæritur, num Acetum rosaceum, quod vulgariter in omni Syncope adhibetur, intentioni rationali semper respondere possit? Cui quæstioni negativè respondemus, cum enim causæ contrariæ non nisi per contraria remedia tollantur, ideo manifestum est aliter 1. spirituum resolutionem, aliter quoque eorundem 2. suffocationem, atque 3. infectionem curari debere. (g) Quare concludimus, quod Syncope à 1. Spirituum resolutione facta, per usum refrigerantium, potissimum fronti, faciei, regioni cordis & pulsum applicatorum optimè corrigatur, ubi Acetum rosaceum convenit, quod propter acetî qualitates penetrat & respectu rosarum vim refrigerandi, colligendi quæ spiritus majorem acquirit. Quod si 2. suffocatio in causa est, necessario requiritur attenuatio, ac dissolutio materiæ morbificæ, quæ per frigida minimè præstatur, quare hic ad nasturtium, nigellam, sinapi, Mithridaticam confectionem, aq. Cinamoni; extremorum frictionem & alia hujus generis accedendum est. Tandem si 3. malignitas in causâ, Bezeartticis & appropriatis cordi prospiciendum. (b) Jam ergo non mirum, quod sæpius in absentia Medicorum ægri lapsu virium pereant: potest enim fieri, ut comuni remedio refrigerante adhibito spiritus, aliàs

suf-

suffocati, circa principium suum ulterius conglobentur, & penitus hac ratione vitalis facultas supprimatur. (1)

a. c) Heurn. de morb. pest. c. 9. b) de caus. acut. morb. c. 3. d) Paracelsus l. 8. op. chir. c. 14. e) Galen. l. 12. M. c. 5. l. 1. art. cur. c. 14. l. 5. de loc. aff. c. 1. & 2. f) Paulus. l. 3. c. 34. g. i) Horstius decad. 5. probl. ther. q. 1. lib. 3. 4. 14. 16. h) Capovas. l. 2. c. 9.

XII.

Contraria eidem subjecto inesse posse & quomodo.

Magnum & iniquum est postulatum, contraria eidem subjecto inesse non posse. Quis enim in re tepida, calorem & frigus licet non in extremis gradibus, inesse negaverit? (a) Probè etenim notandum advertendumque, rebus quibusdam naturalibus, sæpe diversas ac contrarias qualitates planè, vires ac facultates, mirabili quodam modo inesse, quas quidem vel in prima statim rerum omnium creatione, à Deo sapientissimo opifice impressas ita acceperunt, vel postea vario elaborationis ac præparationis modo seu genere ab Artificis manu acquisiverunt adeptæque sunt. Causæ autem ejusmodi diversarum in illis, imò & adversarum operationum ac virium, partim sunt evidentes ac manifestæ, partim verò occultæ seu incognitæ. Hæ dependent à formâ (ut vocant) specificâ seu substantiali, post primam 4. simplicium corporum mixtionem rebus à superioribus causis, modo quodam ἀνευκτοδίκτω adveniente. Illæ verò à primis elementarium corporum qualitatibus contrariis, sæpe unius ejusdemque materiæ partibus diversis in-

harentibus proficiscuntur. (b) Plurima namque Alimenta & medicamenta videntur simplicia πρὸς τὴν αἴσθησιν, τῇ δὲ φύσει καὶ τῷ λόγῳ sunt composita ex diversis, & sapè ex pugnantibus: & propterea diversissimas inter se continent facultates; (c) nempe excernendi & sistendi, incrassandi, rarefaciendi & condensandi, illinendi atq; abstergendi, contrahendi & laxandi &c. (d) Sic Hippocrates: Multa ex talibus sunt, inquit, quæ & alvum emolliunt & sistunt, siccantque & humectant. (e)

Apparet autem hujusmodi virium discrepantia seu qualitatatum repugnantia ac contrarietas (f)

1. In Absinthio, quod stipatam alvum laxat, laxamque restringit, frigidum jecur calefacit, & ex accidenti, obstructions aperiendo calidum hepar refrigerat, unde Icterus tollit, febres arcet, ac fugat, bilem domat ac expellit, tam calidis, quam frigidis jecinoris languoribus suo modo dextrè adhibitum, familiare.

2. In Aceto. Hoc è vino natum, quod calidum est, frigidum evadit, ac frigefaciens, partim putrefactione quâdam aut fermentatione, sequestrationem partium vino inditarum habente, aut separatione spiritus inebriantis, & caloris vivifici depressione vel evanescencia, atque sic divisis partibus contraria ex eodem subjecto, in quo hærebant & cui inerant prodeunt & producuntur. (g)

3. In Rha Barbaro; quod per se vel in substantia datum, vel cum aliis in infusione propinatum, solvendi ventrem facultatem habet egregiam, quem tamen eundem, leviter torrefactum, rursus cohibet, ac sistit, adeo ut ejus usus in profluvii alvi immode-

ratis ac fluxu dysenterico, præclaram persæpè opem visum sit præstitisse.

Quæ effectuum repugnantia quoque perspicitur in Spiritu Sulphuris & vitrioli, siquidem uterque potestatem obtinet partim sistendi immodicas hæmorrhagias, aliasq; evacuationes præternaturales, simulque coagulandi fervidas ac nitrosulphureas febrium exhalationes, partim etiam corpora dura dissolvendi crassosque vel pituitosos humores, ac mucilaginosas cruditates digerendi, incidendi & absumendi.

Nec minor qualitatum pugnantium diversitas reperitur in Opio, hoc enim propter summam quam in 4. gradu possidet frigiditatem, (b) calorem nativum opprimit & extinguit (c) & unâ, ratione calidæ qualitatis, sitim, pruritum & sudorem movet & excitat, nec non oris linguæque exulcerationem, pustulasque inducit, & quod mirabilius, ad venerem stimulos addit, animositatemque parit & conciliat. (k)

Talem contrariam operationem, à contrariis causis proponentem, proficiunt etiam Plumbum, Hyosciamus & Cicuta, quæ singula paulo majori dosi interius exhibita, adeò vehementer refrigerant, sensusque omnes obstupefaciunt, ut primum (l) ventriculi dissolutionem & ventris cruciatus intolerabiles cum dysenteria; alterum, (m) insaniam, mentis alienationem, Epilepsiam ac furorem; postremum (n) verò profundissimum somnum, stuporem, dementiam ac mortem denique ipsam adferat & inducat. Cum tamen eadem exterius (p) tumoribus & dematosis, strumosis ac scirrosis applicata, caloris effectus demonstrant, eos nimirum digerendo, emolliendo ac resolvendo (q)

Virtus Urticæ adurens superficiem tenuis manet: intus verò tantum frigoris latet, ut ea contusa arteriis metacarpi ac temporum applicata, febris fervorem extinguat in corde.

Pari ratione Argentum vivum contrariis præditum viribus experimur, nam partibus caloricis stannum exedit: aurum netile & illius bracteas adeò liquefacit, ut cum eo imbutum, per colum trajici possit. Nervos verò ac cerebrum adeò suo frigore ferit & humectat, ut ejus saltem vapore afflati, nervis paralytici relaxatis Aurifabri, metallorum fossores & artis Chymicæ opifices, velut siderati attoniti concidant, proinde quæ sit ejus constitutio, calida an frigida, sub Medicorum judice adhuc lis est. (r)

Rosæ terrestri portione ac siccitate sua exsiccant, adstringunt ac corroborant, aqueâ seu serosâ parte refrigerant, aërea igneaque spiritus reficiunt odoris suavitate, corpus relaxant, humores expurgant.

(s)
Flores chamomillæ olfactu profunt capitis dolori, folia nocent. (t)

Lapathii folia ventrem subducunt, semen assumptum eundem retinet & constipat.

Brassicæ decoctum alvum solvit, ipsa Brassica comestiva vel comprimit vel pigriorem reddit.

Lactis pars serosa ac butyrosa subducit ventrem, illa nitrositate quadam aperiendo & abstergendo, hac emolliendo laxandoque: caseosa cohibet ac siccitatem terrestreitate.

Vinum licet calidum sit & rectè dicatur, habet tamen partes frigidas & aqueas: ubi namque partes calidiores exhalant, remanent frigidiores, unde etiam

etiam ex largiori vini potu morbos fieri frigidos, rellè
monet Rod. à Fonseca (u) Ejusdem sententiæ est An-
gelus Sala, spirituosas nempe & sulphureas inesse vi-
no partes, atque etiam alias aquosas, ichorosas seu
mercuriales, & hinc etiam accidere, ut assumpto lar-
gius vino homines tantisper latentur, vegetasque
corporis functiones edant, imò furere soleant, donec
vivifico vini spiritu exhausto, frigida & aquosa ejus-
dem partes vim suam exerere incipiant, corpusque
languidum reddant & relinquant. Ut jam nihil di-
cā de Chalybe, spiritu salis, aliisque, quæ hermaphro-
ditæ, ut ita dicam, sunt naturæ, modò calefaciunt,
modò refrigerant, modò aperiunt, modò adstrin-
gunt, occultioresque produnt operationes, pro rati-
one variarum circumstantiarum atque adjunctorum.
(x) Verum nempe id est, infinitæ cum fiant princi-
piorum permutationes, infinitas eam ob rem in mistis
reperiri probabile est, temperamenti proprietates.
Quarum si consequi liceret cuiquam notitiam,
eundem Æsculapio similem fore prædicat Gale-
nus. (y)

a) Taurell. in alp. cas. l. 3. q. 1. text. 7. fol. 794. b. f. q.
x) Unzer. de Mercur. l. 1. c. 12. c) Verbez. in disquis. 2.
de vitr. contr. Castell. d) Gal. l. 3. de simpl. med. fac. c. 13.
e) l. 2. de diata. g) Minderer. de chalc. c. 3. & 12. h) Gal.
l. 19. simpl. Diosc. l. 4. c. 65. Ægin. lib. 7. Trallian. l. 3. c. 1.
Ætius tetr. 3. serm. 1. c. 18. Scrib. Larg. de comp. med. c.
48. i) Lemnius lib. 2. de oce. nat. mir. cap. 52. Plinius l. 20.
c. 18. Marcell. Donat. l. 4. hist. mir. c. 18. Alex. Ben. l. 6.
Pr. c. 13 Fallop. de comp. med. c. 8. de tumor. c. 14. k) Scal.
de subtil. exers. 154. & 175. sect. 1. Machiol. in com. in l. 4.
Diosc. Capov. de venen. l) Fernel. l. 7. de luc. ven. Palm. de

hydrarg. c. 5. m) 7ul. Alex. annot. ad c. 3. Gal. quod mores animi. &c. Sebentk. l. 7. obs. 152. n) Cardan. l. 1. de ven. c. 4. Scal. exerc. 12. Dalechamp. annot. ad cap. 13. l. 25. Plin. Math. ad comm. c. 11. l. 4. Diosc. Tragul. l. 1. hist stirp. c. 159 p) Fallop. de metall. c. 22. Parau de tumor. Libau. l. 6. syntagm. c. 13. & comment. Alchym part. 2. l. 1. c. 7. r) Lang. l. 2. epist. 33. Vstruv. l. 7. c. 8. s. x) Rosenberg. in ros. nobil. exerc. 9 t) Gal. l. 2. de simpl. med. fac. c. 2. u) Com. 2. consil. c. 89. x) Gal. l. 8. de constit. art. med. c. 8. y) l. 2. M. c. 4.

XIII.

Transmutatio Metallorum, controversa.

Et si reperiantur, qui Metallorum transformationem rejiciant, tamen cum experientia reclamare nefas sit, satisque hujus testimonio constet, Artis Chymicæ opera Metalla ignobiliora in nobiliora transmutari posse, non est cur hunc Chymicæ usum rejiciamus. (a) Quærere autem rationes & dimittere sensus, infirmitas quædam mentis est. (b) Ex cineribus vitrum fieri hodie notissimum est, de quo, si experientiâ non constaret, cui id rationibus facile persuaderi posset, aut quid contradici non posset? Metalla autem transmutari toties hodiè experientia comprobatum est, ut disputando de eo frustra tempus teratur. In Ungaria ad oppidum Smolnitium, in monte Carpatho, fontes sunt, ad quos Ferrum conjectum in cuprum optimæ notæ vertitur. Idem fit hodiè Gossariæ. Neque hoc Aquæ saltem naturales præstant, sed & arte idem fieri potest. Ferro enim in Aquam vitriolatam conjecto, pulvis rubens adhærescit, qui igne fusus Cuprum evadit. Et propterea *appropinquat diabolus*

laborat, Nic. Guibertus, Medicus Lotharingus, qui nihilominus ista in dubium vocare & tot experientiis totâ Europâ notissimis convictus etiam de transmutatione Ferri in Cuprum scribere audet: Id apud aliquos semidoctos fidem invenisse: missionem quidem esse & temperaturam satis exactam; quæ dederit mendacio locum, non esse formæ mutationem; qui si ad examen judicii & rationis prius hoc revocassent, longè aliter sensissent, &c. Quasi verò per totum Imperium Romanum, fide publicâ, omnium artificum & Docimastarum consensu, non esset notissimum, Cuprum illud genuinum esse, imò eò, quod multis in locis terra effoditur præstantius, & Guiberto nescio quas rationes in medium afferenti, plus quàm tot Artificum censuræ & non unius seculi experientiæ fidei habendum, & umbratilis ad pulpitem speculatio experientiæ tot Artificum præferenda sit, &c. (e) Certè homine imperito nihil est ineptius. Quâ de re pulchrè Lucianus, in Hermotino. Siquispiam fortasse illorum interrogaret, dic mihi, inquit; ô Lycine, si quis Æthiops, qui nunquam alios homines conspexisset, quales nos sumus, propterea quod nunquam peregrè extra patriam profectus sit, in quadam concione & conventu Æthiopum pertinaciter affirmaret diceretque: nusquam gentium homines albos aut flavos reperiri nusquam nullius alterius coloris, quàm nigros, nunquid fidem aliis suis dictis faceret? Diceret autem ad illum quispiam ex senioribus Æthiopibus: tu verò unde hæc cognita expertaque affirmas audacissime? neque enim unquam à nobis suscepta ad externos populos

Kk 5 pro-

profectione peregrinatus es? neque, qualiter apud exterarum nationes sint, unquam peruestigasti, aut præsens oculorum testimonio didicisti?

a) Sennertus l. 5. institut. part. 3. sect. 2. c. 1. b) Aristot. l. 8. phys. c) Sennert. de cons. & diss. c. 2. l. 5. epit. sci. nat. c. 5.

XIV.

Negantes transmutationem specierum sunt fatui.

Qui dicunt, artem versari tantum circa accidentia, & non posse mutare substantiam, quasi cum ex petroleo nigro, fit bitumen, ex hydrargyro Aurum, ex Ferro Æs, tantum fit mutatio facta in adjunctis, quæ est alteratio mera, fatuitatem suam & iudicium blireum satis hoc ipso produunt. Nam & substantiam Ars facere ex præexistente substantia, in qua est dispositio ad sequens, potest: licet primum, ubi nulla est omnium & negativè substantia, non possit, nisi Deus ipse. Appellamus autem & hanc Artem cum utitur naturæ, adminiculis, & ex ligno per ignem facit cineres, salem, aquam, oleum: ex aqua aërem, ex vino acetum, ex aquâ & melle hydromeli, ex bove apes, ex caseo vermes, & sic in cæteris, ubi adhibentur artificiosè agentia patientibus, & gubernatur opus ingenio. Cernere verò est absurditatem istius opinionis etiam in definitionibus, quas comminiscuntur valdè ineptas ex isto suo fundamento. Nam cum definiendus est lapis ex sale factus per artem, siquidem ars non mutat substantias, sed accidentia tantum, essentialiter dicendum est, quod talis lapis sit sal saxæus, vel sal saxum, ut adhuc magis delisent; ita de ærugine, ex ære corrupto, quod sit Æs: de liquore plum-

plumbi, quod sit plumbum, de oleo, Cera, quod Cera, & sic in cæteris. Quî verò potest his rebus tribuî substantia, seu materia formaque, quam non habent amplius? quam stultum est carbones & Cineres arte confectos, salesque inde paratos dicere ligna? at hoc necesse est fieri, si ars, licet adminiculo naturæ (nulla enim ars humana naturæ auxilio carere potest) relinquit substantiam, & saltem mutat affectiones. Quomodo etiam jure explosæ Peripatetici veterum condensationem, rarefactionem, atomos & similia deliria, si verum est, quod putant? cur verò in istam stultitiam sese demerserunt? nimirum, ut quod ipsi nullâ vi ingenii, nedum arte assequi possunt, imò ne visum quidem & comprobatum accipere volunt, negent species rerum transmutari posse, & ex metallo uno aliud fieri. Verùm ad Antyciras cum istâ perversitate.

Libav. part. 3. singul. l. 7. schol. ad c. 4.

XV.

Ars faciendi Auri nulli revelanda.

Aurum ex Hydrargyro, non est tantopere à Natura remotum, quin possit fieri, si eam ingeniosè tractet Artifex. Verum industriæ tantæ est, ut hebeti ingenio & tardo qui est, non sit ad eam rem idoneus. Non tamen manca est vita nostra, etsi illa Ars non extet vulgo: consentaneum est, Deum ideo à conspectu multitudinis eam arcere, quia cupiditatum improbarum nullus penè est finis, quamquam & vilescant vulgata, sicut olim argento evenit tempore Salomonis, & Auro apud Indos, antequam experirentur Hispanorum Gallorumque aviditatem. Væ illi Magistro qui offici-

ficinam auri faciendi aperuerit. Itaque sapientes qui callent artem, sibi tacendum putant, & consortia procerum vitandum, ut præclare monuit ex veteribus quidam. (a) Etenim qui thesaurum invenit preciosum, potestne tam exiguae mentis esse, ut iis ostendat & aperiat, à quibus sibi periculum, ignominiam, calumniam exinde imminere certus est? ita infelicissimi illi, qui aliis scientibus sciunt hanc Lapidis conficiendi artem. Modò Reges & Principes, eam ab iis poscunt, aut per pollicitationes magnas favoris & honoris obtinendi, aut per minas, carceres, torturas, mortem. (b) Et licet ob hominum perditissimorum imposturas, qui aliis Aurum promittunt, quo ipsi carent, quique alios fraudulenter emungunt, tota Ars apud plerosque malè audiat: tamen viri prudentes genuinos Artifices ab Impositoribus, & errata Artificum ab ipsâ Arte discernere norunt. (c)

a) Libav. l. 1. epist. chym. ep. 3. b) P. Müller. in proœm. lib. de lap. philos. c) Sennert. in instit. l. 6.

XVI.

Species quomodo transmutentur.

Præcipuè hoc nonnullos movere solet, quod metalla, quæ specie differunt, inter se transmutari non possunt. Verùm quid obstet, non video. Forma quidem Ferri, in formam Cupri, & Plumbi in Aurum non vertitur; sed formâ Ferri decedente forma Cupri, & Formâ Plumbi decedente Auri forma introduetur. Et quidem inter Metalla facilior est transmutatio, cum communem habeant materiam, atque inter ea, quæ symbolum habent, facilior fiat transmutatio. Et si hæc de causâ Metallorum transmutatio neganda esset, plurimæ aliz rerum

transmutentur.

transmutationes negandæ essent. Ut jam de Elementorum transmutatione nihil dicam; triticum & aliæ plantæ in suo censu & suâ formâ sunt perfectæ species, nihilominus in chylum mutantur; Sanguinis forma est, per quam est, quod est, nihilominus in carnem, os, membranam mutatur. Atque idem aliis quoque accidit, & vulgatissimum est; ex rebus in sua specie perfectis ad alias formas suscipiendas dispositis, alias res ab alio principio generari. Absurdum quoque nonnullis videtur, quod tam brevi temporis spacio metalla in Aurum transmutari possint. Verùm isti vim & potestatem spirituum ignorant, & Chymicarum operationum parùm periti videntur. Quanta enim vis fulminis in Metalla & alias res; quanta vis aquarum fortium & Regalium, & Spirituum aliorum Metallicorum, ut vel ex Bezoardici mineralis & Auri fulminantis præparatione videre est?

Sennert. de conf. & diss. 8. 2.

XVII.

Paracelsus Aurum confecit.

Paracelsus pecuniæ erat prodigus profusus, & cæcè ita sæpè destitutus, ut ne obolum quidem ei superesse scirem. Crastino statim rursus crumenam benè instructam se habere ostendebat, ut non rarò admiratus fuerim, unde ei fuisset suppeditata. (a) Aurum autem fecisse Paracelsum ex plumbo & argento vivo, Michaël Neander, testes producit (b) tùm privatum quendam Franciscum, cujus etiam Epistolam affert: in eâ ille Franciscus, Annorum tunc 72. pietate, doctrinâ & opibus dignitateque in Bohemia præstans, qui adolelescens per semestre Basileæ cum Paracelso familiari-

ter vixerat, scribit: iussisse aliquando Paracelsum pecuniâ destitutum, dato floreno Rhenano, ut ex Pharmacopoleo libram Mercurii peteret. Quo allato Paracelsum quatuor lateres in foco composuisse, Mercurium in catinum coniecisse, ignemque excitasse. Postea cum inciperet Mercurius fumare, dedisse Francisco huic globulum, ac iussisse, ut pyragrâ prehensum parumper in Mercurium demergeret, donec liquesceret. Hinc aucto igne utrumque in hypocautum rediisse, reversosque post dimidiam horam aurum in catino invenisse. Hinc catino fracto, iussisse Paracelsum, ut Franciscus Aurum istud ad Aurifabrum, qui habitabat super pharmacopolium, deferret & pecuniâ permutaret. Aurifabrum pondere cognito ad stateram (erat autem libræ minus semuncia) crumenam ex serico plenam aureis Rhenensibus detulisse & Paracelso misisse. Medicamen autem, quod in catinum immergebat Franciscus, erat globulus mediocris avellanæ instar, inclusus ceræ rubræ signatoris. Quæ res autem intus fuerit, se ignorare scribit iste Franciscus, & quâ re ipse præparaverit, an aliunde acceperit, non satis liquet. (c)

a) Oporinus in quâdam epistolâ b) *Geograph. p. 56. 57. & 61.* c) *Sennert. c. 4. de Parac. lib. de conf. & diss. Libav. l. 2. defens. Alebym. transmutat. contra Gubertum.*

XVIII.

Artis transmutatoris Autoritas.

Obiit ante paucos annos Nicolaus Mirandulanus, Sacerdos ex minorum ordine, senex, nobis notus, integer vitæ. Is & Bononiæ Argentum, & Carpi Aurum ex are fecit multorum testimonio. Fecit & Hieroso-

rosolymis, ubi multos Annos versatus est; ubi Aurum ipsum fecisse, vivit adhuc, qui contestetur.

Præterea fuit inter mortales ætate nostrâ Apollinaris, ex ordine Prædicatorum, sacerdos boni nominis, qui non dubitavit Amicis affirmare, sese modos plus viginti constanter tenere, quibus verum Aurum conficeret. Romæ publico in templo scriptum erat: AURI ex plumbo collectori.

Fuit ante paucos Annos Venetiis, qui publico multorum nobilissimorum virorum testimonio, ex re parvulâ, quæ nec piperis granum quantitate excederet, magnum satis Auri pondus ex vivo argento fecerit.

Fuit in ditione meâ, qui tribus testimoniis, ex re, Tritici granum æquante, argenti vivi unciam, vertit in probatissimum Argentum, atque unum ex his, qui viderunt, cum alloquerer, audiivi dicentem, se diligenter conversionem inspexisse, colorisque cinerei fuisse Medicinam.

Vivit adhuc vir mihi notus & amicus, qui plus sexagies suis manibus ex rebus metallicis Aurum & Argentum confecit me præsentem, nec unâ tantum viâ, sed multis id est consecutus.

Vidi in confectione Aquæ Metallicæ, in quâ nec Argentum, nec Aurum, nec Sulphur, nec Hydrargyrum ponerentur, ex insperato simul Aurum & Argentum generatum.

Vidi Aquarum vi ex ære Argentum extrahi.

Est alius, cui quoties libuerit, suis ex furnulis promittitur Aurum, quod publicis officinis pro purissimo vendit, cui satis amplæ sunt opes.

Vivit adhuc, cui non desunt opes ad sustinendam semper nobilis conditionem, cujus manibus vidi æ con-

ver-

versum in Argentum & Aurum succo quodam plantæ.

Quidam inops, monstratâ sibi in somnis aquâ aurum fecit, qui item Ferrum bis in Aurum vertit, ex Auripigmento ter quaterve fecit.

Vidi alium, qui duobus modis in verum Argentum mistum Auro, vertit Argentum vivum.

Vidi ex Cinabari, adjectis quibusdam rebus, excluso Argento & Auro, simul Aurum fieri simul Argentum.

Vidi ex mera Cinabari, olei alicujus simplicis admistione, Aurum & Argentum sed parvi momenti fieri.

Vidi sæpenumerò hydrargyron, & qui erat ex Plumbæ & Ære detractus, in Argentum & Aurum transformari.

Superioribus diebus & oculis vidi & manibus contrectavi Aurum, quod me inspectante factum fuit ex Argento, trium circiter horarum spacio, nulla prius facta Argenti mutatione, nec in hydrargyrum, nec in Aquam.

Vidi non semel minus decimâ parte horæ diffici metallum, sicut Sulphur alta petiverit; hydrargyros ima.

Vidi prioris metalli forma prorsus abolitâ subito novam, id est, Auream, solertiâ artis imponi.

Ego seorsim Aurum, seorsim Argentum, diversis granulis effici, uno eodemque pharmaco, itemque simul & Aurum & Argentum, eodem tempore, eodemque pharmaco sæpenumerò sum intuitus.

I. Francisc. Picus, l. 3. c. 2. de Auro. Rob. Vallens. de verit. & antiq. ars. Chym.

Vide

Vide Centur. nostr. 4. memor. part. 89. centur. 5. part. 92.

XIX.

Autores & testes Artis transmutatoriæ.

Quò minus multi sunt, qui de re Metallica scripserunt, eò magis mihi mirum videtur, tot Chymistas extitisse, qui composuerunt Artificium de metallis aliis in alia mutandis. Multos Hermolaus Barbarus, homo dignitate generis, & gradus, & omni doctrinarum genere ornatus, nominatim prætulit. Ego plures proferam, sed insigniores tantum. Delectum enim servabo. Itaque *Χημικὰ* scripsit Osthanes, Hermes, Chanes, Zosimus Alexandrinus ad sororem Theosebiam, Olympiodorus Alexandrinus, Agathodæmon, Demotritus, Orus Chrysoirichius, Pebichius, Comerius, Joannes, Apulejus, Petasius, Pelagius, Africanus, Theophilus, Synesius, Stephanus ad Heraclium Cæsarem, Hellodorus ad Theodosium, Gebetus, Callides Rachaidibus, Veradlanus, Rhodianus, Canides, Merlinus, Raymundus Lullius, Arnoldus Villanovanus, Augustinus Pantheus Venetus, faminatres, Cleopatra, virgo Thapuntia, Maria Judæa; atque hi Chymistæ omnes orationem solutam usurparunt, præter Joannem Aurelium Augurellum Ariminensem, qui solus verba versu inclusit. (a) In his Ceberus est, Hermes & Arnoldus qui affirmant sanctâ fide, se fecisse, vidisse, tetigisse lapidem; quibus accedit & Thomas de Aquino, & Bernhardus Comes, Arnaldo Guilielmus Speculator attestatur, quod virgas Auri à se factas omni examini Romæ subjecerit. Idem de Paracelso superiorum temporum ejus discipulus

pulus *aurum* sanctè contestatur; idem præstitit pharmacopola Tarvisinus, licet à Fallopio (b) sophisticè eludatur; Joannes Rungius Chymicus præclarus scripsit se vidisse Argentum Chymicum, Baptista Porta, Hier. Rubeus, Picus, Dornesius &c. ex cinabari utrumque factum edocent. Ita Quercetanus, Joan-Dee, Vogelius, Penottus & alii innumeri uno ore Veritatem Artis asserunt. Quibus qui fidem non potest adhibere, nullâ fide dignus est, neque uberiori argumento convincendus, cum si artificibus non credit, multò minùs suis oculis & manibus, præsentique experimento sit ad stipulaturus, quâ malitiâ inveniuntur multi, qui experimenta potiùs omni sophisticatione eludunt, quàm acceptant. (c)

a) *Agricol. in præf. rer. metall.* b) *de fossil. c. 11.* c) *Libav. comment. lib. 1. de nat. metall. pag. m. 47. Theob. ab Hogel. ande de Alchym. difficult. Wolf. Dinheim. de univ. Medic. c. 4. Nic. Barnaud. comment. in enigm. quoddam Epitaph. Bonon. Ruland. F. Progymn. Chym. quest. 67. Sennert. de cons. & diss. c. 2. Bernh. Penot. in præfat. apolog. cont. Guibert.*

XX.

Vis caloris & facultatis naturalis Animalium in metalla.

Edidit hoc 1619. Anno prognosticum Astrologicum vir Clarissimus D. Franciscus Wendlerus, Medicus Gorlicensis, in quo mira quædam de Gallinâ aureâ & argenteâ Philosophicâ, quam appellat, recenset. Ita autem ille. Hoc loco facere non possum, quin mentionem faciam, quâ ratione Gallina foliis auri & argenti cum saginâ reliquâ cibanda sit, & quàm

quàm mira meis oculis viderim, referam. Cum Sol signum Cancri ingreditur, quod 22. Junii eveniet, Gallinam aliquam, quàm fieri potest, optimè sagina. Sagine folia argenti insperge: quorum quò plura cum cibo ingerit Gallina, eò meliùs sese res habet. Primis quidem quatuor diebus Argentum cum excrementis per alvum rejicitur, quinto verò vel sexto die assuescit ventriculus Argento, idque eripit & immutat, in suam quintam essentiam meliùs quam Chymicus aliquis. Si mensem unum ita Gallinam nutriveris ac sagine veris, mactare eam licet & mira videbis. Quæ domi meæ saginata & mactata est, candida fuit instar argenti: intus viriditas tanta apparuit, qualem nec Chymicus arte ex Argento parare possit. In massâ illâ quæ Ova continet, innumera ferè ova magna & parva apparuerunt, quasi ab Artifice aliquo ex Argento formata essent. Postea, quando Sol in Leonem ingreditur, quod accidit 23. Julii, alia Gallina eodem modo nutriatur Auri foliis. Hoc modo meo suasu, nutrita & saginata est Gallina à Senatore quodam hîc primario, & lautioris fortunæ, qui cum Uxore, Dei beneficio adhuc in vivis est. Comederat illa Gallina 4. circiter volumina (4. Büchlein) Auri malleando in folia ducti. Ubi mactata fuit, mirum, quàm pulchra & pura intus fuerit. In pectore verò tres lineas penè aureas habuit, quasi ab Artifice aliquo inductæ fuissent. (4) Matrona quædam in mea viciniâ aluit in hypocausto Gallinam, in gratiam filię suæ, quæ, cum observasset nummos à Gallinâ devorari, noluit eam amplius ferre, suntque in occisæ Gallinæ ventriculo inventi nummi aliquot, ad medietatem

consumpti, in primis Argentum digitalis argentati
 foliolæ, ut præter æs nihil restaret. (b)

a) Sennert. in præf. ad lect. lib. de cons. & dis. Arist. sum.
 Galen. b) Sig. Schnitzer op. 50. cissa Medica Hornungi.

XXI.

*Aureas monetas & torques juribus incoquere,
 absurdum.*

Stultum meæ sententiæ est, Aureas monetas, annu-
 los, aut catenas intra capones, iuscula aut stillationes
 liquores, aliosve quosvis coquere, cum in his nihil
 aliud absumatur, quàm multarum manuum sudor
 adhærens? nihil enim ponderi penitus detrahitur
 post illorum elixationem, nec etiam quicquam Au-
 rum Aquæ imprimat, nec etiam saporem, odorem,
 aliudve adjiciat.

Septal. animadv. med. l. 5. cant. 57.

XXII.

Plumbum Argento gravius innatat.

Mirum est, quod Plumbum in pondere vincat Ar-
 gentum, & illi liquefacto innatet. At gravius debe-
 bat subsidere. Vidi autem hoc in officinâ reductoriâ,
 ubi pastilli segregantur (in der Treibhütte) Plum-
 bum liquatum Argento infilit. Quid hîc causæ? num
 elevantur fugaces partes instabilis in Igne plumbi?
 Argenti verò ob homogeniam, & quia non divapo-
 rant, subjacent. Non ubique plumbum gravius Ar-
 gento est, sed in solido & illiquato. In catinis liqua-
 toriis, quod optimum est plerumque est medio loco,
 innatantibus scoriis, & subsideute face.

Libav. l. 2. epist. chym. op. 98.

XXIII.

XXIII.

*Bismuthum, telis sulphuratis hætenus admixtum,
quid, noxium & cur.*

Telarum sulphuratarum (einschlag (*) in den Bet-
ten) scopus est præcipuus duplex: tum ad vasa, tum
ad vinum, potissimum tamen propter vinum à Ger-
manis hæc mistura excogitari solet, scilicet ut vasa à
putredine defendantur, & ut vinum novas quasi vires
acquirat, majoremque calorem aut spiritus acriores.
Veteres id tentabant coctione, vel immissione plantarū
acrium & salubrium, vel ignis beneficio, & alio etiam
artificio, circa ipsa vasa. Compendiosius Germani in
frigidis regionibus id tentarunt, per talia sulphurata,
vel alia, vim sulphuris habentia, ut vinum sublimatū,
vel spiritum, vel potens aliud simile ex plantis, è Sina-
pi, Sambuco, & Sclarea, vel alijs etiam petitis. (b)
Telam autem talem sulphuratam, quæ Bismuthum
capit, non laudo, ejus enim usum potius noxium
puto, quàm salubrem. Minerale etenim hoc (in quo
ferunt esse caput chrysopeæ) si quis in primam mate-
riam posset deducere, fumis pestilentialibus, Arseni-
calibusque est plenum, quamquam sine resolutione
ignis vim purgandi habeat, ut Regulus Stibii. (c) Te-
la verò sulphure perlita, vi sulphuris resolvuntur,
fumosque istos Arsenicales habent. Fors inventor
ejus putavit, facere ad defæcandum vinum, sicut vi-
demus fieri musto, in stanneis vasis servato, vel etiam
stanno eodem liquato & in dolia confecto, nescio
enim quam vim defæcatoriam habeat Stannum. (d)
Bismuthum autem, tum Græci, tum Latini veteres

scriptores ignorasse videntur. Atque hinc est, quod Plinius (e) duo tantum plumbi genera commemoret. Nostri Bisemuntum, Germani Wisemunt oder Wis-
munt oder contra fessit appellant. (f) Albicans est, cum livore, medium inter antimonium album & plumbi genera, ideo etiam plumbum Cinereum (g) vel cinerulentum vocatur, quod lucet ac splendet, friabile est (ita ut vertatur in pulverem, non solum si lapide, vel pistillo teratur, verum etiam, si digitis fricetur, & vocatur Marchesita librariorum, vel Impressorum, quoniam qui imprimunt, characteres, & literas in statuis & vasis, solent cum stanno admiscere aliquid hujus plumbi, quoniam eliquatur simul cum stanno, & reddit Stannum durius, & sic magis retinet (h) characteres) nasciturque in venâ Arsenicali, cadmiosa, sulphureâ, cujus fâtor & virulentia satis arguit infecta, impuraque principia. Obterream naturam, & quia malleo dilatari non potest, sed frangitur, inter Metalla locum non invenit, sed in Marcassitis remansit. Neque enim quicquid ex Mercurio & Sulphure constat, etiam metalli nomen & rationem meretur. (i)

a) Schnitzerus ep. 32. cist. Med. b) L. Doldius. ep. 251. l. c. c) Libav. syntagm. Tom. 2. de igni nat. c. 32. d) Libav. ep. 56. l. c. e) l. 34. c. 17. & 18. f) Fusch. l. 1. de comp. med. c. 17. g) Sennert. l. 5. c. 3. epit. scient. natur. h) Fallop. de fossil. c. 22. i) Libav. comment. metall. l. 1. c. 10. Tom. 1. syntagm. Alch. l. 2. c. 24. De Aquis Bisemuntio infectis vide Tabern. in thes. aquar. c. 97. 59. & 53.

XXIV.

Corallis ortus admirandus, differentia, usus internus, externus

Corallum, vel ut aliis placet, Corallium, ut in imo maris incredibili naturæ artificio productum, ita mirabiles ab eâ dotes sortitum est. (a) Aliqui *Λιθοδένδεον* appellant, marina planta est, quæ alto mari exempta duratur statim atque emergit, quasi à circumfuso nobis aëre lapidescat, concrefcâtve. (b)

— *Corallum, quo primum contigit auras*

Tempore durefcit, mollis fuit herba sub undâ. (c)

Cujus rei causa est, quòd plurimum Salis & succi lapidescentis huic plantæ inest: id quod vel resolutio ostendit, quâ Corallia penè tota in Salem abeunt. (d) Triplici constat differentiâ, albâ, rubrâ, nigrâ, Prima est præciosior; altera usitatior; ultima (e) rarior, quæ vocatur Græcis *δύσπαθής*, arboris & ipsum figurâ, at magis ramosum. (f) Sunt & ex his, stellatum, racemosum & articulatum sub iisdem speciebus reponenda. (g) Probatissimum rubens colore Sandarachæ aut Sandycis saturatæ, ut quod in lapidis duritiem coit; scabrosum, fistulosum seu concavum, præterea inane seu spongiosum, vitiosum existimatur. (h) Quare potissimum hoc nobis in usum venit, quod quidem non nobis solum Europæis innotescit: verùm & Asiæ & Afris. Hinc Turcæ, Indi, & pleræque aliæ nationes barbaræ ipsum integrum collo gestatum insignes habere vires constanter credunt. (i) Inde fit, ut pretiosius sit apud Indos Corallium, quàm Indici uniones, Adamantes, Saphiri, & his maximè temporibus, quibus Coralliorum rupes Africanæ penitus

effata videntur. (k) Colligitur hodie in maximâ quantitate in mari mediterraneo, Barbariam versus, quod Massilienses ut quota annis adeunt piscatum, sic id artificii genus appellant, eo quod retibus ipsum ex imis Oceani visceribus extrahant. Traditur etiam, id in Ligustico mari enasci, verum potius Ligures cum Massiliensibus in Barbarico ipsum reperiunt, & inde postmodum Genuam advehunt. (l) Refert Linscottus, ad caput bonæ spei scopulos esse, qui magnâ ex parte Corallio, eoque acutissimo, aspersimoque & omnisarii coloris, ut nigri, albi, æruginosi seu viridis, constant. (m) Frigidum est numero 1. & siccum in 2. occultâ vi firmat cor, & luce quadam spiritus rigat, & cum adstrictione firmitatem præbet. (n) Aeris squamæ & æruginis est alexipharmacon. (o) Refrigerat mediocriter; sanguinis fluxum & rejectionem ex quacunque corporis parte manantē sistit; Epilepsiæ auxiliatur. (p) Sitim placat, non solum proprietate occulta sed etiam manifestâ, cum sit corpus gelidissimum. (q) Bononiæ puellæ id collo gestant, tanquam ornamentum & virginitatis signum. (r) Collo admotum, turbulenta somnia propulsat, & nocturnos puerorum terrores compescit, vi quadam specificâ & occulto effectû, abditaque proprietate, ejus rei causa indagari nequit. (s) Collo suspensum, ut stomachum attingat, occultâ proprietate Epilepsiæ resistit. (t) In orbiculos elaboratum ac lavore perpolitum, si à viro gestetur, rubescit exuperantiùs, quàm si hoc gestamine fœmina decoretur. In pallorem enim muliebri consuetudine elanguescit, ac colore nativo destituitur, partim ob emanantes ex illâ fuliginosos densosque spiritus, partim quòd languidum

dum calorem habeat, ac frigidæ humentisq; sit naturæ, quæ qualitates aliquid conservare tuerique nequeunt; cum vir caloris innati substantiam vaporosam, mitem ac suavem sit consecutus, ac velut aromatis odore imbutam. Quâ ratione & Sinapis semen Corallum rubicundum efficit, si illo obruatur, caloris scilicet ratione, quo tanquam ignitâ re incalêscit. (u)

a. g. i. l. r) *Dispensat. rhym.* l. 2. c. 49. b) *Dioscor.* l. 3. c. 139. c) *Ovid.* l. 15. *Metamorph.* d) *Sennert.* l. 5. c. 4. *epis. scient. natur.* e) *Plin.* l. 32. c. 2. l. 37. c. 10. f. h) *Bauhin.* in *pinac. theat. botan.* l. 10. *sect.* 4. p. 367. k) *Bodin.* l. 2. *sh. natur.* p. 269. m) *part.* 3. *Or. Ind.* c. 1. n) *Heurn.* l. 2. *M.* c. 5. *Fuchf.* l. 1. *de comp. medic.* c. 41. o) *Dispens.* *August.* c. 8 in *proleg.* p) *Sennert.* l. c. *Weck.* l. 1. *antid. spec. sect.* 7. *Dunc.* *Bornet.* in *latrochym.* p. 113. q) *Mercur.* l. 3. *de cur. aff.* c. 9. l) *Pansa de pror. vit.* l. 4. *pract. spec.* c. 56. s) *N. Piso de med. morb. Bajerui.* l. 2. *pract.* c. 16. *Unzer.* *de Epil.* l. 2. p. 240. u) *Lemn.* l. 2. *de occ. nat. mir.* c. 22.

XXV.

Concha Margaritifera admirabilis contra febres tertianas virtus.

Concharum aliàs varia occurrunt genera, sed præstantiores & elegantiores sunt exoticæ, quæ reperiuntur tùm in Mari Persico, quod in Oriente est, unde & Orientales nuncupatæ, tùm in Chynarum tractu & Indiæ Regionibus, in quibus Concha Margaritifera ab Incolis Berberi vocatur, & à quibusdam Barbarie Cherippo, ab aliis Chanquo, quod Mater, seu ut vulgus loquitur Nacra Perlarum perhibetur, Gallis Na-

ere de Perles. Conchæ hæc magnæ sunt & spissæ, modicè cavæ, exterius minimè striatæ, sed planæ & aliquantulum flavescentes, scabræ tamen insuper & impolitæ, intus levès, splendidæ, argentei coloris & ad spectum pulcherrimæ. Aëri expositæ hiant, vel ferro aperiuntur, atque intus cum carne Margaritæ reperiuntur.

Maxima Concharum istarum copia delectat Massileæ, ubi innumeri Artifices, qui varia exinde formant tum ornamenta, è collo & manibus fœminarum puellarumque suspendenda, tum utensilia pro delicatulis, ut cochlearia, pyrones, manubria cultellorum, & id genus.

An verò in usus Medicos hæc hæctenus vocatæ sint, parum scio. Apud me quidem in dubio non est, paulò minus valere eas in virium refectiōe, quàm ipsas Perlas, quas uno consensu recentiores cum veteribus valdè cordiales asseverant. Quia & Serapio, ubi Margaritarum desit copia, earum Conchas usui proponit; annuente etiam doctissimo Costo.

In eo tamen & ipsas Margaritas & cætera quævis pretiosiora superare videntur, quod in februm tertianarum fugâ specificam quandam efficaciam in se contineant: cuius ego me primum Investigatorem (ni fallor) statuere audeo.

Conchularum quidem adustarum genere, & Græcos usurpatos esse video, sed extrinsecus. Arabes verò etiam intrinsecus, velut Mesuen in Electuario suæ inventionis, at Manardus tunc eas intelligit testas, quas Cappatoria vocant, sive Onychas, id est, Blattæ Byzantinas.

Lau-

Laudet suas Cochleas, longas habentes testas, quæ propè piscinas & Lacus reperiuntur, Crollius quarum usus ante ipsum in Empiria Matronarum Illustrium decantatus fuit: oppono his & oppono, tum loci natalis nobilitate, tum generis splendore, & formæ venustate Perlarum Matres, quas non tantum vulgari quidem & eo, quo aliàs ipsæ Margaritæ præparari solent modo lavigatas, præsentaneum & unicum post uniones cordis languentis, supra asserui, & adhuc assero refrigerium, sed uitas quoque certum & admirabile. Nunc propono Februm tertianarum propugnaculum, ubi sequenti venerit in usum medicum, formula.

RECIPE unam, 2. 3. vel etiam plures Perlarum Matres, quas ab exteriori parte scabritie usque ad flavedinem sublatentem politas in frusta confringito, quæ crucibulo indita calcinando incinerato usq; ad niveam albedinem. Tandem pulverisâ & in usum adserva.

Habebis sic ἀντιπύρετον præstantissimum, quo innumeris febri tertianâ divexatis, divinâ afflante gratiâ infallibili tui opem, idque per multos annos, apud me in arcanis habitum, Christianâ nunc charitate persuasus benevolæ posteritati publicè dicere volui.

Dosis maxima scrup. 4. mediocris drachma 1. minor drach. sem. minima scrupulus unus, pro viris, mulieribus, pueris, infantulis. Usus nondum præsentem, sed saltim instante paroxysmo. Esto enim hæc regularis regula, ut tales Medicinæ semper ante paroxysmum exhibeantur, & quidem sæpius, in 2. 3. vel 4. paroxysmis, & si non redierit, suo quoque tempore, ut
sic

sic junctis viribus, cum Natura ad expulsionem auræ febrificæ accincta operentur.

Vix memini, quin frustra ulera tertiam exhibuerim vicem, quâ plerumque februa hostilitas eliminaretur. Indiget autem hic pulvis vehiculo & liquore convenienti, qui est haustus calens cerevisiæ (si haberi possit) albæ, (si non) nigræ, cum tantillo liquamine butyri recentis: quo epoto statim in lectum se recipiat æger, sudorem inibi expectans largissimum, qui spem ipsi faciet certissimæ sanationis.

1. Steph. Strobelberg. de rem. sing. pro cur. febr. p. 10. & seq. Vide lib. Würtemb. D. Gabelkov. p. mibi 156. de medicamento universali ad omnes febres, ex concha fluviatili decorticatâ, Germ. Scheffmillerlin.

XXVI.

Magnetis stupendi effectus, & conversionis causa.

Magnetis Lapidis effectus sunt planè admirandi, & in quorum causâ reddendâ, multi docti viri laborarunt. Sunt autem magnetis effectus, vel solius lapidis, vel Ferri Magnete fricati, vel utriusque Lapidis & Ferri. Lapidis simplices effectus sunt, trahere ferrum, versus polos mundi converti. Versus polos Mundi dico: nam in plerisque locis non exactè respicit polos Mundi Magnes, sed ab iis declinat, in aliis plus, in aliis minus. Quæ declinatio à polis mundi nostro seculo præcipuè innotuit, & magis omnino utilis & momenti est. Cum enim Antiqui, in quo Mundi Meridiano in Mari versarentur, de die saltem ex Solè cognoscerent: & per Stellâ noctu elevationem Poli & in quo mundi loco secundum latitudi-

nem

nem degerent, cognoscerent: nunc beneficio Magnetis, locus etiam secundum longitudinem inveniri potest. Antiqui enim gradus longitudinis ab Insulis Fortunatis numerabant, atque ibi globi hujus mundani initium ac finem constituebant. Recentiores verò Cosmographi, cum animadverterent, Polum Magnetis & Polum Mundi in uno Meridiano consistere in 10. gradu, ultra Insulas Fortunatas, versus occidentem, circa Insulam, quæ caput viride & caput Corno appellatur: eo loco initium longitudinis, & quidem non ex arbitrio solum, sed naturali hac de causâ constituent: quod scilicet in isto Meridiano, Poli Magnetis & Poli Mundi conveniant. Ab isto initio verò & Meridiano versus Orientem, magis & magis augetur declinatio. In Germaniâ præcipuè circa Noribergam est declinatio, 10. graduum. Belgæ, qui in Norwegiam & vicinia loca navigarunt, versus Orientem, declinationem Magnetis à Meridiano 16. graduum invenerunt, & ad novâ Zemblam 17. graduum in locis, magis versus Ortum sitis, modo exactis in observando instrumentis usi sunt. Imò Gilbertus (4) citat quendam, qui declinationem poli Magnetis à Polis Mundi 23. graduum observavit. Unde probabiliter colligitur, summam declinationem Magnetis à Polis Mundi & Meridiano esse 23. graduum. Et probabiliter asseritur, si Hollandi iter istud versus Orientem absolverent, quo magis in loca Orientalia & Chinam versus penetrarent, eò magis declinationem Magnetis à Meridiano imminui, eos observaturos, tandemque ad eum locum versus Orientem venturos, in quo Poli Magnetis & Mundi in uno Meridiano essent, nulla-
que

que Poli Magnetis sit futura deflexio, in 180. gradu longitudinis opposito initio longitudinis in Occidente.

Ex quibus omnibus satis probabiliter colligitur, declinationem Polorum Magnetis à Polis Mundi, & declinationem Polorum Mundi à Polis Zodiaci esse eandem, & cum declinatio Planetarum summa sit 23. Graduum, & aliquot Minutorum, eandem procul dubio quoque esse Declinationem Magnetis à Polis mundi.

Exiisdem satis probabilis causa conversionis magnetis & Indicis magnetici ad polum reddi potest. Sunt quidem nonnulli in eâ sententiâ, esse quosdam magnetis montes sub polo, ad quos similitudine Naturæ moveatur magnes. Verùm nec satis comperitum habent, quales vel quanti isti montes sint, nec aliis mundi locis mineræ magnetis defunt, sed plurimis in regionibus reperiuntur, præcipuè in Ægypto.

Alii ad polum, alii ad stellas quasdam circa polum converti magnetem dicunt. Verùm exactè & directè polum non spectat magnes, nisi iis in locis, ubi meridianus per polum mundi & zodiaci simul transit, in aliis omnibus declinat, & quidem magis vel minus, prout loca à meridiano illo remotiora, vel illi propiora sunt. (b)

Deinde quod de conversione ad polum septentrionalem (c) dicitur, viri docti in dubium hodiè vocant. Et alii quidem in magnete duo opposita loca statuunt, quorum unum ad Boream, alterum ad Austrum dirigatur, si lapis liber & pendulus relinquatur. Quod etsi alii non negent planè, punctum tamen, quod

quod versus Austrum movetur, fortius esse illo, quod versus septentrionem tendit, atque ita magnetem potius ad Austrum, quam ad septentrionem moveri statuunt. Et quamvis nihil esset in magnete, quod suâ naturâ ad polum arcticum converteretur, sufficeret tamen ad polum ostendendum, si tantum versus polum antarcticum converteretur. Nam cum polus austrinus arctico directè opponatur, si una pars magnetis, aut indicis magnetici ad austrum vertatur, necessum est ut altera polum arcticum monstret. Cujus rei illud insigne documentum est; quod pyxidum nauticarum & horologiorum magneticorum fabri ei parti indicis, quæ meridiem spectat, non cruci, seu illi, quæ septentrionem respicit, magnetem affricant, unde index magnetis versus austrum primariò movetur, cujus pars opposita septentrionem spectat & indicat.

Hinc ergò alii, in eam veniunt sententiam, magnetem verti versus austrum, quia vis & operatio omnium planetarum sit à meridie, cum planeta ab ortu per meridiem versus Occasum suos cursus peragant. Verrum enim verò, etsi in nostris regionibus ita sese res habeat: sunt tamen opposita loca, in quibus Ecliptica ab Æquatore versus Septentrionem declinat, & planeta ab ortu per Septentrionem, versus Occasum suos cursus peragunt. Deinde planeta eodem in loco non consistunt, sed alius in alio, & præterea non fixi hærent, sed singulis diebus totum cœlum peragant. Si ergò planetas spectaret magnes, unum locum, cum sint plures planeta, spectare non posset, nec quietus hæreret, sed perpetuò moveretur & planetarum motum sequeretur.

Probabilior aliorum est opinio, qui statuunt, ut res alia; Terra, Aër, ad suum locum tendunt, ita magnetem, nisi impediatur, semper eum situm appetere, quem in suo Natali & minerâ obtinuit. Ubi tamen experientia consulenda, & quomodo situs magnetis in fodinis metallicis sese habeat, inquirendum est.

Maximè verò probabilis illa est sententia, quæ à proximâ, modò experientiâ cum eâ consentiat, non discrepat, magnetem moveri versus Zodiaci polum australem, vel solùm: vel si duos polos magnes habet & una parsejus versus Septentrionem, altera versus austrum vergit (de quo itidem experientia consulenda) præcipuè tamen versus austrum tendere: quæcunque etiam, cum eo loco, aut iis, quæ sunt eo loci, cognationem habeat. Sufficiat illud nobis (d) quod Scaliger scribit: (e) *Concors, inquit, atque consentiens Natura sibi, rerum omnium tum superiorum, tum nostratum connexionem admirabili serie hac, quâ totum hoc unum est, perpetua necessitate conjungit. Ita ut non solum sint in rebus, tanquam gradus, aditus, recessus, separatis: verùm etiam earum, quæ sejunctæ penitus videntur, substantiarum commistiones.*

a) in *philos. magnet.* b. d) *Sennert. l. 5. c. 4. de lap. & gem. epit. sesent. natur.* c) *Quantunque in Regionem transportetur magnetica Pyxis, scilicet. cuius lingula ferrea imbuta est Magnete, semper Pyxidæ lingula Septentriones spectat. Itaque si circumeas Castellum quodpiam, gestans Psxydem, fiet, ut jam Caput, jam Cauda lingula spectet Castellum, eo ipso, quod caput semper in omni parte cir-*

enitens Septentrionem spectat. Keppl. l. 4. epit. Astr. part. 3a
p. 583. d) exerc. 131.

XXVII.

*Magnes ex aquo quatuor Mundi Regionum
Index est.*

Magnes non magis plagam Septentrionis, quam ceteras plagas indicat, sed quatuor ex aquo Mundi Regionum index est, cardinum, inquam, ac decumanorum: cardines cum Latinis appello Septentrionis & Aultri, Decumanos verò Orientis & occasus funiculos. Acus enim ferrea leniter attrita Magneti, ab eâ parte Magnetis, quâ antequam excinderetur è rupe, ad Septentriones spectabat, si ad æquilibrium acus statuatur, extremitas lapidi attrita ad Septentriones convertetur. Eadem vis est in plagam Australem, si à parte Australi Magnetis acus atteratur. Nec minor vis ab Orientali & Occidentali parte Magnetis, tametsi lapis seipsum ad regiones mundi convertere non potest, sed tantum acus ferrea, id autem quod diximus, nisi experientia intelligi non potest. Si enim Magnetis fragmentum ligno natanti in aquâ superposueris, & Magnetis latus, quod ad Astrum spectabat, priusquam de naturali sede dimoveretur, opposueris alterius Magnetis lateri, quod etiam ad Austrum spectabat, priusquam excinderetur, lapis natans refugiet in oppositam vasis aquei partem: si partem magnetis Septentrionalem Australi parti alterius magnetis in aquâ natantis converteris, magnes innatans repente accedet: & uterque utrique, mirabili naturæ consensu conjugabitur, tametsi lignum vasis aquei intercedat. Idem quoque fiet, si vel acum

Mm

fer-

ferream, in vase vitreo aquâ pleno, & calami frustulo transfixum imposueris, ac manu magnetis fragmentum teneas, latus unum magnetis acum repellat, alterum attrahet: vel etiam acus magnetis delibuta & in perpendiculo posita, illud indicabit, si magnetem manu teneas & admoveas horologio magnetico, quod Compassum vocant: experientia ipsa partes lapidis Australes ac Septentrionis indicabit. Verum acus ferrea Magneti illita veros cardines Septentrionis & Austri non planè denotat, declinat enim versus Orientem 12. gradus, ac 30. circiter momentorum, qualium graduum circulus sit 360. id est, amplius trigésimâ parte circuli magni: nam linea meridiana denotat mirabilem illam declinationem, quam ego Stellæ polari tribuissim, nisi eadem Stella rapido motu circumageretur circa polum Mundi, ac præterea motu trepidati accederet, & à polo discederet: cum maximè discessit, tantum quatuor gradibus distat: acus verò Magnete oblita situm nacta immobilis perstat.

Bodin. l. 2. theat. nat. p. 245. & seq.

XXVIII.

Magnes Ferrum trahit.

Magnes (quem meritò inter naturæ miracula habuit Fallopius, quid enim eo utilius, quid admirabilius, quid preciosius? (a)) est lapis mineralis, rufus, niger, caeruleus, varicolor, vel in suâ per se minerâ, vel ferri fodinis natus inventusque, ferri adeò cupidus, & alterius (b) Magnetis, (oculis hoc patet.) Ipse cum hoc experirer, omnem scobem detersi à magnete, postea abraû ab eo pulverem ex propriâ substantiâ.

Hunc

Hunc instratum papyro velligneæ tabulæ subtus adhibitus ille ipse, à quo abrasus pulvis fuerat, Magnes movit, (c) trahitque. Trahit autem magnes magnetem certâ parte & lineâ, quia spiritus cognatus etiam illi inest. Et naturâ appetit ferturque simile ad simile quantum potest, maximè quâ parte vis exoritur & hæret, apprehenditque alterum sibi familiare (d) ut id pro virium robore diverso ex distantia competente arripiat, sibi que jungat quantum potest. Ferrum magnes trahit, & Ferrum quoque sequitur trahentem, non pro pondere inprimis, sed pro virtutibus maximè, nisi nimis id sit vastum fixumque, cum deprehensum sit leviozem magnetem ponderosius adduxisse ferrum. Evenit autem etiam, ut ipse seipsum ad ferrum promoveat, si id pertinacius resisterit. Neque tamen omni ex parte trahit excellenter, sed maxime juxta fluxum virtutis secundum lineam rectam. Itaque quâ virtus non porrigitur, convertuntur apices, & dum alter sese inclinat ad ferrum, accidit alterum averti, & ferrum quasi respuere. Par ratio est, in magnetibus diversis. (e) In Sardinia mediterraneis ad radices montium, quâ parte in orientem vergunt, narrant magnetem esse, qui trahat ferrum: sed in parte oppositâ qui abigat. (f) Theamedes (Germani etn. Wäßer / quasi reflatorem (g) nomines) ob id dictus. Non adeundi sunt montes tori, ut id contemplemur vel oculis nostris. Non est officina, in quâ magnes, in quâ id experiri non liceat, vel in parvâ portione. Diversæ particulæ seu massæ conferantur. Videbis has conspirantes & veluti basiantes invicem. Nam scobs ferri utrique adhaerens erigitur,

& conjungi quasi amore mutuo cupit, argumento, ibi esse quasi affectus mutui aditum & emissarium, illiciumque in societatem mutuum, tanquam amantium duorum vultus, per quos anima meat remeatque, & corda conjuncta cupit. Si ad latus moveas portionem unam, scobs in alterâ hærens sequitur: si restituas in rectum, restituitur & ipsa, facitque quasi barbam, in quam meant remeantque ramenta. Sed oppositis partibus tantum abest, ut fiat conjunctio appetitusque, ut etiam proficiantur ferramenta hærentia in massa altera, respuantque societatem omnium, nec velint jungi. Fugiant & delinant in latus, ad suum magnetem, in quo hærent applicati, strati que. Si removeas è regione adhibitum magnetem, consurgunt ramenta, & in rectum situm redeunt. Itaque oppositis partibus, in uno eodemque lapide, contrariæ sunt virtutes, ipseque in partes divisus, hac secum consentit, illac dissentit, habetque sympathiæ & antipathiæ exemplum in seipso, sicut viperæ, Scorpiones, aliæque venenata in seipsis habent, & amicos suos & hostes. (b) Quare mira subtilitas est Scaligeri, scribentis, Ferrum non trahi, sed moveri ad magnetem, tanquam ad matricem suam, cujus abditis principiis perficiatur, quemadmodum ad centrum terra: (i) q. verò tanquam ad locum perfectionis suæ feratur, aut ibi absolvatur, cum videamus ferri scobem inter medios magnetes corrumpi carie ferrugineâ. (k) Semipedis autem ferè spatium ferrum à lapide distare oportet, quamquam lapidis bonitas, quæ rubeo colore magis probatur, atque etiam lapidis magnitudo, vim exerit efficaciorē: id autem non sine vo-

lu-

Iuptate spectatur, plurimas acus aut claves alias aliis coherentes, ac veluti pensiles in aëre à magnetis tactu detineri, modo graviores magneti propiores sint, & gravissima quæq; lapidem tangat: ex quo apparet, longiore intervallo vim minui, nec aliam acum, ab alia divulsam consistere posse in aëre pensilem, sed alias aliis coherere oportet. (l)

a) Fallop. de morb. gall. c. 26. & 76. Tb. Plater. in casastr. consult. de carbunculo, thes. 34. b. d. c) Libav. tractat. 3. singul. l. 1. c. 12. pag. 91. 93. c. g) Libav. schol. ad l. c. p. 100. f) Plin. l. 2. h. k) Libav. syntagm. art. Chym. tract. 1. l. 1. c. 19. i) exerc. 102. 6. 1) Bodin. lib. 2. thes. nat. p. 247

XXIX.

Cur ferrum trahat?

Causam hujus miraculi quæris? Bituminosa natura est principiū hujus in magnete, quæ ad singularitatem cum ferro redacta directaque est, similitudine conspirationis, misturæque quâ eadem principia in ferro coaluerunt: & est ferreus spiritus, bituminosusque communis utrique, sed non effluit continenter tamque valide è ferro, sicut à magnete, propter diversam coagulationem, seu commistionem. Dicimus autem ad trahendum non sufficere cognationem spiritus ferri in magnete, cum eo qui est in ferro; sed in magnete esse spiritum magneticum bituminosum, cum spiritu tamen ferri commistum, contemperatumque, ut ita magnes trahat vi bituminæ certâ ratione dispositâ & affectâ erga ferri spiritum, trahat verò teneatque etiam magnetem, quia hujus spiritus cum ferro societatem habet. Itaque agens semper

est magneticum, patiens verò ferreum, quamquam ex accidente eveniat, ut immoto ferro magnes ad hoc transeat. Ut autem cupidis experiendi & sententiæ veritatem ex naturâ, non ex opinione incerta demonstrandi, ansam præbeamus, investigationis nostræ evidentiam & modum adumbrabimus, quâ possumus perspicuitate. Magnetem tractoriâ virtute secundum selegimus, & probavimus, id quod Augustinus aliique, cum Historiæ naturalis scriptoribus, de eo secundum veritatem tradiderunt memoriæ. Traxit ferrum & magnetis particulas distantia debita, & fortius quidem magnetis ramenta, quàm ferri, & utraque postea etiam cultrum ferreum sequebantur. Admovi Stibio, Æri, cornu cervino, & aliis quæ observaveram à Succino rapi, sed frustra. Experiebar in vena ferri Ilmenoitani pulvereâ, nihil memoratu dignum apparebat; movit idem per tabulas lignéas, vitrea, chartam &c. nec inefficax etiam fuit per chartam & lignum simul. Sustulit non tantùm frustilla scobis singularia, sed contexit multa, adeò ut videretur barbus, in morem arborum, quæ hyemecanz pruinis videntur, vel musco filoso scatent. Ut primum autem revelleretur, detegereturque prima commissio cum lapide, diffluerunt arenulæ, id est funiculos ex arenanectere virtute magnetica sophistarû, qua sublata corruunt & dissipantur. Ideò verò puto coherere tùm scobem, tùm aciculas & annulos, quia à magnete trahuntur, ex certo intervallo omnes, & dirigitur virtus per prima frustilla viciniora. Hinc pervenit ad alias portiones, quæ non ad lapidem ipsum immediatè tendunt, sed in extremitate priorû particularû subsistunt, tanquam hæ quoque

es.

essent magneticæ, aut ibi impedirentur porro procedere. Observavi autem ab omni quidem parte tractionē fieri, ubi non est solidum & sterile ex lapidibus vel ferrugine corium: maximè tamen ad angulos dirigitur Spiritus, ibiq; trahit efficaciter, in planis non item.

Libav. c. 12. de bitumin. l. 1. p. 92. & 103.

XXX.

Aliorum de vi trahitrice opiniones.

Nunc auscultemus quasdam aliorum opiniones.

I. Scheckius: Quamobrem magnes alliciat ad se ferrum, nulla causa potest reddi alia, quàm quod facultas hæc magnetis producat à forma magnetis: & quod ventriculus concoquat cibos, nulla alia causa est, quàm forma substantialis ventriculi: & quod calidus est ignis, nulla alia causa est, quàm forma substantiam ignis constituens, quarum formarum species, cum sensum nostrum effugiant, meritò occultæ & abstrusæ causæ esse dicuntur. (a)

Idem: Magnes quando dicitur trahere ad se ferrum, diffundit in ferrum qualitatem quandam sensibus nostris ignotam, qua ferrum imbutum & affectum ultro & sponte, versus magnetem etiam quiescentem, & non localiter motum provehatur. (b)

Idem: Ferrum ad magnetem citari motu locali consuevit, propter qualitatem magnetis in ipso ferro *κατὰ ὅλον* diffuso. (c)

L. Lemnius: Quà vi magnes, in pyxide nautica (quam Plautus versoriâ vocat) hæc perficiat, qui ex adverso septentrioni se opponit, eamque cœli partem obtuetur, non facilè ratione expediri potest:

quanquam multorum ingenia anxie torserit hujus rei investigatio. Sunt, qui in mutuum consensum ac concordiam referant, qua alter alteri similitudinis ratione, qua peficitur attractio, mirifice afficiatur, sic ut magnes odoretur ferrum in montibus Septentrionalibus, ex quibus erutus est, non secus quam vultures, naturæ sagacitate, cadavera maxima locorum distantia, biduo etiam, ut plerique opinantur, antequam cades facta sit: multa autem perfici occultâ, abditâque facultate, quorum non facile ratio iniri potest, palam est, ita ut effectum rei conspiciamus, causam verò ignoremus. (d)

Mathiolus negat, ulli rationem, cur magneti insit facultas tantum attrahendi ferri, compertam esse, quod nulla Philosophorum investigatio cani unquam assequi potuerit. Putat tamen necessarium esse, illam vim ei tribuisse cælum & rerum omnium parentem Naturam, idque declarat, Rhabarbaro & torpedine, quæ maximè æmulentur vim magnetis. (e)

I. Fernelius: Magnetem ferrum allicere videmus, & Rhabarbarum bilem, Agaricum pituitam, epithymum atrabilem: insuper Struthio camelum ferrum coquendo atterere, viperæ aut Scorpii veneno hominem necari: veratrum & cicutam esse homini pestifera, illos tamen coturnices, hac sturnos vesci. Horum tamen obscuræ sunt causæ, & adeò occultæ, ut percipi à nemine possint, nullâque certâ ratione comprehendi. Latent enim obscuritate involutæ naturæ, quæ dum neque evidenter percipi, neque verbis dici possunt, occultæ nobis rerum pro-

proprietates appellantur, uti Græci ιδιώτητες ὁρίη-
ται. (f)

I. Langius: Sunt in macrocosmo sub concavo orbis Lunæ pleraque, quæ tacito virium consensu divinitus conspirant. Magnes lapis ille Herculeus, ferrum ad se rapit: cujus affrictu ferreum in pyxide navigatoriâ sub vitro pendulum, delibutum, arcticum semper polum consecratur. Magnetis quoque contagione, acus aut ex ferro annulus infectus, alter alterum, ut in catena annulum, sibi connectit. (g)

D. Sennertus: Si rem diligentius perpendamus, vix aliquid probabilius afferre licet, quam illum mutuum rerum naturalium consensum. Est nimirum, in quo jam ferè omnes, qui magnetis naturam jam diligentius perpenderunt, docti viri consentiunt, magnes ferri quadam vena, & ex eo ferrum generari potest. Ubi notandum, non totum id, quod vulgò magnetis nomine ostenditur, magnetem esse, non enim totus lapis trahit ferrum, sed magnetis substantiam in lapide suo quasi per venas dispersam esse, sicut & alia metalla, rarò sola & pura, sed in suis matricibus generantur. Ideoque lapis magneticus eâ etiam parte saltem trahit, in quâ est vena magnetica. (b)

I. Bodinus: Plerique magnetem ac ferrum similitudine quadam copulari & conjungi putant: sed non satis argutè, cum metalla metallis sint similia quàm faxis, nec tamen ullum metallum trahit, aut trahitur à ferro: eandem succini rationem afferunt, quod paleas allicit. Quid enim frumento vel paleis cum succino commune? at æris & ferri tanta similitudo est, ut alterum in alterius naturam faciliè converti possit,

nectamen alterum allicitur ab altero: ego libenter fateor, me causam penitus ignorare. (i)

a) de osc. med. facult. l. 1. c. 4. l. 2. c. 4. & 5. b) de med. purg. p. 197. 204. c) ib. p. 205. d) l. 3. de occ. nat. mir. c. 10. e) in com. in Dioscor. l. 3. c. 10. f) l. 2. de abd. rer. caus. c. 2. g) l. 2. epist. 55. h) l. 5. c. 4. scient. nat. epist. i) l. 2. theat. natur. p. 244.

Plura vide apud Scalig. exere. 102. 6. ex. 131. Cardan. l. 7. de subtil. Quercet. de prapar. med. spag. c. 4. Baptist. de Porta Mag. natur. l. 7. Fisic. l. 3. c. 15. de vit. cal. par. Fr. Ruenn l. 2. c. 24. de gemm. Paracel. l. 2. de pest. l. 3. de orig. morb. invisit.

Vide quoque centur. nostr. 4. part. 74. & seq.

XXXI.

Cur non semper trahat.

Magnes vim trahendi ferri amittit, cum igni est exagitatus, candefactusque. (a) flagrans enim ejus spiritus sulphureus provolat, (b) exitque ignitione halitus bituminosus pinguis, qui unâ conflagrat, & flammis immiscetur, specie cæruleâ, bitumineâ, ferrugineâ. Hoc perditio frustrâ attractionem speres. (c) Vidimus non sine magna animi nostri voluptate, Magnetem accensis carbonibus tumulatum, cæruleam flammam, sulphuream & ferream eructare, quâ dissipata, simul cum abeuntis animæ qualitate, trahendi beneficium amisisse. (d) Solet etiam aliàs exolescere virtus injuriis aëris, undique liberè appellentis, ut sic vetustate putetur fieri inutilis. Prohibetur exire unguinibus allitis, item succistenacibus porri & (e) alli (quod tamen confessum negat Cardanus (f) nisi in imbecillibus) hydrargyro, oleo latericio &c. Nec fer-
rum

rum rubiginosum apprehendit, multo minus rubiginem. Aliàs si scobs ferri pulvere defossa fuerit, aut ferrum ex alterâ parte argenteæ, vitreæ, ligneæ, lapideæ tabulæ, nihil impeditur spiritus attractorius, quin moveat ferrum sub tabula. (g)

a) Libav. A 2. singul. p. 130. 140. b) Id. sintagm. ar. Chym. tract. 1. l. 1. c. 19. c. g) Id. tract. 3. singul. l. 1. c. 12. d) Porta mag. natur. l. 7. c. 2. e) Lemn. l. 4. c. 10. Sealig. exerc. 112. Lang. l. 1. ep. 33. l. 2. ep. 18. citans. Drusian. ex 3. microcosm. com. 60. Magir. in com. phys. l. 5. c. 2. p. 356. f) L. 7. de subtil.

XXXII.

Scoria chalybis cornea membrana infixa, ingeniosissima per Magnetem curatio.

Cum quidam Rusticus, chalybem apud Mercatorem emeret, optimumque eligere vellet, & proinde, ut fieri solet, frustum contra frustum allideret, scintilla ipsi in illam corneæ oculi partem, ubi Iris conspicitur, profiliit, ibidemque membranae firmiter inhaesit, idque non sine dolore maximo. Adstantes cum per plures dies frustra omnem adhibuissent diligentiam, dolores quin etiam atque inflammationes, mirum in modum adauctæ fuissent, venit ad me Bernam f. Martii. Tunc prius instituta optima victus ratione & evacuato corpore, tam per Pharmacum, quàm venæ sectionem, (est enim plethoricus) Primò instrumentis, & quidem diversis vicibus, & per dies aliquot tentavi, an scoriam extrahere possem, sed adedò erat exigua, ut instrumentis illam extrahere non licuerit. Quapropter aliam viam inire, & beneficio succuli, cujus sit mentio cent. 4. obs. 17. illam extra-

extrahere constitui, sed iterum oleum & operam perdididi, en Uxor mea remedium longè aptissimum excogitat. Interim enim dum ego ambabus manibus palpebras aperio, illa Magnetem oculo, quàm proximè æger id sufferre potuit, admovet. Id cum aliquoties, & repetitis vicibus fecissemus (non diu enim lucem, quâ tamen hac in re summopere opus fuit, sufferre potuit) tandem scoria ex oculo, nobis omnibus videntibus ad lapidem præliit. Postea applicato collyrio anodyno, brevi convaluit.

Notandum autem, plerumque in uno eodemque frusto hujus Lapidis, contrarias reperiri facultates, videlicet ipsum ex una parte ferrum attrahere, ex altera verò ipsum repellere, quod idem in lapide, quo nos in hac operatione usi sumus, observatur. Ne itaque error committatur, ante operationem omnes anguli lapidis, quàm accuratè examinandi sunt ne pars illa quæ ferrum repellit, oculo adhibeatur. Facile autem id exploratur, si limaturæ ferri in tabula aut charta munda dispersæ lapis paulatim admoveatur.

G. Fabric. obs. chirurg. l. 5. obs. 21.

XXXIII.

Ferrum candens, aquâ gelidâ immersum, cur tantopere indurescit, in chalybem facessens.

An frigiditate Aquæ ferri partes conniventes coguntur, solidescunt, Aquæ ritu algore hyemis crescentis minusque loci occupantis? an Aqua subit Ferri candentis meatus? an mollicies à Mercuriali

Aqua,

Aqua, quæ ferro candescente, & Aqua per fusio expirat tota, Mercurio omni in igni fugacissimo? (a) Hæc tamen posterior ratio contraria est omni superiori, quæ verisimilior est, cum ferrum candens Aceto immersum, malleos respuat, ac frangatur potius, quam duci possit: ac propterea Lacedæmonii numismata ex ferreis baculis conflare solebant (b) eaque candentia mergere Aceto, ut fragilia essent, ne in alios usus converterentur, quod satis argumenti est, Acetum ferri meatus intimos subire, alioquin substantia, quæ nihil intus admittit, fragilis non esset. (c)

a) *Ruland. l. 2. probl. 177.* b) *Plutarch. in Lycurg.* c) *Bodin. l. 2. th. natur. p. 256.*

XXXIV.

Lapidis Nephritidis solum natale, vires admirande.

Antepaucos Annos, (a) ex Hispania nova, allatus est Lapis, qui Nephriticus appellatur & non sine causa, ad Jaspides (vel Smaragdos, aut Prasios Americanos (b) vel similes lapillos, vidienim ipse aliquot specimina) refertur. Ejus superficies semper pinguis & oleo illita videtur, varia ejus secundum colorem sunt genera. Plerumque & ex albedine virescentem colorem habet. (c) Eum gestant variis formis effigiatum Hispani, ut antiquitus solebant Indi, alios Piscium forma, alios avium capitibus, alios Psittaci rostris similes, nonnullos Sphæricularum modo, atque omnes perforatos, quoniam Indi eos appensos gestare solebant, adversus Nephritidis, aut Stomachi dolores, in quibus morbis valdè commendatur. Sed ejus

præ-

præcipua lausest ad Nephriticos dolores, & ad calculum expellendum & arenulas. (d)

a. c) *Sennert. instit. med. l. 5. part. 1. sect. 1. c. 17. Epit. scient. nat. l. 5. c. 5.* b) *Libavius in cyst. med. ep. 38.* d) *Monard. in histor. simpl. Ind. p. 61.*

XXXV.

*Observationes rare & inaudita de Lapide
Nephritico.*

Nobilis mihi notus, unum habet, cui nullum alium comparandum vidi; nam cum brachio gestans, tanta arenularum quantitate liberatur, ut, metuens ne ei noceat tanta ejectio, interdum eum deponat, nullumque amplius calculum ejicit. Sed cum dolor eum premit, denuo eum gestat & statim levatur aut minuitur dolor multarum arenularum, atque etiam calculorum expulsionem. Eâ etiam occultâ qualitate præditus est, ut ab ejusmodi dolore præservet gestatus, renum calorem mitigando.

Ducissa Bejar ter brevi temporis intervallo Nephriticis doloribus afflicta, armillam ex eo lapide sibi confecit, quam perpetuò gestat, ex eo tempore, (quod decennium superat) eo dolore nunquam vexata est. Alii multi senserunt idem levamen, eamque ob causam magno in pretio sunt hujusmodi lapides, nec uti initio, tam facile acquiri possunt, quod soli earum Provinciarum Reguli & Domini eos possideant, nec immeritò, cum tam admirandæ sint illorum facultates. (a) Sic lapidem hunc, in carpo manus, ni fallor sinistræ gestabat nobilis quadam Wirtenbergica fæmina, solita ante hac plurimos calculos excernere. Sed post admotum lapidem, non calculos amplius, verum limum

limum (turbidam limosamque aquam) saltem eges-
sit, unde opinio esse potest, prohiberi consistentiam
vi istius lapidis. (b) Negotiator quidam Lipsicus,
non ignobilis, indagator virium rerum exoticarum
solertissimus ac diligentissimus, qui teremensus iter
in Regiones Orientales, ex iisdem, inprimis verò
ex Urbe Byzantina stupendam Lapidis Nephritici co-
piam secū attulit, adeò ut thesauri non vulgaris loco
eum habeat, illiusque partim artificiosè elaborati seu
preparati, partim crudi, duodecim millium florenor-
um se jactet divitem, mihi retulit, de Nobili quo-
dam, diu nephriticis doloribus miserè excruciato,
cui cum cætera vulgaria remedia, nec quicquam opis
aut levaminis attulissent, illum tandem, ab aliis per-
suasum, ad hunc lapidem confugisse, cujus parti-
culam emptam, collo, ut erat doctus, appendit &
dies noctesque ita gestavit. Elapsis aliquot paucis
septimanis, cæperunt unà cum urina egredi infinitæ
arenulæ, ac lapilli quasi contracti seu contusi, quos
ante lapidis appensionem tantummodò integros &
quidem fabæ magnitudine, non nisi ingenti cum dif-
ficultate excernere interdum solebat, & hæ arenulæ,
non tantum eidem per canales urinarios, verum eti-
am, (quemadmodum ipsemet fassus est) per utrum-
que oculorum, nec non per habitum totius corporis
externum, in magna abundantia expulsæ fuere. 2. Af-
firmavit idem Mercator, cum aliquando, propter
nephriticos dolores, per quinque dies hunc lapidem
gestasset, tantam arenularum copiam per angulos
oculorum ipsi expulsam fuisse, ut ob earundem false-
dinem & acrimoniam uterque oculorum tanta rube-
dine fuerit affectus, non aliter ac si inflammatione qua-

quadam tentati fuissent. Cui quidem incommode, si is diligenti oculorum ablutione, quotidie occurrisset, rem benè se habuisse, illà autem neglectà, per somnum sequentis noctis, tantam arenarum multitudinem in oculis coacervatam fuisse, ut agglutinando palpebras, impedimento fuerint, quo minus oculorum apertionem liberam & expeditam haberet, sed ad hanc juvandam, rerum emollientium adminiculo oculis impositarum, indigeret. 3. Affirmavit quoque, se aliquando propria excrementa alvina, ab aliquot diebus collecta, aquà abluisse, in qua aqua postmodum ab excrementis illis separata, tanta sabuli subalbidii ac crassi subsederit copia, quantæ dimidia pars ovi anserini vacua vix capax existit. Quam quidem sabulosæ materiæ multitudinem, solius lapidis Nephritici gestati virtute, è corporis recessibus interioribus ita foràs exturbatam fuisse, ex eo is sibi persuadebat, quod alio tempore, quo gestationem hanc intermitteret, ne quicquam tale facibus intestinorum inhærens deprehendisset. 4. Diligenter quoque ille annotavit, interdum ex gestatione hujus lapidis, non solum pelli arenulas, ac sedari dolorem calculi: verum etiam alvum quoque vehementer laxari, non secus, ac si quis pharmacum haussisset, & destillationes à capite in thoracè, insensibiliter quasi absumi, quemadmodum se in proprià uxore hujus rei indubitatum vidisse experimentum, narravit. Illa enim, cum molestissima destillatione seu catarrho, ex capite in pulmones impetuosè descendente, afficeretur, variisque medicamentis, à Medicis præscriptis, usà, pejus semper haberet, tandem Maritus illi Lapidem appendit Nephriticum (motus aimirum hac ratione,

illi

si ille tanta polleret vi, arenulavè capite proliciendi, ac per oculos eas expellendi, utique non segniorem quoque eundem debere præstare operationem, in materia catarrhali, tum exsiccanda, tum prorsus absorbenda.) Unde primo die 14. vel 15. secundo 9. vel 10. tertio pauciores habuit sedes, sequentibus verò singulis, non nisi semel tantum, naturali modo ad excretionem stimulata fuit. Et cum per 3. septimanas illius gestationem continuasset, tandem præter omnem opinionem, à destillatione istà liberata, exoptatæ sanitati integrè restituta fuit. 5. Et similem ferè effectum, ait se quoque in socru suà, observasse, cui diuturnis ac gravissimis capitis doloribus miserabiliter excruciatæ, cum Lapis Nephriticus appendere-
retur, interjectis paucis aliquot diebus materiam peccantem in capite liquefactam, instar seri crassioris puri permixti, per utramque aurem effluxisse copiosissimè, per dierum sesquidecadem, adeò ut ad illius abstersionem & exsiccationem, quotidie spongiolà novà uti necesse habuerit: tandem verò facto illo fluore cessante, capitis quoque dolorem paulatim evanuisse omnem. 6. Sic cuidam Cophinopæo seu viminario Lipsiensi, calculi doloribus exquisitissimis diu excarnificato, appensione & continua postea Lapidis gestatione, non solum in totum cruciatus isti ablatis fuere, verum etiam, cum illius lotio crasso admodum, limoso ac turbido, tantus lapillorum, arenularumque numerus quotidie ferè protrusus fuit, ut inde non tantum in meatu urinario, sed in ano quoque dum excerneret, non levem ardorem, acrimoniam & erosionem perceperit, quam ob causam quoque, lapidem hunc per aliquot dies à corpore

removere tandem coactus fuit. 7. Fuit quondam civis Lipsiensis, cui semel atque iterum in Anno alterutrum crurum adematoso tumore afficiebatur, qui quidem, licet initio videbatur exiguus, progressu tamen temporis in tantam excresebat molem, ut & dolorem accerferet ingentem, & unà quoque ambulandi difficultatem induceret. Ad liberandum igitur pedem ab istiusmodi tumore, ille nullo alio remedii genere, quam solo lapide Nephrit. de collo suspenso usus fuit, quo id effectum fuit, ut non solum dolor remiserit, verum etiam indies tumor paulatim decreverit, ac tandem in totum evanuerit, qui tñ. potius repullulare & adaugeri postliminiò videbatur, ex neglectà vel intermissà, per unum aut alterum diem, dicti lapidis gestatione. 8. Virtus quoque huius lapidis eximia planè est in remota aut suppressa urina provocanda, cujus quidem effectus egregium vidit specimen Senator quidam Lipsi. in duobus suorum liberorum, qui cum non nisi ingenti cum dolore mejerent, tandem Lapidis Nephri. appensione adjuti, expedite postmodum hoc naturæ munus obierunt. 9. Tandem & hoc singulare & admirandum habet lapis iste, quod aliquandiu gestatus, toto ferè corpore ingentem excitet pruritum, adeò ut gestantes illum, subinde ad scapendū sese impellantur, pruritus tamen iste non toto gestationis tempore perdurat, sed bidui aut tridui spatio cessat ac sistitur, quem tamen facta huius lapidis, per unum aut alterum diem remotione, ejusdemque postea iterata applicatione, rursus excitare poteris. Nonnunquam etiam idem solet plures cuniculos subcutaneos parere, qui si vel manuum frictione rumpantur, vel acu aperiantur, non exiguam minuitis.

nutissimarum subtilissimarumque arenularum intra illorum cavitatem collectarum, quantitatem exhibent & effundunt.

a) *Monard. l. c.* b) *Libav. l. c. ep. 38. & 43.* c) *Unzer. de nephrit. l. 1. c. 27. & 24. Boët. de gem. & lap. l. 2. c. 110. Vidius l. 10. curat. c. 20. Plater. de dolor. s. 12. l. Fragos. in hist. medic. simpl. Ind. c. 2. Fr. Ulmus de oec. med. prop. l. 2. c. 7. Donzellin. in Consil. Scholz. 148. Witich. l. germ. de lap. Neph. Neand. in prafat. Phys. l. 1. Phys. p. 142. Renodius l. 2. sect. 2.*

XXXVI.

Lapis Nephriticus, quâ vi polleat, ambigitur.

Qui lapides hodie contra Calculum gestantur, aut Jaspides sunt aut Smaragdi, varii enim ostenduntur. Hi si deijcere arenas lapidesque possunt gestatu, vires spiritusque habeant necesse est, quorum præsidio id peragant. Posse verò comprobatum exemplis est, quamquam manente quæstione, propria ne vi id effectum reddiderint, an aliena. Nam evenit interdum naturam stimulatam, vel sola persuasione, firmaque fiducia de aliqua re concepta id peragere, quod nos obiecto, primum motum danti Phantasiæ adscribimus. Sed nec in omnibus par est efficacia, uti nec par assensus, fidesque, nisi velis dicere, non tantum patientem debere esse calculosum, sed & talem dispositionem habere, ut lapidis vim admittere queat. Actiones enim & passionis sunt inter determinata, ideo & varietas interdum evenit in experimentis, dum alius purgatur valde assumpto Cassiæ extracto, alius notantillum quidem. Sic Cantharides gestatæ aliquibus movent cruentas urinas, non omnibus. Cinaba-

ris facit ita Assylvani in plurimis non operata sic est, ut in raris quibusdam, siue imaginatio vim adjuverit, siue dispositio. Hydrargyrus praesentia sola salivationes in aliquibus excitat, non in omnibus. Sic Lapidem Nephriticum in multis inefficacem gestatu deprehendimus; ac in aliquibus etiam efficacissimum, quod nos novimus certis exemplis & personis. Idiopathias experientia discimus in singulis, non in generibus totis semper.

Libav. tom. 1. syntagm. arc. ebym. l. 1. c. 14. & 19.

XXXVII.

Lapis Nephritidis usus internus.

Præparatur Lapis Nephriticus, singulari ac secreto quodam artificio, & præparati drachma una & semis pro dosi, cum aqua petroselini vel juniperi exhibetur. Hoc tamen observandum, alvum prius à saburrâ excrementitiorum humorû debere esse liberatam, aliàs Lapis ille, quoscunque invenit humores crudos, secum ad renes, specificâ quâdam proprietate rapit, sicque obstructionem meatuum urinariorum, ne liberè profluat urina, causat, quemadmodum hoc in seipso expertum fuisse, supra dictus Mercator Ligstensis mihi retulit. Nam cum aliquando tentaretur Nephritide, & dolores satis acerbi essent, idcirco ut eò citius ab iisdem sese liberaret, non evacuato prius corpore, intra horas 7. bis drachmam unam & semis Lap. hujus præparati sumpsit. Verum hoc incommodum subsequutum fuit, ut non nisi cum ingenti ardore ac difficultate mejerit, urinaque exiens viscosa planè ac limosa, instarque glutinis extensibilis extiterit. Idem quoque narravit, sibi aliquando ex triduanâ

hujus

hujus lapidis, pro profligandis Lithiâs cruciatibus, sumptione, tandem molestissimum ardorem urinae excitatum fuisse, ad quem tollendum Medici postea opera indiguerit. Admonitos itaque velim omnes eos, qui Lapide hoc uti volent, ut prius debitam ac convenientem corporis evacuationem instituant, antequam illius usum ineant, sic enim spe sua in sanando hoc periculoso affectu minimè frustrabuntur.

Vnzer. de nephrit. l. 1. c. 27.

XXXVIII.

An è neve vel glacie Crystallus generari possit.

Quod Plinius Crystallum gelu vehementiore, ex nive glacieque fieri memorat: (a) id G. Agricola (b) & Cardanus reprehendunt, quod Crystallus sit succus intra terram à frigore conglutinator & condensatus, quod in frigidissimis regionibus, in quibus, non modo rivi, sed etiam maximi amnes ad vada usque glaciantur, non reperiatur: ut nec in Alpibus glacies multis annis, imo seculis perpetuo frigore in Crystallum induratur, quod eadem denique calore Solis non liqueat ut alia à frigore congelata (c) sed igne in calcem seu terram & Sal redigatur, & omnino à spiritu salino aut lapidescente succo coaguletur. (d) Plinio tamen plures adstipulantur, tum ipsius autoritate & rationibus, partim aliis permoti. Non tantum enim nomen id postulat, cum κρύσταλλον Græcis tam glaciem, quam lapidem Crystallinum indicet, οὗτις τὸ στέρεθαι ὑπὸ τῆς κρύως, quod à frigore vel gelu contrahatur, dictum: sed & loci natales persuadent. Invenitur enim iis in locis, ubi ma-

ximè nives hybernæ rigent, ut in Alpium adeò inviis, ut plerumque fune pendentes eam extrahant, quodque in Asia & Cypro atro eruatur, & à torrentibus deportetur. Sicut è rupibus Percinianis, quæ sunt in extremis Noricis & summis ibidem in montibus, nulla humo tectis, avellitur. (e) Quid? quod ipse Cardanus (f) sibi contradicat, & Crystallum perspicuam, facileque liquabilem, ex aqua pura, à frigore coagulari scribat, & ex aqua pluvia? (g) Nivis enim calore, per frigoris vehementiam expresso, remanens aqua in glaciem congelatur, & mora temporis in lapidem commutatur: non aliter, quam pisces, aliaque vi frigoris lapidescere possunt. Quid igitur ad opposita dicendum? Largimur quod ex humore aqueo, per excessum frigoris Crystallus oriatur: affirmamus etiam, quòd in frigidissimis locis frequentius colligatur: non tamen sub terra semper, in venis duntaxat metallicis, sed etiam supra terram gigni talem, quod experientia confirmat, certum est; neque tandem, à Solis calore liquari potest, ut Agricola requirit, (h) cum sit à frigore concreta: summa enim frigoris intensio tantam eidem soliditatem, quam calor modicus evincere nequit, attulit. Tametsi Crystallus etiam caloris impatiens sit, ardentissimis enim fornacibus, diuturna que flammâ liquatur, & liquidus rursus (i) concrescit, & in calicem crystallinum, si liquor calidus infundatur, rumpitur. Non solum itaque crystallus in terræ gremio, sed in superficie montium frigidissimorum (qui perpetuarum sunt nivium) è nive vel glacie consolidari potest, ut ostensum. (k) Quod Sebast. Verro confirmat, qui Crystallum proveni-

venire amplissimè asserit Alpibus, quæ Helvetiam ab Italia dirimunt. (1)

a) l. 37. *quæst. nat. c. 2.* b. h) l. 6. *de vas. fossil.* c) l. 7. *de subtil.* Eufst. *de comp. med. l. 1. c. 18.* d) Sennert. *phys. l. 5. c. 4.* e) Scalig. *exerc. 119.* f) *in calc. l. subtil.* g) Card. l. 1. *de variet. c. 6.* i) Bodin. l. 2. *theat. nat. p. 229.* k) Tandel. l. *Disp. 5. meteorol. probl. 8.* l) Mageir. *in comment. Phys. l. 5. c. 2.*

XXXIX.

Crystallus unde lucida & tamen terrestris.

Crystallus quamvis tota terrestris sit, tamen lucida est, quia humidum redundans totum est transmutatum in terreum, quod inde fit manifestum, quia si crystallus comburatur, nihil humidi refudat, & generatur tantum cineris, quanta erat quantitas crystalli. Igitur per consumptionem humidi superabundantis, intelligitur transmutatio illius humidi in terram, quæ transmutatio fit ab intenso frigore & siccitate, quæ secum est conjuncta, humidum tamen illud in terram transmutatum, reservat pristinam luciditatem, & miscetur cum aliis partibus terreis, & fit Lapis pretiosus.

Fallop. de fossil. c. 8.

XL.

Crystalli facultates insigniores.

Crystallus udam efficit linguam, atque humore fluentem, sitimq; ac calorem comprimit; si subinde aquâ gelidâ maceratus ori immittatur. (a) Drachmæ pondere, cum oleo amigdalorum, præsens est, verum & unicum, contra Mercurium sublimatum haustum. (b) In tenuissimum pulverem redacta, & cum

melle, vino aut iuseculo exhibita. Lac à proprietate augere dicitur. (c) Trita & in vino austero posita, Dysentericis, quòd multum exsiccet, auxiliatur. (d) albos menses sistit. (e)

a) Lemnius de occ. nat. mir. l. 2. c. 30. b) Anton. Gallus. de ligno Sancto p. 33. c. e) Sennert. l. 5. c. 4. scient. nat. epit. Dom. Leon. l. 4. prax. sect. 2. c. 3. d) Euseb. l. 1. c. 18. de comp. med.

XLI.

Vasa CrySTALLINA metallicis salubriora cur.

CrySTALLINA vasa, ex CrySTALLI glacie, hyberno frigore, sub nivibus intra rupes concreta, sculpta, in delitiis olim habebantur: quibus nostra ex vitro conflata pocula, in censu sunt proxima: quæ eo nomine sunt metallicis salubriora, quod de nulla sulphuris, aut argenti, plumbi ac cerussæ virulentia participant, & suo congenito frigore, saporem vini, quavis nive & glacie melius conservent. At quando cum divitiis, amor quoque Argenti & Auri crevit, & Auri sacra famæ pectora hominum obsederat, tùm plurimùm, quamvis serò, salubriora ex figulari terrâ, lignis & vitro pocula metallicis cesserunt.

Lang. l. 1. epist. 29.

Vide censur. 4. memor. part. 100. cent. 6. part. 76.

XLII.

Adamantis etymon; ejusque vires, indomita duritiei non est, ut olim creditum.

Adamas, Lapis indomitus & durissimus ἀνὸρ τῶν ἀνδρῶν

αἰ. 100

α ἡγε δαμάζω dictus, id est domo; quod nulli materiam cedat, ne ferro quidem, (a) incudibus deprehenditur, ita respuens ictum, ut ferrum utrumque dissulteret, incudes ipsæ dissiliant, quippe duritiei inenarrabilis est, simulque ignium victrix natura & nunquam incalescens. Unde & nomen indomita vis Græcâ interpretatione accepit. (b) Dictus est & Amchites, quod pavitantium animos à vano metu liberet, Germanis Demurhoder Demansh. (c) Sed falso hoc creditum est à veteribus, Adamantem mallei ictu non frangi: tantum enim abest, mallei ictum respuere, ut etiam in scobem malleo redigatur; facillimè quoque atteritur pistillo ferreo: eo etenim in mortario confringi & atteri solet, quoniam ejus scobe alii Adamantes expoliri solent) sed Hircino duntaxat sanguine maceratum rumpi: præsertim si (ex quorundam sententiâ) Hircus prius apium, aliasque diureticas plantas depascatur, vinumque bibat. Sed nec Magnetem impedit, quin ferrum trahat. Nam sæpius id experiri volui, sed figmentum esse deprehendi. (d) Ignibus quoque cedit, & in calcem redigitur flammâ diurnâ. Actamet si ardenti igni appositus horæ spacio lucem ac splendorem amittit omnem in superficie, non propterea tamen perit: nam si rursus poliatur, splendorem recuperat, sed pondere minuitur, ac paulatim totum corpus ignibus consumitur. (e) Fabulosum etiam est, quod Adamantis aciem plumbo obtundi putant, propter Argenti vivi cum Plumbo commixtionem. Nam quemadmodum & ferrum vincit & reliqua metalla: sic etiam Plumbum eadem facilitate penetrat, quâ Næpum penetraret. Illud verò sæpius expertus

sum in Adamantibus exquisitis: ex mutuo attritu sic glutinari, ut facile separari non possint: (f) (nimirum attritus calefacit attenuatque (g) & spiritus evocat) Sic etiam Adamantem vidi ubi incaluisse, festucas trahere, non secus ac electrum. (h) Contra Iacubum amuletum esse, & pestiferis causis resistere perhibetur. (i) Venena quoque deprehendit & irrita facit, seu haustus, seu sinistro brachio alligatus, quocirca Regibus unicè expetitus, maximi semper precii fuit. Lymphationes quoque, si credimus abigit. (k) Venenatus est (l) ejusque pulverem propinatum Dysenteriam gignere docent. (m)

a) *Adrian. Jun. in Lex. b) Plin. l. 37. c. 4. c. k) Fuchf. l. 1. de comp. med. c. 18. f. Anton. Sarraton. de poss. c. 7. d. f. h) Gare. ab Horto l. 1. arom. hist. cap. 47. e) Bodin. theat. nat. l. 2. p. 231 g) Libav. tract. 3. sing. lib. 5. schol. ad cap. 19. i) Sennert. epit. sci. nat. l. 5. c. 4. 1) Sant. Ardoyn. l. 2. c. 23. de venen. Phil. Camerar. sent. 1. bor. succ. c. 7. ex l. Anton. Menavii, hist. ture. l. 2. c. 22. Avent. l. 7. Card. l. 3. de ven. c. 23. m) Plat. de dolor. p. 582. Hoc utrumq; negant Ans. Boet. de gem. lib. 2. c. 24. qui ex Garcia ab Hertol. c. refert, mancipia quadā plurimos Adamantes, ut furtum tegerent, devorasse, quos postea integros, absq; lætura valetudinis, egerunt: Mulierem etiam quandā Marito antiqua Dysenteria laboranti Adamanti scobens per multos dies propinasse, absque ulla detrimento. Cardan. contrad. l. 2. tract. 5. contrad. 9. Scio (inquit) Gemmarium, qui mihi fassus est, se pluribus vicibus enipiam Adamantem, drachma unius pondere, sub forma pulveris seu scobis dedisse, non tamen magis obfuisse, quam si panem comedisset. Alius pariter cū insaniret, plures acies & frusta Adamanti devoravit, nec quisquam passus est; vide*

de deesif. apud Casalp. l. 3. spec. med. c. 32. Sennert. c. 2. de
caus. dyssent.

XLIII.

*Molaris & Pyrites aceto inebriati, tam corpore,
quàm vapore, scirrum Lienis, devorant, tu-
moribus item podagricis & con-
vulsis utiles.*

Lapis molaris, (quo frumenta teruntur in mola,
Græcis (a) *μολίτης*) Marchasita, vel (b) pyrites (sic di-
ctus, quod ex eo ferri, aut alterius duri lapidis confi-
ctu ignis excutitur, Germ. *Kyß/ Kuyfferstein/ Kuyf-
fer Erz/* (c) nominatur) aut alius siliceus durus, si in
aceto acerrimo extinguitur, pannisque linteis obvo-
lutus, spleni duro sæpius adhibeatur, illum emollit:
vel si ab iisdem lapidibus candentibus, aceto aspersis
vapore elevatus, pannis excipitur, & cum illis sic
lateri admoveatur, vel vapor ipso latere excipitur.
(d) Ita paratus, vaporem emittit, ad resolvendam
duritiem, in Podagricis valdè proficuum. (e) Pyrites
cum aceto acerrimo illitus alphas delet & vitiligi-
nes. (f) In lapidem pyritem, vel molarem, ab igne
flammantem, acerrimum acetum infundito, cui
scylla intabuit, & convulsam (ob humoris conge-
lationem) particulam sic adaptato, ut calidum vaporem
commodè excipiat, & circumpositis stragulis coope-
riatur, ut sudet. Hoc præsidio feliciter quis uti po-
terit, (post universalis & inunctiones) magna cum
laude: nec minori cum emolumento in maturan-
dis ac discutiendis scirris, mirificam opem præ-
stat. (g)

a. g) *Forest. l. 10. schol. ad obs. 114. Solen. sect. 1. consil. 19. Gal. l. 14. de cur. morb. c. d) Plat. de vit. p. 135. 136. Forest. l. 20. obs. 10. Gal. l. 2. ad Glaucon. c) Fuchf. lib. 1. de comp. med. c. 18. e) Dom. Leon. l. 6. pr. f. 3. e. ult. Holler. prax. p. 90. b. f) Plat. de vit. p. 185.*

XLIV.

An Ægri, vel Medici fiducia, in curatione, plus valeat.

Si occultatione & nominum censu valent Medicamenta, quis est nostrum, quin mirifica excogitare possit? est tamen in persuasione ægrotantium, & supercilio Medicorum aliquid. Hi enim lucrantur plus, illi citius juvantur, fiducia magis, quàm medicamenti virtute: quomodo omnes morbi narrantur, miraculo curati esse pulvere, quo siccare solemus literas adhuc madentes: alius cum superstitione dato Cupressi pulvere, omnem Epilepsiam sustulit: Hydropicus convaluit decocto urticæ fatuæ, seu Gallopiis albæ ex cerevisia: quidam febricitans poposcit stillatitiam, & accepta fontana convaluit. Infinitus est numerus talium. Observavimus quosdam chartulas, in quibus Medicamentorum formæ (Receptas vocant) comedisse, & sanitati restitutos esse. Tantum potest apud plerosque concepta in reali-quâ opinio, vel potius fiducia. (a) Ipsi Medici negant sua arcana prodesse, si sciantur, sicuti Magi plus virium tribuunt ignotis characteribus, quàm notis. Panacea, cum nesciretur, quid esset, multos juvisse ferebatur: cum cognitum esset, omnis ejus gloria evanescebat. Hoc quaero, ægrinæ an Medici fiducia plus

plus valeat: Pulvis Saxonicus mirabilia operari dicebatur, cum quid esset, ignoraretur. Jam planè nihil facit, imò contemnitur, licet patientes nesciant compositionem. De pulvere Marchionis, qui subinde novus fit à novis Medicis, grandia audiebamus. Quid de magnificientissimis Paracelsi, Thornheuseri, Gramani, Suchtenii, & aliorum? Cur moriuntur, aut saltem agrotant homines, tot Deorum manibus pollicentibus? (6)

a) *Solenand. sect. 5. conf. 13. obs. 17. b) Libav. epist. 41. ad Schnitzer.*

Vide centur. 2. memorab. part. 12.

XLV.

Sibi ipsi an quis medeatur.

Medetur quis, vel sibi ipsi, vel aliis, habitu licet eodem, ut multùm tamen dispare confidentia, & alacritate. Omnes cum valemus, recta consilia agrotis damus, inquit ille, & qui aliis rectè consulere potest, dum corpore & mente valet, simul atque agrotare cœperit, animum quoque in consensum corporis imbecillitas pertrahit, ut vel non videat, quid agendum, vel certè propter cupiditatem vehementiam à recta via se ut plurimum abduci patiatur. Itaque rectè Medici agrotantes, personam Medicam depositam, non jam sibi ipsis mederi, sed aliorum Medicorum rectè Valentium consilia expetere & exequi solent.

Zwving. in profe. med. c. 2.

XLVI.

XLVI.

Sanguis non in Orichalceas pelves, sed in stanneas mittendus.

Cum sanguis in pelves Orichalceas ex vena mittitur, siquidem debilius est virtutum, corrumpitur, fitque valde cacochymus; non item cum excipitur stanneis, id quod aliquoties probavi.

Libav. in ep. 36. ad Schnizer. p. 165. cist. med.

XLVII.

Historia mirè curata Syncopes.

Rusticus quidam Patavii supinabat ægrum ex colico dolore, in Syncopen prostratum, & digitum minimum immittebat ejus umbilico, ac volvebat bis aut ter ægrum, quo digitus penitus invaderet umbilicalem fossam, mox magna vi digitum extrahebat, ita ut plurimus aer unà elideretur, atque ita ille ægros subito revocabat.

Heurn. de morb. pecc. c. 9.

XLVIII.

Exempla subita cura.

Narro quod ipse observavi. Restitueram febricitantem perfectè, quod ad morbum attinet. At illi animus nihilominus erat aggravatus, & recurrisset morbus ex affectu. Interveniebat cum nummis tabellarius. Ea Medicina è vestigio omnem adimebat recidivæ metum. Exultabat enim æger, fatebaturque se prorsus sanatum. O felicem inquam Medicinam!

2. Fuit quidam bonus vir, cui dentes dolebant; is curabat accersi dentivulsores. Plures dies noctesque ægrotaverat ob dolorem. Ille verò saltim tacto den-

te (obleverat autem digitum unguento) ita dolorem sustulit momento, ut præ gaudio exiliret patiens.

3. Narro historiam fœminæ melancholicæ ob desiderium absentis viri. Semestre elapsum est & consumptum in morbo; rediit vir salvus, ecce illo ipso momento convaluit.

4. Alteri cuiusdam intestina doloribus ferè rumpebantur, injiciebatur clyster, dictum factum convaluit.

5. Alius præ plethorâ, jam jam apoplexiâ erat jugulandus, accessit Barbitonfor, & secta vena momento restituitur.

6. Novimus virum amplissimum, cui Enterocœle extra peritonæum prominens, ingentem pariebat cruciatum. Accitus lithotomus, reposuit intestinum, mox risit.

Libav. de Panacea Am Wald. p. 38. Antigram. p. 325.

XLIX.

Exemplum temerarium & infelix curati Sudoris Anglici.

Plebejus quidam à lue Anglicâ correptus, regulas tunc vivendi præscriptas contemnens, in furnum accensum, unde panes jam modo cocti educti fuerant, se penetravit: in quo cum totus jam sudoribus destillasset, languidiusculus jam redditus tandem emerit: porro quotquot deinde de illo pane, qui postea in hoc furno excoctus fuerat, comederunt, rabidâ morte mox abrepti fuerunt.

Simo. Riquinus in ep. de febr. sud.

L.

Decubitus in dorsum panacea Herniarum.

Herniam in Senibus difficulter & vix curari posse, testan-

testantur viri docti, & ipsa quoque Experientia fidem facit. De Sanitate tamen semper bene sperandum esse sequens historia confirmat. Generosus quidam Bernensis sexagenarius, sed optimo corporis habitu præditus, præterquam quod doloribus podagricis ab aliquot annis obnoxius fuerat, spacio viginti annorum insigni ac maxima hernia intestinali laboraverat, ad quam curandam, cum me, tum alios in Galliâ & alibi expertissimos adhibuerat Medicos & Chirurgos, sed frustra. Tandem, cum de sanitate recuperanda, nequidem cogitaret amplius, & subligaculis, ne ingravesceret malum, uteretur, in morbum incidit, Anno 1618. à quo, ultra menses 6. lecto affixus fuit. Post morbum hunc, ne minimum quidem indicium præcedentis Herniæ sensit, nec amplius utitur splenis aut subligaculis. Ex his manifestum fit, quietem & decubitum in dorsum, unicam esse Panacæam Herniarum.

Fabric. l. 5. observat. chirurg. 54.

LI.

Empirica in Hernia.

Recentiores affirmant, Hypoglossi, (bislinguam vocant Itali) pulverem aliquandiu in consolidæ radicis decocto potum Enterocelas persanare, tam evidenti efficaciam ut primis assumptionis ipsius diebus, intestina protrudi videantur: quapropter tam diligenter providendum, ut istis diebus laxatum, vel apertum inguen exactè aptis fasciis & splenio firmetur, firmatumque contineatur, ne quid damni detur ab istius usu imprudenti.

Auricula muris, dicta herba, non Dioscoridis, sed
quam

quam vulgò Pilosellam vocant, antiquis, ut videtur, ignota, intestinorum hernias percurare certum est. In Majo collectæ herbæ integræ pulverem infantibus, imò pueris heraios, continuò in cibis, in lacticiis, puerilibusque pulcibus seu pulciculis exhibitum, comperi mirum in modum profuisse.

Experimento item comprobatum, Lunariz minoris nominatæ pulvisculum in decocto consolidæ, vel vino rubro ad tempus exhibitum, pueros potissimum curare.

Perfoliata dicta, insignis herba, etiam characterismo & Naturæ signaculo in foliis, quæ à stipitibus media perforantur, publicè proposita & designata, ut in hoc affectu singularem latura opem, videatur: quocunque modo, vel in vino decocto, vel in pulvere, (semen pueris lacteis in cibis) vel in aquâ ipsius destillata exhibita, rupturas sanat.

Novi, qui hunc affectum, 9. ex ordine diebus, cinerelactantis leporis, in vino rubro, vel decocto consolidæ majoris exhibitio sanarunt.

Peucerus, vir doctrina insignis, narravit D. Adolpho Occoni, Medico Augustano, & mihi Ann. 1566. se puerorum Hernias, recentis coagulati & in caseum formati lactis impositione sanasse.

Solenand. sect. 4. consil. 13.

De Herniaria Holleris vide centur. 3. part. 48.

LII.

Historia, de curatâ Podagrâ.

Patiens erat hospes publicus. Medicus quidam Nobilis Eques, qui pacto 300. floren. sanationem promisit, & recepto autographo, curam aggressus est.

O o

Patiens

Patiens iussus est pedes imponere trunco ligneo, adstantes fortes servi Nobilis, qui sedentem tenerent. Iple Nobilis malleo ferreo instructus, sex clavis pedes affigit ligneo trunco, moxque miserabiliter ægrotum clamantem reliquit, & se in equos coniecit. Interim crebrò expiscatus est, num morbus fuisset reversus, cognitoque jam elapso triennio non rediisse, ipse reperit hospitium, & jocus cum hospite cognovit de sanato morbo: itaque chyrographum produxit, & se Medicum fuisse ostendit, poposcitque soltron. Consentit hospes, licet crudeliter tractatus, Equitè tam diu pavit, cum suis, donec trecenti floreni essent consumpti.

Cum non ita dudum una essemus amici, incidimus in colloquia de Podagrâ, & aliis Arthriticis morbis. Nobilis quidam agebat, in Italia etiam equos Podagrâ corripì. Remedio esse incisionem corii in femore, & venæ in crus descendentes dissectionem, utraque parte prius ligatâ funiculis: vulnus consolidari alumine, lithargyro & similibus. Equina sit ista cura, non humana. Melius Pharmacopola noster. Hic, cum nuper Lipsiæ esset inciperetque *podagrygia* circa pollicem pedis, seu majorem digitum, consilio accepto à famulo Hospitis, subjectum montem curavit sibi scalpello scarificari, & oppositâ cucurbitulâ, extrahi materiam dolorificam. Triduo convaleuit. Pedem autem scarificatum imposuit decocto Lythargyri & aluminis ex aquâ fabrorum. Non absurda est hæc ratio.

Alius dicebat, fuisse quendam Podagricum, qui sibi singulis mensibus, Luna decresciente curasset cucurbitulas, cum scarificatione dorso affigi, quibus
amq-

amotis, pedes posuerit in dilutum vitrioli & hali-ni-tri vel salis: atque ita extraxerit multum phlegmatis. Initio autem acrius fuit balneum istud, sed postea mi-tius, prout materiae copia requisivit.

Tertius succinebat, alium nescio quo lavacro ad-stringente, materiam à pedibus avertisse, sed Asthma-ticum factum, ad foniculos pedum pervenisse, & ho-rum fluxu podagram evasisse.

Libav. epist. 73. & 74. dist. Medic.

LIII.

Topica in Podagra.

Novi ego senem quendam Notarium; is sibi in podagra hoc modo feliciter Medicinam faciebat. Cum dolor & tumor magnus locus, rubens: accipiebat sa-lem, cinerem, Urinam pueri & Acerum, in iis commi-sitis & agitatiss, madefactum & expressum pannum la-neum album applicabat aliquoties: sedato jam ma-gna ex parte dolore, morbo declinante incoquebat sulphur vivum & pulverem ellebori albi, oleo seminis lini, eoque loca affecta allinebat.

Addam ad hoc, quae ego inveni permultis bene fe-cisse. Adnascitur ad Quercus radices, non ad trun-cum, ut plurimum Autumno, Fungus quidam rubens, tener, & pro ratione radicis Arboris, magnus satis, eodem ferè modo, quo Hypocistis sub cistho frutice pullulare solet. Quapropter ego *ιποδερν* nominare soleo, istum in tenues particulas sectum, cum trito sale in ollam testaceam indo, ita interspergens salem tritum, ut particularum strata qualibet salem inter-medium recipiant, sic permixtim conditum fungum, in penu subterraneo sepono. Muriam, quae tandem

invenitur in olla, liquefactâ, colligo, eâque asservatâ affectos articulos illino. Quem ego primum isto uti vidi, is in doloribus utebatur & profuit multis. Verum quia secat vehementer & discutit, laxatamq; ab affluxo humore partem mirificè roborat & confirmat, principio utilior, priusquam dolor invaluerit, ejus usus esse possit, aut jam declinante paroxysmo, ad materiam absumendam, parti que robur & firmitudinem addendam.

Solenand. sect. 4. conf. 24.

LIV.

Abstinencia à Vino curavit Podagram.

Novi Medicum Senem Veneriis, qui cum non parum infestaretur Podagrâ, ad senium usque saltem primum, ac per quinquennium ipse sibi vinum interdixisset, liber ab hujusmodi molestia ita evasit, ut amplius ad ultimum usq; senium, imò ad mortem, horum dolorum expers fuerit.

Trincavell. de cur. morb. libr. 12. cap. 2. l. 3. consil. 97.

Vide cent. nostr. 4. part. 25. & seq. centur. 5. part. 5. & seq.

LV.

Abstinencia à potu, per 40. dies hydropicus sanatus.

Novi non postremi nominis Medicum Hispanum, publicè Bononiæ profitentem, qui esu alimentorum assorum & abstinencia cujuslibet potus, per quadraginta dies continuos durante, curatus est, absque ullo prorsus medicamento.

Trincav. l. 3, consil. 32.

LVI.

LVI.

Rusticus, per annum, nihil bibens, ab hydropē liberatur.

Rustico, quem aqua inter cutem malè habebat, opem nostram expostulanti, sanari illum, cum jam morbus inveterasset, minimè posse respondi. Instanti tamen, ut aliquod saltem consilium ei præberemus, subridens, inquam, amice, si curari desideras, opus est, ut non ultra bibas, quam ut vitam sustineas. Discessit, & anno peracto, iterum interrogat, an ipsum noverim. Nego me hominem nosse, at ille, tua ope curatus, inquit, ad te revertor, scire cupiens, an adhuc mihi liceat aliquid bibere, cum hætenus per annum nihil biberim. Admiratus, interrogo quare, & cujus consilio. Cui ille inquit, tuo: & rem omnem ab initio narrat. Jussi igitur paulatim vino assuescere: sed mero potius, quam lymphato, & eo ipso austero ac tenuissimo. Discessit ac curiosa potione usus, ad pristinumque reversus statum, quam mecum familiaritatem primùm contraxit, eam adhuc in hanc usque diem officiosissimè servat, & colit.

Beniven. de' abdit. morb. caus. c. 13.

LVII.

Causâ occultâ & abditâ quidam Hydrope solutus.

Christophorus Trutwein, Patritius Haganojus, desperato hydropi multo tempore obnoxius, domi desidis vitæ pertæsus & serenâ quâdam die invitatus, in vicinum hortum deduci à suis postulavit. Quo

cum pervenisset, fessus admodum, ob languidas vires, humi se apricanti Soli obversum prostravit. Lassitudine proinde & grato solis ardore illectus, profundo somno corripitur. Dormienti lacertus viridis, in laxatum ejus sinum irrepit, & toto eo tempore, quod stertit, per tumentem nudatumque ventrem oberrat. Post horam expergefactus, corpus humo erigit, & dum assurgere annititur, quidpiam in sinu subsaltare animadvertens, Lacertam conspicatur, quem veluti homini amicum & innoxium, salvum dimittit, quando plerisque bestiolas ejusmodi offendisse religio ducitur. Huic ab eo tempore hydropicus tumor omnis, res mira, citra ulla alia remedia, inter paucos dies subsedit, & non sine miraculi specie disparuit. Qui reconvalescentiam inde suam omnem à lethali isto morbo, animalculo huic, non sine singulari fato, firmissima, atque adeò indubitata persuasione acceptam retulit.

J. Schenk. l. 3. obs. 131.

LVIII.

Experimentum in Hydrops.

Soleis pedum adhibebat Hydropicus folia Hyoscyami, ita ut non solum ex pedibus, sed universo corpore humor extraheretur. Prodesse vidi, rationem tamen non perspicio, sed non velim adhiberi.

Grato conf. 295.

LIX.

Rha-Barbari solum natale, elogium & vires.

Rha-Barbarum, Dioscoridi (a) ῥᾱ ῥᾱ ῥᾱ dictum

hnt. (b) nullibi nisi in China provenit, quæ inde per Usbecken in Turciam, hinc Venetias defertur, & quidem vel navibus, quod citius corrumpitur, vel itiaere terrestri, quod durabilius & carius. (c) Calidum est & siccum, in 2. ordine, purgat clementer & benignè, tutumque est medicamentum (d) & humano generi familiarissimum, cujus frequens etiam usus nihil incommodat prorsus, si masticeatur mane pondere unius scrupuli, deinde deglutatur, non tantum alvum ipsam molliorem reddit, atq; obedientem in iis maximè, qui suapte naturâ strictæ alvi sunt, sed ea etiam masticatione caput expurgat, sensus omnes vegetissimos reddit, corpus ab excrementis purum conservat, vasa interna (e) omnia, si quid aliud mirandum in modum corroborat, citra insignem excelsationem, neque propterea noxam ex longo ejus usu corpori affert, sicut reliquæ Medicinæ, est etenim omni ex parte Medicina tutissima & nullius prorsus nocumenti, adeoque divinum omnino remedium, (f) Omni ætati, atque adeo etiam pueris (g) & (h) prægnantibus, (cum passulis drachmæ semis, vel scrupulorum duorum pondere assumptum, (i) neque tamen quovis tempore (k) æquè commodè fieri potest, sed solum 4. 5. & 6. mense, quibus ligamenta, quibus fatus Utero adhæret, firmiora sunt) innoxium. Purgat bilem flavam & pituitam quoque, sed non nisi in proximis viis hærentem. Obstructiones liberat, & affectus ex iis ortos, sanat. Hydropem (l) splenis tumorem, febres putridas. (dilutum in aquis refrigerantibus, aut sero, ut caliditas (m) illius & siccitas retundatur, & igneæ partes reprimantur) Lienteriæ, sputo cruento (n) ruptis & contusis, in primis Dysenteris

teriaz (o) ut volunt parum (p) ad maiorem adstrictionem illi conciliandam, quod quidem si leviter fiat, rectius ut in pulverem redigatur, conveniet, sed si nimium affetur, invalidum & inutile redditur, unde non adeò in eo erit laborandum, sed potius viribus ejus adhuc integris, exhibendum, idq; in principio, ut rectius evacuet, (q) faciendum) commodum est, eo què nihil præstantius. Sed hic L. Septalius (r) Rha-Barbari usum planè improbat, quòd igneas partes habeat, & quod in substantiâ sumtum tunicis intestinorum & ulceribus adhærescens dolores pariat implacabiles, id quòd sæpè observavit. Verum enim verò, nullus unquam Medicorum Rha-Barbarum idèò suspectum habuit, quòd intestinorum tunicis adhærescat: & partes illæ igneæ, quas metuit, sunt in succulentâ ejus parte, quod facillè à substantiâ separatur, si inde aliquid incommodi metuatur. Atque existimo, dolores istos implacabiles, quos animadvertit Septalius, potius à bilis acrimonia, quàm à Rhabbaro excitatos fuisse: neque in hoc ipsi assentior, quod scribit (s) Rhabbarum mediocriter torrefactum vehementius & minore dosi purgare, quam integrum, cum certum sit, vim purgantem in subtili & volatili parte subsistere, quæ etiam tritura, aliqua ex parte dissipatur. Verum cum ille experientiam testem citet, cui libet eam consulere facillè est. (t) Epatis quoque valde utile est, unde à nonnullis Anima Epatis, (u) ab alijs Theriaca Epatis appellatur, stranguriâ vero laborantibus commodum non est. (x) Calculosis quoque & Podagricis (y) & in serosis affectibus convenientissimum est, (z) Proprietate etiam veneno, pestis resistit, (aa) obstru-

ctio-

tionibus solutis sanguinem cohibet, si 3, vel 4. die ejus ad drachm. sem. vel scrupulos duos, ex aquâ plantaginis vel vino albo sumatur, (bb) concretum verò simul dissolvit & evacuat (cc) urinam tingit, (dd) raro quoque sine Rhabarbaro medemur Ictero, quia valdè corroborat hepar, præterquam quod bilem educat. (ee) Dentes etiam, ab omni putredine & nigredine conservat, gingivas solidas reddit, & anhelitum commendat, (ff) Correctivum ejus est Spica indica (gg) ut spargi pervenas facilius possit. (hh) sed abstinendum ab ea, in ingravidatâ muliere (ii) & cum æger vomit ex facili, (kk) sed fumosum est admodum, ob id in doloribus capitis non convenit, nisi infundatur in aqua endiviæ vel violarum. (ll) Ut paucis dicam:

*Calefacit, exsiccat, stringit Rha-barbarum & alvum
Solvit, & est Pueris, Gravidis, benedicta medela,
Visceraq; obstructa hoc aperit, Bilem & Pituitam
Purgat, tum Stomachi vitiis, emendat & Epar,
Sanguis & ex illo sit clarus, spuma eruenta
Sistit, dejectosq; juvat, ruptisq; medetur,
& Dysenteris confert. (mm)*

a) lib. 3. c. 2. b) Bauhin, in pima. l. 3. sect. 4. c) Linse. part. 3. Ind. or. 29. d. x. hh) Sennertus. l. 5. institut. part. 1. sect. 1. c. 11. e) Solenand. sect. 4. consil. 20. f. ff) Adolph. Occo. in epist. Scholizian. 15. g) Fernel. l. 5. M. cap. 9. h) Fuchf. negat l. 1. de comp. med. c. 84. i) Sennert. l. 4. institut. part. 2. c. 2. k) Id. l. 5. part. 2. sect. 1. c. 5. l. n) Septal. suspect. l. 7. animad. 53. l. 6. 154. m) Septalius l. 5. cant. 8. o) Plater. de vitiis p. 894. Dodon. in prax. l. 2. c. 48. p) Forest. l. 22. obs. 9. Sennert. de dyssent. c. 7. Fabric. in medic.

dic. milit. p. 494. q) Nester. de dyß. c. 9. Fabric. de dyß. c. 8. Esi Rha-barbarum in curatione Dyssenteria primum habere videatur, tùm quod fluxiones sistat, tùm quod partes affectas robores, attendere tamen debet Medicus, num prasente Epatis astu & excaandescencia, ejus usus non sit suspectus, prasertim si, ut moris est, parùm torreatur, tostione enim acrimoniã acquirit, unde abradendo molestum esse potest. Unde cùm in Dyssenteria purgare animus est, Rhabarbarum, in calcolas sectum in aq. endivia infundo, cum adstringere in pulverem reductum cum aq. cieborii aut agrimonie propino, omisã tostione. Claud. Deodatus ep. 20. cent. 1. Epist. Fabric. r) Septal. l. 7. anim. 92. f) Id. ib. 93. t) Sennert. de dyssent. c. 7. u) Plater. de vit. p. 114. 943. Dodon. l. 1. prax. c. 55. Pansa de pror. vit. l. 4. c. 24. y) Crato consil. 2. z) Plater. de dolor. p. 296. aa) Idem. ib. p. 211. bb) Fernel. consil. 28. cc) Plater. de vit. c. 818. dd) Zuvinger. physiol. l. 2. c. 50. ee) Dod. l. 2. prax. c. 60. gg) Plat. de vit. p. 308. ii) Camer. in herb. Mathiol. germ. l. 3. c. 2. kk) Hearn. l. 2. M. c. 22. ll) Holler. in prax. p. 8. a. mm) Oberndorf. de morb. Ungar. p. 225. Nester l. c. ex Cast. Durant.

LX.

*Hydropicus usu Rha-barbari frequenti sanatus, ut
& vulnus capitis lethale, in eodem
Sene.*

Habeo ex Montano, Hydropicum quendam facie, ventre, pedibus, atque adeò toto corpore intumuisse, atque in summo fuisse periculo, ita ut plerique de ipsius salute desperarent, isfato, nescio quo monitus, capit uti Rhabarbaro, modicè primum,

ex

ex quo subducebatur alvus, & serofitas sine molestiâ, & optimè habere capit, is augebat pondus quotidie, ita ut à drachmis ad uncias deveniret, atque eas devoraret, & tandem integras libras, contingit ut evacuarentur humores noxii, corroborarentur membra, & non tantùm Hydrope liberatus, atque adeo omnibus pro miraculo habitus est, sed membra quoque robustiora inde facta, color totius corporis optimus & functiones seu operationes corporis omnes redière, vixit sanus & incolumis citra ullam infirmitatem usque ad primum senium, multas interim congeffit pecunias, quas cum vidisset aliquando servus licarius, ipsius vitæ insidiari coepit, & eum occidere decrevit, ut tutò pecunias surripere posset; ingressus aliquando thalamum, in quo cum decumbebat Herus, acuto gladio, quem pistalesum vocant, sub vestibus celato, uno ictu caput amputare decrevit, quod & tentavit; sed res parùm feliciter successit, inflixit quidem lethale vulnus, sed prorsus interimere non potuit, profiliit enim ex lecto, & quanquam lethale vulnus accepisset, tanto tamen robore præditus erat, ut & Sicarium contineret, donec opem illi ferrent vicini & parricidam caperent, accesserunt tandem chirurgi, qui cum viderent vulnus lethale, ceperunt desperare de ipsius salute, relinquebant eum prognosticis, putabant fore ut quarto die moreretur: cum accederent circiter diem quartum & vulnus aperirent, (quemadmodum in talibus vulncribus lethali-
bus fieri solet, à Chirurgis peritis, ut ante quartum diem non detegantur) reperiebant id citra ullam inflammationem purum & bonum. Illud tamen quia lethale prorsus erat, putabant eum 7. die (qui & cri-
ticus

ticus est, & vulneribus magnis periculosus, siquidem in melius vel deterius transmutatio fit) esse moriturum. Supervixit tamen 7. diem, indies magis ac magis convaluit, & ad extremum vulnus ex integro convaluit, magna omnium horum admiratione, & præter expectationem vixit ad ultimum usque senium, tandem interrogatus, quonam pacto tantum corporis robur sibi conciliasset, ut à lethalibus ægitudinibus evaserit, respondit frequenti usu Rhabbari.

Adolph. Oeco, in epist. med. à Scholiz. ed. 15.

LXI.

Pulli equini vomitus, Epilepsia remedium.

Cum primum pullus equinus in lucem prodit, vomitu materiam quandam rejicit, quam nisi quis præripiat, mater statim devorat. Hæc materia siccata & pulverisata à morbo Comitiali liberat certo experimento, ut mira quædam res videatur.

H. Don. Zellin. in consil. Craton. 38.

LXII.

Secretum Imperatoris Epilepticum.

Cæsar (Ferdinandus I.) in Epilepticis hoc remedium pro maximo secreto habet, & ait Doct. Petr. Cavizetum etiam homines provectæ ætatis, & qui diu hoc morbo fuerint obnoxii, post purgationes curasse. Rec. Crystall. præp. drach. unam, Corall. rub. præp. scrup. duos, Margar. orient. scrup. unum, Smarag. orient. præp. drachm. sem. misce f. pulv. cujus media pars est una dosis in aq. taraxici. Bis feci periculum, ægri liberati sunt ab Epilepsia, sed postea tamen obierunt. Crystalli usum non existimo esse tutum, & Smaragdus, quo vulgò utuntur, non est verus, sed

sed lapis de Peru, nempe fragmenta magni lapidis Prasii Orientalis, qui in arenâ reperitur, nunc raro apparet.

Crato à Krafftheim. epist. 121. ad D. Camerarium.

LXIII.

Empirica profliganda Epilepsia.

Quædam nobilissima Matrona hac arte sanabat Epilepticos. Accipit acetum caryophyllorum rubris foliis imbutum, miscet fæces Pavonis recentissimas, trajicit per liateum: propinat hoc novem continuis diebus.

Andreas Balenus, olim Hebrææ litteraturæ apud Lovanienses Professor, hoc in secretis habebat, ac cunctos ferè sanabat, qui nec in ignem, aut aquam, vi hujus morbi præcipitati fuissent: accipiebat Mercurialis & florum Tiliæ aquam, quæ ex his remixtis arte simplici destillavit: & manè ante cibum utebatur ex hac tribus cochlearibus, tribus continuis diebus. Sed cochlear superstitione non vacat, quod hoc modo parabatur. Amputabat mense Majoranium ex arbore Tiliâ, eâ crassitudine præditum, quâ imam humani cruris partem æquet. Hic ramus terram non feriat, sed fune ex arbore demittatur, & in cubiculo suspendatur ad siccitatem usque: quod mense uno succerit fecisse: inde fingatur cochlear unum aut alterum, sed tactum à terra cochlear, inutile erit; ab usu hujus remedii semel gravissimè laborabit, sed postea nunquam.

Henr. de aff. capist. c. 27.

LXIV.

LXIV.

Rectius postero die, quam horâ conjunctionis luminarium, exhibetur antepilepticum.

Quæris de Succino, postridie Neomeniarum dando, & non pridie. Scias me coniecisse istam observationem in adversaria mea ex aliorum præceptione. Si rationem expetis, putes licere antevertere paroxysmum, etiam ante istum articulum, si qua ejus se produnt signa. Si nulla appareant, in metu tamen sumus, ne Novilunium quid moliat, rectius postero die, quam horâ conjunctionis præbere prophylacticum. Nam in hora conjunctionis, silet Luna, nec sunt in alterutram partem *ποναι* seu momenta, proximo tempore post eam incipit operari in humoribus, ut ajunt, eosque augere. Rectè itaque tunc principiis occurrat & prohibetur non quidem humoris incrementum, sed qualitatis in humore vigentis, ne illa pariter cum copia materiæ insurgat. Quocirca alterante antipharmaco, vetatur malignitas augescere & non nihil etiam humoris abundantia futura præciditur. Idem judicium est de cornu cervino. Ecce tibi ad amussim delineatam rationem. Sicut enim Nautæ aspersu modici aceti turbines dissipant, Ecnephiasque, ita nos tumultus Epilepticos in principio compescimus, quod pridie Neomeniæ non æquè feliciter eramus expedituri. Non enim sanamus, quæ nondum sunt, sed quæ aut sunt, aut esse incipiunt.

Libav. ad Schnizerum epist. 15. eist. med.

Vide centur. 7. memorab. part. 5. & 9.

LXV.

*Mirificum ophtalmicum remedium ex
Nicotiana.*

Secretum in ophtalmia, ipsa necessitate coactus, quidam vir doctus invenit, cæteris omnibus nil conferentibus. Cæca erat puella, Ann. 16. de hujus visu omnes desperabant. Feci ego, ut in uno oculo bellè videret, in altero melius, in eo pupilla ita erat obscurata, ut non appareret, sic tamen est restituta, ut non appareat, nisi ad oculum astantibus. Nicotiana nostra, major, cujus succus cum butyro majali ad consistentiam unguenti coquitur, totum hoc efficit. Nam clausis palpebris, exterius illinitur in loco obscuro: quàm primùm patiens oculos aperit, statim mordicare incipit: certè mirificum est remedium. Puerile sanè est illud ex vitriolo albo & aqua, si cum hoc confectatur. Non eo inficias, me in curâ hujus puellæ Ligni & Sarsæ decocto, cum fonticulis in utroque brachio usum fuisse, sed hoc magis præstitit, quàm cætera omnia.

Petr. Joan. Wiburg. ad Sebniz. ep. 209. l. c.

Plura de Nicotiana, conjung. viribus vide centur. 3. memor. part. 73. & seq. cent. 6. part. 82. & seq.

LXVI.

Ευνέσιος ῥηξάνιον.

Sume spumam carnis bubulæ non valdè pinguis, vel potius macræ in aquâ decoctæ, & illam collige in ollulam mundam, postea loco debili reddito, inunge. Potest etiam aliquid mellis addi, ut crassiorem consistentiam adipiscatur. Sed mihi magis placet priorî modo administrari, ne propter lentorem porî cutis

cutis, unde pili erumpere debent, obstruantur. Ego nuper admodum in quodam, cui superciliorum pili morbo omnino deciderant, feliciter usus sum.

P. Monavius ad Scoltizium ep. 245.

LXVII.

Præcavenda pestis consilium.

Locus, in quo æger decumbit, foramen apertè habeat superius, ut halitus pestilentes exeant, præsertim ægro sudante. Id foramen modò aperiri, modò claudì poterit: cum enim suffumigia idonea fiunt, cum aqua rosarum camphoratâ, claudatur aliquandiu locus, deinde rursus aperiatur. (a) Sed conclave, in quod foramen illud desinit, quia tetrìs & malignis vaporibus, qui ab ægris expirant, infectum est, à sanis hominibus, cum in peste, tum in Dysenteria, frequentari minimè convenit. Ego in nonnullis magnatum cubiculis, foramina, quæ ad supremam contignationem, & tectum usque desinebant, observavi, eaque tam sanis, quàm ægris in primis multum conducere, non est ut quispiam ambigat. Quod si locus, & commoditas ægri non permittant extruere ejusmodi foramina, cubiculi in quo æger decumbit, laquear, ut celsum sit, necesse est. Si enim humile fuerit, æger, imò etiam sani, vapores putridos sursum ascendentes, denuò attrahent, quod periculosum, aut saltem prolongationis morbi causa facile esse potest. (b)

a) *C. Geffner. l. 1. Epist. 8. b) Fabric. de dyssent. c. 21.*

LXVIII.

Rapum Genista experimentum in peste nobilissimum.

Tribus ut plurimum pedibus à Genistæ sedè, uno men-

mente ante & post Calendas Junii Rapum quoddam reperiens, tiliam habens Fapso barbato similem, altitudinis unius cubitus, locis saxosis & arenosis. Accipe igitur Rapum illud, & contunde, succumque illius exprime, quod ut vinum colatum & limpidum erit, & pro toto anno in lagenâ vitreâ reconde. Si quis Peste contaminatus hujus succi uncias 3. vel 4. cum Theriacâ drachmâ 1. & sem. aut 6. nucibus avellanis sumpserit, à morte liberabitur Dei auxilio, & sine dubio.

G. Magistr. in isag. therap. sect. 2. de pest.

LXIX.

Colicis in doloribus frigida aqua, quandoque utendum.

Contingit aliquando, ut Colici dolores, adeo vehementes sint, ut omnem Medicorum operam eludant, ac quocunque auxilio adhibito potius augeantur, quo in casu ad contraria erit transeundum; cum enim colici dolores majori ex parte à materiâ frigida fiant, aut à flatibus distendentibus, fit aliquando, ut aut ratione dolorum, aut vigiliarum aut mæroris, ob contumaciam, aut incalescant nimium intestina accedentibus etiam calidis, & intra & foris apposis remediis, aut phlogosi quadam tententur, aut etiam verâ inflammatione incipiant affici, aut multa præexistens bilis ibidem transfundatur, unde ad contraria erit transeundum, & insigniter refrigerandum, quod mihi anno præterito contigit, primò in Nobili Hispano, post in N. Secretario, qui, cum colicis doloribus per aliquot dies fuissent acerrimè conflictati, & jam jam mors esset præ foribus, nulli

perferrentur arteriarum pulsus, sudores adfessentresolutorii, nulla denique amplius esset spes salutis, ne quidem apud Medicos etiam præstantissimos, accersitus & ego, cum sitim inextinguibilem, linguæ scabriciem, nigrorem ac duriciem, pertactis autem hypochondriis & ventre inferiore, calorem in partibus illis æstuantem adesse observassem, Hispano aquam multam nive etiam refrigeratam bibendam exhibui, cum naturâ abstemius esset, & multæ aquæ potator egregius: in somnum prolapsus est, & quatuor horarum spatio cum dormivisset, dolore quodam inferioris ventris, à primo, maximè ut ipse referebat diverso, excitatus à somno, miram bilis flavæ copiam evacuavit, & doloribus liber evasit; unde collegi, Medicos, qui illius curationem susceperant, in causa morbi illius longè deceptos fuisse, cum calidis remediis curationem instituissem, à frigida materia factum morbum judicantes. Alterum autem, cum jam agentem animam invenissem, non alia ratione statim curavi, quàm lineo panno multis plicis in quadrati formam composito, frigida immerso, ac mirantibus astantibus, quid facerem, ventri superposito, cumque ut dormiret, injunxissem, diutiusque etiam somno oppressus, sine motu cum conquiesceret, verentes Affines & Uxor, ne jam fatis cessisset, eum expergefecissent, indignabundus, quod tanto bono eum privassent, quasi è lecto exiliit, à doloribus omnino liber. (a) Sed nolim ego ullum temerè ad hoc remediï genus devenire. (b)

a) *Septalius animadu. l. 7. caput. 81. b) Crato, consil. 171.*

LXX.

Secretum Cratonis, & Empirica in Colicâ.

Oleum Amigdalinum cum vino malvatico haustuſitatum & pervulgatum eſt in colicâ remedium. Verum ego drachmam dimidiam Spermatidis Ceri (non veteris ac rancidi) addo, atque hoc inter efficacia & ſecreta remedia habeo.

Apponatur ventri rete caſtrati, coctum in oleo, adjecto chelidonio majore, contuſo cum radicibus, ſi haberi poſſunt.

Proſunt etiam catuli lactantes ventri appoſiti, qui, ſi veteribus latinis Medicis fides eſt adhibenda, malum ad ſe trahunt, atque ipſi deinceps colicis doloribus moriuntur.

Ventrem etiam Anatis vivæ deplumatum malum ad ſe trahere, ſi ventri apponatur, experienciâ conſtat.

Idem præſtat Rana viva appoſita.

Per os, magno cum adjumento datur album, quod in ſimo gallinaceo reperitur, ex optimo vino. Quidam adjiciunt membranas interſepientes nucleum in juglande.

Decocto Braſſicæ uti, in veteri jure Galli, magno etiam eſt adjumento.

Crato. conſil. 168. & 171.

LXXI.

Amuleta in Colicâ.

Avellanæ appenſæ collo, ita ut ventrem attingat, Argentum vivo plenæ, & ad præcautionem & curationem Colicæ magnas attribuunt vires.

Vel ſtercus Lupi ſic avellanæ incluſum & appen-

P p a

ſum:

sum: quod efficacius operari volunt, si chorda, cui appensa est avellana ex corio Cervino fiat: vel ex filo, ex lanâ Ovis facta texta sit, quam Ovem à Lupo prius raptam aut interfectam esse debuisse, nimis superstitiosè credunt.

Plater. de dol. p. 625. & 626.

LXXII.

Guttur Galli tostum, in pulvere propinatum, quâ vi, mictionem involuntariam, sistat.

D. Gilbertus Hollandus, Medicus Romanus, guttur Galli urebat, ut non consumptum, sed tostum, exsiccatumque teri posset, exhibebat in immictione, (*ἐνδύσθην* Græci vocant) pulvisculum, sub noctem, ante cœnam, cum tantillo vini rubelli subastringentis: si illo uti haud posset, exhibebat in haustu dilutissimæ poscæ, id quæ reiterato paucis diebus faciebat. Illud nullâ manifestâ causâ, sed proprietate quadam sanat affectum. (a)

Consulimus septuagenario cuidam urinam continere non potenti, ut Gallinæ guttur combustum cum aquâ tepidâ sumeret jejunos: hoc enim à proprietate valet. (b) Sed quamvis medicamentum hoc magnificiendū esse videatur, ob tantorum Medicorum experientiam, non tamen video, cur statuendum, non manifestâ qualitate, sed peculiari proprietate illud ipsum juvare, præsertim cum vi suâ calefaciendi & exsiccandi, frigidis & emollitis partibus succurrat, & introductam laxationem musculi corrigat; Accedit, quòd medicamenta, proprietate substantiæ agentia, non manifestis, sed occultis morbis illius proprietatis respe-

respectu, succurrant; at morbus hic occultus non est. (c)

a) *Solenand. sect. 4. consil. 11.* b) *Forest. l. 25. obs. 21. c)*
Horsium probl. therap. des. 8. quast. 7. th. 2. & 3.

LXXIII.

*Anima Halecis Ischuriam solvit, vi salis imbibiti,
 non proprietate alia.*

Intestina Halecum (animas vocant) numero decem, in pulverem redacta & cum vino pota, mirum in modum, urinam per aliquot dies retentam, una cum arenulis phlegmati inhaerentibus, promovere, observavi. (a) Verisimile est, nulla proprietate piscis istius id evenire, sed vi salis imbibiti. Notum enim, halecem, non tantum inter salas aquas vitam & victum habere, verum etiam diuturnis salium marinorum, qui sunt accerrimi, condituris macerari, eorum autem vis diuretica magna est, & est phlegmatis crassi incisiva, deterfivaque, quo nomine & Halo nitrum commendatur, & fontes falsi. Non ergo, quia animam decuplam Halecis voraverunt isti liberati sunt Ischuria, sed quia intestina sale multo bene delibuta, spirituque salis perfusa; ut & Garum veteribus commendatum. Equidem putem, si quis integrum caput conditæ sale Halecis eodem modo arefactum, pulveratumque ex vino diuretico albo tenui sumeret, idem experturum. (b)

a) *Sebniz. ad Libav. epist. 39.* b) *Libav. ad eundem epist. 41.*

LXXIV.

Decoctum Abrotani cum sale nitri specificum in Ischuria.

Silentio præterire non possum medicamentum, quo D. Bartolomæus Clingius IC. & Academix Rostochianæ Professor eximius, calculo laborans fuit usus, in omnimodâ urinæ suppressione. Re desperata, animumque despondentibus astantibus plerisque omnibus, accessit quidam cum decocto Abrotani, in quo Sal nitri dissolvisset. Ebibito medicamento, minxit æger, & urinam reddidit incredibili copia.

l. Assuer. Ambsing. de calc. c. 16. th. 34.

LXXV.

Anodynum in Ischuria, & calculos expellens.

Quidam Septuagenarius, cum calculo & difficultate mingendi & ardore intolerabili afficeretur, & fluxu ventris, consultum est à muliere, ut Apium viride cum lacte bubulo decoqueret, addito pauco aquæ & salis, eo remedio frustra calculorum rejecit, & dolor sedatus est, atque ardor urinæ & fluxus: rationem autem hujus medicamenti ignorabat. Apium enim aperiebat oppilationes renum, urinam provocabat, & calculum comminuebat. Lac verò mitigabat urinæ ardorem: Aqua verò facit ad penetrationem, ne Lac etiam concrederet: Sal quoque corrigebat lac ne acresceret: & lac etiam ad fluxum faciebat. Cum autem id sæpius ad calculum in seipso expertum cognosceret, consului, si Apium viride non adesset, ut ejus loco semen caperet. (a) Novi qui ad præsertionem à calculo uterentur herba Apii sativi (petroselinii vulgaris) in acetariis. Sed meo judicio hujus-

huiusmodi diuretica ita calida in præſervatione non conveniunt, nam effeſtricem calculorum cauſam ad-
augent. (b)

a) *Foreſt. l. 24. ſchol. ad obſ. 25. b) Henriens à Braſanel. ſimpl. ad calc.*

LXXVI.

Arcanum in Iſchuriâ ex calculo inſallibile.

Quidam ex mulierculæ cuiusdam conſilio, cineris fabarum cum vino Pictavienſi inſtar lixivii colati, duo aut tria cochlearia ad ſummum, ſimo columbino pauco immixto potabat, cum ex calculo mingere non poſſet; idque in diluculo cum ſumpſiſſet, in conti-
nenti minxit, & unâ lapidum fragmenta cum urina exhibant. Referebat adeò vehemens eſſe medicamen-
tum, ut per totum corpus ſudor efflueret, tamen arca-
num inſallibile eſt, & ex eo ſemper mingebat. (a) Eſt
autem ſtercus columbinum adeò calidum, ut in My-
ſia domus ex ſimo putrefacto incenſa ſit & tota com-
buſta. (b) non ſolùm veteres ad comminuendum la-
pidem uſi ſunt, ſed & Neoterici. (c)

a) *Foreſt. l. 24. ſchol. ad obſ. 25. Parac. l. 16. c. 37. b) Gal. l. 3. c. 3. de ſemp. c) Geſn. de avib. Ulyſ. Aldrov. l. 15. Ornith. c. 1. Libav. tom. 1. ſyntagm. l. 2. c. ult. Portal. 6. phytog. c. 21. Unzer. de neph. p. 187.*

LXXVII.

Dari remedium frangens lapidem.

Nefcio, utrum magis laudem ac prædicem, judi-
cium né an candorem animi, magni illius & eximii H.
Capovacii, Medici olim Patavini, longè celeberrimi,
ſcribentis in hæc verba: Fateor me nefcire, quæ Cal-
culum in veſicâ frangere queant. (a) Cui Eraſt. aſti-
pula-

pularus. (6) Persuasum inquit habeo, lapidem vesicæ dissolvere mediis intra corpus non posse. Andr. Dudithius (c) Medicamentis intra corpus, concretos jam lapides atteri atque confringi posse: mihi quidem non sit verisimile.

Illum autem lapidem, qui primum rudimentum in renibus, augmentum verò in vesica accepit, per aliam atque aliam crustarum & veluti laminarum accretionem subindè factam, medicamentis atteri & confringi posse, vidimus in Collega olim nostro, D. Wilhelmo Laurenbergio, Medico & Mathematico incomparabili, cujus memoria est in benedictione. Equidem ipse in lecto jacens supinus, cathetere per meatum urinarium in vesicam immisso, lapidem animadvertibat, loco mobilem & huc illuc volubilem. Deinde digito in intestinum rectum indito, & pollice ad perinæum defixo lapidis magnitudinem explorabat, quem ovum columbinum quantitate superare deprehendebat. Deinde aliquandiu, (tempore enim ad confractionem opus est. Nam vidi calculos à renibus excretos, qui per totum triduum, in succo limonum & spiritu vitrioli immerfi & infusione macerati, tamen integri manserunt) medicamento usus lapidem confringente & atterente, à fragmentis orificio vesicæ identidem vulnerato, & accedentibus simul doloribus arthriticis, vitæ diu superesse non potuit, sed doloribus confectam animam exhalavit.

Accipiebat Asellos seu millepedas murarias, easque in aceto vini macerabat, lavabatque, lotas siccabat, & in pulverem conterebat. Præterea accipiebat illud, quod in cynorhodo instar fungi excrecit, vocaturque à nonnullis Bedegar, ut refert Dodonæus, hanc

hanc materiam siccatam & ipsam in pulverem redigebat, tandem addebat & sanguinem Hirci præparatum, & tria hæc pari quantitati commiscebat. Hujus pulveris scrupulos duos, plus minus, quotidie bibebat ex aquis diureticis, admixto syrupo de Altheâ. (d)

a) l. 3. c. 28. b) conf. 26. c) epist. Scholtz. 41. d) l. Affuerus Ambling. de calc. c. 12. lb. 26. & 27. c. 16. lb. 33.

De Asellis vide cent. nostr. 4. part. 28. & 29.

LXXVIII.

*Hydromel simplex, potus calculosorum specificus
& appropriatus.*

Potus Calculosorum esto Hydromel simplex benè paratum, quo si quis, nulla adhuc dum existente inflammatione renum, aut notabili calore præternaturali, ut plurimum utatur, non puto fieri posse, ut calculo fiat obnoxius: ni forte inevitabilem calculosam dispositionem inde ab ortu, ex ipso calculosorum parentum semine sit nactus. Tantâ resolvendi, abstergendi quæ vi pollet Mel, & tantâ renes humectandi, melque contemperandi vi pollet Aqua. Infelices sunt, quicumque laborant calculo, infeliciores quotquot hunc potum, nescio quâ Idiosyncrasiâ, quâve naturæ antipatheîâ averfantur. Remedium certè summum in calculo præcavendo & curando.

Id. ib. c. 14. lb. 10.

Vide centur. 6. memor. part. 58. & 69.

LXXIX.

Lignum ad renum affectiones & incommoda.

Nova Hispania nobis mittit Ligal quoddam ge-

nus crassum & enode, materiæ Piri, cujus usus jam diu receptus fuit in his regionibus ad renum vitia, & urinæ difficultates & incommoda. Postea expertum est, ejus aquam in Jecoris & Lienis obstructionibus utilem esse. Fit autem hac ratione? Lignum assulatim & minutim concisum in optimâ & limpidissimâ aquâ fontanâ maceratur, atque in ea relinquitur, donec aqua à bibentibus absumpta sit. Dimidia hora post injectum Lignum, aqua caruleum dilutiorem colorem contrahit, qui sensim intenditur pro temporis diuturnitate, tametsi lignum candidum sit: Caruleum ideo dico, quoniam adulteratur alio ligno simili, quod aquam croceo colore inficit, ne quis fallatur. Hac aquâ assiduè utuntur, ea vinum diluunt, & mirabiles experiuntur effectus, sine ulla humorum commotione, neque enim opus est, aliâ victus ratione quam temperatâ: siquidem aquæ sapor non magis immutatur ligni injectione, quàm si pura esset, & nihil in ea maceratum. Calidum & siccum est in primo gradu. (a) Per se externo aspectu album, ex parte aliqua fuscum, diluto violaceo vel caruleo subpuniceo colore aquam tingit. Recens autè oportet esse. Nam meum vetustius, aquam potius flavo infecit, sed ita ut per vitrum aliquid violaceum dilutum simul appareret. Notandum, prout inspicis & vitrum ad Solem vertis, suspicis, rectâ, obliquè, ita colorem variari. Itaque fit, ut aqua non flava, sed potius carulea appareat, si radiis solaribus obvertas, eosque immittas & à latere suspicias. Hæc ex *astroscopio* mea. Hæc ipsâ horâ, postquam in infusione horas circiter octo stetit, concha vitrea elevata & à fundo inspecta, totam aquam flavam exhibuit: si dispicerem, tota erat

erat cærulea vel violacea. Si ponerem in sellam & inspicerem, circulus erat cæruleus, fundus flavus. Erat autem Aqua pauca, & parva ligni segmenta. Magni precii res est. (b)

a) *Monard. de simpl. med. ex occ. Ind. all. p. 50.* b) *Libav. ad Schnitzer. ep. 38.*

LXXX.

Passeris Troglodytidis etymon, descriptio, præparatio, ejusq; in pellendo calculo mira vis.

Τρωγλοδυτης Avis, nomen habet à subeundis troglis, id est, cavernis (τρωγλοδυτήν enim cavernas subire significat) ut & Troglodytæ, Æthiopiarum populi, & quoniam passer Troglodytes avicularum minima est, ac Regulo similis, multi populi Regem appellarunt. Juxta parietes domuum & sepes nidulum ex musco struit, plumis etiam impositis. Araneas venatur, & vermiculos, mira ejus in cantu suavitas, sed ali non potest. Majo præcipuè cantillat, ut ferunt. Paulo ante vespertum solet impensius strepere, & omnium ferè avium postrema ad somnum se recipit. Germanis Zaunschlipferlin/ in Saxonia Thurnfönig/ Schneefönig/ Zaunfönig/ circa Rostochium Nesselfönig/ Winterfönig/ alicubi Meusfönig & Dumeling/ id est, pollicaris à parvitate. Nidum semel humi factum inter urticas vidi & pullos, antequam volare possunt, relicto nido, inter herbas fruticesque reptitantes, sæpius observavi. Galli fabulantur, Troglodyten, in Festo trium Magorum, omnes quos eo anno educaverit pullos congregare & cum eis cantillare.

Ad-

Addunt, Regem esse Avium, quoniam cum convenisset inter Aves, ut Rex esset, quæ altissimè evolasset, hæc Aquilæ tergo clam insidens, cum illa jam defessa altius volare non posset, paulò sublimius evolârit, Regno, quod viribus nequibat, arte sibi comparato. (a) Est autem Passer Troglodytes, passerculus minimus, juxta sepes & muros victum quærîtans: estque hoc animalculum, omnium avicularum minimum, ea excepta quæ Regulus appellatur. Similis est autem Regulo in multis, præterquam quod in fronte auricolores pennas non habet; eodem paulò major & nigrior, caudamque semper subrectam, & albo colore retrò interpunctam habet; magis item garrulus, quam Regulus est, & sane juxta summum alæ lineamentum cinerei amplius coloris, brevem item volatum facit. (b) Pro hac avicula Troglodytide, vulgaris hætenus alia avicula recepta est, Motacilla latine idèò dicta, quoniam caudam assidue quatit, vulgoque obeandem causam, cauda tremula: quam licet nullius in ea re efficaciz Medici invenirent, quia tamen esse putabant, quæ fuerat ab Antiquis in Calculo tantoperè reputata, eam quoque & ipsi summis laudibus extollebant. Quod in aliis quoque rebus à recentioribus peccatum est, illud semper laudantibus, atque aliis præponentibus, non quòd experiètia majores vires habere didicissent, sed quòd à prioribus magis laudari videbant. Propter quod factum est, ut vel nihil, vel parùm arti sit adjectum, sed detractum potius, dum simul cum nominibus, ipsis quoque rebus deperditis, supposititiz aliæ, verarum loco succedere, nullius sapenumèrò, sed & quandoque contrariæ qualitatiz. (c) Cauda tremula
enim

enim non est inter Aves minima, cum habeat sub se multò minores Aves ferè sexcentas: Troglodytes verò habet unam duntaxat minorem, Regulum scilicet. 2. Cauda tremula non quæritat sibi victum circa sepes atque parietes: sed passim in campis apertissimis pervagatur. Non habet caudam semper erectam nec albo infectam colore: non rostrum exile, ut præ parvitate vix videri possit; quæ sanè sigillatim adesse debent in vero Passerculo Troglodytico. (d) Naturalem autem omninò vim admiratione dignam habet, ad calculos comminuendos, potest sale conditus servari: crudus & coctus in cibo acceptus, morbum sanat, & ab ejus usu nunquam amplius ab ea affectione vexatur: Ejus pulvis idem efficit, si de plumis in ollam conjicitur, ac deinde operculo addito, circumlitq; argilla, in furno ferventi, spiramento per modico factò, vel in olla, vitro ex lithargyrio & plumbo oblita, uritur, animadversione assiduâ habitâ, ne fallaris, cum in cinerem sit redactus, & ne in ærem exhalans per exustionem totus consumatur, exhibendus cum modico piperis, Cinamomi ac Folii Indi momento ex melicrato, ut sapidior fiat. Melius autem est, etiam aliter ipsos edere, si plures contigerint, coctos nimirum, ejus præsertim generis, quæ per Hyemem ubique apparet. (e) Puerò cuidam 14. annorum avicula hac cruda data, lapis (jam jam Lithotomi manu excindendus) spacio quatruidui, in totum liquefactus, per urinam exiit. (f)

a) *Gessn. de avib. p. 626. & 627.* b) *Actius l. 11. c. 11.* c) *Manard. l. 19. ep. 6.* d) *Augen. tom. 2. consult. l. 6. ep. 3.* e) *Plater. de dolor. p. 370.* f) *Aët. l. 6. Paul. l. 3. c. 45. Bapt. Porta*

Porta. l. 6. phytogn. c. 21. Langius l. 2. ep. 58. Geffner. p. 81. Plin. Sec. epist. de Medic. Mizald. cent. 7. aph. 4. Solennand. sect. 1. conf. 15. Ulm. de occult. med. propr. Vid. Vidius. l. 10. curat. memb. c. 20. Forest. l. 24. Schol. ad obs. 25. Ruland. in probl. med. chym. 15. Unzer. de Nephrit. l. 2. p. 185. f) Off. Gabelkov. in lib. Med. Wirtemb. fol. mibi 320.

LXXXI.

Surditatis curatio Euporista.

Vidua Delphenfis, cum ex diuturno morbo convalescisset, incidit in Surditatem satis diuturnā, quæ cum post purgationem longo tempore adhuc surditate laboraret, Vetula quædam eidem consuluit, ut granum unum, vel alterum moschi optimi in bombyce misceret, & auri perpetuo imponeret, hoc remedio, præter omnem spem, ab omni surditate liberata est. Ego multos quidem, quibus auris sanie longo tempore maderet, curavi solā impositā bombyce vel cotone, in quo Moschus reservatur, quod & aurem exsiccaret, & simul surditatem tolleret. (a) Fraxini aqua cum suo sale mixta, specificum est ad surditatem non inveteratam remedium. (b)

a) Forestus l. 12. obs. 15. b) Quercet. l. 1. de dogm. med. præp. p. 172.

LXXXII.

Surdi qui sunt, etiam simul muti, cur?

Quia prima conformatione & ortu surdi sunt, ita pariter sunt ἀναυδοι, aut saltem μουναλοι vivunt: an quia animus surdorum sono non est doctus, nec sciens eas formare voces, quas hominum ingenia excogita-

gitaverunt? (a) voces enim inauditas, nec animo concipere, nec lingua proferre possunt; (b) sermo namque non nisi sermocinantes audiendo, discitur; an quia summa est audiendi & loquendi instrumentorum *συνπαθήα*? (c) cujus societatis & communio- nis ratio non omnibus cognita est; nos agnoscimus duplicem, 1. Nervus quintæ conjugationis varies de se promit surculos, major in aurem & membranam exquisitissimi sensus expanditur, & sonorum omnium species ad cerebrum defert: minor ad linguam & la- ryngem excurrit. Ob vasorum ergo communionem (quæ una est apud Hippocr. & Gal. causa τῆς συνπα- θείας simplicis,) aurium & linguæ affectus faciliè communicantur, hinc vellicatâ auris membranâ, tuf- sis sicca. 2. societatis hujus causa, est canaliculus car- tilagineus, veluti aquæductus, qui à secundo Auris meatu ad os & palatum fertur, ita ut ab ore in aurem, & ab aure in os, liberè meet remeetque aër, unde be- nè audituri cohibemus spiritum, ne inspirato aëre crassissimo impleatur cochlea & tendatur tympanû. Scalpentes etiam aurem salivam excitamus, quia ea compressione, fit sordium expressio, in ductum carti- lagineum, & ab eo in linguam. (d) Læsis igitur & af- fectis Auditûs instrumentis, cognata quoque lædun- tur instrumenta Sermonis. (e)

) Ruland. l. 2. probl. 327. b) Bartolin. l. 3. instit. anat. c. 9. c) Keckerm. disp. 15. curs. phil. probl. 44. d) Laurent. l. 4. anatom. quest. 26. Ruland. l. 1. probl. 186.

Dissentiunt Bauhin. l. 3. theat. anat. c. 22. & Varol. l. 1. anat. c. 7.

LXXXIII.

Auditus exactior quomodo fiat.

Ufus Auris externæ est, promptius & rectius sonos recipere & per aërem vagantes tanquam in sinu colligere, ut citra violentum impetum ad tympanum pertingant, prius in anfractibus viæ obliquitate moderati. Hinc, ne appulsi soni præterlabantur, Bruta aures circumagunt ad sonos & voces. Hinc Hadrianus Imperator, quo acutius audiret, manus cavas auribus obtendebat, quod & surda strifaciant. Hinc Scythæ aliqui, quibus propter frigus aures commoruntur, cochleæ testam auribus admovent, ut in concavitate facile conclusus aër suscipiatur, & ita melius audiant. Hinc exactius audiunt, quibus aures exterius prominent, & si non nimium, tam ex longo decubitu, quam Nutricum, ligaturis, aures depressas haberemus, rectius audiremus.

Bartol. instit. anat. l. 3. c. 9.

LXXXIV.

Auditus cur noctu validior, quam interdiu.

An quia de die sonus sonum impedit, de nocte verò profundum est silentium? An quia noctu libera mens ab intuendi concursu, sonos perfectius imbibere potest? mentis enim applicatio ad videndum & intelligendum plura, minuit intentionem audiendi.

Keskerus. l. c. probl. 32.

LXXXV.

Cur in patenti campo, Auribus humo admotis strepitum longissime remotum, audiamus.

Habent id in more milites vigiliis nocturnis destinati

nati, ut propinquis hostium castris, exploraturi quid illi moliantur, corpore prostrato, subinde aures humo admoveant, & hoc modo conatus aut impressiones hostiles, vel ultra 30. stadia præsentscant. Cujus rei ratio est, soni; pedum pulsu excitati, ad terram allisio (semper enim sonus repercutitur) & inde ejusdem ad audientis aures continuatus decursus. Quod si quis erecto corpore consisteret, non ita sonum hunc perciperet, quia sonus super terram, quo cum aere magis elevatur, eò minus, quo refringatur, habet obstaculi, atque ita facillè dissipatur atque evanescit.

Id. ib. probl. 45.

LXXXVI.

Remedia euporista ex Muribus: in tussi valida: sputo cruento; surditate; renum & vesicae vitis &c.

Puellula unius anni, cum validâ tussi afficeretur, quæ nullis præsidiiis mitigari potuit, tandem nescio cujus mulierculæ consilio Mures coctos nutritrix masticabat, & pro cibo infanti dabat; quo remedio à tussi liberata est. (a)

Benedictus Faventinus, dabat stercoris muris scrupulos duos, in tussi cum sputo sanguinis, cum aq. plantaginis, Mirabile effectum habent consolidandi venam ruptam, vel quando cum impetu sanguis erumpit. (b)

Mulier quædam oleo Murino, (Mures enim recenternatos sine pilis macerabat oleo) utebatur cum miraculo, ad aurium surditatem. Gislebertus Horstius,

Præceptor meus Romæ, Aquam ex illis destillabat, & & eam in aures immittebat. (e)

Urinam non continentes, ut pueri, elixatis esitatisque præclare juvantur.

Dissecti & impositi serpentum ictibus efficaciter medentur, verrucasque exedunt, estque eorum Naturahic non spernenda, præsertim in Siderum assensu, cum Lunæ lumine, fibrarum numero crescente, ac decrecente, quod de Epate quidam peculiariter intelligendum asserunt.

Capitum, Caudarumque Murinarum cinerum ex melle inunctum, claritatem visus restituere, graves autores prodiderunt. Commendantur autem magis sylvestres, aut Glyres. Sed in hoc spectatur vel maximè naturæ potentia, si verum est, quod alvum laxare muscerdam potu sumtam, quidam se expertos ajunt. Experimentum cuique relinquitur liberum. (d)

Pulvis è stercore Murium cominuit calculum Renum, à totâ formâ. (e)

Murium majorum stercore 9. deglutita, aliquæ mulieres pro singulari experimento habent in uterino fluxu. (f)

a) *Forestus libr. 16. obs. 6.* b) *Id. ib. observ. ad schol. 20.* c) *Id. l. 12. observ. 15.* d) *Goglen. de pror. vita pag. 436.* e) *Capov. libr. 3. 28. de ren. aff. f) Plater. de vit. p. 698.*

LXXXVII.

Ranula viva, Aphtharum antidoton.

Hoc à pharmacopæo accepimus. Multi infantes cum

cum Antwerpiæ ex Aphitis morerentur: ex vetulæ consilio Ranulam vivam ori puerorum admovebant, suctione malignitatem attrahentem: eaque defessa & mortua, alteram ori imponebant: deinde rursus aliam, si opus esset, quo præsidio, & pueri & infantes evadebant. Hoc in pueris suis, tum aliis expertum narrabat.

Forest. l. 14. obs. 21.

LXXXVIII.

Saccharum fissuris & vulnusculis dicatum.

Quidam solo Saccharo, fissuras papillarum curavit, superimposita capsula ad papillæ formam elevata, ne camisiæ adhereret. Saccharum enim vim abstergendi & mundificandi habet: ideo ulcera levia ac vulnera minuta curat; post absterisionem natura ipsamet eadem consolidante. Ita & vulnera in manu cultello leviter incisa solo Saccharo insperso Idem curabat: sed hujus rationem ignorabat, quoniam eadem aperui, propter absterisionem hoc fieri, sibi satisfactum dicebat.

Id. l. 17. obs. 28.

LXXXIX.

Turtur Sapientum caro, Dysenteria & Strabismi remedium.

Turtur calidus est & siccus in 2. gradu, nisi cum pinguedo siccitatem minuit. Tumenim in siccitate & humiditate temperatus evadit, & alimentum præbet non invalidum, & sanguinem generat mediocrem, nec crassum nimium nec tenuem, qui spiritibus aptissimam memoriam suppeditat, sensus

Qq a

omnes

omnes & memoriā corroborat, cogitativā acuit, animūq; ad functiones alacriorē reddit: unde vulgātū apud nonnullos dictum, Turturum carnes esse cibum Sapientum. Atque hinc opinor est, quod Magi in superstitiosa morbi sacri curatione, ut testatur Hippocrates, Turtures exhiberent. Tenerior evadit caro, faciliusque concoquitur, si per duas noctes aëri exponatur: omnino si pridiana recentior datur, ipsa durities obluſtari dentibus offenderetur. Laudantur omnia pingues, & salubriores habentur: nā cum sint natura sua sicca, qualitatis ejus imoderatio pinguedine temperatur. (a)

*Dum pinguis mihi Turtur erit, Laſtrea valebis
Et coeleas tibi habe, perdere nolo famem.* (b)

Aſſus & comestus Turtur peculiariter prodeſſe creditur in Dyſſenteria. (c)

Sanguis ejus deſtillans in oculum, à proprietate juvat in Strabismo. (d)

a) *Caſtellan. l. 4. de eſu carn. c. 8. Goglen. de pror. viſ. c. 13. b) Martial. l. 13. epigr. 53. c) Plater. de viſ. p. 907. d) Leon. l. 3. ſ. 1. c. 7.*

XC.

Ignis igni eſt remedio,

Sciunt & experiuntur plebeji homines, ambuſtæ leviter partis ardorem evaneſcere, & dolorem levare, ſi partem ipſam ardentis candelæ, vel accenſarum prunarum ardori aliquandiu admoverint, (rarefacit enim partem, & diſſolvit ea) attractionem enim facit ſimilitudo. Itaque ignis extrinſecus intrinſecum & inuſtum à ſe parti ignem dum foràs evocat, malū quod

quod intulerat & creaverat, alexiterium est. (a) Ita morbi aliquando similibus curantur: etsi à contrario videatur omnis sanitas, contrarii nomine laxi is sumto. (b)

a) *Paracelsus l. 11. ebir. c. 9.* b) *Bartolin. de causis p. 80. & 134.*

XCI.

Hæmorrhagia Narium mira remedia.

Nobilis quædam Matrona, cum sanguis è naribus supra modum flueret, frustum cretæ albæ digito annulari, vel minimo digito proximo continebat è regione naris sanguinem fundentis: si è dextra, dextro: si è sinistra, sinistro, donec incalesceret: statimque sanguis suppresseretur, ut diversis vicibus in eadem domina spectavimus.

Vir quidam Generosus, sanguinis narium profluvio cum extremè laboraret, neque remedia commode adhibita juvarent, circiter 12. libræ sanguinis, ex utraque nare per vices effluxere. Cum per integrum diem sanguis effluxisset, ut duas ventosas absque scarificatione, unam supra hepatis regionem, alteram supra Lienis locum poneret, mandavi: quibus parùm videbatur fluxus subsistere. Verùm, uxor, cum videret sanguinem iterum ex utraque nare cum impetu erumpere, & quod ventosæ hypochondriis impositæ nullo modo juvarent, alias duas unam supra pedem dextrum: alteram supra sinistrum affigi iussit, & dictu mirum, sanguis præter spem subito restrictus est. Verùm cum aliquanto tempore ventosæ cuti adhererent, æger in animi deliquium incidit, quare iisdem ventosis detractis, aqua in faciem conspersa excitatus est: mox odore vini re-

creatus ad se rediit, & à fluxu sanguinis narium, per ventosas, miraculi aut incantamenti instar, præter omnium hominum opinionem, Vir Nobilis, pristinae sanitati restitutus est.

Forest. l. 13. obs. 10. & 13.

XCII.

Empirica, in dentium dolore.

Puella plurimis annis dolore dentium afficiebatur, variisque adhibitis remediis, nullo modo sedari potuit. Tandem ex mulierculæ consilio, duo noduli, vel parvæ puppæ lineæ ad pisorum magnitudinem confectæ sunt, quibus inclusa erant piper pulverisatum, sal, medius cortex sambuci, & filo constrictæ ne solverentur: per vices denti doloroso appositi sunt, & mox dolor cessavit; postea & alii plures hoc medicamento sanati sunt.

Denti radix lapathii acuti, per taleolas concisa, apposita dolorem illicò sedavit, cum tanto successu, ut eodem remedio, in aliis quamplurimis (præcedentibus tamen universalibus præsidiiis) prosperè usus fuerim. Habui illud à Rustico quodam.

Remus Astrius Mathematicus insignis, se pluries experimento comprobasse mihi fassus est, folia lappæ, sale adjecto, in aceto decocta, ad dentium dolorem miraculosè contulisse, si decoctum tepidè in ore supra dentem potissimum dolentem frequenter detineatur.

Novi quendam, cum nulla remedia juvarent, cucurbitam cum scarificatione suæ meritis consilio, maxillæ apposuit & à dolore liberatus est.

Forest. l. 13. obs. 6. & schol.

XCIII.

XCIII.

In Discoloratione.

Empiricus Dentarius dentes nigros & malè coloratos, pennâ intinctâ oleo vitrioli, amotis prius tofis, albos reddebat, pennâ obliquè scissâ, ut commodius dentes detergeret: nos etiam cum oleo vitrioli, guttâ unâ, aut altera aquæ admixtâ, ut Matronæ dentes fricent, jubemus: hoc enim modo, & flavi & nigri, albissimi evadunt, cum & oleum vitrioli vacillantibus dentibus proffit, modo non fiat ex fluxione humorum, qui prius expurgandi.

Pumex ignitus, vinoque albo bis extinctus, & tertiâ vice ignitus relictus, donec refrigeretur, absque aliâ extinctione; tritus & ablutus albissimos facit dentes, nec eò magis celebre experimentum invenitur: imò si dentes eo, quamvis non combusto, sed trito, fricentur, albissimi evadunt.

Forest. l. 14. obs. 13.

Plura de vitrioli natura &c. vide cent. 4. mem. part. 79. & seq. cent. 6. part. 2.

XCIV.

Aëris vis in morbis creandis & exaggerandis.

Anno 1562. qui Annus bellorum civilium, primis tumultibus toti Galliæ fuit funestus, cum Penæ, quod castrum est Loto flumini impositum, multa interfectorum hominum cadavera, in puteum, centum ulnas altum projecta fuissent, tam fatidus hinc & adeò venenat⁹ vapor per duos menses suscitatus est, ut multa inde hominū millia passim per totam Agencensiu provinciam

vinciam, tanquam peste interierint, veneni sui perniciali lue, late per 20. undique in ambitu milliaria diffusa. Quod mirum cuiquam videri non debet, cum præsertim ventorum afflatu putridæ exhalationes, in varias & distantissimas regiones, impelli & jactari, sparsis tanquam pestis seminibus possint: unde spirituum humorumque lethalis corruptio contingat. Nam Aër vel incallescens, vel frigore torpescens, inspiratione, transpiratione in corpus assumptus, similem suis qualitatibus conditionem nobis ingenerat.

Paracels. 10. c. 13.

XCV.

An Senes possint rejuvenescere.

Tradunt de Aquilâ naturalium rerum Scriptores, eam quolibet decennio juventutem renovare, serpentes verò etiam quolibet Anno. Sed pennarum ista est & cutis, non corporis mutatio. Aquila enim cum alis, ad volatum haud amplius aptis, se impediri sentit, concitato cursu in sublime fertur, indeque ad frigidissimas aquas conversa, ter iis imergitur, posteaquam in nidum evolans, alis pullorum recta, in sudorem resolvitur, veteribus plumis exutis novas recipit, unde senectutem ipsam exuere creditur, nihil interim minus, quam mutationem in corpore passa. Serpentes verò cum calorem habeant admodum debilem & cutem hyberno tempore constrictam, ac fuliginibus exhalare cupientibus exitum intercludentem, ideò quicquid fuliginosi humoris hyeme est congestum, in ipsam cutem colligitur, quam tandem sicciorem, asperioresque redditam à subjectâ pelle,

nul-

nullo corporis malo detrahunt, ut mobiliiores evadant. Quod si est juvenescere, quid obstat, quo modo & Homo, cui excisi dentes renascuntur, & post scabiem exsiccatam nova cutis efflorescit, juvenescere dici possit.

Gessner. de Avisb. p. 166. Keckerm. disp. 12. curs. phil. probl. 2.

De Serpentum exuvio vide cent. nostr. 4. mem. p. 39 & seq. cent. 6. part. 99.

XCVI.

Thus ventriculo & cerebro amicum, memoria parens.

Thuris albissimi granum unum, aut cum saccharo rosaceo commistum, mirificè prodest ventriculo & cerebro, ac influxionibus & catarrhis remedium est admodum laudabile, alternis diebus horâ decubitus deglutitum. (a) Confert etiam oblivioni & hebetudini, nam animales spiritus recreat. (b) præsertim si Lunâ plenâ, grana quindecim, ter in die sumantur, videlicet mane, meridie & vesperi. (c) ejus drachmæ tres, in potu sumtæ, retinent involuntariam urinæ emissionem. (d) Granum unum cum mulso calculum terere creditur. (e) Suffitus Thuris tumori ædematoso utilis, eoque muscas fugari ferunt. (f)

a) *Crato consil. 216.* b) *Heurn. l. 2. M. c. 7.* c) *Pans. Pract. spec. c. 31. Plater. l. 1. de las. funct. c. 1* d) *Dom. Leon. libr. 5. sect. 3. cap. 12.* e) *Henr. à Bra. de cal. f) Crato conf. 295.*

XCVII.

Rusticus moriturus, Cepâ & Sale vita restitutus.

Accidit, ut rusticus quidam febriens acutissimè, perductus ad hospitale, ullis remediis vix curari potuerit. Tandem ex morituro quæsiuit Medicus, ecquid peteret, quæ fuisset victus ratio antea; dicebat se planè ab isto cibo & potu, syrupis &c. & lecto, qui nimis esset mollis, abhorrere, quod non dormisset intra 19. annos in lecto, atque usus fuisset capis, caseo bubulo & similibus duræ coctionis, sub dioque in stramine, vestitus dormivisset. Tandem Medicus, unâ nocte permittit, ut in stramine dormiret: deinde ut afferretur Ceba, Sal cum Aquâ frigidâ, consensit & hic; arbitrans illum tandem eò citius moriturum; cum ille postridiè astatet igni, præter omnium opinionem. Videndum igitur Medico diligenter, ut consuetudinis habeat rationem in omni morbo.

Selenander sect. 5. cons. 15 obs. 16.

XCVIII.

Ros Solis admiranda planta, pulmonum affectibus dicata.

Ros Solis & Rorella, quæ veluti Stellæ alicujus jubar sub Sole fulget, à mirabili natura nominationem adepta est: nam quantumvis diu Sol fervidus æstate camillustret, ejus tamen folia semper rore & humiditate madent, eorumq; lanugo guttulis aspersa manet: & quod admiratione digum, quod humidum illud in foliorum acetabulis contentum, ubi exte-

gremis digitis leviter attingitur, dum adhuc natali suo solo inhærens, aut confestim inde evulsa solis radios experitur, mox velut in exigua filamenta sericea aut candiuscula deducitur, quæ confestim concreta, ita postea semper perdurant. (a) In phthisicis, aliisque similibus pulmonum affectibus à multis admodum commendatur, & usurpatur, tum crasso modo exhibita, tum debitis tractationibus præparata. Sed non desunt, quæ ejus usum simpliciter damnent, quod causticâ virtute polleat. Nam tusa, unâ cum salis natri grumis cutem rumpit, admota, ob pyroticam, quâ donata est, facultatem. Ejus verò usus, ob causam allatam nullo modo præscribendus est, 1. non adeò intense causticam virtutem possidet. 2. multa extrinsecus urunt & vesicæ inducunt, quæ intus sumpta nequaquam nocent, sed plurimum potius emolumenti adferre possunt. 3. imò in ejusmodi Pulmonum affectibus, talia desideramus medicamenta, quæ vi urendi non nihil prædita sunt. Ut petum (& ex hoc confectus Syrupus, aut oxymel) Erysimum (& ex hoc Syr. Lobelii) allium, cæpa, radix dracunculi, pancratium, ruta, Scylla, Sinapi, atque alia acris, quæ extrinsecus adhibita, ex alto trahunt, exulcerant, crustas inducunt: assumpta verò, non ita interiora arrodendo impetunt: verum humores excrementitios, quibus scætent Phthisici, atque nonnunquam suffocantur, pituitosos & viscosos extenuant & incidunt, ulcera exsiccant & à putredine vindicant, caloremque nativum inde obrutum & animi vigorem revocant. Sic in pulmonum talibus affectibus, quid præstantius Sulphure, Croco? (b)

a) Ban-

a) *Bauhin. in pinac. l. 10. sect. 1. p. 356.* b) *Bartolin. exerc. 3. probl. 2.*

XCIX.

Limacum usus πολύκρης ☉, *internus,*
externus.

Constat Medicis, Limaces cochleis suis inclusas, per totam hyemem, propriâ suâ substantiâ se alere ac nutrire: unde liquet, quanta sit illarum nutriendi vis, atque præstantia: ut vel hoc solo nomine, maximè à Galeno (a) commendentur: & in primis Hecticis, tabidis & macilentis, ad vires recuperandas ab eodem præscribantur. Ritè præparatæ, palato gratæ sunt, appetitum enim stimulant, quæ etiamsi videantur viscosæ, tantùm tamen abest, ut difficilis sint concoctionis, aut stomacho graves, ut ipsi contra magno sint auxilio, ad calorem ejus fovendum & augendum, veneremque provocandam. (b)

Verùm, id non simpliciter de carne earum accipiendum est, quæ difficilioris est concoctionis, valentemque requirit ventriculum: unde & longiorem coctionem, variorumque condimentorum additamentum requirit, & quomocunque coquantur, dura manet & crassiorem ac atrum sanguinem generat, obstructionsque parit. Sed illud, quod in primis Hecticis, prodesse dicitur, in earum jure est, non tamen primo, sed iteratæ elixationis, in quod longior coctio glutinosæ & alimentosæ substantiæ plurimùm elicuerit; deinde in parte saltem posteriore Limacum, quam Aristoteles (c) *μύκων*, hoc est, Papaver nominasse existimant, cui quiddam glutinosum inest, calcosæ substantiæ paulò magis duratæ simile, facile

esse dissolubile, dentibus statim cedens, tenerum, quod non difficulter concoquitur, & valde nutrit. Hac igitur pars ad eos usus seligenda, vel jus tantum earum exhibendum, quod Epati valde familiare & utile est, ventriculoq; gratū, cujus quoque dolores auferre dicitur. Est autem in Limacum delecto non parva adhibenda cura. Harent enim & pascuntur non raro fœdis, corruptis & venenatis rebus, fungis, serpentibus putrescentibus, herbisque venenatis, ut observatum sit, quosdam comestis Limacibus perisse. Unde Cardanus stultum putat, se temerè tanto periculo exponere. Si tamen ad easdem edendas cogamur, in ollâ 15. diebus alendas esse censent, sæpiusque locum mutandum. (d) Optimæ sunt, quæ in vineis & circa fepes reperiuntur. (e)

Monachus, cui ossa præ macie crepitabant, à Medicis pro deplorato habitus, Limaces teneras, ante ortum Solis, in vineis collectas, destillabat, ejusque cochlear cum duobus vitellis ovorum subinde capiebat, hinc (paucis quoque remediis aliis usurpatis) pinguis paucis mensibus evasit, & præter spem sanus factus est. (f)

Puella 5. annorum, cum validissimâ tussi longo tempore detineretur, nec ullis medicamentis curari posset, mulierculæ cujusdam consilio utens, guttam unam atque alteram, aquæ destillantis à Limace, exiguo sale consperso (hoc enim modo Limaces in liquorem resolvuntur) cum cyatho cerevisiæ communis ebibit, & in continenti curata fuit. (g)

Cineres Limacum terrestrium, in poculo benè lutato affatorum, cum vino Rhenensi sæpè propinati, calculum pellunt. (h)

Chirurgus quidam fide dignus, Limacēs rubrōs fictili inclusos, in furno cinefaciebat, collectumque inde pulverem, infantulis in polentā, provectioribus in jusculis pro sanandā Herniā feliciter exhibebat. (i)

Liquore de Limacibus mundis in vas vitreum projectis, cum uncia semis; sacch. non pulverisati, per 9. dies in loco obscuro oclusis, punctisque cum acu, erumpente, ad delenda variolarum vestigia, pro miraculo, Gisbertus Horstius, Romæ præceptor meus utebatur. (k)

Caro earum cum thure & myrrhā contusa, nervorum vulnera glutinat. (l)

Cochlearum cum testis suis, in furno siccatarum pulvis, hæmorrhoidum & condilomatum dolorem miro modo compescit. (m)

Cochlearum & Limacum carnes, alias per se, aliās cum suis volutis tritæ, ac mixto interdum coagulo (Lac est, in lactantium animalium ventriculo, vel Omaso ita concoctum; dissipata cogit, & coacta dissolvit; quò autem vetustius, eò efficacius) tela rapiunt, atque Hydropicis Aquam exugunt, non prius solvere oportet, quam totus humor exudaverit.

Cochlearum cum suis volutis & salivā cremantur in novis fictilibus, cinis sectæ Arteriæ inspergitur & sanguinem sistit. Mucus earum salivofus emplasticus est, in quo cineres & pulvisculos, qui sanguinem claudant, convenienter adhibebis. (n)

Muccago, quæ ex carne Limacum contusa, additis insuper aliquot apibus, vel vespis, desumitur: & sanies, quæ ex illis; dum punguntur effluxit, palpebras deciduas reparat. (o)

Com-

Compertum est, multorum experimentis, Ischiadicos dolores, cum nullis aliis remediis cessissent, linteo ex aquâ Limacû mucosâ, per 7. aut 8. dies usurpato sedatos esse, cujus rei fidē mihi fecit Nobilis quidam Dominus, cum ipse totos sex menses Ischiade fuisset divexatus. Hac arte ejusmodi paratur aqua: Cape Limaces rubros 50. aut 60. pone in olla cuprea, & sale communi consperge, illicque contine per diem integrum, mox per cilicium exprime, in expressa colatura, lintea demerge, imbutaque illi liquori, dolenti loco impone, sæpius renovanda. Caterùm si magna subest inflammatio, incoquendi erunt Limaces in Aceto & Aqua rosarum. (p)

a) l. 3. de alim. facult. b. c) *Quercet. sect. 3. diat. polib.* e. 7. c) *de hist. anim. l. 4. c. 4. text. 152.* d) *Sennert. l. 40. instit. med. part. 1. c. 3.* f) *Forest. l. 16. obs. 58.* g) *Id. l. 16. obser. 6.* h) *Henr. à Bra de Calc.* i) *Paracels. chir. l. 7. c. 159.* k) *Forest. l. 6. schol. ad obs. 58.* l) *Plater. de dol. p. 906.* Holler. l. 2. *inst. chir. p. 58. b.* m) *Dom. Leon. pract. lib. 4. sect. 3. c. 10.* n) *Holler. l. 1. instit. chir. p. 8. a. l. 3. p. 118. b.* o) *Plater. de vit. p. 37.* p) *Paracels. l. 17. c. 17.*


C.

Lumbricorum preparatio & usus.

Lumbrici terrarum vim habere creduntur ad nervos solidandos, (a) & vermes ex ventribus exigendos. (b) Hujus gratiâ, tùm aliâ formâ dari possunt, tùm pulvere solent. Collectos itaque ollæ includunt, addito musco & detritis vitellis, donec purgentur. Quidam etiam vinum sorbere cogunt, ita reliquunt octiduô, alii Hyeme tantùm biduo, Æstate uno die. Exemptos vino abluunt, stringuntque; deinde in olla,

lâ, massâ fermentaceâ oblitâ in clibano torrent. modicè dum queant pulverari, quod melius succedet, si lavigentur, adjecto Cornu Cervi uiso, quod itidem vermibus necandis efficax esse constat. (c) Exsiccati, & vel soli, in vino mulso, vel caprino sero, vel spec. dialaceæ, per triduum propinati, per Urinam, Icteturum, cum multa bile (à totius substantiæ proprietate meatu aperiendo) ejiciunt. (d) Triti & per se, impositi, nervos uniunt & glutinant, (e) Dolores sopiunt & ulcera Dysentericorum sanant in jusculis cocti. (f) Oleum Lumbricorum, obstructions viscerum aperit, urinam provocat & urinam ducit. (g) Capillos auget. (h) Loti vino albo, & repurgati, coquantur oleo & vino, ad hujus consumptionem, fortius fit repetitis. (i) Lumbricos lavant vino: tundunt in mortario, affusoque competente liquore miscent & colant. Sincerius fit succus, si vitro angusto inclusi, quod foris massâ triticeâ sit obductum, in clibanum pisto jam pane collocentur. Sudant ibi & succum reddunt, qui separatus prælo, emaciatis membris calidè illinitur. Si placet in Sole coagulabitur, unde postea resolutus in usus venit, cum succo florum verbasci. (k)

a) Scholtz, epist. 141. b) Quereet & pharm. dogm. c. 15. c) Libav. tract. 1. synagm. arc. chym. l. 4. c. 28. d) Leon. secta 3. l. 3. c. 2. Dodon. in. prax. l. 2. c. 60. e) Holler. instit. chir. l. 2. p. 68. b. & 73. a. Plat. d. d. p. 906. f) Nester. de dyssent. c. 12. g) Fabric. lib. 4. observ. 29. & 88. h) Plat. de vit. p. 37. i) Libav. l. c. l. 1. c. 18. k) Id. ib. l. 8. c. 7. Wier. de Scorb. Fabric. de gangr. edit. 1603. p. 204.



CENTVRIÆ IX.

Particula I.

Remora Piscis, ore navim sistit, mirum!

EXERNIS à Græcis dicitur Piscis, *ὄρνις τῆς ἔχεν τὰς ναῦς*, quod naves sistat, fundo illarum hærens. (a) sic & à Latinis Remora & Remiligo (b) ab iisdem remorandis. Germanicè nominemus licebit, est Schiffheber / (c) Schiffhalter (d) Lampetræ nostræ similis piscis est; Est enim pelago amica Echeneis, longa, cubiti scilicet longitudine, subfusco colore, anguillæ similis: acutum est illi os subter, contortum, rotundi hami cuspidi simile, de quo pisce Nautæ rem mirabilem narrant, omnibus qui non viderunt incredibilem. Navem enim secundi venti vi impulsam, passisque velis per mare currentem, piscis tanquam eam voraturus, ore admoto sistit, invitisque Nautis retinet, perinde ac si in tranquillo portu quiesceret, (e) quæ res vectores angit, & sollicitos vehementer habet. (f) His omnibus, quæ nulli alii melius quàm Lampetræ nostræ competere possunt, accedit Experientia ipsa, cujus primum me admonuit Guil. Pelicerius, Episcopus Monspeliensis, singulari eruditione præditus: ex qua experientia constat, Lampetram Navibus, iis præsertim, quæ recens picæ illitæ sunt, ore adhærere, picis, ut ajunt, ex genæ gratiâ. Quod si triremis clavo os affixerit, ejus impetum retardari certum est. Id nobis evenit Romam proficiscentibus cum Clarissimo Cardinali Turno-

Rr
nio.

nio. Vidimus enim optimæ triremis, cujus citissimo cursu vehebamur, impetum inhibitum: cujus incertam causam cum vectores perquirerent, tandem compertum fuit, Lampetræ ore clavo affixæ vi id effici; quæ capta, & convivio apposita moræ allatæ pœnas dependit. Cujus rei locupletissimos testes habeo nobiles & graves viros, qui eadem navi vehebantur. (g)

a) Cardan. l. 10. de subtil. b) Fest. de lat. l. & Plant. c) Gessn. de aquat. p. 414. d) Frisch. s. 45. nomencl. e) Elian. de var. hist. l. 2. c. 17. f) Oppian. l. 1. halient. g) Rondelet. de aquat.

II.

*Inquisitio causæ, ob quam Echeneis moventur
Naves.*

Chæremonianus Trallianus (scribit Plutarchus) pisciculis aliquando variis apposis, unum oblongū capite parvo, acutoque ostendebat, cui similem esse Echeneidem dicebat, quam in mari Siculo vidisset, ejusque vim admiratus esset, cum non parùm impediementi & moræ navigationi attulisset, donec à proreta lateri navis forinsecus adhærens caperetur. Tum alii Chæremonianum irridebant, ceu qui rei fabulosæ absurdaque fidem adhiberet. Alii alias quoque mirabiles in rerum natura discordias commemorabant, (tanquam ad confirmationem potentie Echeneidis:) ut sunt, quod Aries conspectus Elephantum furentem compescit: quod Viperam ramulus fagi admotus suo contactu immobilem reddit: quod Taurus ferus ad ficum arborem alligatus, quietus & placidus manet: quod Succinum levia omnia, præter Ocy-

mum

num & oleo madida movet & attrahit : quòd fiderites lapis non attrahit ferrum, si allio inungatur. Hæc enim sic se habere indubitatis exemplis constat, eorum tamen causas eruere, vel difficile, vel etiam impossibile esse dicebant. Ego verò hanc quæstionis depulsionem magis, quam solutionem esse aiebam. Quin ita potius usu venire existimandum est, sicut alias sæpe fit, ut quæ rebus quibusdam accidunt, causæ ipsarum esse, non rectè judicentur. Veluti si quis ex vulgari dicto: *Salix amerina* floret, *uva* coquitur: ipsam *Salicis amerinæ* florum germinationem, maturitatis *uvarum* causam faciat : vel propter fumos lucernarum aërem densari & obnubilari existimet : vel unguium curvationem, causam non accidens esse ulceris pulmonis. Quemadmodum enim quæ jam diximus, singula ad aliud quidpiam consequuntur, propter communem aliquam efficientem causam: sic ego similiter unam esse causam dicebam, quæ & tarditatem navigio inferat, & *Echeneidem* ad idem alliciat. Nempe cum sicclior navis est, neque admodum gravatur humore, consentaneum est, carinam levitate sua facile per mare delabi, & aquas ligno puro meantifacile cedere. Contrà, cum humidior est, & aquæ nimium imbibit, multâ algâ & musco innascente obducitur : quibus hirsutum lignum & aquam obtusius secat, & aqua ipsa ligno tenaciori adjuncta difficiliter separatur : quamobrem *Nautæ* latera *Navium* abradere solent, ut muscum atque *Algam* abstergant: quibus adhærescentem *Echeneidem*, propterea eorum viscositatem (quasi succi ejusdem appetens) tarditatis navigii, non quidem causam esse, sed causæ illam efficientis accidens

(σύμψωμα καὶ ἐπακολούθημα) ei que supervenire, judicandum est.

Plutarch. Symposiac. l. 2 probl. 7.

III.

Nullam omnino causam naturalem inveniri, cur pisciculus tantillus navem moretur.

Non immeritò tantas in tantillo pisciculo vires aliquis miretur. Magneti quidem sua est in ferrum facultas; Adamantem coram toxico ferunt madere: Turchesiam appetente periculo aut scindi, aut omniorimam aut maculam aliquam concipere; sed longe alia naturæ venit admiratio in nostrâ Echeneide, lapidibus siquidem & metallis naturalis pro materiei varia conflatione, cœlestiumque corporum in ea elaboratione quadamtenus causa assignari potest, partim etiam Naturæ secretis est relinquenda. Basiliscum serpentem adeò venenatum esse scribunt, ut visu etiam in hominem virus transfundat. Torpedo piscis non tangenti piscatori per hamū & virgam torporē (uade nomen etiam accepit, sicut & Græcis Νάρκη dicitur) imittit, ac totum deinde corpus occupat, in quibus veneno ea vis tribuitur. Sed quid de hoc pisciculo afferemus in medium? quæ ejus viribus & potentia adscribemus rationem? Hic, sicut & reliqui pisces, in aquis agit. Non alibi nisi in aquis vires suas exercet; nulla adest magnitudinis in eo violentia, minutulus ipse navi se adjungit, nulla vis contra ipsum satis est, nullus impetus loco movere navem potest, nisi pisciculus hic navi adhærere inventus esset. Adscribi illud potest, cur non aliæ similiter naves fixæ manent? cur hæc tantum cui pisciculus hic se adjunxit?

xit? cur invento hoc & amoto plenis mox velis navis procedit, nec impedimentum amplius sentit? Fatendum est, rationem hic naturalem adferri nullam posse. Et quis non videt, in eodem fatale quoddam indicium & prælagium quasi futuri mali præscium, periculum imminens cupiens avertere? tenuit legatos Periandri, de castrandis pueris Nobilibus, tanquam indignum iudicante Naturâ, homini id quod conservationi ipsius donatum esset, auferri: & idcirco navem inhibuit & à cursu revocavit, sed securum & improvidum genus hominum, velut rem nihil floccipendit. Tenuit navem Caii Cæsaris, non multò post Romæ interfecti. Condolens misero Cæsaris exitio, ipsa Natura cupit ab ipso malum avertere, atque à cursu infausito & infelici revocare.

Adam. Lonsæ. l. de aquatil.

IV.

Rondeletii opinio, de vi Remora.

Recensemus, quæ de Remora, literis prodita sunt, admiratione quidem digna, sed quæ magnâ ex parte cessaverit, si tam mirabilis eventus causa reddita sit. Nam, ut rectè dixit Aristoteles, θαυμάζεται τῶν μὲν κατὰ Φύσιν συμβαινόντων ὅσων ἀγνοῖται τὸ αἴτιον. Idem in libro, quem Μηχανικά inscripsit, quærit, cur clavus cum parvus sit, & in extremâ navi, tantas habeat vires, ut ab exiguo temone, & ab unius hominis viribus alioqui modicè intentis magnæ navium moles moveantur. Cui quæstioni præter alia respondet, facillimum esse moventi ab extremo, movere aliud: quia prima pars fertur celerrimè, ac quemadmodum in his, quæ feruntur, in fine cessat impetus, ita in continui, quod movetur sine, maximè imbecillis motus est, qui

verò maximè imbecillis motus est, facilè dimovetur, vel, ut dilucidius loquar, in puppi (extremà scilicet navis parte) rectè collocatur clavus, quoniam moles omnis continua ab eo extremo, cui ad motum sit aliquid, quod moveat, facilè tota moveatur. Etenim, sicuti in iis, quæ vibrantur, initio vehemens est motio, quæ in fine languescit: sic continuæ molis prius extremum, cui id quod movet, conjunctum est, celerissimè fertur: alterius verò extremi imbecillis admodum est motio & renixus. Imbecille autem omne facilè in quamlibet partem levi momento impellitur. Ex quibus efficitur, si in hanc, vel illam partem clavus moveatur, proram quoque vel dextrosum vel sinistrosum ferri, in rectum vero remorum impulsu. Quare si recta & celeriter currat navis, & Echeneis ore, clavo vel puppi affixo, caudam vel se totam, modo in dextrum, modo in sinistrum moveat, necesse est, etiam in prora motionem hanc percipi, & ad Echeneidis motum ambiguum, ambigüe quoque moveri, ac proinde impetum ejus inhiberi, cum ab Aristotele demonstratum sit, & experientiâ comprobatum, ad exiguam unius extremi motionem, extremum alterum, atque adeò totam molem continuam mutari. Lampetra itaque, verbi gratiâ, vel quavis alia Remora, non in ipsâ nave, neque ipsius lateribus, sed puppi vel gubernaculo adhærente, & caudam vel reliquum corpus motitante fluctuat navis, nec progreditur, nec ultra fertur, non aliter, quàm si tranquillo mari, in prospero & celeri navis cursu, gubernator imperitiores ad gubernandum admittat, qui clavum rectè tenere non possit, firmissimè enim in cursu remandus est, ne fluctuet navis, alioquin mox retardabitur

tur impetus. Eâdem de causa validis retinaculis, ad puppim clavus alligatur, etiam in fluvialibus navigiis, libero in obliquum motu non impedito, atque in rapidis amnibus, in terram altè defixis palis, in utraque ripâ funes alligantur, ad dirigendum iter, ne Aquarum vi fluctuante nave progressus inhibeat, neque rectâ fluvii trajici possit.

Rondel, de piseibus,

V.

H. Fracastorii, de Echeneide, quomodo firmare navigia possit, opinio refellitur, propriaque Scaligeri asseritur.

Recentiores (a) sentiunt; non ab Echeneide navim cohiberi, sed Echeneidem esse signum scopuli, qui subsit sub Aquis, cujus saxi vis navim remorari valeat. Quasi velint dicere, scopulum illum esse ex herculeo lapide, qui clavos avellere nequeat: navim tenere queat. Verum aliter videtur: Majore namque robore opus est, ad navem retinendam, quam ad extrahendum clavum. Hoc sane faber unus fecerit: illud multi tentabunt frustra. Ad hoc, cum plurimæ naves eâdem fecerint iter, una tantum fuit immobilis, idque plenis velis: cum aliæ pusillo remorum nixu transmitterent. Quocirca aliam ad causam trans-eunt, Echeneidem ita navi adhærescere, ut avelli nequeat, propter vacuum. Echeneidem verò habere cum subjectis illis coribus affinitatem: ut mutuo atq; morum illarum, quas emittit ajunt, nexu conjungatur. Quo equidem loco, quid vacui subsequi possit, a motâ exigua bestiolâ, nescio, Tum, si cum illis coribus eam habet conjunctionis necessitudinem; quibus

naturæ novis legibus, veterem illam, propriamque erga scopulos illos propensionem, cum hac adventitiâ, novitiaque navis cohæsione commutavit? ab illis enim sese abstulit suis familiaribus, ut inferret navis peregrinæ. Mihi igitur sic videtur. Quemadmodum à Torpedine stupor impingitur manibus, etiam si non tangatur, etiam per lineam subiens (neq; enim fabulæ sunt. In littore enim Brittonum, relabens æstus, quum unam in sicco reliquisset, & adolescens, ut eam palpitatione tentantem abitum sisteret, pedibus invasisset, ipso in vestigio totus tremuit) ita & motui navis illa bestia. Neq; verò sine subtilitate hæc sunt prætereunda. Propter officium sunt immobilia quædam semper, ut Poli. Quædam, ratione loci veluti terræ pars, quæ in centro est. Nunquam enim movebitur naturaliter. Contrà, officio quædam semper mobilia, ut cælum. Quædam naturâ loci, ut flumina. Ita quibusdam esse movendi potestatem, ut Magneti. Aliis contrariam facultatem; Videlicet quæ motu privant, ut Echeneis. Ratio autem in principiis. Quia sicut quies & motus sunt contraria: sic sunt horum efficientes quædam causæ contrariæ. Neque reddi potest ratio, cur calori frigus advesetur. Sicne in illis quidem. Curea, quæ principia in se habent effectiva motus, moveant: quæ quietis, faciant quiescere. Nemini comperta sunt in igne caloris principia. Ita in Echeneide, quæ sint principia quietis. Nam ad manifestas omnia deducere qualitates, summa impudentia est. Id quod Alexandrei multi & frustra conati sunt, & temerè instituerunt. At saltem in venenis exempla nostra decuit conquiescere. Eorum namque multa diversas habent ab Ele-

men-

mentorū qualitatibus proprietates: quæ omninò latent animos temperatos, illudunt curiosis. Iidemque isti, qui sese putant, cuncta ad certas causas reducere manifestas, tandem huc se devolvunt, ut dicant, in oculis hominis, & Caroblepæ esse principia contraria. Et tamen irrident illi salutare Asylum illud occultæ proprietatis. (b)

a) *Fracast. c. 8. de sympath. & antip.* b) *Scalig. exerc. 218. §. 8.*

VI.

*Exclamatio & Admiratio, miræ vis Remora
remorandi naves.*

Quid violentius mari ventisve, & turbinibus atq; procellis? quo majore hominum ingenio, in ullâ sui parte adjuncta est, quàm velis remisque? addatur his & reciproci æstus inenarrabilis vis, versumque totum mare in flumen, tamen omnia hæc pariterque eadem impellentia, unus ac parvus admodum pisciculus, Echeneis appellatus in se tenet. Ruant venti licet & saeviant procellæ, imperat furori, viresque tantas compescit, & cogit stare navigia: quod non vincula ulla non aecora pondere irrevocabili jacta. Infrenat impetus & domat mundi rabie nullo suo labore, non retinendo, aut alio modo, quam adhærendo. Hæc tantilla est contra tot impetus, ut vetet ire navigia. Sed armatæ classes imponunt sibi turrium propugnacula, ut in mari quoque pugnetur velut è muris. Heu vanitas humana, cum rostra illa ære ferroque ad ictus armata semipedalis inhibere possit, ac tenere devincta pisciculus. Fertur Adriaco mari tenuisse prætoriam navim Antonii properantis circumire & exhortari
Rr s suos,

suos, donec transfret in aliam: ideoque Cæsariæ Classis impetu majore protinus venit. Tenuit & nostrâ memoriâ Caji Principis, ab Astura Antium remigantis, ut res est, etiam auspicalis pisciculus. Siquidē novissimè cū in urbem reversus ille Imperator suis telis confossus est. Nec longa fuit illius moræ admiratio, statim causa intellecta, cum è tota classe quinquereimis sola non proficeret, exilientibus protinus qui id quærent circa navem, invenère adhærentem gubernaculo, ostenderuntque Cajo, indignanti hoc fuisse quod se revocaret, quadringentorumque remigum obsequio contra se incederet. Constabat peculiariter miratum, quomodo adhærens tenuisset, nec idem polleret in navigium receptus,

Plin. l. 32. c. 1,

VII.

Liquor jecoris pisciculi Aelpuick obscuritati visus utilis, secretum non revelandum.

Ex jecore cujusdam pisciculi, vulgarilinguâ, à nostris dictus Aelpuick, liquor quidam defluit, experimento certo, obscuritati visus admodum commodus & utilis. Capitur autem hic piscis in aquis Veenlandiæ propè Delphensem Urbem. Mollis est & valdè limosus, subnigriusculus, & aliquantum latior Anguillâ (mustelæ fluviatilis genus, vulgò vocatur *Alruyp* propter similitudinem (*) quam habet cum Anguilla) cujus jecur, quod valde album est ac pingue, regulæ alligatur cyatho subjecto vel vitro in sole, ut ab eo pinguedo olei instar destillet, vel jecur regulæ filo alligetur, vitro capaci imponatur & supra hoc aliud vitrum magis capax instar galeæ seu capitel-

telli superponatur & Soli exponatur; exilit autem liquor albus & clarissimus, ad modum olei puri destillant, & usui reservetur. Hoc liquore cilia tantum & palpebræ superiores (non oculi) innungantur, & lachrymæ ab oculis exhibunt, & is qui visum obscurum tenebrosumque habet, miraculi instar ilicò lucidum & luminosum recuperabit. (b)

a) Goglen. de prorog. vitæ, pag. 518. b) Forest. l. 11, obs. 35.

VIII.

Cyprinorum ortus spontaneus.

Non solum maris & foeminae commistione Cyprini nascuntur, sed etiam sponte, id quod experientia mihi confirmavit; vidi enim in Aquis, in cava loca & montibus septa recepta & collectis spontè generatos Cyprinos, in quæ loca, nec rivus, nec stagnum, nec palus, nec lacus, nec fluvius ullus, nulla denique Aqua præter caelestem influxisset. (a) Nec caret admiratione, quod audivi à quodam Nobiliss. & magni nominis viro, qui in Bohemiâ plurimis piscinis abundabat, affirmari, nimirum, si cespites, in quibus ova Cyprinorum matrices recentes deposuerunt, modo non comprimantur, ad aliquot milliaria, tempore sereno deportarentur, ibidem animari & fatum producere optimum. (b)

a) Rondelet. de pisc. b) Camerar. in not. ad l. 3. c. 9. Dubravii de piscin.

IX.

Barborum piscium Caro, esui an utilis, cum ova, vi violentâ & purgante polleant.

Barbus licet fluviatilis sit piscis, viscosus tamen est,

est, quia vëscitur algis & cochleis, gaudetque latitare sub collibus. Cancones oscula Barborum maximè appetunt, in genere salubriores sunt mense Majo. Horum piscium majorem copiam nusquam vidi, ac in Thermis Embsenibus, in Lano flumine, ubi simul tanta Serpentium in Lano fluitantium copia, quantam nunquam observare licuit. (a) Latet autem in molli & albâ Barborum piscium carnis substantiâ, acrimonia quædam, id quod in ejus ovis apparet, quæ alvum perturbant & exagitant, modò per vomitum, modò per secessum, ac si antimonium vitrificatum quis sumserit. (b) Cum de ovis barbuli piscis cocti duos tantum bolos comedissem, experiundi gratiâ, nihil inde aliquot horis postea noxæ percepi. Demum sub horam cænæ, plurimam in ore ventriculi sensi inflationem, quam ut dissolverem, anisum sumsi, sed frustra. Post horam facies mea apparuit, tanquam in syncope, ita ut astantes & admirari, & de meâ salute timere inciperent. Ego interim magnam, non solum in stomacho & ventre, sed omnibus membris externis alterationem, & inæqualem quandam intemperiem in unaquaque parte carnis sentiebam. Tum supervenit passio cholERICA, donec supra infraque simul, pluries ova purgarentur, magnâ cum anxietate, & virium prostratione, maximoque vitæ periculo. (c) An hoc venenata aliqua vi, aut purgatoria violenta, aut utraque, ex abdita cæcæque virtute accidat, jam non dico, suspicari autem quis posset, si ova tantarum virium, an non ipsa quoque barborum caro, deterioris alicujus alimenti sit &c. (d) Cardanus certè neque frigidos, neque calidos, neque elixos, neque affatos Barbos commendat. (e) Verum, observatum esse,

esse, non memini, aliquem ex illorum usu aliquid damni percepisse. (f)

a) *Mathaeus in spec. sanit. c. 2. b) Quercet. diat. polib. sch. 3. c. 7. Goglen. de prae. vit. p. 505. Horstius de tuend. sanit. stud. l. 1. c. 6. Libav. l. 4. sing. p. 372. c) Antonius Gazius, recensente Geßnero, histor. aquat. p. 145. d) Oberndorf. de re Ungar. p. 263. Negathac Thurnisium, scribens: Ein Barbar Kogen / mit Wein und Salz / biß auff sein statt wolgesetzten / und mit Ingwer besprenget und gessen / ist under all andern (dieweil dieses ein SPEIS ist) die lieblichst purgast. l. 4. c. 18. de ag. miner. Sed, quis credat Auriferos magistro, qui post deceptos & fascinatos insignes Principes, Magnates & doctos viros (ut solent eiusmodi pollicitatores) aincurno miserabilis carceris supplicio, suas chemicas imposturas luit. Ioan. Bauhn. de font. mir. l. 2. c. 1. e) de sanit. tuend. l. 3. c. 69. f) Sennert. instit. l. 4. pars. 1. c. 3. Affirmat l. 3. pract. p. 160 l. de ovib.*

X.

Luciorum piscium ortus unde.

An, si rationem à philosophis proditam, unde nam Lucii sua sponte piscinas introeant, non habeo, quam vellem, ipsam interim opinionem quoque tacitus suppressam; quam Piscinarii in vulgum spargunt? Ego verò libentius opinione, vel Idiotarum utar, quàm ut cum Atheneo & Philarcho, Philosophiæ studiosis, affirmare audeam, Pisces aliquando de cælo in terram, cum pluvîâ pluisse. Ad nos, scilicet ejus generis pluvîæ nunquam perveniunt: ac non rarò Anaticulæ ad piscinas nostras advolant, ut in gluvem suam, vel fatu, vel ovis, cum Luciorum, quàm

quàm Cyprinorum expleant. Propiorem itaque veri habet speciem, id quod Piscinarii autumant. Anaticulas, dum semine Luciorum ventrem plenum & adhuc crudum, vomitu ad piscinas exonerant, simul easdem piscinas, semine illo egesto etiam conferere, Luciosque ex eo satum animari. (a) Nostri piscinarii quoque sunt in eâ opinione, ova vel fatum Luciorum, Cyprinorum ac imprimis Percarum, alis Anatum inhærere, & sic ex unâ piscinâ in alteram, etiam invito Domino, deferri. (b)

a) Jan. Dubrav. l. 3. c. 12. de piscin. b) Camerar. in not.

XI.

Lucii pisci vulnus spontè coalescit.

In Anglia Ichthyopolæ Lucios cultro dissecant, ut pingues esse empturis ostendant, quos non emptos in vivariis consueiunt, in quibus vulnus coit & coalescit. Quod Natura periti Tincis adscribunt: quia iis Lucii se affricant, ut illarum mucore viscido vulnus illinant, & sic rimæ ora committuntur, ut propius etiam insipienti coaluisse videri possunt. (a) Sed & sine Tincâ, quid prohibet? secum enim ipse sibi fert, quod ferat suppetias. Nonne vides, esitando, tractandoque eum, ut nobis digiti cohæreant. (b)

a) Portal. 5. Phytogn. c. 12. b) Sealig. exerc. 201.

XII.

Elegans spectaculum Ranæ ulcipientis Lucii violentiam.

Non mihi tempero, quia spectaculum, quod ad vivaria Arci Cremisiriensi subjecta, dum Stanislaum Thurzonem Pontificem meum affector, à me oculis
runc

tunc spectatum, verbis quoque spectandum repraesentem. Delitescibat in latebris ripæ vivarii, Lucio discors Rana, cum forte Lucius otioso similis, levi caudæ motu summas vivarii aquas ultrò citroque sulcaret; quoad tandem ad locum, quem insidiis faciundis Rana cepit, propius appelleret: non omisit benè gerendæ rei occasionem Rana, sed simul atque facultatem assiliendi hostis sibi oblatam vidit, ita ut erat sinibus buccarum inflatis, oculisque præ irâ flagrantibus repente in caput illius insilic, lateque divaricatis pedibus, frontem circumplexa (vide solertiâ animalculi) in ipsos præcipuè oculos Lucii invadit, mollissimasque & carissimas lancinat partes; at ille dolore exagitatus, modò citato per undas cursu ferri, fluctusque circum se concitare, modò vertigine rotari, modò fruticum & arundinum, quæ in vivario subnatæ emicabant, attritum querere, si quo pacto malè conciliatum, nullarumque præ se virium infessorem, fronte excuteret. Cæterùm omnes ejus conatus in cassum cadebant, tam mordicus eandem frontem Rana obtinebat, tamque pertinaciter pœnas ab avidissimo corporis sui vexatore exigebat, donec torpescantibus, ex multa lucta viribus, ipse Lucius victus succubuit, seque Ranamque unâ in imalgurgitis demersit. Adhuc nobis omnibus, qui aderamus, eodem loci subsidentibus, luctatoresque, qui jucundum nobis spectaculum de se exhibuerant, oculis requirentibus; ecce tibi Rana subito in altum exilit, moreque victorum ovans, coaxans, vitulansque, rursus se in palatia sua recepit. Imperat extemplo Pontifex, acciri piscatores, qui Lucio retibus invento, in lucemque prolato, cognoscendi potestatem facerent,

rent, quidnam cum illo demerso actum esset, atqui miser ille utroque lumine orbus extrahitur, non sine omnium nostrum admiratione: at Piscatores vetant casum mirari, se enim crebrò talibus certaminibus intervenire, sæpè numeroque à Ranis Lucios excæcatos, atque eosdem emaciatos, piscari, quoniam amissis oculis venari sibi pisces nequeunt, sed sterili tantùm arenâ ventres saburrant.

Ian. Dubrav. de piscin. l. 1. c. 6.

XIII.

Lucii etymon, ejus crudelitas tùm in alienos, tùm in sui generis pisces.

Lucium à lucendo, Bellonius dictum arbitratur (ut ipse mihi retulit) quod siccatus nocte luceat. (a) Ingenio & naturâ pariter fermè moratus est, ut Lupus quadrupes, nam similiter violentus & rapax & maleficus est (b) Voracissimus est. Ejus cibus sunt pisces, & quicquid ranarum more repit. Piscem ad magnitudinem propè sui comedit: nam ubi victum subegerit, caput primum ore devorat: quo digesto paulatim addit sequentia, donec totum consumat. (c) Narrant passim, inventum in ejus ingluvie Buffonem aquaticum fuisse, cujus nihilominus carnes, in mensam illatæ nulli attulerunt noxam: (d) Dentibus acutis, longis, firmisque armatus est, quem verè dicere possemus, in animalia grassari. Cujus rei exemplum proferam. Narravit mihi vir fide dignissimus, vidisse se Mulæ, quam interfaciens in Rhodanum portatum duxerat, labrum inferius à Lucio dentibus apprehensum, cujus demorsu cruciatam & territam inde fugisse: & crebrâ capitis qualitatione Lucium in

ter-

terram deiecisse, quem ille palpitantem & in aquam
redire conantem cepit, domumque tulit. Certum
est, FELES parvos & CANES in vivaria Luciorum
conjectos ab iis devorari. (e) Cracoviensis quidam
Polonus nuper nobis retulit, anseris pullos duos in
ventre Lucii à se visos: & hujus generis piscem ali-
quando pedem ancillæ in piscinâ apprehendisse. (f)
Piscibus vescitur, & ne suo quidem generi parcat (g)
(Lucillum enim è lucii ventre exemimus manu no-
stra, (b)) vel ob naturalem crudelitatem: vel quia
avidus est cibi, rapinæque impatiens. (i) Morsum
ejus non innoxium esse audio, & ægrè sanari. (k)

a. f. k) *Gessn. de aquat. p. 593. 594. 596.* b) *Dubrav. l. all.* c. g. i) *Autov. de rer. nat.* d) *Libav. l. 1. batrach. schol. ad c. 11.* e) *Rondel. de Siluro.* h) *Sealsg. in comment. in Arist. hist. de Anim. l. 1. c. 6. t. 42.*

XIV.

Lucii Piscis ætas.

Lucius Piscis Anno salutis 1497. captus est in sta-
gno circa Haylbrun, Imperialem Sueviæ Urbem: &
reperitus in eo annulus ex ære Cyprio, in branchiis
sub cute, modicâ parte splendere visus, cum inscri-
ptione tali: εἰμὶ ἐκείνῳ ἰχθὺς ταύτῃ λίανη παντόπρω-
τῷ Ὀμπτεῖς Ἀγὶ τῷ κοσμητῷ Φρεδερικῷ β- τῷ χαίρειν ἐν
τῇ ε- ἡμέρᾳ τῷ ὀκτωβρίῳ: id est, ego sum ille Piscis, huic
stagno omnium primus impositus, per Mundi Re-
ctoris Frederici secundi manus, d. 5. Octobris. 1230.
inde colligitur piscem illum in stagno vixisse annis
267.

*Gessner. in præfat. hist. aquat. ex Contr. Celso. Obern-
dorfer scribit p. 202. de l. Ung. imposuisse Frid. Imperat.*
8f Lx

*Lucium in die wack (stagnum) gen lantern/ inde all-
tum Heidelbergam 6. Novemb. 1497.*

XV.

*Anguilla Etymon, sine parente, sine sexu, muslela
cognata, sanitati inimica.*

Anguilla dicitur, quod anguis formam habeat (a)
unde Juvenalis;

Vos Anguillam nec longa cognata colubra (b)
vel ex Græco ἐγγελίς, ab ἀγῶ & ἴλος, quod in aquâ
canosa, ut & vino capiat & stranguletur. (c) Solâ
inter sanguinea animalia ex putredine (d) gignitur
(ut vermes in terra, id quod experientiâ compertum
fuit. Aliquando enim Equo mortuo, in Magalona
stagnum infecto, paulo post innumerabiles Anguil-
lae illic visæ sunt, quod ego ita accipio, ut non ex
Equi tantum, sed etiam ex aliorum animalium cada-
veribus (e) generentur) cui nullus sexus est, nec eti-
am generationis initium (quod ita esse argumento
constat, quod in nonnullis faculentis stagnis, aquâ
omni exhaustâ & limo detractâ, Anguilla de novo ge-
nerantur, ubi aqua accesserit pluvia: nam siccis tem-
poribus gigni nequeunt, etiam in lacu perenni, quip-
pe imbre & vivant (f) & alantur) & diu vivit sine
Aquâ; etiam ad quinos vel 6. dies; quoniam parvâ
refrigeratione indiget & tenui gaudet aquâ. Aër au-
tem aqua tenuioris semper partem aliquam continet.
Generari creditur ex mustelis; quas terræ intestina
vocant: & certe similitudo magna est inter eas, &
conjectura evidens, quod neque origo Anguillarum
alia, nec finis alius Mustelarum inveniatur. Com-
mune est utrique generi ossibus penitus carere, nam
pro

pro spinâ, nerveam membranam rotundam habent
 funis instar. (g) quâ non exemptâ, antequam coqua-
 tur, veneni patriceps esse Anguilla creditur. (h) Caro
 ejus dulcis quidem est, sed glutinosa; & humiditate
 multa scatens, succum pravum generat; & nec ægris,
 nec sanis, imprimis copiosior paulò, ejus usus satis
 tuto conceditur. Præcipuè stomachicis, calculi
 & podagræ obnoxiiis nocet, mensesque fæminarum
 retardat. (i) Neque morbis ullis medetur, sicut Na-
 tura iniquè fecisse videatur, quæ tam suavem refutan-
 dis expuendisque piscibus indiderit saporem. (k) Et
 licet apud Athenæum, (l) πάντων ἰχθύων εὐχολάτερος
 dicantur: id tamen potius de suavitate & jucundita-
 te saporis, atq; alimenti copia, si rectè concoquantur,
 quàm de succi bonitate accipiendum est (m) Anguil-
 læ contra quàm marini pisces, salsa aquam appe-
 tunt, quâ gustata mirè agiles efficiuntur, minusq;
 lubrici, atque esui salubriores, quo fit ut circa Ca-
 tarrhactas (nostri Schlisfen vocant, à claudendo) quæ
 apertis valvis aquam, qua hibernis mensibus agri op-
 primuntur, violento impetu in mare profundunt,
 inusitatæ magnitudinis Anguillæ massis ac sagenis
 eximantur. (n) Benedictus Faventius, in suo audi-
 torio habuit juvenem Scholarem, qui repentinè Epilep-
 sia concidit. Cum autem ad se rediisset & restitutus
 esset, quærentes alii ab eo, quid manè in prandio
 esset, dixit copiosè se Anguillas devorasse, & sta-
 tim cum hæc narrasset, abundè carnem Anguillarum
 evomuit, & ex toto liber fuit. (o) Anguillæ pinguedo,
 quæ, dum torretur, exodat, proprietate quadâ, in hæ-
 morroidum fluxu sistendo agit. (p) Si una vel altera
 gutta pinguedinis, cum proprio felle admisto, in

aurem fundatur, est medicamentum, à proprietate valens ad surditatem, quovis modo excitatam. (q)

a) Varrol. 4. de lat. ling. b) l. 1. sat. 5. c) Henssch. hes. sap. germ. p. 1. d. g) Card. l. 9. de subst. e) Rondel. de hist. aquat. f) Aristot. l. 6. de hist. anim. c. 16. Portal. 2. Phytogn. c. 2. h) Gogl. de pror. vit. p. 507. i. m) Sennert. instit. l. 4. p. 1. c. 3. Quere. diat. polib. sect. 3. c. 7. Hipp. de morb. sacro. Gal. l. de cib. bon. & mal. succ. c. 15. de atten. diat. c. 6. Obernd de l. ung. p. 262. Horst. de san. tu. l. 1. c. 6. k) Arnold. de vill. nov. comment. ade. 31. Schol. Saïern. l) l. 7. diñnos. n) Lemn. l. 4. de occ. nat. mir. c. 2. o) Forest. schol. ad obs. 57. lib. 10. p) Plater. de vit. p. 708. q) Dom. Leon. l. 5. prax. f. 1. c. 4.

XVI.

*Cur ex Anguillarum cadaveribus Anguilla
gignantur.*

Id ferè commune est omni animantium generi, ut ex suo cadavere, sanie, liquore, cineribus quoque simile sibi gignant, quando natura generis propagationem ex semine denegavit: sic enim ex ostreorum lacte vel humore, maritimis saxi ac rupibus superfufo, nascuntur ostrea: & Aqua sola, in quâ coctæ sint Anguillæ, in limosam palustremque aquam infusa, gignit Anguillas. Idem de Phœnicis avis Arabicæ cineribus, plerique Phœnicem renovari tradunt.

Bodin. theat. nat. l. 3. p. 402.

XVII.

Cur mortuæ Anguilla non fluitent.

Mortuæ Anguillæ non fluitant, ac ne sursum quidem efferuntur, veluti piscium pars maxima, habent
enim

enim ventrem (a) modicum, (neque enim aqua impleatur, ut fluitent, sed quasi massa ad principia sua deferuntur, è limo enim ortæ sunt, (b) æris quoque ingeniti parùm inest in ventre, quare post mortem ære evanescente, non mirum, si super summam aquam non (c) levantur) Pinguedinem autem (d) paucæ habent (pinguia enim (e) non fluitant:) plurimæ non (f) habent. Paucæ sanè extra carnem adipem habent, sed totum rarum corpus, viscidum ac valdè æereum est. Fluitant autem cadavera, non priùsquam putrida sint: aqua enim tabida, ac jam penè aquea facta aquæ naturam referunt: turgidoque corpore calore peregrino solutæ aquæ partes non paucæ in ærem, leviora faciunt. (g)

a. d. f) *Aristot. l. 8. de hist. anim. text. 49. b. c. g) Sc. al. in comm. c) Rondelet. de pisc.*

XVIII.

Cur pisces mortui aquis innatant, vivi ad fundum stabulantur?

Spiritibus sanè vivi sunt repleti & calore, quorum utrumque deest defunctis. Contrà itaque evenire par erat. Num ideo quia mortuis abest Rector? Alius situs est meræ naturæ, alius vitæ animali instructæ, quæ suis usæ instrumentis regit suum corpus & disponit convenienter. Homo sic mergitur & enatat beneficio motus, instrumentorum & dispositione mutata. Sic Mergi, & Anates, pisces quoque cum videtur, summa & ima petunt vicissim. Mortui in latiorem plerumque partem procumbunt, quæ adjuvat natatum. Cum vivi se mergunt, in caput, ventremque, aut mi-

nus aquæ comprehendentem regionem inclinans, quomodo & aves utuntur aëre.

Libav. l. 2. sing. p. 201.

XIX.

Arcanum Naturæ de canceris.

Mirabile & in Naturæ Majestate planè reconditum atque abstrusum, Febricitanti, si ungues in pedibus & manibus rescentur, vivique canceri dorso adalligentur, cancerque in aquam fluentem vivus conficiatur, febrim remissuram, cujus experimenti possem, si opus esset, producere testes, qui id non semel documento comprobant.

Goglen. de pror. vit. p. 545.

XX.

Canceri Peruanæ Phtificis utiles.

Nobilis quidam vir ex Continenti rediens, mihi affirmavit, post diuturnas febres continuas isthiciæ Phtisim incidisse: at postquam ex quorundam consilio ad parvas quasdam, inter divitem Portum & Margaretam, Insulas ablegatus fuisset, in quibus plurimi nascantur omnium optimi canceri, (solis enim ovis, quæ illic Columbæ ponunt, & earum recens exclusis pullis vescuntur) ut eos coctos solum ederet: post aliquantulum temporis, quo ista victus ratione usus fuisset, optimè convaleuit: tamen si ante nihil illi Phtitacorum esus, qui ad hunc morbum commendatur, profuisset.

Monard. l. 3. simpl. med. ex nov. orb. del. p. 46.

XXI.

Canceri secundinam movent.

Recipe cancerum circa diem Iohan. Baptiste.
quan-

quando Sol intrat Cancrisydyus, torreficlibano & in pulverem redige. De hoc exhibe mulieri in retentione secundinae, & tutò movebit. Habet enim suos menstruos motus instaruteri hoc animal, quemadmodum adhuc plura sunt in natura, qui idem præstant.

Bisqqr. Herm. rediv. p. 106.

XXII.

Lacertus dissectus iterum coalescit.

Si quis fortuitò lacertum, seu consultò in calvariã percutiat, & virga medium discindat, hujus partium neutra moritur, sed ab altera seorsim utraque graditur, & duobus pedibus ad reptis vivit; deinde si coitio utriusque cum altera fiat, consensione quadam tacita & naturali colligatione veluti conferuntur, contexunturque, atque ex separatis duabus partibus, unus atque idem rursus efficitur Lacertus: & tametsi loci prius affecti vestigium cicatrix indicat, tamen & vitam pristinam retinet, & ei persimilis est, qui talia nunquam perpeffus sit.

Porta l. 5. Phyzogn. c. 12.

XXIII.

Lumbricus an pellat Lumbricum.

Ex vulgi judicio Gabelkoverus (a) depromsit medicamentum contra lumbricos, ex lumbrico primo, qui prodit è puero. Negat tunc renasci ullos. Ita ad nimios menses ex vino eosdem sumere jubent, horrore potius naturæ si sciatur, aut aliã vi juvante, quàm occultâ proprietate. Theod. Tabernæmontanus, putavit (b) Empiricos pulvere lumbricorum dato, in homine

lumbricos procreare, fors ut rubetæ ex rubetis, in cinerem reductis, narrantur fieri. Sed non est tanti, prima seu fatura, seu apparitio. In ancipiti res est. Paracelsus (e) ait: multi expellunt vermes ex hominibus, quorum medicamenta eosdem etiam fecerunt. Nolim ego mihi sic pelli vermes, ut lucrer integram eorundem societatem, & perpetuum victorium. Et Vermes in vermibus ex iisdem nasci indicat historia Amati Lusitani de magno Lumbrico puellæ, ex quo, cum à patre calcaretur, proroperunt vermes plures alii. (d) Rotundi etenim vermes, intra intestina nidificant, foetant & pariunt. (e) Dicunt aliàs fugarimures & talpas cadavere suæ speciei in domicilium seu locum conversationis immisso, vel etiam excoriatò mure demisso. Credo istud fieri fatore sui similis. Cuique quidem suum olerum benè olet, sed non alterius individui in eadem specie. Dum itaque durat fætor, abiguntur bestiæ, sicut astacorum putredine. Sed non in perpetuum. Experimento cognovi mures aufugere, uno atque altero interfecto & putrescente in suâ caveâ: sed putredinis halitu cessante redeunt. Itaque alia medicamenta quærenda, aut idem crebro repetendum. Vin' rationem accuratam istius auxilii? dico. Empiricos gignere in hominibus lumbricos, sicubi nulli sunt, id quod cognoverunt experimento sui pulveris. Ne ergo falsi putentur, præbent pulverem lumbricorum, & similem producunt faturâ. Sin autem adsunt istæ bestiæ, pelluntur ex se petito medicamento. Aut facit ranas ranarum pulvis, aut factas inventasque pellit. Pellitur enim malum malo, inquit vulgus, si non invenit, quod pellat, inducit. (f)

a) de lumbr. puer. pag. 138. b) l. 1. de plantis c. 5. c) l. de Verm. d) centur. 5. obs. 46. e) Hippocr. l. 4. de morb. f) Libav. libr. 2. batrach. schol. adeap. 15. & 16. Quercet. pharm. dogm. cap. 15. Lemn. libr. 1. de oec. natur. mir. s. 22.

Plura de lumbricorum usu Vide centur. 8. part. 100.

XXIV.

Num Rubeta ex cineribus instaurari queant?

Ex combusta Rubeta cineribus in cucurbitâ chymicâ, vel fimo specie putrefactionis procurata resuscitari rubetas, congruit cum generatione serpentum Paracelsicâ, & restauratione Phœnicis, si ulla est. Non libet asserere, nec pertinaciter inficiari. Nullam enim habeo rerum istiusmodi experientiam, nec procurare libet. Retulit tamen illud, J. Bapt. Porta (a) rubetas scilicet ex putredine & corruptione aliquas nasci, imò ex cremati buffonis cinere & relicto plures generari, quæ videntur sumpta esse ex 6. natur. Paracelsi, ubi serpentes restituit per putredinem. Ratio dicit omnem similitudinis vim & progenerationis ad simile tunc vi ignium perire. Quid enim quæso relinquitur vitale? Cinis & in eo salugo. Spiritus aëreus & mercurialis dissipatus est. Cur non ex cadavere putrefacto promittitur revocatio? nescio an non sit simul affirmandum ex combusto vitulo renasci vitulos, quæ res olim saltem tot sacrificiis fuisse comprobata. Multa finguntur audacius, ob aliquam analogiam. Quot cadavera passim putrescunt? Crabrones ex equo, non Equi fiunt, ex bove apes, ex homine vermes, non homines. In herbis adhuc imperfectiorem ortum animali habentibus, id

Sf s

non

non accidit. Quæ credam evenire in animalibus, nisi subsit seminium incorruptum? Ignis non relinquit hoc, illud fervat, sed violentè solvit mista, si quæ sunt subtilia. Dicere à cælo accipere relictos cineres sibi convenientem formam, instar fomitis aridi, in explicatione suâ valeat, sed massam jam fecit ignis ex buffone, non proximè dispositam ad buffones, verùm ad alia quoque. Et si fagi vel salviæ cinis, non captat è cælo formam suæ plantæ, quæ credam istud de buffonibus & serpentibus? Combure muscas, herbasque & alia æquè facilis generationis & spontaneæ, si ex cineribus istis solis revocabis easdem species, assentiar: ne quid dicam non facile aliàs in cineribus sive adhuc salem suum habentibus, sive elutis solere existere gramina vel similia, nisi conversa tandem in terram fuerint, aut sub se habuerint terram idoneam. (b)

a) l. 6. phytogn. cap. 2. b) Libav. lib. 4. singul. pag. 386.

De fungis rediivivis vide centur. nost. memorab. 3. part. 96. centur. 7. part. 91. de serpentibus rediivivis. cent. 5. par. 85.

XXV.

Lapis Buffonius appensus, lumbricos abigit.

Ad omnem Lumbricorum affectum, quocumque modo se habeat, experimento constat, optimum esse Lapidem Bufonis appensum puero.

Rein. Solen. sect. 3. conf. 30.

Plura de Crapundinis vide cent. nost. 4. part. 31. centur. 7. part. 32.

XXVI.

XXVI.

Quidam ob vermes Germanicâ linguâ loquebatur, cum nunquam eam didicisset.

Phliarius Spoletanus, natione Italus, nec in Germania versatus unquam, pulchrè tamen Germanorum linguâ loquebatur, quasi dæmone detentus; quamobrem curabatur à Panaceo Medico celebri: isque medicamento exhibito magnum vermium numerum eduxit, solvitque hominem morbo, & linguæ Germanicæ usu privavit.

Erasmo. Roter. in orat. de laude Medic.

XXVII.

Buffonum preparatio, eorumque in Peste utilitas.

Buffonum duo sunt genera, aquatilia & terrestria, utraque venenosa. Præcipuè terrestria. In peste tamen aliquoties, non sine fructu usus sum buffonibus, nunc integris, nunc in pulverem reductis. Accipio autem Buffones terrestres, eosque aëri suspensos & sole ventoque exsiccatos, ac postea in regulam calidam collocatos, ut exsiccantur, eos in pulverem redigo, ante tamen mortarium & pistillum oleo scorpionum inungo, ne inter pistendum pulvis nares feriat, & cerebrum venenosâ suâ qualitate offendat. Hujus pulveris accipio unc. j. fermenti acris unc. iiij. Theriac. opt. unc. j. fol. rutæ viridium Manip. j. Hæc omnia diligenter in mortario cum sufficiente quantitate mellis commisceo, & buboni aut anthraci applico.

plico, bis, aut ter in die... Emplastrum hoc, mirum in modum venenum ex corpore ad se trahit. Integer Buffo solo aëre exsiccatus, si buboni pestifero applicatus fuerit, venenum pestis mirum in modum ad se trahere, experientia docet. Affluxu enim humoris ex corpore, ita intumescit Buffo, ut reviviscere videatur, & tum abjiciendus, novusque applicandus est, donec venenum satis extractum fuerit, nonnunquam quoque in ipso loco affecto magis exsiccatur Buffo, idque pessimum est indicium, naturam enim jam à morbo prostratam, labefactatamque esse indicatur. In exsiccatione autem Buffonum diligenter observandum est, ne venter ipsorum lædatur, illo enim læso, non amplius venenum pestis ad se trahunt, forsitan quia læso ventre venenum ipsorum, cujus beneficio venenum pestis ad se trahunt, ex ipsis effluit.

G. Fabric. cent. epist. 96.

XXVIII.

Halitus Buffonum execrabilis venenationis.

Mercatores duo in diversorium publicum ad prandium ingressi, & in horto hospitis sibi folia salviæ collecta illota vino imponunt & macerari permittunt. Verum inter prandendum, vertigine, spasmo, syncope, sudore frigido, vomituque aliisque gravioribus symptomatibus correpti protinus obierunt. Hospite cum domesticis suis, de exhibito veneno à Magistratu accusatis & in carcerem projectis, se cum mercatoribus de iisdem cibis comedisse constanter affirmarunt, de vino tamen in quo salviā maceraverunt, non bibisse. Quapropter tandem ex consilio

Me-

Medici effossa salvia, Buffones quam plurimi ad radicem Salviæ inventi sunt, quibus Salvia infecta atque intoxicata fuerat.

Parauebir. l. 20. c. 24. Similem histor. vide apud Mirald. memor. cent. 1 part. 1.

XXIX.

Infectio per palum, quo interemptus est Buffo.

Quidam cepit cannam, in cuius summitate steterat infixa Botrax, & expellens cum ea animalia ex suo agro reversus domum, quàm primùm incepit comedere, evomuit cibum, quem tangebatur, nec cessavit, donec fuit sibi subministratus per manus alterius, & tunc cognoverunt, quod illud procedebat, à veneno cannæ inducto ab illa Botrace, & communicatum suis manibus: cum enim ipsa contineat venenum grossæ substantiæ, non aptum penetrare, ideo infectio non perveniebat ad terminum interficiendi, sed solum inficiebat cutem.

Ferd. Ponzet. l. 3. c. 12. de ven.

XXX.

Intuitus Buffonis noxius.

Si quis Rubetam croceam deformem diutius aspexerit, quanquam optimè sit coloratus, tamen pallidus & lenticulosus tanquam ictericus efficitur: restituitur autem intuitu charadrii. Scribit Porta. (a) Mihi quidem sat prolixa contemplatio, tum liberæ, tum affixæ palo, atque etiam tractatio, nihil intulit incommodi. Sed formidolosis, quique facile animo moventur, & passionibus obvi sunt, seu expositi

externis injuriis ob teneritatem naturæ, id eveniret magis. Puto autem non tantum oculorum spiritus vitari, dum cum imagine hauritur etiam non nihil halituum venenosorum, maximè cum oculi applicantur oculis, & Buffo contra tendit aciem furenter, sed & vapores noxios cum aëre inspirari. Obliterata postea attentione, per aversionem mentis ad aliud objectum, spiritalis noxa facile evanescit. An verò metus & formidolosa species pallorem exprimit? animi motum humores revocare ad cor in isto affectu constat. Sed hoc factu cutis pallefcit. Verisimile sit hoc restitutionis facilitate. Nam cessante metu, tanquam causâ mutati coloris, redit constitutio prior. (b)

a) l. 3. phytog. c. 4. & 6. b) Libav. l. 2. batrach. schol. ad cap. 17.

XXXI.

Anhelitus Felium Veneficium.

Prævus est anhelitus Felium, novi enim quosdam, qui cum noctu in lectis feles secum habuissent, & infectum ab eis aërem inspirassent, hæctica febris & marasmo tandem consumti, perierunt. Nec ita pridem in Monasterio quodam, ubi permulti cati familiariter nutriebantur & in canaculis, cubiculisq; & lectis frequentes erant, adeò pleriq; infecti sunt, ut intra breve tempus nec missa nec vespera, eo in monasterio decantarentur. (a) Ex his intelligere est, quàm minimè fabulosum sit, quod vulgus dicitur, feles infantibus esse exitiales: ipsorum enim ori toto corpore incumbentes, fuliginis exitum & thoracis motum intercipiunt, ac pestiferâ, quam de se demittunt, aura,

& exhalatione tenellorum infantum spiritus inficiunt & præfocant. (b)

a) Avenz. proem. l. 1. Thenzir. Mathiol. com. ad l. 6. c. 25. Diosc. b) Param. l. 20. c. 340

XXXII.

Serpentis historia mira.

Haud procul Dertonâ Palavicinum quendam, qui esset in venatione, & Hispanicâ lanceâ Serpentem interfecisset, eum ejusque equum morte deletos, audiui è fortissimo Equite Antonio Lazaro, qui sub patruo meo Bonifacio stipendia faciebat.

Scalig. de subtil. exere. 200.

XXXIII.

Viperâ morsu Canis mortuus.

Nos Viperas annis superioribus ad Theriacâ compositionem parantes, mediocris magnitudinis juvenem canem & sanissimum, à viperâ in natibus morde-
deri ex industria permisimus, qui horâ quadrantis spacio à morsu vires sic amisit, ut stare amplius non posset, tremulusque factus & tumidus valdè, vomitu & per sedem multis ejectis excrementis tertîâ horâ interiit.

l. Bapt. Silvât. l. 2. de usu therias. c. 3.

XXXIV.

Aranea industria & maximum artificium.

Videmus Araneam, telam construere (ex lanigato & lento (a) corporis succo) inter duos ab invicem

aurem fundatur, est medicamentum, à proprietate valens ad surditatem, quovis modo excitatam. (q)

a) Varrol. 4. de lat. ling. b) l. 1. sat. 5. c) Henssch. hes. sap. germ. p. 1. d. g) Card. l. 9. de subtil. e) Rondel. de hist. aquat. f) Aristot. l. 6. de hist. anim. c. 16. Portal. 2. Phytogn. c. 2. h) Gogl. de pror. vit. p. 507. i. m) Sennert. instit. l. 4. p. 1. c. 3. Quere. diat. polib. sect. 3. c. 7. Hipp. de morb. sacro. Gal. l. de cib. bon. & mal. succ. c. 15. de atten. diat. c. 6. Obernd de l. ung. v. 262. Horst. de san. tu. l. 1. c. 6. k) Arnold. de vill. nov. comment. ad. 31. Schol. Salern. l. 7. aipnos. n) Lemn. l. 4. de occ. nat. mir. c. 2. o) Forest. schol. ad obs. 57. lib. 10. p) Plater. de vit. p. 708. q) Dom. Leon. l. 5. prax. f. 1. 6. 4.

XVI.

*Cur ex Anguillarum cadaveribus Anguilla
gignantur.*

Id ferè commune est omni animantium generi, ut ex suo cadavere, sanie, liquore, cineribus quoque simile sibi gignant, quando natura generis propagationem ex semine denegavit: sic enim ex ostreorum lacte vel humore, maritimis saxis ac rupibus superfuso, nascuntur ostrea: & Aqua sola, in quâ coctæ sint Anguillæ, in limosam palustremque aquam infusa, gignit Anguillas. Idem de Phœnicis avis Arabicæ cineribus, plerique Phœnicem renovari tradunt.

Bodin. theat. nat. l. 3. p. 402.

XVII.

Cur mortua Anguilla non fluitent.

Mortuæ Anguillæ non fluitant, ac ne sursum quidem efferuntur, veluti piscium pars maxima, habent enim

enim ventrem (a) modicum, (neque enim aqua impletur, ut fluitent, sed quasi massa ad principia sua deferuntur, è limo enim ortæ sunt, (b) æris quoque ingeniti parùm inest in ventre, quare post mortem ære evanescente, non mirum, si super summam aquam non (c) terantur) Pinguedinem autem (d) paucæ habent (pinguia enim (e) non fluitant:) plurimæ non (f) habent. Paucæ sanè extra carnem adipem habent, sed totum rarum corpus, viscidum ac valdè æreum est. Fluitant autem cadavera, non priùsquam putrida sint: aqua enim tabida, ac jam penè aquea facta aquæ naturam referunt: turgidoque corpore calore peregrino solutæ aquæ partes non paucæ in ærem, leviora faciunt. (g)

a. d. f) *Aristot. l. 8. de hist. anim. text. 49.* b. e. g) *Sc. al. in comm.* c) *Rondelet. de pisc.*

XVIII.

Cur pisces mortui aquis innatant, vivi ad fundum stabulantur?

Spiritibus sanè vivi sunt repleti & calore, quorum utrumque deest defunctis. Contrà itaque evenire par erat. Num ideo quia mortuis abest Rector? Alius situs est meræ naturæ, alius vitæ animali instructæ, quæ suis usæ instrumentis regit suum corpus & disponit convenienter. Homo sic mergitur & enatat beneficio motus, instrumentorum & dispositione mutata. Sic Mergi, & Anates, pisces quoque cum videtur, summa & ima petunt vicissim. Mortui in latiorem plerumque partem procumbunt, quæ adjuvat natatum. Cum vivi se mergunt, in caput, ventremque, aut mi-

mus aquæ comprehendentem regionem inclinant,
quomodo & aves utuntur aëre.

Libav. l. 2. sing. p. 201.

XIX.

Arcanum Naturæ de cancro.

Mirabile & in Naturæ Majestate planè reconditum
atque abstrusum, Febricitanti, si ungues in pedibus
& manibus refecentur, vivique canceri dorso adallig-
gentur, cancerque in aquam fluentem vivus conficiat-
tur, febrim remissuram, cujus experimenti possem,
si opus esset, producere testes, qui id non semel do-
cumento comprobant.

Gögl. de pror. vit. p. 545.

XX.

Canceri Peruani Phthisicis utiles.

Nobilis quidam vir ex Continenti rediens, mihi
affirmavit, post diuturnas febres continuas isthic in
Phthisim incidisse: at postquam ex quorundam con-
silio ad parvas quasdam, inter divitem Portum &
Margaretam, Insulas ablegatus fuisset, in quibus plu-
rimi nascantur omnium optimi canceri, (solis enim
ovis, quæ illic Columbæ ponunt, & earum recens ex-
clusis pullis vescuntur) ut eos coctos solum ederet:
post aliquantulum temporis, quo ista victus ratione
usus fuisset, optimè convaluit: tametsi ante nihil
illi Phthisicorum usus, qui ad hunc morbum commen-
datur, profuisset.

Monard. l. 3. simpl. med. ex nov. orb. del. p. 46.

XXI.

Canceri secundinam movent.

Recipe cancerum circa diem Iohan. Baptiste,
quan-

quando Sol intrat Cancris sydus, torre in clibano & in pulverem redige. De hoc exhibe mulieri in retentione secundina, & tutò movebit. Habet enim suos menstruos motus instar uteri hoc animal, quemadmodum adhuc plura sunt in natura, qui idem præstant.

Bischof. Herm. rediv. p. 106.

XXII.

Lacertus dissectus iterum coalescit.

Si quis fortuito lacertum, seu consultò in calvariâ percutiat, & virga medium discindat, hujus partium neutra moritur, sed ab altera seorsim utraque graditur, & duobus pedibus adreptis vivit; deinde si coitio utriusque cum altera fiat, consensione quadam tacita & naturali colligatione veluti conferuntur, contextunturque, atque ex separatis duabus partibus, unus atque idem rursus efficitur Lacertus: & tametsi loci prius affecti vestigium cicatrix indicat, tamen & vitam pristinam retinet, & ei per similis est, qui talia nunquam perpeffus sit.

Porta l. 5. Phytogn. c. 12.

XXIII.

Lumbricus an pellat Lumbricum.

Ex vulgi judicio Gabelkoverus (a) depromsit medicamentum contra lumbricos, ex lumbrico primo, qui prodit è puero. Negât tunc renasci ullos. Ita ad nimios menses ex vino eosdem sumere jubent, horrore potius naturæ si sciatur, aut aliâ vi juvante, quàm occultâ proprietate. Theod. Tabernæmontanus, putavit (b) Empiricos pulvere lumbricorum dato, in homine

lumbricos procreare, fors ut rubetæ ex rubetis, in cinerem redactis, narrantur fieri. Sed non est tanti, prima seu fatura, seu apparitio. In ancipiti res est. Paracelsus (e) ait: multi expellunt vermes ex hominibus, quorum medicamenta eosdem etiam fecerunt. Nolim ego mihi sic pelli vermes, ut lucrer integram eorundem societatem, & perpetuum victorium. Et Vermes in vermibus ex iisdem nasci indicat historia Amari Lusitani de magno Lumbrico puellæ, ex quo, cum à patre calcaretur, proreperunt vermes plures alii. (d) Rotundi etenim vermes, intra intestina nidificant, foetant & pariunt. (e) Dicunt aliàs fugarimures & talpas cadavere suæ speciei in domicilium seu locum conversationis immisso, vel etiam excoriato mure demisso. Credo istud fieri fatore sui similis. Cuique quidem suum oletum benè olet, sed non alterius individui in eadem specie. Dum itaque durat fætor, abiguntur bestię, sicut astacorum putredine. Sed non in perpetuum. Experimento cognovi mures aufugere, uno atque altero interfecto & putrescente in suâ caveâ: sed putredinis halitu cessante redeunt. Itaque alia medicamenta quærenda, aut idem crebro repetendum. Vin' rationem accuratius auxiliij? dico. Empiricos gignere in hominibus lumbricos, sicubi nulli sunt, id quod cognoverunt experimento sui pulveris. Ne ergo falsi putentur, præbent pulverem lumbricorum, & similem producunt faturâ. Sin autem adsunt istæ bestię, pelluntur ex se petito medicamento. Aut facit ranas ranarum pulvis, aut factas inventasque pellit. Pellitur enim malum malo, inquit vulgus, si non invenit, quod pellat, inducit. (f)

a) de lumbr. puer. pag. 138. b) l. 1. de plantis c. 5. c) l. de Verm. d) centur. 5. obs. 46. e) Hippocr. l. 4. de morb. f) Libav. libr. 2. batrach. schol. ad cap. 15. & 16. Quercet. pharm. dogm. cap. 15. Lemn. libr. 1. de occ. natur. mor. 6. 22.

Plura de lumbricorum usu Vide centur. 8. part. 100.

XXIV.

Num Rubeta ex cineribus instaurari queant?

Ex combusta Rubeta cineribus in cucurbita chymica, vel fimo specie putrefactionis procurata resuscitari rubetas, congruit cum generatione serpentum Paracelsica, & restauratione Phœnicis, si ulla est. Non libet asserere, nec pertinaciter inficiari. Nullam enim habeo rerum istiusmodi experientiam, nec procurare libet. Retulit tamen illud, J. Bapt. Porta (a) rubetas scilicet ex putredine & corruptione aliquas nasci, imò ex cremati buffonis cinere & relicto plures generari, quæ videntur sumpta esse ex 6. natur. Paracelsi, ubi serpentes restituit per putredinem. Ratio dicit omnem similitudinis vim & progenerationis ad simile tunc vi ignium perire. Quid enim quæso relinquitur vitale? Cinis & in eo salugo. Spiritus aëreus & mercurialis dissipatus est. Cur non ex cadavere putrefacto promittitur revocatio? nescio an non sit simul affirmandum ex combusto vitulo renasci vitulos, quæ res olim saltem tot sacrificiis fuisset comprobata. Multa finguntur audacius, ob aliquam analogiam. Quot cadavera passim putrescunt? Crabrones ex equo, non Equi fiunt, ex bove apes, ex homine vermes, non homines. In herbis adhuc imperfectiorem ortum animali habentibus, id

Sf s

non

non accidit. Qui credam evenire in animalibus, nisi sublit seminium incorruptum? Ignis non relinquit hoc, illud servat, sed violentè solvit mista, si quæ sunt subtilia. Dicere à cælo accipere relictos cineres sibi convenientem formam, instar fomitis aridi, in explanatione suâ valeat, sed massam jam fecit ignis ex buffone, non proximè dispositam ad buffones, verùm ad alia quoque. Et si fagi vel salviæ cinis, non captat è cælo formam suæ plantæ, quî credam istud de buffonibus & serpentibus? Combure muscas, herbasque & alia æquè facilis generationis & spontaneæ, si ex cineribus istis solis revocabis easdem species, assentiar: ne quid dicam non facile alias in cineribus sive adhuc salem suum habentibus, sive elutis solere existere gramina vel similia, nisi conversa tandem in terram fuerint, aut sub se habuerint terram idoneam. (b)

a) l. 6. phytogn. cap. 2. b) Libav. lib. 4. singul. pag. 386.

De fungis rediivivis vide centur. nost. memorab. 3. part. 96. centur. 7. part. 91. de serpentibus rediivivis. cent. 5. par. 85.

XXV.

Lapis Bufonius appensus, lumbricos abigit.

Ad omnem Lumbricorum affectum, quocunq; modo se habeat, experimento constat, optimum esse Lapidem Bufonis appensum puero.

Rein. Solen. sect. 3. conf. 30.

Plura de Crapundinis vide cent. nost. 4. part. 31. centur. 7. part. 82.

XXVI.

XXVI.

Quidam ob vermes Germanicâ linguâ loquebatur, cum nunquam eam didicisset.

Phliarius Spoletanus, natione Italus, nec in Germania versatus unquam, pulchrè tamen Germanorum linguâ loquebatur, quasi dæmone detentus; quamobrem curabatur à Panaceo Medico celebri: isque medicamento exhibito magnum vermium numerum eduxit, solvitque hominem morbo, & linguæ Germanicæ usu privavit.

Erasm. Roter. in orat. de laude Medic.

XXVII.

Buffonum preparatio, eorumque in Peste utilitas.

Buffonum duo sunt genera, aquatilia & terrestria, utraque venenosa. Præcipuè terrestria. In peste tamen aliquoties, non sine fructu usus sum buffonibus, nunc integris, nunc in pulverem reductis. Accipio autem Buffones terrestres, eosque aëri suspensos & sole ventoque exsiccatos, ac postea in tegulam calidam collocatos, ut exsiccentur, eos in pulverem redigo, ante tamen mortarium & pistillum oleo scorpionum inungo, ne inter pistendum pulvis nates feriat, & cerebrum venenosâ suâ qualitate offendant. Hujus pulveris accipio unc. j. fermenti acris unc. iiij. Theriac. opt. unc. j. fol. rutæ viridium Manip. j. Hæc omnia diligenter in mortario cum sufficiente quantitate mellis commisceo, & buboni aut anthraci applico.

plico, bis, aut ter in die. . . Emplastrum hoc, mirum in modum venenum ex corpore ad se trahit. Integer Buffo solo aëre exsiccatus, si buboni pestifero applicatus fuerit, venenum pestis mirum in modum ad se trahere, experientia docet. Affluxu enim humoris ex corpore, ita intumescit Buffo, ut reviviscere videatur, & tum abjiciendus, novusque applicandus est, donec venenum satis extractum fuerit, nonnunquam quoque in ipso loco affecto magis exsiccatur Buffo, idque pessimum est indicium, naturam enim jam à morbo prostratam, labefactatamque esse indicatur. In exsiccatione autem Buffonum diligenter observandum est, ne venter ipsorum lædatur, illo enim læso, non amplius venenum pestis ad se trahunt, forsitan quia læso ventre venenum ipsorum, cujus beneficio venenum pestis ad se trahunt, ex ipsis effluit.

G. Fabric. cent. epist. 96.

XXVIII.

Halitus Buffonum execrabilis venenationis.

Mercatores duo in diversorium publicum ad prandium ingressi, & in horto hospitis sibi folia salviæ collecta illota vino imponunt & macerari permittunt. Verum interprandendum, vertigine, spasmo, syncope, sudore frigido, vomituque aliisque gravioribus symptomatibus correpti protinus obierunt. Hospite cum domesticis suis, de exhibito veneno à Magistratu accusatis & in carcerem projectis, se cum mercatoribus de iisdem cibis comedisse constanter affirmarunt, de vino tamen in quo salviā macerant, non bibisse. Quapropter tandem ex consilio

Me-

Medici effossa salvia, Buffones quam plurimi ad radicem Salviae inventi sunt, quibus Salvia infecta atque intoxicata fuerat.

Parvus ebir. l. 20. c. 24. Similem histor. vide apud Mirald. memor. cent. 1 part. 1.

XXIX.

Infectio per palum, quo interemptus est Buffo.

Quidam cepit cannam, in cuius summitate steterat infixata Botrax, & expellens cum ea animalia ex suo agro reversus domum, quam primum incepit comedere, evomuit cibum, quem tangebatur, nec cessavit, donec fuit sibi subministratus per manus alterius, & tunc cognoverunt, quod illud procedebat, à veneno cannæ inducto ab illa Botrace, & communicatum suis manibus: cum enim ipsa contineat venenum grossæ substantiæ, non aptum penetrare, ideo infectio non perveniebat ad terminum interficiendi, sed solum inficiebat cutem.

Ferd. Ponzet. l. 3. c. 12. de ven.

XXX.

Intuitus Buffonis noxius.

Si quis Rubetam croceam deforme diutius aspexerit, quanquam optimè sit coloratus, tamen pallidus & lenticulosus tanquam ictericus efficitur: restituitur autem intuitu charadrii. Scribit Porta. (a) Mihi quidem sat prolixa contemplatio, tum liberæ, tum affixæ palo, atque etiam tractatio, nihil intulit incommodi. Sed formidolosis, quique faciliè animo moventur, & passionibus obvi sunt, seu expositi

ex-

& exhalatione tenellorum infantum spiritus inficiunt & præfocant. (b)

a) Avenz. proem. l. i. Thenzir. Matbiol. com. ad l. 6. c. 25 Diosc. b) Parausl. 20. c. 34.

XXXII.

Serpentis historia mira.

Haud procul Dertonâ Palavicinum quendam, qui esset in venatione, & Hispanicâ lanceâ Serpentem interfecisset, eum ejusque equum morte deletos, audiui è fortissimo Equite Antonio Lazaro, qui sub patruo meo Bonifacio stipendia faciebat.

Scalig. de subtil. exerc. 200.

XXXIII.

Viperæ morfu Canis mortuus.

Nos Viperas annis superioribus ad Theriacæ compositionem parantes, mediocris magnitudinis juvenem canem & sanissimum, à viperâ in natibus morderi ex industria permisimus, qui horæ quadrantis spacio à morfu vires sic amisit, ut stare amplius non posset, tremulusque factus & tumidus valdè, vomitu & per sedem multis ejectis excrementis tertiam horam interiiit.

l. Bapt. Silvât. l. 2. de usu theriac. c. 3.

XXXIV.

Aranea industria & maximum artificium.

Videmus Araneam, telam construere (ex lanigero & lento (a) corporis succo) inter duos ab invicem

cem

cem distantes parietes, & in eorundem summo interstitio ponè rectum, etiamsi per 100. brachia à terra distet, adeò ut nendo deorsum se præcipitem det plateam usque, quam & filando graditur, & alium è regione parietem ascendit, donec ad summum pervenerit è fili positu primo alterius parietis, colligendo semper illa centum fili brachia, quibus collectis in rectitudine ad perpendiculum sufficienter stamen primum trahens glutine ligat: super quem postmodum graditur hinc inde, eà arte, ut non possis longè majori admiratione affici, quam formicæ, pernicious, erinacei & aliorum, si quæ suapte natura sunt eà magnâ arte prædita bruta. Quod si aranea, ut muscis retia tendat, quum recta in adversum parietem volare saltarè venequat, descendere nendo statuit, ascendere deinde involvendo & texere deinde sursum, deorsumque, antè, retrò, dextrosum modò, modò sinistrosum se vergens, ac eadem distantia fila & stamina etiam in gyrum vergens & nectens, minori majorivè distantia prout opus habet. (b)

a) *Lang. l. 2. ep. 2. Cic. de nat. Deor. l. 2. Plin. l. 11. c. 24. Aristot. l. 5. c. 27. l. 9. c. 29. histor. de anim.* b) *Æmil. Parisan. nob. exerc. de subtil. l. 2. exerc. 2. c. 9. Parisus. l. 1. p. 44.*

XXXV.

Aranei venenati indeprehensa vis.

Nobis pueris referebatur periculum Equitis, qui conspectum in buffone araneum dejicere conatus erat virga, quam gestabat manibus, ad regendum equum. Sed hæc postea veneno delibuta, eà parte, qua tetigerat araneum, pedem Equitis infecit etiam per ocreas, pene-

penetrante virulentia, & ingentem tumorem cum cruciatu excitante. Hoc ex vulgo. Nam certum facti authorem nunc non memini, potestque fieri ut alio cubi etiam consignata extet res gesta. Verisimile tamen factu est, (a) cum & Scaliger referat, calcatum araneum per soleas transmisisse venenum. Et in Vasconia unius aranei transcursu eoque levissimo crepuisse speculum. (b) Hostilia totis substantiis & vires quoque naturales jugulantia sunt plurima passim. (c)

a. c) *Libav. l. 1. batrach f. hol. ad c. 11. b) exerc. 186.*

XXXVI.

Aranei & Botracis inimicitia.

Monachus quidam fasciculos aliquot scirporum in cubiculum congesserat, sparsurus, cum esset commodum. Is, cum à prandio supinus dormiret, buffo ingens erepsit, & os dormientis obsedit, infixis superno atque inferno labro quatuor pedibus. Detrahere buffonem certa morserat, non amoveri, quidam erat morte crudelius. Quidam suaserunt, ut Monachus ad fenestram deferretur supinus, in qua ingens araneus habebat telam. Factum est, mox Araneus, hoste conspecto, filo se librat, & Buffoni spiculum infigit, ac filo se recipit in telam. Intumuit Buffo, sed non est avulsus. Repetitur ab Araneo, magis intumuit, sed vixit. Tertiò ictus abduxit pedes, ac mortuus est. Hanc gratiam Araneus retulit hospiti suo. Accepi ab iis, qui spectarunt.

XXXVII.

Dissidium inter Simium & testudinem.

Addam, quod non legi, sed his oculis conspexi. Simius

mius supra modum horret testudinem. Hujus rei dedit quidam nobis specimen Romæ. Pueri suo in verticem imposuit testudinem, & pileo contextit, dein producit ad simium. Illic Simius gaudens infiliit in humeros pueri, venaturus pediculos, sublato pileo reperit testudinem. Mirum erat spectaculum, quanto cum horrore resilierit bestia, quam expaverit, quam timidè respexerit, an sequeretur testudo. Additum est aliud specimen, alligavimus testudinem catenæ, à qua revinctus erat simius, ut effugere non posset, quin saltem aspiceret, incredibile dictum, quanto opere fuerit discruciat, tantum non metu exanimabatur, interdum averfus, posterioribus pedibus depellere tentavit hærentem bestiam. Sequuta est ex pavore febris, ut nobis fuerit solvendus à catena, & aqua vino temperatâ refocillandus.

Erasm. dial. de amicis. p. 627. 628.

XXXVIII.

Simiarum descriptio elegans, species, genera, mores.

Simia dicitur non ab imitatione, ut Grammatici imperiti, sed à similitate. Capellæ enim haud æquæ simiæ sunt. (a) Tot earum sunt species, formâ, colore, caudâ, jubis, magnitudine differentes, ut non parum negotii facebat historiæ ordinem meditati. (b) Genera summa duo. Alterum sine cauda, alterum caudatû. (c) Sine caudâ Simias plures vidimus, quantum puer est (d) octo (quinque (e)) annorum. Marem quoque ac feminam cum prole; Filiolus si quid videretur desiderare; manu, pugnoque feminam à marito, tanquam malæ tractationis ream, etiam addi-

tà vultus acerbitate, castigari. Nempe supercilio, rictu, murmure, irati patris, atque reprehensoris mariti animum præseferre. In aula Regis unus fuit, quidiubipes deambulabat, amictus sagulo militari, ensiculo accinctus. In sella iussus continuit sese pernox, aut perdius publico spectaculo: ita ut non deessent, qui homuncionem putarent verum. (f) Caudatorum Cynocephalorum species multas novimus, inter quas, quartum (reliquis) multò jucundissimum ac facetissimum scurram, omnia imitantem, ut mirarer sæpè: hoc genus plus distare ab homine (caudam enim habet) quàm quæ nullam habent: & tamen esse penè hominem verum, rùm moribus, rùm intellectu. Maximè simus est, naribus laxis & repandis: subnigra faciè: corpore exucto & strigoso: cauda subtus versum plicatili, rùm præsentaneæ opis, ut ad quemcunque calum tanquam manu utatur: ex ea pendet, ea vincit, trahit, verberat. Pannos videmus lavare, nuces malleo rumpere, sua manu bibere: etiam scripturientem mirati sumus. Manticam nobis per rimam spectantibus aperuit: catenam traduxit: suppellectilem extulit: pædines eduxit, capiti admovit. Mutianus cum prodidit, etiam latrunculis lusisse simiam, de hoc genere scripsisse videtur. Odore sunt admirabili, quem augent ceparum usu: quarum partem cum vorârint, frusto, quod superest, sese fricant quaquà possunt: rùm olent suavius, quàm quævis Romana larva purpurata. Cæterùm nihil omittit intereà domi, quin depopuletur, aut devastet. Arbores novellas, ramos adultarum, specula, vitra omnia disturbat. Turturem calidam & psittacum, quos sibi

præferri videret, interfecit. Ignem summum in atrium pertulit, idem facturum in fœnalia, si in mentem venisset. Vocem hic ab aliis longè diversam emittit, Simia stridet, hic fistulæ in modum modulatur: acuit vocem læsus, & minutissimis creberrimis accentibus dissecat. Illud commune omnibus generibus: gesticulatio; Cœlo tonante expavescere adeò, ut etiam colorem mutant: suspecto cœlo, ubi ubi queant se se abscondant: ad evitandos ictus, nullum animal attentius, ut vix fallas, id adeò ex visu evenire intelligo, quem omnium quadrupedum acutissimum, certissimumque habere, illud argumentum est. Pulicem ab initio saltus oculis consequitur, vixque confidentem, illicò opprimit. Brachiorum robore in primis excellit: pedibus manuum officia facit, ubi opus sit: vidimus nos vinctum, cum disiectam procul à nobis nucem manibus attingere nequiret, pedibus tentasse: ubi id non processit, festuca apprehensa cibum propius attraxisse: nisi coactus in manus nunquam, sed in pedes sedemittit. Fugientem vidimus, è culmine in culmen trans viam cum vellet transilire, catenam, quæ pendebat, manu collegisse. Saltum aversum unus omnium animalium suapte natura facit; quem de eo didicit homo. Ridet quoque atq; etiam cachinnatur. Catellos atq; infantulos mirè diligit. Unum in summas tegulas asportasse aliquando audivimus. *Ælianus* infantillum aquâ calidâ necâsse prodidit, cui nutricem apparasse lavacra vidisset. *Cercopithecum* adeò exhorreare *crocodilum*, ut cætera omnia pericula nihili pendat. *Crocodilum* cum non haberemus, lacertam opposuimus, non sine illius magnâ abominatione & spectantium risu. Carnes non omnia

gene-

genera attingunt: idque serò. Citius tunc senescunt, & frequentilaborant fastidio: quo sese levant gustatis herbis. Acerrima quæque appetunt: miro modo castaneas: sed præter cætera, bellariis magnoperè delectantur. Vini adeò avidus, ut multa ejus spe faciat jussus. Frigoris impatiens, hybernos ad focos totum se exporrigit. Minutiora animalia quæ caperit, devorat. Muscas mirè odit. Cùm apricatur, corpus curat. Gaudet pulcher haberi, auditque libens laudes. Intelligit convicia; si potest, aufugit, sin minus, tristis est: imbecilliores etiam malè habet, quod reliquum est, procul absterret conviciantes, vultus severitate, truculentis buccis, oculis intentis. Quippiam surrepturus, dissimulat atque deorsum spectat: mox invadit, de improvviso, ac fugâ sese subtrahit è supplicio, accusatus tùm de superiore loco causam dicit, frequenti mandibularum agitatione crimen negans, aut pœnam deprecans. Buccarum mantículas habet, in quibus recondat cibum, quasi comederit, interea aliud rogat. In Numidia milites qui fuere, narrârunt nobis: vidisse sese eorum greges, ad exercitus, quos viderant, ordines instruere, cogere, castigare: pro lanceis ramos, aut festucas in humeris habere: sistere agmen, procurrere, recurrere. Verùm ejus rei fides penes autores esto. Hæc hætenus comperta genera habemus: si quis plura nota habeat, addet ad scientiam. (g)

a, c. c. g) *Sealig. in comment. in Arist. hist. de anim. l. 2. r. 83, b. d. f) exere. 213.*

XXXIX.

Simiarum venatio ridicula, mira.

Ridiculum mirum de venatione. Neque retibus, neque canibus capi, sed dolis ajunt. Ut enim rerum omnium imitabundas tradunt: calceos in conspectu poni, quos sibi induunt venatores, tùm alios plumbeos, quibus laqueus subsit, disponunt. Inde abitum simulant, atque latent. Advolant simiæ: calceos induunt: nodum è vinculo nectunt. Ita fugæ præsidio destitutæprehenduntur. Præterea pelvim aquâ plenam statui: eâ aquâ venatores lavare oculos sibi: tùm effusa viscum indere, quo illæ sibi oculos inviscent. Ajunt geminos sæpè parere. Venatoribus insectantibus, eum quem plùs amet, tollere inter ulnas neglecto altero. Hunc impendente metu, consilium è re capere: in matris scapulas insilire. Illam de fuga, atque onere ejus, quem complexu auferit, fessam, ipsum remittere atque relinquere, præruptaque petere, altero nunquam sese avellente. Ita, quem amaret, amittere: quem contemneret, servari.

Scal. l. c. comment.

XL.

Rana occultata dormiantné, an sint mortua.

Cum sese occultant in frigidis Rana, contra naturam earum, quæstio est, mortuæné interim sint, an somno profundo correptæ, an partim vigilent, partim somno rigeant. Videntur enim mihi, quidam buffones solertia formicarum & apum, aut murium agrestium à Corylis dictorum &c. donare, quasi con-

vehementestate, quibus fruuntur hyeme. Distin-
 gere respondendum est. Nam cum *Φαλεύσιος* causa po-
 tius sit rigor hyemalis, ad vitam sub dio & in summis
 aquis agenda huic animali ineptus: quibus occa-
 sio est ad tepidaria secedendi, vel in locis calidis, pro
 natura vivendi, his vita & vitæ actus vigilia manet,
 modò esca suppetat. Ubi gelu excedit vitæ modum,
 proripiunt sese ab offensæ accessu manifesto, ibique
 latitant, ubi citra totalem destructionem queunt, quo
 præsidio, & si licet dicere, industriâ prospexit eis Na-
 tura. Jacent autem torpore correptæ, non somno,
 non morte, seu absente interim animulâ, in sydereis,
 quo convolare dicitur, tanquã ad suum principium,
 seu planè intereunte, ut harmoniâ. Torporem seu
νάκη esse, causa efficiens comprobatur, ejusq; remotio.
 Frigus enim obtundit sensus, calore spiritibusque co-
 hibitis & quasi gelatis, unde necesse est facultatē ani-
 malem & nervos captos hærere. Somni causa perse
 frigus non est, sed vapida exhalatio irrigans cere-
 brum, proximè ligat principium sensuum. Itaque
 etiam materiâ illâ solutâ aut disturbatâ, redeunt sen-
 sus ad officium. Non quidem puto, me ita peritum
 esse affectionû ranarum, ut calleam omnes interiores
 agitationes: Veruntamen judico frigus in illis non
 tantum externos sensus corripere, sed & internos,
 neque plane abolere actum cum potentiâ, sed relicta
 hac, illum tantum intercipere, donec calore admoto,
 resoluti spiritus, sanguisque & calor insitus recreen-
 tur, & pristinum obeant munus. Si planè mortuæ es-
 sent, putrescerent: si affectio illa inesset naturâ sim-
 pliciter, totam dormirent hyemem, etiam in calidis.
 Jam autem in puteis deprehensæ, extractæque planè

stupidæ, ut mortuis fuerint similes, solis radiis expositæ, è vestigio vixerunt, saltaruntque & pabula quæsiuerunt. Mox vespertino gelu iterum obriuerunt.

Libav. l. 1. batrach. schol. ad c. 14.

XLI.

Rana in Seripho Insulâ muta, aliò translata, canant, cur.

Ranæ, in Seripho Insula mutæ sunt, sed aliò translata, canunt, quod accidere etiam in lacu Thessaliæ Sicendo, tradunt. (a) Sed quid est in istis terris, quod aliàs sonorarum ranarum linguam alligat? Num instrumentis nerveis aliquid occurrit impedimenti, veluti ex stupore quodam attonito, aut affectu violento? an immobilis sit, succis è cibo, potu, aëre, totam quidem naturam destruere non potentibus, sed saltem labefactare cerebrum? In Majoricam Insulam & Evisam illatæ è continente ranæ vocales scribuntur obmutescere, Sed harum Insularum terra simul venenatis dicitur adversari. Alterationem patiuntur ranæ, ut vel nequeant, vel non velint mutire, quasi melancholia muta affectæ. Tales sanè alicubi etiam aquas observavit vetustas, Sulphurei, bituminosi & chalcanthini seu atramentosi spiritus, terras alicubi faciunt cum fontibus & fluviis insigniter medicatas, ut & evenit (b) Lemni & alibi. (c) Inde etiam quædam loca nesciunt venenata, Iepores, cervos, in aliis eadem abundant. Noctua in Creta non visitur, illata moritur. (d) nec Erinaceus (e) Plinio suæ in Arabia non vivunt. (f) Videndum ne solis radii & fermentatio, aut vis agens sub-

tere

terranea tale quid è terris eductum, aëri confini misceant. Fingere alicui licet, etiam tristitiam, ob mutatam patriam & exilium, quod cum initio gravius eveniat (est enim fugax timidumque animal rana & facile potest turbari) semel institutum silentium postea æterna oblivione vocem obliterarit. Licet & morbos in alieno aëre comminisci, quorum tædio paulatim obrepserit taciturnitas. Omphino est aliquid in terris peculiare, sive id & ranæ sentiant, mutanturque, sive aliunde afficiantur. Afferat quis etiam, ideo vocem non mittere in istis locis, quia suos hostes metuant ibidem frequentes, vel simile quiddam halitibus hostilibus observent. Quicquid est, fateamur necesse est, aliquid sibi reservasse naturam, ad quod aditus non sit humanis ingeniis. (g)

a, c) *Plin. l. 8. c. 58. Gessn. de quadr. ovip. p. 43. b. d. g) Scaliger in com. in hist. Arist. de anim. l. 2. s. 130. f) Plin. l. 8. c. 52.*

XLII.

Secretum ad dentium casum.

Capiatur rana viridis (arborum puta) quæ de arbore in arborem scandit, & in provincia satis copiose invenitur. Sumatur ipsius adeps & eo liniatur dens, quisquis sit, & statim excidet. Ejus probatio est, quod boves comedentes eas cum herbis, dentes illos amittant, quibus ranas inter masticandum attigerunt.

Ioan. Anglie. prax. med. p. 895.

T t 5

XLIII.

XLIII.

Cur rana arborea arbores scandat.

Si quis scire velit, si non nascuntur ranae arboreae ex arboribus inhaerente, herbisque insidente semine, quae tandem necessitas cogat in frutices & arbuta arboresque insilire? Non certè ideo, ut tanquam ex specula observator, hostiles invasiones, adventusque peregrinorum proclamet, ita rana arborea hominibus, vel saltem suae societati, pluvias brexando denuntiaret ex sublimitate arborum. Neque enim adeò intelligens est & provida, sollicita vererum humanarum aut salutis bestiarum: neque pro speculatore se gerit. Ut cætera animalia motum localem, tùm victus, qui non in uno suppetit, gratia acceperunt, tùm defensionis, tametsi eo etiam utantur ad exercitia & oblectamenta naturalia, & appetitum generandi explendum: ita de ranis arboreis est existimandum.

Libav. l. 2. batrach. schol. ad c. 13.

XLIV.

Abstemii ut fiant.

Rana fluviatilis viridis, quæ salit in fontibus, vino suffocata, efficit, ut bibentes fiant abstemii. (a) Lonicærus unam ita strangulat in vini mensura, datque inseio, addens esse certum & comprobatum. (b) Causa hujus effectus est eadem cum potu suffocatae anguillæ (c) & similium in vino, vel cerevisia. Nam valida fit in ventriculum impressio, motusque, unde contrahitur ad similes liquores nausea & antipathia. Ita venenoserabidi canis mutatus ventriculus, aquam simili-

militer abhorret. Ita qui grandem, adversamque mutationem sustinuerunt, à piscibus, carnibus, &c. Assumit autem vinum ranæ vires, quæ sub eo occulta-
tæ, misto venenoso spiritu, aut succo, per vinum, istud agunt, utque in posterum natura etiam simplex vi-
num non toleret, efficiunt. Ranæ verò non præpara-
tæ, non carent adversa nobis qualitate, præsertim ex-
crementis. (d)

a) Mizalâ. centur. 1. apò. 7. b) de aquat. c) Plin. l. 32. c. 10. Dom. Leon. lib. & sect. 1. præf. c. 20. d) Libav. l. 2. bairach. schol. ad c. 11.

XLV.

Consuetæ, licet turpia, pulchra videri.

Consuetudo facit, ut scilicet res pulchræ, vel tur-
pes judicentur. Siquis offæ, vel pulti, aut juri, quæ
mensæ apponitur, digitum prius in ore salivâ mada-
factum intruderet, & in eâ ablueret, nullus deinceps
de eâ quicquam comederet, & tamen non abhorrent,
quando cochleare non unum, sed multa à multis, ori
sæpè indita, salivâ imbutâ, toties in offam intrudunt
& cum saliva permiscunt, nonne quia consuetum est
hoc facere, nemo offenditur?

Quid pecuniâ sordidius, quæ omnium mortalium
manus, etiam leproforum, lueque venereâ & scabie
infectorû, toties pertransit, quæ primo contactu sor-
des deponit, manusque contaminat, si sæpius tractetur?
tamen ab ipsius attrectatione nemo abhorret,
quod etsi lucri causa potissimum fiat, nisi tamen con-
suetum esset, sordities hæc nobis molestiam adfer-
ret.

Quid turpius, fatidius casco putri? quid magis hor-

horrendum, quàm cum vermibus ex putredine scatet? tamen plerique eo suaviter epulantur & delectantur, cum nihil putridi aliàs, quodcunque tandem illud sit, comedat homo, sed ea non tantùm fastidiat, sed & à contactu penitus abhorreat.

Quis cochleas, ranas comedit primùm & non abhorruit? tandem ex consuetudine fuit delectatus.

Plator. paradox. 12. p. 43.

XLVI.

Monstruosa Epula.

Mirum, ipso adpectu horrenda animalia, colubros, anguillas, viperas, ranas, buffones, testudines, cochleas, caneros & hujusmodi multa hominem ausum fuisse aggredi, & salutis spem ab eo capere, unde interdum summa perniciēs; quasi verò tam inopis natura fuerit, ut non opulentissimos ad vivendum thesauros, quovis in loco, ubi vita erat peragenda, disposuisset, ista verò non potius desertis remotisque à commercio hominum alligasset, imò etiam fugam eis humanæ speciei ingenerasset. At parùm erat in medicamenta ascrivisse, ni etiam contra interdictum divinum impurissimis istis corpora nostra saginaremus. Itaque ars inventa est, non quo pacto gallinas, oves, juvencos, brassicam, betam, frumenta & cyprinos rectè imponderemus mensis, sed prodigiosâ audaciâ, ingenioque portentoso vesceremur limo undarum ranis, & sordibus telluris cochleis (has legunt, cum adhuc clausa domuncula est. Nescio quàm rectè. Curenim non sinunt hybernas sordes, & inquinatio- nem herbis novis corrigi & expelli naturæ ductu? evenit certè ut inter mille aliquando vix centum pro- ben-

bentur, cæteris ob nigritiem vel maculas plûbeas corruptionis indices rejectaneis. Nam contagii aliquid concipiunt & ad putredinem principium, imò conclusis intus pravitatibus corrumpuntur porro, ne idoneæ sint ad cibum. Ita herbas non legimus statim primo vere, sed cum jam aquositas & Vapor hyemalis (a) incepit concoqui) scabieque sylvarum fungis, & putredine stagnorû ostreis, ut æternam æternæ sapientiæ arcem & domicilium eò præcipitarem in interitum magis, quò ista sunt in perniciem procliviora. Hos artifices mitti oportuit ad Indorum Gymnosophistas, ut discerent stercoraceis cibis utentes homines, ad diuturnitatem speratam non posse pervenire. Et tamen, cum hæc facimus, summi potius, quàm imi, promittimus nobis ferream ætatem, multosque vitæ annos. Sed in panam hæc quoque sunt inventa, ut non deesset alimonia Medicis, quam in his quòq; elucet eximia Dei bonitas & providentia, qui inter alia errata, etiam hæc permisit, ut eo contentius tacitas naturæ vires rimaremur & undique sapientiæ omnipotentis aliquid videremus. Monstroræ istæ epulæ procul dubio inducunt animos ad similia quærenda, ne desit suæ patellæ operculum, suæque suis labris lactucæ. Consentaneum est, primam ansam edendi ranas vel è medico usu arreptam esse, vel penuria aliqua, cujus improbitas quid non tentare persuadet? Donandum aliquid etiam est sordescenti libidinibus palato, semperque aliquid novi, tanquam per certamen exigenti, quo revocari sopita multitudine deliciarum vis queat. Mira est prægnantium, & morbis correptorum cupiditas, quam malaciam & picam nuncupant. Sed vix persuaderi mihi

patior, inventæ raninæ escæ causam hanc esse. Barbaros in novo orbe & alibi existentes ferina induxerit voracitas, & ingluvies, vel araneis & aspidibus percoquendis: tametsi mitigaverit apud illos istas bestias natura, ut cum minimo detrimento queant edi: sed nobis nostra regio & facultas debebat esse explorata. Aliquando & pessimè cogitata cadunt optimè, dominanturque casus etiam in jocis & temeritate. Fors rana data mortis causa, cibus esse deprehensa est: sicut temeritas competendi invenit vim, ad reddendos abstemios, citra noxam aliam. Alios decepit imprudentia. Relinquantur extremæ necessitati ista, tanquam ultimum, ad quod maxima confugiat fames. In deliriis & lautitiis mensarû ego non tulerim. Itaque & semel comestis ranarum fluvialium clunibus, & unâ duntaxat cochlea, non percepi tantum oblectamenti, ut nullâ necessitate compulsus repetere velim. Consultius itaque foret, nullâ urgente necessitate, à ranarum esu prorsus abstinere, easque hydrys & anatibus relinquere. (b) Quia enim laxæ & humidæ sunt, putrefactioni obnoxie sunt. Unde tutius & longè laudabilius existimandum, hos cibos interdici, aut parcius sumi, quàm vitam tali periculo committere, præsertim iis, qui vitæ pereunitati student. (c)

a) Libav. l. 1. batrach. schol. ad c. 16. Sennert. l. 4. instit. part. 1. c. 3. b) Libav. l. 1. batr. schol. ad c. 15. l. 2. c. 10. c) Portal. 3. Physiogn. c. 4. & 16. l. 5. c. 4.

XLVII.

Ranarum edulium electio, preparatio, coctio.

Quod si tamen seu libido, seu necessitas persuaserit,

rit, legendæ sunt ranæ edules istæ fluviatiles, in fluviis puris, vel potiùs vivariis piscium habitantes, flavæ vel virides, non socordes, sed strenuè & alacriter suum βαρενὲξ κοῦξ personantes, saltandoque & natando sese exercentes, idque non primo vere, cum succus hybernus nondum est concoctus, nec è locis frigidioribus, ubi potissimum torpent, nec canunt solerter, habentque succos crudos, & difficillimos digestu: sed æstate, è locis calidis, puris, ortui seu Euro patentibus. Corpus debet esse succulentum, non macrum & morbidum, justæ magnitudinis. Neque enim Gyrini aut parvæ ranæ ad esum sunt commodæ. Ita lectæ stringuntur, detrahendo cutem, postea eviscerantur, omniaque interanea, cum capite & pedibus minoribus abjiciuntur, servatis duntaxat armis, tergo, coxis, ubi musculosa caro est candida. Aliqui omnibus rejectis, coxas duntaxat in lautitiis habent. Ex his initio succi feri & limosus sapor excoquitur aquâ, vel vino, ut lubet. Coctæ lavantur, repurganturque aquâ falsâ diligenter, ne quid excrementitii maneat. Inde variè parari possunt, prout gula expetit. Amant aliqui frixas in sartagine vel butyro: aliqui coctas ex jure gallinarum: & miscentur interdum clunes avicularum, ve etiam totæ aviculæ, ne quid nausæ convivis creetur, qui fors non omnes eodem cibo delectantur. Asperguntur aromata, ve etiam unâ incoquantur, ut macis, Cinamomum, Zingiber, Charyophylli, &c. Sed ut in esu Ostreorum & Cochlearum vinum generosum præclarè confert, ita & in ranis. Difficilius enim concoquantur, sine vino bono & aromaticum conditura. Quocunque verò artificio præ-

paren-

parentur, solis non est implendus ventriculus, sed alii addendi cibi, nisi quid consuetudo inolita suaserit: & ubi vis sal optimum condimentum requiritur. Utriusque liores erunt, ubi per cibum medicandi consilium est, ut in Phtisi, Elephantiasi, cancro & similibus, ubi tamen adijciendi sunt pulli gallinacci & similia: imbecillibus ventribus, frigidis, humidis, excremento scatentibus, febricitantibus &c. inutiles sunt, cum alia etiam sint succi difficilioris, possintque mala coctione febres parere.

Libav. l. 4. singul. p. 311. & seqq.

XLVIII.

Cur nubes purpurea, vespertino tempore phaenomena, serenitatem portendant, matutino vero tempore pluvias.

An vespertina rubedo à nube existit, solis aestu exsiccata diutno, ad pluviarum generationem inhabili? an vapores rubedinem vespertinam repraesentantes terræ vicini, nec ob defectum caloris, ad mediam aëris regionem elevati, nocturno frigore in rorem concreseunt, ad ortum pluviarum pauciores? an aëre motum calis sequente, pluviae ex solutis istis nubibus nocte in altero haemisphaerio contingunt, serenitate mane subsequente, perpurgato aere nocturna pluvia? an matutinae aquorae, calore solis elevatae facilius in pluvias eliquantur? unde ut plurimum matutina rubedo pluviae est praenuncia.

Libav. l. 2. probl. 189. Tand. disp. 5. meteor. probl. 2. Keckerm. disp. 8. curs. phil. probl. 2.

XLIX.

Roris etymon; ejus vis rodens, emacians, & consolidans.

Rorem vocant Græci *ῥέοςον* ὡς τὸ ῥέειν à fugiendo, quod orto Sole fugiat. Latini à raritate denominant, quòd non adeò densis & plenis guttis descendat. (a) Prætenui enim constat aspersione, quæ vix manu percipitur. (b) Semina rore irrigata, rubigine exeduntur, quam *ἑρυσίβην* dicunt: ita subtili vaporum acrimonia cutim abstergit & arrodit. (c) Quare puellæ malè & incogitanter agunt, quæ calendis Maii, rorem, quo corpora polire atque tingere conantur, colligere student. Rori enim naturâ inesse vim quandam rodendi certum est. (d) Mulieres quoque paulò habitiores, olim, ne ob corporis obæsitatem pugiles esse viderentur, teneris & perlustribus vestimentis, ex lana molliore, aut ex Melita tenera gossypii lanugine, rorem excipientes, corpora demaciabant, ne *πλυσπερκία* onerarentur. (e) Ac ego, stratis in vere, tempore antelucano, super gramina, lintheaminibus, hunc excepî: expressumque, ut à sordibus graminî adhærentibus expurgaretur, despumareturvé, decoxi, & in decocto lintheolos madafactos ulceribus Phagedænicis applicui, & roris acrimonia absterfa & siccata, consolidavi. (f) Plantarum vires, quas irrorat, adsciscit. Is certè, quî ciceribus nigris circa Solstitium inhæret, ad scabiem depellendam mirabilis est. (g)

a) *Isidor. l. 13. c. 10.* b) *Magis. in comment. Phys. l. 4. c. 6.* c. fr.) *Langius l. 2. epist. 30.* d) *Celsus in parit. me-*

U u

scora

teor. sect. 25. art. 2. e) Plutarch. de caus. phys. g) Bernb. Saec. 1. 4. hist. Ticin.

L.

Cerva Roris matutini avida.

*Ore capis patulo rorem vaga Cerva cadentem ,
Rore rigens nobis torrida corda DEUS.*

Cerva matutino tempore, Sole jam exoriente, æstivis mensibus, tam propter corporis sui caliditatem, quam cæli æstum, purissimum rorem hiantes ore, jucundè excipere, atque eo sese reficere solet. Designat autem Cerva hominem religioni ac pietati deditum, ac cupidè, rebus omnibus aliis spretis, divinorum oraculorum suavissimas meditationes, præsertim sub aurorâ, quando animus debet esse purioribus & sanctioribus cogitationibus intentus, vacantem, ut, quibus tanquam saluberrimo pabulo & desideratissimo rore mens nostra calitus nutriatur & recreetur. Sic veteres S. Doctores quoque per rorem significari in S. Scriptura doctrinam cælestem tradunt, quâ nos solâ sustentamur ac proficimus. Quod abundè etiam ostendit S. David, in psalmo isto pulcherrimo 118. quem omnes pii semper meditari & memoriæ mandare debent. Idque inter alia infinita præclara dicta Gregor. Nazianzenus, quoque hoc disticho nos monuit:

δεῖρ' ἄγε κόσμον ἀπεινὰ καὶ ἄχθ' αὖ τῇ δ' ὑπολαίψας,
ἱστον ἐς ζωὴν ἐργαζίνην πέτασον.

*Eja age & hic omnem mundum fæcesq; relinquens,
in calum cursu dirige velatino.*

l. Camerar. cent. embl. ex anim. quadr. 43.

LI.

Ros quid, cur serenitatis signum.

Ros non cadit, nisi sereno tempore & tepore. Nam nubiloso non cadit. Est enim exhalatio à terris, humore & aquâ attractâ in aërem per calorem. Quare nubiloso non potest trahi: & si trahitur, cogitur in nubem. Item si sit frigus serenum, cogitur in pruina. Ergo & calor exigitur, quo attrahat, & absit frigus, quod non cogat, utrumque præstat ab Austro, eo enim flante fit tepor. Serenum autem Austrum esse videmus: præsertim per hyemem. Nam ut Ethe-
 (a) Sed cur serenitatis signum, secus alia præhumida meteora? an vaporis nomine, non nisi sudo suscitati, & eodem tempore descendenti subtilioris? an cætera meteora non nisi ex crasso & nubilo vapore, sereno quidem tempore lubecto, sed non nisi nubili, ob sui densitatem, cruditateque auctore? (b)

a) *Sealig. in com. in Arist. hist. de Animal. l. 5. text. 207.* b) *Ruland. l. 2. probl. 220.*

LII.

Roris farinacei descriptio, ejusque noxa.

Est quædam Roris species, ab Aristotele prætermis-
 (a) Pastoribus autem & acricolis nota, quem ro-
 rem melleum vocant, Germanicè hōntgthaw / fre-
 quens verno tempore, cum arbores florere incipiunt,
 præcipua arborū & pecorum, in primis autem ovium,
 pestis. Generatur ex vapore crasso, pingui & oleoso,
 frigore noctis concreto, adhærescens floribus, foliis,
 herbis & oleribus, ut quasi melle perfusa videantur.

Exorto autem Sole, ubi ros ille arescere inceperit & in pollinem albicantem, qualis molendinarum parietibus adherere *(b)* cernitur (Germanis hinc *Melstham* / quasi ros farinaceus, *(c)* *Milthau* *(d)* dictus) converti: gemmæ arborum, quæ jam flores protrusuræ erant siccitate contrahuntur, ac in eis pellicula quædam, in qua vermiculus inclusus est, qui id, quod fructum producturum erat abrodit, arboresq; steriles facit. *(e)* Græcis hinc ἀσφολισμός, latinis sideratio dicitur *(f)* vapor etenim inconcoctus crudusque, ob materiam crassam, pinguemque, facile corrumpitur, & ob immixta heterogenea in virus abit, quod calore urente rubiginem *(g)* & putredinem, humidum radicale exsiccando, *(h)* satis adfert & tabem, cum destituatur humido alibili, quod inest pluviis. *(i)* Animantibus quoque officit, cum herbis insidens, admodum viscosus, nec dum à Sole decoctus fuerit, atque ab illis avidius, quia dulcore tinctus est, imbibatur, *(k)* Accendite quidem illorum humores, ita ut acredinem, venenatamq; qualitatem morâ *(l)* acquirant, fluxiles ferèq; biliosi fiant, inducuntq; symptomata illa cuncta, quæ bilis fervor & ferocia ejus deproperant, ut febrilis æstus, cholera, ac biliosa dejectio, scabrities linguæ &c. qui affectus ὑβεργασίῃ nostris dicitur. *(m)* Ideo vigilantiorū pastorum erit, non prius abjicere in pascua gregem, quam Sol rorem summis graminibus hærentem magna ex parte consumserit *(n)* Potest etiam hic Ros ad pluvias referri, quibus non est dissimilis. In magna etenim cali varietate, etiam cum Sol splendet, minutissimis guttulis facile & sine strepitu delabitur, & rebus nascentibus exitio est. *(o)*

a) l. i. met. c. 10. b. c) Liebler. *epist. phil. natur.* p. 311. c. g. i. m) Hockstetter, *decad. 4. obs. schol. ad eas.* 2. d. o) *Magis. com. in physiol.* l. 4. c. 6. f) *lun. in lexico.* h) *Tandl. disp. met.* 6. th. 24. & 25. k) *Cellar. partit. met. sect. 25. art. 2. l. n) Ruland. l. 2. probl. 222.*

LIII.

Cera estne de substantia florum, an etiam aliunde venit sicut Mel?

Si Cera esset succus florum, etiam ipsi flores forent cerei. Nihil tamen ex ipsorum substantia interna producit Chymia. Quæ item arbores, quique flores resinas, lacrymas, gummi, &c. fundunt ex se, nullam unquam ceram exhibuisse sunt comperti. Ceram nullus fecit sine melle. Itaque & ubi non est mel, ibi nec cera. Si cera absq; melle esset, seorsim fieret. Cum melle ergo cadit, nec unquam fuit substantia plantarum. Adde quod in superficie florum reptantia insecta, legant ceram cruribus. Si esset plantarum succus, non haberet per se eundem saporem, temperaturam, odorem, consistentiam, quæ in diversis sunt diversa: sed in cera omnia eadem, nisi ex accidente, eveniat varietas. Nullus est succus plantarum, quin suæ matris naturam referat. Nec ars potest imitari ceram, posset autem si esset succus plantarum. E succis enim tanquam materia conficeretur. Pedibus apum convehitur cera. Pedes non ita abstergunt substantias rerum. Nihil ergo est eorum. Et tam mel, quàm cera fiunt absque jactura florum & fructuum. Aliud ergo ab ipsis est. Non marcescunt, non pereunt: non fiunt inferiores virtutibus. Manna quoque absque favo genita misturam mellis & ceræ repræsentat.

Uu 9

Con-

Consentaneum itaque videtur, eundem ortum esse utrique & materiam eandem. Atque Philosophi mel duntaxat rorem esse scribunt: ceram ex floribus peti, tempore veris adeo obviam, ut si diminuta in alveis fuerit, brevi instauretur. Hyeme vix cadit ros melles. At etiam tunc in Ponto fieri favi dicuntur, ex flore hederæ. Ita cernimus floribus insistere vel ex eis emergere quandam farinaceam asperginem, quæ mista aqua videtur materia ceræ esse, nec absimile est id, quod in cruribus gestant apes. (Floribus juniperi, liliorum staminibus &c. multa adest ejusmodi farinacea substantia, quam ceræ materiam putamus. Itaque & sublimatur cera ex floribus si illa stamina cum pulvere suo imponantur) Si cera caderet cum rore melleo, vel peculiaris species roris esset, inveniretur per se aliquando solitaria, etiam super foliis, truncis, lapidibus, ramis &c. Jam etiam apes eam seorsim sine melle colligunt, quod fieri non posset, si comes mellis foret à primâ statim generatione. Nec cera abit in formicas, sicut mel. Probabile itaque est, non quidem succum plantarum, florumve esse, sed tamen ex iis nasci & veluti exudare, coagulatam foris in specie *σπογγίως* farinaceæ, quæ etiam detergi à floribus potest. Quid si sudor esset florum subtilis, junctus roris melle tenui aspergini & unâ exsiccatus, aut farinacea illa materia eo imbuta? Philosophus videtur lachrymas arborum & florum sudorem, vel simile quid ex illis, ceræ materiam ponere, cum scripsit, ceram ex lachryma arborum fieri (a) & ex floribus (b) legi. (c)

a) l. 5. b) l. 9. hist. de animal. c) Libav. l. 2. sing. p. 112.

LIV.

Manna descriptio, ortus, an cum Manna Hebraorum idem.

Manna (Galeno (a) ἀρόμελι, & θροσόμελι mel aëreum & roscidum) est vapor terræ succosus & optimus, æstatis calore elevatus, & in aëre in dulcem liquorem excoctus, noctis frigiditate coactus, & roris modo supra arborum & fruticum folia decidens. In Calabria, circa canis ortum ex Fraxino, & Orno, ab incolis in usum medicum colligitur. (b) Manna Israeliticum, initio divinæ potentie coactum ex natura fuit, & naturali nutritionis usui cessit, diffuens Solis radiis, ut vulgare Manna. Miraculosum itaque est, tum procreantis vi, tum copiâ & continuitate tantâ, tum efficaciam in alendo & elaborando perquam commodè. Naturale verò, respectu materię, loci natalis & collectionis, item corruptionis, quâ in vermes putrefactum abiit, vel à Sole colliquatum periit. (c) Valerius (d) alique recentiores, eandem omninò rem, & secundum suam naturam ejusdem speciei cum vulgari fuisse statuunt. Conveniunt quidem plurima, quæ de Manna, quo Hebræi annis 40. in desertoalebantur, dicuntur (e) etiam vulgari: in illo tamen à vulgari discrepare videtur, quod ex eo mola fracto, sive in mortario trito, & in olla cocto tortulæ sive placentulæ fiebant, (f) vulgare enim non est tantæ duritiei. Ut ut sit, in hoc omnes conveniunt, plurima, quæ circa Manna Hebræorum contigerunt, naturalibus causis attribui non posse, sed solius DEI Opt. Max. potentie infinitæ assignanda esse, (g)

a) l. 3. alim. b) Baubin. in pin. th. botan. l. 12. sect. 6.
 c) Libav. exerc. de melle th. 41. d) de sacr. phil. c. 57. e)
 Exod. c. 16. v. 14. Num. 11. v. 7. Psalm. 78. v. 24. Johan.
 6. v. 31. f) Sapient. 20. v. 16. g) Sennert. Physiol. l. 4. c. 8.

LV.

Miscâ panis melli injectâ, cur mel corrumpatur.

Melli adversatur panis, à quo facile corrumpitur, inque vermes abit, cum tamen farina misceatur, & in placentis dulciariis duret absque damno. Utrum, quod fermentati ea vis sit? an panis cū aqueo humido accipit *diva* adversâ? si verò mera farina subigitur, mel dominatur, itaque obstitit corruptioni. Panem certè putrescere & mucidum fieri videmus, idque brevi calore ambientis, nisi sæpius sit coctus. Farina verò diutius durat. Cum itaque tale principium in mel incidit, corrumpi id contingit, præsertim pane raro existente, & aërem externum trahente. At alioquin fugacibus fructibus servandis mel est idoneum, Sed accidit pani fermentatio. Malsa quoque corrumpitur in acetum, ob mistam aquam, vel vinum, quod item aquosum: nec potest abire in vermes, ob abundantiam humidi. Crassum verò mel consistit, in speciem animalculorum. Fiunt aliàs animalcula in putredine, non quâ putrescit quid, sed qua vitale principium consistit & segregatur à non vitali. Mel per se non facile putrescit. Necesse itaque est, peregrinam dispositionem inductam esse, quâ calor proprius & humidum ejus evocatum consistit. Ea autem est panis humiditas, quæ postea contagio mel inficit

ficat, & ab ambientis calore facile evocatur, fitque ut peregrina superfit. At mel est igneæ naturæ. Ignem negat putrescere Philosophus, quia non potest vinci ejus actus, actu ambientis. Sed & aereum mel est. Aerem putredini obnoxium esse idem fatetur. Chymici etiam aquositatem quandam extrahunt, quæ & ipsa eidem passioni subjacet. In placentis non durefcit mel, tum quod dominetur, tum quod ignibus peregrinum humidum sit edomitum. In hydromelite idè quoque corrumpitur, quia præter Aquam, etiam fermentum additur. Hoc autem facile acorem præstat, sicut & vino & massis.

Libav. l. 2. singul. p. 87. & 108,

LVI.

Mercurialis pluvie descriptio.

Mercurius Macrocosmi corruptivus (ex corruptis ipsius primis principiis, Mercurio volatili, sulphure dissoluto, sale resoluto) sæpè forma pulveris cinerescens vel albi, super arborum folia cadit, atque in aere volitat, atque est mirum, quantum venenatus, & solâ analogiâ cerebro, non cordi, non Epati, adversus. Observavi illius casum & volatus his annis sæpissimè: observavi illius cum pluvîâ descensum. Ita etiam Tetragrammaton Numen Deut. c. 28. v. 24. his verbis minatur: efficiet Jehova, ut pluvia terræ tuæ sit pulvisculus, aut pulvis è calis descendet super te, donec excindaris, vel ad proprietatem hebraici textus: dabit Jehova pluviam terræ tuæ Pulvisculum, id est, veluti flos tenuissimi pulveris illic volitabit. Achim. 652. Chronographorum fide talis pluvia Cinerum calo delapsa est. Exemplum, ejusmodi

44

plu-

pluviz Mercurialis recenset etiam Joan. Hayus, cujus verba propria usurpare hoc loco non inconveniens duxi. D. 22. Julii, 1596. per totum diem Meaci, ejusque finitimis locis, atque etiam Fuscimi, in Japponia, in magnâ copiâ pluit cineribus minutis, quibus tecta, montes, arbores, quasi nive operiebantur, totoque illo die, tanta fuit aëris caligo, ut multi capite dolerent, plurimis Cor mœrore & melancholiâ obrueretur. Eodem die Ozacæ & Sacaiz pluit minutissimâ arenâ non nihil coloratâ: superiori pluviæ mox successit copiosissima pluvia candidorum longorumque capillorum, qui nihil distare videbantur à capillis mulieris vetulæ, nisi quod essent molliores, deinde quod in ignem conjecti non reddebant odorem tetrum, uti veri & naturales: & duravit ad diem medium. In Regnis ad Septentrionem sitis, ut Jechu, Jechingo Scimano & Noto tanta copia delapsa est, ut tota terra omniaque tecta hujusmodi capillis essent operta, quæ res, ut erat nova & insolita, ita non exiguum stuporem omnibus attulit, & magnum etiam terrorem incussit.

Rhumel. de morbo castrensi. c. 3. & 6.

LVII.

Qui fit ut homines aquas quasi calcant, & per eas erecti incedant, licet usque ad pedus insistant.

Ita Balenarum genus dicitur, se è mari erigere, & nonnunquam incubitu naves deprimere. Nimirum æquilibrium studiosè observandum est, in quo & manuum libramento se continent. Fit ergo ut quasi cen-

tro

tro insistat tota moles, nec videatur plus aqua indigere, quam quod satis sit pedibus in aqua sustentandis. Ita qui perticas in pollice erectas, vel etiam nasogestant prolixas, centrum & aquamentū quærunt, caventque ne nutet reliquum pondus. Facile item promovemus scalas erectas soli, quas alioqui ob gravitatem protrahere & gestare non possumus. Ita navim centro movebat Archimedes, pollicitus se orbem terræ moturum, si daretur locus standi.

Libav. l. 2. sing. p. 202.

LVIII.

Incrementi & exundationis Nili causa.

Cùm in re obscurâ & conjecturis involutâ etiam mediocris industria veniam potius, quàm reprehensionem, odiosamque insectationem mereatur: boni lectores ignoscent nobis causam Nili, quæ ita dubia est ut proverbiale sit: Nili caput quærere, inquirentibus si non satisfecerimus. Putamus autem incrementi & exundationis Nili (qui 7. grandibus ostiis effunditur & influit in mediterraneum) causam esse, tum imbres, tum solutas magnis æstibus nives, ex immanibus Æthiopix jugis largius, quàm ripis accipi queant, defluentes. Nam navigantes experientia docuit, imbres assiduos regiones ultra Equatorem infestare. Et Plinius tradidit observatum, prout nives imbresvé in Mauritaniâ satiaverint, (id est, plures aut pauciores fuerint) ita parciolem aut uberiolem venire Nilum. Et latera borealia, etiam illic nivem habere, inde colligere licet, quod Senecæ seculo Atlas æstate, circum altissima juga nivofus visus esse scribitur. Quæsitum etiam est de causa suavitatis

Aqua

Aqua Nili: quæ tanta esse prodita est, ut militibus Ægyptiarum stationum petentibus vinum responderit Pescennius Niger Imperator: Nilum habetis, & vinum petitis? Sed in ambiguo manet, causam huius laavitatis ad aquæ ipsius naturam, seu nativam qualitatem, an ad Solis operam & *ivégyenar*; an verò ad cursus Nili longinquitatem (longo enim cursu exercitus humor attenuatur) referenda sit.

Goglen. P. comment, in c. 28. phys. Corn. Valer.

LIX.

Pluvia non descendit ultra 10. pedes in terram.

Ego tibi, diligens vinearum fissor, affirmo, nullam pluviam esse tam magnam, quæ terram ultra 10. pedes in altitudinem madefaciat, omnis humor intra primam crustam consumitur, nec in inferiora descendit.

Seneca. l. 3. quest. nat. c. 7.

LX.

Admirandi stagni in Carinthia descriptio.

In Carniola prope Metropolim Labach est Stagnum, sesqui miliaris quæquaversum spacio, altitudine verò alicubi plusquam 18. cubitorum, cinctum undique montibus: quod singulis annis sub finem Autumni repletur aquis, nemine sciente unde illa Aqua veniat, estque valde tum piscosum, magna vi piscium ex cavernis terræ fortè egesta. Vere autem adventante aqua omnis absorbetur (adsunt enim apertæ ad finem scrobes, quasi immanium speluncarum sub illis montibus, fortè aquam absorbentes) & fundus in quo antè paulò piscati sint, ab accolis colitur & metitur

citur herboſiſſimus. Meſſe peractâ commodum ibi
venari: nam locus feris & avibus abundat.

Bartolin. l. 1. de aquis c. 14.

LXI.

*Oceanus ab ortu in occaſum propenſius fertur, quàm
ab occaſu in ortum.*

Qui ex Hiſpania occidentem verſus Americam pe-
tunt, ut obſervavit Columbus, curſum intra menſem
conſicere poſſunt, reditum autem iſdem ventis
ſecundis vix intra tres vel quatuor menſes, ob niſum
aquarum contrarium. Eandem motus tarditatem
obſervarunt Luſitani, quando caput bonæ ſpei Afri-
cæ prætereuntes in Indiam Orientalem contendunt,
licet ſecundis navigarent ventis. Sic in mari medi-
terraneo, qui ex Hiſpania in Palæſtinam contendunt,
plus temporis eundo, quam redeundo conſumunt.
Cauſam huius motus eſſe putamus Aſtrorum curſum,
quem ex oriente in occidentem quotidie in cælo fie-
ri, doctrina de Stellis expoſuit. Sidera ergo aquas
non nihil ſecum eandem partem verſus vehunt.

*Bartol. l. 2. de Aq. c. 4. Keckerm. curſ. phil. diſp. 1. co-
roll. geograph. 2.*

LXII.

*Aqua poſtquam efferbuit, cur frigore concre-
ſcit ociùs?*

An quia contraria ſibi oppoſita efficacius agunt, fri-
gus enim plus in calidum, ut contrarium, quàm in
frigidum, ut ſimile, agit? An quia calor partes aquæ
tenuiores hauſit, craſſiores reliquit? ob id enim lu-
tum citius quàm aqua pura coagulatur, quia craſſius
eſt.

Bodin.

Bodin. l. 2. th. nat. p. 202. Cellar. partit. Meteor. sect. 27. art. 1. Cornel. Valer. instit. phys. p. 84.

LXIII.

Cur aqua calida ociùs ad Solem refrigeratur, quàm in umbra gelida?

Quia simile allicit simile, & eliciendo debilitat. Sic ignis languescit, sæpè etiam extinguitur à Sole. Contraria autem contrariis opposita magis vim suam exerunt.

Keckerm. curs. phil. disp. 4. coroll. 5. Bod. th. nat. l. 2. p. 154.

LXIV.

Aqua mense Martio collecta, cur durabilior, pleuritidi & oculis confert.

Aqua è liquatione Nivium, mense Martio labentium, imò omnis reliqua Aqua, quæ eo mense colligitur, durabilior, & minus obnoxia putredini, quia Sol circa æquinoctium Vernalium, in Signo Arietis constitutus, temperatioribus radiis sparsis, aquam & terram nec nimis densat, nec nimis etiam attenuat, quæ autem temperata sunt & moderata, eadem quoque durabiliora sunt. (a) Aqua ex nive mensis Martii, in pleuritide probatur. (b) Absque ullâ aliâ re adhibita, in affluxu calido, loco collyrii est in rubore oculorum. (c)

a) *Keckerm. curs. phil. disp. 7. coroll. 16.* b) *Plater. de dol. p. 440.* c) *Crato conf. 21.*

LXV.

Cur aqua tepida ferventem frigesfaciat?

Cur Aqua tepida ferventem refrigerat? cum tamen medi-

medicamenta calida (si caliditate nobis inferiora sint) nostrum calorem adaugeant? antepida ferventi aquæ affusa non tam caloris gradum intendit, quàm substantiæ quantitatem auget, cumque sit per majorem molem parùm aucta quâlitas latius distributa, minor certè in qualibet portione persentitur? An medicamenta substantiæ naturæ, cui inest calor, mole non adaugent, solam qualitatem intendunt?

Ruland. l. 1. probl. 154.

LXVI.

Cur in aqua scyphum, ad summa labra plenissimum, centum immixtis aureis nummis, nihil effunditur.

Ratio est, à cohæsiōe partium aquearum & labiorum scyphi siccitate. Namque in cumulum ad medium intumescit aqua. Quod si labris apponitur ita, ut madesiant, per eam partem delabetur Aqua. Animadvertendum etiam, quòd demisso nummo non nunquam exire videntur ampullæ quædam.

Scaliger exerc. 101. 19.

LXVII.

Aquarum strepitus unde.

Aquæ collisio fit, aut cum aliis, aut cum seipsa. Cum aliis, ubi vlex alto cadens colliditur, vel cum subjectis saxis, vel cum aqua alia. Cum seipsa, quibus in locis ob angustias colluctatur. Utroque modo cum seipsam frangit, veluti quando silicibus objectis & pugnât, & urget, & tundit & retunditur. Quemadmodum contra, non casu, sed ex inferiore loco imminentes impetens scopulos adlatrat. Neque secum solum

solum nec cum saxis, aliove solidiore obice, sed cum ipso quoque aëre concurrens strepit, in quem facit impetum aliquo modo, quare non magis erit in aquâ ipsâ, quàm in saxorum angustis strepitus: sed ut à saxis elisis, in aëre: sic & in aëre, ab aquâ. (4) Frigidioris autem Aquæ major est strepitus, quia gravius cadit, calida verò permixta aëre est; quò ergò quid aëreum magis, eò minorem sonum edit: hinc oleum effusum strepitum non edit. Major enim collisio est inter solidiora corpora. Maximus etiam fit strepitus, cum inter saxa vehemens fit & frequens percussus, & qui in abditas vastasque cavernas reboat, quoque surda stri interdum sunt accolæ. Ob hanc inter duras cautes conquassationem, horrendus sonitus in Nilo est, ubi supra Siensem inter occurrentes scopulos pluribus milliaribus tanto cum impetu ruit, ut propè habitantes perpetuò sint surdi. (6)

a) Scaliger. exerc. 58. b) Bartolin. l. 1. de Aq. c. 12.

LXVIII.

Carnes semi-elixa frigida abluta felicius: pisa ferventi aquâ abluta, infelicius elixantur, aquâque puteanâ tardè mollescunt.

Carnes semielixæ, aquâ frigida ablutæ, felicius elixantur, quia calor internus per actionem frigoris auctus, elixationem perficit. Legumina ut Pisa &c. si primò ferventi aquâ abluantur, non possunt deinde elixari commodè, quia vehementi illo calore partes tenuiores resolvuntur, manentibus partibus solidioribus & terrestribus. Eadem ratio reddi potest, cur legumina sale conspersa difficilius coquantur. (a) Sed cur Legumina aquâ puteanâ tardè mollescunt?

lescunt? An quod illa crassissima, ideoque immutatu difficillima? an quod ignis calorem agrè concipiat ob sui crassitiem? quippe, quod tenue, rarumque est, alterationem facilè subit: crassum & densum contra. (b)

a) *Keckerm. disp. 9. coroll. 2. & 4. b) Ruland. l. 1. problem. 169. De aqua caleosis vide Libav. l. 1. de fer. Tub. 8. 8.*

LXIX.

Strumarum ortus controversus.

Quædam Aquæ gignunt Gulæ tumores, vel gutturiss quos vocant Strumas & Broncoceles; quo morbo omnes laborant incolæ nonnullorum locorum in Alpibus, ultra Salisburgum, Oenopontum, Curiam, que Rhætorum: item in Stiria & Carinthia: item alienubi in montibus Pyrenæis. Nec incolis id tantum illic natis vernaculum est vitium, sed etiam advenis, qui si collo etiam anserino graciliore advenerint; & aliquot annos de his fontibus potaverint, guttura eorum, veluti taurorum colla, quibus pallearii dependent, referre videbis. Imò, quod omnem superat admirationem, lignis etiam & virgulis, in aquas quasdam ibi projectis tubera adnascuntur. Eorum, qui ibi nascuntur, penè nemo eo vitio caret, penè omnes inepti sunt ad loquendum, & ferè amentes. Causas quidam conjiciunt (a) 1. cum Scaligero in nives liquefactas, unde aqua multum terrestris frigoris, crudi & tenacis contineat. Cumque crudum repugnet resolutioni, gutturis hæret musculis & glandibus terrestre, quod proptereaqueum sese insinuavit, ibique concretum durefcit. (e) Sed cum hoc, in aliquibus solum locis regionis illius, ubi Nivium aqua in usu

est, accidat, ut in Valesia nostræ inferioribus tantum ferè illius vallis partibus, non videtur verisimile. Sed quòd ejusmodi colli strumæ & scrophulæ illæ plures simul corpora invadentes, populares sint in quibusdā regionibus, illud potiùs dispositioni cuidam naturali istorum hominum ad eas suscipiendum aptæ, attribuendum. Quæ quoniam hæreditaria, & à parentum semine, continuâ generis successione propagata glandulisque innata est, quod in certis locis hi affectus adeò vulgares sint & regnent, efficit, quam hujus rei causam statuere, quàm aquam aut aliam aliquam, minus mihi videtur à ratione alienum. (e) Cardanus, frigore gulæ tumorem concreescere scribit, & à lacunalibus aquis gigni. (d) Sed non omnis lacuna gignit hoc, præterea non omnis aqua frigida. Nullum enim tale vitium in Syria, in Africa, Arabia, Persia, India, Troglodytica, cujus aqua tam esse gelidas scribunt Lusitani, ut incolarum dentibus vitium faciant; Peregrinos torminibus necent. Item universa Germania inferior, Sarmatia, Scythia, Nort-Wegia libera est. Et ex lacunis bibunt Arabes, bibunt Lybies: è gelidis Islandii. Nulli tamen ibi Gutturomes. (e) Baccius ad Gypsum refert; sed cur non gutturosi, qui Albulas bibunt, aliasque gypseam maximam continentes? (f) Langius, in halitus mercuriales & aquas Mercurio affectas causam confert. (g) At halitus illi in pluribus abundant metallis & aquis, neque tamen inde tam multi gutturosi. (h) Putandum ergò peculiarem & occultam esse proprietatem loci & non satis explicabilem, quæ communicatur plantis, herbis, aquis, fructibus. (i)

a. f. h) *Bartol. de ag. 8. 15.* b. e) *Seal. exere. 60. sect. 2.*
 & c. c.

Ex. 54. Comment. in Arist. l. 1. de hist. anim. text. 98. c)
Plater. de vit. p. 239. d) de subtil. l. 2. p. 179. a. g) l. 1. ep.
43. i) Forest. de tum. p. n. l. 3. obs. ad schol. 13.

LXX.

*Aquæ per plumbeos canales fluentes, an sint
causa dysentericiæ.*

Aquæ quæ per plumbeos canales defluunt, suspensæ nonnullis habentur. (a) Plumbum enim per cerussam fit & nascitur. (b) Cerussa namque, Græcis *ὑπερίδιον* dicta, (c) pota, ac dentibus & gingivis, quas albo colore inficit, impacta, linguam & paristinia aspredine exulcerat, tussim siccam & singultum commovet, & ex ventriculo nauseabundo perniciosum halitum eruat, eâ caligine oculos suffundit, corpus veterno algere, membra & crura torpere ac vacillare cogit, & cum soboles parentis referat vitia, & plumbum cerussam, dum aceto infunditur, evaporat, aut cum sulphure decoquitur, parturiat: quis plumbû de eadem cerussæ virulentiâ participare negabit? cujus solo viroso vapore, dum funditur, artifices plumbarios pallere, artus & sanguinem exuri, Vitruvius asserit. (d) Proinde Plinius: dum plumbum, inquit, coquitur, munienda sunt spiritus foramina, alioquin plumbi è fornacibus halitus noxius sentitur & pestilens, ac à canibus occisimè. (e) Quare tam præclaris testimoniis & ratione fretus, fistulas aut siphones ex plumbo, ad aquæ ductus non probò: sed fictiles tubos, à plaste diligenter vitreatos, ne aquarum limus illis adhæreat, longè præfero. At ii, si defuerint, aut superingestam terræ molem ferre non potuerint, tùm, præcipuè si sub terrâ defodiendi

erunt, canales ex pini arboris trunco torno oblongo excavatos, ob insitam illis resinam, qua ipsorum & aquarum putrefactioni resistunt, non improbarem. (f)

2) *Avic.* l. 1. fen. 2. doct. 2. c. 16. *Galen.* l. 7. de med. sec. loca. *Bruxerius* l. 16. c. 8. de alim. *Fuchf.* de med. morb. l. 3. c. 15. *Mirald.* cent. 2. aph. 3. *Riolan.* de diat. san. c. 9. *V. Schönf.* c. 8. conf. de dyss. *Fabric.* c. 3. de dyss. 9. *Petrus nosol. harm. tom. 2. dyss.* 28. *Nester de dyss.* c. 5. b) *Vitruv.* l. 8. c. 5. *Pallad.* l. 9. c. 11. *Joub.* l. 1. parad. c. 5. c) *Nescand. in Alexiph.* c) *lib.* 34. c. 17. f) *Lang.* l. 1. ep. 44. *Libav.* 1. de fer. *Tubar.* c. 3. *Heurn.* l. 1. M. p. 20.

LXXI,

Controversia decisio.

Parcant mihi magni viri, si negavero, Cerussam abradiaqua, praeferrent eam fossiores, utpote viliores, aceto, nec novi, an aqua sordes à plumbeis tubis abradat & malignam contrahat vim, quæ nervosis & membranosis partibus noceret. (a) *Quercetanus* saccharum ex plumbo dulcissimum & naturæ nostræ amicissimum elici scribit. (b) Quæ est igitur illa malignitas, aut vis corrodens in plumbo, quæ dyssenteriam causat? (c) *Weckerus* plumbi oleum intestinis dedicat, ejus guttistribus vel quatuor colicam pellit, in aqua vel liquore exhibitis. (d) *Augustæ* rarum morbum Dyssenteriam novi, at nobis aquam salientis fontis, (per tubos plumbeos ductam) frequentem potum scio. (e) Sic aquarum per plumbeos canales deductarum usus *Lutetiæ* satis est frequens, nec tamen insalubris (f) Si tamen canales plumbei, ita vetustate jam corrupti sint, aut aquæ ita comparatæ, ut à canali-

nalibus aquæ aliquid de substantia plumbi communicari possit, tales aquæ innoxie planè non sunt. (g) Unde Aëtius, ea de causa aquam pluvialem damnat, quæ defluxit per tecta plumbea. (h) Baccius aquas quasvis, quæ per regulas metallicas defluunt, vituperat, additque ipsam aquam pluvialem quæ per tonitrua decedit, ea de causa, quòd aqua hæc pluvialis acrem quandam & pravam qualitatem concipiat, stomacho & intestinis præcipuè noxiam. Usus quoque aquarum medicatarum, quæ metallorum & mineralium vires obtinent, cum cibis valdè damnat. &c. (i) Verùm, non in omnibus aquis medicatis talem noxam metuendam esse, cùm rationibus, tùm experientia suâ & aliorum probat Bauhinus. (k)

a. c. e) Höbst. 4. decad. obs. 4. p. 66. Agric. l. 3. c. 18. b) tetrad. c. 28. d) l. 2. antid. spec. p. 675. f) Renod. l. 1. sect. 1. c. 7. g) Sennert. de dyss. c. 2. h) tetrad. l. 3. serm. 1. c. 45. i) l. 21. c. 9 k) l. 2. de ag. medic. c. 1.

LXXII.

Caldaria plumbea, dum Sal excoquitur, vehementissimo etiam substrato igne cur non liquecant.

Hujus eventus causam existimo esse geminam. 1. hanc, quoniam capacitas caldarii plumbei, humore quodam largiter in fuso adimpleta, qui per porosi corporis meatus, sese undiquaque diffundens, ita ignis violentiæ resistit, ut impressionem, quam aliàs solet, facere nequeat. Etiam si itaque quemvis liquorem, actuali sua humiditate id præstare posse crediderim: non tamen dubito, quin idem hoc multo luculentius præstet aqua salsa, quoniam scilicet &

pinguior est, quàm simplex, atque ideo suo lentore magis protenditur, & intima liberalius imbuit, tùm etiam coquendo non tam facilè absumitur, sicut olea & adipēs, longissimam etiam coctionem, cùm minus exhalet, sustinere videmus: præterea ratione subtilium partium altius penetrat, & vi ad hæc adstrictoriâ insigni pollet. II. causa est, quod in omni coctione seu lixatione superna magis calent, quàm inferna; Ignis enim & ab hoc emanans calor, ex suâ natura sursum fertur, ideoque etiam superiores partes, nisi quid obstat, impensius, quàm inferiores calefacit, ibique primùm ebullitionem excitat. Norunt hoc egregiè periti coqui, ipso usu edocti, cùm eas piscium portiones, quæ coctu difficiliores sunt, utpote capita, in superiori cacabi parte, non autem inferiori seu fundo collocant. Quid verò, si non falsa, sed dulcis aqua eidem infundatur, an tùm saltem colligatum iri existimas? ego ne tùm quidem hoc futurum crediderim. At etiam si nullum in tam grandi vase periculum unquam fecerim, videre tamen licet quotidie in mensis catinos ex stanno aut plumbo candido fabrefactos an thepsis seu foculis, qui prunas continent, impositos non liquari, si modo jusculo aut aqua simplici imbuti fuerint, quantumvis muria nulla accedat: Ubi autem humore illo destituuntur confestim ab igne dissolvi incipere. Notandum tamen, caldarium plumbeum, in quo Sal excoqui diximus, non ab omni omnium ignium injuriâ & impressione immune esse. Semper enim aliqua portio decedit, adeò ut cum tertiam summùm salis coctionem sustinuit, necessariò refici, & liquatum de novo fundi illud oporteat.

P. Monavius ep. 215. ad Mercurialem, op. Scholiz.

LXXIII.

Lebetis ad ignem fundus, cur non calet?

Fundus lebetis sive aheni, in quo pisces elixantur, aut carnes, ab igne remotus cæteris omnibus in ahenis ferventibus, ita tamen frigidus est, ut sine noxâ possit contrectari; quia naturâ frigidum æs, eam quantum potest retinet frigiditatem. Retinet autem aquæ frigore adjutus fundus, quæ in ipsos poros sese induit. Propterea, quod quæ pars aquæ calefit, summum locum petit: frigida semper in imo est. Hoc autem sensu percipi nequit idcirco, quia cum effunditur, miscetur. Patet autem ex eo, quòd in lebetem si aqua calida infundatur, statim calefcit fundus. (a) Feci hujus periculum non semel meâ ipsius manu, cum alii, quibus hoc recitabam, se in fraudem allici putarent. Et me prævio, & ipsi postmodum manum innoxie admovent. (b) Addiderim rationem aliam ex naturali figurâ ignis, quæ in pyramidis figuram assurgit, & cacuminatur, ita ut ignis ibi fortiùs agat, ubi figura pyramydalis est exactior: quare cum fundus aheni latior ignem ad parietes diffundat, atque idcirco pyramidalem ignis figuram à sese propellat, fit, ut minus efficacem ignis actionem experiatur. Unde & experientia testatur, fundos acuminatos validius incallescere, acutos non item. (c)

a) *Sealig. exerc. 101. 8.* b) *Monav. l. c.* c) *Keckerm. disp. 9. corol. 6.*

LXXIV.

Plumbum in locis subterraneis augetur, sub dio, ut gravius fiat, collocatur.

Plumbi quantitas augetur, si in locis subterraneis, vel etiam humectis reponatur, quemadmodum statuarum vincula satis declarant. Præterquam verò, quod huic rei experientia attestatur, & Mercatores etiam præclare norunt, dum tempore pluvioso, plumbum sub dio, ut majus incrementum acquirat, obque id carius vendant, collocare solent; etiam ratio ipsa nobiscum aperte facit. Neque enim absurdum adeo est & puerile, cogitare, plumbi substantiam & molem augeri & incrementum sumere posse accessione & adunitione materiæ planè similis & ὁμογενῆς, aëreæ nempe & aqueæ, ex quâ per se constat, & in natali solo, ipsis scilicet terræ latentibus venis efformatur, dum præsertim circumstans frigus & obscurus tepor illis aëris qualitatibus proportionè respondet, qui in subterraneis cavernis conclusus effectricis seu formatricis causæ vicem subit, quando etiam in vegetabilibus tale quid fieri quotidie animadvertere liceat. Quis enim non vidit Aloen, Semper vivum, Cepam, Croci radicem, acetabulum, squillam, porrum, Portulacam, & similes plantas, succi plenas, à matre, ut cum Poëta loquar, jam recisas, & de laquearibus hyeme suspensas, nihilominus crescere & augeri, tantum ideo, quia succo ad sui incrementum idoneo non destituuntur, & blando insuper vaporarii calore non secus atque antea solari circumfunduntur & foventur. Quid igitur mirum, si tam ignobile & imperfectum metallum, quod vitam nunquam habuit, nec habere aptum est, quod-

quodque minime exquisitâ aut operosâ transumpti-
one vel præparatione materiæ indiget, credamus ali-
quod augmentum extrinsecus accipere posse, si &
idonea materia, aër videlicet crassus & turbidus, qua-
lis in conclusis locis est, subministretur, agentique
præterea causa verè proportionata non destituatur.

Monau. l. 6. Lemn. l. 2. de occ. nat. mir. c. 52.

LXXV.

*Lue Venereâ curatur Mendicus, universo corpore,
fimo equino obruto.*

Scatebat quidem è gregemendicabulorum lue ve-
nereâ, aliquot diebus universum corpus fimo equi-
no obruit, ut tantùm esset, quâ respiraret. Erat ster-
cus stabularium equino lotio sæpiùs perfusum, quod-
que jam computruerat. Effecit ille hâc arte, ut totum
virus exprimeret: addidit aliquoties euporistum, ex
axungia, larignâ & hydrargyro. Nec alia vitæ lex
servata est, quàm mantica offerebat: atque his reme-
diis curatus est.

Holler. l. 1. instit. chir. p. 8. a.

LXXVI.

*Cur fauces in acutis febribus sæpè rubefiant, lin-
gua verò fuliginibus tantùm
tingatur.*

Cur fauces & partes circa columellam, in acutâ vel
ardente febre sæpè inflammantur & rubefiunt, lin-
gua verò fuliginibus tingitur? an quia fauces pro-
pinquiores sunt accenso vapori, qui è ventriculo, per
gulam, & è pectore per tracheam, expirat: lingua ve-
rò remotior est, & quæ jam progressas fuligines & ex-

tinctas excipit? adde linguæ substantiam esse magis taram, quam fungosam, & idcirco magis aptam, ut fumosos vapores rapiat. Videmus enim fornaces laterum calcarios, longè à loco, in quo ignis dominatur, fuliginibus nigrescere, focum verò ipsum inflammari & rubescere.

Proth. Casulan. de ling. l. 2. c. 12.

LXXVII.

Cur pestis brumali frigore cesset, ἐγκεφαλόνος & vigeat.

1. Quia in peste vis veneni arsenicalis pinguioris sulphurei ab ambientis frigore intenso cohibetur & congelatur. 2. Pori corporis clauduntur, & veneni penetrationem abarcent. 3. Calor naturalis coactus fortior redditur ad resistendum. In ἐγκεφαλόνος 1. motus intrinsecus veneni Mercurialis vaporosioris frigore ob ἀντιπερίπαιον adjuvatur. 2. fit qualitatibus acrior & tenuior, atque actione penetrabilior Mercurius. 3. diffusio ejus prohibetur. 4. Venenum intra cerebri arcem quasi clausum difficilius amovetur.

1. Cunn. Rhumel. P. de ἐγκεφ. c. 32.

LXXVIII.

Cur Lues Vngarica hyeme atrocior, æstate mitior.

An ob cutis constipationem fit ex ambientis nos aëris frigiditate, nihil putridi & maligni exhalare permittente? æstate verò quicquid vaporosum & putridum (malignâ hac febre ab internâ causâ putri profectâ, externâ aëris περιστάσει vel suscitâtâ vel promotâ)

motâ) per aperta aëris calentis ope spiracula undique expelli potest, & natura malignitate & copiâ morboſi apparatus, hoc pacto exonerata alacrior reddi, morbusque clementior.

Ruland. de l. Ungar. c. 8. quest. 9.

LXXIX.

Luâ Vngarica blanditiâ & clandestina insidia unde?

Cur Febris Ungarica miſis adeò primitus apparet, ut Medicis etiam peritis dolose haud rarò imponat, aliam & benigniorem simulando febrem? An quod malignitas cordis intima impugnare laboret, in τὸ γινώσκειν consistens, vitæ fonte primo repugnante? an quia primis diebus fomite caret, non undiquaque habili, sed deinceps in sui augmentum immutato demum? an spirituoſo ab initio insidet subiecto in cordis domicilio redundante? quo fit ut malignitas πνευματικὴ τὸ ὑπεκκλύματ' generata, in alio stabiliori agere contendat, aut evanescat spiritualium more δι' ἀδήλως sensim evecta, non propterea ab initio Medico exposita? an corde πρώτως hic ægrotante, eamque ob causam spiritib' primò affectis, utpote perniciæ agentis in procinctu stantibus necessario, prioribus enectis, alios in præsidium avolare, in fronte collocatos oportet, quorum indigentia fit, ut malignitas, quæ primò in sola vaporosa sede insidiata interioribus, extrinsecus nihil exerat virium, manifestè apparatu idoneo omni ex parte succédendo defecta? an crassities & frigiditas obstat ipsius fomitis (pituita

putato) quæ primitus inflammari, vel affici vix tota potest?

Id. ib. quæst. 11.

LXXX.

Pestis eadem eundem vix corripit.

Hi, qui peste tentati jam sunt, ubi periculum evaserunt, contagium non facillè, in una eademque peste secundò hauriunt, quod forsan materia, quæ pestis focus esse queat, tota jam sit absumpta, & quod cor illorum triumphum jam canat, nec hostiles insultus secundâ vice metuat, sed veluti his pugnis jam assuetum crudelis morbi minas despiciat. Est sanè hoc penitus ferè nobis persuasum, quod experienciâ ac observatione didicimus, unde pro Nosocomii famulis eos præ cæteris delegimus, qui pulsâ affectione jam modò convaluissent, huc alludit Poëta in-
quiens:

*Quos semel invadit Pests, repetatq; secundò,
varos esse quidem, sed tamen esse scio (a)*

Observasse hoc quoque visus est Thucydides, cum ait: neque enim bis eundem morbus corripiebat, ita ut extingueret. Atque hi tùm ac aliis beati censebantur, tùm sua ipsi sponte ob suæ sospitatis lætitiâ spem in posterum præsumebant, se ne ab alio quidem morbo unquam absorptum iri. (b)

a) Minderer de pestil. c. 10. b) l. 2.

LXXXI.

Lapidis Septici cum peste comparatio.

Lapis Septicus, (quem vulgari, minus verò proprio nomine plebs Medicorum lapidem corrosivum appellare consuevit, quo chirurgi communiter in
paran-

parandis fonticulis, in corporibus præcipuè delicatis, & actuale cauterium candentis ferri vi alioquin inuri solitum non sustinentibus, utuntur) parti cuiuspiam corporis impositus, extremam primùm Epidermidem & huic deinde subjectam cutim, tandem verò & carnem sub hac ipsâ latentem, nec non huic innatas fibras, atque hinc inde sparsas venulas nullo planè, velleo exiguo, & vix perceptibili (dummodò ritè paratus is sit) doloris sensu adeò mortificat & inductâ putredine eo usque necat, ut eæ, quas tetigerit partes, brevi horarum spacio, omni penitus sensu privatæ, ac omni prorsus vitali munere destitutæ conspiciantur, donec hæ liventes ac omnino putrefactæ luridi putaminis instar (cum sanum in statum nullo planè artificio reduci queant) à sanis, quibus nullo amplius vitæ vinculo coherent, & nullo nutritionis beneficio gaudent, segregentur & excidant, aut in tabem resolutæ relicto cavo ulcere decedant ac diffluant. Eodem ferè modo Pestis sese corporibus nostris insinuare solet, utpote quæ subdolo & vix sensibili principio cordis penetralia clanculum subintrans, intestinas paulatim parat insidias, adeò ut jugulatis nonnunquam spiritibus ac maligna putredine peremtis, nullâ ferè doloris perceptione, sed sola virium vitalium consternatione homo derepentè corruat, quod in Ephemerâ pestilente sæpius contigisse fuit animadversum. Et sanè illa putredo pesti conjuncta non quidem externis semper notis deprehensibilis est, ut plurimùm tamen manifesta ingentis suæ pravitatis indicia exhibet. Et sicut lapis ille septicus, causticam & adurentem quandam, imò & corrosoriam vim possidet, eam tamen non tantam, quæ

quæ putrefaciendi vim huic præ reliquis insitam, superet; sic in peste quoque universam pestilentis veneni vim quantumvis alias quoque malignas qualitates sibi junctas habeat socias, in venenatæ putredinis nocumentum & damnositatem tanquam in vincen-
tis causæ energiam potissimum conspiciendam, huicque pro reliquis noxam omnem acceptam esse referendam arbitramur.

Minderer. l. c. c. 3.

LXXXII.

Chersydri cum peste comparatio.

Chersydus magnæ venenositatis bestia, aquosa primitus loca incolit, his verò tandem arefactis sicca inhabitat, (a) quod his casminibus facundè Virgil. expressit:

*Est etiam ille malus Calabris in salibus anguis
Squammea convolvens sublato pectore terga
Atq; notis longam maculosus grandibus alvum,
Qui dum amnes ulli rumpuntur fontibus & dum
Ivere madent nudo terra ac pluvialibus austris,
Stagna colit, ripiq; habitans, his piscibus atram
Improbis ingluviem, rarisq; loquacibus explet.
Postquam exhausta palus, terraq; ardore dehiscunt,
Exsistit in siccum & flammantia lumina torquens
Savit agris, asperq; siti atq; exterritus astu. (b)*

Simili planè modo pestis, corpora humida, succi plena & putredine humiditatem semper aliquam excrementosam præsupponente gravata, imprimis apprehendit, quâ quidem humiditate, (pulsis sudoribus) discussâ, aut naturæ opificio disjecta, vel alio quovis modò exclusa, nihilominus tamen ea ipsa jam dicta

cora

corpora non deferit, sed quæ humida primùm inferat, ubi ea arte aut natura arefacta fuerint; pertinaciter detinet, quomodo nos in febre pestilente curanda venenum in putridâ humiditate constitutum, omnium primò pepulisse, exinde verò febrem percurasse meminimus. (c)

a) *Columel. l. 1. c. 5. b) l. 2. c. 3. Georg. l. 3. 7. Bapt. Silvatic. de usu Ther. c) Minderer. l. 3. c. 6.*

LXXXIII.

Acarî animalculi mirabilis consideratio.

Acarus minimum animal, sub sensum vix cadens, progressivo movetur motu, nec ut insecta & vermes: quare plura crura habet: crus autem moveri & flecti oportet, mobiles & movētes partes habeat necesse est: igitur in crure erit os, vel quid ossi respondens, quod est mobile: erit musculus, vel saltem tendo, vel quid horum vicem gerens, movens: erit præterea nervus, & ligamentum, aut tantum nervus, ut paucioribus contenti simus, qui & spiritus deferat, & sentiat & moveat: erit arteria & vena, ut vivere & nutriri crus possit: erunt ligamenta articulos & ossa & cartilagine colligantia: erit denique cutis, vel quid illius loco omnia subjecta continens, defendens ac externa sentiens: quæ si duce sensu iudices, toto aberrabis celo, quando arenæ granum totum animalculum non excedat, quæ si de puris cruribus examines, oculos & eorum partes percurras; caput, cerebrum, collum, pectus, pulmones & cor, ventrem, ventriculum, intestina, jecur, splenem & tot famulancia instrumenta, os, dentes, linguam, gulam, tot necessarias venas, arterias, nervos, ossa, ligamenta, membranas perqui-

ras, in maximam tui deficientis intellectus deficientiam & debilitatem devenies, & in Omnipotentis opificis minimum sapientiæ radium duceris.

Parifan, l. 2. de subtil. exerc. 2. c. 8.

LXXXIV.

Experientia de pediculorum sagacitate.

Pediculi ac pulices, ubi corpus hominum tabescere sentiunt, omniaque membra sensim sanguine destitui, vel ipsum deserunt, vel illas partes occupant, quibus sanguis, calorque natus diutius inhaeret. Expertum enim est à Libitinariis ac vespillonibus in eâ se lacunâ recondere circa stomachi orificium, in quam definit cartilago ensiformis, vel in eâ, quæ mento subest, ac vocali arteriæ incumbit. Siquidem illæ partes, utpote cordi vicinæ ad extremum usque habitum calescunt: quod cum à nonnullis, qui ægrotis assisterent, mihi esset relatum, incunctanter pronunciaui, certissimum id esse imminentis mortis argumentum, jam jamque emigrantis animæ indicium.

Leonn. l. 1. de oss. nat. mir. c. 22.

LXXXV.

Allii. etymon, usus πολύχρηστος, internus.

Allium fortè ab ἀλλεσθαι, exilire, quod exiliendo crescat. Σκόροδον Græcis, (a) vel qui σκαῖον ῥόδον, id est, rudis rosa propter odorem gravem: vel quod comestum, vapores excrementitios ad cutim pellat, & vescentibus pandiculationes moveat. Sunt qui ab halante gravi odore deducant, & Alium scribant. (b) Adversus plurima venena creditur antidotum. (c) (qui enim matutino tempore (d) comedit Allium, ei mor-

ei morsus animalium venenatorum nihil obest, non modò intrò sumtum, sed etiam extrinsecus admotum. Id serpentes fugiunt, perinde ac Rutam. Ejus frustula duo cum sale sumpta aërem pestilentem repellunt, atque discutiunt. Nam, præterquàm quod occulta & inexplicabili facultate venenorum perniciem infringit, forti etiam vapore corpus opplet, ac spiritu perfundit, cujus vi pestilentem aërem efficaciter vel repellit, vel extinguit, ac superat. (e) Ideoque rusticorum Theriacam Galenus appellat. Hinc navigantes contra sentinæ fatorem, corruptasque aquas & cibos, nauscamque ex maris tempestate excitatam, ut & ad robur in remigando conciliandum, Allium utiliter usurpant. Humores in pectore rufim excitantes educit, puerorum vermes enecat & ad toleranda frigora, aquarumque pravitatem corrigendam optimum remedium. Unde, quibuscunq; aqua non satis pura bibenda est, rectissimè faciunt, si antequàm eam bibant, allio, quocunq; modo, eam corrigât. (f) In Vasconia tantopere adamantur Allia, ut vulgus nullū magis assiduū & quotidianum cibum agnoscat, iisdem in omnibus penè utatur condimentis & obsoniis, atque non solum appetitum dejectum instauret, sed etiam vires, illorum usu frequentiore, conciliet. Mirum enim in modum vires collapsas reficiunt atque instaurant, prout ex eo constare potest, quod rustici qui terram multo cum sudore subigunt & ipsi triremium remiges, illis, nec aliquando sponte, utantur: quando magnus aliquis labor est subeundus, & classis è magno quodam periculo remigando eripienda. (g) Galli quoque gallinacei, qui Allium

Yy degu-

degustarint, ferocissimi fiunt ad pugnam. Ideoque viatores idem libentissimè identidem arroduct, nec non qui bella & castra sequuntur, quod eis agilitatem addat, vires firmet ac animum faciat. Datur etiam equis, ex pane & vino, horà bellici conflictus, ut ferociam & laborum expeditam tolerantiam promoveat. (b) Calculum pellit. In vino enim coctum, ita tamen, ne in coctione quid vaporum exhalet, & calculosis propinatum, magnarum est virium; fuit hoc secretum cujusdam Monachi Medicastri, olim apud Hallenses agentis, qui plurimos Nephriticos hoc remedio curavit. (c) In hydromelite coctum, & ad Unc. ij vel paulò plus exhibitum potenter sudores & urinam elicit. (d) His autem solùm, qui crassus & viscidus humoribus scatent, usus ejus non est incommodus: (e) sed otiosis, mollibus, biliosis & sanguineis, quibus calidum jecur, sanguis tenuis & fervidus, & sensus exquisitus noxium esse solet. (f) Omnibus autem quocunque modo paretur, usus ejus frequentior noxius. In primis verò ob factorem molestissimum, ac ferè intolerabilem usus ejus valdè incommodus, dolorem capitis infert, oculis (g) nocet (comperimus enim, qui allium vorant imbecillitatem visus incurrere, & tandem noctispices fieri, nec aliter quandoque affici, quibus humidius cerebrum oculos irrigavit, qui fumis sunt vexati, aut lachrymarum diuturno fluxu, ut in ophtalmia, quibus etiam radii, ita affligunt oculos, ut dolorem inde concipiant, (h) & necesse habeant eos velo munire.) sensuumque omnium instrumentis, (i) sitim excitat. (Quod tamen de crudo potius, quam elixo intelligas velim, coctum enim crudo, elixumque tosto utilius.

Eli-

Elixatur ut acrimoniam amittat, succique sit melioris. Nihil enim est tam medicamentosum, quod coctione & elixatione aliquà ex parte non fiat (q) alimentosum) flatus (r) discutit. (an quia suà acrimoniam, in pituita redundante idem quod cepa expedit, cum flatuorum ventorum copiam (s) promoveat?)

a. r) Hippocr. l. 4. de rat. vict. in ac. text. 90. Diosc. l. 2. c. 182. b) Euchs. in herb. c. 284. Bauhin. pin. th. bot. l. 2. f. 4. c. e. m) 7. Plac. Const. de febr. pest. cap. 14. & 1. 8. d) Panfa. l. 4. pract. spec. c. 55. f. 1. n. p) Sennert. instit. l. 4. part. 1. c. 3. Camer. in Mathiol. l. 2. c. 78. g) Quere. de pest. l. 2. c. 5. diat. polib. l. 3. c. 2. h) Mizald. cent. 6. aph. 77. i) Unzer. de neph. l. 2. part. 48. Forest. l. 24. scbol. ad obs. 25. k) Plat. de dol. p. 197. o) Libav. de Nyctobleps p. 276. & 278. q) Gogl. de prer. vis. p. 261. s) Gogl. P. de ris. & rid. p. 9.

LXXXVI.

Externus.

Comestum vel cum origani decocto potum pediculos fugare prodiderunt, fortè etiam eadē vi, quā & vermes pellere docent, collo appensū. Aliqui, rusticos Allium comedere, ne à muscis infestentur, dixerunt. (a) Qui carnes & cum primis Vervecinam torrentes verubus, Allio eam implent ac infigunt, non faciunt insalubriter. (b) Allii bulbus tracto cortice in formam suppositorii scissus & in aurem partis dolentis intrusus, vel coctus & impositus, mirè juvat in dolore dentium. (c) Mesuæus putat, trita Allia manu dextrā, aut sinistrā, prout dextri aut sinistri dentes doluerint, gestata dolorem sedare. (d) Savorusino

permixtum, plantisque pedum inunctum, ad tussim tollendam, certum quorundam prædicatur præsidium. (e) Si litu Allii parietes infeceris, exhibet statim Leopardus, nec resistet, cujus odoratum venenata fera non patitur, nos internis visceribus infundimus. (f) Propè rosas confita Allia, illas odoratiores præstant, quia Alliorum acrimonia ac caliditas etiam infitas illis vires excitat atque elicit: quæ enim ex frigidityte languescunt, calore acuiuntur. (g)

a) Plat. de vit. p. 983. 988. b) Goglen. l. e. c) Plat. de dol. p. 374. d) Paracelsus l. 16. e. 25. e) Plater. d. l. funct. p. 491. f) Ambrosius lib. 7. hexam. g) Lemn. l. 2. de occ. nat. mir. 6. 52.

LXXXVII.

Allium vasa figulina fracta conglutinat.

Experientia ipsâ docente, non semel comperimus, Allium tanta virtute dissolvendi atque discutiendi pollere, ut fragmentum vasis figulini, modò reliquis ejusdem partibus aptè leviterque adjungi possit, ipsimet vasi tam firmiter, si Allii succo confricetur, adhæreat: ut continendis etiam ipsis, qui destillantur spiritibus, inservire possit. Usque adeò partes contractas invicem Allium consolidat atque compingit.

Quere. pest. alex. l. 2. c. 5.

LXXXVIII.

Ceparum Etymon, trita ad combustionem valent, & quæ.

Cepa à Capitis magnitudine, Græcis κεράμυον ὅτι κεράς συμπίπτει μῖν, quòd oculi pupillam comprimere

mere cogat, utpote mordaci nimium vapore lancinando & lachrymas movendo. (a) Paratu facilè & expertum remedium est, si quis statim ab ambustione cepas crudas, & cum sale intritas dolenti parti apponat. Intellige maximè de simpliciter ambustis partibus & nondum excoriatis, aut exulceratis (nam si in ulcus abierit malum, dolor exacerbat, & inflammatio augetur) Cephæ enim potestate calidæ sunt & humidæ, itaque temperie calidâ rarefaciunt, humiditate autem activâ remolliunt cutem: quo fit, ut attrahant & foras evocent, dissipentque inustum calorem, sicque pustularum generationem intercipient. (b)

a) Bauhin. lib. 2. pin. sect. 4. Plater. de les. funct. pag. 52. Aristot. 20. probl. 22. b) Paracels. 1. 11. c. 9. Bartol. de cancer. c. 11.

Vide cent. 6. part. 20.

LXXXIX.

Cur agrumina, (allium, cepa) foris corpori adhibita, exulcerent, intus non.

Non omnia, quæ extrinsecus exulcerant, intus assumpta idem efficiunt. Hujus inæqualis operationis causa diversis subjectis imputanda: cutis enim sicca, impressiones cepearum impositarum facilius recipit; ventriculus verò humoribus cibisque refertus, à cepis ingestis haud ita facilè affici potest. (a) Partes quoque externæ promptius patiuntur, quàm internæ. Allium etenim crassè contusum & applicitum, admodum est strenuum & efficax vesicatorium. (b)

Xy 3

a) Math.

a) *Math. in spec. sanit. c. 2. Seal. exerc. 160. 3. Stup. disp. p. 149.* b) *Capovacc. l. 1. pract. c. 8. & 9. l. 3. c. 5. 7ae. Zuvinger. exam. princ. chym. c. 11.*

XC.

Cepa, Allium cur vigent evulsa, & germinant?

An quia calidum & humidum innatum vegetum habent, & densum, externis siccitatis & marcoris injuriis quàm maximè resistens, & sponte sua levi à foris stimulo excitatum sobolescent? (a) Idè Theoph. partes resectas, quæ absq; radice seruntur, vel alteri trunco inseruntur, propagari posse negat: quod humor insitus illis, aut propter paucitatem suam, ut in lignis siccioribus, aut propter plantæ raritatem, ante expiret, quàm radices agant, aut cum alia arbore coalescant. (b).

a) *Ruland. l. 1. probl. 166. Lemn. l. 2. de oes. nat. mir. cap. 52.* b) *libr. 1. de caus. plant. vide centur. 7. memorab. part. 87.*

XCI.

Cur allia cum excaulescunt, plenius, quam recens edita olent.

An quòd recentia humoris multum adhuc extranei continent, quo fit ut vim suam integram habere nequeant. Cùm autem decocta jam sunt, secreto humore illo inutili, rùm suum odorem sincerè adipiscuntur, qui scilicet acer est. Quin etiam ceteri nuper editi fructus dilutiores sunt, &

ce-

cepas receptiores ob eam causam minùs acres sentimus.

Arist. l. 20. probl. 30.

XCII.

*Cur pulegium, lirium, & cepe, suspensa florent,
tempore solstitii.*

An inest crudum in his alimentum, quod in hyeme concoqui ex frigore nequit, sic solstitio ex calore concoquens auget. Utrum quia influxu carent assiduo, brevimarcescunt. Etenim quæ nullum alendi indicium, nullum affluxum assiduum habent, intereunt, exsiccanturque. Quà de causâ accidit apud Scythas, ut frumentum diu in terra maneat, propter copiam nivis, & ubi emerferit, citò crescat.

Arist. l. 20. probl. 21.

XCIII.

Raphani etymon, & cui usui.

Raphanus dictus, ῥαφῆς τὸ παδῖος φαινομένου, quòd statim appareat, nam die 3. à satù profilit. (a) Quovis tempore salubres Raphani, nephriticis præsertim. Nam urinam proliciunt, & renes ab omni arenosâ substantiâ purgant: quin imò massam istam mucilaginosam, unde calculus generatur, virtute suâ specificâ in aquam resolvunt: ad quod institutum illos cum carniùm jusculis coquere licet, si ita videbitur; aqua eorùm stillaticia est præsentissimùm quoque calculi remedium; (in ictero quoque peculiariter (b) laudatur) cocti etiam & contusi in formâ cataplasma-

tis, pectinis & perinæ regioni feliciter applicantur, ut hinc crassa illa & mucilaginosa materia dissolvatur: sicut illorum effectus specificus in hoc statim se prodit, quod acris sapor eorum, tam sit efficax, ut quam primùm sali marino, intercedente quantulo-
cunque spatio, admoveatur, illum statim resolvat & in aquas convertat. (c) Commodiùs autem sumitur primâ mensâ, atque ante alios cibos, etsi alius hîc aliis nationibus mos sit. Alii enim primâ mensâ, alii in fine, alii toto prandii & cænæ tempore obsonii loco utuntur, quod calore suo coctionem adjuvare credant. (d) lienem absumit, (e) appetitum ciborum excitat, ructus tamen subolidos & foetidos generat, & vomendi inclinationem promovet, (f) & oculis nocet. (g) Jejuno stomacho commanducatus, cum sale & pane veneno potenter resistit, experimenti via facilis & certa. (b) Quicumque manus suas inungit succo raphani, is serpentes absque noxa tractare & retinere potest. Orbiculi de raphano concisi, & lateri sinistro impositi, revellunt venenum à corde. (i) Raphanus minutim incisus, aceti momento conspersus, & plantis pedum alligatus, accursum vaporum delirium causantium, in malignis febribus, impedit, deorsum retractis fuliginibus. (k)

a) *Euebs. herb. c. 258. Bauhin. in pin. th. botan. l. 3. f. 1. in not. ad Matthioli. l. 2. c. 106.* b) *Plater. de vit. p. 150.* c) *Querc. diat. polib. l. 3. c. 2. Mirald. centur. 8. aph. 96. Plat. d. dol. p. 568. Unz. de neph. l. 2. p. 150.* d) *Sennert. l. 4. inst. part. 1. c. 3. Lemn. l. 2. de occ. c. 52.* e) *Heurn. l. 2. M. c. 19.* f) *Math. in spec. sanit. c. 2.* g) *Sennert. l. c. hoc negat Platerus l. 1. las. funct. p. 262. Lemn. l. 4. c. 6.* h) *Goglen. de pror. vit. p. 258.* i) *Pansa l. 4. pract. spec. c. 55.* k) *Ru-*

k) *Ruland. d. l. Ungar. p. 103. 127. & 191. contradicis Oberndorf. de morb. Ung. p. 172.*

XCIV.

Radices Indica, quas pappas vocant (German. Erd.öpfel) quid, vires controversæ.

Plantæ (solani tuberosi esculenti) cum A. 90. iconem, suis coloribus delineatam, à D. Scholtzio, Pappas nomine accepissem, & à nemine descriptam invenirem, in Phytopinace, sub solano tuberoso, & in Mathiolo, sub sol. tuber. esculento, figurâ additâ, descripsimus, ejusque iconem D. Clusio transmissimus. Solanum appellavimus, propter formam aliquam foliorum cum malis aureis: florum cum malis infanis: fructuum cum baccis solani vulgaris: seminum cum solanis penè omnibus: denique propter totius plantæ odorem, quem cum Solanis communem habet. Hæc Bauhinus. (a) Cui sententiæ refragatur Camerarius: Habui enim (inquit) magnam copiam harum radicum, superiore Anno, ac instar raporum paratorum sæpè comedi, non sine voluptate, nec ullam inde noxam sensi. Utinam aliquid somni conciliassent, quo ego alioqui in hac senectâ sæpè destituor. Valdè in solum pingue injectum sese propagât, sed radices, quas per hyemem volumus retinere, tantùm in fictili terrâ sunt reponendæ, & in aliquod conclave, ubi frigus non penetrat, reponendæ, ac primo vere rursus plantandæ. (b) Ad caulis exortum, radices plures, fibrosæ, oblongæ, albigantes, per terram sparsæ, quandoque in profundum descendentes, cui aliæ tuberosæ radices adnascuntur, ita ut plantam hyeme versus erutam, ultra

Y y f.

qua-

quadraginta (alii 50. notarunt) tubera diversæ magnitudinis notaverimus. Ex ramis etiam reclinatis, terræque rectis, Burgundi propagare solent, quo plura tubera acquirant. Florent apud nos, in Iunio, & sæpè ad Autumnum usque & à primis pruinis offenduntur. Ex insula Virginea primùm in Angliam, inde in Galliam, aliasque regiones delata est. Italis Tartuffoli, quo nomine & tubera nominare solent, dicitur. Germanis Grüblingbaum/ id est, tuberum arbore dicitur. (c) Communiter apud nos Erd-öpfel. Libavio Rapæ papales. (d) Indi radicibus panis locuntur: radicem evulsam solique expositam siccant, siccata in partes diffingunt, ex quibus edulium Chunno nuncupatum admodum diu durans conficiunt. Papas, adhuc verò viridis, interdum verò vel coctæ, vel assatæ manducatur. (e) Sic nostrates aliquando tuberum modo, sub cineribus assant, & cuticula ablata cum pipere comedunt: alii assatæ & mundatæ, in taleolas dissecant, & jus pingue cum pipere affundunt, & comedunt, ad Ven. excitandam: alii & tabidis utiles volunt, cum bonum alimentum præbeant: non minus, quàm castanæ & pastinacæ sunt & flatulentæ sunt. Relatum mihi, nunc apud Burgundos, harum radicum usum interdictum, persuasificationem esu LEPRAM causari & Artiscokos Indicos vocari. (f)

a. c. f) l. 5. prodr. c. 1. b) Cist. med. ep. 87. Doldius ib. ep. 256. d) l. 2. batrach. schol. ad c. 10. e) Acofia histor. Ind. l. 3. c. 20. l. 4. c. 17.

XCV.

Quomodo planta virides & pulchra sint asseruanda, & exsiccanda.

Narrabat mihi Adrianus Spigel, Medicus, se in diversis Italiae locis plantas inquisivisse, & semper habuisse secum rusticum indigenam, qui & sarcinas gestârit & alia. Inter cætera igniarium habuisse semper & gluten paratum. Inventâ igitur plantâ aliquâ, subito jussisse hominem suum suscitare ignem, & gluten facere fusile, tùm verò plantam viridem & humidam, ut à matre terrâ accepisset, se agglutinasse & retinuisse omnes colorem suum genuinum. Ostendebat etiam non paucas, hoc modo servatas, quæ satis videbantur pulchræ. 2. Noribergæ vidi sæpè filiam herilem ita siccare. Accipiebat patinam stanneam, ex illo genere, quas vocamus Zerlegteller, faciebat stratum ex arenâ (horologiorum) tenuissimâ, & imponebat flores suos benè explicatos quibus iterum insternebat arenam eâ copiâ, ut flores ipsi non apparerent. Ita exponebat soli, & post paucos dies eximebat pulcherrimos. 3. Ope aquæ chrysulcæ servantur garyophylli nostri hortenses & rosæ & alia tam vegeta, ut si adesset illis mollities illa, quam habent virides, affirmaretur pro certo, ex plantâ suâ jam decerpta esse. (4) Nō hoc modo experti sumus & aliquam veritatis partem invenimus. Rosarum calyces nondum dehiscētes sed tumentes in harundinem immisimus (oportet enim rosæ sint juxta plantatæ) internodia harundinis leviter scindimus, & aperto è latere foramine, constrictâ vinculis fissurâ ne hisceret, diu asseravimus. (5)

a) Hof.

a) *Hoffman. ep. Hornung. ad Schnitz. 201.* b) *Porta mag. natur. l. 4. c. 2. Mirald. centur. 3. 27.*

XCVI.

Herba viva, foliis polypodii, admiranda planta.

Herba viva dicitur, eò quòd si eam quis apprehendere cupiat, folia illicò contrahat, & subtenues ramulos recondat, si verò quis apprehendat, subito licet, adeò marcida conspiciatur, ut exsiccata existimetur: attamen si quis manum retrahat, illicò nitorem recuperat: & toties marcescit, aut revirescit, quoties comprehenditur, aut manus ab eà retrahitur. (a) An *Æschynomene Apollodori* apud *Scaligerum*? (b)

a) *Baubin. pin. th. botan. l. 10. f. 2.* b) *exerc. 181. 28.*

XCVII.

Ἀντιπαθείας exemplum, de Fragis.

De seipso olim commilito quidam meus retulit. Is quoties fraga comedisset, imprudens in cutaneum quendam affectum subitò incidit, in quo tumor, rubor, pruritusque totius cutis, perinde ac si scabie sicca laboraret, quæ tamen cutis defædatio, paucis diebus rursus evanuit. Primò sensit hanc affectionem, cum dono missa fraga vino generoso & saccharo conspersa, absumpisset, putans venenum sibi datum. Sed postea cum idem pateretur ex fragis, suâ manu lectis, idque sæpius, agnovit *αἰδύναλον*. Multa nimirum inter abdita latent, quæ hominum nequeunt capi ingenio. Verisimile est, fastidisse fraga matrem prægnantem, & inhorruisse conspecta aliqua re absurda aut

ut abominabili in ipsis. Quid si morticinam, aut morbum ejusmodi conspectum ob similitudinem ad fraga retulisset, & affectionem talem impressisset nato, ut comestis fragis perinde pateretur? Ita quidam abstinebat à columbis assis, quod senem quendam excarnificatum ita rugosum vidisset. Venenim in eo habuerunt fraga, idque ratione nutritioni destinatorum membrorum tantum. Natura verò robusta infectos ichores ad cutem rejecit, quibus absumptis abolitum fuit malum. Eodem modo aliis fuere venenum, malæ, rosæ, ova, cassia &c.

Libav. de antipath. p. 157. 158. 159.

XCVIII.

Ambulantes in arena, cur celeriter progredi nequeant.

Qui in arenâ ambulant, celeriter progredi non valent, sed semper decidunt, quia pedibus nulli rei inniti possunt, ideoque animali currenti aut saltanti fulcrum est terra: piscium natantium pinnis aqua subjicitur, tanquam quiescens sustinens motum, volatilium alis pars aëris commota & densata dat sustentaculum.

Aristot. de mot. anim. c. 1.

XCIX.

Apum industria, justitia, cura, munia.

Apes constituta quadam Reipublicæ forma, sibi Regem deligunt, qui corporis proceritate & formæ præstantia reliquis antecellat: alis insignitur brevioribus, cruribus rectis, incessu graviore, & quodam ceu

dia-

diadematis & coronæ regiæ loco: aculeo vel caret, vel non utitur, quo reliquæ pro armis instructæ sunt. Nunquam solus extra alvearia progreditur, sed stipatu regio cinctus, reliquo insequente comitatu, nec nisi cum toti agmini incumbunt foris negotia, progressum illum multo fremitu & bombo tubarum tanquam cantu præsignificant & accedunt: quæque propius potest Regis lateri se agglomerat, omnesque illum volando defessum suo corpore sustinet. Quemcunque locum Rex insederit, illic statim castra metantur. Ubi mori illum contigerit, non jam foris passum prodeunt, sed tristes cadaver ejus circumstant, extra alvearia deportant, tanquam funus prosequuntur & inhumant. Tandem funebribus omnibus exsequiis magnâ pompâ peractis, alium sibi Regem eligunt, quod vivere sine Rege nequeant. Ad omnia attendit, oculos in omnem partem torquet, dum reliquæ operi incæpto intendunt: atque obvolitans omnibus animos addit & moras castigat. Tempus sibi ad progressum, passus causâ, serenum & sudum eligunt, nam & præsagiendarum cæli tempestatum vim insitam habent. Hac sunt iustitiâ & æquitate, ut nunquam, alicui animanti aculeo aut aliâ arte sint molestæ, nec unquam stimulum suum in quenquam exerant & acuant, nisi domicilii & alvearii tuendi causâ. Interdiu ad portas vigilum & custodiarum stationem disponunt: de nocte tamdiu, ab opere quiescunt, quoad una, cui id munus incumbit, uno aut altero bombo, tanquam tubæ clangore omnes excitaverit. Inde coeunt, exploraturæ cæli conditionem, quam si serenam fore præsagierint in campos & pabula prodeunt. Ergo alia florum fasciculos

cru-

cruribus, aliæ aquam ore, aliæ roscidum humorem corpore exceptum in alvearia comportant. His occurrunt aliæ, quæ onera excipiunt, & in sua loca statuasque sedes distribuunt, quæ in campos ad pastum dimittuntur, juniores sunt & graciliores. Itaque si tùm fortè suboriatur sævior aliquis ventus, tamdiu expectant, quoad subsederit, & vis ejus atque impetus remiserit. Quod si sæviant diutius illis adversus, lapillo se saburrant, & humiles supra tertam volant, ne illius impetuhuc illuc exagitatae raptentur. Ad res omnes suas sunt attentissimæ, & desiderium socordiam sæpè morte ulciscuntur: nonnullæ extruunt: aliæ extructa perpoliunt: aliæ com meatum important, miro autem artificio sibi architechantur fornicata illa alvearia, eaque faciunt duabus januis pervia, unâ ad ingressum, altera ad egressum comparatâ. Conveniunt unâ omnes, ne inæqualitas aut incibus, aut in labore dissidii ansam adferat. Laeta & munda ut sint domicilia sua, curant, ignavos fucos, fruges consumere & lætos aliarum labores destruere natos, à præsepibus arcent, quæ aculeum amiserunt inutiles redduntur, quòd paulò pòst illis viscera effluant & moriantur. Dominis suis mirificos adferunt ceræ & mellis fructus. Gloriatur Aristomachus philosophus, se magna cura per 58. annos apes nutritisse, ut illarum statum conditionemque omnem magis exploratam haberet.

Paraus lib. 1. op. esir. p. 44. & seq.

C.


Apium murmur unde?

Apes non spirant, nullum enim habent septum trans-

transversum, quod est instrumentum motus ad spirandum. Αἴρονται καὶ συέλλουσιν; attollunt sese & contrahunt: cum attollunt, dilatant alas, mox contrahunt. Itaque spiritus, id est, aër interceptus eliditur. Nec Aristoteles (a) voluit dicere, in eorum corporibus spiritum includi, sed inter alas elidendi. Itaque τῇ πύσει id est, τοῖς πτεροῖς αἴρονται, tolluntur ipsæ alis, καὶ σέλλονται, non ipsæ solæ, sed ipsæ cum alis. Quamquam facillè est intelligere unde sit sonus. Pueri cum essemus regulam lineam surreptam à Præceptoribus nostris, aut cœmtam, appensam funiculo circum agebamus, loco tubæ in belli simulachris, quæ ciebamur: inde sonus edebatur mirus: sic membranam si ventiles, sonum edes: sic aër sectus à membranaceis muscarum alis sonat: à papilionum autem alis, non item: mollissimæ enim sunt: à crabronum alis grandior: duriores enim sunt: à scarabeorum vastus, crustaceæ enim sunt: à culicibus tenuis, acutus, angustæ enim sunt. (b)

a) *Histor. de anim. l. 4. text. 267.* b) *Sealig. in comment. ad d. l. exorc. 273.*





CENTVRIÆ X.

Particula I.

Imperitia Medicorum in medendo, pœna.

Sicuti Medico imputari eventus mortalitatis non debet, ita quod per imperitiam committit; prætextu enim humanæ fragilitatis, delictum decipientis in periculo hominis innoxium esse non debet. (4) Ex quo consequitur. Medicum hæc, quæ à nullo sollicito de verâ & genuinâ restitutione sanitatis, ignorantur aut ignorari debent, negligentem & contemnentem, si res malè cadat, suæ temeritati Reipublicæ nocentissimæ imputare, & proinde pœnâ convenienti coërceri debere. Et quidem, si dolosè egisse compertum sit, gladio ultore feriendus, tanquam sicarius erit. Si verò per imperitiam mactaverit ægrotum, tenetur constitutionis Caroli V. Imperatoris, artic. 134. Der peinlichen Hals-gerichs Ordnung / cujus verba hæc sunt. Item / So ein Arst auß unfließ oder unlust / und doch unvorseslich jemand mit seiner Arzney tödter: erfind sich dann durch die Gelehrten und verstendigen der Arzney / daß er die Arzney leichtfertiglich und verwegenlich mißbräuche / oder sich ungegründter / unzulässiger Arzney / die ihme nit gezimbt hat / unterstanden / und damit einem zum Tode ursach gegeben / der soll nach gestalt und gelegenheit der sachen / und nach Rath der verständigen gestrafft werden: und in disem fall / allermeist achtung gehabt werden / auff leichtfertige Leute / die sich der Arzney under-

Z z

stehen /

stehen / und die mit feinem grund gelernt haben. (b)
 Hinc removendi & ad glaciale Oceanum relegan-
 di sunt circumforanei, impostoresque illi, (Germani
 vocant *Tryacksträmer* / *Landstretcher* oder *Landbe-
 scheisser*) qui vicatim, sine ullo discrimine (quia ha-
 beri debet ratio ætatis & complexionis, præterea
 non quolibet, sed certo & trutinato tempore Medi-
 cina propinanda est, in tempus præterea morbi cœpti
 diligentissimè inquirendum, idque diligenter con-
 templandum, quæ cum negligent hi impostores, fieri
 non potest, quin ipsorum medicamentum potius no-
 ceat, quàm profit) sua indocta medicamenta distra-
 hentes immensam copiam nummorum corradunt,
 (modò illicitò & minimè à Republica benè constitu-
 ta, cui salus populi suprema lex est, approbando: un-
 de diligenter hi pollinctores à Magistratu sunt obser-
 vandi) & sic non loculis tantùm, sed & saluti homi-
 num insidiantur. Quatuor autem concurrere debent,
 ut mors non imputetur Medico, 1. est, ut non exce-
 dat limites suæ professionis, quia culpa est, se immi-
 scere rei ad se non pertinenti. 2. ut sit peritus in arte,
 quia imperitia culpæ annumeratur. 3. est, ut sit dili-
 gens circa curam infirmi. 4. ut edoceat ægrotum de
 his, quæ contraria sunt ægritudini suæ. Hoc ipso enim
 Medicus, quòd est Medicus, offert & obtrudit suam
 operam ægrotantibus, ergò diligentiam exactissi-
 mam debet. (c)

a) *Ulpian. in l. e. §. 7. ff. de offic. præf. Justinian. in §. 7.
 instit. de leg. Aquil.* b) *Damhau. in prax. rer. crimin.
 e. 77. num. 24. & 28. Gail. l. 2. obs. 111. num. 26. & seqq.* c)
*Sattler. disp. de jur. & privil. Med. th. 22. dian. astral.
 e. 6.*

II.

Historia Curarum Paracelsicarum.

Paracelsicus Medicus Epilepticus curari non vult, Quendam Paracelsicum Medicum miris modis sa-
pius excruciauit Epilepsia. Interrogatus, cur non
uteretur suis illis certissimis & mirificis Medicinis, ex
cranio humano, sanguine, chelidonia, vitriolo, auro
& reliquis essentificatis, falsatis, Mercuriatis, sulphu-
ratis &c. respondit, non quod olim Mahomet ille
callidus, se non Epilepticum, sed Bathustasticum esse,
& rapi ad colloquia Deorum, ad montem veneris, vel
antrum Patricii, &c. sed simpliciter, se nolle curari, sed
suo oblectari malo, quod est incredibile, modo sanā
fuit mente & non instar illius, qui liberatus Melan-
cholia ab amicis, pol me occidistis amici, non serva-
stis, ait.

*Bernb. Dessen. de cur. paracels. Libav. in anti-Gra-
man. 1. p. 715.*

III.

Podagra exasperata à Paracelso.

D. 25. Maij A. 1570. Cum Praga in cubiculo Cæ-
sareo convenissent Medici, Videlicet D. Julius Ale-
xandrinus, Ego, & Nicolaus Bieffius, accessit nos Ge-
nerosus Baro, D. Bertholdus à Leippha, Marschalcus
Regni Bohem. Cæs. Maj. Consiliarius & Camerarius
ac, cum de Medicis sermo esset, agebat; Paracelsum,
cum primum de illo esset pervulgatum, posse ipsum
curare podagricos, à Parente suo D. Joanne de Leip-
pha, Marschalco Regni Bohem. magnis sumptibus
ex Helvetiâ evocatum. Laboravisse autem D. Joan-

nem per intervalla: neque unquam diu lecto affixum fuisse. Hæssile vero Paracelsum ferè per biennium Cromaviæ, & varia medicamina adhibuisse, ac parentem suum planè Arthriticum reddidisse, atque non multò post doloribus summis confectum vitam cum morte commutasse.

IV.

Paracelsus ex laeso oculo cacum facit.

D. Bertholdum etiam, cui leviter oculus affectus fuerat, ita curavisse, ut ne nunc quidem eo oculo videat.

V.

Paracelsus tormina levia vertit in Epilepsiam lethalem.

Accersitum tunc ad Nobilem in primis Fæminam, conjugem D. Baronis Joannis à Zerotin, Filiam Generosi D. à Bernstein: quæ neque valdè ægrotavit, cum ventris tormina haberet, neque Epileptica unquam fuit. Huic verò cum Paracelsus quædam medicamenta dedisset, Epilepsiâ correptam & supra 20. paroxysmos passam, eodem die expiravisse.

Joan. Crato à Craßbeim ad Erasf. Erasf. disp. contra Parac. tom. 4. p. 159.

VI.

Alia historia Paracelsica curationis.

Cùm ante annos amplius 30. Theophrastus ille Paracelsus (quem multi nunc laudibus ad astra usque tollunt) in Austriam proficisceretur, à Patritio quodam Augustano ex familia Langenmantelorum, vocatus est, ut uxorem quæ aliquandiu afflictæ valetudinis

nis fuerat, curaret. Cui cum in speciem sanitatem restituisset (nam brevi admodum post tempore à vivis excessit) secundum Lycum adversus Augustam, descendens Landspergam Bojariæ oppidum, in quo medicinam ego tunc faciebam, pervenit. Habebam tunc fortè una in domo duas matronas nobiles ægrotantes, quarum altera hydrope, altera Phtisi laborabat. De Paracelsi adventu certior factus Ge. Raunser Chirurgus, statim Nobili D. Sebaldo à Pferen indicat, Medicum præstantissimum appulisse, cui soli morbos gravissimos quosque curare datum esset. Cum adduci ad ægras Paracelsum mihi nunciatum fuisset, eodem ego quoque propero, non tam ægrotantes visitandi causâ, quam ut vel experimentum, vel aliàs præclari aliquid ex eo discerem. Ingrediendi mihi obviam fit Paracelsus Nobili comitatus, imperiosèq; latis interrogat, num ipse sim ægrotantium foeminarum prænominatarum Medicus? & quibusnam morbis eas putem affligi. Ego me consuluisse eis respondi, ac morborum species nobili præsentì fideliter aperuisse, simulque quid de utraque sperarem exposuisse. Addidi, me nihil dubitare, quin & ipse (si quidem Medicus esset, atque arterias explorasset, urinas inspexisset, symptomata indiciaque cætera consideravisset) utriusque morbum faciliè deprehendisset. Ad quæ tùm conticuit, meque rogavit, ut unà cum chirurgo in hospitium concederem, quod & feci. Cum interea dum varios ibi sereremus inter nos sermones, tussire eum ex catarrho animadvertissem, ac virum Medicum affectus tales dedecere obiter dixissem, (quod Galen. ita Medicum (a) instituat, ut sese ab omni morbo, præterquam à Diaria

fortè, ad extremum usque vitæ præservare possit) sublato poculo, nisi hoc esset, vinum digito monstrans, respondit. Verbum ex eo latinum extorquere nullum potui. Postridie neque ægrotantibus, quas curandas susceperat, neque me, neque Nobile liberaliss. & præclarissimo viro salutatis Monachum abiit. Ibi ab Aulicis deductus ad virum nobilitate insignem, cognomento Monachum, qui tunc Ducis Bojariæ culinæ præfectus sive Magister erat. Illum tùm Ducis Medici D. Panthaleon, & D. Alexander Carthauserus, haud infeliciter decocto ligni curabant, ut manifestè jam inclinaret morbus. At his dimissis tota curatio Theophrasto commendatur. Eo in curam recepto mox unguento ex hydrargyro (quod ei Joan. Vogt, Scholæ Paracelsicæ discipulus, Augustæ tunc habitans, mihi optimè notus, concinnaverat) perlanare tentabat. Verùm Paracelsus, cum ægrotum morti jam proximum videret, pridie quàm moreretur Monaco clàm summo mane profugiens, in Austriam descendit, atque ita convalescentem, aut ex dimidio curatum culinæ præfectum illum interfecit impurus carnifex. (b)

a) *lib. de suend. valet.* b) *D. Marcus Recklaunus in Epist. ad Erasf. Erasf. l. 3. antipar. p. 212. & seq.*

VII.

Paracelsi jactantia.

Theophrastus Paracelsus, cum vulgò in Medicorum scholis, tùm temporis ferè silentium esset de Chymia, & multa in præparatione Pharmacorum melius fieri posse animadverteret, ad reformandam Medicinam animum adjecit. Verùm quam reformare voluit,

luit, penè cum aliis omnibus scientiis evertit. Primò enim, ut Theſſalus ille, ſe *ιατρονικην* nominavit: ita hic, ad ſe perveniſſe Monarchiam omnium artium, in præfat. lib. de tinct. phyſic. ſcribere auſus eſt, ſe arcanorum Monarcham, quem omnes, qui philoſophiæ naturalis cognitionem appetant, Itali, Galli, Poloni, Germani, Philoſophi, Spagyri, Aſtronomi, ut Ducem ſequi neceſſe habeant, ejuſdem lib. c. 1. & 4. haberi voluit: & in præfat. Paragra, Avicennam, Galenum, Rhafen, Montagnanam, Meſuen, Pariſienſes, Monſpeliienſes, Suevos, Miſnios, Coloniienſes, Viennienſes, & quotquot Danubium & Rhenum accolunt, Inſulas Maris, Italiam, Dalmatiam, Athenas, Græcos, Arabes, Iſraëlitæ, ſe Monarcham Sapientiæ conſtitutum ſequi jubet. In præf. l. 1. de peſte, quem Nördlingæ ſcripſit, libros ſuos, libris quatuor mille Annorum ſpacio ſcriptis præfert.

VIII.

Paracelſi in Galenicos convitiæ, ejusque modestia.

Contra paſſim Galenum, Avicennam omneſque Academicos & Medicinæ Doctores, acerbiffimis convitiis proſequitur, & de peſtil. tract. 2. Pariſienſes, Patavinos, Monſpeliienſes, Salernitanos, Viennienſes, Lipſienſes, non Profeſſores veritatis, ſed confeſſores mendaciorum, mendaces, non Doctores eſſe ſcribit. Qualia convicia in Medicos plurima paſſim in ſcriptis ſuis evomuit: quæ omnia hic recensere non libet. Quia tamen inſigne modeltiæ ſpecimen edidit loco modo allegato, in præf. paragr. p. 199. integrum

grum eum transcribere placet: Ihr müßet mir nach/ ich nicht euch nach/ ihr mir nach/ mir nach/ Avicenna, Galene, Rhafis, Montagnana, Mesue, &c. Mir nach/ und ich nicht euch nach/ Ihr von Paris, ihr von Mompelien/ ihr von Schwaben/ ihr von Meissen/ ihr von Cölln/ ihr von Wien/ und was an der Donau und Rheinstrom ligt / ihr Inseln im Meer / du Italia / du Dalmatia/ du Athenis / du Griech/ du Arabs / du Israelita, Mir nach/ und ich nicht euch nach: ewer wird keiner im hindersten Winkel bleiben/ an den nicht die Hunde zc. werden. Ich werde Monarcha/ und mein wird die Monarchen seyn/ und ich führe die Monarchen/ und gürtet ewre Lenden/ wie gefält euch Cacophrastus, disen... müßt ihr essen. Wie wird es euch Cornuten anstehn / so ewer Cacophrastus ein Fürst der Monarchen seyn wird? und ihr Calefactores werdet und Schlosseger? wie dünckt euch/ so secta Theophrasti triumphieren wird? und ihr werdet in meine Philosophi müssen/ und ewern Plinium Caco-Plinium heißen/ und ich werde sie/ ewern Porphyrium, Albertum &c. in meinem... wischen/ mitsambt ewer Gebärterschafft/ das wird mir zu wegen bringen die vis mineralis und generatio mineralium, und was zwischen den zweyen polis ligt / wird mein Harnisch sein/ ewer Astronomy/ und Lastaffelkunst in Pilari. See zuwerffen/ und die Alchimien/ muß mir ewern Esculapium, ewern Avicennam, ewern Galenum &c. Und ewere Scribenten alle in ein Alkali versieden/ und in Reverber, biß in die hindersten feces verbrennen/ und seüßerer müßt ihr noch gereiniget werden/ dann das Gold durchs Feuer/ ihr müßt durch das Spießglas/ da will ich sehen/ wie ihr und ewer König gehn Boden setzen/ und über dem

Tuffe.

Zuffstein will ich euch pallieren lassen: und die Tugenden/ als die vierde Säul wird auß euch ein groß Spectacul machen/ deñ die Juristen über keinen Malefactorem erdacht haben/ &c. Et ut omne odium suum erga antiquam Medicinam declararet, & asseclarum suorum in Medicos alios odium accenderet, nec Luthero inferior videretur, Canonicum Avicennæ volumen contemptim exussit, ut refert Jac. Curio Hofemianus, in Hermotimo.

Plura de Paracelsi genere, vita, Præceptoribus, convitiis, blasphemis &c. Vide Sennert. de Chym. cum Arist. & Gal. conf. & diss. c. 4. Döring. de Med. & Med. l. 1. sect. 5. class. 2. §. 5.

IX.

Imperatoris D. Ferdinandi de Paracelsi judicium.

Imperator D. Ferdinandus, quem à maledicentia & falsitate alienissimum fuisse sciunt omnes boni, Paracelsum mendacissimum & impudentissimum impostorem, qui cum doctis hominibus nunquam conversari voluerit, nominavit. Imperator bis illum accersivit, & cum responderet, se non velle cum Doctoribus colloqui, Doctores sibi posse reservare sua, se non cupere eos docere, nec ab iis discere, nunquam deinceps voluit ad se admittere. Hæc non solum ego, verum etiam D. Julius Alexandrinus sæpè audivit. Audivi etiam ab iis, quibus in Pannonia & Austria notus fuit, perpaucos & ferè nullos curasse.

Crato in ep. ad Erastum. Erast. tom. 4. anti. Parac. p. 160.

X.

Quidam sumpto medicamento Chymico paulò post expiravit.

Vicini montes nivibus prægnantes, monstrum aut potius carnificem pepererunt, qui præpotentem & crudelissimū illum hostem humani generis, Arthritidem videlicet, domare, aliaque mira se præstare posse, impudentissimè jactare ausus est. Inter monticolas & rusticolas tympanistam & tribicinem hætenus egit, & etiam num agit, sed postquam à Vulcano edoctus fuit, ut ipsius industria ex margaritis & lapidibus preciosis, ut ille asserit, medicamenta preciosissima præparare possit, Bernam quoque venit, ubi imperitiæ & temeritatis suæ specimen singulare & lamentabile edidit, hoc modo. D. Joan. Franciscus Rex, Pharmacopola, optimus & probus Senex, cū per dies aliquot dolore chiragrico laborasset, malitiosus ille Agyrta (qui antea aliquoties medicamenta in ipsius officina emerat) ad ipsum se confert, & ut horum impostorum mos est, futilia sua & vana ad cælum usque extollit. Probus ille vir, vanis istis persuasionibus aut potius diabolicis incantationibus hujus nebulonis commotus, 1. die febr. A. 1620. circa 7. matutinam, potiunculam, quam ex margaritis aliisque lapidibus preciosis, nefandum scelus! arte vulcaniæ præparatis, conflata esse ajebat, ab imperitissimo isto nebulone sumit. Quid sit? sumtâ portione, protinus vires totius corporis diminuuntur, & paulò post ita deficiunt, ut intra horas circiter 3. postquam pituitæ nonnihil evomisset, visum, auditum,

10

loquelam, motum item & sensum amiserit, & sequenti die, cum ipsam inviserem, punctiones acicularum non senserit, atque in hoc vitæ statu placidè obdormivit, cum post sumtam potiunculam vix 40. horas vixisset.

G. Fabris. obs. l. 5. obs. 37.

XI.

Mercurius vita, evadit Mercurius mortis.

Matronam Solodurensē asthmaticam & decrepitam, cum Mercurium vitæ ab Empirico sumisset, eadem die extinctam fuisse, à viris fide dignis Soloduri mihi sæpius relatum est.

Id. cent. 3. obs. p. 548.

XII.

Magisterium Perlarum corrodit ventriculum.

D. Woyfeliſius ſenior mihi, narravit, Episcopum Uratiſlaviensē, Caſparum Logum, Magisterium Perlarum, perſuaſum à fratre, sæpè porrectum à Paracelſiſta quodam bibiſſe, atque demortuo tunicas ventriculi nigras & corruptas apparuiſſe. Eodem eventu uſam eſſe Marchionis Joannis Conjugem, in quâ ventriculi tunicæ planè fuerint eroſæ. Rarum certè ullum vitrum, in quo aſſervatur tam eſt firmum, quin erodat, & in cinerem convertat. Longum eſſet omnia iſta perſequi, quæ impertiffimè de gemmarum atque auri diſſolutione dicuntur.

Crato in Ep. à Scholizio ed. ad Menav. 163.

XIII.

XIII.

A medicamento Chymico & Medicus & Aegrotus extincti.

Ante Annos 20. Medicus quidam Toannonæ in Sabaudia ad lacum Lemannum medicinam faciens, cum calculoso cuidam medicamentum chymicum ad calculum conterendum & expellendum exhibere vellet, æger verò; à Medicamentis Chymicis omnino alienus, id recusaret, postridiè in duplâ quantitate id adfert Medicus; & ut æger majori cum fiducia eo uteretur medicamento, partem unam ipsemet Medicus sumit, alteram ægro suo obtulit. Ambo cum haussissent, simul etiam intra paucos dies vitam cum morte commutarunt.

XIV.

Quidam ex Antimonii usu Herniam ventriculi contraxit.

Trutinarius quidam, Coloniae Agrippinæ, cum ante Annos 17. potiunculam ex Antimonio ab Empirico, & rerum Medicarum imperitissimo homine paratam sumisset, tam vehementer & impetuosè agitata & commotus ipsius fuit ventriculus, ut herniam ventriculi inde contraxerit, qua etiam nunc non sine maxima molestia laborat, ut ego, cum ipsum aliquando inviserem, ipsemet vidi. Quotiescunque enim corpus inflectit, ventriculus non sine molestia, veluti in saccum excidit.

XV.

Antimonii usu quidam extinctus.

Ante annos 14. D. Eleasar Perialdus, in Schola
Lau-

Laufannensi Philosoph. Professor, cum sibimet præter Consilium D. Alberti Roscii, Medici celeberrimi, simul & mei ipsius bolum ex Antimonio (quod paulò antè se Lutetiâ attulisse, ibidemque à D. Quercetano paratum fuisse, aiebat) parasset, & sumisset, parum abfuit, quin eadem die, animam unà cum excrementis evomeret: tam vehemens & impetuosus, per superiora simul & inferiora sequuta est operatio, quæ per totam diem duravit. Sequenti nocte doloribus maximis brachiorum & crurum simul & convulsionibus (propterevacuationem maximam & siccitatem nervosarum partium) lipothymia & virium prostratione (propter defectum spirituum vitalium & humidi radicalis) correptus fuit. Ego cum prædicto Medico circa horam 2. noctis accersitus cum essem, protinus seq. potiunculam exhibuimus. Rec. Confect. Alkerm. drachm. sem. Theriac. opt. scrup. un. C. Cervi ust. & præp. scr. sem. aq. Cinam. Unc. un. bugloss. unc. c. 2. misc. f. potio. Juscula caponum & carnis vervecinæ, nec non alia, quæ partes nobiles corroborant & humidum radicale, spiritusque vitales instaurant, præscripsimus. Brachia, crura simul & spinam dorsi. seq. linimento calidè inunximus. Rec. ol. amigd. d. lil. alb. viol. ana. unc. un. ol. lumbr. vulp. pingued. hum. & ursi. ana. Unc. 2. misc. Hòc linimento de hora in horam, prædictis partibus inunctis, remiserunt quidem dolores, nihilominus tamen intra paucos dies animam Deo piè placidèque reddidit; Tum quia humidum radicale, violentiâ medicamenti ita absumtum & evacuatum erat, ut refici non posset, tum etiam quia propter violentam attractionem medicamenti, à circumferen-
tia

tia ad centrum inflammatio in Epate oborta fuerat.

Fabric. cent. 3. obs. p. 551. 550. 548.

XVI.

A pote Antimonio auditus deperditus.

Biennium est, cum nobilis quædam Matrona Bernenfis, adhuc juvenis & optimo corporis habitu prædita, de dolore aliquo gravativo ventriculi, ex cruditatibus orto conquereretur, & ob id Medicum in consilium vocasset, protinus ipsi potiunculam pro tribus dosibus, in crepusculo matutino sumendis præparavit. Cum primum haustum sumisset, sequutus est vomitus maximus & frequens. Sequenti die secundum haustum tam violentæ & frequentes sequutæ sunt vomitiones, ut parùm abfuerit, quin vitam cum morte commutaret. Circa vespæram cessantibus vomitionibus paulatim restituta fuit & evasit: tertium enim haustum, qui procul dubio ipsam jugulasset, non sumpsit. Inter vomendum autem, quòd notandum, cum tinnitus dolorosus aurium supervenisset, auditum amisit. Medicus nonnulla auribus instillavit, quorum beneficio auditum sinistræ auris recuperavit: auditus verò dextræ, ex quo antea quoque laboraverat, feliciter tamen restituta fuerat, hæcenus restitui non potuit. Arbitror enim in ipsis violentissimis vomitionibus membranam tympani, præcipuum instrumentum auditus, disruptam dilaceratamque fuisse. Si enim surditas, ut in vehementiss. vomitionibus fieri consuevit, ex viscido aliquo humore, circa prædictam membranam collecto procederet, maximus procul dubio adesset tinnitus.

nitus. At hîc ferè nullus. Vomitorium autem nihil aliud, quam vinum infusionis vitri Antimonii fuisse, indicat gustus ipse. Nihil aliud enim, quàm vinum purum se bibere putabat ægra. Scævissimus deinde vomitus, uti & lipothymia, aliaque symptomata, quæ supervenerunt, id testantur.

XVII.

Mentis alienatio post sumtum Antimonium.

A. 1619. Empiricus quidam idiota & temerarius, hic in vicinia Medicinam, aut potius nequitiam suam exercens, Matronam quandam Solodurensē de dolore capitis conquerentem, vomitorio suo, sibi in omnibus ægris familiari, ad cymbam ferè charontis deduxit. Evaſit enim quidem, sed facta est planè factua. Lectum non egrediebatur: nec loquebatur, nisi interrogata, cibum & potum nunquam petebat: cſurienti tamen si offerebatur, cum voluptate comedebat, sin minus, renuebat. In excretionē excrementorum eundem observabat ordinem. Noctu erat quiesca, interdium similiter, præterquam quod continuò strophium aut linteum aliquod complicaret, & explicaret denuo, repetitis vicibus: festucas item & floccos ex culcitris extraheret & colligeret. Sed admiratione dignum est, adeò obtusi fuisse sensus, ut propter acrimoniam excrementorum & decubitus in dorsum, nec non negligentiam astantium factum esset ulcus ingens & putridum, circa os sacrum, & coccigem, ad spinam usque, ipsam tamen nunquam de dolore conquestam fuisse. Mansit in hoc statu vitæ, per menses aliquot, maximâ tandem adhibitâ diligē-

gentia, à D. D. Scharandæo convaluit, & aliquandiu supervixit, & integra quidem mente.

Idem cent. 5. obs. 12.

XVIII.

Antimonii ad purgationes pernecina vis.

Scio multos usu solo Antimonii præparati granorum 4. & in substantia & infusione alicujus liquoris, fursum ac deorsum gravissimè fuisse purgatos & in morbos longos incidisse, à quibus nunquam extricari potuerunt. Novi Medicum in Republica nostra alieno, quàm suo periculo cautiorem, simplici confidentia hoc medicaminis in se experiri volentem, eo insalubritatis adactum, ut nunquam pristinum vigorem ac corporis robur recollerit, sed ad extremam penè animam Antimonium detestatus sit. Novi febrientes, novi Phthisicos, arthriticos, calculosos, leprosa scabie ac cutis vitiis affectos, ejusmodi cenaurica medicatione, aut verius mordicatione vomitiones vehementissimas, colicos dolores, diarrhæas, convulsiones, cardiacas syncopas frequentes, in summa, præmaturas mortes inductas fuisse. Atq; hæc omnia, quanto promiscuè confuseque, citra rationem Physicam, methodum citra demonstrationes arte inventam, imò cum pudenda execrabilique Philargyria, sub prætextu justæ mercedis, proximorumq; calamitate agitantur.

B. Dessen. in defens. med. vet. contra Paracels. c. 40.

XIX.

Alia historia de iis, qui Stibium sumserunt.

Referebat mihi nuper Illustrissimi Principis, Elector. & Palat. Rheni D. Oth. Henrici, & D. Friderici
Medi-

Medicus experientissimus D. Marcus Needham, se ex nobili femina, cui fuisset exhibitum, audivisse, visam ei esse animam de corpore exiisse, tandem perripisse medicamentum & alvum turbavisse.

2. Affirmavit mihi Marchionis Badensis Philiberti Medicus, se aliquot novisse, quibus ex ejus usu venæ in pectore aut pulmonibus ruptæ sunt: quique Phthisici perierunt.

3. Pharmacopæi etiam nostri famulus, ut se à peste præservaret, sumsit ipse grana, opinor, quinque. Paulò post erumpente ex ore ac naribus sanguine, sensu & mente amissis tertio die animam efflavit. Hujus generis historias recensere plurimas possem, si res posceret. (a) Imò, si nos Medicorum passim experientiam vellemus coacervare, injustum volumen excresceret Oratio. Audires hunc periisse nigris globulis ex mercurio, & animam excacasse; illum per turbidum minerale, alios per margaritarum & Coralliorum essentias, alios per spiritum vitrioli, quem vidi digitos cuidam prærolisse &c. & ita in aliis. (b)

a) *Erast. de propriet. med. v. 65. b) Libav. antiagramma* 1. p. 719. *Cratol. 3. conf. 13. lib. 4. epist. p. 406. lib. 3. p. 434. & ult. Andern. de vet. & nov. Med. com. 2. dial. 7. Feuvin. de abus. Med. Sc. Schenk. l. 7. obs. 219. Paracels. l. 23. c. 41.*

XX.

Infelix successus Croci metallorum.

Fuit aliquandiu nobiscum Chymiater quidam, homo alioquin non indoctus, sed purus putus Paracelsista. Is rebus suis fortè desperatis, aut ad rem us-

A a a

quo

que perductis, spe majoris lucri, Francofurtum se contulit, ibique brevi post vitæ & praxeos finem fecit. Habuerat ille puerum pro famulo, quem postea discedens, hîc reliquit. Famulus verò ab hero suo (nescio quo titulo) fortè fortuna acceperat pixidulam Croco metallorum plenam, quemque contra omnes, etiam deploratissimos affectus egregiè pradicare didicerat. Quid sit? mulier quædam ipsius vicina conqueritur de filiola graviter decumbente, & suspicionem lumbricorum verita, dosin istius pulvisculi tantopere comendati à vicino sibi erogari petit. Illa impetrat satis magnâ quantitatem pulveris, tantamq; eâ ægrotanti filiolæ quinque ñi exhibet: à cujus assumptione paulò post gravissima oriuntur symptomata, vomitus & dejectiones alvi enormes, concussionem vehementes totius corporis, insultus aliquot Epileptici & dolores in toto corpore acerbissimi. Parentes miserrimo hoc spectaculo perterriti, & commoti D. Jerem. Moltherum Medicum accersi curant, sed priusquam adventaret, mortem oppetiit infelix ista puella. Cadaver ipsius de consilio Medici & aliorum fuit incisum & sequentia notatu dignissima in eo deprehensa. Aqua citrina ore & naribus effluerat copiosissima. Omentum visceribus exemptis fuerat à parte inferiori disruptum. Hepar cæruleum & nonnihil induratum, quasi in aquâ ferventissima fuisset maceratum. Pulmo in dextra parte flavescens, vesica fellis præter modum tumida, exuberans & repleta sanguine aterrimo. Cor in sinistra parte flacidum, exangue. Ventriculus ad ovi magnitudinem, in quo repertus adhuc fuit iste pulvis seu crocus,

cus, à quo etiam intestina fuerunt tincta & infecta.

G Faber. in ep. ad Guilh. Fabric. observ. Fabric. l. 4. obs. 79.

XXI.

Omne nimium Natura bellum indixit.

Omne nimium naturæ inimicum est, (a) destruit enim Elementorum τῆς οὐρανοῦ, in qua sanitas consistit, & in qua omnis animalis substantia, Naturæque propria conservatur. Affatim itaque corpus quovis modo mutare, periculosum est, talis siquidem repentinus motus nimius est, adeoque Naturæ adversus & inimicus. (b) Si quis enim coactus 3. aut 4. dies jejunarit & derepente comedat, moritur statim: quia subitam hanc mutationem Natura non sustinet. (c) Sic qui diutius in carcere tenebricoso detenti fuerunt, occæcantur, (d) si protinus lucidum aërem intueantur: si quis à vehementissimo frigore statim ad ignem luculentum accedat, animam protinus efflat: nam per frigus & imminuitur & intus se colligit calor natus, qui mox se ad vicinum ignem explicans, diffunditur atque evanescit, ut qui sit exiguus & languidus, (e) Sic nimis studiorum laboribus defessa ingenia corruunt, pondere molestiarum oppressa. Plantæ sanè modicis rigatæ aquis surgunt, at multis tabescunt: ita animus mediocri vegetatur labore, nimio opprimitur. Respirant ergo à valido labore: nam vita est labor & remissio. Somnum & vigiliam dedit Deus, hyemem & æstatem, fastos & nefastos dies; tu etiam arcum remitte, ut habeas, quem tendere possis. Cùm animum studiis fatigari

sentis, ad corporis gratum exercitium te vertes, nam ut ait Ilocrates: *πλησμονή ἀπάντων*. Ita instar Organī Musici, dum intensiōe & remissionē sibi concinna redduntur studia, suaviora evadunt. Pythagoras dicebat, cornon manducabis, hoc est, nimis studio rū curis id non exedes. Nec ergo animus anxio studio corpus, nec corpus animum nimio labore fatiget: sed gratā vicissitudine alterū alterius laborem excipiat. Scripsit Hippocrates, ab exercitio fatigationem, alterius generis exercitio recreari; nam, ut ait Plutarchus, *ἡ ποικιλία περιόν*, id est, varietas omnis grata est. Ut enim cultrum uno latere, si perpetuo acuas, hebescit, ita ingenium uni semper rei inhians torpescit. Attamen hæc ingeniorum laxamenta non tales illecebras aspergant, ut quasi Sirenibus, ex nave evocati, Ulysses, hoc est, animum ejusque studium negligamus, fiat itaque cuncta moderata, *πάν γὰρ τὸ πολὺ τῇ φύσει πολέμιον*. Præclarè olim ad hanc sententiam Alphæus Mytilenæus: *τὸ μὲν γὰρ ἄγαν, ἄγαν με τέρει*: nihil nimis nimis mihi placet; & eleganter Phocylides: *πάντων μέτρον ἄριστον, ὑπερβασίη δ' ἀλεινὴ*: Modus omniū optimus, excessus autem vitandus est. (f)

a) Hippocr. l. 2. aph. 51. b) I'scer. Galen. Fuchf. in com. ad alleg. aphor. Emmanuel. Sturpan. p. 463. c) Høller. in com. d) vid. centur. 7. nost. memorab. part. 25. e) Viscer. l. 6. f) Heurn. de mod stud. medic. 6.8. in com. aphor. cit.

XXII.

Quando maximè studiis indulgendum?

Philostratus prodidit, (a) Apollonium dicere solere discipulis, oportere eum, qui rectè philosophatur,

sur, veniente aurorâ, cum Diis versari: procedente autem die, de Diis loqui: reliquum verò tempus humanis rebus & sermonibus impendere. Dea quædam apud Virgil. ita dormientem compellat Æneam:

*Surge, age, nato Dea, primiq; cadentibus astris
Iunoni fer ritè preces -- -- (b)*

Etenim,

*Tunc vigor intus agit major, tunc pectora calo
ingeniis primâ luce favente calent.*

*Inde fluunt sacri latices, studioq; perennes
fons matutino fundit apertus aquas. (c)*

Hinc Pegasus fabulantur reclusisse Musarum fontem, quod, id cum oritur sidus, socio sole (hoc fit in Aprili & Majo) matutinis horis, aptissimè tractentur studia & pleno fonte, quod tunc se effundant ingenii vires. Et nos in Auroræ horis, sacra faciemus Musis: nam hæ Musis sunt sacræ, etenim divina illa nostræ mentis aura, spiritusque Palladii, (hoc est cerebri) cuncti, ab omni fædo vaporum incurfu, his horis sunt liberrimi, nec ullo madore polluantur. Commodæ sunt & horæ ante cænam, Italæ admodum ad studia expetitæ, jam soluto ab officio stomacho. Et summa cautio adsit, ne studium ineatur, dum in ciborum mitigatione stomachus fatigetur: expirat enim ita in mentem vapor, qui illam caligine obnubilat, quem sæpè bibens mens, hebetata, splendorem pristinum exuit, indeque ingenia tandem in stuporem flaccescunt. (d)

a) de vita Apollon. Thyanaï. l. 8. c. 3. b) l. 3. Æneid.
c) Loricb. l. 2. Carm. p. 171. d) Henr. de modo stud. med.

e. 8. Lang. l. 1. Epist. 55. Macrob. l. 7. Saturn. c. 4. & 5.
Cent. 2. nost. mem. part. 11.

XXIII.

Consuetudinis quanta vis.

Consuetudo est vis quædam ulu ascititia, quæ eadem pati aut agere inoffensa naturæ œconomia licet. Non temerè hæc vis est mutanda; quod natura assuetis gaudeat. Elucet id in alvinâ Oeconomia: qui enim duris cibis assuevere, hos facillè superant. Causa ejus rei hæc est. Quia id quod coquit æquè alteratur, ac id, quod coquitur: quare assueta facillè coquuntur, nam naturam non afficiunt, sed faciunt, ut ea suo statu conservetur, familiaritate substantiæ & occurrentis qualitatis. Nam longa die inita his est familiaritas quædam & similitudo. Et similia facillè se alterant & mutant. Quanta vis sit consuetudinis, probat Galen. (a) exemplo Arrii Peripatetici, qui, cum gracilis naturâ esset, & os ventriculi ejus ex frigore langueret, ita ut vel ex levisima refrigeratione, singultum incurreret, & ob id nunquam ausus fuisset aquam gustare, tandem febri occupatus, atque à Medicis coactus frigidâ uti, (quamvis alii, nisi hæc propinetur, extinguantur) subito fuit exanimatus. Magna profectò consuetudinis vis. Quibusdam tanta clysmatum consuetudo est, ut in eorum inediâ alvus sui immemor stupeſcat, nec cedit aliis remedijs. Hoc Duci Albano evenit, cui, (ut nobis retulere ejus Medici) sine enemate non respondebat alvus: nam sui quasi oblita natura, totam se Medicinæ familiari concrediderat. (b)

a) l. 1. de alim. & libr. de consuet. b) Heurn. in explic. apb. 50. l. 2. l. 3. M. M. c. 19. & l. 7. inslit. med. c. 3.

XXIV.

Consuetudo Tyrannus.

Magnus naturæ Tyrannus est consuetudo, quæ sensim irrepens, tota gubernacula hujus Oeconomix sibi tandem adscribit, nec irato cedens genio: cujus leges non solum evertere, sed & abrogare interdum videtur, ut non temerè Cretenses olim, se abundè diris devovisse existimârunt illum, cui delicias prævæ consuetudinis imprecarentur. Ita modesto voti genere, efficacissimum ultionis eventum reperiebant. Grave profectò assuetudinis pondus: Mithridates venena assuetudine vorabat, adeo ut captus à Pompejo Magno, in carceribus, veneno se interimere non potuerit. Puella, inquit Albertus, araneis victitabat. Quod nec ratio, nec Philosophia persuadere possunt, his par est consuetudo. Darius, cum intellexisset, Indis familiare esse, vita defunctos parentes, solenni quodam ritu vorari, quòd putarent ad pietatem pertinere, viscera, ex quibus prodierant, iterum (mutuo officio) suis visceribus condi: conversus ad præsentes quosdam Græcos, rogat, quanti emere velint hanc consuetudinem Indorum? respondabant, longe illam immanitatem à suis abesse, nulloque precio eò abduci posse: mox conversus ad Indos, persuadere voluit, ut Græcorum more, rogo parentes mortuos cremarent. Ad quam vocem, mirum, quæ trepidatio & impietatis execratio apud hos enata fuerit. Cùm itaque nec ratio nec Philosophia frenare consuetudinis vim potest, non mirum, ejus

habent humanum corpus trahi. Propterea scripsit Hippocrates, (a) cottidianis laboribus assueti, etiam si invalidi sint, aut senes, insuetis, quamvis robustis juvenibus facilius consuetos labores ferunt. (b) Causa verò facilis tolerantiae, quæ à consuetudine laborum nascitur, duplex est, quia robur partis exercitatur auctius redditur, propter duritiæ ac soliditatem articularum, tendinum atque ligamentorum, quam ex attritu mutuo per exercitia accipiunt: plus etiam caloris & spiritus, qui motu fit excitatior, ad eam partem transmittitur: facilius quoque fit extensio fibrarum in musculis, quia promptius ad eam figuram, quam sæpè acceperunt, trahuntur, idque sine dolore, idcirco Celsus ait: ignavia corpus hebetat, labor firmat. (c) Quin etiam, quæ jam pridem sunt assuetæ, minus gravare consueverunt, quamvis pejora sint iis, quæ familiaria non sunt: quare ad consueta iterum facienda mutatio. Ita habent antiqua Exemplaria καὶ ἐς τὴ συνήθειαν μεταβαίνειν: non autem ἀσυνήθειαν, ut vulgati textus legunt. (d) Dionysius tyrannus obsidione oppidana pressus, cum à sibi assueto potu aliquantulum abstinuisset, extemplo tabescere capit. (e) Narratum est nobis exemplum cuiusdam barbitonforis Lipsiensis, ni fallimur, cui consuetus potus in prandio cænave erat, septem cantharorum Lipsiensium. Huic in febrim illapso minuere Medici pocula volebant, & unciatim instillare sattemnem cerevisiam. Sed ille vix detrahi partem tertiam sibi passus est. (f) Non assuetis Pharmacia & Phlebotomia gravis est. (g) Quantum autem robur sit assuetudinis, eleganter narrat Theophrastus: Thraſias, inquit, manipulos totos ellebori elicabat. Et

Eudemus Chius unâ die, in foro sedens, 22. ellebori poriones accepit, nec tamen à suis vasis surrexit: tùm vero abiit lotum atq; cœnatum, uti consueverat, nec evomit: Ita paraverat se longa assuetudine, paulatim crescente ellebori mole. (b) Historia quoq; percelebris Atticæ anus, cicutâ absq; detrimento vespentis, docet, quod quis & venenis assueheri possit. (i)

a. d) *aphor. l. 2. aph. 49. & 50. b. c. g) Heurn. l. 3. M. e. 19. Plin. l. 25. c. 2. Sebiz. in dise. de serpente L. iij. a. Galen. l. 1. de antid. c. 1. Arist. l. 1. Rhet. c. 11. c. i) Galen. l. 3. simplic. c. 18. Viscer. in som. cit. aphor. Lang. l. 1. epist. 69. Sekoltz. epist. medic. 248. edit. post. Gogl. de prov. vit. p. 66. f) Libav. de eruent. cad. p. 217. h) l. 9. de plant. c. 18. Neander, in syntagm. de Medic. orig. p. 62. Sebiz. de acidul. diss. 9. sect. 2. coroll. 3. posit. 13.*

XXV.

Cur facies frigus melius, quàm reliqua membra ferat.

Miramur in quibusdam regionibus homines, vel omninò, aut ex parte nudos vagari, nec frigus curare, aut eò offendi, præsertim in locis frigidioribus, ut Hybernîâ, ubi quoque brachiis & pedibus nudis, per abstrusa illius loca incolæ incedunt; & licet in Americâ cælum temperatius sit, sine dubio tamen, aliquando etiam, noctu præsertim, gelidum, ut etiam apud nos, in ipsis canicularibus sit, ita ut Consuetudo hîc quoque multum possit; Quæ facit, ut facies nostra detecta, quæ non minùs rara, mollis, ac reliquum corpus & sensibilis, frigora tamen perferre possit.

Plater. quæst. physiol. parad. 5.

XXVI.

Proditor consuetam actionem repetit imprudens.

Nostratibus hominibus sæpè inter pocula redeunt consuetæ foriæ. Succurrit lepida quædam historiola, ejus qui deferre alios assuetus, inter pocula conivens, seipsum ut forex prodidit. Alunt Respublicæ quædam delatores, quos vocant consiliarios secretos. Ex horum numero unus, cum bene potus ad mensam dormitaret, tanquam coram Magistratu, incepit nominare socios, in eadem mensa compotantes, & crimina deferre. Et licet admoneretur, ut si prodere vellet, suo loco id faceret, tamè abstinere non potuit, donec cum sella in pavimento prostratus evigilavit. Tanta vis est assuefactionis, ut etiam insciis invitisque redeant commotiones.

XXVII.

Consuetudinis vis mira, etiam in Animalibus.

Consuetudo est natura quædam, ut & mansuetudo bestiarum, quibus videmus recurrere sua sponte motum consuetum, ut isti Sturno, qui assueverat pronunciare hæc verba; Cave tibi à consortio pravo: quæ ipse, cum evasisset caveam, & inter alios ruri captus fuisset, venatori occinit more solito. Idem de Corvo futoris legimus. Cum ex Adriacâ victoriâ reverteretur Augustus, occurrit ei inter gratulantes quidam, corvum tenens, quem instituerat proferre hæc verba: Ave Cæsar, victor Imperator. Miratus Cæ-

Cæsar tam officiosam avem viginti millibus e-
mit (hoc est, quingentis aureis solatis, Rob. Cenalis)
multasque præterea similes comparavit. Quo exem-
plo motus pauper sutor, instituere ipse quoque ag-
gressus est Corvum, ad parem salutationem, sed im-
pendio exhaustus ad avem non respondentem dicere
solebat, opera & impensa periit. Cœpit tamen ali-
quando Corvus optatam salutationem exprimere, ac
fortè auditâ, dum transiret Augustus, respondisset-
que, satis talium salutatorum habeo domi, superfuit
Corvo memoria, ut & illa, quibus dominum que-
rentem solèbat audire, verba subjungeret, opera &
impensa periit. Ad quod subridens Cæsar, emi avem
iussit, quanti nullam aliam emerat: nempe redeunte
ad motum solitum linguâ, cum neutiquam intelli-
geret censuram aut verba Augusti.

*Liban. περὶ αἰμάτων εἰς. p. 333. & seqq. Macrobi. l. 1. Sa-
turn. c. 4. Gessner. de avibus p. 324.*

XXVIII.

Psittacus mirè loquax.

Nuper Amicus quidam recitavit nobis jucundam
de Psittaco historiam: quem ajebat Londini in An-
glia è palatio Regis Henrici VIII. in præterlaben-
tem fluvium Thamesin decidisse, & voce con-
suetâ iis, qui quantocunque precio (ut in periculo
aliquo constituti, aut alii etiam joco) portitorem ex
oppositâ ripâ vocant, a bott a bott for e Wentye
po Wnd: quod est, Cymba, Cymba, vel pro vi-
ginti libris, quam sæpissimè enunciari audierat, &
rùm commodissimè meminerat, exclamasse. Eâ ex-
citatum portitorem quendâ, properè adnavigasse &
fustu-

sustulisse avem, & Regi (ad quem pertinere agnoscebat) reddidisse, tantum mercedis sperantem, quantum avis promiserat. Rex pactus est, ut quam avis interrogata denuò mercedem dixisset, acciperet, placuit, respondit avis: Gibe the Knabe à grott: id est, da nebuloni solidum.

Martialis.

*Pistacius à vobis aliorum nomina discam:
hoc didici per me dicere, Caesar ave.*

Autor Philomela.

*Pistacius humanas depromit voce loquelas,
atq; suo Domino, χῆρες valeῖ, sonat.
Gessn. de avibus fol. p. 693.*

XXIX.

Sturnus sibi ipsi pedem luxatum reponit.

Experientia deprehensum est, Sturnum sibi ipsi Medicinam facere. Cum enim quidam Luscinias simul & Sturnum aleret, & huic pes luxatus esset, ova formicarum, quibus vescuntur lusciniae, Sturnus rostro minuit: & deposita sub alis atque calefacta, rostro ad pedem attrivit. Quà ratione intra paucos dies integer ut antea, incessit, ut G. Fabricius, suis ad nos litteris testatus est.

Id. ib. p. 716.

XXX.

Charadrii avicula mira vis.

Charadrios à voragine vel voracitate, vilis avis, quæ credebatur visa Icterus solvere, propterea venditores occultabant, ne emptores conspecta ave curra-

ra-

rarentur, priusquam emissent, ut autor est Euphronius. (a) Inde nomen ei, qui rem vilem quasi magni precii occultat & dissimulat. (b) Plutarchus putat, invidiam imaginatione proprium tabefacere corpus & etiam contaminare alienum: causamque harum rerum refert ad effluvia, quæ ex tali surgentia corpore, ad alios & perveniunt, aliosque lædunt. (c) Respondet, quamvis Charadrius avicula attraheret bilem, tamen non liberaret à morbo, qui est obstructio & intemperies hepatis. Et quomodo effluvia ad se traheret Charadrius, etenim oculis connivet & caput sub alis condit? (d)

a) Gesn. de avib. p. 246. b) Erasmi in adag. p. 568 c) l. se. probl. 7. d) Henr. l. 3. instit. c. 6.

XXXI.

Sol vapores ad se ut trahat.

Sol calefaciens hæc inferiora trahere ad se dicitur vapores & exhalationes, non vero tractu, ut nimirum motu, quo Sol movetur, eodem etiam vapor moveatur, sed quòd vapor propter Solem incallescens, isto calore suapte naturâ in sublime efferatur, quemadmodum etiam Naphta dicitur ad se trahere ignem, quamvis non attingens ignem, sed remotiori loco ab igne dissita, nihilominus inflammetur. Ob id Dioscor. Naphtam ad se trahere ignem scribit, nam facillimè inflammat, ut calore ignis non multo affecta & alterata mox inflammetur, quemadmodum aliâ extincto elychnio in sebatio aut cereo lumine, si propius ad ignem adhuc fumans adhibeatur, mediante fumo illo facilius accenditur rursus, non quod extinctum motu locali ad se rapiat flammam ardorem ignis remotioris.

Jac. Sebeck. diss. phys. p. 198.

XXXII.

Nevi in Unguibus quid praedificent?

Maculae sunt excrementa cordis, est enim cor validissimum viscus, quod à se noxia omnia propellit, sed minus nobilia membra cum conatu & invisibiles: quae in unguibus eveniunt, maximè visibiles, quia transparentes, unde in his & oculis facilius observantur. Unde, quando ex aliquo intenso & vehementissimo timore, labore, maerore, cor nobilissimum membrum obsidetur, suam pellitur robustitate. Si atrabiliaris humor, nigras maculas ejicit, & cetera, sed praecipuè in annulari, ibi enim ex corde venae sunt, ex hoc Medicorum jussu, aurei annuli in eo gestantur digito, ut cor laxificetur, unde prius adversa, postea maculae ostenduntur, sed ob observantium imperitiam non animadvertuntur: nam maculas videndo, suarum ærumnarum meminerint praesentium & futurarum. Sed ego ex paternâ hereditate cum adversa aliqua & maximè melancholica paterer, unde exilia & persecutiones sufferere, nigerrimae maculae in unguibus per totum septennium apparuerunt, ob sollicitudines, labores, honoris timorem & exilia, quae sustinebam, quae jura cum molestiis evanuerunt & hoc verum observavi. Albæ nimirum ex phlegmate, cum corpus eâ redundat & maximè in unguibus emergunt, cum corporis partes ceterae non ita conspicuae, cum phlegmaticis considerationibus stimulamur. (a) Medici quoque colorem unguium observare solent, nam ungues, deficiente cordis calore pallescunt,

lescunt, & frigidioribus temperamentis pallidiores sunt. At quibus calor justus est, rubescunt. (b)

a) Bap. Portacalcst. physio. l. 5. c. 14. b) Bartolin. l. 4. Anat. instit. c. 1.

XXXIII.

Annularis digiti sinistra manus prestantia, & quare præ cæteris auro devinciri mereatur.

In articulari morbo & coxendico, qui vere & autumnò viget, vis ac facultas naturalis, humores in corpore coacervatos à partibus robustis ad imbecilles propellit. Sic observavi in Gallia Belgicâ, complures chiragræ ac podagræ obnoxios, quibus omnes articuli acerbissimo dolore, tumoreque erant inflati, illo tantum sinistro manus digito illæso, qui iussimo proximusest. Is quidem ob cordis vicinitatem, ac consensum, nihil sensit incommodi. Nec est, quòd ex hoc morbo quisquam mortem extimescat (à cæteris enim sunt immunes, modo ne ficosi sint, ac venericæ lue contaminati) nisi circa sinistram pectoris sinum, cui cordis turbinatus mucro subest, humorum colluvies decumbat, digitusque annularis nodosus efficiatur atque intumescat. Hac siquidem, ubi fieri incipiunt, luxato vitali robore, vigor labascit, omnisque animi & corporis vis concidit. Hinc igitur mos inolevit apud veteres, ut is digitus auro insigniretur, talique gestamine decorus esset, potiusquàm cæteri: quod tenuis quidem arteriæ ductus, (a) non nervi, ut Gellius (b) existimavit, à corde ad hunc digitum porrigatur, cujus motum in parturientibus, ac delassatis, omnibusque cordis affectibus, indicis attactu mani-

manifestè percipis. Nec sanè id cuiquam absurdum videri debet, cum animi defectu collapsos erigere soleam, vellicato hoc articulo, aurique, cum momento croci, attritu; per hunc enim vis quædam refocillatrix, quæ illi insita est, ad cor dimanat, vitæque fontem, cui is digitus connexus, implicitusque est, recreat. Quapropter præ cæteris illum honorem promeruit, autòque decorandum censuit antiquitas. Hujus quoque dignitas, quam à corde consequitur, hoc effecit, ut veteres Medici, à quibus etiam nomen (c) obtinuit, medicamenta ac potiones illo (d) commiscerent: nihil enim venenati vel extremis ejus radicibus adhærere potest, quin homini infestum sit, utriusque cordi commiscetur. (e)

a) *Hoc controversitur.* Dicitur *παράμεσθρον δακτυλίαν* *ans*, annularis, ob continuam annulorum in eo usum, cum plerique opinione persuasum fuerat, edoclis ita ab Ægyptiis, quasi de hoc solo digito vena quæpiam peculiari-ter ad cordis interiora derivaretur, gratiâ cuius cordis substantia; ob auri familiaritatem, quam invicem conjunctam habent, magis magisq; corroboraretur, quod tamen falsum, & anatomia repugnans, & consuetudini magis ascribendum, cum reliquis digitis æquè de tertio huic, non vena sed arteriola sua, ab aorte brachialis ramo, *ζώνη βεννα* largita sit. C. Graecæ. in exam. theat. microscop. class. 1. sect. 6. Bartol. instit. anat. l. 4. c. 1. b) l. 10. noct. Astr. c. 10. c) *δακτύλιος*, digitus Medicus, cordis digitus, & potissimum sinister Vesal. l. 1. p. 208. Mach. Dresser. l. 1. de part. corp. hum. p. 54. d) Laurens. l. 5. anatom. c. 8. e) Lemn. de occ. nat. mirac. l. 2. c. 11.

XXXIV.

Cuticum subjecta carne naturalis amicitia.

Cuticum subjectâ carne naturalis quædam amicitia coit, ut ægerrimè sanescant, quibus omninò illa excidit: facillimè ubi incolumis servata est. Mirum, quod præcisa, sed loco suo reddita coalescit, recipit spiritum & quasi mortua reviviscit: quodq; è plaga, livore ducto, non in juvene solo, sed etiam senè, vividum colorem recuperat. Magna igitur in vulneribus cutis habenda ratio, neque ob id solùm, quòd inde celerius glutinatur vulnus, sed quia interjectâ cute plurimis juvatur, quæ nuda caro non perferat.

Holler, instit. chirurg. l. 2. c. 5.

XXXV.

Sine cute natus.

Ludovicus, Uladislai Iagellonis F. Casimiri Poloniæ Regis Nepos, Ungariæ & Bohemiæ Rex, sine extremâ cute, quam *imdiequig* vocant, editus est. Arteque & inunctionibus ea producta, vel adolescens canos aliquot alebat capillos. (a) Quod sinistri omnis loco à quibusdam meritò reputatum, quandoquidem & eventus ostendit, in ætatis flore, vitâ & regno semel spoliatus, (b) copiis suis ad oppidum Mohazium, medio loco positum inter Budam, & S. Ecclesias (Belgradum) à Solymanni exercitu fusis & cæsis fugâ salutem quæsiturus, in vicinæ paludis lutulento gurgite depressus & suffocatus interiit, die 29. Aug. 1526. (c) Sunt, qui tradiderint appetentem equum ripam, retrò actum super Regem incidit.

cidisse, itaque illum oppressum. (d) Desiderata sunt
 15. millia Christianorum, & Buda, Antiqua Regum
 Vngariæ sedes, per deditionem à Turcis occupata
 est. (e) Regnare cœperat 10. ætatis anno: Nuptias
 cum Ferdinandi Imperatoris sorore Maria A. 15. ce-
 lebraverat: & 20. anno æt. periit. (f) Mortem vio-
 lentam (quod in gratiam cultorum Astrologiæ ju-
 diciarum appono) ex equo præcipitati portenderunt,
 Sol, Hylech cum Hercule, & Luna cum corde Scorpii,
 stellis fixis violentis, Venus Domina 8. & 1. domuum,
 iuncta Soli, in cæli Medio. Mars in duodecima, domo
 cadente, cum stellis de nat. Saturni & Iovis, Argo-
 navis. (g) Præcessit obitum, Eclipsis Lunæ, in 18.
 Cancræ, quem locum, tempore nativitatæ, Sol,
 Hylech sive vitæ significator, occupaverat. (h)

a) *Sehenk. l. 5. observ. 173. ex Sambuc. in append. Bon-
 fin. Porta l. 2. de hum. Physiogn. c. 56. b) Lessen. anatom. p.
 21. b. c) Buscholtz, ind. chronol. p. 518. Thuan. l. 1. hist. r.
 Sleidan. comment. l. 6. Leunclav. pand. rer. Turc. c. 216.
 & 221. d) Camerar. apud Manl. in loc. com. p. 57. e) Bun-
 ting. chron. p. 486. ex Paul. Jovio. f) Crusius part. 3. an-
 nal. Suev. l. 11. c. 1. g) Origan. part. 3. ephem. c. 24. Gar-
 caus de judic. nativ. c. ult. p. 366. & 379. h) Viß. Schönf.
 in prognost. anni 1591.*

XXXVI.

Historia digitipracisi, & curati, leviter.

Puer quidam, patre scrinario alibi occupato, ad
 opus accessit, volens nescio quid peracuto cultro le-
 vigare, sed declinans ille à materia, minimum di-
 gitum trajecit transversum, atque ita magnam par-
 tem abscidit penitus. Ille exterritus animo ita lan-
 gui-

guinem cohibuit, donec abscissam partem correptam subito apponeret mutilatæ, & circum circa glutine (cujus lebes paulò antè à Patre usurpatus, adhuc calens, cum materia astabat) oblineret, obligaretque. Factum ita est, ut partes divulgæ spacio 21. d. compingerentur, cujus vestigium postea per omnem vitam mansit, nempe circulus totum digitum ambiens.

XXXVII.

Vnâ ligaturâ ingens vulnus curatum.

Nobis hoc accidit. Incideramus aliquando in pernam suillam apud amicum quendam. Hanc divisuri, non contemnendo vulnere consecuimus pollicem sinistræ manus. carnemque cum cute, & vasis, ab osse separavimus, usque ad articulum, secuta est magna hæmorrhagia, utpote sectâ venâ. Nos asperso Zuccaro vulnus obligavimus, atque ita unâ perpetuâ ligaturâ integritati restituimus. Obligatio enim cohibuit hæmorrhagiam, calorem & spiritus coercuit, aërem corruptivum prohibuit, & alias injurias obstantes unitioni avertit. Hæc autem præstat, non quâ obligatio est, sed quâ consequuntur istam & comitantur dicta, seu quâ interventu obstantis materiæ arcetur noxium & naturæ vis unitur, calore servato, alioquin sufficeret vel simplici filo ligare aut quavis materia. Jam, autem requiruntur idoneæ fasciæ & certus ligandi modus.

Libav. & El. in materia pag. 52. & 66. Minderer medic. milit. c. 9.

De vi Zuccari in vulnibus, vide centur. nostr. v. par. 116. 88.

XXXVIII.

Nasus recens decifus, expeditè conglutinat.

Cuidam decifus Nasus, quà os in cartilaginem definit. Rusticus propendentem partem alteri digitis conjunxit, herbam rufam & è vino nigro tritam, quod Millefolium appellant impegit, rudius omnia colligavit, unde celeriter restitit profluens sanguis, & vulnus pulchrâ cicatrice brevi coit.

Heller. l. 2. instit. chir. c. 5.

XXXIX.

Nullum vulnus vel minimum contemnendum.

In parvo & recenti vulnere fasciola in orbem nexa satis esse potest, & quæ cultellis cibariis fiunt, solo fuctu, qui partes colligat, sæpius coalescunt. Alia vulgari therebinthiâ illita (quæ abietina potius vocanda est) & injecta fasciola celerrimè committuntur. Verùm nullum omninò vulnus, vel minimum, contemni debet. (a)

1. Ab exiguo & planè despicabili vulnere, in volâ sinistræ manus accepto, quod vix subditam cuti carnem contingeret, Ludovicum Vivem, Senatorii ordinis hominem eâ in Curiâ, quæ apud Monspeffulum est, quam vulgò Generalium vocant, intra 7. diem convulsione derepente ortâ decidisse vidimus.

2. Avenione Marcum Sobiratum, spectatæ virtutis ac summæ spei juvenem, ex calcanei vulnere leviori, quàm ut quid mali ex eo speraretur, mortuum 17. die, accepimus; quo tempore ex eo loco digressus, in aulâ agerem. (b)

3. Tradunt M. Antonium de Luna Bononiensem ex levissimo vulnere cubiti periisse.

4. Observavimus Patavii ex vulnere minimi digiti, Joan. Baptistam Argentinum decessisse.

5. Petrum quendam Sutorem, ex puncturâ acus, inter unguem & carnem pollicis dextræ manus inflicta, obiisse, Ludovicus pater testatus est. (c)

6. A. 1598. Rusticus quidam probè Lufannam, tractando spinas, malleolo spinam sibi inflixit. Neglecto morbo & maturè nimis clausâ puncturâ, exortus est dolor: mox sequuta est inflammatio & gangrena: tandem sphacelus totam tibiâ invasit atque occupavit. Cum verò abscissionem tibiæ recusasset, intra paucos dies extinctus est.

7. Virgo nobilis, quum in choreis incaluisset, & capite in postem cecidisset, vulnusculum in vertice contraxit, ubi cutis vix læsa fuit. Illa, quia neque dolorem, neque inflammationem sentiebat, 1. & 2. die, vulnus (aut potius contusionem) planè neglexit. Tertio die incepit parùm dolere, quapropter barbitonforem accersivit, qui rasis crinibus, cutem vix læsam animadvertens, virginem irridebat. Quarto verò, capitis gravitate & febriculâ correpta est. Ego 6. die morbi ad ipsam vocatus, comperi ipsam delirantem, faciem & oculos inflammatos & linguam aridam, ita ut sequenti die è vitâ decesserit. Aperto capite, sanguinem sub cranio collectum & cerebri membranas inflammatione correptas invenimus: cranium tamen nequicquam læsum fuit. (d)

8. Joan. Beckler, Illustriss. Principis D. Ernesti Friderici Marchionis Badensis Cubicularius, homo sanguineus, ad iram tamen pronus, aliquando cum no-

bili puero, gladio obtuso, pugilum more contende-
bat; cumque puer cubicularium sub oculo sinistro
leviter vulnerasset, vulnere solam palpebram inferio-
rem penetrante, oculique exteriorem tunicam, quam
albuginem vocant, parùm contundente, ille sive irâ
percitus, sive dolore victus, abjecto gladio humi
procumbit, in lectum delatus nihilloquitur, post
aliquot verò horas fortissimo Epileptico paroxysmo
correptus obiit. Post mortem ablato cranio, exami-
natoque diligentius vulnere, nulla læsio, præter-
quam quæ exterius quoque videbatur, deprehensa
fuit. (e).

9. Vidi in Cremonia quendam, qui vulneratus fuit
in crure, super focile minus & perforavit sagittâ crus,
usque ad superficiem ossis, & non læsit os: & cum
omnibus instrumentis Medicus non potuit defen-
dere, quin superveniret rigor & febris: & mortuus
est infra mensem suæ infirmitatis. (f)

a) *Holler. l. e.* b) *Valleriol. l. 3. enarrat. e. 8.* c) *Augen. tom. 1. ep. & consult. l. 9. e. 2.* d) *Fabrie. cent. 1. obs. chir. cent. 4. obs. 76. cent. 5. obs. 2.* e) *Mathaus observat. med. cas. 7.* f) *Guilhelm. Placent. Pract. e. 5.*

XL.

*Adriani Spigelij, Anatomici incomparabilis, mors
ex levi causa.*

D. Adr. Spigelius, nuptias celebrat filix unicæ,
in quibus cum fractum colligeret Vitrum, vulneravit
nescio quem è digitis sinistrae manus. Supervenit in-
flammati, quæ non tantùm occupavit totum bra-
chium, sed & tumorem sub alâ insignem excitavit:
quo

quo vix ad suppurationem perducto, quamdiu effluxit sanies subcruenta & fetida, meliusculè quidem habuit: cessante verò illa & diarrhæa superveniente, omnia in pejus sublapsa sunt, usque dum tandem 7. April. A. 1625. Empyematicus moreretur. Ita admodum amici perscribunt Patavio. Vide, quàm levibus occasionibus moriamur: etiam illi, qui imperium in mortem habere nobis videmur.

Casp. Hoffm. in Epist. ad Fabric. Fabric. Cent. 5. observat. p. 10.

XLI.

Exigua vulnera, immania sequuta symptomata.

1. Mercator quidam Colonia Agrippinæ, cum quadam die in officina circa Merces suas occupatus esset, examen bilancis volæ manus infixit. Ab initio affectum neglexit, & peritos chirurgos non adhibuit, multo minus vulnus turundis apertum retinuit. Superficie itaque vulneris clausâ, circa 4. auctus est dolor ille, quia corpus sanguine & humoribus oneratum erat, adeò ad se attraxit, ut exorta febre, sequuta sit inflammatio, ac Phlegmone, ita ut variis in locis exulcerata sit manus, & non nisi magno cum labore restituta.

2. Jacobus Bergerius, in suprema Curia Lausennensi Notarius, scalpello volam manus sibi punxit. Et quia vulnus, propter sui angustiam, turundis minimè apertum retineret chirurgus, & pus in ipso fundo vulneris colligeretur, retinereturque, dolor exortus est acutissimus, mox febris, inquietudines & phlegmone sequebantur, ita ut de vita periclitaretur, Ego tan-

dem in consilium adhibitus & omaibus ad morbum depellendum necessariis institutis, post graviss. ac diuturnos cruciatus, tandem pristinae sanitati restitutus fuit.

3. Pagana quædam, Hildenz spinâ summum digitum indicem punxit. Cum verò propter causam superius allatam vulneris superficies coaluisset, & pus circa partes nervosas collectum fuisset, exortus est dolor, inflammatio atque gangræna, quâ in sphacelum conversa, adiit me tandem. Purgato corpore, & ad metacarpum abscisso digito convaleuit.

4. Honestâ quædam matrona, cum piscem exenterando, spinâ, secundum articulum medii digiti dextræ manus punxisset, & ab initio imperitæ cuidam medicastræ se curandam commisisset, & exortus fuisset dolor gravissimus, in consilium vocatus fui 8. morbi die. Dum manum brachiumque ad cubitum usque supra modum intumefactum & inflammatione detentum reperi: humor ille, quem vulgus chirurgorum Germanorum existimat in articulis contineri & proinde *Blieswasser* appellat: copiosè effluebat, quapropter vix credibile est, quantus fuerit dolor inuncto brachio oleis anodynis, & applicatis defensivis circa cubitum, manum verò, quæ dolorem leniunt, mox remisit, tumor brachii & manus quoque paulatim evanuit quidem, quinquetamen in locis, circum circa digitum & in volâ manus, materia illa acris carnem eroserat & ulcera sordida & cuniculosa post se reliquerat: circa quæ etiam nunc occupatus sum,

5. Cum Matrona quædam sibi indicem dextrum vitro punxisset, sequutus est primò dolor vehemen-

tissi-

tissimus, deinde inflammatio, aliaque gravissima symptomata, quæ brevi totam manum occuparunt, & diversis in locis ulcera sordida, cum ossium & ligamentorum erosionem excitarunt. Operâ & diligentia chirurgi cujusdam non vulgaris, tandem post longum tempus curata quidem fuit, sed ingenti cum labore: articuli quoque nonnulli digitorum rigidi permanserunt.

Medicina chirurgica Aquila Fabricius, cent. obs. 4. obs. 76. cent. 5. obs. 2.

XLII.

De punctura vespe, historia singulares.

I. Matrona quadam Nobilissima, cum in canicularibus, in prandio à vespâ punctiōem circa carpum sinistrum accepisset, protinus dolor ingens in loco affecto exortus est. In ipso ferè momento cum Lipothymia supervenisset, ad lectum se conferre coacta fuit. Ubi non diu post, dolor ille, qui ab initio manum & carpum solum occupaverat, per totum corpus expansus, & acerbior factus fuit. Eodem quoque die vesicæ humore seroso & pellucido (veluti in combustionibus conspiciuntur) repletae, exortæ sunt. Sub vesperam, uti quoque sequenti die, cum totum corpus oleo Scorpionum (quod maritus in promptu habebat) excellentissimo inunctum, & sudor lapide Bezoar copiosè provocatus fuisset, brevi pristinae sanitati restituta fuit ægra, separatim per totum ferè corpus Epidermide. (4) Colligitur hinc, istud vespæ venenum fuisse summæ activitatis, eò quod vitiosum & malignum suum humorem, vi internarum partium calorigifica, & virtute Bezoardica ad remotiores & excre-

mentales partes cutis & poros amandarit, tandemque per sudores Epidermide excoriata & ablata, omnino extra corpus propulerit. (6)

2. Matrona quædam genere & pietate nobilis, cum quadam die in viridario obambulare, & à vespâ punctionem circa juncturam mandibularum acceperat, protinus exortus est dolor maximus, inflammatio quoque mox sequuta est, & totum caput intumuit. Adhibitis remediis, dolor nec non intumescitio ex parte remiserunt, relicto abscessu in ipso loco affecto, quo rupto, sordidum & insanabile sequutum est ulcus; quod etsi præclaris quoque Medicis atque chirurgis curandum commissum fuisset, oleum tamen & operam perdiderunt omnes, quamvis summam adhiberent diligentiam, uti egomet testis sum ocularis. Cùm enim apud Cosman Slotanum Medico-Chirurgum præstantissimum viverem, & Chirurgiæ studio operam darem, in 6. usque annum, vidi quantâ diligentia, quantâque sedulitate circa affectum huncce laboraverit. Defuncto Slotano, cum omnia frustra adhibita fuisse vidisset ægra, nihil amplius tentare voluit, sed curationem palliativam ad finem usque vitæ suæ adhibuit. Ad decrepitam tamen ætatem usque vixit & quidem utcunque commodè: quandoquidem ulcus hocce velut closca erat, ad quam natura superfluos atque excrementitios humores ex toto corpore copiosè & quidem continuò amandabat. Ulcus enim, cum è regione juncturæ mandibularum esset, non potuit propter continuum motum juncturæ ad cicatricem perducì. Ulcera enim, ut norunt Medici, non sanantur, nisi exsiccentur; at quia motus, attrahendo humores hu-

me-

meat, sequitur necessario, ulcera circa juncturas mandibularum, cum sint in continuo motu, præterquam cum homo dormit, insanabilia esse, nisi forsitan chirurgus, methodum illam, quam ego primus inveni, & in 1. centur. observ. mearum 38. proposui, adhibeat. (c)

3. A. 1598. Patavii, Matrona nobilis, in ipsis canicularibus à vespâ, circa metacarpium dextrum ladebatur: ubi statim dolor obortus est maximus, cum inflammatione insigni, supervenit febris ardentissima & Phrenesis, (liquidem nervosis & musculosis partibus inflammatis, hæc noxa cerebro promptissime communicari solet) Aderant præterea frequentes & biliosæ evomitiones, ventris constipatio, aliorumq; symptomatum συνδρομή, & momentanea quædam istorum exacerbatio: accedente insuper tempore æstivo calidissimo, quod impetum moti jam humoris mobilis, in matrona præsertim valdè plethoricâ & succulenta, magis magisque intendebat. Accersitus itaque D. Julius Cæserius, Fabricius Placentinus, præmissis Bezoardicis, & cordialibus, locum affectum sine ulteriori morâ scarificando, cauterizabat, eamq; non neglectis aliis convenientibus remediis, cum universalibus, tum particularibus, (divina annuente gratia) à præsentissimo vitæ discrimine dextrè liberabat, feliciterque pristinæ sanitati brevi restituebat. Suspicebatur D. D. insectum hoc, ab alterius cujusdam venenati animalculi suctu, vel insecssu, vel herbe quapiam venenatâ depasta, insectum fuisse, & postea malignitatem hanc parti læsæ dyscrasia, ipsique puncturæ induxisse, id quod rationi aut veritati haud absolum videtur. (d) Quid plura? videmus indices
etiam

etiam ex levissimis causis atque occasionibus gravissimos oriri morbos, præcipuè si subjectum vel impurum, & pravis humoribus refertum, aut plethoricum, vel denique error in curatione fuerit commissus. (e)

a. c) *Idem* centur. 4. observ. 77. & 78. b. d) G. Faber. in epist. ad Fabric. centur. 4. observ. 79. Forst. l. 30. obs. 5. c) *Fabris*. centur. 5. observ. 2. Auger. tom. 1. l. 9. epist. 2.

De Apum & vesparum ictu, causis & cura, vide Aëtium, l. 13. c. 11. Paul. Ægin. l. 5. c. 5. Forst. l. 30. schol. ad obs. 12. sub finem. Plas. de dol. p. 772. 797. & 930. Mel contra Apum infixos aculeos, vi magneticâ auxilium præstat. Quercet. in terrad. c. 30.

XLIII.

Alapâ & pugno mortui.

1. Vidimus quendam pugno in faciem percussum statim Apoplecticum concidisse. (a)

2. Exorta inter duos Juvenes lite, cum alter alterum externo brachio alapâ percussisset, in morbum statim, quem ἀποπληξία Græci vocant, resolutus vapulans, paucis etiam horis jugulatus interiit. Quare convocatis Medicis (in vinculis enim detinebatur reus) quaesitum est de causa ipsius mortis. Verum, aliis in ictum ipsum, quo maxillam commotam fuisse putarent: aliis, in humidiores locum, quo, diutius obdormierat; nonnullis etiam in lautiores victum & potum pleniores, quo dum vixit, est usus, hujusmodi mali causam referentibus, indiscussum apud Præsidem remansit iudicium. (b)

3. Ante paucos Annos, uxor accepta à marito alapa, repente concidit & exspiravit; Medici aperta calvaria, & inspecto cerebro, ejusque membranis, reliquisque vasis, maritum infontem judicarunt. (c)

4. Novimus fullonem quendam, qui unico pugno, stomacho cujusdam juvenis violentius impetito, hominem interemit. (d)

a) *Horat. Augen. tom. 1. consult. & epist. l. 9. epist. 2. b. d) Beniv. de abd. morb. caus. c. 110. c) Ex observ. Prop.*

XLIV.

Historia notabilis, cultri à rustico deglutiti, & sectione exempti.

A. 1602. Pragæ quidam rusticus, cui Mathæo nomen erat, vir tricenarius, casu fortuito cultrum, qui 9. transversos pollices longus fuerat, deglutivit, in angustia inexplicabili constitutus, cum nulla ars excogitari posset, per quam loco alieno onus infelix extraheretur, tandem verò Dei misericordia hoc suggessit. Magnes & alia attrahendi vi pollentia medicamenta sunt applicata, ut cultri cuspi circa superioris ventriculi os eminere inciperet, ubi deinceps, uti in re propè desperatâ, ad sectionem est ventum, administrante eam experientissimo chirurgo Floriano Mathisio Brandeburgensi, sic tandem culter ille, qui 7. ipsas totas hebdomadas & biduum in ventriculo conclusus delituerat, & colorem contraxerat similem telo alieni, quod in igne jecisset, à dicto chirurgo exemptus, & vulnus sectione factum, idoneis adhibitis medicamentis curatum coaluit: ipse-

ipseque rusticus ingenti anxietate liberatus pristinam sanitatem feliciter recuperavit: cum æterna laude eorum, quorum sapientia, industria & arte liberatus fuit.

Glandorp. in specul. chirurg. obs. 31.

XLV.

Aenea acus deglutita, post 10. annos perforato ventriculo, extruditur.

Devoraverat mulier quædam æneam acum, & nullâ inde noxâ perceptâ, integrum annum, ita ut erat, sana permanfit. Quo peracto, cœpit dolor satis acutus mulierem ipsam circa ventriculum urgere: qui dum eam magis magisque indies affligeret, plures consuluit Medicos: nihil tamen de devorata æu, quam penitus oblivioni tradiderat, referens. Variæ fuerunt hinc inde sententiæ. Alii enim ab acuto humore, alii à vento inter tunicas stomachi recluso, cæteri verò ex malo habitu excitari hoc malum putabant. Cumque omni quo poterat studio & diligentia curata sanitatem nullo modo consequi posset, medicæ artis spe deposita, tolerare id malum satius duxit, quàm perpetuis medicamentis inaniter vexari. Sicque annis jam 10. tali urgente dolore, miseram vitam trahebat, cum ecce acus illa terebrato ventriculo è parvo demissa foramine profiliit. Nos autem & acum vidimus & mulierem curavimus: quæ paucis post diebus, unitate vulneris factâ, in pristinam sanitatem restituta est.

Beniven. de abd. morb. caus. c. 20.

XLVI.

Acus mulieris cujusdam genu, insciè & per imprudentiam infixa, gravissima symptomata intulit.

Mulier juvenis, cum multum se domi exercuerat pro domesticis obeundis muneribus: ecce die sequenti, cum excubili surgeret, ita acriter & sævè circa genu doluit, ut se mortuam altâ mente clamaret. Ad quam accitus Medicus, locum dolentem advertit, tangit & considerat, sed nihil notatu dignum invenit, prædutiusculi tamen nescio quid particulam præ se ferre ajebat. Quâ dere contra dolorem, anodynis remediis supra politis, invadit, & sanguinem ex jecorariâ brachii malè affectum locum respicientis abundè extraxit, tandem post triduum hujus agonis & infortunii, non sine ipsius ægrotantis & omnium assistentium ingenti admiratione, acus cujusdam intus latitantis supremus apex apparere cœpit, quam tunc chirurgus integram extraxit, meritò namque hujus rei omnes admirabantur assistentes, ut quæ acum totam infigi non præsentierat ægrotans, forte somno profundiore detenta, demum extractâ acu, quæ directè & profundè sævierat, Medicus convulsionem timens, de loco aperiendo dilatandoque contendebat. Cæterùm hoc etsi renuit, remediis tamen adjuncta, sanata est, præcipuè hoc uno constante, euphorbio, resinâ & pice. Sed quis precor latitantem acum, eo in loco diceret, præsertim cum puella, eam præfigi, profundiori somno oppressa, non persenserat. Haud dubiè morborum causæ sæpè abdita & difficiles sunt & habentur.

A. L. 4-

A. Lusit. sent. 7. curat. 58.

XLVII.

*Conserva vis mira ad ossa fracta ferru-
minanda.*

Conserva (à ferruminando dicta) muscus est densus, herbaceus, spongiosus, hærens aquatilibus petris, cujus efficax natura, nobili historiâ consignata est. (a) Putator quidam ex altâ arbore deciderat, omnibus ferè ossibus confractis. Præstò aderant amici, qui corpusejus universum eo musco obligarunt, atque ita relatum domum in quiete tenuerunt: subinde conspersa aqua ex eo flumine, quod muscum alluebat, ne videlicet muscus emarcesceret. Rarò, nec nisi deficiente herbâ remedium mutatum est. Atque hæc medelâ incredibili celeritate convaluit. (b)

a) Holler. l. 2. instit. chir. c. 1. b) Plin. nat. hist. l. 27. c. 8.

XLVIII.

*Rarum & novum compertissimi usûs remedium,
spacio 24. horarum, vulnera etiam nervosa-
rum partium conglutinans.*

Non possum silentio involvere, medicamentum quoddam præstantissimum, ad partium nervosarum vulnera: cujus descriptionem ab Hispano quodam Sacerdote, fide dignissimo accepi, qui retulit in Hispania non licere hoc medicamentum componere, quòd homines medicamenti viribus confisi facilè digladientur, inque arenam descendant. Est autem hoc: Rec. olei vetustissimi Unc. iij. tereb. puræ unc. viij. frumenti integri unc. unam & semis. hyperici unc. duas,

duas, rad. card. bened. rad. valerian. ana unc. j. thuris pulverifat. unc. duas. Radices & herbae grosso modo contunduntur, in olla ponuntur, & tantum vini albi superfunditur, ut omnia in vino mergantur: & per biduum facta infusione, oleum & frumentum adjiciuntur, & coquuntur omnia ad vini consumptionem: mox facta forti expressione additur terebinthina & iterum parum sinuntur bullire: servanturque in vase vitreo. Sanat vulnera, ut ajunt, spacio 24. horarum. Modus utendi talis est: Abluto prius vulnere vino albo frigido, statim inungitur totum vulnus, oleo praedicto calente: quod si hoc commodè fieri nequeat, per siphonem intra vulnus, tanquam per clisterem infunditur & confestim labia vulneris ad mutuuum contactum adducuntur, deligatura, sutura aut glutine, deinde partes circumstantes praedicto oleo similiter inunguntur. Supra verò vulneris labia jam reducta linteam imponitur, praedicto oleo madens, & supra hoc aliud vino nigro expressum, mox alia lintea sicca: deinde fascia superligatur.

Hier. Fabric. ab Aquapend. pentat. chir. l. 2. c. 7.

XLIX

*Ineptè Chirurgi venis incidendis Unguentum
populneum allinunt.*

Ineptè quidam Chirurgi, venam incidendam exploraturi, primum frigido ex populis unguento inungunt: quod potius sanguinem ingrossare, ac regerere, quam ad venam allicere potest. Rectius alii primum calidam, post fluxum inhibitori frigidam, respargunt loca. Ita enim cogitur sanguis, & contra-

Ccc

huc

huntur meatus. Veteres, oleo tantū membrum incidendæ venæ irrigatum fricabant, ut ejus tepore sanguinem fluxilem temperent: unde Galenus inquit: *ὡς φλεβοτομυκμένοις ἐπιπαιζόμενον, ἔλαιον ἔριον ἐργάζεται τὸ αἷμα.* (a) Videtur hinc, quantum intersit, aliquid ratione duce, quā sola imitatione fretum, facere, quod simiarum est peculiare: quibus illi jure conferuntur, nihilo illis sapientiores, quum ferè omnia citra rationis judicium agant. (b)

a) l. 2. de simpl. med. & l. 3. de compl. b) Lang. l. 1. ep. 8. Libav. de eruent. cadav. p. 283.

L.

Rarum Amoris signum.

Affidebat Nobilis quidam (insanus præ amore) juvenis, nobili & honestæ cuidam fœminæ viduæ, cujus nuptias ambiebat, & progressu temporis consecutus est. Hic in prandio ad mensam, cum colloqueretur, ecce vena in temporibus prope aures illi sponte aperta est, & profluxit copiosus sanguis, quem strophilo compescere conatus est. Hæc ipse vidi, cum utrique in mensa affiderem, in arce quadam, eò ad Nobilis cujusdam curam vocatus.

Mastius Cornax l. 1. consult. med. c. 3.

LI.

Iratis erumpere sanguinem.

Erumpere Iratis aliquibus sanguinem, indicat Historia Georgi Joannis Castriotæ, Ducis Epiri & Albani Filii, quem Amurathes Turcarum Imperator, propter magnifica ejus facta, Scanderbeg ac si dicas

Alc-

Alexander Magnus, aut Alexander Dominus, nominavit. (a) Cui ingentis animi viro, non prius è labris erupit cruor, quàm in procinctu pugne stans ipse, adversus hoste excanduisset, & ebulliens humor, spiritusque; prægnans alluvie, accen inûdatione teneram labiorum cutem finderet. (b) Excelsa fuit staturâ, robustis artubus ac toroso corpore, & admirabilis roboris, ita ut prægrandi ponderosoque acinace, quo utebatur, medios hostes, ad umbilicum proscinderet, & sæpè per cervices integros cum humeris brachiorum artus facile detruncaret, (cùm supra 2000. barbarorum diversis præliis suâ manu interfecerit, cum singulis ictibus singulos per medium scinderet) quorum immanium vulnerum truculentiam audiens Mahometes Turcarum Imperator, inusitata violentiæ gladium videre concupivit, impetravitque ab eo, ut Byzantium mitteretur. (c)

2. Incidit in manus meas homo quadragenarius robustissimus, naturâ biliosus & iracundus, cui vulnerato capite ramus sinister soporalis arteriæ, de super musculo crotaphito incisus fuerat. Sanguine primo apparatu pulvere meo restricto (tract. de gangr. cap. 5.) vulnus ad digestionem perduxì. Quinto verò morbi die, cum ex propinquis quidam, qui vulnus inflixerat, ex improvìso in cubiculum ingrederetur, vulneratus inscius adventus, ex ipsius adspectu adeò perturbatus est, ut denuò rupta sit arteria, adeoque sequuta hæmorrhagia, quæ vix restingui potuerit: convaluit tamen penitus. (d)

a) Libav. de eruent. ead. p. 302. Urspèrg. in paral. Bucholtzer in ind. chronol. p. 400. & seq. b) Salom. Albert. in erat. de sud. eruent. p. 29. c) Porta l. 2. de hum. physiogn.

e. 41. & 56. d) G. Fabric. centur. 1. observ. 18. centur. 1. epist. 1.

LII.

Ex ira mortui.

Wenceslaus Bohemorum Rex, A. 1418. cum fortiter percitus pugionem evaginasset, ut Pragustatorem occideret, qui Husitorum tumultum Praga Duce Ziscone excitatum Regi sciens non aperuisset, à circumstantibusque detentus pugionem amisset, ne familiaris eade Regiam Majestatem coinquinaret, in illorum manibus statim apoplexia correptus, post aliquot dies mortuus est, (a)

2. Nerva Imperator valetudinarius ac ventriculicanta debilitate laborans, ut crebrò assumptum cibum evomeret: cum semel in quendam nomine Regulum excandesceret, tantum pectoris dolorem sustinuit, ut confestim febris exitiali deplorataque correptus sit. (b)

3. Valentinianus Imperator, cum adversus Sarmatas nonnunquam propter Illyriae vastationem in prætorio sævus infremeret, & universæ genti excidium rigidus minaretur, sanguine irrupente animam exhalavit. (c)

4. Juvenis 15. annos natus vulnus contusum cum cranii fractione circa bregma accepit. Primo apparatu, vulnere dilatato, & deinde officulis extractis, ad suppurationem feliciter perduximus vulnus, omniaque symptomata remiserunt. Elapso verò 14. die, cum adolescens alius, (qui circa lectum ludebat) ipsum ad iram provocasset, recidit in febrem & Phrenesin, ita ut 4. post die è vita decesserit. Cranio
aper-

aperto, inveni cerebri membranas undique inflammatas, ac tùm venas, tùm arterias omnes sanguine turgescences.

5. Arcularius in duello, vulnus cultro inflictum, ad cubitum recepit, is ab omni mortis & accidentium periculo liberatus, cum per fenestram eum, qui vulnus inflixerat transeuntem ex improviseo vidisset, adeò perturbatus, atque commotus est ira, ut denuò aperta in vulnere vena, hæmorrhagia adeò magna sequuta sit, ut à Chirurgis restingui non potuerit, ita ut post paucos dies è vita discesserit. (d)

a) *Cromer. l. 18. Joan. Dabrav. l. 2. hist. Bohem.* b) *Sexto Cornel. Victor. in Coccei Nerva vit. epitom.* c) *Cassian. de Casar.* d) *Fabris. l. 6.*

LIII.

*Excandescencia in commovendis humoribus
magna vis.*

Hominem arthriticum aliquando novimus, qui cum egredi non valeret, nec crura movere, concitatus tamen ita crura extendebat, & ad offendentem uxorem, per medium solus cubiculum percurrerebat.

Libav. de cruent. cad. p. 302.
vide cens. nostr. s. part. 30. & seqq.

LIV.

Mulier cur citò incandescat.

Mens Mulieri minus, quàm viro robusta, aut fortitudine fulta, animus prudentia tenuiter stipatus, oblata levissima, nulliusque momenti occasione,

Ccc,

fræ-

frangum rationis excutit, sic ut sui oblita, indiscriminatim, nulloque delectu notos ignotosque adoriatur. Quod si quis naturalem rationem exigar, hanc ego hujus rei causam refero, quod mulier molli sit carne, laxa quæ ac fluida, sic ut bilis incensa confestim se per corpus diffundat, ac sanguinis circa cor subitam ebullitionem excitet. Ut enim ignis leviores stipulas citius corripit, ac sublimem flammam excitat, sed quæ citò conquiescat & sopiatur: ita quoque mulier celeriter irâ inflammatur atque ignescit, mirisque modis tumultuatur: verum fremitus ac vociferatio, in corpore minus forti atque animoso, tum etiam humido, confestim mitigatur ac reprimitur, omnisque ardor & ira effusis lachrymis diluitur, ac velut infusa aqua defervescit, quod in quibusdam etiam viris effæminatis perspicimus, quorum magnanimitas ac ferocia puerili more, in lachrymas ferè definit, ubi adversarius acriter se illis opponit.

Lemn. de occ. nat. mir. l. 4. c. 13.

LV.

Effectus ira & descriptio.

Seneca & Plutarchus Animæ Iram nobis repræsentant, tanquam alteram Megæram furiosissimam, truculentissimam, audacissimam, crudelissimam, ac summè omnibus terribilem: radices in se & scaturigines seditionum omnium, turbarum ac tumultuum continentem, litium, bellorum, homicidiorum, excidiorum, eversionum ac omnium malorum abyssum: tempestatem, diluvium, ignem, machinam, tonitru ac pestem, inundantem, submergentem, urentem,
mi-

diruentem, fulminantem, inficientem, occidentem ac omnia evertentem: homines quos invasit ad omne sceleris genus præcipientes agentem, è qua innumera mala, stupendaq; , tum in corpore, tum spiritu contrahuntur. Denique scelerata illa eo usque improbitatis & nefandæ malitiæ procedit contagio, ut non tantum illos in belluas & tigrides immanissimas, sed in dæmonas quodammodo transmutet.

Atque ut in primis hanc tam effrenem & teterri-
mam beluam suis delineamentis, tam intus, quam
in cute depingamus, irati incompositum incessum
& actiones observemus. En quanto fastu, & quam
truci ore, superbaque corporis agitatione, modò huc,
modò illuc volvitur, ac circumfertur Iratus: quam
variè modò erubescit, modò pallefcit: cubitis, quic-
quid occurrit hinc inde propulsat, atque disjicit. Eo,
ut à sua ipsius umbra, etiam exacuitur, quam ferre ne-
quit placidè, ut voce tremulâ, modo altâ, modo de-
pressâ, ad bilis agitata motum aut quietem intonat?
En, ut labia commordet, pectus pugnis verberat, cri-
nes indignabundus vellicat, in quos citra rationem
involat, instar canis, in lapidem ruentis, quo ictus est?
Si acrius ac propius Irâ percitum intueri voles, & os
ejus circumspicere, in quibus omnes Iræ proprietates
tanquam in speculo elucescunt, omnis perturbatio-
num generis notas in illo sævire videas: ut rubore &
ferocia scintillet, ut ruffis maculis Leopardi instar, u-
bique scateat: ut igneis tedis micantes oculi trucu-
lentiam minentur, ut capilli colore bovini, in Mau-
rorum speciem arrigantur & crispentur. Denique in
ea sæva perturbatione animi, nihil non horrendum
& monstrosum cernere licet. At forma illius quam

descripsimus, primis Iræ motibus tantùm congruit, videturque suavis ac benigna, si cum paroxysmo illius impetuque comparetur.

Tunc enim illa infernalis Megæra, vinculis solutis rabiem totam exerit, non uno flagello simplici contenta: sed cruentatum ensẽ unâ, incensam tedam alterâ manu intentat: illius brachia reducta veste, nil nisi cædes & sanguinem minantur: apertum pectus fastuosè explicat; auras ictibus quasi seriò prælians diverberat, modò hûc, modò illuc circumagitur: quin & horrenda voce ad arma & cædes, ad sanguinem & ignes furiis omnibus agitatur, ac ferro ignique se vastaturam omnia comminatur: usque adeò insolens illa rabies omnibus modis truculentam & atrocem belluam refert. (a) Persarum Rex Cambyfes, Darii F. cum Amasis Ægyptii Regis Filiam in matrimonium petiisset, Amasis veritus ne eâ positus, non uxoris loco, sed in concubinarum numero retineret, aliam pro Filia ei similitam misit: quam rem Cambyfes cum cognovisset, Irâ exarsit, atque cum ingenti exercitu in Ægyptum descendit, ubi cum defunctum Amasim invenisset, Filium ejus Psamniticum Regno deiecit, ipsius quoque Amasis corpus sepulchro eruit, & tanquam viveret, verberibus cædi, acutisque ferramentis totum pungi ac deinde in foro comburi fecit: neque enim animadvertit, plus in seipsum iracundiæ flammam, telaque, quàm in mortuum Amasim sævire: quod ea Iracundiæ vis, ac matura est, ut semper autorem torquere incipiat. (b)

Xerxi non satis fuit, in homines Iracundiam & rabiẽ suam exercere, sed idem adversus mundi ele-

men-

menta facere contendit. Nam cum trajectum ex Abydo ad ulteriorem ripam, quæ est 7. stadiorum, pontibus junxisset, ingensque exorta tempestas ea omnia dirupisset: indignatus, tanquam sensus aquis inesset, trecenta Helleſponto verbera infligi & stigmata iniuri, adeoque per compedum in pelagus demitti iussit, atque eis, qui præpositi operi erant, capita præcidi. Deinde cum Athos longo tractu in mare procurrens, classem ejus afflixisset, à continente eum abscindere, omnibus copiis sub verberibus in effodiendo occupatis aggressus est. (c)

Ora tument irâ, nigrescunt sanguine vena,

Lumina Gorgoneo savius angue micant. (d)

a) *Quereet. diat. polsh. libr. 1. cap. 6.* b) *Campofulg. libr. 9. cap. 3.* c) *Hered. libr. 7.* d) *Ovid. l. 3. de arte amand.*

LVI..

Sapè turbati apertissima consilia non videmus.

Extat historia de Melchiore à Zeidlitz à Turcis capto, ac tandem liberato, qui cum in itinere longius à comitatu remansisset, infortunium quoddam incidit, ut clitellæ mulo, quo utebatur, deciderent, neque ab ipso præ nimio pondere facile restitui possent: cumque id aliquoties ei eveniret, adeò ut in maximo periculo esset, ne denuo caperetur à Turcis, quibus istud iter tunc ob bellum Imperatoris erat frequens, non tamen subiit animo, ut relictis clitellis nudo invehetur mulo. Et quoties nobis in angustiis talibus evenit, ut vel apertissima consilia non attendamus? quippe mens interno sollicitata metu, non

Ccc §

ob-

observat occasiones extrinsecus rei gerendæ. Itaque fit, ut neque videamus rectè, nec audiamus, aut aliud quid sentiamus. Motu sedato veluti è somno instar Melancholicorum expergisci videmur. Idem in magnis ad unam rem attentionibus evenit nobis. Principia enim sensuum occupata magnâ agitatione, excluduntur imagines, motiones vè minores, nec admittuntur, cum principium unum & indivisibile non possit plura simul sentire; sic autem etiam præsens motus tam vehemens, ut alios minores destruat, perinde ut Solem intuiti cæcutiant ad reliquos colores.

Sic interfectores motu propriæ conscientiæ, ita in angustum compelluntur, ut quò se vertant, nesciant, quin & ferè obstupeſcant, & nec agnoscere quidem possunt loca & occasiones evadendi, cum alioquin istis omnes fores pateant, quod Lipsiæ aliquando evenisse dicitur. Ibi enim Nobilis quidam à cæde, quamvis totum ferè oppidum obequitarer, portam vel patentem non invenit: nimirum animo ita consternatus, quod omnibus ferè perturbatis accidit.

Novimus hominem contentiosum, qui cum alterum provocaret ad pugnam, isque compareret, propositis simul humi duobus gladiis, quorum alterutrum ipse inermis arriperet, post iram jurabat, se neutrum vidisse, cum ante pedes projectus esset in medium uterque, me simul astante & vidente.

Libav. περί ἀμφοτέρων p. 167. 166. 311.

LVII.

Conscientia mille testes.

Index quidam Hispanicus, cum factum esset homicidium, & plures unà adfuissent, singuli verò sese excusarent, surrexit, & iussit singulos nudare pectora, & palpavit ipsorum corda. Cum verò sensisset in uno majorem cordistremorem? Tu, inquit, fecisti: etsi alioqui foris, illis cæteris audacior videretur: tamen inde judicavit malè sibi conscium esse. Ita statim confessus est scelus, ductusque ad supplicium.

Manlius in loc. com. p. 243.

LVIII.

Cruentatio occisi à Magistratu.

Observatum fuit & pro divino habitum, innocenter occisi, etiam à Magistratu hominis cruorem manantem, copia admiranda sat diu perstitisse. Episcopus quidam suspectum habebat Consiliarium quandam suum hominem divitem, furtiq; accusabat. Itaque repente domo sua evocatum tanquam ad consilium, in crucem sustulit immerentem. Hujus sanguis non cessavit fluere, quamdiu ibi suspensus mansit, miraculo admodum ut videbatur. Unde enim strangulato ad nares tantæ copię via, interceptis laqueo omnibus venis, arteriisque?

Liban. l. 6. p. 275. 245.

LIX.

Sanguinis, è venâ missi, judicium.

Actionis Medicæ pars altera, quæ juxta Hippocratem,

tem, in superabundantium detractiōe occupata, non habet inter omnia operis sui genera, eo, quod sanguine mittendo peragitur, præstantius. Istud enim, ut jam olim ratio comperit, sic Experientia confirmavit, cunctis evacuationum auxiliis, tam operationis celeritate, securitate, quàm tolerantia, superius: nullo propè in morbo ab Hippocrate intermissum: cujus, præter veterum testimonia, utilitatem, quotidianus etiam fructus probat; si modò is temeritate, aut casu non pervertatur; ita, ut reprehensores magnæ medicationis hujus Erasistrateos, meritò refutare aggressus, feliciter confutârît Galenus. Et quis est, qui cum sciat, multiplicium morborum causam esse sanguinem, non existimet, eam protinus, pululante adhuc morbo succidere, & in primâ, ut ajunt, herbâ necare, factum optimum; præsertim cùm videamus, febres, priusquam incandescant, Venæ sectione extingui: putredines, de obstructis vasis, solvi; inflammationes subnascentes jugulari: nec promptius aliud esse ullum, quo plenitudo præsens exhauriatur, aut citiùs intercipiatur fluxio. Verùm, non tantùm præservatorium simul, atque curatorium Venæ sectio extat præsidium; sed judicium insuper præbet de statu valetudinis, præsentibus & impendentibus morbis; innuit remedia, docet modum instituendi victum; quin & ingenia tandem, moresque prodit hominum. Hæcque multò dexteriùs omnia, quàm quodvis corporis excrementum, quandoquidem sanguis longè illis nobilior, uti actionum in nobis author, ita viscerum & universæ corporis constitutionis index est certior. Quo pacto igitur in ipsius exploratione versandum, monere nunc pro-

propositum: paucis tamen, pro familiari mihi brevitate.

Et primò quidem, quo subjecti habeatur cognitio; quæ sit natura sanguinis; postea, quid circa hunc exeuntem speculandum; demum, quæ in excepto considerata, tenendaque, expositurus.

Sanguinis vocabulum, è Græcâ Etymologiâ, quod eo corpus vegetetur, sustentetur, atque vivat, Isidoro videtur desumptum; Latinis autem, quasi Suavem, dictum. Hippocrati humor hic, venis, propriè ita nuncupatis, conclusus, contentorum nomine audit, tertiumque corpus nostrum constituens ipsi est principium.

Aristoteles alimentum ultimû definit: quem alius, & fortè meliùs, corpus liquidum, ex alimento genitum. Hunc sanè succum, qualis quidem primâ apparet fronte, naturâ sui minimè simplicem, sicut & Cœus noster olim jam docuit, ita & sensus ipse, quatuor diversis partibus compositum, apertè ostendit: nec esse aliud, quàm sanguinis propriè sic dicti; pituitæ item & utriusque bilis acervum, Elementorum Mundi sobolem primogeniam; è quibus commistis & justâ proportionem temperatis, sanguis communiter sic vocatus, conflatur, quo etiam toto, per venosos tubos distributo, partes corporis nutriuntur. Proinde Philosophos ex eo, quod Sanguis, priusquam venis illabatur, excrementa sua deponat, alterius prorsus cœmerti expertem arbitantes, dudum erroris arguerunt & convicerunt Medici. His etenim, cum institutum sit multò quæ ad humani corporis naturam pertinent subtiliùs scrutari: deprehensas in sanguine cæterorum humorum reliquias, non temere-

temerè à naturâ relictas, judicantes, de usu inquirendo multum anxii, tandem ad ortum & nutritionem ipsos cum sanguine facere compererunt: diversam hanc sanguinis essentiam, partium varietate alendarum exigente. Ordinatam autem ita est, ut sanguis, dilectissimus naturæ filius, uti ipsum Avicennas compellat, reliquos inter vigeat plurimus, caliditate & humiditate temperatus: parcius autem quasi hujus conjunx, humor alter, pituita, multò etiam ob nativam cruditatem frigidior, unde quoque per antiphrasin, quòd omnium minimè inflammetur, Phlegmatis nomen adeptus. Porro minor adhuc quantitas bilis, quæ veluti flos perhibetur esse sanguinis, caliditate excedens & siccitate. Longè denique paucissimus, illius quasi fex, à colore melancholia denominatus, frigidus atque siccus. Horum qualitate, unione, & symmetriâ servatâ valetudo nobis perstat: violatâ, morborum penè omnium parens oboritur cacoehymia. Contrahunt labem singuli, partim victu delinquentium culpa; partim cæli aërisque injuria; ita, ut qui naturales priùs fuerant, factionis evadant adversæ, atque tùm non ampliùs placidè amici cohabitant, sed absque rectore exleges seditiosè tumultuantur in corpore. Ex qua conturbatione non secus, ac in lactis agitatione (butyrationem vocant) succorum fit secessio. Ibi, qui potior & ferocior impetu, si non principem aliquam partem obruat, debiliore saltem vehementer insultat, adeò, ut vel subitam mortem, vel difficilem decubitus sequi oporteat. Hæc in genere de sanguinis conditione.

Quo-

Quoniam igitur sanguis alius in laude, alius in vitio, priusquam illum, qui aperta vena prolapsus, vocemus in iudicium, optimi ante, tanquam characteris, & cæterorum regulæ, præmittenda descriptio: qui peccantium cruorum iudex non aliter sit, quam est recta linea obliquarum omnium. Hujusmodi sanè (grata naturæ possessio, divitiæque) ille, qui æqualis, uniuscujusdam, quale oleum, substantiæ; aperta emanat vena, ruber & splendens, non hærens, refrigeratus autem in aquam atque grumum desinens. Talis ante, etiam indicium sui præbet ad faciei malas consistens, partes molles, per raram cutem, veluti vitrum & cornu prospectans, floridus: sicut & actionum integritate, mentis amœnitate, copiâ tantum luxurians, unicamque in victu deposcens temperantiam. Nunc ad rem ipsam.

Et primò, quid in profluente sanguine attendendum, disquiramus.

Quotiescunque requirens & unà permittens præsens fuerit venæ sectionis ratio, obfirmato in primis patientis animo & paucò acidulo succo resecto, cautè aggrèdienda vulneratio; ægro, sive naturâ delicatior sit, sive morbo languidior, supino constituto. Sed quia duplex venaturæ genus, sibi que habitatione vicinum; unum quiescens, vibrans alterum: illud propriè venarum, hoc arteriarum nomine dictum: in illo, humor contentus corpulentior, in hoc verò tenuior, è priori, destillatione quasi, cordis calore elicitus, ardentior, spirituosiorque, ne, quod non nunquam errore evenit, loco venæ pertusa arteria, nobiliori fuga pateat sanguini; lapsus inde conjectandus, si, quod Galenus, de loc. malè aff. monuit, cum strepitu,

pitu, subflavens atque tenuis profiliat, qui ilicò inhi-
 bendus. Quoties verò feliciter collimatum à chi-
 rurgo fuerit, num sanguis alacriter defluat, videndū,
 an verò stillatim tantū & lentè prodeat. Quod si
 hæsitans, rubicundior sit, copiam, quæ viam sibi
 obstruit, denotat: sin nigricantior appareat, ob
 crassitiem sui transitum prohibet: quæ tarditas vul-
 neri oleo illito: poterit adjuvari, modò illa non
 formidine patientis, aut plagæ angustia provenerit.
 Aliis Sanguinis statum, hoc pacto, examinare
 visum est. Guttam ungui injectant, quæ, si con-
 tinuò defluat, tenuitatem; sin subsistat, crassitiem
 ipsius colligunt. Id quod & hac ratione experiri li-
 cebit. Aquæ inspersus vitro contentæ, si innatet,
 tenuitatis; si submergatur, è pondere, crassitiei:
 in medio verò pendulus, mediocritatis suæ: dabit
 conjecturam. Calor sanguinis subinde digitis explo-
 randus, eademque opera lentor ipsius atque densitas.
 Quâtò igitur calidior deprehensus fuerit, crassitior-
 que, tantò sinendus est currere liberior; quo verò fri-
 gidior, tenuiorque, eò citiùs compescendus. Fre-
 quentanda etiam admoto digito, sanguinis inter-
 ceptio, qua devitata, Syncope, colligenteque sese
 naturâ, Sanguis ibi non tantū alacrior, sed juxta
 exturbabitur, qui ibi deterior. Quod verò hoc in
 negotio potissimū, & in emanatione sanguinis dili-
 gentius advertendum, Color ipsius est. Hic si qualis
 nuper descriptus, probus & æqualiter profluat, si-
 milem corpori inesse reliquum existimandum: nihil-
 ominus ipsius abundantiam propter, necessariam
 fuisse evantationem. Sin depravatus conspiciatur,
 & impurus totus, multò utilius vacuatū esse putan-
 dū,

dum, quòd copia simul & qualitate peccet; qui & postmodum vel repetitâ venæ sectione, vel etiam moderato purgante conveniente extirpandus. Ubi autem contingat, sanguinem primò venientem sincerum esse admodum, posteriorem verò, citra Phlegmonem corruptum; non dissimilium circa viscera latentium humorum præbebit argumentum, unàque de mutanda diata, atque solita curatione instituenda consilium. Sin ex inflammatione talis proveniat, materiem è parte affecta detractam, conjectandum. Solet enim internis inflammationibus emissus sanguis principio minùs apparere vitiosus, quod deterior circa morbi sedem figatur, ac si foret cucurbitula detentus.

Proinde Hippocrat. l. 2. acut. cap. 10. in talibus, coloris mutationem (si vires tamen admittant) expectare jubet. Cui Galen. libr. de curat. per sang. miss. subscribens, in quibus, inquit, juxta sectam venam phlegmon est ingens, optimum est, mutationem sanguinis attendere, veluti indicavit Hippocr. loquens de pleuritide. Nam aliud est in phlegmone sanguis, quàm qui secundum naturâ, utpote plus excalefactus. Si enim ante hac candidior erat, rubior modò & flavior efficitur, sin talis prius fuerat, ad atredinem vergit, adustione. Hæc ille.

Quod si verò sanguis, qui initio excernebatur pravus, ultimo fundatur purus, perfectam testatur vitiositatis exinanitionem. Rarò observatum, malè olere Sanguinem, quod si tamen fædum ille spiret, maximam portendat putredinem oportet. Atque ista sunt, quæ circa exeuntem sanguinem spectanda.

D d d

Quò

Quò verò, præter hæc, in reliquorum considerationem perveniatur commodius; Sanguis non uno duntaxat, quod plerumque solet, vasculo, sed tribus ad minimum; iisque fictileis, aut vitreis, nequaquam autem de materia bibula, aut quæ qualitate aliqua Sanguinem possit inficere, compositis, excipiendus: ordineque locotuto & umbroso repositus, chartæ tegminæ, contra pulverum illapsus defendendus; perque vices reiectus, quomodo se circa concretionem habeat, contemplandus. Sicut enim, quamdiu intra venas degit Sanguis, non tam caloris temperie, & spirituum contubernio, quod Aristoteles putavit, sed potius ob peculiarem facultatem, quâ locato locus saluti est, non glaciatur & concrescit: sic extra has prolapsus, etiam intra corpus, mox vel putrescit, vel in grumum vertitur perniciosum. Et cum nullibi, præterquàm in Corde & torculari, quod Hierophilus cerebri lacunar vocat, naturaliter extra venas Sanguis subsistat: his quoque tamen locis, id quod in quibusdam Apoplexia tactis, aut syncope frigida, ut Salio videtur, collapsis, anatome deprehendi, solet in grumum facessere. Occasionem coalitioni huic, fibræ suggerunt. Hisce qui sanguis destitutus, aut cui, quod laniarunt, demtus, nunquam gelatur, quæ in partium corporis nostri censura staminum vices subeunt, affusum sanguinem excipientia, firmantiaque.

Corpora hæc, quando è manu, pedeque minori, pro more, in calentem aquam Sanguis mittitur, læ carptæ in modum, vasis fundo, tùm injectis virgultis, instar glutinis adherent: quæ vulgò vitiosi humoris, & morbiicæ causæ nomine damnant, cum tamen utilis ple-

plerumque pituita sit, & similium partium alimentum.

Sanguis igitur, (quod intra horam explorari potest) aut mox, aut tardè, aut nunquam congelatur. Qui coit ocyus, crassus, densus, è fibrarum corpore censendus, & autor obstructionis: qualis oxymelite incidendus, attenuanteque emendandus victu. Qui verò ob cruditatem tardiùs stabilitur, viscerum roborationem, alimenta que requirit crassiora. At subsistens nunquam, aqueus, aut stans tantùm tremulus; quia vel fibris prorsus destitutus, vel minutis coherentibus præditus; ideoque alendis agglutinari partibus nescius, consummata existit cacochymia nuncius.

Elapsis post non minùs sex à venæ sectione horis, loco illuminato, extracti sanguinis ulteriùs instituenda examinatio. Et primò quidem, cruori circumfusum spectatus humor, lacti quod inest, sero (inde fortassis quod tardius prodeat) similis, Sanguinis Serum dicitur, estque recrementi portio urinarum. Suppeditant hoc, tum pocula, tum humidiora esculenta. Istud substantia siquidem aquea, nimiumque tenuis, nunquam verti in alimentum potest; usu tamen non caret, quem præstat, cibos partim in ventriculo diluendo, partim chylum in tenuissimas venas ducendo. Est optimo habitu præditis per paucum, nec tamen nullum. Copiosius, nisi largiori meri potatione, humidiorum esitatione, aut febris colliquantis æstu proveniat, minatur hydropem. Quapropter coacervatum, vim ne exerceat, motu dissolvendum & vigiliâ, veluti quoque alimentis, tum

Ddd 1 medi-

medicamentis calefacientibus, sudores, urinasque provocantibus, imminuendum.

Penuriæ autem ipsius, contrariis consulendum. Sed quò certius, tam de quantitate, quam colore Serî, iudicium fiat, placidâ effusione, vitro exceptum, inspectandum, colorem æquè, ut lotium, à bile habet, quâ cum, tenuitate sui, convenit Serum. Idcirco, in valentibus, pauxillo apparet veluti Croco tinctum: in ægris verò, vel ad morbos dispositis, cernitur luteum. Sunt Serorum totidem, quot Humorû species, ita ut nequicquam, uti videtur, simplex existat, sed quale, Sanguis ipse, mixtum; cujus quoque, si naturaliter sese habeat, tenax est proportionis. Constat hinc, duplex esse Serum genus, unum, ut est humoribus commune omnibus (de quo potissimum hîc) quatenus verò cuique proprium, alterum. Quin & utrumque rursus geminum, naturalitate & innaturalitate contentum: hujus *ιχῆρα*: illius *όρεον* Græci nominant.

Per *ιχῆρα* Hippocr. non simpliciter Serum intelligit, sed id quod pravâ præditum simul substantia & qualitate, unde 2. Epidem. à causâ *ιχῆρας* vocat, quasdam in cute pustulas.

Plato in Tymæo, ichorem alium sanguinis & quidem mitem, alium acidæ bilis, & agrestem, citat. Utriusque autem interpretes Galenus, crassioris partis colamentum in singulis humoribus agnoscens, serorum collatione institutâ, bilis nigræ maximè censet noxium; benignius, flavæ: magis placidum, pituitæ; omnium verò blandissimum, Sanguinis pronuntiavit; nisi corruptione substantiæ propriæ, aut etiam, quod non insolens, alterius in societatem

vicii

vitii veniente evadat perniciosus. Seri cujusque humoris excessum color docebit: rubicundior, Sanguinis: pallentior, pituitæ: flavior, bilis: nigricans, humoris atri. Sed & gustus, experiri volenti, futurus declarator: dulcis sapor Sanguinis, insipidus vel falsus, pituitæ; bilis flavæ, acris: acidus nigræ. In hæc qui negligentius attendit Ichorum differentias Medicus, eum & circa Morborum causas speculando confundi oportet atque falli, & in remediorum quoque excogitatione graviter hallucinari.

Remoto sero, cruor tandem ipse contuendus. Sanguis exactè percoctus, nulla vitiatus cacochymia, ruborem cum splendore floridum, ex hepatis carne, repræsentabit; integerrimæ valetudinis documentum. Nam, quia syncerus, probè ipsum mistis constare humoribus, & æquabili chylo ortum, existimandum. Is verò, qui diverso positu, velut columbæ collum intuenti apparet varicolor, gliscentis in tumultum sanguinis edet augurium: quo etiam formidabilior multò is, qui maculis undique spectabilis distinctior. Justus enim tum metus urget vereri, ne, quem molitur natura corruptum secernere Sanguinem, imbellior fortè in partem aliquam amandet nobiliorem. Quare festinanter benignis submoven-
 dus cathartici, minimè autem medicamentis irritan-
 dus elateriis; Tripherà similiter Saracenicà, Myro-
 balanis conditis, Intybaciolorumque decoctis, aut
 quoque seri usu caprilli emundandus. Sin verò pal-
 lorem quendam & albicantiam Sanguis præ se tulerit, indigestionis suspicionem movebit; eoque cru-
 ditatis majoris, quò ad lactis propius accesserit can-
 dorem. Sunt qui eundem ab adustione, pariter

generari contendant, mihi profectò nunquam, præter in corporibus nimium refrigeratis deprehensus: ut plurimum verò morbo venereo correptis, ubi cutis instar, reliquæ massæ adhærere solet tenacissimus. Color postea, cum lumine flavus, lividus, viridis, & niger, Sanguinis in bilem, & atrum humorem incendio demutati (sive epatis intemperantiâ evenerit, sive etiam longiori illic Sanguinis hæsitantiâ) facit præjudicium. Quod si a. ater, vel quòque lividus, splendor expers spectetur obscurus, arguet potius frigiditatem. Quemadmodum autem ibi, acris atque dulcia; sic hîc noxia sunt, quæcunque acida. Perrarò admodum observatus sanguis cineritius est, ea propter, quòd color hîc extremæ sit exustionis terminus. Sicut verò laudabilis in superficie color Sanguinis, quò descenderit in massam altius, est signum latius; sic quantò deterior, tristius.

Præter hæc modò adducta, alia duo restant, nunquam sese grumo immergentia, superficietenus duntaxat hærentia, ubi adfuerint, considerata. Primum pingue quiddam, ad implicationis araneæ telæ formam superextensum; id quidem in obœsis, Sanguinis in adipem transitum; in gracilibus verò, ob colliquationem, marcorem portendit. Alterum, & visu frequentius, perstans spuma est, (nam quæ floris impetu emergit, nunquam durabilis) hæc crassus humido viscido inclusus flatus; qui tenuior, exhibet bullas. Flatus igitur omnis, si quidem debilis caloris filius, calefactoria postulat attenuantia, quibus ille dissolvitur, & natura corroboratur.

Hiscæ actis perspectisque omnibus, concretus postremò rudiculâ pertentandus Sanguis, qui impul-

fui renitens, pituitæ lentorem patefacit, illiusque in substantiæ modo vitium, incidentibus emendandus. Obediens autem promptè, spondet mediocritatem. At illicò ad bacilli tactum dissiliens, fibrosi generis confitetur putredinem.

Solent quandoque etiam, contrectantibus Sanguinem Carunculæ quædam sese offerre, cineres item atque arenulæ; quæ ablutione, colaturâque distinctiora effici debent corpuscula. Hæc penitiùs digitis explorata, friabilia si fuerint, corruptos adustione humores ostendent, sædamque ominabuntur scabiem: sin candida, lentorem ducant; corporis impinguationem & facultatem assimilatricem validam demonstrabunt. Alicubi de leprâ suspectorum cruorem, sale aspergunt, aut acerrimo aceto committunt, quo porro consistente, ipsos quasi convictos, morbi reos peragunt.

Repeto quod sum præfatus: Sanguinem nimirum, præter corporis constitutionem, mentis quoque manifestare indolem. Sensit istud de nat. hom. Hippocr. idque libro singulari, cui titulus, Quod animi mores corp. temper. sequantur, confirmavit Galenus. Aristot. quoque in Physiognomicis, pariter à corpore Animam, ac hoc ab illa mutari affirmavit. Cui & Avicennæ dictum hoc: sicut Animam corpus sequitur in suis actionibus, ita Anima corpus, in ipsius passionibus, consentit.

Quis denique nativis corporum temperamentis, humorum commutatione, in contraria versis, Animi affectus atque studia non videt permutari? Cernuntur, quibus abundantior bilis est, humor mobilis, ingenio præditi excogitatorio promptoque, ira-

cundo tamen & sententias præcipitanti. Contra, Melancholiâ abundantes, succo subsidente tardo, quieti potius consultant, & sibi constantes, deliberatè judicium proferunt, immutabiles. Sanguinei in inveniendò, judicandoque perstant medii. Simplicitatis autem & ignaviæ author, in quibus excedit pituita. Etsi verò his diversis Sanguinis temperaturis affectus hominum variant, sensusque animi, non ob id tamen constitutionem hanc, quod quibusdam etiam doctis putatum est, Animam ipsam, adeoque Mentem esse, concludendum. Sic enim foret hæc, quod cogitatu turpe, dictu impium, merum accidens. Verùm inesse nobis aliam temperaturâ superiorem, diviniorem formam atque substantiam, vel unum istud satis convincat, quod non secus, ac in cicurandis indomitis bestiis potens institutio, humanis affectibus dominetur ratio, Magistra superior actionum.

Ioan. Lessenius à Lessen.

LXI.

Purgante assumpto, gula aut regioni ventriculi, calida non sunt applicanda.

Malè iis consulitur, quibus ab assumpto Pharmaco, ne vomitus superveniat, calidi panni, aut gulæ, aut regioni ventriculi applicantur: illud enim potius vomitum trahendo conciliat, hoc autem & calorem naturalem à loco avocat, & sæpè numero flatus excitando, ex materia in ventriculo contenta nauseam promovet. Gulæ igitur & Oesophago, potius frigida statim admoveri debent, ventriculo autem non nisi, cum difficulter ad actum deduci potest,

test, aut dolor à flatu concitatur, calida applicentur. Cavendum autem semper, ne calor excedat; revocatur enim potius sic Natura ab opere.

Septal. l. 3. animad. med. part. 7.

LXII.

*Mercurius duplex: summum omnis corruptionis
& putredinis alexipharmacum.*

Mercurius duplex est, naturalis & artificialis. Nativus activus & summè depuratus, in Almagro propè Calatrava, in regno Castiliæ reperitur vivus, per se fluens, & in Cinabari coagulatus, qui ignis vi educitur. Hanc mineram antiquissimâ, Plinius vocat vomicam liquoris æterni. Huic similis reperitur in Idriâ, pago Comitatus Goritz in Sclavonia. Sed Hispanica bonitate excellit: quamvis Idria longè fertilior. Est autem admiratione dignum, quod quamvis in vicinia Idriæ singulis ferè Annis lues pestifera grassari, illa tñ. ab hac ismuniis nunquam non manere soleat: id quod viri provectæ ætatis sese observasse, idemque à Majoribus suis accepisse, mihi ante Annos 8. eò profecto, sanctè confirmarunt. Non minus & illud stupendum, prodigioque simile, quod ibidem notavi. Senex erat decrepitus, qui toto vitæ suæ tempore, in paranda cinabari, consumptô, perpetuò tremebat: & aureum nummum manu compressum, ita dealbabat, ut color ejus nativus omninò dispareret.

Reperitur & alius Mercurius in monte Gimnava dicto 6. miliaribus à Cracovia in Polonia, inter Tarnava, Ribie & Streletzky, distante, qui sponte certis anni temporibus, usque ad terræ superficiem erumpit: præsertim a. autumnali tempore; quamvis etiam

Ddd f

cir-

circa festum Joan. Baptistæ, multa grana pisorum instar, in radicibus graminum, ibidem collegerim. Verum, hic Mercurius nimis aqueus & Slavonico, ut & Hispanico longè inferior. Invenitur etiam naturalis in multis aliis locis: & interdum in auri & argenti fodinis.

Artificialis fit, modo satis trito & Artificis noto, per sales resuscitativos, tam ex mediis mineralibus, quàm metallis. Quin & in hac urbe plures viros fide dignos & præcipuæ autoritatis, dignitatisque novi: qui non modò è Mineralibus, sed etiam ex sanguine humano priùs calcinato, & ex plantis etiam, Mercurium vivum elicuere.

Beguin. l. 2. tyroc. chym. c. 13.

LXIII.

Mercurii probatio.

Quemvis Mercurium oblatum hac arte probabis cochleari argenteo, tantillum Mercurii, supra candelam, aut carbonem ignitum exhalari permittito: in fumum enim abit mox. Qui si argentum aureo colore tinxerit, certus esto esse purum & laudatum Mercurium. Sin nigro quodam aut livido vel fusco inficiat, certum est, impurum esse & maligna aut etiam venenata qualitate præditum. Atque hic certissimus, tutissimusque est probandi Mercurii, & puri & laudati, ab impuro atque illaudato dijudicandi modus.

Querc. in consil. de l. vener. p. 371. Beguin. l. c. Hic modus videtur suspectus Libav. in Apoc. Hermet. cum ex eo concludi nequeat, de totâ quantitate, præsertim si vel plumbum, vel stannum aut bismuthum,

thum, non exquisitè fuerint Mercurio permixta: idcirco satius esse docet, per Tartarum & calcem vivam, bis vel ter distillare, tunc ea im posse vulgariter etiam, in Pilulis, Emplastris, Unguentis, Amuletis, vaporibus Chirurgicis scirrorum, ad vulgare præcipitatum & similia adhiberi.

Varios depurandi Mercurium modos, ut tutò ad usum Medicum possit adhiberi, vide apud Unzer. l. 1. Anatom. Mercur. Spargir. c. 9.

LXIV.

Vt Mercurius sophisticetur.

Mercurius plurimùm sophisticatur cum plumbo, quod beneficio bismuthi (ut vocant Germani) tam benè apteque miscetur, atque cum Mercurio dissolvitur, ut ipsa non possit melius aqua cum aquâ. Et miscetur, inquam, si vel æquis partibus plumbum cum hydrargyro sumatur, modo & ratione prædicta. Nec miscetur tantùm, sed transit etiam Plumbum cum eo, per lintea æquè mobile ac fluidum, ac si nihil esset aliud, quam solus, purus, putus Mercurius, ut non sit talem fraudem discernere, aut detegere visu. Sed viderint interim qui tali utuntur in unctionibus aut aliis, quid agant. Nam noxius est admodum & prorsus malignus, ut quivis facilè secum perpendere potest, nec attinet eâ dere plura à nobis dici, cum ex natura ipsâ Plumbi frigidissimâ, atque terrestri (quæ tamen Mercurii vehiculo internas etiam subire solet partes, ipsasque aded membranas atque ligaturas) satis manifestè appareat, quid boni inde consequi possit. Et quod pejus, nec exhalari aut dissipari potest, æquè facilè, ac Mercurius, quem constat nature esse

esse aëreæ, ac prorsus spiritualis: & per consequens exhalationi opportuna. Nec sophisticari tantum artificio potest & solet Mercurius, uti jam dictum, & à nullo hætenus observatum est: sed in propriis etiam mineris, allicere sibi que consociare potest Mercurius varias corporum terrestrium & prorsus heterogeneas qualitates, ut ex mineris plumbi, antimoni, aliisque substantiis metallicis, quæ proximè assident, aut adhærent mineris argenti vivi: unde ei imprimi possunt variae vires, propria verò ejus virtus perturbari, atque infici. Quare diligens adhibenda est cautio, in electione Mercurii, nisi velimus frustrari voto, aut aliquid sinistra in ejus usu evenire, ut nimis sæpè accidere solet.

Quæret. l. c.

vide cent. 4. nostr. mem. part. 90. & seqq. cent. 5. part. 86. & seqq.

LXV.

Cinguli Mercurialis infelices successus.

Agyrtæ, impostoresque Medici, astuto velo tegere aggressi sunt, ut sub alia specie hominibus nocere possent: etenim Cingulis Mercurium & monilibus incluserunt, quæ scabiosorum & cutis prurigine laborantium hominum lumbis circumdederunt ac carpi manuum applicarunt. Atque hæc quidem cingula & armillæ, tetrum illud argenti vivi virus, in corpus gestantis ejaculabantur, quod adeò per universum ejus habitum pervadebat, ut fatentes protinus salivæ per ora faucesque defluerent, collum intumesceret, pedes vacillarent, ac viscera nobilia magis coinquinarentur, quam cutis prius fæda

dâ scabie, quam hoc periculoso & noxio medicationis modo depellere nitebantur, turbata fuerat.

(a)

Fidem facient subsequentes historiz. Cingulum autem duorum transversorum digitorum latum & ex limbo panni adaptatum, Mercurio crudo & axungia porcina, vulgari modo extincto imbuitur, nudisque lumbis induitur. (b) Quidam Mercurium salivâ aut sævo extinctum, albumine ovi excipiunt & illinunt supraglossypium, quod in cinguli modum luendo, conficiunt. (c)

Honesta quædam matrona, annorum æt. 40. circ. constitutione corporis humidâ & obcæsa, corpulenta, cum Ann. 1621. Mens. Februar. propter pruritum, levemque scabiem cingulum hoc per 3. hebdomadas, dies noctesque gestasset, à scabie & pruritu quidem liberata fuit, sed in morbum longè peiorem incidit. Superveniente enim salivatione, atque gingivarum exulceratione, cum gravedine capitis, nausæâ, & catarrho correpta fuit, cum virium quadam prostratione, quam dolores cum totius sinistri lateris impotentia mox sequebantur, multis tandem adhibitis remediis in integrum restituta fuit.

(d)

2. Senex quidam podagricus scabie laboravit, cuius tædio usus est cingulo mercuriali, à quo quidem scabies decessit, at virus Mercurii in corpus receptum, infecit palatum, gurgulionem & fauces exulceravit, serpentes faciendo aphtas & foetidas, salivationem copiosam & spumantia labia, anhelitus tetrè olens, qualia accidentia ab inunctione & suffumigio Mercurii provenire solent: dentes vacillabant, gingivæ

tumida, buccæ exulceratæ, tensio in nervis & tendinibus colli, duritiesque, maxillarum immobilitas, masticatio impedita, deglutitio depravata, appetitus prostratus, febris lenta hæctica, lipothymia multæ, vires debilissimæ. Tandem octavâ septimanâ huius morbi, obiit totus emaciatus & paululum convulsus. (e)

3. Jurisconsultum eleganter doctum novi, Tubingæ olim meum congerronem, usu cinguli Mercurialis, scabie reperiussâ, Ictericum factum, qui ægrè curari potuit. (f)

a) *Minderer. threnod. Medic. cap. 14. pag. 330. b. d)*
Fabric. sentur. 5. observ. 93. c. e) *Hochstetter. decad. 3. observ. cas. 7. pag. 241. 244. 247. f)* *Autor ex observ. prop.*

Plura de cingulo Mercuriali vide Oberndorferum, in Apol. Med. chym. pract. p. 30. & seqq. & Ruland. in alex. chymiatr. p. 44. & seqq.

LXVI.

Vitri vorî temeritatis & insolentia justas luunt pœnas.

Satellites cujusdam Regis, se vino ingurgitantes, contuderunt vitrea pocula, ac alter alteri præbuit illum pulverem. Elapsis vix duobus mensibus, omnes mortui sunt.

Ante paucos Annos fuerunt quidam Ambergæ, in Bavaria, qui longa potatione inebriati, tandem vasa testacea, è quibus biberant contundunt, seu in pulverem redigunt, & alter alteri illum pulverem in vino præbuit, tandem ventum est ad vitra, quæ similiter in pul-

pulverem redacta sunt, ac invicem sibi præbiberunt. Hæc historia hûc scripta est, additumque erat in literis, tres ex Nobilium numero eo die esse mortuos, reliquos ægrotare, & mortem certissimam expectare. (a)

Ego hîc in vicinia tres cognovi viros robustissimos, quorum duo adhuc vivunt & quidem satis commodè: tertius verò ante annos duos ex phthisi obiit: hi vitra quam plurima veluti cum aviditate devorârunt. Quomodo autem fragmenta illa ventriculû & intestina, partes exquisitissimo sensu præditas, sine mortis periculo pertransire potuerint, nescio. (b)

a) *Manlius in loc. cit. p. 243.* b) *Fabrie. centur. 5. obs. 2. Idem, In Vorbereitung zum Christlichen Schlafftruncel: pag. 25.* Ist ein überauß grosses Wunder/ und kan nicht wissen/ wie es der Natur möglich sein könnte/ solche scharffe und schneidende spizen der Gläser/ durch das harte/ und überauß empfindliche Eingeweid/ widerumb von den Menschen ohne tödliche Schmerzen zureiben/ ic.

Videsent. meam. memorab. 5. part. 6.

LXVII.

Mendicantium vaframenta.

1. *Historia adulterini brachii.*

An. 1525. cum essem Andegavi, stabat pro templi foribus vafer Mendicus, qui proprio brachio post tergarevincto & abdito, in ejus locum ex suspendiosi cadavere resectû, thoraci adjunctum, fulculâ fulciente, populo ostentabat, quasi sacro igne correptum, quo præ-

prætereuntes in sui commiserationem magis incitaret. Latuitque fraus, omnibus certatim stipem erogantibus, donec tandem haud fideliter adnexum, solutis omnibus vinculis, in terram procidit, spectantibus & observantibus multis. Comprehensus & in carcerem conjectus, Magistratus sententiâ, alligato ex cervice & in pectus propendente adulterino brachio, virgis publicè cæsus est, & in exilium eiectus.

LXVIII.

2. *De mammâ cancrôsâ ementitâ, & 3.*
ulcere tibia.

Frater meus Joan. Paræus Chirurgus, Vitrei in Britannia habitans, aliquando animadvertit mulierculam mendicantem, quæ mammam ostentabat, velut cancroso ulcere obsessam aspectu horribili, propter multum & sordidum pus, quod in subjectum linteam manare videbatur. Mulierculæ faciem, vividumq; in facie & circumstantibus ulcus loci colorem, totius denique corporis colori illi consentientem exexiam, cum propius & diligentius esset contemplatus, facile adductus est in suspicionem latentis doli. Conjecturam suam Magistratui indicavit, impetravitque, ut Mendicam illam sibi liceret in suas ædes deducere, quò certiore notâ rem omnem exploraret. Renudato igitur ejus pectore, comperit sub axilla spongiam, imbutam liquore ex brutino sanguine & lacte commixto, sambucino tubulo, per latentia ficti cancrofi ulceris foramina decurrente. Ergò calente aquâ mamam fovit, udoque fotu sibi invicem supertextas, & glutine ex bolo armeno, ovi albumine

mine & farinâ coherentes, ranarum nigrarum, viridium & citrinarum pelliculas resolvit, hisque resolutis subjectam mammam integrâ sanitate fruentem comperit. Conjecta in carcerem eo nomine mendica facta est, eas se fraudes edoctâ à mendico adultero, qui & ipse circumposito tibiæ liene bubulo, certisq; locis, quibus comoratus liquor stillaret perforato, monstruosâ magnitudinis & malignitatis ulcus, circumtectis undiq; sordidato linteolo lienis apppositi marginibus effungebat. Quæsitus sedulò mendicus, comperi non potuit, ipsa loris operta, in exilium acta est.

LXIX.

4. *De Elephanticum simulante.*

Vix Annus exactus erat, cùm in eandem Urbem appulit mirè versipellis alter ejusdem farinae Mendicus, qui occupatis statim templi foribus merces suas explicuit, ricam nempe, minutâ stipe, qualis in pauperes erogari solet onustam, ligneum doliolum & crepitacula, quæ dextrâ manu comprehensa, magno strepitu ex intervallis concutiebat. Facies illi crassioribus pustulis conspersa assurgebat, confectis fabrili glutino ex rubro, Elephantorum in morem, livescente. Hæc enim persona, horridum aspectu, omnibus miserabilem reddebat, quod causæ erat, cur illi quisque de suo erogaret. Tùm frater meus, se illi propius admovit, quæsitq; ex quo tempore tam diro morbo correptus esset: ille obscura voce rauca respondit, ab utero se materno Elephanticum prodiiisse, Elephantem tam diro sibi utrumque parentem mortuum, ut membra frustatim conciderent. Caterùm lancem circa fauces fasciolam habebat, quâ manu læ-

Ecc

vâ,

vâ, sub pallio costrictâ, guttur sibi sic arctabat, ut simul multus sanguis ater in faciem assurgeret, & vox vix vi erumpens, magis raucesceret: continere tamen se non potuit, quin iater loquendum ducendi liberiùs aëris gratiâ fasciam remitteret. Quod postquam animadvertit Frater, fraudem subesse ratus, à Magistratu impetravit, ut sibi liceret hominem, veré ne Elephanticus esset, probare & examinare. Primum igitur ipsi fasciam cervicibus circumfusam exemit, inde tepente aqua, faciem lavit, sic ut ficta & glutino coagmentata tubercula dissolverentur, faciesque vitii omnis expers, naturali & bono colore ac charactere renideret. Totum inde ipsi corpus renudavit, anxieque vestigatis & lustratis omnibus membris, nullû Elephantis signum univocum aut æquivocum comperit. Quod postquam rescivit Magistratus, comprehensum ipsum, & in vincula conjectum, iterû, tertiumque per urbis compita, flagris cædendum, pendente in pectus doliolo, in dorso verò crepitaculis, tortori tradidit, addita perpetua exilii poena. Accidit, dum tertia nundinali die caderetur, ut per jocum conclamaret populus, ne vereretur eum graviter cedere, qui se Elephanticum professus, nihil planè sentiret: acclamatione urgentis populi accensus carnifex, ad eò cædendo inductus est, ut paucis post diebus miser ille & mendicus flagris interierit, dignus profectò tali mercede.

Param. l. 24. oper. chir. c. 18.

LXX.

An tenebra sensu oculorum percipiantur.

Tenebræ non percipiuntur sensu oculorum per se, sed per accidens, id est, ex absentia formæ seu habitûs, id est, coloris aspectus, percipit tenebras ætheris, quatenus animal cognoscit suum ad spectum, non percipere lumen ætheris & colorem, nec ab eo affici, seu tunc dicuntur, tenebræ cerni, cum in rebus objectis luminis capacibus nullum cernitur lumen. Hinc judicari possit de eo, an somnus videatur? an silentium audiatur? Privatio enim non sensu, sed intellectu percipitur. 10. Metaph. Arist.

Goglen. P. in anal. in exere. Scalig. p. 8.

LXXI.

Gallarum inspectio, post festum D. Michaelis, quid superstitionis habeat.

Non exigua superstitione laborat observatio & inspectio Gallarum, quas glandiferæ arbores pariunt: cujus figmenti Ranzovius (vir aliàs doctissimus) acerimus est assertor & propagator. (a) Inquit enim, si post festum Michaelis, in globulis Gallarum reperiuntur vermiculi, ubertatem frugum promittunt; si muscæ, portendunt bella; si aranei, minitantur pestem. Causas obscuras non esse dicit, cum vermiculos ex putrefactione natos, argumentum & indicium esse constitutionis calidæ & humidæ, quæ fecundat terram, & rebus nascentibus supeditat vigorem, affirmat. Muscas urentem siccitatem arguere dicitat, qua inflammata corpora & velut ustulata, implentur

Ecc 2 fer-

fervidis & acribus humoribus. Araneos ex venenata, contagiosa & impura putredine nasci dicit, quam corripientem & inficientem corpora humana in pestilentes febres: putredine verò aurescente, erumpentes in bubones pestilentes & anthraces, exardescere colligit.

Quamvis itaque hac in parte Astrologi sibi repugnent, quibusdam vermiculo reperto ubertatem annonæ, quibusdam verò sterilitatem significare & polliceri statuentibus, omnium tamen horum opinio vana est, & futile. Concedent enim illi, ut credo, libenter, hujus putrefactionis humoris, ex quo musca, vel vermiculus, araneus vel simile animal nascitur, causam esse præcipuam aëris ambientis dispositionem & qualitatem: quod si est, cur quæso non eodem momento aërem ambientem idem in corpore humano efficere quod in Gallarum globulis profert, statuitur? quæ causa quæso moræ & dilationis in sequentem annum? non certè natura venenati aëris, cujus proprium est, omnia quàm statim inficere, infecta destruere & corrumpere, nisi forsitan naturalis calor intentius veneni hujus aculeum retundat. Si enim, ut de araneis loquamur primò, venenato aëri ambienti illa insit vis, ut valeat in gallarum globulis ex putrefactione producere araneum, multò magis in corpore humano, attractus per respirationem, pestem & mortem ipsam procreabit. Quid de vermiculis, qui qualitatem aëris sequentis anni designant, dicam? vix enim est, ut aliquis mente constans, efficientem causam postponat effectui, quod tamen necessario faciunt illi, qui huic superstitiosæ divinationi insunt. Aer ambiens enim, in præcedente anno vermicu-

miculi generationem causat, cujus qualitas ex effectu dignoscitur: præcessisse ergo effectum, non sequi necesse est: quod si est, cur non potius præteriti, aut præsentis, quàm futuri anni habitudinem arguit; utpote cum nullo modo ex hac vermiculi generatione possit colligi, eandem aëris constitutionem insequentem usque Annum duraturam, quod tamen ridiculè à talibus divinatoribus fingitur. Eadem ratio militat in Musica, quæ secundum ipsorum somnia, bella, tumultus adnunciat, cum scilicet tempore æstivo, multum negotii hominibus & brutis facere soleat. Nec admittenda discrepantia subjectorum, quorum diversitas efficiat, ut hoc vel illud tardiùs vel citiùs, invadat infectio, cum teneritate & mollietie corpus humanum nulli cedat animalium: natura verò aëris venenati hæc sit, ut non præparet, sed inficiat & generet ipsum malum. Præparationem autem mali, à generatione distare, firmissimis inductus rationibus arbitror: nec enim illicò præparationem sequitur malum, sed plerumque impeditur, quod in generatione mali rarissimè contingit: illa quidem aliquando diuturnum tempus, hæc verò modicum requirit intervallum, utpote omnibus ad generationem paratis. (b)

a) In Calendar. Astronomi, p. 61. Mizald. sent. 7. memor. 33. b) Sattler. in dian. astrol. c. 7.

LXXII.

Thermarum caloris causa.

Vera Thermarum caloris causa, ignis est subterraneus, qui fovetur & sustentatur à materia pingui, oleosa atque aërea: qualis est bituminosa & sulphurea:

Ecc 3

rea:

rea: quæ aliquando mista: sæpiùs bituminosa: frequentissimè sulphurea. Nil quippe facilius accenditur sulphure: apparetque in eo vis ignis maxima. Ratio est, quia pingue & oleosum: quo nomine pinguedo & xungia terræ à fossilium rerum scriptoribus appellatur. Accenditur ve: à abhalitibus, non quibuslibet (quia non omnes inflammari sunt apti) sed certis ac definitis, certa que ex materia eductis: quales sunt sulphurei & bituminosi, qui à terræ calore, à simili materia exsuscitantur: cumq; levissimi sint, valdeque mobiles, sursum tendunt & exitum quarunt; cum tamen præ terræ soliditate non ubique inveniunt. Itaque angustiis inclusi agitantur, colliduntur, & ad circumstantia corpora, quæ vel saxea, vel terrea impelluntur: ex quâ collisione & attritione incalescunt, attenuantur, tandemque prorsus igniuntur. Hinc corpora subterranea, quæ flammam facile concipiunt, ut sulphur, bitumen, ejusque species, quæ varix, accenduntur: quæ accensæ perfluentes aquas calefaciunt.

LXXIII.

Quibus in locis, ignis subterraneus, aquas præterlabentes calefaciat.

Cæterum non uno semper in loco accensus iste ignis subterraneus præterlabentes aquas calefacit: sed vel in venis ipsis terreis, aut saxeis, hoc est, ipsis canalibus, alveis, atque ductibus, per quos aquæ feruntur: vel extra venas: vel utrobique: cum pabulum ignis undiquaque sparsum est. Ignis in canalibus accensus cognoscitur, si aquæ & colore & odore & sapore, admodum fomitem bituminosum, aut sulphu-

phureum referant: multum etiam de corpore & crassamento ejus secum vehant & eructent. Ad hæc insigniter caleant: eoq; intensius, quò ignis scaturigini est vicinior & major. Unde Thermas quasdam magno cum murmure, & quidem ebullientes, effluere videmus, quas hoc nomine Bullas appellant. In nonnullis etiam ignis adeò vicinus est scaturigini, sive meatui cuniculi, ut unà cum aquis flammæ erumpant. Quod ipsum non solum in canalium ostiis: verum etiam in balnearum pavementis & piscinarum vadis, dimissâ aquâ, observatur.

Extra verò canales accensus intelligitur, si Thermæ minùs ferveant, aut caleant solum: item, si non multum, ex substantia bituminis aut sulphuris, vel subsidens vel innatans habeant: denique, si non ita manifestè calorem, odorem & saporem istarum mineralium repræsentent. Nam quò longius à canalibus Thermarum ignis est dissitus, eò quoque longius ab istis fomes & pabulum ignis abest. Aqua ergò per longum, forsan etiam flexuosum canalium iter, fervorem deponit, nonnihil alteratur, & crassamentum minerale in itineris cursu, majori ex parte amittit.

Plin. natur. hist. l. 35. c. 15. Sebizius de acidul. sect. 1. dissert. 2. coroll. posit. 4. 16. seqq. dissert. 6. posit. 28. Kùeffer, in descript. therm. Marchic. c. 2. p. 52. & seqq. Pansa c. 1. de Tb. Carol. Schuvenskfeld. de Therm. Hirschbergens. p. 14.

Vide centur. nostr. 4. part. 70. centur. 5. part. 40. & seqq.

LXXIV.

*Ignem subterraneum Bitumen & Sulphur
alunt.*

Perennem quendam fomitem esse oportet, materiamque, quâ alatur ignis subterraneus: quænam illa? Georgius Agricola, vir in secretis naturæ subterraneis longè peritissimus, subjectum conservans ignem sub terra Bitumen esse dixit: (a) Aristoteles verò Sulphur. (b) Gabriel Fallopius, experientiâ Aristotelis effatum confirmat: In agro Volaterrano, ait, monte dicto Cerbero sunt balnea vetustissima, quæ oculis conspicua, non subterranea, ita ut quisque cernere possit, aquas illas calefieri à Sulphure, quod in illis ebullit, & in marginibus lacunæ Sulphur passim reperitur. (c) Non negat tamen, quòd & Bitumen sit in quibusdam locis pabulum perpetui ignis. Statuendum ergò, quòd ignis subterraneus in quibusdam à Sulphure, in quibusdam à Bitumine nutrimentum capiat.

Sed obijcitur,

1. Si ita est, tota terra intus Sulphur erit & Bitumen: quòd à memoriâ hominum Thermæ emanant, nec dum desinant: unde sequitur semper ignem hunc conservari. Sed quanto indigebit pabulo? verum sufficere nos arbitramur, tantum adesse Sulphuris vel Bituminis, quantum alendus ignis postulat. Atqui semper adest, cum perpetuò generetur, atque semper sufficiat materia ex quâ: & quòd semper generetur, semper quoque alit ignem. Ferrum cæteraque metalla regenerari fossores Metallici docent.

Strab-

Strabo idem testatur de Insula Ilvâ, ubi ferrifodinæ: quas si incolæ post defluxum centum annorum reviferent, maximam ferri copiam regeneratam inveniebant. Quid de sulphuris & Bituminis generatione continua rogas, quum de Ferro, ut Metallo durissimo, id manifestum sit? (d) Ambo hæc quatuor postulare annos Auctor est Fallopius, (e) idemque de Bitumine in agro Mutinensi Italicæ memorant Historiæ.

Objicitur 2. Si Sulphur & Bitumen materia aliti ignis subterranei sunt, ignis mutabit locum, atque non ex eo loco, ubi ante multos annos Thermæ erupere, etiam hodie fluent: nec semper in pari calore, sed nunc tepidæ, nunc fervidæ, nunc alio in loco. At contrarium patet. Ergò. Confirmatur Major, quia Sulphur vel ardet totum: & sic jam dudum esset consumptum; vel pars in illo post partem, & sic aliquando. Sed facilè avertitur telum hoc ab illis, qui flammam duobus modis ali intelligunt. Alitur enim ignis hic, vel eo modo, ut flamma insequatur materiam, sicut videre est in igne, urente lignum, aut stipulas: vel altero, quando ignem sequitur materia, ut fit in lucerna, ubi oleum insequitur flammam, non flamma oleum. Posteriori modo Sulphur & Bitumen alunt ignem subterrâ. De Bitumine quidem non dubitandum, quum liquidum sit: de Sulphure verò ambiges; cujus partem post partem uri quum solidæ sit substantiæ, nec eliquari à flammâ dices, ut ignem consequatur. Quid ergò? in concavitatibus terræ non accenditur tantum Sulphur à flammâ, sed & eliquescit. Rationem vis; quia contra experientiam pugnare vides, Do. Parietes cavernarum sub-

terraneorum igniti sunt, unde Sulphur eliquatur, eliquatum flammam contingit. Pone Sulphuris fragmentum in ollam cineribus calidis impositam, eliquabitur utique à calore ollæ ambientis, eliquatum ubi fuerit, adde lychnium & accende, videbis eliquatum sulphur consequi flammam. Sic res se omnino habet in cavernis illis terræ, ubi non à flammâ, sed parietum fervore eliquatur Sulphur, atque flammam sequitur: & sic continuè incallescunt aquæ, igne ipso locum minimè permutante. (f)

a) l. de subterr. b) sect. 14. problem. 19. c. e) l. de aq. therm. & metall. e. 5. d. f) Cellar. partit. meteorol. sect. 33. art. 3,

LXXV.

Vnde acidula saporem suum habeant.

Mineralia, quæ Acidulis insunt, duplicis sunt generis; acida & acore destituta. Ab his vires quidem Acidulæ accipiunt: at non saporem acidum. Ab illis, & vires & aciditatem habent: intensiorem quidem à chalcanto & ejus (a) speciebus: (ubi enim inveniuntur acidulæ, ibidè aut certè locis conterminis chalcanti fodinas reperire est. 2. Chalcantum saporis acidissimi esse norunt omnes Chymistæ, qui vel chalcanto, vel ejus oleo, aut spiritu, quo nihil acidius, dicto citius, tincturam rosarum, acore jucundissimo, cum febribus calentissimis, ipsa que peste pugnantiem (b) concinant) remissiorem verò ab Alumine: adhuc remissiorem ab ære sive cupro, (c) (Si enim Chalcantum causa acoris est, erit & Cuprum: quoniam hoc illius particeps est. Ubi enim

eu-

cuprum est, ibi & Chalcanthi aliquod genus est. Chalcanthi enim genera, sunt Cupri initia. Quam ob causam nomen obtinuit Chalcanthum, quasi sit χαλκῦ ἄνθος, æris flos: eò quòd ex ære quodammodo (d) efflorescat) infirmissimam à Ferro. Ferratæ enim Aquæ, nil aciditatis habere videntur, & Fabrorum illa Aqua, in quâ candentia ferramenta extinguuntur, nihil præ se fert æcoris. Crocus insuper Martis, minimè acidus sentitur. (e)

a. c) *Sebiz. sect. 1. de Acidul. dissert. 4. posit. 79.* b) *Henr. ab Heer. de frat. Spad. c. 6.* d) *Agrie. l. 5. de re metall. & libr. 3. de nat. fossil.* e) *Sebiz. l. 6. posit. 75. diff. 3. th. 4. Macab. in descript. fontis acid. Egrenf. cap. 4. & 3. Henr. Ellenberg. in acid. Wildung. Comit. Waldeck. 6. 1.*

De Acidulis Gœppingens. vide cent. nostr. 6. part. 1.

LXXVI.

Nota spirituum in aquis medicatis.

Spiritus (aquarum Medicarum quasi anima) partim accedunt ad naturam ætheream: quatenus purissimi & sincerissimi: partim ad ignem & ærem: quatenus tenuissimi & levisimi, ideoq; corpora valde ενεργητικὰ atque efficacia. Eorum autem præsentia realis perspicitur.

1. si aqua sit clara, sive limpida atque perspicua, tenuis item & levis.

2. si bullulas habeat multas, velut uniones, hinc inde discurrentes, præsertim cùm aqua recens est in poculum fusa.

3. si non diu maneat in hypochondriis: sed celeriter,

ter, vel per alvum, vel per urinæ meatus, vel per spiracula cutis excernatur.

4. Si facillè alteretur, & viribus exuatur. Sunt enim spiritus corpora subtilissima. Itaque facillimè exhalant: nî receptacula probè obturentur. Promptè etiam à calore externo dissipantur. Citò proinde spirituosæ aquæ virtus evanescit, cum vel aliò transportatur: vel coquitur: vel in tepidariis asservatur.

5. Si vis in aquâ observetur mineralis: corporea tamen minera in illâ non appareat. Signû quippe est, Aquam non συμπατικὴν esse mistâ: sed πνευμαλικήν στικτήν.

6. Si pota, vel nares statim feriat: (a) vel oculos lancinet: vel ructus moveat: vel aurium tinnitum excitet: vel caput impleat: vel spiritus animales quodammodò agitet, in gyrum ducat & vertiginis quandam speciem efficiat.

7. Si cum impetu ac furore profiliat ex scatebrâ. (b) Notat enim Andernacus, aquas nonnullas medicatas, etiam actu frigidas, cum sonitu quodam effluere, non secûs ac si ferverent. (c)

a) Matsh. Hörnigk. in descript. font. acid. Egrenf. Sehelder c. 4. b) Sebiz. dissert. 5. de acid. sect. 1. pos. 50. & 48. & coroll. cit. diss. & dissert. 6. pos. 20. sect. 2. dissert. 1. pos. 123. c) Dialog. 2. de baln. 124. 127. 133. 134. 135. 138. & 147. Hasenreiff. descript. font. acid. in Nideraw. s. 2. Agricol. l. 1. de nat. eorum, quæ ex terra effluunt. s. 26.

LXXVII.

*Elleboratum vinum elegans, & innoxium εὐπρεπὸς
optimum.*

Accipimus radicem Ellebori albi crassiusculè contusarum semunciam: solæ indimus ac effundimus
vini

vini Hispanici, quod Petrus Semenus vocatur, libram. Solibus æstivis exponimus. Damus cochlearium vini; validè vomitum movet, nec affligit admodum. Interdum semicochlearium miscemus cum aliis laxantibus; præclarè subducit alvum, sine vomitu. Quin linctibus, in empyemate guttulas aliquot miscemus, ac copiosissimè expectoratum moveri hinc videmus.

Heurn. de morb. mulier. p. 101. Forst. observ. l. 20. p. 427.

LXXVIII.

Præstans ἐμετικόν.

Bryoniæ, cyclamin. cujusque uncia tres: ellebori albi uncia sex: purgentur accuratè, ac redigantur in pulverem: leniter siccantur in aëre: his affunde aquam vitæ: dum duobus digitis superemineat: digeratur aliquot diebus in balneo: hinc lentè distilletur, dum nil ultra elabatur: quod restibile fuerit, iterum in pulverem redige, ac huic nuper extractam aquam iterum committe: id repetatur ter. Plumæ apicem huic liquori immerges, ac vino malvatico elues, quod propinatum illicò vomitum irritabit. Hæc vis ab elleboro micat.

Heurn. l. 2. Meth. M. c. 21.

LXXIX.

Hellebori & Veratri etymon, & cur album potius quam nigrum veratrum, vomitum cieat.

Helleborus Græcis dictus, παρὰ τὸ ἐλεῖν τῇ βορᾷ, quod esuperimat, vel quod corporis cibum eripiat. Latinis Veratrum, quod mentem vertat. (a) Veratrum

trum album vomitum potius ciet, quàm nigrum, quia vapores ex se tenues & acres, os ventriculi erodentes, fundit magis, quàm nigrum. Intelligi hoc ex eo potest, quod naribus admotum (silenter sit tritum) sternutationes longè potentiùs moveat nigro. (b)

a) *Bauhin. in pinac. l. 5. sect. 4. e. Fuchf. herb. e. 105. Codronch. e. 1. comm. de helieb.* b) *Eraſt. de medic. purg. facult. quæſt. 2.*

LXXX.

Ellebori albi succus sanguini venenum, carni non.

D. Ferdinandus, S. M. Imperator, de succo hellebori albi, (quem Hispani Balistariam herbam vocant) quo venatores Hispani sagittas inficiunt, & feras, maximè autem Cervos, interficiunt, hæc commemorabat. Ineunte æstate, inquit, succum ex totâ plantâ exprimi, eumque æstivis diebus in Sole preparari, atque in bovino cornu asservari. Cautionem autem summam, ab iis, qui uti volunt, adhiberi, ne odor, qui è cidoniis expirat, huic succum attingat. Subitò enim omni emuladendi vim amittere. (id quod referri non in aliud, quàm in formæ vim obscuram potest) Caterum si lingua degustetur, nulli noxium esse, sanguini verò communicatum, exitiosum. ... Cervos vulneratos primùm quasi obstupeſcere, & perturbari, ita ut viſus creptus illis esse videatur, circumire in gyrum, concidere deinde, & summum intra dimidiæ horz spacium extingui. Carnem innoxiam esse, ac tantùm eam partem, quæ vulnerata est, abjici. Eadem hæc Generosiſſ. Palatii Imperatorii præfectus, D. Adamus Dietrichſteinus commemoravit & confirmâ-

firmavit, atque addidit: Afello, cui ex oneribus ferendis dorsum attritum atque sauciatum fuerat, impositum Cervum, eo modo, ut dixi vulneratum & interfectum, sanguinem, qui ex vulnere manabat, Asini vulnus fortè attigisse, atque isto modo Asellum sic infectum, ut priusquam impositum Cervum domum perferret, in itinere mortuus concideret. Imperatorem Rudolphum II. Augustum, vulnerasse sagittâ cervi tenerum & lacteum cornu, eumque statim fugâ, tanquam nullum vulnus accepisset elapsum. Post aliquot horas, cùm ex venatione redirent, mortuum repertum. Lacteum enim humorem istum germanum esse sanguini, Hipocrates nos docuit.

Crato in epist. Scholtz. ad Pb. Jordan. epist. 139. edit. post. fol. msh. 242. l. Costau l. 2. de univ. stirp. nat. e. 15.

vide cent. 3. nostr. memor. part. 55. & 56.

LXXXI.

Singultus remedia.

In Convivio Platonis aderat conviva Aristophanes, qui corripitur singultu, ut ferè sit, cum nimis festinanter edimus: aderat & Bryxymachus Medicus, hic jubet Aristophani, ut spiritum contineat: quia inde, inquit, calor intro coactus augebitur, cujus beneficio vacuabitur materia singultus; hactamen viâ, non liberato Aristophane, suadet ut aquam frigidam ore contineat, descendit enim ad os ventriculi. Cum non quiesceret singultus, instituit postremò sternutationem, qua irritata, singultu levatus est Aristophanes. Est ergò remedium veterum contra singultum. Nam in sternutatione cerebrum, nervi, ventriculus vehementer concutiuntur, concusso

cusso cerebro & ore ventriculi, ubi est singultus, vacuatur plenitudo, causa singultus. Aliquando tamen nascitur frigefacto ore ventriculi, & tum non diffilatur materia. Itaque sternutamentum concussione suâ calefacit & rarefacit materiam, unde sedatur singultus. At singultus ab inanitione non sedatur iis viis.

Holler. Hæurn. & Viscer. in explæ. aph. 13. l. 6. Hippocr. Galen. ib. de diffie. spir. l. 3. l. 2. de caus. sympt. c. 6. Forest. l. 3. schol. ad obs. 15. l. 18. schol. ad obs. 12. Gent. 2. nostr. memor. part. 53.

Comune Muliercularum proverbium, singultientem furtivos devorasse cibos, nec omnino ratione caret, nec semper tamen verum est. *Hamburg. in app. disp. de sing.*

LXXXII.

Experimentum ad singultum.

Ad singultum, sunt quædam vulgaria, ut experimentum, quod probari vidimus, compresso utrinque ad latera medico digito dextro, rei tristis narratio, aut insolitæ timor, aliud videlicet seducta virtute animali, quæ respirationem facit. Anisum quoque peculiari ratione singultui medetur. Cuidam nullis remediis cedebat singultus, nisi vino Hippocratico albo: cui refrigeratum fuisse ventriculum par est.

Holler. schol. ad cap. 33. l. 1. de morb. intern. Idem, Perieche 8. ad lib. Galen. de comp. med. sec. loc.

LXXXIII.

Obstetricum erratum, in præligando umbilico infantum.

Compertum est, quibus infantibus à partu, ante inci-

incisionem, quemvis in vena umbilicali sanguinem violentè ingerunt & intrudunt Obstetrices, (ne scilicet esuriant, quasi fames istis sit metuenda, quibus natura os statim aperuit, gulam perviam fecit, appetitumque simul concessit, ita ut eum sæpè indiciis manifestis prodant: nec ventriculo officiū coquendi denegavit, naturā simul & facultatem & instrumentum dante: insuper etiam fidelem cibi administram voluerit esse matrem, cui statim à partu, nisi quod vitium est in angustis venarum, vel aliud, lacte replet mammas, aut si hoc deest, alius conveniens eibus suppetit) eos aut valetudinarios fieri, longoque & periculoso conflictari morbo, aut brevi mori. Scelus istud excusaturæ postea, ajunt Epilepsia interfectos esse, cum ab obitu, circa umbilicum, totāque illa parte inferiore, usque ad plantas venenato illo sanguine erubescant & interdū atro colore inficiantur, neque quicquam Epilepticarum convulsio-num in plurimis spectetur, quamquam hoc morbi genus ex malitia vaporum inde halantium exoriri, non est absurdum.

Libav. de truent. cadav. p. 345. & seqq.

LXXXIV.

An pulmo peculiarem vim movendi habeat? Negatur.

Pulmonis motum à thorace esse, experientia constat. Nam si thoracem penetrante vulnere percussus aer ingrediatur, immobilis pulmo manet, quia thoracis dilatationē sequi non potest, aëre se per vulnus in spatium inane insinuante. At integro thorace, ejus amplificationem sequitur pulmo, ob fugam vā-
FFF
cui.

cui. (a) Verùm (addimus) natura necessitatem motûs pulmonum agnoscens, ne confosso thorace, pulmonû dilatationem, quæ vacui fuga fit, penitus impediat, eos pleuræ adnecti voluit, ut sic pulmones necessariò thoracis dilatationem sequantur. (b) Et hoc ipsum Archangelus duplici experienciâ probat. 1. Vidi in viro, inquit, mihi familiari, qui è vitâ migravit, Pulmonem totum tenacissimè adhærescentem undique costis omnibus, & tamen in con nulla erat spirandi difficultas. Quare sic tenaciter adhærescentes, necesse erat eos duci & reduci à dilatatione & attritione thoracis. 2. Cuidam vulnus inflictum fuit in latus sinistrum, amplum & patens, per quod pulmo & facilè videbatur & facilè tangebatur, qui flaccidus factus & in sese concidens non movebatur ad motum thoracis, sed duntaxat tremere videbatur, & leviter palpitare: ob eam quidem causam, quod capacitas thoracis aëre externo per vulnus ingrediente implebatur. Quocirca cum non daretur vacuum, aëre per vulnus intromisso, pulmo thoracis motum non sequebatur; ex quibus constare debet, cum pulmones benè affecti sunt, nec costis implicati adhærescunt, moveri fugâ vacuî. Si enim flaccescentes & quasi corrugati persisterent pulmones, & thorax dilataretur: profectò inter pulmonem & dilatatum thoracem vacuum reperiretur: quòd natura summè abhorrens & fugiens, præscripsit, pulmones moveri, scilicet dilatari ad motum thoracis fugâ vacuî. Nam quando pulmones contrahuntur, non contrahuntur fugâ vacui, sed vel compressi à thorace coangustato, vel aëre è pulmonibus per expirationem exeunte, vel utroque modo.

a) Galen. l. 8. de plac. Barsolin. instit. anatomo. l. 2. c. 9. Knobloch. Dissut. anat. 8. quæst. 2. Preibis. somatol. diss. 6. theorema. 10. Zwing. Physiol. l. 2. c. 54. Varol. anat. l. 2. c. 3. Vesal. l. 6. c. 4. de hum. corp. fabricæ. Laurent. l. 3. anat. c. 12. & quæst. 20. hac habet: Nos cum Galeno, & Medicis omnibus Pulmonem nec propriâ & insiâ vi moveri volumus: ubi enim fibra & filamentorum robur? nec à facultate cordis pulsatis, quâ agitantur arteria: intermittit enim aliquando pulmonum motus, & nunc variior, nunc frequentior est, nunc tardior, nunc velocior, pro voluntatis arbitrio: nec à facultate animalis, quia musculi nulli adsunt, sed moveri existimamus pulmonem, motu accidentario, quia thoracis motum sequitur, ad vaeni fugam. Dissento enim thorace, impletur aëre pulmo, & amplificatur, contractio eodem, depletur & concidit. (b) Bauhin. l. 2. theat. botan. c. 26.

LXXXV.

Affirmatur.

Non credendum ad motum saltem thoracis moveri pulmones, sed propriâ vi eos moveri statuendum est. Licet enim Thorax non moveatur aut quiescat, quin Pulmo quoque moveatur & quiescat: tamen neutrum alteri principium motus est, sed idè saltem simul sunt, quia in unum finem conspirant & destinati sunt. Quàm primùm enim pulmo attrahendi aëris necessitatem percipit, mox vis ejus naturalis attractrix excitatur, & aërem attrahere conatur. Ut verò id commodè præstare possit, & locum inveniat, in quo dilatetur, facultas animalis simul, cum pulmo movetur, thoracem movet & attollit; postea, depresso pulmone, iterum thoracem comprimit. Neque so-

lùm simul fiunt, sed & proportionem quandam inter se servant. Distenditur enim pulmo, ut aëre repleatur: verùm tantum aëris attrahitur, & tantum dilatatur pulmo, quantum thorax dilatatus spacii relinquit. Et contra thorax, plus vel minus dilatatur, prout plus vel minus aëris attrahendum est. Sed non fit ejus dilatatio, quia thorax extenditur; verùm suâ virtute Pulmo dilatatur & impletur, tantum, quantum par est, ut vacuum evitetur. Unde videmus in vivorum animalium anatomiâ, non solum pectore vulnerato, omnino motum Pulmonum durare: sed per vulnus etiam extra thoracem, lobos pulmonum extendi, & quidem suo motu ita moveri. (a) Ego, ante sexennium, plus quàm ducentis spectantibus, Wittebergæ, Pulmonum motum accidentarium, (ob fugam vacui) falsum esse ostendi. Nam vulnerato vivo cane, per horæ quadrantem, maximo impetu pulmo moveri conspectus. Quocirca ob ingentem vim, pulmonem, veluti cor & arterias, moveri, est verisimilius. (b)

a) Sennert. institut. l. 1. c. 11. b) Jessen. anatom. p. 73. b.

LXXXVI.

Uterior affirmativa assertio.

Creditum est hætenus, magnum illud viscus, quod in inspiratione dum thorax distenditur, attollitur, aëreque undique impletur, thoracisque spacium opplet, iterumque expirando, pectore constricto in se subsidet, conciditque; aëremque follis alicujus instar per asperam arteriam, tanquam canalem efflat, non alia illius vi, sed saltem ad evitandam fugam vacui, ad motum thoracis voluntarium, qui musculis perficitur,

citur, se accommodare, pectoreque ampliato, ne vacuum relinquatur, spatium inane opplere, rursumque ab eodem thorace contracto, & angustato, comprimi, aëremque sic tanquam è folle exprimi. Verùm, cum multa sint argumenta, quæ validum & magnum hunc Pulmonum motum, etiam abinnatâ illi quâdam movendi potentia procedere ostendant, non immeritò, à vulgatâ & hætenus in scholis Medicis receptâ opinionem discedimus.

Primum, quòd in moderatâ respiratione, quæ frequentior est, veluti cum non loquimur aut sonum edimus, vel dormimus, thorax vix dum, vel saltem tantillum, ut ferè non appareat illius motus, moveatur; atque talis respiratio septi beneficio, ut plurimum perficiatur, pulmones tamen se dilatèt, rursumque concidant: ex quo apparet, thoracis cavitatem internam adeò amplam esse, ut etiam si thorax non vehementer in respiratione se dilaret, pulmones nihilominus spacium movendi obtineant. Nec enim ob septi solius levem motum hæc cavitas adeò ampliaretur, ut pulmo totus se tantopere dilatare cogeretur: neque etiam totum thoracem tunc impleret, sed tantum infimum thoracis spacium, quòd aliquotusque saltem vacuum ex septi motu fieret.

Dein & cum in Apoplecticis, motus voluntarius totius corporis penitus sublatus sit, uti & septi & thoracis, quomodo hisce imotis, pectoreq; ne minimum dilatato, pulmo nihilominus movebitur, cum nullum vacuum hîc, hisce non ampliatis occurrat; videamus tamen respirationem, eamque sæpè validam in Apoplecticis aliquandiu perseverare, pulmonesque adeò se movere, necessitate impulsos, ut & ad thoracem

aliquousque extrorsum, ut se dilater, non ex voluntate nostrâ, sed hac vi pulmonibus indita, impellant, cum alioquin ratione muscutorum, moveri minimè queat.

Sed & magnitudo & pondus hujus visceris, quo ferè non est majus in corpore, motusque quem obit vehemens, ostendunt, Pulmonem fugâ vacui solâ, nisi innata illi accederet vis, ad eò attolli & dilatari minimè posse.

Uti & Cor ipsum, etsi inania circa ipsum sint spacia, nullo modo ob fugam vacui, sed propriis viribus, sicuti & arteriæ, moveri constat.

Accedit & firmissima hæc demonstratio. Quòd etsi nullum in thoracis cavitate sit vacuum, tamen pulmo in respiratione nihilominus moveatur; sicuti vulnerato pectore, vulnereque patente longo tempore, videmus accidere, ut per illud aer subiens, spatium thoracis non sinat esse vacuum, & nihilominus Pulmo moveatur, quod minimè fieret, si ad fugam vacui moveretur, uti & follem pertusum non ampliùs aerem, cum dilatatur, attrahere observamus.

Licet autem ex voluntate nostra respirationem aliquandiu continere, vel eandem etiam concitatio-rem & frequentio-rem reddere, pulmonumque motum hoc thoracis motu, vel impedire, vel promoveri queamus, nec illud tamen eos ad fugam vacui moveri comprobatur, sed hoc tantum sequitur, liberiùs eos ampliato pectore moveri, eoque constricto rectiùs in se subsidere, magisque verisimile, cum respiratio, aerisq; in ea attractio ad eò sit necessaria, quæ pulm-ibus perficitur, pulmones primùm innata vi ad mo-
tum

um concitari, & voluntatem nostram monere & impellere, ut thoracem dilatemus, ut pulmorectius in magnis præsertim exsufflationibus se possit extendere, aeremque copiosius haurire. Obquam causam, etiam nil de ea cogitantes, vel etiam dormientes, pulmo ad motum sponte impulsus, nos ut thoracem dilatemus urget.

Sicuti & in alvi dejectionibus accidere observamus, primum naturalem intestinorum facultatem expultricem insurgere, & ad excrementorum propulsionem stimulum addere, eamque voluntatem nostram, ut suppetias ferat, excitare: quâ adjuvante, naturâque impellente, dejectio fit, similique ratione & urinz emissio, & fatus expulsio: mistusque sic ex utrisque motus obitur.

Ita ob necessitatem illam inspirandi aërem, pulmones motu proprio dilatatos, si magna fieri debeat inspiratio, ut thorax ex voluntate nostra illi cedat, voluntatem nostram sollicitare, rursusque in valida exsufflatione, thoracem ut pulmones validius illud agant, veluti follem manibus solemus, ita hic thoracem comprimere animadvertimus.

Nec, quod validius hic pulmonis & magnus sit motus, eum non posse motu proprio hoc efficere, sed fuga vacui, comprobare poterit, cum naturales aliqui motus, ut nutritioni & generationi inservientes, non apparenter & sensim fiant, sed & hoc etiam valide propriis viribus, motu naturali, nulla accedente fuga vacui, in cordis & arteriarum motibus fieri videmus, adeò interdum violenter in cordis palpitatione, ut costam inde disruptam, seu potius, ut nos putamus, luxatam testetur Fernelius. (a)

Imprimis etiam Pulmonis cum corde & arteriis connexus, vasorumque mutua communicatio, è quibus vena scilicet arteriosa, atque arteria venosa, pulmonum substantiam magnam ex parte constituunt, vim hanc illi à corde subministrari posse, ut motu etiam proprio moveri queat, demonstrare & comprobare videntur. Eoque magis, quod & fungosa pulmonum, apta ut dilatetur & subsideat, sit substantia.

Non negamus interim, voluntarium hunc thoracis motum, cum naturali pulmonum, in respiratione sic concordare, ut thorax se dilatando pulmonibusque cedendo, amplius spacium, quo se pulmones latius extendere, aëreque impleri valeant, efficiat; & dum concidit, pulmones comprimendo, ut majori impetu, follis instar pressi, aërem in valida expiratione exsufflent, adjuvet. Ut & quod pulmo thoracem aliquo modo possit impellere, ut si vel non opus sit thoracem univèrsum in levi respiratione moveri, nihilominus illi tantillum cedere possit, vel cum omnino motus ipsius, uti in Apoplexiâ, est abolitus, tunc Pulmonum motu tantum perseverante, thorax quoque ab illis impulsu, non nihil assurgat.

Magnum argumentum etiam hoc est, pulmones non fugâ vacui, sed spontè moveri, quod etsi portio illorum aliqua, interdum etiam major, adeò ut sæpè penitus ferè vel semi absumptus in Phtisicis deprehendatur, nihilominus moveatur, cum tamen tunc vacuum, quod thorace dilatato, in eo sequitur, adimplere minimè possit, quod tamen requiritur, si aliquid fugâ vacui sequi & in illius locum cedere debet. (b)

a) libr. 5. patholog. c. 12. b) Plater. in quæst. physiolog. quæst. 29.

LXXXVII.

Pulmo cur dilatetur.

Pulmo non dilatatur, quia repletur, (a) sed repletur, quia dilatatur. Si enim dilataretur ob repletionem, sicut vesica, quæ inflatur, aliunde aërem in pulmonem immiti, & quasi inflari necessum esset: sed repletur, quia dilatatur suapte naturâ; admodum follis scilicet. Id quod non solum in vivorum sectione apparet, ubi aperto & vulnerato thorace, neque ratione vacui, & ad motum thoracis solum, pulmo movetur; neque ipse thorax suâ dilatatione aërem, qui consequenter pulmones impleat & dilatet, attrahere potest; utpote qui vulneratus & apertus sit, & ratione vacui aërem attrahere non possit: verum & ex eo colligi potest, quod in quibusdam cerebri affectibus, in quibus motus thoracis aboletur, respiratio nihilominus superest, eaque sæpè tam levis, ut vix per plumamori admotam possit deprehendi.

Sennert. l. c.

LXXXVIII.

An Diaphragma sit causa Risus?

Plinius l. 11. c. 37. Aristoteles l. 7. de part. cap. 1. asseribunt, vulnere in bello circa præcordia risum accidisse præter naturam, sine dubio ob calorem Diaphragmatis excitatum à plaga sive vulnere. Est enim titillatio Aristoteli nihil aliud, quàm Risus, ex partibus, quæ subter alas sunt tractatione, qua perculsum cor

Fff 5

calo-

calorem ad vicinum diaphragma transfundit. Quamquam & in aliis corporis partibus titillatio accidit, ut in plantis pedum & aliis, unde tamen diaphragmatis concussio ita manifestè non fit, neque tam copiosa spirituum effusio, sed & antequam quidem tangantur, titillationis sensum sibi percipere videntur, quoniam Cor futuram molestiam propulsurum, spiritum & calorem ad vicinas partes emittit, ut titillatio oriatur. Minus autem facilè, si seipsum quis titillat, quia contrectatio ista, cum propria sit, sensum quodammodo effugit, & ad arbitrium quoque intermitti potest. Rius igitur, qui vulneratis illis accidit *κατὰ φύσιν* planè fuit, de quo etsi tanquam de comperto pronunciat Plinius, Aristoteles nihil certi affirmat, hoc solùm addens, quod magis *αἰσθητὸν* sibi id videatur, quàm quod à quibusdam traditum est, caput hominis de cervice præcisum locutum fuisse, quod fieri posse disertè negat. Ejusmodi risus præter naturam est Sardonius, ab herba Sardoà conciliatus, quâ vasculis nervi contrahuntur, & os variè deducitur, ut ridendum facie intereant. Alius verò est Risus *κατὰ φύσιν*, isque ex causâ externâ, vel internâ est. Ab externâ causâ est, qui ex titillatione fit diaphragma calefaciente, quando quis aliquem ex improvviso tangit; vel ab internâ causâ Risus est, qui gaudium comitatur, quando nimirum cogitatio vel memoria rei jucundæ cor ex voluptate perfundit. Unde Plato ait, quod Risus ex voluptate cordis oriatur, quæ voluptas cum *δυσπραγία* quædam aut calefactio sit Aristoteli, cor suaviter afficit, ut se dilatando spiritus & calorem copiosorem effundat, quo calefactum & titillatum quasi diaphragma

gma vibratur., simulque muscoli thoracis & faciei commoventur, ut diducto ore spiritus emittatur. Itaque.

Risus naturalis definitur, quòd sit vibratio Diaphragmatis & musculorum thoracis, atque oris facta, conferta & plena caloris & spiritus è corde & pulmonibus effusione, cum sono aut voce, ad significandum gaudium, quod ex re grata in corde existit. Nec tamen risus fit ex gaudio, alioqui is brutis quoq; inesset, sed ex gaudio cum admiratione quâdam, quam novitatis species parit conjuncta, quæ causa est, quod

fatui & pueri ad risum magis sunt proclives, quoniam iis ob rerum imperitiam omnia nova & insolita esse videntur. Risus autem qui per iram fit, oris tantùm affectus est, neque diaphragmatis, aut musculorum thoracis agitatione perficitur.

Knobloch. disp. 9. anatom. sub fin.

LXXXIX.

Admirabilis Patris ad Filium antipathia.

Pater quidam ita averfatus est filium ex conjuge legitimâ suum, ut aliqui solent feles, idque tùm à partu statim, tùm posteriore ætate etiam mutato temperamento qualitatum elementarium. Nam cum juberetur recens natum amplecti, abhorruit, nec postea tulit ejus præsentiam in eodem conclavi, absque lipothymia. Jam enim duodenarius, duodecim aliis similiter vestitus non admonito patre, cùm satis jam diu in convivio ministrassent reliqui, ipse interim tanquam qui prius

prius quoque mensæ astitisset, intravit. Sed dum conspectus à patre, ipseque etiam ignorans, quinam esset inter convivas, intulit ei pristinam affectionem, lipothymia cum angore sudoreque invadente. Itaq; iussus discedere filius, perpetuo postea divortio à Patre est sejunctus. Narrabat Jenz fide dignus Georgius Mylius Theologus.

Libav. l. 2. singul. p. 116.

XC.

*Uso radicis Angelicæ sylvestris, Epilepticus factus ;
folia Sinovia dicata.*

Puer 5. annorum, alioqui valdè agilis, cum jejunos esset, ac radicem Angelicæ sylvestris comedisset, ingenti dolore stomachi correptus, mox Epilepticus concidit corpore toto, ac manibus simul convulsis ad 5. horas: qui tandem difficulter à me curatus fuit. (a) Folia in vino decocta, si illud bibatur & admoveatur, admodum probatur in ulcere Gliedwasser red-dente. (b)

a) *Forest. l. 18. schol. ad observ. 23. b) Plater. de dol. p. 918. Sinovia unde deducta sic vox ignoro. Josquin. Dalbem. Ostofrancus qui Paracelsum latine reddidit 1. part. Chirurg. magnatrac. 2. c. 11. & Felix Wirtz. Chir. Basiliensis. part. 3. chir. c. 5. sub ea voce das Gliedwasser in-zelligunt. Fabric. epist. cent. 1. ep. 53.*

XCI.

Anisi vis in pueris. 2. diuretica.

Uso comperi, à seminis Anisi scrupulo crasse com-minuto, jam recens natos puerulos commodissime à viridi bile & fœdâ pituita purgari, (non aliter ac si se-nior

rior Rha-barbarum sumisset) cum pulvem saccharatam sumunt, primo cochleari inditur, ac illis exhibetur: clamorosos ventris dolores quoque & tussim sedat. (a) Comestum foetidam urinam reddit, propter humorum putridorum colliquationem. (b)

a) Heurn. *Method. ad prax.* l. 2. c. 26. *sub finem. comment. in aph.* 24. lib. 3. b) Zuvinger. l. 2. *physiol.* c. 50. p. 683. & 691.

XCII.

*Ex strictioribus, arctioribusq; infantulorum involu-
cris, gibbositas.*

In quibusdam regionibus & familiis moris est, ut infantulos statim à partu involvendo (nescio quibus de causis) fasciis arctè nimis stringant. Unde sæpius evenit, ut eorum corpora & artus gibbis, aliisque deformitatibus genuum ac tibiæ &c. protuberent. Quin autem ob strictiorem involutionem id accidat, non est, quod quisquam dubitet: siquidem ossa adhuc tenera, mollia & cartilaginosa facile retorquentur, extraque sedem naturalem reprimuntur, quæ deinceps paulatim excresecientia indurescunt, id quod ego in multis observavi. Nutrices quoque nonnunquam studio infantulorum decorandorum gratiâ (sicuti ipsæ quidem existimant) capita eorundem fasciis arctius constringere consueverunt, ut in longitudinem excrecant. Sed quemadmodum gibbus pulmonem opprimit, atque difficultatem anhelitus seu asthma parit: sic quoque cranio compresso & in longitudinem extenso, cerebrum & ejusque ventriculi simul comprimuntur. Unde spiritibus non satis præparatis, atque elaboratis, caput debilitatur, catarrhisque fit
ob-

obnoxium. Et si huiusmodi pueri adoleſcant, quod tamen rariùs accidit, ingenio ſunt tardiori, hebetiorique.

Fabrie. ſentur. 2 obſerv. 99. Sennert. l. 2. inſtit. part. 2. c. 13.

XCIII.

Odium inter Filicem & Arundinem unde?

Filici & Arundini illæ ſunt inimicitia, ut altera alterius copia circumſepta, veluti inimicâ manu oppreſſa intereat, quod experimentum probat. Si enim, ubi Filix veteri jam ſtabilique hoſpicio plures egerit annos, Arundo quoque ſeratur, ita ut Filicem ambiat; ubi profecerit, excreveritque Arundo, exareſcit Filix, id quod quidem adſcribi naturæ ſoli non poteſt, quando eodem in loco ille antea exultabat. Interior igitur huſus erit cauſa maleficii, eaque non alia, quàm peculiaris formarum facultas, invicem adverſa, cujuſdamq; veneni vices gerens. Sicque continua halituum ſuorum effuſione Arundo, quaſi regulus quidam Serpens, Filicem interimit. Sic è converſo Filix ſi Arundinem ita intercipiat ut illam numerosa ſobole exuperet, inimico ſuo halitu eam necat, atque adeò hæc privata ſuarum formarum vi in hunc ſeſe modum odio mutuo proſequuntur. Sed forſ, non aliud inter Filicem & Arundinem inimicitias parere putandum eſt, præter alimentum. Filix enim pinguiſſa ſponte amat loca; Arundo macris feliciter provenit, proptereaque ſi utraque pingui macrové conſtiterint loco, tabeſcere earum alteram oportet.

l. Coſtaliuſ de univerſ. ſiſt. nat. l. 1. c. 23. l. 2. c. 15. Diſſecor. l. 4. c. 165,

Ann-

* *Arundo contrita & imposita corpori filici stirpem extrahit, stem arundinem filicis radix. Plin. l. 6. 11.*

XCIV.

Vanitas de Filicis semine.

Falsum & commentitium haud dubiè est, quicquid Neoterici aliqui de Filicis semine fabulantur, quòd scilicet unâ Solstitiali nocte floreat, eademque horâ, cum defloruit, maturum in terram semen cadat: ideoque nisi quispiam tunc affuerit, nec videri florem, nec colligi semen posse, tùm quia incredibilia sunt, tùm quod omnes, Theophrastus scilicet, Galenus, Dioscorides, Plinius sterilem & sine semine dixerunt. (a) Neque etiam Medici, vel Arabes, vel Persæ ad magicas vanitates nati, seminis hujus meminerunt. Quapropter omnia hæc Agyrtarum comments esse videntur, humanæ ignorantie ad quæstum impudenter illudentium: quæ certè vel unâ hac ratione abundè satis confutari possunt, quòd cuncta illa fieri & observari, natali nocte D. Joannis Baptistæ præcipiunt, cum natalis ea nox & solstitialis illa 12. dierum numero nunc inter se distent. (b)

a) *Casalpin. negat. l. 16. c. 2.* b) *Fuchf. in histor. plant. c. 229.*

Filices mas, & femina, flore, semine & caulibus deficiunt, & veluti tristes merofolio contentæ sunt: neutra danda gravidis: nam abortum inferunt; si æteris, in totum steriles redduntur: earum virus Natura stoleritate addidisse putatur, Theophrasti auctoritate l. 9. hist. 20. Plin. l. 27. c. 9. immò quæ eas supergradiuntur, abortiuntur, Porta l. 6. Phytogn. c. 1.

XCV.

XCV.

Plumbum liquatum ut manu tractetur.

Hybisci radices, Portulacæque ac Mercurialis succus, cur manus ad liquatum plumbum impune tractandum muniant, quis intelligit? Et suspicari quidem licet, hæc tùm suâ frigiditate hebetem sentiendi vim reddere; tùm lentore, quo manum veluti tunicâ quâdam vestiunt, ignis ardere injuriam: tùm etiam ob inductam manui lenitatem fusum metallum facilius delabi, minusque hærere, quàm, ut subire in manum calor valeat, ex quâ causâ Philosophus eos calidæ perfusionem aquæ minùs sentire ait, qui peruncti sunt oleo. Cæterùm quando hos effectus Solanum superioribus frigidius, glutinosiusque non præstat, habere superiorem causam videntur, & non temerè referri in formam.

Costaus de univ. stirp. nat. l. 1. cap. 25. l. 2. cap. 24.

XCVI.

Elephantus, ejus genera, nomina & qualitates.

Elephantus terrestrium omnium maxima bellua; sed non maximè bruta. Sensu enim intellectiois, cùm per se, tùm ad disciplinam maximè viget. Lunam salutare, postquàm aspersu aquæ sese purificàrit, quod inter narrationes Græcas referendum censeo: addunt & solem exorientem certis gestibus adorare. (a) Barrum Afri vocant. Latini, quia primi, ab ipsis, in Lucanis, Pyrrhi Regis bello visi Lucas Boves appellârunt. Eorum Indi maximi qui Prassii dicuntur, novenùm cubitùm altitudine, quinquùm latitudine, pro-

proximi qui Taxilæ vocantur: sunt præterea Africani: deinde Arabes minimi, quos nothos vocant. Indorum Taprobanici præstantiores sunt, quàm qui in Continentioriuntur. Durissimum tergum, rarissimus pilus contigit: etiam in cauda non multùm frequens, quam suillæ specie gerit: cutis cancellata. Promuscide pro manu utitur, quam etiam in eo manum vocant: oculis pro corporis ratione parvis: auriculis demissis: dentibus duobus, ut Apris exertis maximis: ob quos ajunt se peti scire: quare visis venatoribus primos constituunt, quibus minimi sunt dentes, ut minuant existimationis spem: tandem circumventi frangunt ad arborem, ut sese redimant prædâ: horum situm Aprorum dissimilem quidam ajunt, cùm horum sursum, eorum verò deorsum spectent: quod falsum est: quamquam fœminas tales gestare dicat Aristoteles. Olim summo in precio Ebur: nunc summa vilitas. Expeditur rarò ulli operi, præterquam pectinum. Dentium usum atque officia eos partiri ajunt. Altero radices fodiunt: alterius mucroni parant ob pugnandum: eorum candore juvenia dignoscitur: pedes habent priores posterioribus majores, quibus digiti quinque informes & indivisi insunt. Nigro sunt colore, candidum unum legimus in monumentis literarum. Eumque pro altore suo ita pugnasse, ut fugatis insectatoribus, partim etiam occisis, levatum terra in stabula detulerit: in Æthiopia infima ajunt Elephantos esse maximos, eosq; omnes albos. Illud non minus miraculum, aut mendacium: non transire maria, nisi promisso reditu, etiam jurejurando. At docilitatis esse miræ, ac jussa facere certum est. Saltare ad tibiam & tym-

panum: (a) at noctu meditari præcepta, quæ interdum dictata sunt, nescio cui, aut quomodo id cognitum esse possit: nosse autem sua nomina, cum canibus id commune habent. Maxima sunt memoria, agnitumque in senecta ab eo eum, qui in juvenia rector fuisset, constat. Item accipere stipem à populo, & Rectori porrigere: unum etiam finxisse iram, atque arrepto puero, elatoque in altum non amisisse, metu per jocum hætenus facto. Ivisse verò per epulantium triclinia sine nocumento, mihi incredibile sit: neque si vellet, tanta moles posset: ut taceam eos per funes incessisse à Plinio (b) scriptum: quæ enim contentio, aut qui demum funis tam bello funambulo satis esse videatur? ut & perfidus sit aucto mendacio. Aversos quoque subire funes, atque etiam regredi, victum victoris vocem fugere credibile est: sic facit Gallinæus & Canis. Terram & Verbenas porrigere qui credit, etiam Elephantum homini præferat. Oderunt adulteria, quàm qui maximè, ut ea etiam nonnunquam detexerint: ferunt quoque, eos adulteros deprehensos transfixisse: alii addunt transfixis illis veste stragulâ turpitudinem contexisse: advenientique alteri suo relicto operimento uxorem moecham, atque adulterum ostendisse. (d) Cùm amnestrant, vitulos tenellos, natandi invalidos, dentium eminentiâ sublatis, ad frontem ferunt. Quod officium miror quare Matribus attribuerint, cùm fæminis dicantur ab Aristotele, ut à nobis relatum est, dentes non sursum, sed deorsum spectare, superiori de maxilla demissos. Algoris impatientes sunt: aquas amant, (sed profundiores (e) horrent) atque earum frequen-

quentes accolæ. Negat Aristoteles, præ ponderis vastitate natare posse, sed vadare extante extrema promiscidis orâ, per quam spiritum recipiant. Sed hoc falsum est. Nam Balæna longè vastior, tamen natat. At Balæna natatus à naturâ datus: nam quid in mari ageret. Elephanto autem inutilis, nisi aliquando ad transfretandos amnes. Satis habet si aliquantulum nandi facultatis habeat pro necessitate. Qui verò scripsere, in digitos pedes divisos esse, vetum prodidit: at cum reddunt sic: ex quo fit, eos minime habiles ad natandum: digni non sunt, qui refellantur. (f)

a) Joach. Camerar. centur 2. emb. ex quatuor. embli.
 1. b) Plutarch. περὶ τοῦ χιτῆ. c) l. 8. c. 2. & 111. Seneca, epist. 86. Sueton. in Neron. d) Alian. l. 10. c. 15. libr. 8 c. 17. e) Lipsius l. 1. epist. 50. f) Scalig. comment. in Aristot. histor. de anim. l. 1. text. 94. l. 2. text. 133. l. 9. text. 495.

XCVII.

Elephantos venandi multiplex ratio.

Venandi multiplex ratio, alii cicuribus insidentes feros insequuntur: pugna commissa defatigatos condescendunt ac regunt: alii excelsa arbore occulti, in prætereuntis dorsum extremum defiliunt: apprehensa; caudâ quàm celerrimè possunt poplites succidunt: aliquando eliduntur belluæ ruinâ: alii in convallem manu factam, longâ fugâ agitados impellunt, ibique conclusos domant: alii arcubus humi fixis ingentibus, multâ operâ contentis, jacula procul dirigunt: vulneratum sanguine observato tandem adipiscuntur. Mirum quod addunt, cum in foveam u-

nus delatus sit, ab aliis aggerem in cavum ingeri, ut sternatur iter exituro. Argumentum amissæ feritatis, ramus à domitore pacatè acceptus. Quamdiu rectore insidentur, parent omnes. At ille ubi desiluerit, non omnes servant mansuetudinem. Itaque cætenis vinciuntur, præsertim pedes primores, verberibusque aliorum Elephantorum castigantur. Turriculas ipsis imponunt, in quibus duo cum minimum propugnatores: tertius regit belluam, voceque jubet quid agendum ei sit: ad xv. armatos etiam ajunt aliquando visos gerere: mollius incedit juveneus Elephas: adultis fluctuat dorsum: genua flectit sessorem accepturus dorso: neque loro aut freno regitur, sed jussu tantum. Alii foveis instratis frondibus incautos excipiunt: fameque domitant: hordei succo faciliè mitescunt. Neque verò semper eos fallunt foveæ: sed animadversis illis, tum vitant, tum circumacto itinere directò in venatores impetum faciunt: visa est foemina Elephas, cum soboles in foveam incidisset, sese in eandem dedisse præcipitem. Cæteri profligati conferto agmine abeunt: mutilis inutilibusque in medium receptis pro eis pugnant. Hausta hirundine vehementer cruciantur hærente peste visceribus. Ignem quoque magnopere exhorre perhibentur: itaque eos incensis silvis circumventos capi. Mares tamen alii animosiores, alii faminas dixerunt, atque oneribus portandis firmiores: tanta est inconstantia mendaciorum. Alia venandi ratio foeminas, ad quarum auditus cum irruant mares, per pontem eo consilio factum ingrediuntur. Tum venatores pontem demoliuntur: illi cadunt: domant circumsectâ collicute, &c.

Seal. comment. in Arist. hist. de animal. l. 2. c. 18. text.
133. Sebast. Münst. cosmograph fol. m. 805.

XCVIII.

Elephantes se mutuo intelligunt: aliquando loquuntur: scribunt.

Vulgaris opinio est, in provincia Malabar Elephantos se mutuo intelligere. Loquutum autem aliquando in Urbe Cochin (quæ illius provinciæ nobilis civitas est) publico testimonio constat hoc modo.

Elephas quidam in littore maris urbi vicino laborare solitus, jamque laboribus fessus, domum redire properabat, ut quiesceret: Præfectus verò illius urbis orabat illum, ut in labore pergeret, atque liburnicam, quam jam commovere inceperat, in mare traduceret: renuentem Elephantum Præfectus denuò compellere, blandisque verbis demulcere cœpit, id in suam gratiam faceret, ita enim decere, quandoquidem in servitium esset Christianissimi Regis Lusitaniæ. Hic Elephas motus, clarè hæc duo verba ingeminat, Hoo, Hoo, quod Malabarum lingua est, volo, volo, ac sine morâ navim traxit in mare.

Elephanti cuidam ad horam cibus non oblatus; Queritur & barrit. Magister excusat, & vas æneum ejus cibarium ostendit perfluens & pertusum, causam hanc moræ esse, quod cibi non ultra tenax, jubet igitur, si esse velit, ad fabrum ferrarium ferat reconeinnandum. Ille paret, promuscide aufert, fabro offert. Cacabarius negligentius reparat. Elephas refert. Herus vitium videt & indignatur, inclamat illum absentem, hunc præsentem, denique redire jubet,

bet, cum illo ipso vase. Facit, & fabro querulus impingit. Ille homo suavis iterum imponere conatur, & admoto malleo claudere rimam simulat, non claudit. Nectamen imponit. Nam ille cautus lebertem resumptum ad flumen defert, immergit & aqua implet periculi faciendi causa. Videt effluere. Plenus igitur irarum ad fabrum recurrit, intonat magna voce, confluunt vicini & inter eos Vicarius Regis. Faber blandis verbis demulcet belluam: vas denique sumit & refingit probè atque ex fide. Sed ille ne tùm quidem fidit, iterum ad flumen & ad haustum, dum contineri aquam videt, vertit se ad stantes, ostendit, velut testes eos advocans in hoc factum, ita demum abiit domum, (a)

Grandia hæc, grandia: tamen de illis artibus quid dices, quæ non nisi propriæ videntur humanæ mentis? legere aut scribere, quis ab homine sejunget? ego: nisi si elephas inter eos. Nam is quoque scribit. Plinius è Muciano clarè adfirmat, quendam Græcas litteras pingere didicisse, eaque linguâ scripsisse. IPSE EGO HÆC SCRIPSI ET SPOLIA CÆLTICA DICAVI. Et Philostratus: Scribunt igitur. Quod si hos duos testes elevas, Æliano quid facies. (b) qui oculis suis id spectâsse, panè per oculos suos jurat? Vidi, inquit, ego ipse, quendam in tabula litteras Romanas promuscide scripsisse, ἀσκαβὼς καὶ ἀργεῖπτος (rectè & non contortè) Quin etiam cum scriberet, oculi ejus cum rigore dejecti in tabulam erant: ut planè intentos dicerès & scriptitantes. (c)

a) Christoph. Acoſta de Aromas. p. 22, b) l. 2. c. 11. c) Lipsius l. 1. ep. 50.

XCIX.

Elephantibeneficiorum memores, gloria avidi, vindicta cupidi.

Naturâ gratus est Elephante, beneficiorumque memor, nec cuiquam nocet, nisi injuriâ affectus, aut dum certo morbo corripitur, quo veluti in furias agitur, quod singulis annis fieri solet: tùm enim nemini parcent Elephanti, sed obvium quemque proterunt.

Accidit in Urbe Goâ, in qua legati Regis Lusitanix, qui Regiam potestatem obtineant, degere solent, ut unus ex Elephantis, qui istic ad Regis servitia aluntur, hujusmodi morbo correptus, vincula & catenas (nam solent ferreis catenis constringi & loco quodam concludi, donec morbo liberentur) disrumperet & per urbem vageretur: fugientibus verò omnibus, mancipium quoddam in ulnis filiolum gestans in platea obviam habuit, quod conspecto Elephantum exterritum ad suas ædes celeri cursu confugit, quas ut aperiret, filiolum humi ante januam exponit, moxque ædes ingressum januam occludit, præ metu filioli oblitum: Elephas puerum conspiciens, promuscide leniter sublevans, in proximum humile tectum, quod è regione istarum ædium erat, collocat, atque aspicit, an puer istic sine damno consistere queat, deinde furibundus ulterius progreditur: beneficii memorem, tametsi furens, sese ostendit hic Elephas, qui puerum non necavit, sed agnoverit filium ejus mulieris esse, quæ eas ædes inhabitabat, quæque illi & aliis domesticis Elephantis, quotiescunq; istac transirent, panem aut fructus dare solita erat: nam

hujusmodi cibos & alia edulia, ante suas ades venalia exponebat.

In ejusdem Urbis foro vagabatur hujusmodi furis correptus Elephas: vir quidam æger effugere cupiens pronus cadit, Elephas minimè ei nocens promuscide comprehendit, & in scamno quodam deponit. Ajebat hic vir, eodem loco, illi ipsi Elephantto, antequam in morbum incideret, magnum quendam fructum, Jaca Incolis appellatum, sua manu præbuisse. Gloriæ avidi sunt Elephantti, cujus causa interdum mira facinora præstare conspiciuntur. Nonne in littore urbi Goa vicino quidam crepuit medius, dum solus magnum æneum tormentum bellicum sublevare cupit? quoniam ipsius rector gravibus verbis objurgasset & contumelia affecisset, ostendens illi duos juniores Elephantos adventantes illius ænei tormenti tollendi gratiâ? Uti beneficiorum sunt memores & gloriæ avidi, non minùs vindictæ cupidioresprehenduntur.

Miles quidam Cocci sive nucis Indicæ putamine domesticum Elephantum petiit, eumque in fronte atigit: Elephas putamen colligit, & cum eo tempore injuriam ulcisci minimè posset, in os recondit, donec elapsis aliquot diebus militem in platea quadam deambulantem conspiceret, tùm demùm promuscide nucis putamen ore eximit, atque militi vicinior factus, in ipsum conjicit, deinde abit, veluti lætus, quòd injuriam sibi illatam ultus esset.

Alius quidam miles, in eadem Urbe Elephantto suum rectorem injuriâ affecisse visus est, quod ei in via minimè cedere voluisset: eam injuriam ulcisci cupientem rector vetuit. Post aliquot dies ministeria

quæ-

quædam in littore Mangate fluminis (quod Urbem Colchim alluit) absente suo rectore obiens, militem cum aliis quibusdam sermones conferentem conspiciit, promiscide eum corripit; nec eorum qui ipsum rogabant, ut militem dimitteret, voces moratus, aliquoties flumine merfit, subinde eum in altum sublevans & aquam qua madebat defluere sinens: deinde cum injuriâ suo rectori illatam probè ultus sibi visus esset, militem quo comprehenderat loco, denuò in pedes sistit.

Acrost. l. e.

C.

Cur Elephas, quò magis est oneratus, eò firmitus incedat, & murem fugiat?

Narratur hoc à nonnullis scriptoribus, eò firmitus incedere Elephantos, quò majore onere sunt oppressi. Ratio autè videtur allegari posse ea, quod (cù teste Alberto sit animal adeò robustum, ut etiam 12. in tergo viros, vel ut aliis placet, 30. cum victu, armis & instrumentis bellicis portare queat) ubi leve gestat onus, id ob corporis robur & oneris levitatem non sentiat, & idcirco etiam segnius quasi incedat, contra verò, quod suas, ubi majori aliquo est gravatus pondere, robori suo conveniente, vires omnes exerrat & ingrediatur firmitus, non secus, ac videmus viros strenuos & fortes eò magis suam exerere virtutem, quantò plures eum circumstant res adversæ. Quod verò Elephantum maximè mures fugiant, constanter asseverari legimus ab Elephantorum curatoribus. Causam autem crediderim in eo sitam esse, quod mus sit fatidi mucidique odoris;

Ggg 5

dum

dum nempe in parietum foraminibus & aliis terræ cavernis delitescit, nec liberè ipsi super terram vivere licet: contra verò Elephas animal sit exquisitissimi odoris, quod nullum possit ferre foetorem, sed maximè delectetur fragrantia: unde Elephas meritò, ceu animal, exquisitissimà odorandi vi præditum, gaudensque fragrantia, à mure tanquam fætidissimo & mucido animali ita abhorret, ut etiam pabulum à mure tactum fastidiat. Cæterùm de emunctis Elephantorum naribus & exquisito olfactu mira scribit Ælianus. Tùm sagacissimè, ait, odorantur, tùm acerrimis sensibus existunt, tùm verò ex his partim subsequentes ordinatim eunt, atque horum primus narium sagacitate, herbam ante pedes suos positam sentiens, humanis pedibus esse transitum, evellit eam, & dat ei, qui à tergo proximus est, is rursus alteri, qui post eum stat, ac deinde per omnium quasi manus sagaciter contrectatur, quoad illum ipsum, qui extremum agmen ducit perventum fuerit, is simul ac olfecerit, barritum edens, quasi signum ad fugam dat. Nec sanè absurdum hoc potest videri ei, qui considerat naturam Elephantò promuscidem prælongam dedisse, quæ foramina habeat angusta, ita ut spiritus odoriferus diu in ipsis hæreat, nec faciliè dissipetur, quemadmodum in reliquis contingit animalibus, quibus nasus brevior, & nares existunt breviores.

Reskerm. curs. phil. disp. 18. probl. 3. & 4.

CEN.

Finis Partis Primæ.

AO1 1468396



ADJ 1468396

Digitized by Google

10

